





145

من کتب احمد عزی

(طريقته محمدية ترجمه سى تكمله نك فهرسى)

۲ مقدمة الكتاب	۵۰ فضيلت علم مندوب
۳ اعتصام بالكتاب	۵۴ بيان تصحيح نيت
۴ مطلب العمل بالسنة	۵۵ فضيلت عبادت متعدية
۶ انواع بدعت حسنة	۵۷ بيان فضيلت علم حال
۸ مطلب بدعت واجبه	۶۵ بيان خارق عادت
۸ بدعت سبئة مردوده	۶۶ بيان تقوى وفضيلت تقوى
۱۰ مذهب قدرية وجبرية	۷۰ بيان شروط ولايت
۱۲ بدعت في العبادة	۷۰ مأمورية اولان تقوى
۱۳ سنت زائدة	۷۲ تقوانك جارى اولديغى اعضا
۱۳ بعض مصوفة نك كلام باطل	۷۲ بيان منكرات وجودى
۱۶ معنای صوفيلق	۷۳ منكرات قلب وتحصيل
۱۸ حكاية بشرحافى قدس سره	خلق حسن
۱۹ المطلب الاقصى من العمل	۷۴ بيان اخلاقك منشأى
۲۳ بيان انواع كسب	۷۷ ذم اخلاق سبئة
۲۷ شريعتده امور مهمه	۷۹ بيان انواع كفر
۲۸ اعتقاد اهل السنة والجماعة	۸۰ بيان انواع جهل
۲۹ رؤية الحق جل وعلا	۸۱ كفر انكارى وعنادى
۳۰ اجل قضا واجل معلق	۸۲ آفات حب الر يامت
۳۳ ايمان واسلام برادر	۸۵ آفات خوف ذم وحب مدح
۳۳ اعتقاد قطعى لازمدر	۸۷ بيان كفر حكمى
۳۴ صحت ايمان المقلد	۸۸ آفات اعتقاد بدعت
۳۸ مذاهب فرق ضاله	۹۰ آفات التقليد في الاعتقاد
۳۹ تنبيه سالك آخرت	۹۲ ريانك بمثلرى
۴۱ مقصود اولان علم نافع	۹۳ ريانه ايله حاصل اولور
۴۲ علوم منهيه	۹۹ بيان غبطة
۴۴ علم نجومدن منهيه اولانى	۱۰۱ آفات طول امل
۴۵ علم مندوب	۱۰۴ سبب طول امل

۱۰۵ ذم طول امل	۱۶۸ آفات هجر وعداوت
۱۰۶ آفات طمع	۱۷۰ اسباب كين وغضب
۱۰۶ ربا ايله اخلاصك اختلاطى	۱۷۲ غضبى يوتمايك فائده سى
۱۰۷ منشأ الخواطر	۱۷۳ غضبك علاج عابسى
۱۱۱ بيان حيل شيطان	۱۷۶ آفات غدر وخيانت
۱۱۶ حكاية طوطى	۱۷۸ علامت متافق
۱۲۱ بيان علاج ربا	۱۸۲ بيان اختلاف امرجه بشرية
۱۲۴ اختلاف المشايخ في ترجيح	۱۸۳ بيان مقام حلم وفائده سى
الخوف والرجا	۱۸۵ بيان آفات سوء الظن
۱۲۴ بيان آفات كبر	۱۸۷ بيان فوائد حسن الظن
۱۲۵ بيان آفات تدلل	۱۸۹ بيان آفات تطير
۱۲۹ بيان اسباب كبر	۸۹۳ بيان بخل
۱۳۹ علامت كبر وتكبر	۱۹۴ بيان آفات اسراف
۱۴۰ اقسام ميل قلب	۲۰۱ بيان آفات بخل
۱۴۲ تواضع وانك تحصيلي	۲۰۲ آفات حب مال وسببه
۱۴۳ نصيحت امام شافعى	۲۰۴ آفات حب دنيا وغائله سى
رجه الله تعالى	۲۰۶ آفات حرص
۱۴۴ بيان آفات عجب	۲۰۷ بيان مدح فقر
۱۴۵ حكايت لطيفة	۲۱۱ بيان آفات اسراف وربا
۱۴۶ بيان علاج عجب	۲۱۳ مال حق تعالىنك نعمتى
۱۴۹ بيان آفات حسد	ايد وكى
۱۵۱ بيان غيرت مقبولة	۲۱۵ مال ايجون ايكى جهت واردر
۱۵۳ بيان غوائل حسد	۲۲۳ صدقه ده اسراف اولورمى
۱۵۵ بيان علاج حسد	ويا اولمازى
۱۶۱ نصيحة شيخ شعراوى	۲۲۷ بيان علاج اسراف
قدس سره	۲۲۸ آفات بطالت وشاشقنلق
۱۶۵ بيان آفات حقد	۲۳۰ آفات عجله في الامور
۱۶۶ بيان آفات شماتت	۲۳۲ عبادتى تأخير ايمتك آفانى

۲۳۳ آفات غلظة القلب
 ۲۳۳ آفات وقاحت یعنی ادب سزاک
 ۲۳۴ آفات شکوی و فزع
 ۲۳۶ آفات کفران نعمت
 ۲۳۷ بیان فضیلت شکر
 ۲۳۹ بیان آفات غضب
 ۲۴۰ بیان قضایه رضا
 ۲۴۱ حکایت اعرابی
 ۲۴۲ آفات تعلیق الی غیر الحق
 ۲۴۳ بیان توکل و اقسامه
 ۲۴۴ بیان آفات حب فسقه
 ۲۴۵ طریق حقه دعوتک شروطی
 ۲۴۶ نصیحت امرای و اهل مناصب
 ۲۴۷ آفات بغض علما و صلحا
 ۲۴۸ بیان وصول الی الله تعالی
 ۲۴۹ بیان قاعده محبت
 ۲۵۰ آفات جرئت علی الله تعالی
 ۲۵۰ معنای عبودیت
 ۲۵۱ خوف و خشیت مشایخ عظام
 ۲۵۲ آفات قطع امید
 ۲۵۵ بیان خوف ورجا
 ۲۵۶ آفات الحزن لامر الدنیا
 ۳۵۷ آفات الخوف لامر الدنیا
 ۲۶۲ آفات غل و غشش
 ۲۶۴ ظلم ایکی نوعدر
 ۲۶۶ بیان آفات فتنه
 ۲۶۷ بیان آداب الواعظین
 ۲۶۸ مطالعه سندن حذر
 لازم اولان کما بلر
 ۲۷۲ آفات مداهنه
 ۲۷۵ آفات انسبت مع الناس
 ۲۷۷ بیان آفات خفت
 ۲۷۸ آفات عناد و او کتمک و نفاق
 و تمرد و شیطان عقل اولق
 ۲۷۹ بیان علوم مشایخ کرام
 ۲۸۱ آفات بلادت و غباوت
 ۲۸۲ آفات حرص جماع و طعام
 ۲۸۳ آفات اصرار علی المعاصی
 ۲۸۵ بیان شرائط توبه
 ۲۸۹ بیان محاسبه عبد نائب
 ۲۹۳ وصیت المیت و فضیلتها
 ۲۹۵ بحث مهم جدا
 ۲۹۸ فضیلت ادب
 ۲۹۹ فضیلت استقامت
 ۳۰۱ فضیلت فراست
 ۳۰۲ قیافت نامه شیخ شعراوی
 ۳۰۴ فضیلت تفکر و صدق
 و مرابطه
 ۳۰۵ بیان مراتب اولیاء کرام
 ۳۰۷ تنبیه سلوکدن مراد
 ۳۰۸ بیان آفات لسان
 ۳۱۰ انواع آفات لسان
 ۳۱۰ آفات کلمه کفر
 ۳۱۱ بیان الفاظ کفر
 ۳۱۵ بیان آفات کذب
 ۳۱۶ بیان توبه بهتان

۳۲۰ آفات تعریض
 ۳۲۲ آفات غیبت
 ۳۲۵ اقسام غیبت
 ۳۲۸ قعوجیلمک آفاتی
 ۳۳۳ آفات مسخر لغدالمق
 ۳۳۴ آفات لعنت ایتمک
 ۳۳۶ آفات شتم و دشنام
 ۳۳۸ آفات فحشیات کلام
 ۳۳۹ آفات طعن و تعیب
 ۳۳۹ میده صاغوصاغق
 ۳۴۰ آفات مرء و مجادله
 و خصوصت
 ۳۴۱ آفات تغنی اهل هواء
 ۳۴۴ شرائط جواز سماع
 ۳۴۵ آفات افشاء سر
 ۳۴۷ آفات خوض باطل
 ۳۴۸ آفات جر و سؤال مال
 ۳۵۰ آفات السؤال عن ذاته تعالی
 و صفاته
 ۳۵۱ بیان تحقیق قضا و قدر
 ۳۵۴ نفاق قولی و علامت منافق
 ۳۵۵ آفات ایکی یوز اولک
 ۳۵۵ آفات شفاعت سبئه
 ۳۵۷ آفات امر بالمعکر
 ۳۶۱ عنفله کلام سو یلمنک آفاتی
 ۳۶۳ آفات تفتیش عیوب الناس
 ۳۶۶ اذان او قنور کن و نمازده
 سوز سو یلمنک آفاتی
 ۳۶۹ مسجد ده کلام سو یلمنک
 و فبالقب قومنک و یلان یره
 یمین ایتمک آفاتی
 ۳۷۰ آفت کثرت یمین
 ۳۷۱ بکک و قاضیلک اسمنک
 آفاتی
 ۳۷۷ آفات طلب تولیت
 ۳۷۸ آفات کشی کندی نفسنه
 بد دعا ایتمک
 ۳۸۰ آفات رد قبول عذر المؤمن
 ۳۸۱ آفات تفسیر بالرای
 ۳۸۲ مؤمنی قورفتنک و کلامنی
 قطع ایتمک آفاتی
 ۳۸۴ آفات ردالتابع کلام
 المتبوع
 ۳۸۵ آفات کثرت سؤال
 ۳۸۶ نازه اجنبیه خاتون ایله
 سو یلمنک آفاتی
 ۳۸۷ معصیت اولان محله یول
 ک و سترمک و اذن
 و یرمنک آفاتی
 ۳۸۸ آفات لطیفه و مزاح
 ۳۹۳ بیان جواز شروط مدح
 ۴۰۲ بیان آفات فضول کلام
 ۴۰۲ بیان انتظام معاش
 ۴۰۳ بیان وعظ و تلاوت قرآن
 و دعا
 ۴۰۸ بیان لزوم الصمت

٤١٠ بيان آفات اذن
 ٤١٢ بيان تفصيل احكام سماع
 ٤١٤ بيان آفات العين
 ٤١٩ حكايت عجيبه
 ٤١٩ بيان اعظم آفات العين
 ٤٢٣ بيان حسن معاشرت مع
 الازواج
 ٤٢٤ بيان آفات اليد تفصيلا
 ٤٣٤ بيان آفات البطن تفصيلا
 ٤٤٣ بيان اكل السنة من
 الطعام
 ٤٤٨ آفات بطنك معاصي
 عدمبسي
 ٤٥٠ بيان آفات الفرج
 ٤٥٥ بيان اداب الجماع
 ٤٥٥ بيان آفات الرجل
 ٤٦٠ جميع اعضايه شمولى اولان
 افاتك يسانى
 ٤٦١ آفات بدندندر بر كيمسه قتنده
 ادب يرين اچق
 ٤٦٣ لباسده ايكي شهرتدن
 احتراز ايتمك
 ٤٦٤ اجنبية خاتونك بدنده
 ياشمئلك آفاتى
 ٤٦٧ اتايه وانايه عاق اولمك آفاتى
 ٤٧٣ خاتونلرك ارلرينه اذا وجفا
 ايتلرينك آفاتى
 ٤٧٧ بيان تربية اولاد

٤٧٩ دعاء عقيقه قربانى
 ٤٨٢ اوغلىنچقلمره چوق ضرب
 ايتمك ضررى
 ٤٨٤ بيان تربية دختر
 ٤٨٦ تربية جوارى وعبيد
 ٤٨٧ بيان حق الجار
 ٤٨٨ آفات سوء جلبس
 ٤٨٩ احق كيمسه ايله مصاحبك
 ضررى
 ٤٩٠ دوست واحباب صادق
 كيمدر
 ٤٩٢ عمومى آفات بدن
 ٤٩٤ آفات بدندندر سلام الوركن
 اكلمك
 ٤٩٤ سحر ايتمك آفاتى
 ٤٩٦ كشي بيغن كسمامك آفاتى
 ٤٩٧ عورت محرمسى سفره
 كتمك آفاتى
 ٤٩٩ آفات بدندندر نمازده تعديل
 اركانى ترك ايتمك
 ٥٠٠ آفات مارد ايله اتجه ويرمك
 ٥٠٣ آفات بدندندر بيتنده چنكى
 طوتمق
 ٥٠٤ عانه وطرئق وقولتق وبيق
 قرقغى ترك ايتمك آفاتى
 ٥٠٧ اوچنجى باب تقوايه مشابهي
 اولوب تقوادن عداولتميان
 شى پساننده در

٥٠٧ طهارتده مبالغه ايله دقت
 ايتمك آفاتى
 ٥١٠ فى اخر الزمان تصير
 البدعة سنة
 ٥١١ ائمة حنفيهدن وارد اولان
 اقوال
 ٥١٥ ذم وسوسه
 ٥١٦ بيان علاج وسوسه
 ٥١٧ طهارت ونجاستده اولان
 اختلاف
 ٥٢١ وقفدن وييت المالدن
 وظيفه يملك
 ٥٢٦ خاتمة الكتاب فى الوصايا
 فى ان الدنيا فانية وان كل من
 عليها فان وان الدار الاخرة
 هى دار القرار

(در بیان طبع و خلق و صفات و احوال)

۱۰۰	بسم الله الرحمن الرحیم	۱۰۰	بسم الله الرحمن الرحیم
۱۰۱	الحمد لله رب العالمین	۱۰۱	الحمد لله رب العالمین
۱۰۲	والصلاة والسلام علی من لا نبي بعده	۱۰۲	والصلاة والسلام علی من لا نبي بعده
۱۰۳	وآلِهِ الطَّيِّبِينَ	۱۰۳	وآلِهِ الطَّيِّبِينَ
۱۰۴	أما بعد	۱۰۴	أما بعد
۱۰۵	فإن الله خلق الخلق	۱۰۵	فإن الله خلق الخلق
۱۰۶	فمن ذنوبهم	۱۰۶	فمن ذنوبهم
۱۰۷	فمن ذنوبهم	۱۰۷	فمن ذنوبهم
۱۰۸	فمن ذنوبهم	۱۰۸	فمن ذنوبهم
۱۰۹	فمن ذنوبهم	۱۰۹	فمن ذنوبهم
۱۱۰	فمن ذنوبهم	۱۱۰	فمن ذنوبهم
۱۱۱	فمن ذنوبهم	۱۱۱	فمن ذنوبهم
۱۱۲	فمن ذنوبهم	۱۱۲	فمن ذنوبهم
۱۱۳	فمن ذنوبهم	۱۱۳	فمن ذنوبهم
۱۱۴	فمن ذنوبهم	۱۱۴	فمن ذنوبهم
۱۱۵	فمن ذنوبهم	۱۱۵	فمن ذنوبهم
۱۱۶	فمن ذنوبهم	۱۱۶	فمن ذنوبهم
۱۱۷	فمن ذنوبهم	۱۱۷	فمن ذنوبهم
۱۱۸	فمن ذنوبهم	۱۱۸	فمن ذنوبهم
۱۱۹	فمن ذنوبهم	۱۱۹	فمن ذنوبهم
۱۲۰	فمن ذنوبهم	۱۲۰	فمن ذنوبهم
۱۲۱	فمن ذنوبهم	۱۲۱	فمن ذنوبهم
۱۲۲	فمن ذنوبهم	۱۲۲	فمن ذنوبهم
۱۲۳	فمن ذنوبهم	۱۲۳	فمن ذنوبهم
۱۲۴	فمن ذنوبهم	۱۲۴	فمن ذنوبهم
۱۲۵	فمن ذنوبهم	۱۲۵	فمن ذنوبهم
۱۲۶	فمن ذنوبهم	۱۲۶	فمن ذنوبهم
۱۲۷	فمن ذنوبهم	۱۲۷	فمن ذنوبهم
۱۲۸	فمن ذنوبهم	۱۲۸	فمن ذنوبهم
۱۲۹	فمن ذنوبهم	۱۲۹	فمن ذنوبهم
۱۳۰	فمن ذنوبهم	۱۳۰	فمن ذنوبهم
۱۳۱	فمن ذنوبهم	۱۳۱	فمن ذنوبهم
۱۳۲	فمن ذنوبهم	۱۳۲	فمن ذنوبهم
۱۳۳	فمن ذنوبهم	۱۳۳	فمن ذنوبهم
۱۳۴	فمن ذنوبهم	۱۳۴	فمن ذنوبهم
۱۳۵	فمن ذنوبهم	۱۳۵	فمن ذنوبهم
۱۳۶	فمن ذنوبهم	۱۳۶	فمن ذنوبهم
۱۳۷	فمن ذنوبهم	۱۳۷	فمن ذنوبهم
۱۳۸	فمن ذنوبهم	۱۳۸	فمن ذنوبهم
۱۳۹	فمن ذنوبهم	۱۳۹	فمن ذنوبهم
۱۴۰	فمن ذنوبهم	۱۴۰	فمن ذنوبهم
۱۴۱	فمن ذنوبهم	۱۴۱	فمن ذنوبهم
۱۴۲	فمن ذنوبهم	۱۴۲	فمن ذنوبهم
۱۴۳	فمن ذنوبهم	۱۴۳	فمن ذنوبهم
۱۴۴	فمن ذنوبهم	۱۴۴	فمن ذنوبهم
۱۴۵	فمن ذنوبهم	۱۴۵	فمن ذنوبهم
۱۴۶	فمن ذنوبهم	۱۴۶	فمن ذنوبهم
۱۴۷	فمن ذنوبهم	۱۴۷	فمن ذنوبهم
۱۴۸	فمن ذنوبهم	۱۴۸	فمن ذنوبهم
۱۴۹	فمن ذنوبهم	۱۴۹	فمن ذنوبهم
۱۵۰	فمن ذنوبهم	۱۵۰	فمن ذنوبهم

من کتب احمد عزی

من کتب احمد عزی



* * بسم الله الرحمن الرحيم * *

حمد بحد الله الصمد حضرت تهرینه اولسونکه لسان انسانی ترجمان
جنان ایلوب نهان اولان معانی بیانه قدرت احسان ایلدی * وصلاة
وسلام رسول نبوت ختام اوزرینه اولسونکه امتنه طریقت محمدیه بی
کمال مرتبه رغبتله بلدیروب اول بوله دلالت قیلدی * و آل واصحابه
سلام بیایان اولسونکه انلرک هر بری صلاح وتقواده بوامته مقتدی کلدی
(و بعد طریقت محمدیه که برکوی محمد افندی نام فاضلک تألیفی وعند
العلماء مقبول تصنیفیدر که سالک راه هدایت اولانلره رهبر و طالب نور
حقیقت اولانلره شمس و خاور مثابه سنده بر شریف کابدر اما لسان
عربیله اولوب امی اولنلره نفع وفائده سی قلیل اولغین بوندن مقدم ینه
فاضل مزبورک اولاندن عصمتی نام کامل ترکی نامنه ترجمه ابتدکی
منظور یمز اولوب ولکن اصطلاحاتی طمطراق و عباراتی اختصار
اوزره اتفاق دوشوب امیلره نفی اولوق قنده بلکه طالب مستخرج
ر بط کلام وفهم مقصود و مرام ایتمده عاجز قالورایدی اکا بناء بعض
اخوانک اقدامیله بو عبد فقیر و دادی پرتقصیر بعون الله الملك القدير
بقدر الامکان ترکی لسان ابله ترجمه و بیان ایلکه شروع ایلدی تاکه

نفی اتم وفائده سی اعم اولوب خیر دعایه سبب اوله و بعض محملاری
کتب معتبراندن تذیل و تکمیل اولنمغله (تکمله طریقه) دیونام ویرلدی
واهب الا مال درگاهندن مأمول و مسؤل اولان بودر که سعی مشکور
و جرم و خطاسی مغفور اوله (قطعه) اشبو جهاندن کیدیچک هی دریغ
اکا یسر نامری کیمسه * انکیچون اشبو اثر قونیلور * یاد ایده لر تاکه بزی
نیچدر * و یو کتاب اوچ باب اوزرینه دوز یلوب هر پاینده بر قاج فصل
قیلمشدر تاکه مراد اولان خصوصی بابله و فصلله بولوق آسان اوله
(اولکی باب اوچ فصل قلمشدر) (اولکی فصل ینه ایکی نوع اوزرینه در
(اولکی نوعی قرآن عظیم الشانی هر حالده تمسک ایدوب بیوردیغیله
عامل اولسی بیاننده در قال الله تعالی * واعتصموا بحبل الله جمیعاً
ولا تفرقوا) یعنی الله سبحانه و تعالی بودنیا غائله سنه دوشن قوللرینی
برقیویه دوشمش طائفیه تشبیه ایدوب بیورر که ای اسفل سافلین
طبیعتنه دوشن قوللرم جمله کز مولا کزک ایننه یاشوک و یک طوتنوب
آیرلمک تاکه دنیا ورطه سندن خلاص بوله سنز دیمکدر که اییدن مراد
قرآن عظیم الشاندر مؤمنلرک عقلنه زیاده یرلشمک ایچون قرآنی ایسه
تشبیه بیورمشلر ودخی انسان نیجه یو کسک بیره کندله چیقار ایسه
قرآن ایله دخی اویله چیقار واندن غیری نیجه آیات کریمه کد قرآن عظیم
متقیلره هدایت و ظلماتدن نوره چیقارمق و مؤمنی رجسته اولاشدرمق
و شفاء صدر حاصل اولوق کی که جمیع آیاتک نتیجه سی اولدر که قرآن
عظیم الشانک حکمیه عامل اولان مؤمن سعادت دوجهانی و دیدار
رحمانی به واصل اولدیغنی بیان ایدر کذلک رسول الله صلی الله تعالی
علیه وسلمک قرآن عظیمله عمل ایتمک خصوصنده بیوردیغیدر که الله
ورسولنه ایمانیکز و ارایسه اینانق کرک سنز که بو قرآنک براوجی سنزک
الیکزده و براوجی رب العزتک ید قدرتنده در ایمدی قویجه یاشک که
ایدا هلاک اولوب یوغ اولماز سنز ودخی حدیث شریفده بیورر که
قرآن عظیم صاحبنه شفاعت ایدوب و شفاعتی ایتمسه کرک ودخی
اوقیوب انکله عمل ایده نک باباسنه و اناسنه قیامت کوننده بر تاج

کبدیره لر که کونشک نورندن انک نوری کونجک اوله ودخی اوقیان
 کیمسه هر حرفنه اون حسنه ویریلوب وزمانه ک فتنه وفسادندن
 امین اولق کبی فضیلتلر ذکر اولمشدر (ایکنجی نوع حضرت حبیب
 اکرمک سنتی ایله عامل اولق بیاندیده در که اکاطاعت ایدوب امرنی
 طوتمق ونهی ایتدیکندن قاجمق) (اطیعوا الله واطیعوا الرسول لعلکم
 ترحون) آیت کریمه سندن اکلا نور که رسول الله اطاعت رب العزت
 اطاعتد و دخی الله ورسولنه اطاعت ایدنلر انبیا واولیا وشهدا ایله
 حشر اولماسنه رب العزتک وعد ایله سی آیتی کذلک (اطیعوا الله
 واطیعوا الرسول واولی الامر اطاعت واجبدر واولی الامر دن مراد
 برقلده علما وبرقلده امرا ووالیردر اکبناء وامر پادشاهی به اطاعت
 واجبدر ولکن معصیته امر اولمدیغی تقدیر جه در وکندی سننه
 قندر مق باینده رسول اکرم صلی الله تعالی علیه وسلم پیورمشدر که
 (علیکم بسنتی وسنة الخلفاء الراشدين من بعدی تمسکوا بها وعضوا
 علیها بالنواجد) معنای شریفی بنم ستم وبنده نصکره خلفاء راشدینک
 سنتی سزک اوزر یکزه لازمدر اکاقوی یایشک دبش وطرغله طوتک
 دیمکدر وسنتمدن تکاسلی سبیلله یوز چویرن شفاعتمدن محرومدر دیو
 پیورر واکر عبادا بالله استخفافا یعنی بینی طوتوب سنتی ترک ایلسه کفرنده
 شبهه یوقدر وپیورر که سنتی سون بنی سومش اولور وبنی سون بنمله
 جنته بیله کیرر ایمدی امتنه لازم اولان بودر که دائما انک سنتنی ارایوب
 ویریلوب انکله عمل ایلیه و بدعت وضلالتدن اجتناب ایلیه زیرا بر
 حدیثنده پیورمشدر که بر زمان کله که خلق بدعتنه سنت وستنه بدعت
 دیلر شیخ شعرای تنبیه المغترین نام کابنده یازمشدر (وحدیث آخرد
 بودین اسلام غریبا ظهور ایتدی ویقین زمانده ینه غریبانه دونسه
 کرکدر دیو پیورمشدر یعنی سنتنی طوتان مؤمن آزا ولوب اهل هوا غلبه
 ایتدیکنه اشارت ایدر و بویله زمانده دینی صاقنوب سنتله عمل ایدن
 حقنده پیورر که (برکیمسه امتک فسادی زماننده بنم سننه یایشوب

موجبیه عمل ایلسه انک ایچون یوز شهید ثوابی وارد و حضرت
 امتک یتش اوچ فرقه اولوب بفرقه سندن غیری جمله سی اهل جهنم
 اولدیغنه خبر وروب اول نجات بولان فرقه اهل سنتدر دیو پیوردیغندن
 لازم اولان بودر که کمال مرتبه سنت رسوله اقتدی ایدوب ظهور ایدن
 بدعتلردن صاقنه لر تا که اعتقادینی یوز محبوب یتش ایکی فرقه دن بریسی
 اولیلر (وفصول مفصلده امام غزالی دن نقل ایدر که دیمشدر
 حبیب اللهک یتش ایکی فرقه پیوردیغی کثرتدن کاتبه در بوخسه
 از غون طائفه اعتقاد یوز غونلغیله بیک عدد دن ارتقدرد دیو
 پیورمشدر و بوکلام حیر قبوله کلمک روادر) ایمدی بو فصلده نتیجه
 کلام یزه بوظاهر اولدی که دین باینده همان کاب اللهه واحادیث
 رسول اللهه بویک بسندن چقمه کابلر ایله عمل ایتک وانلری اوقیوب شغل
 ایتک واجب اولدی (بوخسه لهو حدیثدن اولان رستم واسفندیار
 حکایه لر بیکه برالای آتش پرست انتقام دعواسنده ایتدیکی هنگاملری
 ورافضیلرک مدح حزه وعلی ایچون یاز دقلری مبالغه لری ورد ایدنک
 کشتنک اوقات عزیزینی ضایع ایتدیکندن غیری عقیده سنی پریشان
 ایلر بونلردن غیری مقتل حسین اوقومق که بین الناس مشهور اولان
 شعبه دن فضولی بغدادینک حدیقه سی کییکه محب خاندانم دیو واقع
 غیر واقع نیچه کلام پیهوده درج ایلمشدر اصحاب کرام ما بینده واقع
 اولان غوغاری ارامق و طرامق یزه جائز دکلدر زیرا انلرک هر برینک
 تأویلی واردرد دیو علماء عظام بوبابی سدا یلشدر (ودخی تحریک هوا به
 باعث اولان ابلی و مجنون و یوسف و زایخا قصه لری و اشعار عاشقانه
 اوقومق و دکلک بی فائده اولدیغندن ماعدا کشتنک نفسی دغدغه به
 دوشوروب و ذکر خدادن اغفال ایلر که خطارک باشی اولان حب دنیا
 بودر) حضرت مولانا مشو بسنده دیدیکی کبی * چبست دنیا از خدا غافل
 بدن * فی قاش و نقره و فرزند وزن * معناسی اگر مذموم اولان دنیا ندر
 دیو صور رایسک خدادن غافل اولمقدرد بوخسه قوماش واجه و اوغل
 و اولاد دکلدر (اول سبیدن حقک کلامیله ورسولنک پیوردیغی سوزایله

عامل اولی استیاض کتب شرعیہ دن اوقیوب و دکلوب مغلطہ و غفلت
 کتورجک معنالدن پرهیز اوزره اولغہ سعی ایتک کرک (تا کہ بدعتدن
 خلاص بولہ) ایکنجی فصل بدعتلریاننده در حضرت عایشہ رضی اللہ
 عنہا حبیب اکرمدن بو خصوصہ حدیث شریف روایت ایدر کہ
 پیور مشدر (بر کیمسه کہ دینر جنسندن اولیان شئی احداث ایلسه
 اول شی مردود در یعنی مقبول شریعت دکلدر) (و بر حدیثنده
 طرفزدن بوجهله اذن اولیان فعلی هر کیم اشلسه اول عمل مردود در
 دیو پیور مشدر) (بر حدیثنده دخی هر پیغمبرک امتی که زمانه سندن صکره
 بر بدعت احداث ایلشلا ائک رینه بر سنتی ضایع ایلشلا در (فقیر ایدرین
 بلکه واجبی بیلہ ضایع ایلشلا در) مثلاً بو عصرده مؤذنلرک جمعہ
 کونلرندہ محفلدن خطیبہ قارشو تصلیه و ترضیه ایتک بدعتیلہ احادیث
 ایلہ واجب اولان سکوتی ترک ایلشلا در (وامام بخاری زهریدن نقل
 ایدر کہ بر کون انس حضرت تلمینک مجلسنه کلوب انی اغلر کوردم سببی
 سؤال ایلدی یکمده دیدیکه منکر و بدعت قارشمده دن برغازیمز قالمش ایدی
 الحق انی دخی شمعی ضایع ایلدی لر) یعنی خلافت بنی امیه به کلجه
 نماز پیغمبریمز قلدیغی وقتده قیلانه کلمش ایکن اول دورده اوقات
 معهوده دن تأخیر اولمغله اغلیوب فریاد ایتشدر زبرا جمیع اصحابک
 بقیه سندن اک صکره وفات ایدنلر دندر (حتی امام اعظم رحمه الله تعالی
 اون یاشنده ایکن صاغ اولوب مجلس شریفنه کلدیکنه روایت وارد
 و بالجمله بدعتدن صافتمق لازم اولدیغنه نیجه حدیثده تنبیه اولمشدر
 حتی رسول الله حضرتلری (بر حدیثنده پیورر که الله تعالی بدعت
 صاحبک صومنی و حجنی و عمره سنی و غزاسنی و فرضنی و نفلی قبول ایلز
 و قبل خیر دن چیقار کی دین اسلامدن چیقار) امدی بو حدیثلرک
 دلالتی اوزره نه مقوله بدعتدن صافتمق لازمدر (وقتی بدعت حسنہ در که
 اشلہ سی جائزدر انی بیان ایتک اقتضای ایتدی (معلوم اولاکه بدعتک
 لغت معنای یکیدن ایجاد اوله شی دیمکدر مطلقاً استرسه حقندہ
 شریعت اذنی بوجهله بولسون استرسه بولسون) اما بدعتک معنای

شرعیستی اولدر که صاحب شریعتک نه قولاً و نه فعلاً و نه صریحاً
 و نه اشاره اذنی یوغیکن دینده برشی ایجاد ایدہ لر بدعت منہی اولدر
 (پس صحابه دن صکره ظهور ایدن عادت مقوله سنہ بدعت سببه دینلر
 زبرا بدعت نفس الامرده درت قسمدر اولکی قسمی مباح اولان بدعتدر
 یعنی حبیب اکرم صلی الله تعالی علیه وسلم طرفندن ایجاد نه اذن
 اولمادیغندن غیر منعی دخی اولمیب و دین با بندن اولمیب الحق
 عادت ناسدن صادر اولان بدعتلر در (مثلاً الک قوللا ندر مق و بغدادی
 اونندن خاص اتمک پشورمک و یقلوا مقوله سی نفیس طعام قایمق
 و قرنی طوبیجہ یمک و صود کرملری و دیار رومک صوبه لری و عربہ لری
 و بار کیر ایلہ چفت سورملری بدعتلری مباح قیلندندر زبرا بونلره
 (مارأه المؤمنون حسناً فهو عند الله حسن) حدیث شریفی مقتضای سنه
 اذن و برلشدر یعنی مؤمنلرک کوجک کور دکاری شی عند الله دخی
 مقبولدر دیمک اولور (امدی بو عصرده خلق جهان نوش ایتدیکی
 دخان بدعت مباحدن اولمادی زبرا مبتلاسی اولیان مؤمنلردن قطع
 نظر انی ایچن کیمسه لر دخی اکثر یا حسن کورمز لر بلکه اکراه ایدر لر
 (و در رو غررده دیمشدر که مباح اولان شئی استعمال ایتک اول زمان
 جائز اولور که غیر ضرری و اذاسی طوقیمه) پس بالفرض مباح دخی
 اولسه مرقوم دخانک غیره اذاسی بولنسی حسبیلہ ایچمسی عند الشرع
 جائز دکلدر قنده قالدیکه خباثت تحتہ داخل اولوب خیثدر دینورسه
 و بالجمله مؤمن قرداشلره لازمدر که بو بلاء سیباهدن جان عزیزینی
 عنایت توبه ایلہ آزاد ایلیمه (زبرا دار آخرتده کشتی رب العزت حضورنده
 درت شیدن سؤال اولنور) بری وجودندنکه نه خدمتده وجودکی افنا
 ایلدک (ایکنجی علمندن سؤال اولنور که علمکی دینه می صرف ایتدک
 بو خسه دنیا به می (اوچنجی علمندن سؤال اولنور که هر بنفسک سرمایه
 کار آخرت ایچون و برلشیدی زره به صرف ایتدک) (در دینی مالندن
 صورر لر که زره دن قرانوب وزره به خرج ایتدک غین فاحش ایلہ صوصاتلان
 برده راجه زیاده و یرمک جائز اولمیب بلکه تمجله نماز قلمق پیورلشیکن

یا دخان خبیث ایچون آوجله اجه ویرن و کجه سنده و کونده که بکرمی
درت بیک نفسدر انک اکثری بد رایحه ایله ملوث ایدن کیمسه روز قیامتده
نه وجهله جواب ویره جکدر خوش تماشا پریدر محشر حسابی اولسه
دیدیکی کبی (اما الحساب حق) دینلان کلامدن مراد انک بو یوزدن
سؤال و حساب اولماسنه صدق ایله اینامقدر و اینامقک علامتی حقک
یوزدیغنی طومقددر عاقل اولانه بوماده ده بو قدر نصیحت کافیدر
وافات بطنده دخانک زیاده بیانی کلسه کر کدران شاء الله تعالی (ایکنجی
قسمی بدعت حسنه در که مستحب و مندوب دخی دیرلر که شارع
شریعندن برطر یقله اذن اولان یرلرده در مناره و مدرسه و مکتب
و تصنیف کتب و معلقه ایله اکل ایتمک کبی و علما بول بکلی فراجه کچک
و عمامه سنی قیارتق بوقسمدندر (پس بونلرک هر برنده اذن شریعت
اکل نور مثلامناره وقت صلاتی اعلام ایلمک ایچون مأمور اولان اذانک
ایشلمسنه یارد مدر و مدرسه و مکتب و تصنیفات تعلیم و تبلیغه معاونتدر
وقس علی هذا) کذلک عاشور آشنی بشیروب اولشدر ملک بدعت حسنه
اولوب مقابله سنده ثواب امید اولنور دیوقنیه نام کلبده یازلمشدر (اوچنجی
قسمی بدعت واجبه در ملحد لک و زندیق لک شبهه لرینی دفع ایلمک
نظم دلائل و تصنیف عقاید کبی و بوز مانده مصحف لده نقطه یازمق
دخی بوقسمدندر که اگرچه بونلر دخی بدعتدر (اما وجوده کتور لمسی
واجب اولوب مقابله سنده ثواب و ترکنده عقاب اولمق احتمالی مقرر در
(در دخی قسمی بدعت سبئه در که شریعت مطهره طرفندن ایشلمه سنه
اصلا اذن اولوب بلکه مردود و ایشلیان کیمسه شفاعتدن مطرود
اولمسی مذکور در و بوقسم بدعت با اعتقادده اولور و یا عبادتده اولور
(اما اعتقادده واقع اولان بدعت کیمسی کفردر و کیمسی جمله کجاردندر
اولو کا هدر و یوم قیامتده عذری مقبول اولماسه کر کدر رافضیلر
و جبریلر و قدر یلر مذهنجه اعتقاد طومق کبی رافضیلرک اعتقادی
حضرت علی ابو بکر دن افضل اولوب خلافت انک حق ایدی دیو
حضرت ابو بکره و عمره عداوت ایدرلر حتی بفرقه سی مبالغه ایدوب

مطلب بدعت حسنه

مطلب بدعت سبئه

رسالت حضرت علی به کلچک ایدی جبریل یا کلوب مجده کتوردی
و حضرت عایشه رضی الله تعالی عنہا بی حاشا زنا ایله تهمت ایدرلر بوا یسه
محض کفردر و بورافضیلرک ترها تیدر در که سلیم الصدر مؤمنلر
اراسنه دوشوب انی ورد ایدمشلر در بیلرلر که کندیلرین غضب الهی به
مستحق ایتشلر در جمله دن بری اون ایکی امام دعاسی دیو یازدقلری
و شرحنده مبالغه لر قاندقلری اول طائفه نک ایجادیدر کتب معتبراته
اولمدیغندن ماعدا ایچنده درج اولان صلواتی انی رد ایلر زیرا صلا
و سلام پیغمبرلر دن غیر کیمسه نک اوزرینه اصالة کتور ملک حرامدر
دیو علماء عظام بیان ایتشلر در کذلک قرآن عظیمدن بر شیبی یانجه
کتور ملک واجب اولوب انسر دخی آتہ بیک و قیل قوشا غمق جائز
ایکن و حرام دکل ایکن نه ایجاب ایتدیکه اول دعاء طاشمیان کیمسه به
آتہ بیک حرام اوله بود عارافضیلرک ایجادی اولدیغنه هیچ شبهه
اولمیب قنده بولنور ایه آتسه یاقدر (و معلوم اوله که صحیح اولان
دعاری و آیت کریمه لری یدی فات مشمع ایچنه قیوب یانجه حائل دیو
طاشیق جائز میدر کلبدر دیو علما من اختلاف ایلشلر قول صحیح جائز در
ورافضیلرک ایجادندن بری دخی ناد علیا دعاسیدر که قزلباش شعریدر
اکادعادر دیو اعتقاد ایتک و اوفق و طاشیق محض خطادر زیرا ناد علیا
مظهر العجایب تجده عونالک فی النوایب بریتدر معناسی بودر که یا محمد
سن علی بی چاغر که اول عجایبلر کو ستر یجیدر جمیع بلا لر کده
سن علی بی معین بولور سن دیو حضرت علی بی قدر تله مدح ایدوب
پیغمبری صلوات الله علیه عاجز و زبونلغله قدح ایلشلر در و مزبور
شعری دعادر دیو شرحنده زیاده باللندر مشلر در تا که اهل سنت امیلرینه
اعتقاد ایتدیروب کندی طریق یلرینه سر یجه قویمش اوله لر بوندن غیر
القایتدکری دعا لرندن بری الف الله م محمد ج جبرائیل ع علی دیو
ایتدکری دعادر که دیار رومده شایع اولشدر چهار یارک غیر یلرینی
ذکر ایتوب حضرت علی بی کتور دیک بودر که پیغمبر دن صکره
خلافت علی نک حق ایدی و حالا امام بالحق علی اولادیدر بلکه جبرائیل

پیغمبر یکی محمدی که توردیکی پاکد یغندندر بوخسه علی به کتورمک
 قصد ایلش ایدی جبرائیل اردنجه علی بی کتوردیکی انکیچوندر
 بو کلامی ملاعین آشکاره دییه مد کلرندن حروفله اشارت ایلوب
 غزاة مؤمنینک غزاه محله اولان دعاء خالصینه تشویش برافشلردر
 (دخی یا محمد یا علی دیوبازد قلری و بعضیلری انی ورد ایتد کلری
 رافضیلرک ایجادیدر و محمد علی بی سورسن دیمک انلرک کلام فاحشیدر
 اهل سنته لازم اولان بودر که بونلردن اجتناب ایدوب مشایخ عظامک
 اعتقاد باینده یازد قلری اوزره عمل ایدوب حضرت رسول الله صکره
 افضل بشر حضرت ابو بکر در بعده حضرت عمر بعده حضرت
 عثمان بعده حضرت علی در دیو اعتقاد ایتک وجهله سنه محبت ایتک
 و خیر ایله اتمق اوزریمزه واجبدر) اما جبریه طائفه سی شوا اعتقادده در که
 انسان مجبوردر بر شیئه قادر دکلدر ایدن و ایتدیرن خالق مالدر بز آلت
 کبیر دیرلر و بومذهب باطل اهل سنتک عوام ناسی مابینده غایت
 چوقدر طاعت و عبادت ایله دیسک انسان نیه قادردر مراد اللهک
 ظهوری بو یوزدندر دیرلر دیمزلر که الله تعالی حضرتلری بزهال و ایاق
 و یرمش کزیمک ایچون و نافع اولان شئی کندیمزه چکوب ضررلی
 اولان شئی دفع ایتک ایچون قدرت کاسبه و اختیار جزئی و یرمشددر
 و قدریه طائفه سنک اعتقاد باطلی بودر که تقدیرده هر نه ایسه اوله جق
 اودر سنک چالشماک فائده و یرمز دیرلر بودخی اوله کیدن زیاده خلق
 ایچنده شایعدر حتی بر ورطه به دوشن آدمه نیچون بو خصوصده
 اجتناب و احتراز ایتدک دیسک یا تقدیرده قارشو طور لورمی ظاهر
 نصب بویله ایمش دیرلر فسق و فجور ایتدیه توبه ایلله طریق حق
 کیر دیسک تقدیرده حواله ایدوب کندی اختیار جزئیسن انکار ایدر
 (چونکه صوح تقدیر کدر نجب علماء شریعت بالقصد بر آدمی
 قتل ایدن کیمسه بی قصاص ایلله دپه لکه حکم ایتدیلر و خطاء بر آدمی
 اولدورن کیمسه دن دیت و کفارت حکم ایلدیلر خود اول آدمک اولسنی
 بو یوزدن مقدر ایمش اولدورن آدمک صوحی ندر دینسه اولزمی ایدی

مطلب مذهب قدریه
 و جبریه

بومذهب باطل صاحبیلرینک اعتقاد لرنجه صوح تقدیرک اولوب
 نصب بویله ایمش دیمک کرک ایدی و کتاب الله ایلله عمل اولنماق لازم
 کلوردی بوسیدن رسول الله صلی الله تعالی علیه وسلم بویکی
 طائفه حقنده پیورمشددر * محس هذه الامة القدريه والجبريه الا
 لبس لهما نصب من الاسلام * معنای بودر که بوامتک آتش پرستی
 و کتابسزی جبریه و قدریه در آگاه و بیلش اولو که بونلرک اسلامدن
 نصبی بوقدر (ایمدی بویکی مذهبک ورطه سندن قورتمق استیان
 کیمسه بیلک کرکدر که انسانه اختیار جزئی و قوت کاسبه و یرمشددر
 و تقدیر مقدره تابعدر یعنی انسان اختیارنی عبادته صرف ایدوب
 قوللق کسبنده اولمق استیجک تکرر تعالی حضرتلری آنی تقدیر ایدوب
 خلق ایدر و اگر اختیاری و بال طرفنه براغورسه و آرزو نملق ایشنه کسی
 قوتن صلا رسه الله تعالی ینه انی خلق ایدر و آنا فانا تقدیر ایتده در
 * کل یوم هو فی شأن * بو کادایل و برهاندر بوخسه اویله دکلدر که
 تقدیرده حواله قیلنوب کشی ایشندن و کوجندن فارغ اوتوره
 عجبدر که دنیا لقی قزانجی تقدیرده حواله ایدوب الدن بر اقمیوب کیمه
 و کوندرا کا مشغول اولورلر و ضرر دنیوی کلجک یرلردن قاجنورلر
 اما آخرت طرفنه ضرر و زیان کلجک یرلردن اصلا قاجمز لر بلکه
 اوزرینه لایالی دوشرلر قاضی بیضاوی * ولا یغرنکم بالله الغرور *
 آیت کریمه سنده دیمشددر که اول کیمسه که شیطان غرورک اغواسیله
 معصیت ایشلر و جهنم عذابندن قورقمز ا کا بکرر که بر آدم زهریه
 صاقن هلاک اولورسن دیدکجه بنم طبیعت زهری دفع ایدر بکا کارایمز
 دیر ایمدی و بال ایشلینلر و آخرت قیدنده اولمیانلر هم و بال ایشلرلر هم
 حقندن قورقوب توبه کار اولمز لر اما مؤمنه لازم اولان بویله یرامز
 اعتقادلردن عقیده سنی پاک ایدوب الله تعالی نیک امر نه امثال و نهیندن
 اجتناب اوزره اولد قد نصکره ینه خوف ایلله رجا اراستنده اولوب
 نه عذابندن امین و نه رحمتدن نومید اوله (ایمدی بدعت سیئه نیک
 غایت یرامزی یتیمش ایکی فرقه اعتقادندن بریله اعتقاد ایتک اولدی

برامز لقندن بوندن اشاغی بدعت دین باینده عبادت اولیان شبلی
عبادت صانوب ایتمکدر بودخی بدعت سبئه در اجتنابی لازم و واجبدر
مثلا جلاق ایاغه مسح ایتک وسفرده قصر صلاة ایتموب درت قلمق
ودعوتلشوب اوج آدمدن زیاده جماعته نافله نماز قلمق وتعدیل ارکان
ایتمک وصفده برابر طورمقی وامامدن اول سجده به وارمق واول باشن
قالدرمق وعند الخطبه تصلیه وترضیه ایتک وبازرکان متاعنی مشتری به
قندر مقی ایچون تسبیح وصلاته کتورمک وسؤال ایچون قبولده وغیریلده
لا اله الا الله چاغرمق وصلوات کتورمک وحقه باز وخیال باز و جانباز
او بونلرنده فاتحه اوقق وصلوات کتورمک واجرت الیه قرآن اوقق
وجنازه وعروس او کجه جهرله ذکر ایتک وقرآن اوقورکن و ذکر الله
ایدرکن لحن ایتک یعنی برحرف زیاده قاتمق ویا اکسک ایتک مؤذنلرک
الله اکبر والله اکبار واین الله وملائکتہ دیملری کی ومتصوفه نک
رقص ایملری ومقاربه چراق وقندیل یاقق وحجر الاسود دن غیری
انما چلری وطاشلری تعظیم ایدوب او پمک بر برلرک نصه او پملری
واوستانلر بشتال قوشاند قنلرنده صلوات کتورملری کی ومیت ایچون
صاغوصاغمق ومیت ایچون بدیسند وقرقنده طعام اولشدرمک وریا
وسمه ایچون طعام بشورمک وخاتونلر جمع اولوب ارلر اشیده جک
مرتبه توحید ایتک ومولود اوقق کی وعورتلرک اجنبی کیمسه لک خوش
کلدیسنه وخسته لغنه ودکونلرینه ومصیبتلرینه کیملری وزیارت
قبور ایملری بونلرک جمله سی بدعت سبئه در (وشرح اسبیجاید کاه
کباردنلر دیوقید ایلش الحق اعتقاد ده اولان بدعتدن اشاغه در
وبوعبادتده اولان بدعت سنت هدائک مقابیلدرکه اذان واقامت کی
پس تنکیم سنت هدایی وجوده کتورمکه مأمورایسک بو بدعت سبئه نک
ترکیله دخی مأمورز زیرانی وجوده کتورمک ضلالتدر (اماعادت
ناس اوزرینه جاری اولان بدعت الک استعمالی کییکه مباح قسمندندر
فعلی ضلالت دکلدر انجی قی ترک اولنسه دخی اولی ایدی وبوقسمک
ضدی سنت زانده درکه حضرت حبیب الله صلی الله تعالی علیه وسلم

انی عادت ایدینوب ایشلردی شریف ایشه صاغیله باشلق کی والحق
ایشه صولیه باشلق کی وبوقوله به سنت زانده دیدکری کی مستحبه
دخی دیرلر پس ایددی برفعتک سنت وبدعت اولسی پینده شبهه اولسه
ترکی اولادر ککذک بریده سنت وبدعت جمع اولسه بدعت طرفی
ترجیح اولنوب ترک اولنور چالغولی دوکونلر کی اما واجبله بدعت جمع
اولسه واجب طرفی ترجیح اولنور بدعت نظر اولنور مثلا صاغوجیله
اولان جنازه نمازی کی صاغو اولغله ترک اولنوب واریلور ونجهیز
وتکفین اولنور ایددی بدعت سبئه دن قورتلایق وطریق حتی طوغریجه
طوتمق ایچون کتاب الله وسنت رسول الله بالشمق وانلر الیه
عمل ایتک اوزریمزه واجب اولدی (پس بورادن بر سؤال قوپدیکه
بزم شریعتک اصلی درتدر کتاب سنت اجماع امت قیاس سنن ایشه دین
طوتمق ایچون کتاب وسنتی کافیدر دیر سنن شریعتک جمله اصولی که بناسی
وتملی دیملکدر تمل بولمده نیجه اوزرینه دوزیلن شی قرار ایدر مثلا
درت دیرکلی خانه نک ایکی دیرکی اولمده نیجه قائم اولور دینورسه
جواب بودرکه اجماع امت کابدن وسنتدن برمند ودلیل اولمده
وجوده کلامشدر قیاس دخی کابدن وسنتدن بر حکمه نظر ایدوب
اول حکمی شی آخرده بولغله انی اکا نظیر ایشلردر پس ظاهر اولدیکه
بوایکسنتک بنه اصلی کتاب وسنتدر وانلرله عمل ایلیوب ظاهر شریعتی که
بوایکیدن صدور ایدر محکم طوته وبوکلامدن ظاهر اولدیکه فی زماننا
بعض صوفی کچینلرک شرع شریفه مخالف بدعت ایشلری علما
منع ایلدکلرنده علماء ظاهر قشند حرام ایشه ده اهل باطن یاننده حلالدر
دیملری وعلم کتاب الله دن حکم ایدرلر بزیاسه صاحب شریعت
محمد علیه الصلاه والسلام دن واکر نفسیمزه انکله قناعت حاصل
اولمزه بالذات رب العزت دن مشکلمیزی صوروب استغنا ایده رز دیملری
وبز خلوتله وشینمزمه متبله الله تعالی به واصل اولوب بزه جمیع علوم
کشف اولور کتاب مطالعه سنه واستاذدن اوقومغه حاجت قالمز وکشی
حقه واصل اولمز علم ظاهری ترک ایتمیجه واکر بز باطل اوزره واسق

بره نور کورمک و انبیاء عظامی **کک** کورمک مبسر اولمزدی و بزدن
بر مکروه و یا حرام صدور اینسه (حق تعالی بره رؤیاده اکاه ایدر بزحلالی
حرامی انکله بیلورز و علماء ظاهر حرامدر بدعتدزایشکن دیدکری واقع
اولسه تکرری تعالی بره رؤیاده بلدیرمیدی دیمیری بالجمله بو ترهات
ملحد لک وضلائندر زیر ابتدا کتاب الله و رسول الله اینانمیوب
رب العزته صور منجیه دك شبهه اتمکدر بو صورتده یا ایمان زده قالدی
پس بو مقوله کلام باطلی اشیدن کیمسه و واجبدر که سوبیلینی منع و دفع
ایلیه و کلام باطل اولمسنده شبهه و توقف و تردد اینیه بو خسه دکاین
کیمسه دخی انلرک فرقه سندن اولوب زندیق اولمسنه حکم ایده رز
و علمامن بیور مشلدر که الهام احکام شریعتی بلدیرمکه سبب دکلدر
رؤیادخی بویه در با خصوص اول الهام ورؤیا کابه وسنته مخالف
اوله حالاکه صوفیه طائفه سنک وارباب طریقت و حقیقتک اولوسی
و شیخ اعظمی جنید بغدادی حضرتلری بیور مشلدر که الله تعالی به
واصل اولاجق جله یوللرقیامشدر و سدا و لشدر الا حضرت حبیب الله
علیه الصلاة والسلام یولنی طوتن وانک ایزنجه **کک** یدن کیمسه به
یول اچقیدر و جنید حضرتلری دیمشدر که بو بزم علمن و طریق
ومذ هبمز کابه وسنته باغلیدر تفسیر واحا دینی بلینه تصوفده اویمق
جائزد **کک** لدر و شرعة الاسلامده بو معنایی تأیید ایدر و بیورر که
بر کیمسه که دینی بالکنز علم توحید و کلام ایله طومتق استنسه زندیق
اولور و اگر بالکنز علم فقه ایله طومتق دیلسه فاسق اولور و اگر بالکنز
علم تصوف ایله طومتق دیله سه ملحد اولور اما بو اوج علمی معا
تحصیل ایدر سه تحقیق بو ورطه دن قور تملوب دینی دخی قور تار مش
اولور یعنی بو **کک** لام علما و مشایخ حقنده در و مرشد کامل اولدر که
بو اوج علمی جمع ایتش اوله و بو اوج علم ینه کتاب وسنتندن انمشدر
اما بو علومدن خبردار اولمزا یسه اندن ال آلمق و بیعت ایتک جدا
جائزد کلدیر زیرا می کشی آدمی بر بتاغه دوشور سه کر کدر ابدی اندن
چیقما یوب ضلالتده قالور و صوفیسن خلاص ایده من اما بو علمومه

عارف اولور ایسه خلاص ایدر نیکیم **کک** کتاب مذکور شر حنده
و غیریده یازمشدر که بر شیخ برکون رمضان شریفده صوفیلریله معا
سفر ایدوب بوله روانه اولورلر یاز کونلرنده واقع او یله کونشی قز دیغنده
اسیلاک سببیه صوفیلره نوعا حرارت عارض اولوب صوسن اولورل
بو ائشاده ایلپس لعین قارشو لرنده بر نور کوسرتوب و ایچندن آواز ایدر
* انار بکم الاعلی احل لکم الافطار فافطروا * دیو یعنی دیمک اولور که
بن سزک رب اعلا کرم و سزه افطاری حلال ایدرم افطار ایدک دیو
صوفیلر بو شی غریبی کوروب اشیدینک نوری حقیقک تجلیسی
اکلا یوب افطاره رخصت اولدی دیو هر بریسی اکل و شر به
قصد ایتدیلر همان شیخلری حقه صغوب * لاحول ولا قوة الا بالله *
دیدي ساعتیه اول نور بوغ اولوب شیطان لعین ظهوره کادی
و شیخه سؤال ایتدیکه بو نجلی شیطان اولدیغنی ندن بلدک شیخ کامل
ایتدیکه اوج علمله بلدیم بری علم توحید ایله بلدیمکه حق تعالی حضرتلری
مکاندن وجهتدن بریدرانک تجلیسی و کلامی دخی جهندن و مکاندن
مستغنی در ایکنی تصوف علمله بلدیمکه اهل تصوفک اتفاق بونک
اوزرینه در که مادامکه انسان **کک** ندی وجودندن خبردار اوله
و بلدک ارادن کیدوب فنا فی الله اولیه نجلی حقه واصل اولماز بزا یسه
حالا بو مرتبه به کلیوب وجودمزک تصرفنده تقید اوزره اولدیغمن دن
بلدک که بو حیلۀ شیطاندر اوجنی علم فقهله بلدیمکه فقهاء عظام
بیور مشلدر که صائم اولان آدم مخمسه حالسه یعنی آچلقدن
و صوسن لقدن جان و یرمک دمنه کلیه اورجن بوزمق حلال دکلدر
بزا یسه حالا اول دمه **کک** لوب صوسن لقدن بو کالمق بوندن
دخی معلوم اولدیکه بو حالت شیطاندر پس شیخ مزبور بو اوج
علمه مالک اولمغله صوفیلرینی غائله شیطانیه دن خلاص ایلدی
اگر بو علومدن بی خبر اولسه صوفیلریله معا ضلالتسه دوشردی
ایمدی معلومز اولدیکه مشیخت علمسز اولماز زیرا صوفیلر ده چوق
دور لو حالت ظهور ایتکه باشلر کیمی آز اومادن و کیمی آزیمدن

دماغی قورومسندن کاه هواده نورانی خیالات و کاه رؤیاده انواع
حالات مشاهده ایلر و کاه محض اضلال شیطانی اولوب بولدن
چقاردرل تکیم مناقب متقین ده یازمشدر شیخ عبدالقادر کیلانی
زمانه ده صوفیلردن بری دیرایمشکه هر کیچه ملکر کلوب بکا آن
کتوروب بنی جنته ایلنورلر و صباحه دك جنت نعمتلیله ذوق ایدوب
اکنورم پس بو کلامی شیخ مزبور ک قولاغنه قویارلر شیخ صوفی به
تنبیه ایدر که بر غیر کیچه سنی کتورد کلرنده * اعوذ بالله
من الشیطان الرجیم * دیوب یا شیخ عبدالقادر دیوبنی دعوت ایله
دیر پس صوفی دخی بوننبیهی خاطرند طوتوب اخشامسی بنه
ملکر شکلی کلوب صوفی آلوب کیدرلر و جنت شکلی برده
ایندیروب اوکنه طعام کتورد کلرنده شیخ تنبیهی اولوقت خاطر بنه
کلوب حقه استعاده ایدوب یا شیخ عبدالقادر دینچه اول ملک
صورتلر جله سی اصلی اولان شیطان صورتلر بنه تبدیل اولور
و جنت کورون مکر کلخن ایمش و اوکنه قونلان نعمت حیوان لشی
اولدیغن کوروب این بین اولور در حال شیخ دخی جبقه کلور
هی بیچاره سنک جنت و نعمت دید و کلک بونلر میدردر صوفی بی
اول ورطه دن خلاص ایلر (ایمدی بونک کی ورطه لری اکلامغه علم
لازمدر تکیم طریقده جنید بغدادی شیخی اولان سری سقطی دن
نقل ایدر که دیمشدر تصوف یعنی صوفیلق اوج معنائک آیدر
بری بودر که معرفتی نوری ورعی یعنی پرهیز لکی نوری سو بوندر میه
حاصلی رخصت طرفلر بنه یا بشمیه وایکنی بودر که بر باطن
علمک دعواسنی ایلله که انی ظاهر کتوبوز او چنجی اولدر که
گرامتی بر مرتبه به چیقار میه که انده حقک حرام ابتدکی شیخ حلال
اولسی اکلا نه مثلا نقل اولنور که بعض ولی میخانه دن دسنبله
شراب الوب الینه کیردیکی کی باصوبیه تبدیل اولور و یا غسل
شرعی اولور پس بومقوله ایش ایتک صوفیلق دکادر و بازید
بسطامی رحمه الله علیه بعض اصحاب و احبابنه بر کون دیر که

مطلب صوفیلق مقناسی

کلک کیده لم بر شیخ و لیلکله شهرت بولوب عوام ناس زیارتنه
وار یورلر بزدخی واروب کوره لم که نه مقوله زاهد در پس احبابی
روایت ایدرلر که شیخله معامن بور زاهد ک زیارتی قصدیله مسجده
واردی اولدخی اوندن چیقوب مسجده کلوب کیرد کده قبله یه قرشو
تو کوردی بایزید بسطامی همان علی الفور مرقوم شیخه سلام
ویرمدن و اشناقی اتمدن دونوب کتدی و دیدیکه بر آدم که آداب
رسول اللهی حفظ ایتده امین اولیه یاد عوالتدیکی ولایت و کرامتده
نیجه امین حق اواسون (وینه جنید اصحابنه خطا بادیکه اکر بر آدمی
کرامتله کورر سکر که هواده بغدادش قوروب اوتورمش صقین و لیدر
دیو الدائمک تا کورمینه که الله تعالی نک امرنی و نهی نی نه یوزدن طوتار
و شریعت حدودنی کوزه درمی کذلک شیخ سهر وردی پیورمشدر که
اگر بر کپسه بی کورسکر که هواده اوچار و صواوزرنده بورر و آتش
بودار اما فرائض اللهدن یا سنت مصطفویدن برینی ترک ایدر سه
تحقیق سحرار و کذابدر وینه جنید بغدادی نقل ایدر که سلیمان
دارانی که مشایخدن اولو کیمشدر دیمشدر مشایخ سوزلندن بعض
دفعه قایمه بر یاقشمر نکته دوشردی و بن اول نکته بی قبول ایتزدم
الاقران عظیم الشاندن و حدیث رسول اللهدن ایکی دلیلک شهادتیه
(و ذوالنون مصری رحمه الله که اولو مشایخندر پیورمشدر که
الله تعالی به محب صادق اولانک علامتی اولدر که حبیبی محمد علیه الصلاة
و السلامه تابع اوله اخلاقنده و افعالنده و سنتلرنده و پیور دقلرنده
و بشر حافی حضرتلریکه غایت اولو کیمشدر لندر دیمشدر که رؤیاده
حضرت رسول الله صلی الله علیه و سلمی کوردم و بکا دیدیکه یا بشر
بلورمبسن الله تعالی نه سبیله سنی اقرانک مایینده نام و شان صاحبی
ایتدی بیللم بار رسول الله دیدم پیور دیلر که بنم ستمه تابع اولماک
و صلحایه خدمتک سببیه و اخوانکله حسن صحبت و اصحابه
واهل بیته محبت ایتک ایلله الله تعالی سنی ابرار منزله سنه چیقاردی
(فصول مفصلده بو عزیزک مناقبده یزار که اول حالی فسق و فجور

ساز و سوزه مبتلا ایکن بر بسمله بی بردن قالدیروب تعظیم ایتسبله
توبه و هدایت مظهر اولوب بعده کرامات عالییه صاحبی اولمشدر
(حتی برکون برکی ده بازرکان طائفه سبله در یاده کچمک اوزره ایکن
بازرکانلردن بری بر جوهر ضایع ایدر بشر حافی درویش سیمیا
بالن آباق باشی قباق کز مک عادت اولمغین جله مکی خلقی اراسنده
صورتا اندن محتاج فقیر بولمغین سرقه ابله انی متهم ایدرلر والبته
جوهر سنده در و پردرلر اول دخی دریا بالقلربینه بر کره چاغرر
یا حیاتان الماء برر جوهر کتورک همان اول ساعت دریا حرکت
کلور نه کوررلر که بنجه بیک بالقی اغزینیه بررقیمتلی جوهر آلوب
کلورلر و کتوروب جوهرلری کیه براغورلر بازرکان طائفه سیانی
کوریک بشر حافی نک الله وایاغنه دوشوب عذر دیلرلر اول دخی
عذرلرین قبول ایدوب جمیع جواهری انلره بخشیش ایلر و جله
کرامتدن بری بودر که مادامکه کندی صحتده ایدی ساکن اولدیغی
شهرک صواققلرنده حیوان اصلا ترسلزدی تا که عزیزک ایاغنه
بولشمیه اشبو مرتبه به واردیغی کچن خصلتلری سبیلله اولدیغی فهم
اولندی (وینه جنید حضرتلری ابوسعید خرازدنکه مشایخک اولولردن
وذوالنون مصرینک صحبت ارلرنددر ایکوز یتیم یدی تاربخنده
وفات ایتشدن نقل ایدر که بیورمشدر هر بر باطن که ظاهر شریعت
مخالف اوله اول باطلدر مناقب شریفنده یزار که بو عزیزک
در تبوز پاره کاب تصنیفی وارددر جنیدک یارانلرنددر (وینه جنید
حضرتلری محمد بن فضل نام عزیزدن نقل ایدر دیمشدر که دین
اسلامک کتمسی درت شیدندر) بری بیلدکلری ایله عمل ایلدکلرنددر
ایکنجی بیلوب عمل ایتد کلرنددر اوچنجی ایشلدکلری عملی
اوکرند کلرنددر دوردنچی خلقی اوکرنددر منع ایتد کلرنددر دین اسلام
بونلردن یقلور کیدر بیورمشدر (برکیلی مرحوم جنید حضرتلرنددر
بومشایخک کلماتی رساله قشیر به دن الوب نقل ایتد کدنصکره دبر که
نظر ایله ای طالب حق اولان مرد عاقل که بونلر علماء طریقنک اولو

مطلب حکایت بشر حافی

مشایخی و اهل سلوکک هر یزلی ایکن نه مرتبه شریعت مطهره به
تعظیم ایدوب باطن علمنی انک اوزرینه بنایده یورلر وسیرت اجدیده ده
وملت حنیفیه اوزره کید یورلر (امدی صاقین سنی جاهل شیخنک شطیح
وطاماتی یعنی باطن علمدن دم چالیدیغی ترهاتی مغرور ایتسون بونلر
علماء شریعتک بولندن ومذکور مشایخ طریقنک قولندن طشره
چیققلرند نصکره مفسد و ضال اولورلر وای انلره و انلره تابع اولانلره
وانلرک حالی کوزلدر دینلره انلر طریق حقک قطاعیدر حق باطل ایله
قارشیدرلر و حق نه اولدیغی کتم ایدرلر فقیر ایدرین صحرالرده
یولچی یولین باصن قطاع طریقدن بونلر اشددر زیرا یول باصوب
قتل نفس ایدن کاه کبار ایتش اولور کافر اولمز و ایدی جهنمه قلمز
واولدر دیک آدم مؤمن ایسه * من قتل عند ماله فهو شهید * حدیث
شریفی موجبیه شهید اولوب جنته کیدر ونوعا اول آدمه ایلکی
طوقمش اولور اما جاهل اولوب عقیده سی پاک اولمیان شیخ کچینلر
امی مؤمنلرک عقیده سنی افساد ایدوب ایمانلرندن آیرلملرینه و ایدی
جهنمه قالمه لرینه سبب اولور زیرا علماء عظام یازمشلردر که ایمانی
کیدرن سبیلرک اقواسی اوچ سبیدر اولکی حب دنیا ایکنجی
ظلم عباد اوچنجی عقیده واعتقاد بوزغونلغیدر ایمدی مؤمن قرداشره
بو بایده نصیحت اجمالیه بودر که تفسیر واحادیث نقلنه قادر اولمیان
شیخه جدا بیعت ایتیلر تا که عقیده لرین پاک طوتوب سلیم الصدر
قلار (اوچنجی اقتصاد فی العملدر یعنی عملده اعتداله رعایت ایدوب
نه حددن اشوره ونه اکسک ایلیه و بو بایده آیات کریمه لردن دلیل
کتوردیکی دلیلک بری * یرید الله بکم البسر ولا یرید بکم العسر *
معنای شریفی بودر که الله تعالی هر امرده سیره قولایلق مراد ایلر زحمت
ومشقت مراد ایلر و برایت کریمه سنده بیورر که ای ایمان کتورن
کیمسلر الله تعالی سیره حلال ایتدیکی اشیاء لذیذی حرام ایتک
ونجاولزاق ایدوب حرامه دخی حلال دیمک الله تعالی محقق نجاولزاق
ایدنلری سومز یعنی انلره رضاسی یوقدر واحادیث شریفه لردن

مطلب الاقتصاد فی العمل

دلایل اینک بری بود که انس رضی الله عنه روایت ایدر که تحقیق رسول اکرم حضرت تبری پیوردیکه (نفسکزه قتی قتی عملاری یو کلمتک تا که الله تعالی یوکلندی کزی اوزر یکزه واجب قیلیمه زیرا بر قوم نفسلرینه قتی عملاری یوکلندی لرایسه اول یو ک ایله قالدیلر حالاصومعه و کتب سارده اولان رهبانلر انلرک بقایا سیدر (ورهبانیه ابتدعوها ما کتبناها علیهم) آیت کریمه سندن فهم اولسان کبی که الله تعالی پیورمشدر اول رهبانیت کندی ایجاد لرنددر بز اوزر لرینه فرض ایلدک و خبرده کلمشدر که انس حضرت تبری نقل ایدر اصحاب کزیندن بر بلوک کیمشدر حضرت پیغمبرک حرم مبارکنه کلوب خاتونلرندن حضرتک عبادتی نه مرتبه اولدیغنی سؤال ایتدی لر اندخی خبر و یردی لر که کاه نماز قیلار کاه یاتوب او یور کاه اورج طوتر کاه افطار ایدر انلر بو خبری الدقلرنده فکر لنوب دیرلر که بزمه پیغمبرک بینی بین السماء والارض انک کلجک و کچمش کاهلری یار لغمشدر بز انکله برابر اولماز زهمان بزه لازم اولان محکم عبادت ایتکدر دیوب بری دیر که بن بوندن بویله بتون کیجهلری نماز قیلوب او یوماسم کرک بری در که بن دخی ییل اورجنی طوتسم کرک برکون افطار ایتسم کرک و بعضیسی دیر که بن غورتلردن آیریلوب بوندن بویله اولماسم کرک و بعضیسی دیر که ات یسم کرک اول حینده حضرت حبیب الله علیه الصلوٰه والسلام چیه کلدی وانلره دیدیکه سز می بویله و بویله سو یلمش سز وعهد ایتمش سز آ کاه اولک والله حقک عظمت وجلالیچون بن سزدن زیاده قورقاندلردنم وزیاده تقوی ایله عمل ایدنلردنم اما بن صائمده اولورم افطارده ایدرم نمازده قیلارم و یاتورده او یورم و خاتونلری دخی آلوب نکاحلنورم هر کیم بنم ستمی طوتسم ایسه بنم خاص امتدن دکلدردیوب پیوردی (واصحاب کزیندن ابی جحفه روایت ایدر رسول الله صلی الله علیه وسلم ابوالدردا ایله سلمان فارسی بی قنداش ایتدرمش ایدی پس برکون سلمان ابوالدردانک زیارته واردی و دردا اناسنی یعنی ابوالدردانک اهلنی کهنه اباسلرا ایله و فقیرانه هیتله کوردی حالک نه در خاتون دیو سؤال دنصکره

انک بوهیتندن سؤال ایلدی ام اندردا دیدیکه قنداشلغک ابوالدردانک هیچ دنبالغه حاجتی اولدیغندن بزى بوحاله براقتشدر دیو جواب ایتدی بعده ابوالدردا دخی کلدی و سلمان اوکنه سنت قدیمی اوزره طعام کتوردی پیور یا سلمان بن صائم دبدی سلمان دخی لاوالله بن دخی یم سن یمینجه دیوب ابوالدردا یه افطار ایتدردی پس اول کون سلمان ابوالدردا اونده قالوب اخشاملدی کیجه اولوب یتاجق وقت کلد کده ابوالدردا سز یاتک بن کیجه بی قائم اولورم دیو یا تمیق استیجک سلمان یات اشاغی را حت ایله یا ابوالدردا دیدی اول دخی یاتوب برآز او بودقدنصکره مراد ایتدی که ینه قالغه سلمان نم یاخی دیوب اذن و یرمدی کیجهنک آخری کلوب ثلثانی کچد کده قم الان یا ابوالدردا دیو ایکسی یله قالقدیلر و صباحه دک نمازده اولدی لر بعده سلمان ایتدی یاخی سنک اوزر کده ربکک حق واردر و اهلبکک حق واردر کندی نفسکک دخی حق واردر ایمدی هر بر حق صاحبنه حقنی ادا ایله دیدی بعده معا حضرت سرور کاشانه واردیلر و ابوالدردا بوماجرایی اکدی و بیان ایتدی حضرت پیوردیکه صدق سلمان یعنی سلمان کرچک دیمش سوز انکدر (انس رضی الله عنه روایت ایدر که برکون حضرت رسول الله صلی الله تعالی علیه وسلم مسجد کبروب ایکی درک ارا سنده کز ماش براب کوردی سؤال ایتدی یا انس بویاپ ندر ایتدی زینب خاتونک بغلدیغنی ایدر هر بار که نمازده طورمقدن یور یاوب عاجز اولسه ایبه طوتوب طورر حضرت ابی جوزدیروب ایتدی که هر چن که سزدن بریکز نماز قیلسه یعنی نافله سرور و شوق حالنده قیلسون و اگر یوریلوب کسل با صر سه اوتور سون دیو پیور دیلر ابن عباس رضی الله عنهما روایت ایدر که حضرت رسول اکرم صلی الله تعالی علیه وسلم پیورر که عزیمت اولان عبادتی وجوده کتورمکی حق تعالی سودیکی کبی رخصتی دخی سور و بر روایتده معصیتک ترکنی سودیکی کبی رخصتک وجوده کتورمسنی سور رخصت و عزیمت ندر دیو سؤال ایدر سک

مثلاً مسافر ایکن رمضان شریفی صائم اولمق عزیمتدر صائم اولماق
 رخصتدر یعنی بو حدیث شریفلردن اکلان بودر که عابد اولن
 مؤمنلر نفسلرینی قتی مجاهده یه دوشور محبوب اقتضا ایتدیکی یرده
 رخصتله دخی عمل ایلسونلر (ودخی مسلم و بخاری علیهما رحمة الباری
 اهل حدیثک اولوشونلریدر وانلرک نقلی حدیثک معتبرلریدر
 عبدالله بن عمرو بن عاصدن نقل ایدر که عبدالله دیمشدر که عمر
 اولدقه کونمی صائم و کیجه می قائم اولورم دیدیکمی مکر حضرت
 پیغمبر محمد علیه الصلاة والسلامه خبر ویرمشلر پس رسول الله علیه
 الصلاة والسلام حضرتلری سن بویله دیمش سن واقعیمیدر دیوبندن
 سؤال ایتدکه ایتدم بابام انام سکا فدا اولسون یار رسول الله دیدم
 رسول الله بکا ایتدیکه سن بو کافاردکل سن انجیق کاهیجه صائم اول
 و کیجه نیک بر مقدارینی قائم اول هر آیده اوج کوننی صائم اول هر کونی
 اون یرینه اولوب ییل اورجنی طومش اولور سین بن ایتدم یار رسول الله
 بن بوندن افضل صومه قادرم حضرت رسول الله دیدیکه بوندن
 افضل استرایسک برکون صائم اول وایکی کون افطار ایله بن ینه
 دیدمکی بوندن افضلنه قادرم حضرت رسول الله یور دیکه برکون
 صائم اول برکون افطار ایله وصوم داود بودر افضل صیامدر
 بن دیدمکه یار رسول الله بوندن افضلنه قادرم حضرت رسول الله
 یوردیکه بوصومدن افضل صوم بو قدر یعنی نافله صوم اراسنده
 بوصوم داوددن ثوابلو صوم اولماز (و بر روایتده دیر که تحقیق سنک
 وجودک حقی واردر وزوجه کلکده حقی واردر و سنی زیارت ایدنلرکده
 حقی واردر یعنی وجودیکه رفیق ایدوب عبادتده عاجز اولاجق قدر
 قوتسز قومامق کرک وزوجه ایله حسن زندگانی اولماق مرتبه سنه
 وجودک کتورمک کرک وز یار تکه کلان کپسه له طعام کتوردکد نصیره
 انلرایله بیله یمک انلرک حقی در ایدمی هر کون ویا اکثر ایامده صائم
 اولجه بونلرک حقی ضایع اولور بوسببندر که شرعة الاسلامده یزار که
 ییل اورجنی طومق مکر وهدر وینه طریقتده دیر که حضرت رسول الله

بیور ییل اورجنی طوتان کپسه نه صائمدر و نه افطار ایتشد ر زیر
 طبیعت انجیق کیجه ایله یمکی معتاد ایتکله کوندزیمک عادتی اولوب
 عبادت دینله دن قلمشدر و بر غیر روا یتده حضرت رسول الله
 صلی الله تعالی علیه وسلم مذکور عبداللهه ایتش اشد مکه سن
 هر کیجه قرآن عظیمی ختم ایدر مشسن بلی یار رسول الله دیدم بیور دیکه
 آیده بر ختم ایله بن ایتدم بوندن افضلنه قادرم یار رسول الله
 ینه بیور دیکه اکر افضل استرایسک یدی کونده بر ختم ایله
 بوندن افضل اولماز مذکور عبدالله ایدر حضرت بو خصوصده زیاده
 ثقلت ایتدیکم سببیه بیور دیکه (ای عبدالله بلکه عمرک اوزون اولوب
 پیرلک عالمته کله سین اول زمان دیه سنکه نولیدی بن رسول الله
 رخصتی قبول ایتش اولیدم) و بر روایتده حضرت بیور مشدر که
 اورجلرک الک مقبولی یعنی نافله اراسنده حضرت داود صومیدر که
 برکون پر برکون صائم اولوردی و نافله نمازک الک مقبولی حضرت داود
 نمازیدر که نصف کیجه یه دک او یوردی و ثلثی قائم اولوب نماز قیلاردی
 وینه سد سنی یعنی التبی حصه سنی صباح اغرمزدن اولجه استراحت
 ایچون او یوردی (اما بو خصوصده فقهانک کلامی بودر که صاحب
 طریقه اختیار نام کابدن نقل ایدر که دیمشدر طوررکن فرض نمازی
 ادا ایتکدن عاجز اولاجق مرتبه یه وارنجه ریاضت ایدوب کشی
 کندوبی آج طومق جائز دکلدر و دایلی حضرتک بیوردیغی (نفسک
 مطینک فاروق بها) حدیثیدر یعنی وجودک سنک طوارکدر اکار فقی ایله
 یعنی ملائمتلی طوت رفیق دکلدر که طمرلرک سکرلرک کسوب وجودک
 اریده سن ودخی عبادتک ترکی جائز اولد یغی کی ترکنه سبب اولاجق
 قدر اخلق دخی جائز دکلدر وینه انجیلین اختیار نام کابده دیر که کسب
 و کار بر قاج نوعدر بری فرضدر کندی نفسنه و اهل و عیالنه و قضاء
 دیوننه بتجک قدر و بر نوعی مستحب در که بو فرض اوزرینه ارتورمق
 تاکه انکله فقرای کوزه ده و خصمنه و اقر باسنه بولنه و بومرتبه کار
 افضلدر نافله نماز فلقدن و اورج طومقدن زیرا نافله نیک فائده سی انجیق

کنندینه در اما کسبک نفی هم کنندینه وهم غیری به در و بوکا دلایل
نه دیر دیرسک حضرت پیغمبر علیه الصلاة والسلام قولید رک
بیوزم شد * خیر الناس من ینفع الناس * یعنی خلقت خیر لبسی اول
کیمسه در که ناسه فائده سی طوقنه و صراط سوی نام کابده و غیریده
یزار که غنی شاکر فقیر صابر دن اولی در فائده سی خلقه اولدیغی سبیدن
کر جک صوفیون طائفه سی فقیر صابری ترجیح ایدر لر دلایلری بودر که
یوم قیامتده فقر اغنیادن بشیوز ییل ایلرو جسته کیر لر دیر لر اما
فقها بو حدیثی غیر پیغمبر لر امتی اغنیاسندن فقر ایلرو کیرمک اوزره
حل ایدر لر * البذلک علیا خیر من البذلک السفلی * پیوردیغنک معناسی
ویرن کیمسه نک الی الان کیمسه نک الندن خیر لودر دیوتحفه الملوکده
قید ایلشدر فقها نیک بر دلیلی دخی بودر (کسبک اوچنچی نوعی مباحدر که
اول فرض اوزرینه زیاده اوله تجمل و رفاهیت و اظهار نعمت ایچون
(در دخی نوعی حرامدر که اول تفاخر و تکبر لک ایچون قرانیلان مالدر که
اگر حلالدن دخی اولورسه بونیت ایله ینه حرامدر) وینه طریقتده
ناتارخانه نام کابدن نقل ایدر که بر جماعتک شهر لر دن طشره بریده
جمع اولوب کندیلرینی لذت و حلال طعام لر دن کسوب و بی کار اولوب
انده حقه عبادت ایللری مکر و هدر لازم و مستحب اولان بودر که کسب
حلال ایلوب شهر لده جمعه و جماعاته ملازمت ایدر لر بو محمله صاحب
طریقت بر سوال کتورمش اگر دینورسه سنک بو فصلده نقل ایلدی بکک
دلایلر مشایخ سلفک یا زیلان احوالنه معارضدر که انلرک قتی قتی
ریاضت لری و کثرت مجاهده لری شومرتبه ایدیکه کیمی ییل اور جنی طوتوب
و کیمه لرین قائم اولمق و یتسوا بدستبله صباح نمازین قلمق و صوم وصال
ایلمک یعنی اوچر کون بدیشر کون قرقر کون یمک و لذت طعام لر دن
اجتناب ایتمک و کونده بر یا ایکی یا اوج کره قرآن عظیم ختم ایتمک واقع
اولمشدر بوکانه جواب ویریلور جواب بودر که اولا وحی بیوریلان
کلامله غیری کلام ینشده معارضه اولماز تا که جوابه محتاج اوله سکالازم
اولان قرآن عظیمک و حدیث شریفک پیوردیغنی طوتمقدردینور

(ثانیاً اول مشایخدن نقل اولسان روایتک صحتنه تسایم دکل زیر انلرده
بحث و تفتیش اولنماش حدیث روایتنده اولدیغی کیمی بلیکه
اکثر یسنده سند و دلایلدن خالیدر قرآن عظیم و اخبار نیویه ایسه بویله
دکلدر پس ایکسی برابر اولمدی که بری برینه تعارض ایلمه (اوچنچی
جواب بودر که کچن حدیثلرده نفسه قتی آشوری زحمت و یروب عبادت
ایلمک ایکی علت ایله علت لندی که علم کلامده برینه برهان لمی دیر لر که
علت قویه در انک ایچون اول فعلی ترک ایتمک اقتضا ایدر که قتی آج
اولمق نفسک هلاک لکنه و غیر ایچون واجب اولان حتی ضایع ایتمک
یا عبادتی ترک ایتمک و یامداومتی ترک ایتمک سبیدر دید کیریدر (وایکچی
علته برهان اتی دیر لر که اول دینلان حکمی تحقیق ایدر علتدر و انک
بیانی بودر که حضرت حبیب الله علیه الصلوٰة والسلام رحمة للعالمین
کوندر لمشدر و جمیع ناسدن حتی زیاده ییلن و عظمتی اکلا یوب خوف
ایلمن اول ایکن نیچون اوله آغر عبادت لده که مشایخدن نقل اولنور
اول دخی چالشمزدی و اصحابی منع ایتدیکی حاشا که بخنندن اوله بلیکه
تکری تعالی به زیاده یقین ایده جک طریق ذکر ایتدیکی طریقتدر غیری
اولیدی اتی بیان ایدوب کندنی دخی اتی وجوده کتورردی * ایمدی
بز بوندن قطعی بیلورز که بزه حدیثلر ایله بیان ایتدیکی و پیوردیغی
طریق معرفه الله اولاشدر یچی و رضاء شریفنه یا قاشدر یچی طریقتدر
حتی حضرت رسول الله صلی الله تعالی علیه وسلم حدیث شریفنده
پیورمشدر اگر حضرت موسی صاغ اولیدی بنم شریعتمه کیروب بکا
تابع اولمقدن غیری چاره بوله مزدی ایمدی بو عزیزک سندن خارج
ایشلرینی شوکا حل ایده رزکه قابلرینک مرضلرینی اول آشوری
مجاهده لر یله علاج ایلدی لر غیر دورلو ازاله سی ممکن اولمدیغندن
یا خود اول عبادت انلره عادت و طبیعت ایستکی اولمغسله اتی غذا
ایدینوب و حق زوجهلرین اکسک ایتمش اوله لر یوخسه شواعتقادده
اولمق کرک که انلرک ایتدیکی عبادت حضرتک پیوردیغنی عبادتدن
افضل اوله (اما بر کیمسه دیسه که بزم پیغمبر یمز مرتبه کالدن بر عقامه

ايشمش ايديكه انى حقه توجهند ن برشى مانع اولمازدي كرك خلقله
 سويلشمسى و كرك يسه سي و ايجمسي و او يومسي و كرك خاتونلري له
 قارششمسى اكا خلوت و عزالت برابر ايدى آنكيچون همان عبادات
 ظاهره ايله قانع اولوب امتنه دخى انى او كوردى زياده مجاهده
 او كرتزدى بو كلامى سويلين كيمسه يه كفر خوڤى واردر حتى بو كلامى
 سويلين ديمشكه مشايخدن بعضيسى بودر چه يه كلكده ديمشكه
 بنى بو حالده كورن زنديق اولور و اولكى حالده كورن صديق اولور
 يعنى صو كنده همان بش وقتن قلوب فرضى و سنتى ادا ايلوب اكل
 و شرب ايدوب ياتور و او يور ايش عوام كى پس اولكى رياضتيرين
 بيلن انى اول حالده كورد كده انكار ايدوب زنديق اولور و اولكى
 حالده كورنلر انك مجاهده سنه باقوب انلردخى اول يوله كىروب صديق
 اولورلر ديمكدر بونك كى سوزلر قى يكلشدر زيرا مؤمن مقامات اوليادن
 بر مقامه اياق باصسه عبادتنى آرتورر و حق تعالىنك و برديكى نعمته
 شكر اوزره اولور تكيم حضرت سرور كائنات عليه افضل التحيات
 كيمه ايجنده نمازده زياده اياق اوزره طور ماسند ن مبارك اياغنده
 اغرى پيدا اولدى اول زمان عايشه صديقه ديديكه يار رسول الله سنك
 ما تقدم و ما تاخر كا هلك يار ايش اوله نيچون بو مرتبه نفسكه زجت
 و بررسك حضرت ديديكه (افلا كون عبادا شكورا) يعنى خدا نك
 بو اولو نعمتيرينه شكر ايدى بنى قوللرندن اولمايمى ايمدى پر كشى كرك
 نعمت دنيويه يه و كرك اخرويه يه واصل اولوب ترقى بولدجه عبادتنده
 دخى ترقى ايتك و اجيدر تا كه نعمتى ازدياد بوله * تكيم حضرت مولانا
 قدس الله سره الاعلى ديمشدر (شكر نعمت نعمت افزون كند
 كفر نعمت از كفت بيرون كند) معناسى بودر كه نعمتك شكرى سنك
 نعمتكى زياده ايدر كفران نعمه نعمتكى الكدن طشره چيقار و نعمتك
 شكرى دخى هم قواله وهم فعلله اولور قواله اولدر كه * الحمد لله تعالى
 بزه بو نعمتى و بردى ديو خلق ايجنده دخى انى سويلوب تحديت نعمت
 ايده اما شكر فعلى اولدر كه اول نعمتك بر مقدار بنى محتاج اولانلره

بذل ايليه و بوشكر اسان شكر يدن نيجه درجه اقوى در اول
 سببدن شيخ سعدى بويتهده الى اسان اوزرينه تقديم ايتديكه ديمشدر
 (از دست و زبان كه بايد * كز عهده شكرش بدر آيد) معناسى بودر كه
 كچك الندن دخى ديلندن كلور كه باري تعالى حضرتلرينك شكرى
 عهده سندن طشره كله * ايكنجى باب شريعت محمدية ده اولان امور
 مهمه بياننده در كه اعتقادى لازم اولاجق شيلردر (بو باب دخى
 اولكى كى اوچ فصلدر اولكى فصل تكيم اعتقاد بياننده در
 و اعتقاد كوكلده بر شئي قطعيجه بيلمكه و اذعان و قبول ايتكه ديرلر كه
 هيچ شبهه احتمالى اوليه و بو كا عقيدة دخى ديرلر ايمدى بو ذكر
 اولناجق ماده لى قطعيجه بيلمك و اينانق هر مؤمنه لازمدر تا كه ايمانى
 و اعمالى درست اوله زيرا عقيدة درست اولدجه اعمال درست اولماز
 بناسى بونلردر و بو علمه علم كلام و علم توحيد و علم اصول ديرلر اهل
 سنت و الجماعت مذهبي يعنى رسول اكرمك و اصحاب كزينك مذهبي
 بودر و بو مذهب صاحبلىرينه فرقه ناجيه ديرلر و اول یتش ايكي
 فرقه كه يرلى جهنمدر بو حديث شريفده بيورر انلره اهل قبله ديرلر
 * و معلوم اوله كه درت مذهب واردر خنى و شافعى و مالكى و حنبلى
 بونلرك جمله سى اهل سنتدر و بو اصولده متفقلردر آنكيچون دور دنده
 حق ديرلر انجق بو مذهب صاحبلىرينك اختلافى عملينده در يعنى
 انساندن صادر اولاجق عبادتلرده و سائر ايشلرده در يو خسه بو اعتقاد
 باینده جمله سى يك دل و يك جهنمدر و جميع انبيا و ملائكة سما و يرلرده
 طريق اسلامى طوتن امت جمله سى بو اعتقاد ايله معتقدلردر الامت
 محمد اراسنده اول یتش ايكي فرقه بو اعتقاد باینك اكثرينه قائل
 دكلردر اول سببدن يرلى ناردر ايمدى اوقيان و دكلمان قريداشدر
 غفلت پموغين قولاغندن چيقاروب جان و كوكلدن دكلك كر كدر زيرا
 امام اعظم حضرتلرى فقه اكبرنده ديمشدر كه بر انسانه توحيد باینده
 بر مشكل عارض اولسه عند الله تعالى حق نه ايسه اول حالده انى اعتقاد
 ايده اما اويله آليقو مبوب صلمان اول مشكلى حل ايدنجيدك استفسار

مطلب شريعت محمدية ده
 امور مهمه

مطلب تفصیل اعتقاد اهل
السنة والجماعة

ایلیه زیرا توحید باشد شك و توقف ایتك كفر در دیو تحریر اولمشدر
اکابناء بومحلی تفصیله کتوردك تا که سائر حکایات کابلیینه بومحلی
قیاس ایدوب غفلتله کچمیدل بیت (یا الهی سن عنایت قبل ودادی
عاجزه * کیم صفات و ذاتك وصفن کایله یازه * مؤمنه واجبدر که
اعتقاد ایلیه تحقیقا الله بردر اکا برشی بکرز من جسم و عرض دکلدلر
عرض اکاد برلر که جسمه محتاج اوله رنگ و رایحه کبی ایددی الله تعالی
بونلردن برینه بکرز من جوهر دکلدلر جوهر اکا دیرلر که اندن جسم
حاصل اوله یعنی پاره لغمغه قابل اولمیان کوجك پار چدرله دیرلر الله
تعالی اندن منزهدر صورت دکلدلر اوجی و نهایی اولورشی دکلدلر و جزء
جزء اولاجق شیء کبی دکلدلر بمنز و ایچمن و اندن اولاد طوغمدی
و کندی طوغمدی نتیجه بودر که اکابر بکرز شیء اولمز مکان ایستمن
واوزرندن زمان کچمن و آتی جهتمدن برجهتی یوقدر یعنی صاغدن
وصولدن و اوکدن و آرتدن و اوستدن و آتدن منزهدر و بونلرک برنده
دکلدلر و انك اوزرینه برشی واجب دکلدلر و خلق ایتدیکی شیلردن
بر حادث ذاته یا قلمشمن حکیمدر برشبی ایشلر و براتمن الا بر حکمت وفائده
ایچون دیلدیکنی ایشلر ذاتك ایجاب و اقتضاسیله دکل و مختاردر
نقصان صفتلردن منزهدر و کمال صفتلریله موصوفدر و صکره دن
حاصل اولاجق کمالدن منزهدر قدیمدر ازایدلر و ابیدلر یعنی اولی
و آخری یوقدر (والله تعالینك سکرز صفتی واردلر که ذات شریفیله
قائلدر و بوصفات ازایدلر اما باری تعالینك عینی دکلدلر و غیریده
دکلدلر و اول دیدیکمن صفاتلردن (بری حیات صفتیدر که علم و قدرتک
صحتنی اقتضا ایدر یوخسه یارتدیغی ذی روح حیاتی کبی دکلدلر اکا
بکرزمن (بری علم صفتیدر اما بمنز علمز کبی دکلدلر که صکره دن حاصل
اولمش اوله انك علمی ازایدلر) اوچنچی قدرت صفتیدر مخلوقنك قدرته
بکرزمن و انك قدرتی قتمده اون سکرزیک عالمی براتمنق ایله برسکی
براتمنق برابردر و هیچ عجز کلز (دردنچی صفتی سمعدر یعنی ایشتمکدر
اما بمنز ایشتمز کبی دکلدلر حتی بر آدم برآمده برشی فلسفه سه اکر اول

آدم انی ایشتمسه الله تعالی انی ایشدر و قرنبجه باصد قده ایاغنك
سسنی ایشدر (بشنجی صفتی بصردر یعنی کورمکدر اما بمنز کورمنز کبی
دکلدلر قرا کو کبجه ایچنده قره قرنبجه نك قره طاش اوزرنده کزدیکنی کورر
پرلر و طاشلر و کوکلر ایچنده مضمر اولان شیبی کورر (التنجی صفتی
ارادندر یعنی دیلرایسه برشبی برادر و وجوده کتورر و دیلمز سه کتورمنز
یوخسه برشبی براتمنق شانندن اولوب انی براتمنغه محالی اولمید اولیله
دکلدلر مثلا آتشك عادتا یا قسی کبی که یا قق انك شانندن ارادتی الده
دکلدلر الله تعالی بوکا بکرزمن (یدنجی صفتی تکویندر یعنی برشبی
عدمدن و وجوده کتوروب اولدرمق یا خود و جوددن یوق ایتك
بر صفت ازایدلر (سکرزنجی صفت کلامدر یعنی سو یلک اما بمنز
سو یلمه من کبی دیلر و اغز و حرف و صوت ایله دکلدلر زیرا انك کلامی
سائر صفات سبعة سی کبی ازایدلر بو حرفلر و صوتلر بزه تعلیم ایچون
برادلمش اول سبیدندر که کلام الله یعنی قرآن عظیم مخلوق دکلدلر دیشدر
(بردار آخرنده الله تعالینك دیدار شریفن کورمك حقدر قرآن ایله ثابت
و عقلا جائزدر جتنده کوریلور اما مکانه و جهتمده مقابلهده دکلدلر
بلا کیف یعنی تنه لکسنز کورینور اما دنیاده کورنمسی عقلا جائزدر اما
نقلده علما اختلاف ایلدیلر اصح قولده حضرت حبیب الله دن
غیری به کورنمسی واقع اولما سندر اما رؤیاده کورنمسنده دخی
علما اختلاف ایلدیلر صورت و جسمدن منز اولد ییچون بعضیلری
جائز اولمه سنی منع ایلدیلر و بعضیلری رؤیاده کورمك جائزدر دیدلر
و نیجه مشایخن کوردکلری نقل اولنور اما الله تعالی کندی ذات شریفی
علی الدوام کورمسنده هیچ علما منینمده اختلاف یوقدر فقه اکبر
شرحنده بویلمه مسطوردر (و عالم جمع اجزاسیله و صفاتیله حادثدر
یعنی عرش اعلا دن پرلر التمه و ارنجه جمع کراسته سیله و لونیه
حادثدر یعنی یوقدن و ارا اولمشدر الله تعالینك براتمنسبیله اندن غیری خالق
یوقدر و جمع موجودات انك تقدیر یله و علمیه و ارادتیله و قضاسیله در
(وقوللرینك اختیار لری واردلر عمللرنده اول اختیار لرینه بناء

مطلب حق تعالی حضرتلرینك
رؤیاده کورلمسی

صالح عملارینه ثواب و بریلوب و برامز عملار یچون عقاب اولنور
و عمل صالح الله تعالینک رضاسیله و محبته در امارامز عملار الله تعالینک
رضاسیله و محبته دکلدر والله تعالینک ثواب و یردیک محض فضلنددر
یوخسه عبادتله مستحق دکلرز والله تعالی ک عقاب ایلمسی محض
عدالتدر ظلم دکلدر زیرا اعضاء صحیحه و یردیکندن غیر اختیار
دخی و یرمش ایدی و قدرت و یرمشدر و اول قدرت فعله مقارنتله
خالق اولنور یعنی الله تعالی قادر اولیا نه تکلیف ایتمز الا قدرتی اولانه که
عقل و سمع یرنده اولدقد، اوزرینه قدرت بنا قیلنور و فعلنه مباشرت
ایتدیک کی اول فعل خلق اولنور مثلاً ابدسته یا پشدیغک کی قدرت
خلق اولنور یعنی ابریفی اکدیرسین آبدست آلورسین یوخسه تنبلار کی
اوتورب جبر یلمز مذهبجه انسانک النمن نه کلور دیرایسک ابدسته قدرت
و عبادته لیاقت خلق اولنور و عبد قدرتی اولیان شیشه تکلیف اولنور
و مقتول کنیدی اجلیه اولمشدر و اجل بردر یعنی حکما نک دیدکلی کی
اجل ایکیدر قتلدن و یا طاعون ککی آفتدن کتسی مقدم اولوب
ایکنجی اجلی کنیدی طبعیه افسوس اولسی اوله و اولکبسنه اجل اخترامی
ایکنجبسنه اجل طبیعی دیرلر اوله دکلدر زیرا بواجل تقدیر الهی
ایله در و علم الهیده ینه اولاجق بردر (لکن بو محله اکلایق کر کدر که
بزم علما مزاجلی برغیری طرزله تقسیم ایدوب دیمشدر که اجل ایکی قسمدر
بری اجل قضا و بری اجل معقدر اجل قضا اولدر که الله جل جلاله
برکشینک اجلی تقدیر ایتدکده و لوح محفوظه یاز دقده زباده لکنه سبب
اولانلردن برینه تعلیق ایتمش و باغلامش انجق قطعیه یازمش
بو فلان ابن فلانک عمری شو قدر یک نفس اولوب اجلی فلان و قنده در
دیمش اوله بوکا اجل قضا و اجل مسمی دیرلر که تغییر قبول ایلمز *
فاذا جاء اجلهم لایستأخرون ساعة و لایستقدمون * آیه کریمه سی
بواجل قضا حقنده در * اذا جاء القدر لاینفع الحذر * حدیث شریفی
بو قسم تقدیردن صفیق فائده و یرمدیکنی بیان ایدر و اجل معلق اولدر که
الله تعالی برکشینک عمرنی تقدیر ایدوب لوح محفوظه یازد یغنده

مطلب اجل قضا و اجل معلق

برصیه تعلیق ایلر و باغلامش فلان ابن فلان ر بسنه مطیع اولوب صدقه
فلانیه و یرسه و صله رحم ایلر سه عمری سکسان ییل اولسون و اگر صدقه
و یرمبوب صله رحم ایلوب ر بسنه عاصی اولور ایسه عمری قرق ییل
اولسون دیوقید اولنور بوکا اجل معلق دیرلر اگر اول شرطی یرینه
کتور سه عمری دخی اوزون اولوب ینه اجلی بر اولوب صکره کی اجلیه
اولور و اگر عمری اوزونلغنه سبب اولان شرطله مقید و مشغول اولوب
وجوده کتور سه ایسه عمری دخی اوزون اولوب اولکی اجل ایله وفات
بولور و بوکا دلیل سرور کا ثباتک * الصدقه و الصلة تریدان فی الاعمار *
قول شریفدر یعنی دیمک اولور که صدقه و یرمک و صله رحم ایتمک
عمری زیاده ایدرلر ایمدی حقیقته ینه اجل بردر یا اجل قضا یا اجل
معلق اولاجقدر و بو اجل معلق غیر معین اسباب اوزرینه دخی معلق
اولور تکیم قرآن عظیمده انی آشکاره ایدر دلیل * ولا تلقوا بایدیکم
الی التهم لکم * آیت کریمه سیدر معنای شریفی کنیدی کزی هلا کله
براقک تا که اجله سبب اولاجق شرط بولنیه دیمکدر تکیم شیخ
سعدی بومعنا ده دیمشدر بیت * کر چه کس بی اجل نخواهد مرد *
نورودر دهان اژدرها * معنای بودر اگر چه کیسه اجل سز اولمز
اما سن اژدرها اغز ینه کتمه زیرا احتمال که اجلک اکا معلق اوله اما
اکر معلق اولماش اوله قورنلق اولور و لکن تقدیر نه اولدیغنه
کیمسه نک علمی اولدیغندن مؤمنه لازمدر که عمر ینه و دینه ضرر
و یره جک شیلردن اجتناب ایدوب عمر و عمل صالح ازدیادینه سبب
اولاجق شیلری وجوده کتوره تا که دین و دنیا سی معمور اوله بو محمل
مناسبتله کتب کلامیه دن نقل اولندی (کلک ینه طریقت کلامنه
بلمک کر کدر که رزق که انسان و حیوان غدا نیدیغی شیشه دیرلر بزم
مذهبمز ده حلاله و حرامنه رزق دیرلر و هر کس کنیدی رزقنی تقدیر
اولندیغی اوزره بیوب تمام ایدر نه غیرک رزقنی یرونه غیر کیمسه انک رزقنی
یر و کشینک کنندن صکره قلان مالی کند و یره مقدر رزق دکل ایمش
غیرینک رزق ایمش اندن اوتوری دیمشدر که انسان رزقندن زیاده

یمز اما قرا نور (و کافر له و مؤمنك بعض عاصیلرینه قبر عذابى حقد ر
 و اهل طاعتك قبر لرنده ذوق و صفایا یلری حقد ر و منکر و نکیر سؤالیده
 و قیردن بویله وجودیله قویق و میزان حقد ر دنیا میراننه بکرمز
 و هر کسك عملك دفتر لری الله ویرلک و عند الله سؤال اولمق حقد ر
 و حوض که قیامت اسبسنده امت محمدیه یوم محشر ده ایچور سه لر کر کدر
 حقد ر مشارق حدیث لرنده یازر که حضرت رسول اکرم صلی الله تعالی
 علیه وسلم پیور مشدر تحقیق قیامت کوننده حوض اوزرنده طور و ب
 کلن لری و ایچن لری نظر ایدر کن امتدن بر طائفه حوضه یا قلمشیدن
 قووه لر بن ایدمکه یارب بونلر ده بن دندر حق امتدن رب العزیزدن
 خطاب و ندا کله که یا حبیبم یلر سین بونلر سندن صکره نه لر احداث ایلدیلر
 و بونلر وار دغه کیرویه کتدیلر یعنی پیور و غکی و ستنکی طوتمیوب
 معصیته و بدعتیه دوشدیلر و یا خود کفر ارتکاب ایتدیلر دیمک اوله ایمدی
 بو حدیثه تنبیه وار در که امت محمد دئم دین کیمسه احداث اولان
 بدعتلردن اجتناب ایلنه تا که یوم قیامتده اول حوضدن قوولان طائفه دن
 اولیوب اول آب پاکدن نوش ایلک مبر اوله و بدعتدن مراد بدعت
 سببه در نیکیم بیانی کیدی و بیک کر کدر که آب کوثر جنتده اولور حوض
 ایسه محشر میداننده اولور (و صراط حقد ر قیلدن اینجه و قیلچدن
 کسکین دینلیدیکی صعوبت هر ورندن نکایه در) (و پیغمبرک و اولیانک
 و علمانک و شهدانک بعض اهل کائر ایچون و غیر ایچون شفاعت لری
 حقد ر و جنت و جهنم الا آن یار دلمش و موجود لر در و باقیلر در
 نه انلر و نه اهل لری فانی اولورلر) (و معراج که رسول اکرم صلی الله تعالی
 علیه وسلم جسدیله او یا نقلقده مسجد حرامدن مسجد اقصایه اندن
 کوکله و حق تعالی دینلیدیکی یلره کتدی کیم حقد ر) (و اشراط
 ساعتدن خبر و یردیکی دجالک و دابة الارضک و یا جوج و ما جوجک
 چیمه سی حقد ر و حضرت عباسک کوکدن بیره انجسی و کونشک
 مغربدن طوغنسی جمله حقد ر و مشارق حدیث لرنده دیمسدر که ابتدا
 ظهور ایدن علامت کونشک مغربدن طوغنسیدر و اول کون دابة

الارض دخی حقد ر و دخی کاه کائر مؤمنی ایماندن چقد ر و کفره
 او غرا تمز و ابدي جهنمده آلیقومن و طاعت و عبادتنی محو ایتز الله تعالی
 شرک کتوره نی یار لغمز و شرکدن و کفردن غیر بی دیلر سه عفو ایدر
 توبه سز دخی اولد یسه و الله تعالی صغیره ایچون دخی عذاب ایتک
 جائز در کائر دن اجتناب اوزره ایسه ده و الله تعالی محض فضلندن دعا لری
 مستجاب ایدر و حاجت لری روا ایدر (و ایمان و اسلام بر در یعنی ایمان
 نه ایسه اسلام دخی اودر که حضرت پیغمبره اینانمغه دیرلر جمیع
 حق طرفندن کتوردیکی و پیور دینی شیئه که بالضروره بیلنمشدر
 یعنی تواتر ایله و مشهور اولمغه علم ضروری حاصل اولوب انک کبی شیئه
 ایمان کتورمک واجب اولور پس بر کیمسه بر متواتر حدیثی و یا مشهور
 حدیثی انکار ایلسه کفر لازم کلور زیرا بو ایکی سی علم ضروری بی افاده ایدر
 اما اگر خبر واحد ایله ثابت اولان حدیثی انکار ایلسه کفر لازم کلز اول
 سبیدن ایمانک تعریفنده بالضروره قیدی اولمشدر (ایمدی ایمان قلبیه
 پیغمبره اینانمغه دینور اما دل ایله اقرار و اعمال صالحه نفس ایماندن دکل
 انجیق میوه سی شککنده در ایمان اکسملز و ارتمز زیرا عبدایکیدن خالی
 دکل یا قطعیمجه پیغمبره اینانور مؤمن اولور و یا اینانمزه کافر اولور و بو
 اعتقاد بابی اولمغه قطعیمجه تصدیق معتبر در یوخسه ظن غالبه اعتقاد
 ایلک بو باید جائز دکلدر انجیق عملیاتده جائز در نیکیم فقه اکبر شرحنده
 مسطور در و فقها قتنده تصدیق نبی به دل ایله اقرار ایلک شرطندن در
 تا که اوزرینه احکام شریعت اجرا اولنه اما ایمانک شرط قویسی
 اولدیغندن عذر سببیه ساقط اولور مثلاً دل سز آدمدن ساقطدر
 زیرا اقراره بحالی یوقدر بردخی کفار ارا سنده کوکل ایله تصدیق ایدن آدم
 قتل اولمق خوفندن اگر دل ایله اقرار ایتز سه ده عند الله مؤمندر
 کذلک بر ره بان دین اسلامک حق اولسنی اکلا یوب و محمد علیه السلامه
 و کتور دیکنه کوکلیله تصدیق ایلسه و اینانسه و لکن ریاستدن
 و یا بکلکندن معزول اولمق خوفیه شو یلجه بلا اقرار دنیا دن کنسه
 علماء متکلمین قتنده اول شخص عند الله مؤمندر و لکن اظهار دین

مطلب ایمان و اسلام بر در

مطلب اعتقاد و طعی لازمدر

ایماندیکچون و اعمال اسلامیہ پی وجودہ کتور دیکچون عقوبت
اولنور اما ابدی جهنمده قالمز را اصل ایمان که تصدیق بالقلیدر
انده موجود ابدی بوسیدن اوتوری دیشدر که اسلام و کفر بر حکم
معنویدر ظاهرده کورینان علامایدر مثلال ایلہ اقرار ایتک و نماز
قیلوق و زکوة و یرمک و رمضان شریف آبی صائم اولوق و حج ایتک
بونلرایمانک شرطیدر یعنی علامتیدر بونلردن کشتنک ایماننه حکم
اولنور یوخسه بونلرایمان تحتندہ داخل دکلدر زیرانماز قیلیمان و یازکاة
و یرمیان آدم کافر اولوق اقتضایدردی اما عاصی اولور کافراولمازمکر که
بونلردن برینک فرضبتنی انکار ایلده و یاثری حاللدر دیه اول زمان
کافراولور اما تکاسل و اهماال ایلہ بونلردن برینی اوزرینه فرض ایکن
ترک ایدرسه فاسقدر و عاصیدر و مؤمن اولان کیمسه به مؤمن مبسن
دیدکلرنده حقا مؤمن دیه ان شاء الله دیمیه تاویلنه قادر اولرسه کفر
خوفی وارد در و ایمان کشتنک اقراری و تصدیقی اولمغله مخلوقدر
و کسبیدر اما حضرت حق کشتنک بیلکه واکمغه و صراط مستقیمه
هدایت ایلسی معناسنه مخلوق دکلدر دینور یعنی بو کلامک معناسی
بودر که اقرار و تصدیق بزم کسبدر اما بو اقراره و تصدیقه بزی
سوق ایدن و بونلری اختیار ایتکی ترجیح ایتدین هدایت حقدر
بزم کسبدر دن خارج برمعنادر و بو جهنله ایمان مخلوق دکلدر
دینور اول سبیدن حضرت باری جل جلاله حبیبنه * انک لاتهدی
من احببت و لکن الله یهدی من یشاء * یوردی معنای شریفی
بودر که یا حبیبم سن سودیکک کیمسه لره هدایت ایدہ من سین لکن
ربک دیلدیکمنہ هدایت ایدر (ایمدی بزم مذهبدر ده هدایت قول
انده دکلدر اما معتزله هدایت بزم الیزده در دیرلر) (ومقادک ایمانی
صحیحدر لکن دلیل کتور مکہ قادر اولمدیغندن کاهکار در و مقلد
اول کیمسه در که طاع باشندہ بیویوب غیریدن اشتدیککی اوزره اللهم
وحدانیتنه و پیغمبرک رسالتنه ایمانه و لکن آی و کوندن و عالمک تبدلندن
الله تعالینک وارلغنه هیچ بر در اولدیلی اولمیه مقلدا کادیرلر اما شهر خلقی

مطلب مقلدک ایمانی صحیحدر

مقلد دکلدر دیشدر زیراهر بری بر دلیل بولمغه قادر در و معلوم اوله که
بوجیع مخلوقات خالقک وجودنه دلیل وهر بری مذکر رب جلیله لدر
* وان من شیء الا یسبح بحمده * بیوراندیغی بودر ولیکن مشایخ
گرامدن نیجه عقله ملایم قوی دایلار نقل اولنور حتی جعفر صادق
رضی الله تعالی عنه دیشدر که بال اروسندن یک دلیل اولور که صغیر
بوجک اولوب بر طرفندن زهر و بر طرفندن عسل آقیدوب بری برینه
برازاجق برده قرشماسی دایلددر که انک صانعی قدرت و حکمت
صاحبدر و بونی بو طرزله خلق ایدن واردر کند و لکن ایلہ اولمامشدر
و مشایخک بعضی قرمزی الاجه قرنفلی دلیل طومشدر که سیاه
طوپراقدن یشل بتدکد نصکره و صاپی یشل ایکن ایچروسنده قزل
رنک و تل قلمیله یازلمش شکلنده الاجه ل اولوق صانعی و مصوری
وار ایدیکمنه روشن دایلددر دیشدر و بومعنایه شیخ سعدی دیشدر
بیت * ربک درختان سبز * در نظر هو شیار * هرورقی دفتر یست * معرفت
کردکار * دیمک اولور که انچلرک هر بریشل پیراغی عاقلک نظرندہ
تکری تعالینک معرفتیچون برکبدر یعنی وجود و قدرتنه دایلددر شیخ
من بورك توحید الهیده بویتی مقبول حق اولمغله شیخک سعادت خانه سی
اوزرینه ملاک طبعقرله صحیح و صحیحدیغنی رؤیاء صالحه ده کورمشدر (مثلا
جائی سبحة الاسرارده یازمشدر والله تعالینک بشره کندی جنسندن
معجزاته و کابلیله انبیا کوندردیکمنده حکمت بالغه واردر و اول انبیا
کفردن و کذبیدن جمیع حاللرنده بریلدر و انلره پیغمبرک کلدیکندن
صکره بکاره و صغاره قصد ایلدن بریلدر و انلرک اولی آدم آخری
وافضلی محمد علیه السلامدر و عددلری علی التحقیق معلوم دکلدر
وانلر افضلدر ملتکک رسالندن و ملتکک الله تعالینک مکرم قوللریدر
دائما امرنی اجرا ایدیلدر و معصیت ایشلرلر دیشی وارکک دکلدر
یمزلر و ایچمزلر عبدلری عبادتدر و ملائکک رسلی عامه بشردن افضلدر
و عامه بشر عامه ملائککدن افضلدر بو محله طامه دن مزاد رسالت
غیریدر ولی اواسون یاغیری اولسون (اولیانک کرامتی حقدر ازه جیق

زمانده مسافه بعیده قطع ایلمک کی ووقت حاجنده طعام وشراب
ولباسک ظهوری وهواده اوچق و صواوزرنده یوریمک و طاش و آماج
و حیوانک سوبلسی کی و بونلر پیغمبردن صادر اولسه معجزه در ولیدن
صادر اولسه کرامتدر واکرنی وولینک غیریدن صادر اولسه یا کذب
و یا سحر و یا خود استدر اجددر تکم بیانی کلور و اولیا پیغمبر درجه سنه
یتشمز و اول مرتبه به یتشمز که امر ونهی اندن ساقط اوله و عقیده
طحاویده دیمشدر که (و بی واحد افضل من جمیع الاولیاء) معناسی
بودر که بر پیغمبر جمیع اولیادن افضلدر یعنی جمله اولیایک در جانی
بربنیک درجه سنه یتشمز و اولیایک افضلی ابوبکر صدیق بعده عمر
فاروق بعده عثمان ذوالنورین بعده علی مرتضادر رضی الله تعالی
عنهم و خلافتلری دخی بو ترتیب اوزر در (ایمدی معلوم اولدیکه علی
سر چشمه اولیا دیندیکی رافضی اعتقادیدر و اندن صکره سائر صحابه در
وانلری خیرایله ایمادن غیری منع اولنور و عشره مبشره دن غیری معین بر
کیمسه به اهل جنتدر دینمز صحابه دن صکره افضل امت تابعیندر (و مسلمینه
لازمدر بر پادشاه نصب ایلمکدنکه احکام شرعیه اجرا سنه قادر اوله
و مسلم حر مکلف رقریشی اوله هاشمی اولق و معصوم زو مانه سنک افضلی
اولق شرط دکلدر فسق و فجور ایله معزول اولماز و هر بر فاجرک آردنجه
نماز قیلق جائزدر اما فاسق مجاهر آردنجه کراهت تحریمه ایله مکر و هدر
و کراهت تحریمه ایله قیلنان نمازی وقت وار ایکن دوندر مک واجبدر
وقت حیققدن صکره دوندر لزوم قضا و انمز جائزدر دیندیکی بوندندر که
صکره قضاسی لازم اولیه اما ثوابی اولمز (و ادک اوزرینه مسح ایلمک
سفرده و حضرده جائزدر) و نبید خرما یعنی شربت و غیری شربتدر
حرام دکلدر اما سگری حرامدر (و موتی ایچون دعا ایتمک و صدقه
و یرمک موتایه نفعی وارددر) و مکاتلرک فضیلتی حقددر مثلاً کعبه الله
حرمی مسجد رسولدن افضلدر و مسجد رسول مسجد اقصا دن
و مسجد اقصا سائر مساجددر دن افضلدر و علم عقلدن افضلدر
(و کفار اولادی بیلنمز اهل جنتیدر یوخسه جهنم میدر و کفارک دخی

حفظه سی یعنی انسانک باننده اولان ملکر کی ملکری وارددر (و معدوم
یعنی یوقلق بر شیء دکلدر) و سحر واقعدر ایتمسی حرامدر (و کوز دکلک
واقعدر) و هر بر مجتهد ابتدا حالنده دلیلنه نظر ایله اصابت ایدر اما
صوکننده حکمه نظرله اولور که خطا ایدر زیر حق واحد معیندر
لکن خطاسی عفو اولنور و ثواب دخی بولور اما مقلد خطا ایلمسه
کفر خوفی وارددر دیو شرح شرعده مسطوردر (و نصوص یعنی
قرآن عظیمک و احادیثک ظاهر لفظی ممکن اولان پرده ظاهری اوزرینه
حل اولنور ممکن اولیان پرده تأویل اولنور اما ظاهر معناسی براغوب
باطن معناسی ادعا ایتمک اهل باطنک ابتدکاری کی کفردر و معصیه
حلال دیمک صغیره ایسه دخی کفردر و شریعتی استخفاف ایلمک
و حقک رجستن امیدن کسمک و عذابندن امین اولق و فالجینک
غائبدن خبر و بر مسنه اینانق بونلرک جمله سی کفردر تا تار خائیه ده
مذکور که بر کیمسه الله تعالینک صفاتندن بر صفتنه حادثدر یعنی
صکره دن وجوده کلمشدر دیسه کافر اولور و ذات باری جل جلاله محل
حوادثدر دین کیمسه کافر اولور بی شک و کتاب مذکورده الله تعالی
ذاتیه عالم و ذاتیه قادردر علم و قدرت صفتی یوقدر دینلرک کفر یله
حکم اولنور می (الجواب حکم اولنور زیر بونلر صفاتی انی ایدر اول
سببندن کافر اولور و بونلر معتزله در واکر اعتقاد ایلمسه که الله
تعالینک ایاغی وارددر کافر اولور بر کیمسه دیسه که الله تعالینک جسمی
وار سائر جسملر کی دکل مبتدعدر کافر دکلدر و بر کیمسه دیسه که
الله تعالی کوکده در اگر انکله مکان مراد ایتدیه کافر اولور واکر
مرادی ظاهر اخبارده کلدیکنی حکایه ایسه کافر اولمز اما اگر بر در لونی
ایلمسه اصح قولده کافر اولور و فتوی دخی بونک اوزرینه در واکر دیسه
(نه مکانی ز تو خالی نه تودر هیچ مکانی) کفر ایجاب ایدر معناسی نه سندن
بر مکان خالی نه سن هیچ بر مکانده سن و بر آدم دیسه که خدایک علمی
هر مکانده در بوسوز خطا در صواب اولان کلام بودر که هر شیء الله
تعالی نک معلومیدر و بر کیمسه الله تعالی بی فوقله و تحت ایله صفتلسه

یعنی تکرینک الی و اوستی وارد دیسه بوتشیه کفر در و بر آدم دیسه که
جائز در الله تعالی بر فعلی اشلیه که انده حکمت اولیه کافر اولور زیر
الله تعالی بی سفا هتله صفتش اولور و بر کیمسه دیسه که (خدای
بود و هیچ نه بود و باشد و هیچ نه باشد) ایکنجی کلام ملحدلر کلامیدر زیر
انلرک ظنی جنت و حور عین فانی اولور بوسوز ایسه بعض مشایخ قتله
کفر و بعضیلر قتله خطاء عظیمدر (و بر کیمسه قیامت و یا جنتی
و یا جهنمی و یا صراط و یا میرانی و یا حسابی یا خود اعمال عبادک یا زیلان
دفاترینی انکار ایسه کافر اولور و اول کیمسه که دیسه میراندن مراد
عدالتدر یوخسه اعمال وزن اولاجق میزان دکلدن مبتدعدر کافر
دکلدن کذلک عذاب قبری انکار ایسه (اما بر کیمسه بوم قیامتده شافعینک
شفا عتی انکار ایسه کافر اولور) و بر کیمسه اصحاب کبار جهنمده
ابدی قالور دیسه مبتدعدر و بر کیمسه جنته کبر دکنصکره حقت
دیدارین کورمکی انکار ایسه کافر اولور و عذاب قبری بلم دیسه کافر
اولور و قدریه طائفه سنی اکفار ایلمک و اجیدر شرالله تعالی نک تقدیر یله
دکل دیدکار یچون و هر بر فاعل کنندی فعلنی خالفدر دیدکار یچون
و کیمسایه فرقه سنی اکفار یعنی کافر دیمک و اجیدر الله تعالی به بشیما نلخی
جائز کور دکلدن یچون و رافضیلری اکفار ایلمک و اجیدر بوسوز لرنده که
دیرلر موتاینه دنیا به رجوع ایلر و ارواح تناسخ اوزره در یعنی بر جسمدن
بر جسمه نقل ایدر دیرلر و تکرینک روحی پادشاهلره نقل ایلر و پادشاهلر
تکریلردر و امام باطن خروج ایلر و امر ونهی اول زمانده قالمز و جبرائیل
وحیده یا کلدی محمد کتوردی علی به کتورمدی دیرلر بو کلاملر جمله سی
کفر در و بوقوم ملة اسلامدن خارجلردر حکملری مرتد حکمنده در
(و خارجیلری اکفار ایلمک و اجیدر جمیع امتی اکفار و حضرت علی بی
و عثمانی و طلحه بی و زبیری و عایشه رضی الله عنهم اکفار ایتمک یچون
وزیدیه فرقه سنی که انلر دیرلر عجمدن بر پیغمبر کلوب ملت محمدیه بی نسخ
ایلر و نجاریه فرقه سنی اکفار و اجیدر الله تعالی نک صفاتی نفی ایتمک یچون
(امام رجبیه طائفه سنی در تدر بر قسمی انلردن دیرلر که مؤمنلرک و کافرلرک

مطلب مذاهب فرق ضاله

مطلب بیان مذاهب مر جئه

امری

امری حقه حواله ایده رز کیمی دیلر سه مؤمنلردن و کافرلردن یارلر و کیمی
دیلر سه یارلر و دیرلر که نیجه که کورر سنز دنیا ده بعض مؤمنه عذاب
و بعض کفار صفا و برر آخرتده ده بویله اولور بونلر کافرلردن
و بر قسمی دیرلر که بزم حسناتمز مقبول و سبئاتمز یارلر غمشدر و عبد اوزرینه
برشی فرض دکلدن نماز زکاة و غیر فرایض فضا ئلدنلر قیلار سه
کوزل و قلماز سه ده برشی لازم کلمز و بوقسم دخی اولکی کیمی
کافرلردن و اوچنچی قسمی دیرلر که مؤمنلرک ایشنی تکرری به حواله ایده رز
واهل جنت و اهل جهنم اولدیغنه حکم ایتمز و مؤمنلردن تبری ایتمز
و دین اسلامده انلره دوستلق ایده رز پس بونلر سنت اوزرینه در
سوزلرینه و گروهنه ملازم اول در دنجی قسمی دیرلر که کنه کار مؤمنلره
دوستلق ایتموب و انلردن تبری دخی ایتمز بونلر اهل بدعتدر و بوبدعتلری
انلری ایماندن کفره حقارمز (اما خارجیلرک کلامی کاب اللهیدن برشی
رد ایتمز انجیق خطالری وجه تأویله در دیرلر که نماز ایماندن زکوة ایماندن
و جمیع فرائض و طاعات و دیرلر که بر کیمسه الله و کابلیرینه و پیغمبرلرینه
و بوم آخرته اقرار ایلیوب و طاعاتی عمله کتور سه مؤمندر اما اگر طاعتدن
برخی ترک ایدر سه کافر اولور و دیرلر که زانی زنا ایدر کن کافر در و شارب
الخمر شراب ایچر کن کافر در بونلر جمله منهیاتده ترک عمل ایدنلری
اکفار ایدرلر (پس بونلر تأویللرنده خطا ایلدیلر و بونلر مبتدعلردن
صقن انلردن و سوز لرندن و انلرک سوزلرینی سویلمدن اجتناب ایله
و انلردن مفارقت ایله) (اما بر کیمسه که خنیزن اوزرینه مسح ایتمکی جائز
کور سه تحقیق سنت رسول اللهیدن اعراض ایتمش اولور و بزم قتمزده
اهل بدعتدر انی نماز کده امام ایتمه وانی تعظیم و توقیر ایتمه واکا کیمه
زیرا اهل بدعتدر (ای سالک بو اهل سنت و الجماعه نک مذهبیله
تحصیل یقین ایلمک انک در میان ایدوب جد و جهد ایله وانی اذعانه سخی
ایله و دائماً الله تعالی به تضرع و استعانت ایله تا که بر مضلک اضلالیه
و یارمشک کک شکله طریق حقدن یا غلک سورچسون صاحب طریقت
بو نصیحتی ایتمک دکنصکره دیر که زبیران زمانه مزک بعض صوفی دینلرلردن

مطلب تنبیه سالک آخرت

ایشتم که شیخندن نقل ایدردیکه شیخک افر باسندن بری الله تعالی بی
جالت عظمته کونده بر وایکی کره کورردی موسی کلیم الله ایکن انا مبر
اولیوب * لن ترانی * دیندی ایشته صوفیز شومر تبه به کلندر
دیر ایش بونی خاقل ایشته صحیحدر دیوب قائل کی ضلالت
دوشردی (زیرا بو کلام حضرت موسی علیه السلام اوزرینه بلکه
جمع انبیا اوزرینه غیری بی تفضیلدر زیر الله تعالی بی کورمک
جمله مراتبک اعلاسی وجهه لذاتک رعناسی در و دنیا ده حضرت
حبیب الله دن غیری به مبر اولماشدر انک دخی کورمسنده اختلاف
وارد نتم ذکر اولندی واعتقاد باینده کچدیکه ولی پیغمبر درجه سنه
کلز دکل که کچه شرح مواقف و شرح مقاصده دیر که اجاع
شونک اوزرینه منعقد در که انبیا اولیادن افضلدر و شرح عقاید
دیر که ولی بی نبی اوزرینه تفضیل و ترجیح ایتک کفر و ضلالتدر
یانجه اولسونکه انبیا حضراتی تحقیر واجاعی بوزمقدر وینه دیر که
بعض خلوتیه دن ایشتم که دیر ایدی محمد علیه السلام دن غیری
بر پیغمبر اسمادن یدنجی اسم واصل اولمایوب التمجید قالدیلر
ونجا وزاید مدیلر اما بزحما و زایتک بوسوز دخی کفر در و دخی ابو بکر
ارشاد مرتبه سنه کلندر و بزحساب کرام مرتبه سنی کچمشز
بودخی افضل اولیایی قدح و زمدر بواستک افاضلنه طعن در بلکه
سید الاولین والاخرین اولان حبیب رب العالمینه طعن در حال بو که
حضرت حبیب الله پیور مشلر (خیر الناس قرنی ثم الذین یلونهم
ثم الذین یلونهم) دیمک اولور کم ناسک خیر لوسی بنم عصر مده اولاندر
ینه اندنصره کلندر که تابعیندر ینه اندنصره کلندر که تبع تابعیندر
و بر روایتده پیور مشلر که هر پیغمبرک ایکی وزیری و ارایدی اهل سمان
وایکی وزیری اهل ارضدن اما بنم کوکدن کلان وزیرلرم جبرائیل
و میکائیل در ویر یوزنده اولان وزیرلرم ابو بکر و عمر در رضی الله تعالی
عنهما و تاتار خانبه ده دیمشدر که اگر بر کیمسه عمر و عثمان و علی
صحابه دکل ایدیلر دیسه کافر اولمز انحق لعنه مستحق اولور اما اگر

ابو بکر الصدیق صحابه دن دکلدر دیسه کافر اولور زیر الله تعالی انی
صاحب تسمیه ایدوب حقنیده * اذ یقول لصاحبه * پیوردی و کتاب
ظهیریه ده دیر که بر کیمسه ابو بکرک امامتینی انکار ایسه قول صحیحده
کافر اولور و حضرت عمرک دخی خلافتینی انکار ایدن بویله اولور
اصح اقوالده (ایکنجی فصل مقصود اولان علوم بیاننده در) بودخی
اوج نوعدر برنوعی مأمور اولدیغمر علومک بیاننده در و برنوعی منهی
اولانک بیاننده در و برنوعی مستحب بیاننده در اولکی نوع مأمور اولدیغمر
علوم بیاننده در بودخی ایکی صنفدر (اولکی صنفی فرض عیندر که
علم حالدر قال الله تعالی * فاسئلوا اهل الذکر ان کنتم لا تعلمون * معنای
شریفی اگر علمکز یوق ایسه اهل قرآنه و اهل علمه سؤال ایلیک
و حدیث شریفده * طلب العلم فریضة علی کل مسلم * وارد اولمشدر
هر بر مسلمه علمی طلب ایلمک فرضدر و تعلیم المتعلم نام کابنده دیمشدر که
مسلم نه حالده ایسه اول حالده واقع اولاجق علمی طلب ایلمک فرضدر
پس ایمدی ابتدا لازم اولان نمازدر و نمازک فرضلرینی ادا ایده جک
قدر اوکرنگک فرض اولور و واجبلرینی ادا ایده جک قدر اوکرنگک
واجب اولور صوم دخی بویله در و اگر زکاته بالغ مالی و ار ایسه زکاة
علمی اوکرنگک فرضدر و اگر اوزرینه حج واجب ایسه انک دخی علمی
اوکرنگک واجب اولور و اگر تاجر ایسه بیع و شرا علمی اوکرنگک
واجب اولور و دخی آتش ویرش و یا صنعتله کوشش ایدرسه حرامدن
صافنه جق قدر علم تحصیل ایتک اوزرینه فرضدر و هر بر مسلمه احوال
قلب علمی اوکرنگک فرض اولور توکل کی حقه انابت و رجوع و خشیت
و رضا کی زیر بونلر جمع احوالده واقعدر یعنی توکل نه نک کی یرده
اولور و توبه و انابت نه طریقله اولور و سایر اخلاقی دخی اوکرنگک
فرض اولور جوهر دیک و شجاعت کی زیر بخل و مهاتلک حرامدر
ایمدی بونلری بتمک کرک تا که حلالی حرامدن تمیز ایلبوب حرامدن
اجتناب ایلیه حاصل کلام بودر که علم معلومه تابعدر اگر اول تحصیل
اولنا جق معلوم فرض ایسه انی اوکرنگک دخی فرض اولور و اگر

واجب ایسه انی او کرنگ دخی واجب اولور واکر سنت ایسه انی
او کرنگ دخی سنت اولور واکر نافله ایسه انی او کرنگ دخی نافله
اولور امر بالمعروف ونهی عن المنکر دخی بویه در یعنی فرضله امر
ایمک فرضدر وواجبله امر ایمک واجبدر وقس علی هذا نهایت
بو قدر وار که امر بالمعروف فرض کفایه دندر بر شهرده پروا عظم
اولسه غیر یلردن ساقط اولور و ذکر اولنان اهل سنت اعتقادی
علم حالد و علم استدلاله قلبی منور ایلمسی تقلیددن قور تعلق ایچوندن
(ایکنجی صنف فروض کفایه بیانده در) فرض کفایه اولدر که کندی
نفسنه لازم اولدیغی کی اول علم آخره دخی لازم اوله علم فقهک جمله سنی
او کرنگ و علم تفسیر و حدیث و اصولین یعنی اصول فقه و اصول دینکه
علم کلام و علم قرائندر کفایه در اما علم حساب چوق مسئله ده اکا احتیاج
بولند یغندن خصوصاً علم فرائضده اول سبیدن علم حساب حقنده
ربع علم دیمشدر زیرا علم فرائضک نصفیدر بعید دکلدر که فرض
کفایه دن اولور امام غزالی احیاء علومده بویه ذکر ایدر اما علوم
عربیه نک حقنده که صرف و نحو کی بستان العارفینده ابواللیث
سمرقندی رحمه الله دیر که معلومک اوله که فصیح لسان عربیه نک سائر
لسانلر اوزرینه فضیلتی وارد بر کیمسه که اوقسه یا اوقوتسه مأجور
اولور یعنی ثواب و حسنه ویر یلور زیرا الله تعالی قرآن عظیمی لغت
عربایله انزال ایلدی بر کیمسه که انی او کورنسه انکله ظاهر قرآنی
و معنای احادیثی فهم ایلر انتهی (ایمدی فرضده وسیله اولان فرض
و واجبیه وسیله اولان واجبدر دینلن قاعده اوزره اقتضا ایدر که علوم
عربیه دخی فرض کفایه دن اوله زیرا علوم شرعیه انی بیلکه موقوفدر
(ایکنجی نوع شریعت محمدیه طرفندن نهی اولنان علوم بیانده در که
قدر حاجتدن زیاده علم کلامدن و علم نجومدن او کرنگدر زیرا
خلاصه نام کلامده دیمشدر که بر کیمسه علم کلامی و انده واقع اولان
بختلری قدر حاجتدن زیاده او کورنسه منهی عنه در و بزازیه ده دیمشکه
خصمی دفع ایده جک و مذهبی اثبات ایده جک قدر علم کلامه

مطلب فرض کفایه

مطلب علوم منهیه

احتیاج

احتیاج وارد یعنی زیاده سی جائز دکلدر حتی نوازنده یا زمشدر که
حامدن ابی حنیفه علم کلامده بحث ایدردی باباسی امام اعظم رضی
الله تعالی عنه او غلنی منع ایتدی و او غلی دیدیکه سنی دخی کورشمکه
علم کلامدن بحث ایدرسک یا حالندر که بی منع ونهی ایدرسک ابو حنیفه
دیدیکه ای او غلم بز علم کلامدن بحث ایتدی یکمزدده شویله سویلردک
گویا که قوش باشمز اوزرنده طورر ایدی شونک خوفندنکه ذله واقع
اولسون اما سز بو کون تکلم ایلدی یکمزدده شویله ایدرسک هر بریکز
مه صاحبی اکفارا ایمک ایستر و بر کیمسه صاحبی اکفارا ایمک ایستسه
کندی کافر اولور صاحبی کافر اولمدن زیرا کفره رضا کفردر (وبنه
امام اعظمدن نقل اولنور دیمشدر که علم کلامه شروع ایمک مکروهدر
شبهه سی یوق ایکن اما شبهه سی اولسه کیدر مسمی واجبدر شوکابکرز که
بر آدم دریا کارنده اوله لایق اولان بودر که کندی نفسنی در پایه آتمیه
اما کور دوشر ایسه چیقار مسمی بزم اوزریمزه واجب اولور (پس
صاحب طریقت دیر که بو خبرل افاده ایدر که علم کلام فرض کفایه در
اما لایق اولان بودر که انی اوقیان و اوقدان زکی و متدین و مجد اوله
بوخسه بویه اولمز ایسه مذهب باطله میل ایمک خوفی وارد (اما علم
نجوم حقنده اولان کلام ابن عباس حدیث شریف روایت ایدر که
حضرت دیمشدر که بر کیمسه بو علمدن بر مقدار تحصیل ایمش اولسه
تحقیق سحر دن بر شعبه تحصیل ایمش اولور و خلاصه ده دیمشدر که
نماز و قنلرینی و قبله یی بیله جک قدر علم نجومدن او کرنگ لا بأسدر
زیاده سی حرامدر و بستان العارفینده دیر که علم نجومدن حساب
بیله جک قدر و قبله یی و اوقات صلاتی بیله جک قدر او کرنگ لا بأسدر
اما انک اوزرینه زیاده ایتیه و تعلیم المتعلمده دیمشدر که علم نجوم مرض
منزله سنده در او کرنگسی حرامدر زیرا ضرر ویرر فائده ویرمز و قضاء
الهییدن خفق ممکن دکلدر ایمدی معلوم اولدیکه علم نجومدن حرام
اولان احکامه متعلق اولاندر مثلاً منجمینک کون طوئلسنه و زلزله
اولسنه حکم ایللری کی که فلان زمانده و فلان کونده شویله و بویه

مطلب علم نجوم

واقع اولور دیمایدر زیر علم نجوم عند الاطلاق اوج قسمدر بر قسمه
حسابیات دیرلر پس آنده شک و علمندن شرعاً منع یوقدر الله تعالی بنک
* والشمس والقمر بحسبان * قوی بوکا دلیل و برهاندر که شهور قریه
وشهور شمسیه حسابلریکه موسم حج وصوم ومعاملات شرعیه
واکین و بچم موسمی و معیشت دنیویه بونجوم حسابیه اوزره در و بونده
اهل عبرته دلیل توحید بی شماردر * افلم ینظروا فی ملکوت السموات
والارض * آیت کریمه سندن فهم اولندیغی کی دیمک اولور که یرلر
و کوکلرک ملکوت عظیمدرینه نظرا یتمز مبسر و فکرته دوشمنز مبسر
تاکه خالقک عظمت و قدرتن بیله سک (ایکجی قسمه ظنیات دیرلر مثلاً
آفتابک بروج فلکیه ده انتقا لندن فصول سالک تغیر و تبدلانه اندن
دلیل طومق کی یعنی اسی یا صفوق و یا قوراق و یا یاغشلق اولسنه
ظن حاصل ایتک کی * وقدره منازل * آیت کریمه سندن فهم اولنور که
بوکا شرعاً منع یوقدر انجق ظنیاته اعتقاد باغلیوب قطعی حکمدن
اجتناب ایلیمه (اوججی قسمی و همیایندر کواکبک پر برینه یا قلمشمه سندن
پر یوزنده اولاجق خیره و شره اندن حکم و یرمکدر و بو ذکر اولسان
شیلر کی بوقسم شرعاً ممنوعدر او کر نسی و استعمالی دخی حرامدر
و بوقسمک منهی اولسنده اوج سبب یازمشلدر (اولکی بودر که
هر کیمکه قلبی احکام نجومیه پیوسته اوله دلنده تعظیم کواکب پیدا
اولوب جمله سعادت و محوست تأثیرنی یلدزلردن اعتقاد ایدوب
مؤثر حقیقی اولان رب العزته شریک قوشمق اولور زیر یلدزلرک
تأثیرنی اولدیغی تقدیرجه ینه الله تعالی بنک اذنیله و ارادیله در (ایکجی
سبب بودر که علم مزبور محض جهلدر زیر دیمشدر که سابقاً بوعلم
معجزه حضرت ادریس علیه السلام ایدی اما حالا بوعلم یوق اولوب
کتمشدر و بوعلمک اسبابی و شروطی ضبط اولمق طوق بشردن
خارجدر زیر ایک بکرمی طقوز یلدز واردر که فلك البروجده در و اهل
نجوم قوی اوزره جمله سنک احکامی واردر سا ااحکام سیارات کی اهل
نجوم انلرک احوالن ضبط ایتمشدر انجق بونلرک ایچنده نشانلقلری

قرق طقوز یلدزدر باقبسی مجهولدر پس غیری یلدزلر بونلرک حکمنی
بوزمق اولور و منجملرک زعملرنجه زمانک و مکانک و دوات و ملت
وسالک دلیللری واردر و بوجه سنک مرتبه سنی ضبط و حفظ ایدوب
تحویللرندن حکم چیقارمق کرکدر بوقدر چوق شرائطی ضبط ایتک
طوق بشردن خارجدر (اوججی سبب بودر که قبل الوقوع حوادثک
علمنده فائده یوقدر زیر رسول الله صلی الله تعالی علیه وسلم * لایغنی
حذر من قدر * بیورمشدر یعنی تقدیردن صافتمق برشبئی مفید دکادر
ایمدی بزه معلوم اولدیکه نجومدن بو و همیات قسمی باطلدر و علمی
حرامدر (کل منجم کذاب) بوقسمک حقنده وارد اولمشدر اما قبله بی
و وقتلری بیلک علم هندسه ایلده دخی حاصل اولور و نمازک شرطلرندن
اولمغه علامتلرندن تحری ایتک لازمدر و بوعلم هندسه دخی اسباب
تحریدن بری اولمغه اکامشغول اولمق جائزدر اما واجب دکادر زیر اول
علمک غیری ایلده بیلنور و بو خصوصده ظن غالب دخی کافیدر زیر
علم هندسه قتی زکاوت و ایچمه فکرلی وجهد کثیر صاحبی استر بوا یسه
هر کسه تکلیف اولنمز * لایکلف الله نفساً الا وسعها * بیورمشدر
معنای شریفی الله تعالی بر شخصه تکلیف ایلز الا قدرتی یتدیکنی
تکلیف ایلر اما سائر علوم فلاسفه دن منطق علم کلامده داخلدر
و حکمدن الهیات بایککه شرعه موافقدن اول دخی کلامده داخلدر
اما شریعتیه مخالف اولانی جهل مر کبدر تحصیل جائز دکل مکر که
خصمی رد ایچون اوله و علم طبیعیات دخی علم حکمت کبیدر شرعی
و ناشرعی اولسنده (اما علم سحر و تیرنجیات دخی بونلره بکرز که شرردر
و معاصیدنر انلردن احتراز ایچون او کر نسی جائزدر اما علم مناظره اگر
انصاف ایلده تکلم ایدوب مرادی معنی ارشاد ایه و یا خود تعنت ایده فی
طرح ایتک ایسه مکروه دکادر اما خصمی او ناندرمق قصدی ایسه
اوزرینه کفر خوفی واردر اولی اولان زمانه ده کیمسه ایلده مناظره و بحث
ایلمیه زیر صوابی اظهار ایدر آز بونلور (اوججی نوع علم مندوب
بیاننده در علم مندوب علم مستحبه دیرلر که اعمالک فضائلنی بیلک دخی

نافله لری و سنتلری و مکر و هاتلری و فروض کفایه لری بیک شهرده قائم
دکل ایسه و علم طب دخی بوندندر بستان العارفینده دیمشدر که علم
طبدن مستحدر که آدم اول مقدار او کرنه که انکله بدننه ضرر
ویرر شیدن احتراز ایلیسه اما او کرنگ واجب دکلدر زیر علاجلق
واجباتدن دکلدر (خلاصه نام کابنده دیمشدر که بر آدم قرن شیشوب
کوزلری آغریسه و معالجه ایتمیوب ضعفه دوشسه و اولسه کاهکار اولز
اما بر آدم صائم اولوب اچلمقدن اولسه یسه کاهکار اولور و بویکی
مسئله بیننده فرق بودر که قوت اولاجق قدر بیک فرضدر زیر
علی التحقیق بیلور که اول اجلقک علاجی بیکدر ترک ایسه نفسی
تلف ایتمش اولور اما معالجه ایله صحت بدن معلوم دکلدر اول سبیدن
اولور ایسه کاهکار اولز (و فصول عمادیده دیمشدر که معلوم اوله که
ضرر بدنی کیده جک سبیلر اوج قسمدر بر قسمی مقطوع به در یعنی
ضرر کیدرمسی قطعیدر صومسزاق ضررینی کیده رر صوکی آجلق
ضررینی دفع ایدر اتمک کی بوقسمده توکل ایدوب بیک و ایچیمک
جائز دکلدر بلکه موت خوفی اولدقده ترکی حرامدر (ایکینجی قسمی
مظنوندر یعنی قطعی اولوب علاجی ظنیدر نیشترله و شیشه ایله قان آلق
کی و صووخی اسبله و اسی بی صغوقله علاج اتمک کییکه طبده ظاهر
اولان سبیلدر و بوقسمده اولان علاج توکله مانع دکلدر و ترک ایلیسه
دخی ممنوع دکلدر (اوجینجی قسمی موهومدر یعنی علاجی و همیدر افسون
ویاقی یا قق کی بوقسمک شرطی توکلدر و بونک کی علاجی ترکدر زیر
بونک ترک بیکه حضرت رسول الله متوکللری وصف ایلمشدر نکیم
ابن مسعود روایت ایدر حضرت رسول علیه الصلاة والسلام دنکه
بیورمشدر الله تعالی حضرتلری بکا جمیع امتی کوستردی اما بنم اتم
طاغ و طاش و صحرالری طومش ایدی بونلرک کترقی و هیأتی بنی عجب
کتوردی (پس خطاب کلدی یا حبیبم راضی اولدکی بن دخی نم
دیدم اول حینده ندا کلدیکه بونلرایله معاد دخی بیک کیمسه جسته
بلا حشاش کیرلر ابن مسعود دیدیکه انلر کچلدر که یا رسول الله

مطلب ضرر بدنی کیده جک
علاجلر اوجدر

حسابسن جسته کیرلر حضرت رسول اکرم ایتدی انلر شونلردر که
باقی یا قزلر دخی افسون ایتمزلر دخی تطییر ایتمزلر یعنی قوش اوچدی
ویا یول آشری طوشان کجدی دیو بر شیشه فال بد ایلمزلر و برلرینه
توکل اوزره اوورلر انلر حسابسن جسته کیرلر دیدی پس عکاشه یاغی
اوزره طوردی یا رسول الله دعا ایله بن دخی انلردن اولام دیدی (اللهم
اجعله منهم) دیو اکادعا ایلدی بر غیر یسی دخی قالدی و ایتدی بکادخی
دعا ایله حضرت ایتدی که عکاشه بنی سبقت ایتدی یعنی بو خصوصده
نصیبی اولماغله دعا ایلدی حضرت اهل توکلی بو اوج شبکه افسون
ویاقی یا قق و تطییردر بونلری ترک ایلملریله مدح ایلدی و جسته حسابسن
کیرلریله خبر و یردی صاحب طریقت دیر که بو حدیثده مراد اولان
کال توکلدر بوخسه توکلک اصلی فرضدر که اعتقاد ایلمکدر هر شیده
مؤثر حقیقی اولان خالقک اذنبه تأثیر حاصل اولور و شفا اولور سه
ینه اندن اولورد بو اعتقادیده انجق معالجه بی الله تعالی بر سبب قیلوب
عادت الهیه سی جاری اولمشدر که استعمال اولندقده اکثر یا شفا حاصل
اولور و کاهی اولز نا که اول تأثیر باری تعالیدن اولدیغی فهم اوله
اما اگر بر آدم شفای دوا دن بیلوب باری تعالی نک خلقیله اولدیغنه
اعتقاد ایتمز ایسه مظنون قسمی دکل مقطوع قسمی بیکه توکله مانعدر
یعنی طوق اولمغی بر آدم اتمکدن اعتقاد ایدوب رب العزتک خلقیله
اولدیغنه اعتقاد ایتمسه اهل توکلدن اولوب شرک خفی به اوغراسه
کرکدر پس کال توکل اولدر که الله تعالی به اعتماد ایدوب سبب
موهو مه یا شمیم ایدی بوقسم معالجه بی ترک اتمک مستحب اولدی
بوخسه واجب اولدی و شیخ اکمل رحمه الله مشارق شر حنده
دیمشدر که بو خلق دوا النقصه اوج طبقه در اولکی طبقه سی انبیا
و اولیاد علیهم السلام انلرد و انورلر اما قبلری دوانک خلقیله در
و شفای الله تعالیدن منتظرلردر ایکینجی طبقه سی شونلردر که نفسلرینک
خیا ننه امین اولدیلر دوا به زیاده میل ایتدکار بچون پس دوا بی
ترک ایلمیلر و مرض ظهور ایتدکجه الله تعالی به کندیلرین تفویض

ایلیوب نفسلری ضعفندن دنیا به وعلاجلرینه میل ایتیمک ایچون
 اوچجی طبقه سی اهل تخلیطدر یعنی دنیایه آلوده اولمشلر و دنیا
 اسبابینه توکل ویرمشلراندن ایرلمزلر بونلر تداوی به محتاجدر
 وترکنه صبرایده مزلر وطریق عوام بودر (اما طبقه اولی اعلی
 وجهله دن اقوادر بوسیدن درکه بستان العارفین نام کابده دیمشدر
 اول اخبار که افسونله دوا اولنمق خصوصندن نهی وارد اولمشدر
 منسو خدر کورلمز میکه حضرت پیغمبر علیه السلام رقیبه دن یعنی
 افسونکر لکدن منع ونهی ایلدکرلنده آل عمران بن حزمک بر رقیبه سنی
 کتور دیلر که عقربدن افسونلرایمش وحضرتنه عرض ایلدیلر اول
 حینده بیوردیکه بو خصوصده بأس یوقدر سزدن قنغکز قرنداشته
 نفع ایلکه قادر ایسه ایلسون و محتملدر که اول نهی عافیتی دوا دن
 اعتقاد ایدن گیمسه حقنه اوله اما عافیتی الیهدن یلیوب دوا بی
 بر سبب طوتارسه لا بأسدر (ودخی دوانک مباح اولسی باینده نیجه آثار
 کاشدر که حضرت پیغمبر علیه الصلاة والسلام احد غزا سنده
 برالندقدده جرح مبارکنی چروک ککله صاروب دوا ایلدی وروایت
 اولنور که انصاردن بر آدم باش طمرنه اوقایله اولدقدده حضرت
 پیغمبر امر ایتدیکه داغلیه لر وروایت اولنور که حضرت پیغمبر
 معوذتین ایله افسون ایدردی و آثار بو خصوصده چوقدر انتهی
 وبوی یعنی داغ موهوم قسمندن طوتنق کلی دکلدر بلکه کاهی
 مظنون قسمندن وکاهی مقطوع قسمندن اولور بواجلندن سارقن
 الی کسلدکده داغلامق امر اولمشدر تا که هلاکنه سبب اولیه
 (وبیلک کرکدر که تطیر یعنی قرغه وطوشان کی ایله فال بد طوتنق
 موهوم قسمندن اولغله جائز اولدیغی اکلانمسون بلکه کفر اولدیغنده
 علمامن اختلاف ایلدیلر حرام اولدیغنده هیچ شک یوقدر اجمدی
 بوتفاصلندن ظاهر اولدیکه علم طب مستحبدر بزم قنزدده فرض
 دکلدر فقیر ایدر بن نیجه فرض اولسون که الله تعالی قرآن عظیمده
 وحضرت حبیب الله حدیث شریفنده انسان وجودنی نه منوال اوزر

ضرردن حفظ ایلمسنی بیان بیورمشلردر و علم طبه احتیاج قومامشلردر
 (پس کتاب وسنتله کمالیه عامل اوللره طبیب لازم اولمز نتکیم حضرت
 سرور کائنات علیه افضل الصلواتک زمان مبارککرلنده بر طبیب
 حاذق عجم پادشاهلرینک ارسالله حضور سعادت کلدی تا که اصحاب
 رسول الله معالجه ایدوب خسته لکدن خلاص ایلیه پس طبیب
 مذکور ایکی اوچ ییل دیار عربده اکلندی اصلا کیمسه اصحاب دن
 طبیب به مراجعت ایدوب تداوی ایچون یانسه اوغرامدی عاقبت
 برکون سرور کائناتک حضورینه کلوب عرض شکایت ایلدیکه
 یوقدر مدت اصحابک ایچنده یم هیچ بریسی کلوب بندن علاج استمدی
 تا که بن مأمور اولدیغیم خدمتی برینه کتورمش اولام دیدی
 حضرت پیغمبر بیوردیکه بو طائفه نک عادتق واردر مادامکه اشتیاری
 غالب اولیه یملر واشتیاری دخی وارایکن طعامدن ال چکرلر حکیم
 حاذق دیدیکه تحقیق تندرست لکه سبب بودر و بونلره طبیب لازم
 دکلدر دیو دست پوس ایدوب دیارینه روانه اولدی (اجمدی بونلر
 الله تعالینک * کلوا واشربوا ولا تسرفوا * قوالیه که طب الهیدندر
 عامل اوللریله علم طبی اوکرنگم دکل طبیبک یانسه دخی اوغرامدیلر
 کذلک شیخ زاده رحمه الله تعالی تفسیر بیضاوی بیض الله وجهه
 حاشیه سنده یازمشدر که عباسیلردن هارون الرشید نام پادشاهک
 بر طبیب نصرانیسی واریادی برکون علماء عظامدن علی بن حسین بن
 واقده دیدیکه سزک کابکرده هلم طبدن برنسنه یوق حالا که (العلم علما
 علم الابدان و علم الادیان) دیمشدر یعنی علم ایکی علمدر بری بدنه و بری دینه
 متعلق اولاندیر پس علی بن حسین دیدیکه الله تعالی حضرتلری کمال
 حکمتندن جمیعاً طب علمی کابنده برکله ده جمع ایلمشدر طبیب دیدیکه
 اول کله ندر علی ایتدی الله تعالی * ولا تسرفوا * بیوردیغیدر پس
 نصرانی طبیب ینه ایتدی یارسولکر دن طب علمندن برشی وارهیدر
 علی بن حسین ایتدی رسولکر دخی جله طبی بر حدیث شریفنده جمع
 ایلش و دیمش (المعدة بیت الداء والحیة رأس کل دواء واعط کل بدن

ما عودته) یعنی دیمکدر که معده مرض اویدر و پرهیزکاری هر دو آنک
 باشد و هر یک بدنه معتاد ابتدائی و بر طبیب نصرانی بود کلامی
 اشتد کده ابتدای سزک کتابکز و پیغمبر یکر جالینوس حکیمه طبعش
 الیقومشدر یعنی بوایکسبیل عامل اولیحق تندرستلق مقرر در انتهی
 (پس امدی سالك راه حق اولان کپسه فرض عین اولان علمی
 تحصیل ایتکله فارغ اولسه و فرض کفایه یه قادر اولور کپسه شهرده
 بولنسه یا خوداندن غیری کپسه بولنمیب اما کندی فرض کفایه اداسی
 قدر تحصیل ایتش اولسه بوایکی صورته اولان کپسه لر مخیر در
 دیلرلر ایسه نافله عبادته چالیشدر و دیلرلر ایسه علم مندوبه دوشدر اما
 علمه کوشش ایتک افضلدر حتی امام اعظم قنده نافله حجدن
 و غزادن تحصیل علم افضلدر و افضلینه دلیل آیات کریمه دن بری
 * و علم آدم الاسماء کلها * آیت کریمه سیدر نتیجه سی حضرت آدم
 علیه السلام جمیع ملائکه نك اوزرینه علمی سبیلله تفضیل اولوب
 اکرامت و عزت ایچون سجده ایله امر اولندیلر (ایکینجی آیت
 * ومن یؤت الحکمة فقد اونی خیرا کثیرا * معنای شریفی اول کپسه که
 علم و عمل ویرادی تحقیق اکا خیر کثیر ویرلشدر که واصلک وصفندن
 بیروندر * و قل رب زدنی علما * آیت کریمه سیدر که الله تعالی حبیبینه تعلیم
 دعاده بر غیری شیئک زیاده لکی طلبیله امر بیورمیب الا علمک زیاده لکنی
 طالب ایله امر بیوردی دلالت ایدر که طالب اولنه حق علمدن افضل برشی
 یوقدر نتکیم عدنی شاعر نظم ایتش * رب زدنی علما کلمدی تعلیم دعا *
 نص قاطعدر انک فضلنه زدنی علما * بری دخی هل یستوی الذین یعلمون
 والذین لا یعلمون * آیتدر یعنی بو استفهام انکاری اولوب معنای
 شریفی دیمک اولور که علم اهلی اولانلر ایله اولمیانلر برابر اولور می یعنی
 اولمز مابینلرنده فرق عظیم واردر نتکیم عدنی نظم ایدوب دیمش بیت
 زمره مرده نهاد جهلا عالم ایله * هیچ مساوی اولامی دیدی کلامنده خدا
 بردخی علمانک فضلنه دلیل * شهد الله انه لا اله الا هو * آیتدر (نظم
 ذات پاکیه اولوالعلمی معاذ کرا ابتدی * شهد الله به قبل سمع شهودک القا

مطلب علم مندوب ایله کوششک
 افضلیتی

اولا نازل اولان آیت اقرأدر کیم * اسم رب اوزره انی قیلدی مقدم مولا
 علمه چون بیلنور حضرت قرآن عظیم * بونکیله بیلنور معجزه شمس خدا
 بونکیله بیلور الهی هر یرده کشی * بونکیله کورر اوصاف خدای بینا
 نه شرفدر بو که قرآن وحیدشک شغلی * کلمات ایلک الله ورسوله اولان
 و اخبار رسولدن علمک افضلینه دلیل بودر که کثیر بن قبسدن روایت
 اولنور ابوالدردا موت نبیدن صکره شام جنت مشامده ساکن
 ایکن مدینه منوره دن بر آدم ابوالدردایه کلمدی کلمسندن سؤال ایلد کده
 ابتدی ایشتمکه جناب عزتکز سلطان انبیا حضرت تلمندن حدیث
 شریف روایت ایدر مش انکا کلمکه سزدن حدیث اوکریم ابوالدردا
 تحقیق کلام ایچون تکرار دیدیکه شاید تجارتیه ویا بر حاجته می کلدک
 دیدیکه خیر غیر شیء ایچون کلمدم الاحدیث شریف طلبنه کلدیم
 ابوالدردا ابتدی امدی بیلش اولکه حضرت سرور کائنات عایه
 افضل الصلادن ایشتمکه بیوردی بر کپسه بر طریقه سلوک ایلمسه که
 اول طریقه علمی طلب ایلمه الله تعالی انی جنت طریقه قویار یعنی
 جنته ادخال ایدر و تحقیقا ملئکه طالب علمه تکریم قنادلرینی ایاقلری
 التهدوشلر و تحقیقا عالمه یرده و کورده اولان مخلوقات حتی صوده بالفلر
 استغفار ایتده دیلر و عالمک عابد اوزرینه فضلی وار تقلبی آیت سائر
 یلدلر اوزرینه فضلی کیدر و تحقیق علما انبیا وار ثلریدر اما انبیا درهم
 و دینار الیقوم دیلر انجق علمی میراث قودیلر هر کپسه که انی آلدی ایسه
 فراوان نصیب المشدر بیت * تحت اقدامه فرش ایلمه راجحه سن
 راه طلبیه واروب خبلی ملک لایحی * علمادر چون نبیون بنی اسرائیل
 * انبیانک دیدی وار ثلریدر هم علما * و عبد الله بن عمر رضی الله عنه
 حضرت پیغمبردن روایت ایدر که بیورمشدر * عبادتک افضل علمی فقه
 و دیانتک افضلی پرهیز لکدر * کذلک ابن عمر نقل ایدر که علمه ازاجق
 عبادت علمسز اولان چوق عبادتدن افضلدر بیورمش بیت
 * اعمال کثیره اوله جهلمه قلیل * عمل جزئی علمه اولور تکثیر و بها *
 و ابن عباس رضی الله تعالی عنه حضرت تلمندن نقل ایدر بیورمشدر

طالب اولدیغی حالده بر کیمسه نك اجلی کلمسه الله تعالی به وارر
شو مرتبه ده که کندیله پیغمبرلار اسنده نبوت درجه سندن غیره درجه
اولیه و ثعلبه رضی عنه روایت ایدر که الله تعالی یوم قیامتده قوللری
مایینده فصل قضا ایتدیکنده علمایه دیه که بن سزده علم و حلمی قومیم
تا که سزده عذاب ایلم بن سزده مغفرتی مراد ایلدم تکیم دیر * دخی بریده
بیوردی علمایه دیه حق * سزی اول بلوب ایتدم ینه علمی اعطا *
سزده وضع ایتدم علمیکه عذاب ایلم * جمله کن مغفرت ایتدم قیلوب
احسانه سزا * وابی امامه رضی الله عنه حضرت سرور کائناتدن
روایت ایدر که پیومشدر یوم قیامتده بر عالمی و بر عابدی عرصاته
کتورلر عابده دینور که وارسن جنته کبر عالم قالوب طورسون تا که
کنهکار قوللر ایچون شفاعت ایلمه و عبد الله بن عمر روایتده دیر
عالمک عابد اوزرینه فضلی یمش درجه در که هر درجه نك مایینی یمش
یللق آت سکرتمسبله اولان مسافه در وسپی بودر که شیطان خلقه
بدعت ایشلتدیرر عالم دخی کوروب اندن منع ایدر اما عابد
ریدسنک عبادتنه توجه ایتش بدعته باقمز و منع ایتز و ابوهریره رضی
الله عنه حضرت تیزدن روایت ایدر که پیومشدر دین حقه فقه دن
افضل شیء ایله عبادت اولمز رب العزته (بر فقیه شیطانه یك عابد دن
اشد واقوی در و هر شیئک دیرکی وار دینک دیرکی علم فقه در نظم
* فضل عالم نیجه در عابده دیدی رسول * ایتدن رجل احقرله بن مثلاً *
باعث عصمت امت علمادر دیدی هم * اتم هالک اولور اولمسه صنف علما
هم روایت اولنور وزن اوله یوم المیزان * شول مداد علما ایله دماء شهدا *
و عثمان بن عفان رضی الله عنه حضرت سرور کائنات علیه افضل
الصلو اتدن روایت ایدر پیومشدر که * یوم قیامتده انبیا شفاعت
ایده لر اندنصرکه علما و اندنصرکه شهدا (و حضرت معاویه روایت
ایدر که نبی آخر الزمان علیه السلام پیومشدر که * علم او کر نمکله و فقه
تفهله حاصل اولور و بر کیمسه به الله تعالی حضرت تیزی خیر مراد ایلمه
انی علم دین اسلامده فقهه ایلم * و بو حدیث شریف دلیلله اشباه

ونظائر ده دیمشدر که انبیادن غیره کیمسه به الله تعالی حضرت تیزی نه مراد
ایتدیکنی کیمسه یلمز زیر ابو خبر بزدن غایبدر الا الله تعالی فقههایه خیر مراد
ایتدیکنی معلومزدر که صادق مصدوقک خبر یله نزه یلمدر لمشدر نظم
اول سعادت سکا پس در کایدن حق علمی نصیب * نه دیمکدر نظرایت
یلهمم السعاده * و معاذ رضی الله عنه حضرت پیغمبردن روایت ایدر که
پیومشدر علم او کر نك زیرا علمک او کر نمسی خشتبدر یعنی باری تعالینک
عظمت و جلایان یلمد یروب خوف حاصل اولور و طلب علم عبادتدندر
و مذاکره سی تسبیح و اندن بحث ایتک جهاد و یتیمه تعلیم صدقه در
واهلنه بذل ایلمسی قربتدر زیرا علم حلال و حرامک نشانچبسی و اهل
جنت یولنک قروجسی و خشتبده انیس و غربتده مصاحب و جلیبس
و خلوتده محدثدر و غم و سرورده دلیل و دشمن اوزرینه سلاح و دوستلر
یاندن کشی به زینتدر الله تعالی نیجه قومی علمله رفع ایلمر و خیر اتده انلری
مقتدا و ائمه ایلمر و انلرک آثاری حکایت اولنور دللرده و انلرک افعالنه
او یارلر ایلمرده و انلرک رأیلرینه او یارلر ایشلرده ملائکه کرام انلرک
دوستلغنه رغبت ایدرلر و قنادلر یله اگر اما مسح ایدوب او خشارلر رطب
و یابس انلر ایچون استغفار ایدرلر حتی در یانک بالقلمی و سائر هومی و قره
برک برنجیلری و انعامی بالجمله انلرک یار لغمنسی ایستلر زیرا علم قلوبک
حیاتیدر موتی جهلمدر دخی کوزلرک چراغیدر ظلمتدن علمله قول اخیار
و ایرار منزله سنه اریشور و دنیا ده و آخرتده عالی درجانه نائل اولور
و طلب علمده فکر ایتک صومه معادلدر و درس اوقوتنسی قیام لیله
برابر در انکله ارحام صله اولور حرام و حلال یلمنور علم امامدر عمل
اکا تابعدر الله تعالی علمی سعاده الهام ایلمر و اشقیابی محروم ایلمر *
انتهی الحدیث بیت * طلب علمه کونک صرف ایدوب اول جهدایت *
* قیلدک العلم امام العمل چون اصفا * و دخی ابوذر رضی الله عنه
روایت ایدر که حضرت فخر کائنات علیه السلام پیومشدر * ای اباذر
صباحلده قده کتاب اللمدن برایت او کر نمک سکا یوز رکعت نافله نماز
قیلقدن خیرلدر و دخی صباحه کیروب علمدن بر باب او کر نسک سکا

بیک رکعت نماز قیلقدن خیر ایدر بیوردی ☀ قطعه
اقتدار عمل آیات وحی و صحبه * بیلمنجه نیجه ممکن تبعیت آبا
کوز سواد یله بیاضندن اشد واقرب * جهل الی الکفر خبر و یردی شه اوادنا
وعملک فضیلتی خصوصنده فقها نیک کلامی بودر که خلاصه نام کابده
مذکور در کتب مجتهدیندن ابو بکره سؤال اولندیکه فقها نیک قرآن
اوقومسبی افضل یوخسه فقه درسمی افضلدر جوابنده دیدیکه امام
اعظم شاکردی ابی مطیعدن حکایت ایدر که بزم اصحاب بزرگ یعنی
مجتهدینک کابلرینه باقق ومطالعه ایتک انجق درس اوقتمق سزین
کیجه نیک قیامندن افضلدر دیو جواب و یردی و کتاب مذکورده دیر که
امام ابی بکر محمد بن فضل بخاریدن سؤال اولندی فقیه اولان کیمسه
تسبیح نمازینی قیلسونمی جوابنده دیدیکه اول عوامک طاعتیدر
کیرو دیندیکه فلان فقیه تسبیح نمازین قیلارایمش جوابنده دیدیکه
اول کیمسه بنم فتمده عوامدندر انتهی و تخبیس نام کتاب نفیسه دیر که
بر کیمسه قرآن عظیمک بر مقصدارینی او کرنوب جهله سین او کرشمش
اولسه فراغ خاطر بولدقده اکا افضل اولور قرآن او کرشمک نافله
نماز قیلقدن زیراجله قرآن عظیمی او کرشمک فرض کفایه در و علم فقهی
او کرشمک بوندن اولی در ودخی دیمشدر که طلب علم فقه ایتک وانکله
عمل ایتک نیت صحیح اولیق جیع اعمال بردن خیر ایدر * ما عبد الله
بشی افضل من فقه فی الدین * حدیثی دایلمله ودخی شوندن اوتوریکه
نفعی هم کندینه وهم غیره راجع اولوب خیر ناسدن اولور صاحب
طریقت بو محله دیر که کذلک کندی محتاج اولدیغی علمدن زیاده سنه
اشتغال ایتک افضلدر فرائضنه نقصان کلدیکه و صحیح اولان قول
بودر و کشی به فرض اولان علم اعتقادی تصحیح ایده جک قدر علم
توحید در و صوم و صلات و طهارت و غسلنی شرطیله یله جک قدر
واکرحج و زکاته قدرتی و ارایسه انلرک دخی علمی فرض اولوب و قلب
علمدن شکر و اخلاصی و عجب و ربائی یله جک قدر فرضدر و بونلردن
زیاده سنی دخی تحصیل ایتک افضل عبادتدر انجق تصحیح نیت

مطلب تصحیح نیت

لازمدر و نیتک صحیح اولدر که طلب علم ایلر رضاء اللهی و دار آخرتی
نیت ایلوب طلب دنیایی نیت ایلر و بر درلودخی نیت تصحیحنده
دینلمشدر که جهلمدن چیغمنی و خلقک منفعتنی و احیاء علمی نیت
ایلر و بستان العارفین ده دیمشدر اگر طالب تصحیح نیت ایتک قادر
اولز ایه ده علمه چالشقی ترکندن افضلدر زیرا علمی تعلم و تحصیل
ایتدکده مر جودر که نیتنی دخی تصحیح ایلر تکیم مفسیرین عظامدن
مجاهد رحمه الله تعالی دیمشدر که بزم علم طلبنده ایتک چوقلق صحت
نیت دخی یوغیدی صکره الله تعالی حضرتلری نیت تصحیحی مفسر
ابتدی و علمادن بعضیلری دیمشدر که علمی حقلک غیر یچون اوقودق
صکره علم ابا ایلوب لله اولدی اما ظاهر اولان بودر که بو علمدن مراد لری
علوم زاجره دن اولق کرک یعنی کشی بی یرامز شیئدن منع ایدر علم اوله
تا که نیتی تصحیح ایلر زیرا هر علم کشی بی طوغری بوله کتور من
انکیچون دیر لکه جن انسان فقه دن وافر نصب آله لایق اولان
بودر که انکله قالیوب علم زهد و حکما کلامنه و صلحا اخلاقنه نظر
ایلر و مطالعه ایده زیرا انسان یالکز علم فقهی او کرنوب علم زهد
و حکمته نظر ایتسه قسوت قلب حاصل ایدر قلب قاسی ایه حقدن
بعیددر (و تخبیسده دیر که بر آدم علم فقهی او کرنوب صکره عبادته
مشغول او اوب تعلیمدن امتناع ایلر اگر ناس اندن مستغنی ایدر اندن
غیری فقیه اولمقله کفایت ایدر تکیم داود طائی عزات ایلدیکه امام
اعظم حضرتلرینک او او شاکردیدر و عبادته مشغول اولدی بویله
ایدرایسه لا بأسدر یعنی قایرمن اما تعلیم ایلر اولی و افضل ایدی
حاصل کلام بیلک کرکدر اول عبادتکه غیره راجعدر اکا متعدیه
دیر ل قاصره دن یعنی یالکز کندی نفسنه راجع اولاندن افضلدر
(و عبادت متعدیه ایکی نوعدر بر بسی اخرویدر و بوجیع اعمال حسنه دن
افضلدر که تعلیم علم شرعیدر زیرا پیغمبر علمیدر بوسیدن سائر اوزرینه
تفضیل اولندی و بو خصوصده عبدالله ابن مسعود حضرت رسول الله
علیه افضل الصلواتدن حدیث روایت ایدر که بیورمشدر بر کیمسه که

مطلب فضیله عبادت متعدیه

ناسه تعلیم ایلک ایچون دین علمدن بر باب اوکرنسه اکا یتش صدیق
یعنی یتش اواباء الله ثوابی و پریلور و بوسیدن تعجبس نام کتاب نفیسه
دیمشدر که ایکی آدم تحصیل علم ایلسه لر بریسی کندی عمل ایلک
ایچون و اول بر غیر یسی خلقه تعلیم دین ایلک ایچون اوکرنش اولسه
ایکجهیمی افضلدر زیر منفعتی هم کندی نفسنه و هم ناسه اکثر و دینده
ایلغدر انتهی (و عبادات متعدیه نک یعنی نفی غیره راجع اولاجق
اعمالک بریسی عبادت دنیویدر صدقه و یرمک و غیره معاونت
ایتمک کی و دلالت کی و شفاعت ایتمک و کوپر یلر بنا ایتمک و یول
دوزلتمک و یولدن اذ اویره جک شبنی کیدرمک کی پس بوقسم
عبادات اولکی دن اشاغدر اما عبادت قاصره دنکه صوم و صلات
نافله و ذکر و دعا در اندن بر مر تبه یوقاریدر بواجلادن اهل و عبال
قیدنه اشتغال ایتمک و تصدق ایچون کسب ایلک افضل اولدی
بوعبادت قاصره نک نافله سندن و خلوتده اوتورب عبادت ایتمه دن
زیرا بونلرک نفی انجق عابده مقصوردر شیخ زاده رحمه الله تعالی
انوار تنزیل حاشیه سنده * و علم آدم الاسماء کلها * آیت کریمه سی
تحقیقنده علمک فضیلتنه ابتدا قرآن عظیمدن و حدیث رسولدن
دلائل نقل ایلد کد نصکره دیر که بونلردن ماعدا سا رکتب الهیه
علمک فضلنه ناطقدیر اما تورانده الله تعالی حضرتلری موسی کلیم اللهه
ایتدی یا موسی علم و حکمتی تعظیم ایله زیر هر قنخی قولمک قلبنه علم و
حکمت قویام انی یار اقامق مراد ایتشمدیر ایمدی یا موسی سن علمی اوکرن
وانکله عمل ایله اند نصکره بذل ایله تا که بونکله دنیاده و آخرتده بنم
گرامتمه و ایلکمه نائل اوله سک اما زبورده حق سبحانه و تعالی حضرت
داود علیه السلامه یوردیکه ای داود بنی اسرائیل علماسنه و رهبانلرینه
دیکه ناسدن اهل تقوی ایله سویلشسونلر و قنوشونلر اکر اهل تقوی
بولنمز ایسه علمای ایله مصاحبت اتسونلر و انلرده بولنمز ایسه عقلا ایله
مصاحبت اتسونلر شیخ زاده بو محله دیر که الله تعالی حضرتلری
تقوای علم اوزرینه تقدیم ایلدی زیر تقوی علمسز بولنمز خشیت خدا

بولنمذی کی پس اهل تقوی ایکی خصلت ایله موصوف اولمغه علما
اوزرینه تقدیم اولندی تنکیم علما عقلا اوزرینه تقدیم اولندی زیر عالم
اولان عاقلدر اما هر عاقل عالم دکدر اما انجیلده اون بدخی سوره سنده
(وای اول کیمسه یه که علمی اشدیه و طلب المیوب جاهلارله بیله جهنمه
کیدره علمی طلب ایلدیوب اوکرنک زیر علم اکر سزی سعید ایتمز ایسه
شقی دخی ایتمز و علم سزک مرتبه کزی بوجه ایتمز ایسه آلحق دخی ایتمز
واکر سزی غنی ایتمز ایسه فقیر دخی ایتمز واکر سزه فائده و یرمز ایسه
ضرر دخی و یرمز و دیمک که قورقارز یللوب و عمل ایده مه یز لکن دیککه
امیددر که یلورز و عمل ایلر یز و علم صاحبنه شفاعت ایدر و یرمکه لایق
اولان بودر که علم صاحبی رسوای ایتیمه و یوم قیامتده الله تعالی
حضرتلری بیوره ای علما زمره سی ر بکزه ظنکرنه ایدی ایده لر ظنمز
یوایدیکه مغفرت ایده سک و رحمت قبله سک الله تعالی انلره بیور که
تحقیق بن سزی یار اقام و بنم سزه علم و حکمتی امانت قودغم سزه
شری مراد ایتدی کمندن دکل بلکه سزه خیر مراد ایتدی کمندن وارک
صالح قوللرمله رحمتله جسته کیرک بیورر انتهی کلام الانجیل شیخ زاده
آتاردن نقل ایتدی کی برده حضرت علی رضی الله عنهدن نقل ایدر که
دیمشدر علم مالدن یدی وجهله افضلدر (بری بودر که علم انبیا میراثیدر
مال ایسه فرعونلر میراثیدر) ایکنجی علم بذل ایتکله آرتار مال ایسه
دوکنور (اوچنجی مال بیکجی یه محتاج علم ایسه صاحبی حافظدر
(دردنجی کشی اولد کده مالی ایلاره قالور علم ایسه صاحبیه قبره
کیرر) بشنجی مال مؤمنه و کافرله حاصل اولور اما علم بالکرن مؤمنه
مخصوصدر (التنجی عالمه غیر یلر محتاجلردر دین امرنده اما صاحب
ماله محتاجلردکالر در (یدنجی علم صاحبنه قوت و یر صراطی یکمده
مال ایسه یکمکدن مانع اولور کذلک علمک افضلینه متعلق حکایات
لطیفه لار ایدر اولور * حکایت اول وقت که یوسف علیه السلام مصره
سلطان اولدی و روزیره محتاج اولدی پس الله تعالی حضرتلردن
بروزارته لایق کیمسه طلب ایلدی حضرت جبریل کلوب فلان کیمسه بی

ربك بيورديكه وز يركه اختيار ايدده سك يوسف عليه السلام ديديكه
اول كيمه نك حالي آلق بو حاله نيجه وز يراولور جبريل ديديكه ربك
اني بو خدمته لايق كوروب تعيين ايتديكي اول سبيد نكه زليخا سني
متهم ايلد كده بو كيمسه بشكده ياتور صبي رضيع ايكن * ان كان
قيصه قدم من دبر فكذب وهومن الصادقين * ديكه سنك اوزر كدن
بهتان تهمتي دفع ايلدي نيجه سنه وزارت لايق اولميه ديدى و بو حكايه ده
نكته بودر كه بر كيمسه كه يوسف عليه السلام يولين طوغر ادوب
اوزرينه ايتديكاري اسنادى دفع ايلمى سبيله مملكته شريك اولمغه
مستحق اوله يا اول كيمسه كه دين اسلامى برهان مستقيم ايله طوغر ليمغه
سعى ايلوب بدعت وضلا لئلى دفع ايلك اوزره اوله نيجه سنه
الله تعالى نك احسان عظيمه مستحق اولميه (شيخ زاده رحمه الله
بو محله دير كه علمك تحصيلي آتجق سنه حب دنيا نك زياده لكندن
مشكل كلور غيرى دكل زيرا الله تعالى سكا سواد عين وسويداي قلب
وبره شدر يعنى كوزك قره بكي و قلبك دروننده برقر نقطه جقدر پس
شك بو قدر كه سويدا سودا نك تصغير بدر يعنى قلب نقطه سى كوزيك بدن
كوچر كدر بويله ايكن سنه دنيا لقدم بر جرتى شبي كوزك اوزرينه
قوسك برشي كور مر سن ايسه سويداي قلبكه جمله دنياي قوم مشن اويله
قلبه نيجه كورسك كرك يعنى مع هذا قلب كوزيله وجوده كلور (حكايه
اولنور كه بركون هرون الرشيد مجلسنه علما جمع اولمشدى و ابو يوسف
دخى انده ايدى همان بر آدم جيقه كلى و بر غير سى دعوا ايلديكه
بو آدم كيمه ايله اومدن مال الدي استفسار اولندوده آلان كيمسه
اول مجلسده الدم ديواقرار ايلدى علما اتفاق ايلديله كه الى كلسون امام
ابو يوسف ديديكه اكا قطع بد يوقدر علما نيچون ديديلر انكيچون
يوقدر كه آلام ديواقرار ايلدى سرقة اقرار ايلدى ديدى جمله سى
ابو يوسف تصديق ايلديله بعده الان كيمسه اوغور لادكي ديديلر
نعم ديدى بنه جمله سى اتفاق ايتديله كه قطع بد و اجبر زيرا سرقة
اقرار ايتدى ديديلر امام ابى يوسف بوند نصكره اقرار ايتديسه ده

قطع بد يوقدر ديدى زيرا آلام ديمسيله ضمان واجب اولدى بوند نصكره
سرقة اقرار ايتديسه ده اولكي اقرارى اوزره مال تضمين اولنور
هم ضمان هم قطع بد ايسه مذهب ده جمع اولماز انكيچون بواقرار
دكلر ديدى جمله علما بو خصوصه امام ابو يوسف نجب و پسند ايلديله
(و حكايه اولنور امام شيعى دن كه تابعينك اولور ندر ديرايديكه بركون
حجاج بن يوسفك مجلسنده اوتورر كن يلخ شهرنده يحيى بن مهربكه علمادن
اولوب سنلردن ايدى حجاجك مجلسنه قيد بنديله ككتور ديلر پس
حجاج اكايديكه سن ديرمش سنكه حسن و حسين ذريت رسولنددر
اوت اولددر ديدى حجاج يا كتاب الله دن بو خصوصه بكا برواضح
حجت ككتور رسن والا كباك اعضا ليكي قطع ايدده رم ديدى نوله
يا حجاج سكا بر آشكاره جه حجت كنور هم ديدى حجاج انك يا حجاج ديمسى
جرا تنه تجب ايلدى يحيى ديديكه قرآن عظيمه * ونوحا هدينا
من قبل ومن ذريتده داود و سليمان تاو زكريا و يحيى و عيسى * قولنه
وارنجه اوقيوب ايتدى يا عيسى نك باباسى كيم ايدى حالا كه الله تعالى انى
نوح عليه السلام ذرينه الحاق ايتدى يعنى انا طرفندن اولان اولاده دخى
ذريت دينور ديدى حجاج نيجه زمان باشى اكوب فكره طالدى بعده باشى
قالد يروب ديديكه كويا بن بو آنى كتاب الله دن بو آنه دك اوقومامشم
اول كيمسه بي بنندن آزاد ايدوب ماله غنى ايلدى علمى بر كاتيله (حكايه
اولنور كه مدينه منوره ده بر جماعت بردفعه ابو حنيفه حضر تارينه
كلمديلر تا كه انكه مباحثه ايليه لر نمازده امامك قراءتى اويانلرك
قرأ ننه كافيدير ديديكى مسئله ده تا كه امام اعظمى الزام ايدوب شافعى
مذهبنه قائل ايتديله امام اعظم ديديكه جمهور ايله مباحثه ممكن دكل
امر كزى علمكزه تفويض ايلك تا كه بنم ايله اول بو خصوصه
بحث ايليه پس ارالزندن برينه اشارت ايلديله امام اعظم ديديكه
بوسرك علمكز ميدر بلى ديديلر و اگر بمله بحثده الزام اولنور ايسه
و بنم تمسك اقوى اولور ايسه سزاكارا ضممن بلى بزانى مقتدا ايتدك
انك سوزى بزم سوز بزم ديديلر امام اعظم رحمه الله ايتدى سبحان الله

بيان حكاية لطيفه

بيان حكاية لطيفه

بيان حكاية لطيفه

حکایت لطیفه

یا عجب در که اقتداده انک سوزی سزک سوزیکز دکلدر بزدخی امام
 اختیار ایتد کده انک قرائتی بزم قراء تمزدر واول امام بزدن نایب در
 پس جمله جماعت الزام اولندیلر (حکایت اوانور که فرزدق نام شاعر که
 دولت مروانیه شعر اسندن ایدی بر کیمسه بی هجو ایدوب بویتی
 دیمش ایدی) لقد ضاع شعری علی بابکم * کاضاع در علی خالصه
 فقیردخی ترجمه سنی نظم ایلدک (قیوکرده بنم شعرم یوغ اولدی * ننکیم
 خالصه اوسننده انجو * خالصه بر نکته دان وصاحبه الاداب ظریفه
 جاریه اولوب اول زمانه پادشاهی اولان سلیمان بن عبد الملک حرم خاصی
 خاتونلرندن معشوقه پسندیده سی ایدی بویتی ایشد کده واروب
 پادشاه فرزدقن شکایت ایلدی بوسلیمان ایسه جمله مروانلرک
 ارارنده شدید هیبتلی پادشاه ایدی غضبه کلوب امر ایلدی فرزدقی
 بند ورنجیرله علی ملاء الناس انواع حقارتله کتوره لر پس واروب
 فرمان اوزره فرزدقی حضورینه کتوردیلر حتی هیبت پادشاهیدن
 ایاق اوزره طورمغه مجالی یوغ ایدی سلیمان بن عبد الملک ایتدی
 بویتی سنی سویلش سک فرزدق دیدیکه خیر پادشاهم بن بویه سویلدم
 انجو بکا مکروه قصد ایدنلر تبدیل وتغیر ایلش لر بن بویه دیدم
 * لقد ضاع شعری علی بابکم * کاضاء در علی خالصه * ترجمه سنی
 بودر * قیوکرده بنم شعرم ضیالندی * ضیاء انجو کی خالصه اوزره *
 مکر خاتون پرده آرندده بووقعه بی دکلدری بیی بو طرزله اشتدیک کی
 مدح اولندیغندن مسرور اولوب حتی سرورندن کنیدی ضبط
 ایده میوب پرده آرندن چیقوب اوزرنده اولان جمله التونی وانجوبی
 فرزدق اوزرینه براغوب بخشیش ایلوب الن وایاغن جوزوب غنیمتله
 کوتردیلر بعده پادشاه قیوجبسیله یوزیک الحه آردنجه کوندروب
 التونی وانجوبی شاعر دن صاتون آلدی وخالصه به رد ایلدی (حکایت
 امام اعظم عصرنده بر آدمک اوینه خرسزر کوروب متاعن آلدیلر
 واول آدمه طلاق ثلثه ایله عین ویردیلر که بر کیمسه بیلدیروب سویله
 صباح اولدقده حیران و سرگردان طشره چیقدی کورسه که خرسزر

حکایت لطیفه

کنی

حکایت لطیفه

کندی متاعن صتیورلر امایمینی سویله سویلکه قادر دکل پس امام
 اعظم واروب بر درمان امیدیه قضیه اعلام ایلد کده ایتدی وارمحه
 امامنی واهالسنندن برقاج کیمسه دعوت ایله کلد کارنده امام اعظم
 ایتدی بو قرداشکرتک متاعی اوندن سرقت اولمش دیلر بیکر که انی
 الله تعالی رد ایلله بلی دیدیلر امام اعظم ایتدی وارک اهلای محله بی
 واول مهم اولنلری جمع ایدوب برداره قویک و برر برر طشره چیقاروب
 سؤال ایدک متاع صاحبندن سنک متاعک اوغریلین بومیدر اولدخی
 خرسزر اولیسانلره دکل دیسون وخر سزرلر چقیق سکوت ایلسون
 وانلری اخذ ایدک پس امام اعظمک یوردیخی اوزره عمل ایلوب
 جمیع اوغورلنان اشیلری چیقاردیلر علم برکاتیه (حکایت امام اعظم
 حضرتلرینک جوارنده بریکیت وار ایدی دائما امام اعظمک مجلسنه
 کلوب کیدردی برکون امام اعظمه فلان کیمسه نک صویندن قز
 آلوب اولنک استدم اما بندن طاقتدن زیاده مهره محله استدیلر دیدی
 امام اعظم ایتدی وارآل و بورجه کیر استد کلرین و برودخول ایلله
 الله تعالی ایشک آسان ایدر دیدی پس امام اعظم استد کلری قدر یکیده
 قرض الحقه ویردی دخی واروب مهمن کوروب وتأهل ایدوب دخول
 ایلدی بعده برکون امام اعظم یکیده ایتدی وارخلق اراسنده آشکاره
 سویله بن بوشهردن بر اراق بره کنسم کرک و دیارمی دخی کوره سم
 کرک دی اول آدم دخی بو کلامی خلق اراسنده فاش ایلوب زوجه سنک
 خصمی واقرباسی بو قضیه بی اشتد کلرنده کندیله قتی کوچ کلرب امام
 اعظمه استفتا ایچون کلدیلر امام اعظم جوابنده دیدیکه قادردر
 کتور مسینه قنده دیلر سه کتورر صکره دیدیلر که یا امام بونک طریق
 دفعی نیجه اولور ایتدی یکیتدن آلدیغکز مالی کیویه و یروب راضی
 ایدر سکرز دفعی قابلدر انلردخی قائل اولدی امام اعظم اول یکیده
 بو قضیه بی دید کده یکیت ایتدی بن ویردیکمدن زیاده شی استرم
 دیدی امام اعظم ایتدی یا یکیت ویردکار بن آلوب قانع اول یوخسه
 زوجه به بر مسئله اوکر دبرمکه کتورمکه قادر اوله مزسک یکیت دخی

راضی اولوب ویردکین آلدی و دینی قضا ایتدی و امام اعظمین
اول مسئله بی سؤال ایتدی امام اعظم حضرتلری دیدیکه زوجه برآدمه
دین اقرار ایلسمه انی ادا اتمینجه زوجی کتورمه که قادر دکلدرانی او کرسیم
کرک ایدی پس امام اعظمک علمی برکاتنده اول یکیدک هر مرادی
حاصل اولدی و هم دیندن خلاص بولدی و علما مجلسنه کلامک فائده سی
ظهور ایلدی (حکایت لیث بن سعد نقل ایدر که برآدم امام اعظمه
کلوب ایتدی براو غلم وار خوی و خصمتی نامعقول مان عظیم ایله
برجاریه آلوب ویرسم همان آزاد ایدر وینه مال عظیم خرج ایدوب
عورت تزویج ایلسم تطلیق ایدر چاره سی نه اوله امام اعظم ایتدی
اسیر جیلر چارشوشنه او غلبکی کتور هر قنخی جاریه بی کورب بکنور
ایسه کندی نفسک ایچون صا تون آل اندنصکره او غلو که نکاح ایله
اگر بوشار ایسه ینه سنک ملککدر واکر آزاد ایدر ایسه عتی جائز اولر
راوی اولان لیث دیر که امام اعظمک سرعتله جوابندن قتی تعجبدهم
(حکایت هارون الرشید برکون ابو یوسفه دیر که جعفر بن عبسی نک
النده برجاریه سی وار حسنالدن واکا تعشق ایلدی یکمی خبر آملغه یمن
ایتمشدیکه نه صا تسون و نه آزاد ایلسون اما شمدی یمنندن پشیمان
اولش یمنین بوزمغه چاره وارمیدر امام ابی یوسف دیدیکه برنصفی
باغشلاسون و برنصفی صا تسون تا که حاث اولیه شیخ زاده دیر که
یونقل اولنان حکایات علمک افضلیتی بایتمده امام رازینک کلامیدر
طالبلرک سرورینی تجدید وار باب کسله تحریک شدید ایچون نقل
ایلدک بو محله دخی مناسبتله تحریر اولندی بیت

حکایت لطیفه

حکایت لطیفه

* اولدی آثارله ثابت علماء امت *

* اشرف اهل بهشت اولدیغی بی ریب و مرا *

* بعث اولور ایکی ملک قبره تعلیم ایلر *

* فوت اولان طالب علمه دیدی تاروجرا *

* نه شرفدر که صبی وقت شروعه اوله *

* والدیندن اولوب جمله آثامی جدا *

که

* که علمدر سبب خلق نظام الدارین *

* باعث نشر کتب مر دمک ارض سیم *

صاحب طریقت علمک فضیلتی بیان ایتدکد نصکره دیر که ایتدی
ای سالک تحصیل علمده جد و جهده ایله فی زماننا اولان متصوفه
جهله سنه قولاق طومعه که انلر دیرلر که علم ظاهر حجابدر و اول کشف
ایلله دخی حاصل اولور کسبه حاجت یوق بو کلام کذب و ضلال
و خلقی اضلالدر زیرا علم فرضدر و علم کتاب و سنتدن حاصل اولور
و صحابه کرام بوامتک افضلی و خیر لیبی ایکن اجتهاد ایلدیلر کتاب
و سنتدن دلیل طوتدیلر بریسی دیمدیکه بو حلال و بو حرام اولدیغی
بکا الهام و کشف اولندی بو خصوصده عدنی مرحوم برخوش دیمشدر
قطعه * دیمدی حضرت الله و رسول و اصحاب *

* او کلامی که تصوف دیوسویلر جهلا *

* نه شریعت نه طریقت نه حقیقتده خیر *

* کفر اوزیرا اوقیوب دیر که حقیقی درها *

* بو نقوش سیه ایلر دلی اسود دیمه کیم *

* کلم تیره ده در آب حیات معنا *

* اهل ظاهر دیو طعن ایلین اهل شرعه *

* بو قدر الحاد و ضالانده هیچ ریب و مرا *

* شرارندن صغین اللهه ده شرعی کوزله *

* دین و ایمانکی حفظ ایلله تا کیم مولا *

وینه صاحب طریقت دیر که بو صوفی یکینلر دیرلر ایسه بز شول مرتبه
کشفه یتشوب بر مقامه واصل اولدقکه صحابه اکا واصل اولما مشلردر
تحقیق بونلر اهل بدعت اولوب اهل سنتدن خار جلددر واکر بونلرک
برینه سؤال ایلسک اخلاق مذمومه دن مثلاً ریا و کبر و عجب ندر
و بونلرک علاجی ندر و یا اخلاق حمیده دن مثلاً انابت و توکل و صبر
و شکر و رضاء بالقضا و بونلرک طریق تحصیلندن صورسک حیران
و سرگردان قالوب خلط کلامه باشلیوب شطح و طامات سویلردی یعنی

عقله ونقله او بزرگ آیی صافی یوق سوزله باشلر بلکه بعضیلرینی
فرائض صلاتدن و آیدستدن و طهارتدن صورسک متخیر اولور بلکه
بعضیلری اعتقادنی دخی تصحیح ایتمش و ظن ایدر که الله تعالی کوکده
و یار صورتده در و بعضیلری اعتقاد ایدر که الله تعالی قبایح و معاصی بی
می ادا یتمز و بعضیلری اعتقاد ایدر که کندی قول فعلانی موجود در قطعه
* مؤمن معتقد شرع بر آتام اولسه *

* منزلی آخر عقیده جنان علیا *

* اعتقادی سنن و شرعه مخالف اولسه *

* کندی کافر علمی لغو ویری نارابدا *

و بونلر اکثری تعدیل ارکانسز و تجوید قرآنسز نماز قیلارلر
بو قباحتلری وار ایکن ینسه واصلین دن ایزدیو دعوی ایدرلر هیهات
هیهات بلی واصلدر اما شیطانکه و سوسه سیله عاملدر و بعد
دکالدر بعضیلرینه ریاضتله و یا شیطانک کوستر مسیله استدراجا
کشف حسی واقع اولسه تنکیم بعض اهل ریاضت کشیشلره و کفره به
واقع اولور پس جاهلار ظن ایدر که اول کرامت و ولایتدر و انکله مغرور
اولورلر اما بونک معیاری و محکی سلطان العارفين بازید بسطامیدن
نقل اولندیغی اوزره که بر آدمی هوا یوزنده اوتورمش کورسک اکا
مغرور اولمه تا حدود شریعتی نه یوزدن کوزتدیکنی کورمبجه وله ایضا
* کادی اول آدم که دینلدی کثر الدجاون *

* الحذر بک یا پیشوب شرعه کوزت ایتمه رها *

* اخیری سوره کهنی اوقسون دیدی رسول *

* هر کیم انلردن آقن ایلمک ایدر سه رجا *

* بر قبيله که ایمانه قریب اولیه لر *

* انلرک صوم و صلاتی ددی حضرت چوق اوله *

یعنی الله تعالی سوره کهفق آخرنده * فن کان یرجو لقاء ربه فلیعمل
عملا صالحا ولا یشرک بعباده ربه احدا * پیورمشدر معنای شریفی
اول کیمسه که الله تعالی حضرتلرینک حسن لقاسنی امید نور و یاسوه

لقاسندن قورقار الله تعالی حضرتلرینی راضی ایده جک عمل صالح
ایشلسون والله تعالی حضرتلرینک عبادتنه هیچ بر کیمسه بی شریک
قائمسون ریا ایتمکله و یا اجر طلب ایتمکله پس دیمک اولور که آخر زمانده
بویله یولدن چیقارلر دجاللر چیققدقه بوسوره کهفق آخرین اوقیوب
موجبیه عمل ایلمک تاسک طریق حقدن سزی آذر مسونلر
* عمل صالح ایشلسون دیر حق * ربنک کیم لقاسن ایده رجا *
* همت ایت بیل ندر او صالح عمل * کیم اودر موجب وصال و لقاه *
فقه اکبر شرحنده دیر که خارق عادت یعنی عادت جاریه یرتوب
خلاف وجود کتور رشی دورتدر برینه معجزه دیرلر شرائطی
اولدر که صاحبی ایمان و عمل صالحه مقارن اولوب دعوی نبوت
ایلیه ایکنجی سنه کرامت دیرلر شرطی اولدر که صاحبی ایمان
و عمل صالحه مقارن اولوب بر دورلو دعوا سی اولیه و ولی اول
کیمسه در که الله تعالی نک ذات و صفاتی بیلوب ممکن اولدیغی
مرتبه طاعانه مداوم و معاصی و لذات و شهواتدن اجتنابه ملازم اوله
او چخبسنه معونت دیرلر مکر الهی دخی دیرلر صاحبی مؤمن اوله
ولکن عمل صالحی و عرفان الهیسی اولیوب عوام مسلمین دن اوله
الله تعالی ارضاء عنان ایدوب یعنی دیز کینن صالیوروب کوکلی
ایستدیکی وجه اوزره دنیالغی طرفی ال و یرمک دخی بوقیبلدندر
دوردیجی قسمته اهانت دیرلر و قضاء حاجت دیرلر که صاحبی دخی
مؤمن اولیوب کافر ایکن الندن خارق عادت ظهورایلر مثلا فرعون
یقوشه کتدکده آتک کر یکی ایاقلری اوزامق و اندیشه کتدکده اولک
ایاقلری اوزامق کی و زمان آتیده دجالک کونشی طور غرتمسی کی
بواهانت قسمی انلرک کوکلیجه اولوب زیاده طغیان حاصل ایلیوب
عقوبت عظیمه به استحقاقلریچون و یرلمشدر ایمدی هر کرامت
شکلنده کوسترلرینلر شیشه کرامت دیمیوب ابتدا اصحابنه و صاحبنک
حاله نظر ایتمک کرک اگر یازلدیغی اوزره عارف بالله ایسه و ایدر دیو
اتکنه بابشمنی ککرک والا الحذر کل الحذر تنکیم عدنی دیمشدر

* طوغری بولدن صقین آیرلمده شرعی کوزت *

* سنی قطاع طریق اخذ ایدوب ایلا اسبا *

* پیشوامز بزه بونجهجی معین قیلدی *

* اکا بویولده ایرر قافله لر صیف وشتا *

* شیخ ناقصدر اوقطاع طریقك بریسی *

* منویسند بیان ایلدی خود مولانا *

* لیک هب بویله دیو جله به منکر اولمه *

* اقتدا قیل اکا هرکیم ایده سوق حسنا *

* قول و فعلنده اگر شرعه مخالف کورسک *

* احتراز ایت سنی اخذ ایتمیه نار یصلی *

* اولسه آنک اصلی شیخ انی ایتزدی دیو *

* سنی اضلال ایدر ایلپس قیلور اهل شفا *

* پک یا پیش شرع مینه که اودر حبل متین *

* اولدرر عروه وثقی و حدود مولا *

* انی امر ایتدی خدا قیلدی وصیت اول شاه *

* اندن انفع اگر اولسیدی قیلوردی ایضا *

* کیم شریعت شجر اغصان طریقت ددی هم *

* ورق معرفت اثمار حقیقه رضا *

* غصن اوراق و شجر بی ثمر اولمز تحقیق *

* جله به لیک ویرن صاحبی در نشونما *

* باطن شرع طریقت انک ایچره عرفان *

* معرفت ایچره حقیقت بونی ییل قلمه خطا *

* ظن ایدر صوفی طریقت واروب ال او پمکدر *

* اولدرر اهل طریقت که ایده شرعی اجرا *

* جله نك مظهر یدر حضرتی قرآن عظیم *

* که الی سبعة ابطن سکا ویر مزمی شفا *

* اوچنچی فصل تقوی بیاننده در * و بو فصل دخی اوچ نوع در اولکی

بیان تقوی و فضیلت تقوی

نوعی تقوی نك فضیلتی بیاننده در صاحب طریقت دیر که معلومك اولاه که

تقوی نك فضیلتی بیاننده کتاب اللهده یوزاللی آیتدن متجاوز بولدم

قرق آیتدن زیاده تقوی خصوصنده همان امر صریح بولدم

پس اول جله آیاتدن بری * ان اگر مکرم عندالله اتقیکم * آیتی در

معنای شریفی سزك الله تعالی درگاهنده الیو کز و مقبولکز زیاده

تقوی صاحبی اولانکزد در یعنی حسب و نسبله و مالله مقبوللق دکلدر

نکتم بو آیتك سبب نزولنده اصحاب کرام پیدنده بو کلام کچمشدر و بری

* ان اولیاؤه الا المتقون * آیتی در معنای شریفی الله تعالی نك ولیرلی یعنی

منزل جهتندن یقینلری غیری کیمسه لر دکل الامتقایلدر و بوندن غیری

سائر آیاتی امام برکلی عدا ایتد کد نصکره دیر که قرآن عظیمده تقوی

ذکر اولندیغی قدر هیچ برخصلت ذکر و ثنا اولنمشدر که متقی الله تعالی

قتنده اگر ماولق و طاعتی مقبول و حقه ولی و حبیب اولق و الله تعالی

متقی به ولی و محب و مزکی و ناصر اولق و عاقبت و آخرت متقی نك اولق

و جنت حاضر لائق و میراث اولق و تقوی عبادتک غایتی اولق و ثوابه

شرط و سبب اولق و تکفیر سیئات و فتح برکات و ظن ایتدیکی بردن

رزق کلمک و قولایلق و یرلمک هب تقوی اوزرینه موقوفدر و تقوی ايله

امر ایلین ممدوح اولوب تقوی به تعاون ايله امر اولنمشدر و بالجمله

تقویدن اولو خصلت یوقدر ایمدی ای طالب آخرت اگر طریق آخرته

سالک ایسک تقوی به سعی ایلوب جله موانعی بر طرف ايله

و بو خصوصده احادیث شریفه ده وارد اولانندن بری جابر رضی الله

عنه روایت ایتدی کیدر که پردفعه حضرت رسول الله صلی الله تعالی

علیه وسلم ایام تشریقده خطبه سننده دیدیکه ای ناس تحقیق سزك

ر بکنز بردر و آگاه اولک عربینک عجمی اوزرینه و عجمینک عربی اوزرینه

فضیلتی یوقدر و اسودك اجر اوزرینه و احرك اسود اوزرینه

هیچ فضل و رحمانی یوقدر و تحقیق سزك پدز بکنز بردر یعنی حضرت

آدم علیه السلام دن وجوده کلمس سزك بحق سزك فضلکز تقوی

ایله در تحقیق درگاه حقه سزك افضل و مقبولکز تقوایی اولاندر

ای اصحاب سزه خوش تبلیغ ایتد می بلی یا رسول الله دیدیلر
ینه پیور دیکه ایددی حاضر اولانلر یکن غائب اولانلره بو خبری تبلیغ
ایلسونلر و ابوهریره رضی الله تعالی عنه روایت ایدر که سرور کائنات
علیه افضل الصلوات پیور مشلردر که یوم قیامت اولدقده الله تعالی
برمئادی به امر ایلده که ندا ایلده ای بنی آدم بن سزه نسب قیلدم
و سزه نسب ایتد مکه سنزک اکرم و مقبولکنز قتی تقوی صاحبی
اولانکنز در پس سنز ابا ایلد یکن بنم نسب قیلدیغمی قبول ایتوب
دیدیکن که فلان ابن فلان فلان ابن فلاندن خبر ایدر ایددی بن بوکون
کندی نسب می رفع ایدرم یعنی صاحب لر بنی رفیع الشان ایدرم و سنزک
نسب کنزی وضع ایدرم یعنی صاحب لر بنی الجلق قدرلی خور و حقیر ایدرم
ابو سعید خدری رضی الله تعالی عنه روایت ایدر که بردفعه مجلس نبی ده
او نور کن بر آدم حقیقه کلدی و ایتدی یا رسول الله بکا و صبت و نصیحت
ایله پیور دیکه * علیک بتقوی الله فانه جماع کل خیر * معنای شریفی
دیمک اولور که تقوای الهی به ملازم اول زیرا تحقیق تقوی هر خبری
جامع در و هر ایتک آنده موجود در و ابوذر حدیثنده پیور مشدر که
حضرت پیغمبر علیه الصلاة والسلام دیردی تقوای خدادنصکره
زوجه صالحه دن حاصل اولان خیر قدر کشتی به نافع شی اولمز اگر
اکا امر ایلده اطاعت ایده و اگر نظر ایلده انی مسرور ایلده و اگر آنک
اوزینه یمین ایلده یمیننده طوره صادق اوله و اگر اری غائب اولده
نفسنده دخی مالنده خیانت ایتوب حفظ ایلده و ابن عباس رضی الله
تعالی عنهما روایت ایدر بردفعه سرور کائنات علیه افضل الصلوات
برغزادن کلدی و فاطمه بی دعوت ایدوب ایتدی نفسکی اللهدن
صائون الور مبسین زیرا بن سندن بر شبتی معنی دکلم یعنی سنی قوتار دکلم
الا تقوا ایله قور تلور سین و خاتونلر بنی بر دعوت ایدوب بو کلامی
انلره سویلدی و دیدیکه بنم ایتک اولاسی متقبل ایدر و انجق سز براردن
و بر عورتدن سز و سنزک بری بریکزه فضلکنز بوق الاتقوی ایله
و بو باده احادیث غایت چوقدر و عقل دخی غیر طاعتدن تقوینک

افضلینده دلالت ایدر زیرا تحلیله تحلیله دنصکره در یعنی برشی تطهیر
اولینجه تزین قیلنر دیمک اولور اخلاق ذمه کیدر مذکجه اخلاق
حمیده برلشمن ایددی اول ثانیه سز مفید دکلدر نتیجه جمیع خصال
خیرک عملی تقوی اولمش اولدی سعادت دار بن آنکله حاصل اولدی
(ایکنجی نوع تقوینک تفسیری بیانده اولور تقوی لغتده و فی بقی دن
مصدر اولوب تاسی و اودن و وای یادن قلب اولمشدر و آخرنده
یا صورتنده اولان تأثیر الفیدر معناسی زیاده یا کلنک و صافتمقدر
هر نه دن اولور ایسه اولسون اما شریعتده معناسی دار آخرنده
ضرر ویره جک شیدن اجتنابدر و بو تقوی اوج مرتبه در
ادناسی شرکدن و کفر دن یا کلنک در ایکنجی مرتبه سی بکا ردن
اجتناب ایتک بالاتفاق و صغائر دن دخی بر قوم قتنده صافتمق
بو تقوینک لوازمدر قاضی بیضاوی دخی تفسیرنده بوقوله ماثل
اولوب صاحب طریقت دخی انی اختیار ایدر زیرا اهل سنت قتنده
صغیره به دخی عقاب اولمق جائزدر تنکم عقاید باینده ذکر
مرور ایلدی و دخی عدد بکا رده اختلاف اولمشدر حتی ابن عباس
یدی یوز یمش بیدر دیور روایت ایدر ایددی صغائر بکا ردن آرمق
ممکن اولمدیغندن صغائر دن دخی اجتناب ایتک لازمدر و اهل شریعت
قتنده متعارف اولان بو تقویدر و عموم ناس بو تقوی ایله مأمور لر در
یعنی بکا ردن و صغائر دن و حرامه قریب اولان شبهه لودن دخی
زیرا لغت معناسی زیاده صافتمق ایدی بو معنا ایسه عندالشرع
ممکن اولان یرده استعمال اولنور اما تقوینک اوچنجی مرتبه سی
و اعلاسی حقدن اشغال ایدر شیله سر فی اشغال ایتامک
و کلیله ر بسنه توجه ایلکه دیرلر و بو تقوی ده مباحدن دخی اجتناب
ایتک لازمدر والله تعالینک * و اتقوا الله حق تقاته * قول شریفنده
مراد اولان بو تقوی و اولیاء الله مخصوص اولان تقوای حقیقی
بودر انکی چون شیخ زاده انوار تنزیل حاشیه سنده دیمش تقوینک
اولکی مرتبه سی مرتبه عوام و ایکنجی مرتبه سی تقوای خواص

و او چنی مرتبه سی تقوای اخص خواصدر (منازل السائرینده دیرکه
ولینک شرطنددر که تقوی شعاری و تقویض دثاری و اخلاص
معیاری اوله وینه انده دیرکه اگر بر قائل دیرایسه که چون ولینک
شرطنددر متقی اولوب کاهلردن محفوظ اولق یا اگر برشی بوکا
مخالف واقع اولسه تقواسنه نقصان وولایتنه خلل کلورمی جواونده
دیرکه اگر ولی مقام تلوینده ایسه که گاه موهبه الهی وگاه کنندی
کسبنه اعتماد وپناهی ظهوری سببیله طبعی تغیر ایتمک اولور اما
اگر خطاسنه مصر اولوب اعتذار واستغفاره یا بشور ایسه فیه والا
مغرور اولوب قالور ایسه کالدن نقصانه دوشمک وکونی کیجه به دوشمک
اولور واکر مقام تمکین ده اولور ایسه بویله خلاف تقوایه اوغرا این
کیمسه نک ایشنی خدا قایر و الله تعالینک حکمت بالغه سی واردر که
اولیا و احباسنه بعض زله و عاهات عارض اولماسنده امتحان خدا اولق
اولور و کمال رافتدن امیددر که بلاء حسن قیلندن اوله
* و لیلی المؤمنین منه بلاء حسنا * آیت کریمه سنده اولدیغی کی نتکم
حضرت آدمک زله سی اجتناب و اهتداسنه سبب اولدی روی عن النبی
علیه الصلاة والسلام انه قال * اذا احب الله عبدا لم یضره ذنب *
دیتمک اولور که حضرتدن روایت اولنور بیور مشدر چن الله تعالی
بر قولنی سوسه اکا گاه ضرر ویرمز یعنی محب حق اولان بیلور که
حبیبینه اول گاه محبوب و مقبول دکل پس ایتدیکنه نادم اولور بوا یسه
توبه در توبه ایدیجک گاه ضرر ایتمز نتکم جنید بغدادی به سوال
اولندی عارف بالله اولان زنا ایدرمی نیجه زمان باشنی اکوب طور دی
بعده قالدر دی ویدیکه * و کان امر الله قدرا مقدورا * یعنی
الله تعالی نک قضا و قدری تعلق ایدنجه بویله زله و وبال صادر اولور
اما الله تعالی عقبنجه توبه توفیق ایدرسه مقام محبتدن دخی ساقط
اولماز مقام تمکین احوالی بویله در انتهی کلام المنازل فقیر ایدرین
بو کلامدن معلوم اولدیکه اولیا انبیانک کائردن و صغائر ه قصد ایلمدن
محفوظ اولدقلری کی محفوظ دکلردر و میل بشریدن قورتلزل

پس لازم اولان حدود شرعی به رعایتدر و منازل کلامی تصدیق
ایدر شیخ شعراوی رحمه الله تعالی منن نام کلبده حکایت ایدر که
مشایخدن بری ینه کنندی اقرانی بر شبنک اوینه وارر کلور کن برکون
ینه شبنک اوینه کلوب جاریه اوکنه طعام کتورر شیخ مهمان دخی
تنها طوتوب جاریه نک بر بوسه سین آور جاریه افندیسی کلدیکنده
شکایت ایدر که یارانک اولان فلان شیخدر واهل تقویدر دیرسن
حاشا که شیخ اوله نیجه نامعقول سوز سوبیلوب بوس ایتدیکن
خبر ووردی افندیسی اولان شیخ دیرکه صاقن اعتقادک بوزمه
اول ولیدرا کردیدیکک واقعه ایسه ینه مرتبه سندن ساقط دکلدر
دیدی اما جاریه پی الزام واسکاته قادر اولدی تا برکون ینه عادتق اوزره
کلدیکنده شیخه قضیه بی اعلام ایلوب جاریه به برکومت کوسترنک
ایچون اشارت ایدر مکر خانه لری اوکنده بر قوری زرد الی اغاجی وار
ایدی صاحب مهمان شو اغاجک مبهوه سی اولسه تناول اتسک دیدی
همان اول ساعت شیخ بر نظر ایدنجه زرد الی اغاجی مبهوه ایل و بیراق ایل
پراولدی جاریه به دیدیکه وار شو اغاجدن زرد الی کتوریدلم جاریه
بو حال کورنجه این بین اولوب واردی بر طبله زرد الی اوکارینه کتوردی
ییدیلر اول اتاده ینه جاریه نک افندیسی ایتدی شو قارشوده کی طاغده
بر خدتم واردر سزلردن رجا ایدر مکده اول خدمتزی واروب
حصوله کتوره سز همان اول ساعت شیخ هوا بوزینه قاقوب
طاغده طوغری او چوب کندی اول حینده جاریه ینه شیخه کمال
اعتقاد بغلدی ابعدی بو حکایه دخی کلام اولی تا کید ایدر وانلردن
تقوینک خلاقی ظهور ایتمک اولور اما مقام تمکینده اولانلر توفیق الهی
ایله دفعنی تدارک ایدرلر مقام تلوینده اولانلره خطر واردر (معلوم اوله که
بو کلبده بیان اولنا حق تقوی عندالشرع مأمور اولدیغیز خصوص
تقواسیدر که عموما امت محمدک بو تقوی ایله صفتلنمده سی بیورمشدر
زیرا بو تقواده اجتنابی لازم اولان جمع حراملر کراهت تحریمیه
مکروه اولان شبلردر و اخص خواص تقواسنده کراهت تنزیهی اولان

و مباح دخی اجتنابی لازم تحتنه داخل در انجق صرف حلال اولان بوقسم
 اهل تقوی قتنده جائز ما باقبسندن حذر ایدرلر تکیم فصول مفصلده
 یازمشدر که ابراهیم بن ادهم برکون اجرته بر آدمک بغدادی بچر بترمدن
 اخشام وقتی اول آدم کلور بعده بتر صاحبی اجرتی ویره جکی حینده
 ابراهیم طورسون آلازم دیدی اول آدم سببین صورتی ابراهیم بن ادهم
 ایتدی سنک اعتقادک بونک اوزرینه اولمشدر بن بوکون وار قوت سنک
 تارلاکده صرف ایدوب کلرزدن اول بتورم حالا که بنم قوت جله صرف
 اولدی شو اجه بکا حلال اولماز دیدی و آلمیوب کندی پس بوقسم
 تقوی که * اتقوا الله حق تقاته * آیت کریمه سیله ثابتدر طاقت بشر
 اکا تحمل ایده من الا نادرا الله تعالی حضرت نوری خود * لا یكلف الله
 نفسا الا وسعها * پیورمشدر یعنی الله تعالی بر شخصه تکلیف ایلز
 الا قدرتی بتدیکنی آنکیچون شیخ زاده تفسیرنده دیمشدر که بو آیت
 ثانیه اولکی آتی نسخ ایلشدر زیرا عامه ناس تقواء حقیقی ایله که
 ماسوی اللهدن رفع نظر در عامل اولقی نه ممکن صاحب طریقت
 دیدیکی کییکه بوزمانده جمیع شبهاتدن احتراز ایدوب حلال صرف
 بولقی نادر انجق حرامه قریب اولان شبهه لردن احتراز ایلک اولنجه
 بو تقوی ده خواصه خلل کلز (اوچنچی تقوانک جاری اولاجق محملارینی
 بیان ایدر معلوم اوله که تقوی حاصل اولماز الامنکرات و منهیاتدن
 اجتناب ایتکله دخی هر معروف و مأموری وجوده کتورمکله و مأور
 اولانک ترکندن اجتناب ایله لکن منکرات و منهیات آکلدقده عقل
 وجودیاته ذاهب اولور مثلاً زنا و شرب خمر کی وعدمیاتنه یعنی
 ناموجود اولان کاهلره عقل کتمز مثلاً ترک صلاة و صوم کی بوخسه
 بونلرا کبر بکارددر ایمدی بو منکرات بلندیکه انلردن اجتناب اولنر
 تقوی بولنماش اولور (پس وجودی اولان منکراتک ذکرینه ابتدا
 شروع ایده رز علی التفصیل بعده عدمی اولانلری مجملا بیان ایده رز
 منکرات اولان شی یا اعضادن برعضوه مخصوص اولقی وار که
 اندن صادر اولور و یا برعضوه مخصوص اولقی وار (اولکبسی یعنی

بیان تقوانک جاری اولدیغی
 اعضا

بیان منکرات وجودی

گاه صادر اولاجق اعضا سکر در (قلب اذن عین لسان بد بطن
 فرج ر جل) و برعضوه مخصوص اولمیان که بدیدر برصنفدر الجملة
 طقوز صنف اولمش اولور ایمدی سالک لازم اولان بودر که هر برعضوینی
 هر معصیتدن حفظ ایلله تا که محافظه کندینه ملکه اولوب متقین
 زمره سنه داخل اوله (صنف اول منکرات قلب بیانده در معلوم اوله که
 قلبک اصلاحی اهم امور دندر قلب بدن شهرنده حکمی جاری بر پادشاه
 فرمان فرما منزله سنده در که جله اعضا رعیت مثابه سنده اکا تابعلردر
 بوسیدن سرور کائنات علیه افضل الصلوات پیورمشدر * الاوان
 فی الجسد لمضغه اذا صلیحت صلیح الجسد کله و اذا فسدت فسد الجسد کله
 الاوهی القلب * دیمک اولور که آگاه اولکه بدن انسانده بر پارچه ات
 واردر جن که اول صالح اولسه جله بدن صالح اولور و اول فاسد
 اولسه جمیع بدن فاسد ولور آگاه اول دیدیکم ات پاره سی قلبدر و قلبک
 اصلاحی اخلاق ذمیه بی کیدروب و اخلاق حمیده ایله تزیین ایتیمجه
 ممکن دکدر ایمدی بو صنف ایکی قسم اولقی اقتضا ایتدی (اولکی
 قسمی ابتدا بیلک کرکدر بو علمدن غرض حسن خلق تحصیلدر که
 علم اخلاق دیندیکچوندر که صدیق لک افضل اعمالی و متقینک ثمره
 مجاهده سیدر حضرت حبیب الله علیه صلوات الرحمن * انک اعلی
 خلق عظیم * قولیله بوسیدن مدح اولنمشدر و حضرت عایشه رضی
 الله عنهما دیمشدر که رسول اللهک خلقی قرآن ایدی یعنی قرآن ایله
 عامل اولوب * قد افلح من زکیها * پیورلدیغی اوزره ترکیه قلبله مقبول
 خدا و رسول کبریا اولمشدر و بو علمه علم اخلاق دینلدیکی کی حکمت
 عملیه دخی دیرلر تکیم اعتقاد باینده کچن علمه حکمت نظریه دیرلر
 (اخلاق علایی نام کتابنده دیر که سعادت نفس انسانی ایکی نسنه ایله
 حاصلدر سعید حقیقی اول کیسه در که بوا یکی درجهیه و اصلدر بری
 تحصیل علوم حقیقه و اعتقادات صحیحه تکیم ذکر اولندی و بری دخی
 اخلاق فاضله و اعمال صالحه ایله تعلی و اخلاق ذمیه و اعمال غیر
 مرضیه دن تخلیدر یعنی قلبی خالی ایتکدر انتهى یعنی علم و عمل جمع

بیان منکرات قلب

بیان تحصیل حسن خلق

اولی کشینک سعادت داریند ایمدی علمکی عمل ایله مقارنته سعی ایت
* ایکسبیله بولنور آیینسه ذات خدا *

* عمرنی علم و عمل جعنه صرف ایلان *

* خاک بر سر قیلوب اتسون شب روز آهله وا *

* باعث عز و شرف علم و عملدر تحقیق *

* کنت کنزه نظر قبل قیله صفین چون و چرا *

خلق انسانده بر برلشمش قوتدر که اکاملکه دیرل وانک سبیلله افعال
نفسانیه بلاتردد صاحبندن ظهور ایلر و تبدیل اخلاق ممکندر علما
و عقلا بو خصوصده متفقددر زیر قرآن عظیم الشانده * خذالغفو
و آمر بالعرف * بیوروب و کفاری شرک و کفرندن و مؤمنلری معصیتدن
منع ایلدکلری و ضدی اولان خصلمتلر ایلله امر ایللری بالجمله تبدیل
اخلاق ممکن اولدیغنه دلیلدر اگر ممکن اولسه بو اوامر و نواهی عبث
اولی لازم کوردی * تعالی الله عن ذلک * والله تعالی حضرتلرینک
* لاتبدیل لخلق الله * بیوردیغی بو کامعارض دکلر زیر خلقله خلق
مایینده فرق واردر خلق قبلده اولان خویه دیرل خلق ایسه مخلوقدر
و حدیث شریفده تبدیل اخلاقه دلیل * حسنوا اخلاقکم و تخلقوا
باخلاق الله * قولیدر دیمک اولور که اخلاقکزی کوکچک ایلیمک والله
تعالینک اخلاقیلله خویلمک و تجربه دخی کوستر که تبدیل اخلاق
ممکندر حتی وحشی حیوانی مانوس ایدرلر و سرکش اتی یواش ایدرلر
انجق بو واردر که طبایع برابر اولوب بعضی سربع القبولدر
و بعضی کج قبول ایدرلر تکیم صبیانده و بعض حیوانده مشاهده
اولنور بو محله صراط سونک تحقیق ذکر اولندی (کلک طریق
کلامنه دیر که جمیع اخلاق منشائی و ظهور ایلده جک بری اوچدر
(بری قوت عقلیه در و انده اعتداله رعایت ایتک لازمدر که الله تعالی
حضرتلری قرآن عظیم الشانده * ان الله یأمر بالعدل * بیوردیغی
برده بوقوای تشهیبی مفسرین تصریح ایدوب هر برنده اعتداله
مأمور اولدیغمری بیان ایتلر در ایمدی بوقوت عقلیه اعتدالنه

بیان تبدیل اخلاق

بیان اخلاق منشائی

حکمت دیرلر که نفسک برملکه سیدر انکله صواب و خطایی فرق
ایدوب تمیز ایدر اما بوقوتک افراطنه یعنی حددن آشور یسنه جرزه دیرل
بودخی برملکه در که سبب اولور معرفتی ممکن اولیان شیلری ارامغه
دخی قضا و قدردن بحث ایلکه و زویر دعوالرینه بوقوتله یا بشورلر
اما قوت عقلیه نک تفریطنه یعنی قصور و نقصاننه کندلک دیرلر
بودخی برملکه در که صاحبی انک سبیلله خیر و شری ادراک ایلدکلر
قاصر اولور (ایکنجی قوت غضبیه در بودخی برملکه در که صاحبیه
ضرر و برر شئی دفع ایدر و بونک اعتدالنه شجاعت دیرلر و اول دخی
برملکه دیر که انک سبیلله صاحبی لایق اولان امورک اوزرینه اقدامه
قادردر و بونک افراطنه تهور دیرلر و اول دخی برملکه در که صاحبی
لایق اولیان اموریه اقدام ایلر و تفریطی یعنی شجاعتک اشغه مرتبه سی
جبن یعنی مهانتلکدر و بودخی برملکه در که صاحبی لایق اولان شیئه
مباشرتدن کیرویه قور (اوچنجی قوت شهوانیه در که نفسک ملایم
طرفنه حرکتدر و بوقوتک اعتدالی عفتدر و عفت دخی برملکه در که
انک سبیلله وجه شریعت اوزره آرزولرینه مباشرت ایدرلر و بونک
افراطی شره و فجوردر و شره دخی برملکه در که انک سبیلله کشی
آرزولرنده شریعتدن تجاوز ایدرلر و تفریطی خوددر و اول برملکه در که
صاحبی شرعا لازم اولاجق مشتهیاتدن کیرو البقور ایمدی بو اوج
قوتده مقبول اولان حکمت و شجاعت و عفت اولدی و بوا یکی آخرکی
طریق شرع اوزره حکمته استخدام ایتدیره یعنی هر ایشنی عقل
و نقله اویدرمغه سعی ایدوب بو اوجک طرفینی اولان رذیلتدر و انلردن
اجتناب ایلله لر زیر بو اخلاق ذمیه اول هر براوچک طرفینی اولان
ملکه لردن صادر اولور کاه اولور که ایکی ملکه دن بر خلق ذمیه
صدور ایدر و کاه برقاچنک جمع اولمسندن صدور ایدر پس اخلاق
حیدر نک منشائی دخی بو اوج قوتدر لکن اعتداله رعایتی اوزره اولان
حکمت و شجاعت و عفت اولدی و جمله اخلاق حسنه بو اوجدن
صدور ایدر و بیانی آشفیده کاسه کر کرد و اخلاق ذمیه بی مقدم بیانه

کتوردی زیر اقلی بر نلردن تخلیه ایتد کجه اخلاق حمیده ایله تخلیه
یعنی زینت و یرمک ممکن دکلدر و تقوای حقیقی به وصولده بوتربده
رعایت اولمق کرسکدر نیکیم نظم ایتمش ایدیم
* دوجهانده اولمق استرایسک اگر اهل کمال *
* بومراتی جمع برله ذاتکی اینکل تربیه *
* اولاقیل ظاهر یکی شرعه تهذیب پس *
* باطنک اخلاق بددن ایللیکور تخلیه *
* علم حق و خلق نیکو ایلله پس قیل تخلیه *
* ماسوای حقدن ایت اندن درونک تصفیه *
پس اخلاق ذمه قلبک مرضی بیلندکجه و سببی طبولد کجه
معالجه اولمز (ایمدی ابتدا کشی کندی نفسنده بوا مرضک وجودنی
تفتیش ایلله کندی فکر یله ودخی صادق دوست اعلامیله ودخی
دوشمنلرینک کندی حقنه سویلدکلرینی تفحص ایتکله زیرا انلرک
نظری عیوبه در ودخی ناسه نظر ایلله کتندنده اخلاق ذمه بی ارایه
زیرا خلق بری برینک مرأیدر و اهل بصیرت اولان طالبه تذکره در
پس ذمه دن کشی بر شئی کندیده بولد قده سینی اریوب ابتدا انی
کیدره وضدی اولان خصلت حمیده به مداومت ایلله زیرا علاج
ضد یله اولمق بر قاعده در (ایکینجی مرتبه علاجی کشی کندی نفسنه
سر زینش ایللیوب سرا و علانیة بو خلق قبیحی مقابله سنده لوم ایلله
اگر بونکله دخی علاج اولمز ایسه مرتبه ثالثه ایلله علاجه یاپشه که
اول رد یله نک مقابله سنده اولان رد یله عمل ایلکدر یعنی کبردن
خلاص ایلک ایچون تواضعدن آشفه اولان تذال و تعلق بره قدار
نفسنه معتاد ایلله تاکه کبردن و از کلوبینه اعتدال الله تواضع ایتکله
عمل ایلله و اگر بومرتبه علاجه دخی اعتدال حاصل اولمز سه در دخی
مرتبه به یاپشوب ریاضات شاقه ایلله نفسنه جبر ایلله نذر لر و عینلر
و عهدلر ایتکله و اعمال شاقه التزامنه شروعه تاسه و ائله اعتداله
رعایت بون ویره و سائر اخلاقده دخی بومنوال الله عمل ایلله اما سوء

خلقک ذمنده کلان احادیث شریفه دن بری میمون بن مروان
رضی الله تعالی عنه روایت ایدر رسول الله صلی الله تعالی علیه وسلم
پیورمشدر که * عند الله سوء خلقه دن یعنی پرامز خویدن اولو کاه
یوقدر زیر صاحبی برکاهدن جبقارمز الابرینه دخی دوشرسه کرک
و حضرت عایشه رضی الله عنهادن روایت اولنور که سرور کائنات
پیورمشدر * هر شیئک توبه سی واردر الاسوء خلق صاحبی برکاهدن
توبه ایتمز الا اندن بدترینه رجوع ایدر * وابن عباس رضی الله عنهما
روایت ایدر که سرور کائنات علیه السلام پیورمشدر * خلق حسن
خطاری اریدر صوطوزی اریتدیکی کی وسوء خاق اعمالی افساد
ایدر سرکه بالی افساد ایلدیکی کی * ایمدی لازم اولان حسن خلق
کسبنه سعی ایلکدر اگر جبلیه سی حسن خلق اوزره بولنور ایسه
انی حفظ ایلسون اهلنه ملازمته و اشرار صحتندن و ملاهی و مزاحه
دوشمدن اجتناب لازمدن انجق علم و عمل وظیفه سینه مشغول اولوب
بونلرک الوافی و صفاء روحانیتنی ذکر ایللیوب حقارت دنیا به و رذالته
عبرت نظریله نظر ایللیوب حسن خلق حقنده وارد اولان احادیثی
دخی استماع ایلله نیکیم انس بن مالک رضی الله عنه سرور کائنات
علیه افضل الصلواتدن روایت ایدر پیورمشدر که * تحقیق عبد
حسن خلقی سبیلله عظیم درجات آخرته و اشرف منازل نائل اولور
عبادتق آرایسه ده و انسان پرامز خلقیله جهنمک اسفل در که سینه
کیدر * و ابوهریره رضی الله عنه روایت ایدر که حضرت پیغمبر علیه
السلام پیورمشدر * بعثت لاتم مکارم الاخلاق * یعنی بنم اتم اولندیم
اخلاقک نفیسه لرینی اتمام ایچوندنر و انس رضی الله تعالی عنه
روایتده * حسن خلق صاحبی دنیا و آخرتک خیرن کتوردی * دیو
پیورمشدر وینه ابوهریره رضی الله عنه روایت ایدر که حضرت پیغمبر
علیه السلام پیورمشدر * یا باهریره علیک بحسن الخاق * یعنی ای
اباهریره سن حسن خلقه لازم اول ابوهریره دیدیکه حسن خلق ندر
یا رسول الله پیغمبر علیه السلام پیوردی * سندن کسلان مؤمنی سن

صله ایده سک وسکا ظلم ایدنی عفو ایده سک وسنی محروم ایدنی سن
محروم ایتیه سک * ایدنی ای سالک قلبی رذائلدن که ذکر اولنا جقدر
برخوش پاک ايله وفضائل ايله تحلیه وزینت ايله زرا تصوف و صوفیلق
ایکسندن حاصل اولور زرا تصوفک تفسیرنده نیشدر که تصوف
هر خلق دیندن چیمغه وخلق سنیهه یعنی کوزل خویه کیرمکه دیرلر
(ایکنجی قسم قلبده اولان اخلاق ذمیه بیاننده در صاحب طریقت
دیر که تبع ایلدم وارادم بومنکرات قلب اولان اخلاقی التمش عدد
بولدم که بونلرک جمله سی قلب بد خویده موجوددر و طشریه ظهور
ایدن بونلرک علامتیدر (اولکسی حقه کفر در العیاذ بالله تعالی
جمع مهلکات اعظمی بودر و کفر اکا دیرلر که مؤمن اولمق شانندن
اولان کیمسه مؤمن اولمق وایمان کتوریمکدر و بونک ضدی اولان
خصالت حمیده ایماندر وایمان محمد المصطفایک من عند الله تعالی
جمع کتوردیکی شیعه قلبه اینا نمقدز واکا اقرار ایتکدر مانع حقیقی
ویا خود حکمی اولمدقه اما اگر مانع حقیقی که دلسترلک کی یا خود مانع
حکمی که قتل نفس خوفی کی بولنور ایسه اقرار ساقطدر نیکیم اعتقاد
باینده ذکر اولندی اما کفری انکار ايله تفسیر ایتک افرادینی جامع
دکدر زرا شک وخلو ذهن تعریفندن خارج اولور دیمک اولور که
برکیمسه که محمد المصطفایک من عند الله تعالی جمع کتوردیکی شیعه
شک ایلمسه یا خود خالی الذهن اولوب نه اینانسه ونه انکار ایلمسه نه
کافر در مادامکه شانندن اولان ایمانی وجوده و ظهوره کتوریمه زرا
اعتقاد باینده شک و توقف ایتک کفر اولدیغی سبقت ایلدی اول
سیدندر که فقه اکبرده ووالدا رسول الله صلی الله تعالی علیه
وسلم مانا علی الکفر * دیو یورلشدر یعنی رسول الله علیه الصلاة
والسلامک والدينی خالی الذهن اولوب نه اینا نملری ونه انکار لری
وار ایدی اول حاله وفات ایتدیلر زرا فترت زماننده بولنوب نبوت
محمد علیه السلامه یتشمیلر واول حاله اولدیلر * اما بیلک کر کدر که
بومسئله بو حاله قالمق رواد کلد زرا حضرت سلطان انبیایه بونده ادا

بیان قلبده اولان
اخلاق ذمیه

وارد

واردرا کا اذا ایتک ایسه رب العزته اذدر انجق فقه اکبرک بو کلامی
صورت ظاهرده پیغمبر یمزک والدينی شویله کتدی دیوب دار آخرتده
حکمنی بیان ایلدی پس بو خصوصده شیخ شعراوی یواقیت الجواهر
فی بیان عقائد الاکابر نام کابنده دیمشدر که جلال الدین امام سیوطی
رحمه الله حدیث شریف ایراد ایتشدر که الله تعالی حضرت لری کمال
لطفدن حضرت پیغمبر علیه السلامک والدينی احیا ایلایوب اکا ایمان
کتورمشلردر و محدثیندن برجاعت بو کلامه تفقلا در و این مسعودر و ایننده
دیر که حضرت محمد علیه السلامک والدينی حقنده رسول اللهدن سؤال
ایتدم بیوردیکه * یوم قیامتده مقام نمجوده طور دیغمده الله تعالی دن
شفاعت ایدرمکه امتحان وقتنده طاعت نبی به توفیق ایده * زرا
روایتده کلمشدر که زمان فترتده کچن قوللر ایچون الله تعالی یوم قیامتده
بر پیغمبر کوندروب انلری امتحان ایلمسه کر کدر بعضیسی تابع اولور
و بعضیسی اولماز و علم الهیده اولان ینه ظهوره ککاور و مشایخ
محدثیندن امام علایی دیمشدر که پیغمبر آخر زمان علیه السلامک
پدری اون سکر یاشنده ایکن ووالده سی یکرمی یاشنده ایکن وفات
ایتشدر بو قدر عمرده تفحصله توحیده نائل اولمق نه ممکن پس یوم
قیامتده عند الله عذر لری مقبول اولور و بواقوال الله تعالی دنیاده
احیا ایلایوب ایمان کتورمدکلری صورتده در وبالجمله بو خصوصده
حضرت رسول علیه السلامه حسن ظن ایتک واناسی و باباسی ایمان
کتورمش دیمک اوزر یمزه لازمدر بوخسه پیغمبر یمزک باباسی واناسی
کافر ایدی دیمک محض خطا در و امام سیوطی بو خصوصده الی
رساله تألیف ایتشدر حضرت حبیب الله ادب اوزره اولمغه راجعدر
حتی عبد المطلب که جدیدر بئر زمزمی قازدیغنده توحیده اقرار
ایتدیکی کتب سیرده مذکوردر دیونقل ایلش انتهی کلام البواقیت
(کفر اوچ نوعدر بری کفر جهلیدر و بونک سببی آیات تنزیلییه
و آیات تکوینییه به قول طومنیوب و فکر نه دوشمیدیکنددر آیات تنزیلی
کتاب الله وسنت رسول اللهدر و آیات تکوینی برلر و کولر وسائر

بیان والدين حقنده
کلام نفیس

بیان انواع الکفر

مخلوقات در امدی بونلردن دلیل طوتمقامی جهالت در کفر عوامی
 کبی و جهل اکا دیرلر که عالم اولق شانندن ایکن علمی اولیه
 و جهل آفات قلبک ایکنجهبسیدر بودخی ایکی قسمدر برینه جهل
 بسیط دیرلر که انسان برشبئی بیلیمه و بیلیمیکنه اعتراف ایلییه بونک
 علاجی آساندر نیکیم برکشی خسته اولوب مرضنی بیلیمه اعلام ایلمسه
 علاج بولنور و جهلک علاجی ضررینی فکر ایدوب انسانک کمالی علمله
 اولدیغنه اعتقاد ایدوب و فضل علمده کچن فوائد و فضیلتی تذکر ایلییه
 و انسانک مایه الامتیازی اولان علمله مزین اولمسه تفکر شانندن اولمیان
 حیوان منزله سنیده اولور اخلاق علائیده دیرکه بوکا روشن دلیل
 بودرکه بریده مجلس علما اولوب هر بریسی مخزن ضمیرنده اولان
 جواهری آشکاره ایدوب مصاحبت علمیه مشغول اولسه ل جاهل
 اولان کیمسه سکوت بو جاغنده مبهوت و حیران و آغزین آچوب
 حیوان عجم یعنی دلسز شکلینده اصلا بواهل نطق و بیانه قارشمیدیغنه
 علمک جهل اوزرینه فضیلتی نه مرتبه اولدیغی ظهور ایدر باخصوص
 علم و نطق انسانک شانی و جهل و بی نطق حیوانک شانی ایکن
 کشی نیجه سنه حیوانیتی ارتکاب ایدر زیر اصولده جهلی عوارض
 کسبیدن یازمشدر یعنی انسانک جبلیتی دکلدر جاهل اولق انک شانی
 عالم اولق ایدی عقل ویرلدیکندن اوتری جهلی صکره دن کسب
 ایدر و جاهلک نطق و کلامنه اهل بلاغت اعتبار ایتمیوب العوام
 کالهوم دیوب کلامرینی نعیق غراب ایله یکسان طوتمشلمقتضای
 حال و مقتضای مقام اوزره سویلییه مدکلرندن اوتوری (معلوم اولدیکه
 جهل برخصلت قبیحه درعلاجنه سعی ایتمک ککرک انتهى
 * شرفک کر پدر و هیکل و صورتله ایسه *
 * ایکی کزراه بولدن چیقوب اولدک پیدا *
 * پنخش زر ایلدی قارونه و ادریسه علوم *
 * بری تحت الارضین و بریسی فوق السما *
 * دخی جاهل دیمه اول شخصه که فعل و قولی *

* اعتقاد ایله خصالی شه اولاک اویا *

و کاهی اولور که ادله عقابه نک تعارضی سنبیله وقوت عقابه نک
 افراطی جهتیله جهل عارض اولور که اکا اندن حیرت و شک و تردد
 و توقف حاصل اولور و بو حال بیان ایدر (حکایت شقایق نام کتابنده
 یازر که سنان پاشا ابن خضر بیککه قسطنطنیه فاتی سلطان محمد
 وزیر اولمشدر مناجات و مسجعات آتارنددر مرحوم ملکه عقابه
 صاحبی اولوب شو مرتبه حدت و ذکاسی وار ایش که بر حکمی دلیلله
 اثبات ایتدیکنده بنه قرارداد اولوب اول حکمک تحقیقنده شک ایدردی
 حتی باباسی خضر بیک دخی فضلادن اولغله برکون سفره اوز رنده
 اوزروب طعام برکن برخصوص ایچون اوغلنی لوم ایلیوب دیدیکه
 نیجه یه دک بوسنک هر قضیه ده شک و احتمال قولاندر دیغک اوکلرنده
 بر باقر طبق طورر مش باباسی دیدیکه بلکه شمیدی بو طبق باقر اولمسنده
 شک ایدر سن سنان پاشا ایتدی غلط حواس مقرر بحتمل که کوز پوزه
 باقر کورنه غیری شی ایکن همان اول ساعت خضر بیک طبعی قالدیروب
 اوغلنک باشنه اوردی انتهى صاحب طریقت دیرکه بونوع حیرتک
 علاجی قوانین عقابه یه طور شمقدر مثلاً منطق و غیری کی ناکه عقابیه
 احتمال ایلدیکی شرطی و یا اعتباره کک تور دیکی غیر معتبر
 دلیلی قالدیروب حیرت کیده و مقصوده اصابت ایلییه (اما ادله
 شرعیه ده کاهی تعارض واقع اولوب حیرت و توقف بولندیغی
 شوندن اوتریدر که تعارض دفعی ممکن دکلدر احادیثک تاریخی
 بیلیمدیکندن که قنغیسی مقدم مصدر نبوتدن صادر اولمش بحتمل که
 بری آخرین نسخ ایلش اوله (پس بری آخر اوزرینه ترجیح ممکن
 اولمیدیغندن شک و توقف ایجاب ایدر بواجلندن ائمه ثلثه من
 بغل و حارک سوزندن یعنی اغزندن ارتن صوده توقف ایلیوب اسمنی
 مشکوک قودیلر انوکله هم آبدست آلنور و هم نیم اولنور و ابوحنیفه
 حضرتلری بوسیدن اطفال مشرکین اهل جنتیدر یا اهل جهنمیدر
 مسئله سنده توقف ایلدی (وختانده یعنی صبیانی سنت ایتمک

وقتند و دهر معناسنده توقف ایلدی (وجهلک ایکنجی قسمی جهل
 من کبدر که جهل مرکب کشی بر شئی بتلزانانی بیلورم اعتقاد ایدر بو
 بر مر ضدر که علاجی مشکدر ز را صاحبی کندنده علم و کمال اعتقادنده
 اولغله جهلک ازاله سن ارامز تکیم بر کیمسه خسته او اوب خسته لکنی
 انکار ایلدوب مرضنی بیلدر مسه علاج بولمز بو جهل مرکب صاحبی
 دخی بو یله در (اخلاق علائی ده دیر که حضرت عیسی علیه الصلاة
 والسلام احقر دن طاغیه قاردی دیدیلر که یا روح الله سز اعمی
 و صاغری علاج ایتدیکر زدن غیری موتایی دخی احباید رسز
 نه عجب بو احقر دن قرار ایدرسز حضرت روح الله ایتدیکه احقرک
 معالجه سندن غیری جمله به قادرم الا انلرک دلاجنه قادر دکام زیر
 احق اولدقلرینه اعتراضلری بو قدر کندیلرینی عاقل طوتارلر و علاجی
 علوم ریاضیه دن هندسه و حساب علمنه اجتهد ایتدیرلر بعده
 علوم یقینیه به شروع ایتدیرلر دبو اخلاق علائیده ذکر ایلش اما
 صاحب طریقت دیر که بو جهلک علاجی یوقدر مکر که الله تعالی
 حضرتلرینک عنایتیه خطاسنه مطلع اوله بو کابناء دیمشدر بیت
 * انکس که نداند و نداند که نداند * در جهل مرکب ابد الدهر بماند *
 و بر قسمی دخی وارد که بیلور اما اعتقادی بو که بتلر بو قسم شکدن
 ناشیدر علاجی ممکندر (کفرک ایکنجی نوعی انکاری و عنادیدر
 و بونوع کفرک بر سببی استکباردر یعنی یو کلمه کدر فرعونک و عسکرینک
 کفری کبی الله تعالی حضرتلری انلردن خبر و یردیکی کبی قوله تعالی
 * فاستکبروا و کانوا قوما عالین و قالوا انؤمن لبشرین مثلنا و قوه هم مالنا
 عابدون * معنای شریفی یو کلمه بیلور و کندی اعتقاد لرجه یوجه قوم
 اولدیلر و دیدیلر بز کندیمز کبی ایکی بشره ایمانی کتوررز حالا که انلرک
 قومی یعنی موسی ایله هارونک قومی بزه خدمتده درلر بوا یکی درویش
 هیئت و فقیرانه صورته اولان پیغمبرلره تکبرلری سببیه ایمان کتوره بوب
 انکار و عناد ایلدیلر دین حقه دعوتلرینی علم ایدنمشیکن (و ایکنجی
 سببی ریاسته و اولوغه واصل اولماق و یا واصل ایکن انلر کتمک

بیان کفر انکاری و عنادی

خوفی در هر قلک کفری کبی که حضرت رسول الله صلی الله تعالی
 علیه وسلم زمان شریفنده قسطنطنیه ده نصارا پادشاهی اولان
 قیصرک اسمی بدر سمیدر و بوقضیه نک تفصیلی سیر و توار یخنده
 یازمشددر حضرت حبیب الله صلی الله تعالی علیه وسلم صحابه کزین دن
 دحیه کلپی بی ایلکله قیصره کوندروب و مکتوب نبی ایله دین اسلامه
 دعوت ایلدیکنده رسالت محمد علیه السلامه اینانوب دینک حقیقته
 اعتراف ایتدی ولیکن انلرین ریاستی و مملکتی کتمک خوفیه لکه کفر
 انکاریده قالدی و نامه حبیب اللهی تعظیمه یوزینه و کوزینه سورروب
 کلن رسولی محترم طوتوب نیچه هدایا ایله حضرت رسول الله کوندردی
 حتی حقنده ابد الله ملکه دیودعا ایتسی سببیه قیصر روم الی الان
 انقراض بولما مشدر دیوتحریر اولمشدر (واوچنجی سببی ریاست
 دنیویه سوداسی در و قلب مر ضلرینک اوچنجی سی بودر و حب ریاسته
 جاه و شرف دخی دیرلر و بونک ذمنده کعب بن مالک رضی الله
 تعالی عنه حضرت حبیب الله مدن روایت ایدر که بیور مشدر
 بر سر و قیونه کوندریلان ایکی آج قورتدن یرامز در که کشی
 شرف و مال اوزرینه دیندن اوزی حریص اوله و انس روایتنده
 بیور که کشی به اول آفت کافیدر که پارمغله کوستریله یادیننده
 یا دنیاسنده الا اول کیمسه که الله تعالی حفظ ایلیه و ابن عباس رضی الله
 عنه روایتنده بیور مشدر ناسدن مدح و ثنائی سومک کشی بی اعمی
 و صا غریلر وینه بو حب ریاستک سببی اوچدر بری اول منصب
 سببیه حرام اولان مراد نفسنه وصولی در بوا یسه حرامدر ایکنجی سببی
 اول منصبه حتی طوتمغه توسل و مباح و مستحب اولان مقصودی
 تناولدر یا خود ظلمی دفع ایتک و یا عبادته فراغ ایچون اشغالی بر طرف
 ایتک یا خود اول منصبه حتی اجرا و خاقی امر بالمعروف ایله اصلاح
 مراد ایهسه بو یوزدن اولدقده اگر محظور دن خالی اولور سه جائز
 بلکه مستحبدر و محظور دیدیکمز ریا و تلبیس کبی وسنت و واجبی
 ترک کبی اما اگر اول منصب بو محظور اتدن خالی اولمز ایهسه انی المق

بیان حب الریاسه

آلحق جائز دکلدر زیرایت محرمات و مکروهاته تأثیر ایتمز مثلاً بر آدم
حق اجرا ایچون قضا منصب نیت ایدوب الدقه صکره ترک واجب
وترک سنت واقع اولغه باشلاسه انک اولکی نیتی تأثیر ایدوب بویاکسنک
ترکنده بولنان حرمت و کراهتی کیدرمز و هر بر منصب بوکا قیاس
اولور اوچنی سبی طالب جاه اولانک نفسی انکله اذلتوب اتی کمال
ظن ایلمسیدر مثلاً بر آدمک مال سومسی کی انکله ذوقلنک و اذلتنک
ایچون پس اسکر حرامدن خالی اولور سه بوسودا حرام دکلدر
امامذ مومدر زیر اصاجی خلقک رعایتی قیدنه عقل و فکرین صرف
اید و خلقی کندویه اکر مرق ایچون کندنده اولسان کالی اظهاره
چاپنوب کذب و خدعه طرفلرینه یا پشوب صوکی عجبه دوشمک
خوفی واردر بوحب ریاستک علاجنی بلك کرکدر که اول ریاست
کمال حقیقی دکلدر زیر افناسی و کدورتی مقرر در نته کم (حکایت
اولور که زمان اوایلده بر پادشاهک بر خصمی ظهور ایدوب سلطنت
دعواسبله بری برینک اوزرینه عسکر چکدکه پادشاه عسکری غالب
اولوب خصمی و عسکرینی پراکنده و پریشان ایتمک صد دنده ایکن
پادشاهه قضا ایله بول تقاضا ایدر آتندن اینوب تبول ایدر ایکن
اتی سرکش اولغین سراجی النیدن فرار ایدر پادشاه عسکری اتی
بوش کورنجه پادشاه دوشدی دیوقاچغه بوز طوتارلر همان اول ساعت
خصمی غالب اولوب پادشاهی طوتوب عسکرین بوزارلر و دولت
و سلطنت بوسنی اوزرندن بوزرلر اول محله (ذهب الدولة بالولة)
کلامی ظهور و صدور ایتمشدر یعنی دولت بر بوله ایله کندی ایمدی
بوندن آشکاره اولدیکه بور ریاست و دولت انقلااب اوزره درودخی
علا جندن بری بوکه بلك کرکدر که ریاست صاحبی مباح شیلردن
برخسبس شیله قلوب ناسدن ساقط اولور نیکیم روایت اولور که
پادشاهلردن بعضیسی برزاهدک زیارتنه کتمک قصد ایتدی اول زاهد
دخی پادشاهک یقین کلد و کین بلیچک طعام اسندی بیکه باشلوب
پادشاه کلد وکنده هیچ بیککی کسمبوب قتی قتی حرصله لقمه لرین ابری

ایدوب بونمغه با شلندی پادشاه بقوب بوارذل ناس وضعی اندن
کور بچک اعتباری نظرندن زاهد ساقط اولوب پادشاه کندی
زاهد حد ایلدی اول اللهسه که سنی بندن دوندردی وحب ریاستی
کیدرمه ده اقوای علاج خلقدن عزالت ایدوب برکوشه اختیار اتمکدر
زیر اختلاط ابتدکجه کشینک نفسی خاق قتنده مرتبه صاحبی اولق
استر و رعایت به بقار اما بر منصب اولسه که اکا حرص و محبت اتمکسزین
ولدت دنیائی انکله استیکسزین کشی کانائل اولسه اول مذموم دکلدر
نیکیم انبیانک و خلفاء راشدینک منصبلری بوزدن ایدی (کفر انکارینک
او چنی سبی ذم و تعبیر خوفیدر ابوطالبک کفری کی که حضرت رسول
اکرم صلی الله تعالی علیه وسلم حالت نزعه نیجه اقدام ایله عرض ایمان
ایلد وکنده دیدیکه ای اوغل بلورم دینک حق دین در اما سکا ایمان
کتورسم بی قوم و قبیله م ذم ایدوب آخر نفسده اجدادی دین ترک ایتدی
دیونامی برامز لغله اکارلر پس بوسبیله ایمان کتورمدی نبوت رسولک
صدقنی بلمش ایکن و منکرات قلبک دوردنجی سبی خوف ذمدر (بشنجی
سبی حب مدح و ثنادر و بویاکسی دخی سبب و حکم و علاج جهندن
حب ریاست کی درو علاجی بودر که نظرایده سن و دیه سن اکر ذم
ایدن کیمسه سوزنده صادق ایسه بکا اکر رهش و عیبه تنبیه اتمش
اولور پس اول عیبک کیدر لمسی ممکن ایسه کیدر مسنه سعی ایلیه
و بوزم بر نعمت اوور که فرحی و مکافاتی ایجاب ایدر اکر ذم ایدن قدح
و طعنی مراد اندیسه ده زیرا انک نیتی انک نعمتکنه تأثیر ایتمز
و فائده دن خارج ایتمز بلکه فائده زیاده ایدر زیر اول ذم غیبت اولوب
یا حسنانندن بغشلمش اوور و یا بعض کاهلرندن اتی فورنارهش اولور پس
نعمت قات قات اولور قنده قالدیکه الم اوله و اکر اول عیبک کیدر لمسی
ممکن دکل ایسه ایکنجی نعمت حاصل اولور اکر ذم ایتدیکنده کاذب
ایسه بهتان ایدوب کندی نفسنه ضرر ایدر و ذم اولنان کیمسه به
اولکیدن اعظم نعمت حاصل اولور ایمدی ذم ناسدن اول کیمسه به
الم حاصل اولور که همان نظری دنیایه مقصود اوله اما طالب آخرته

زمدن فرح و نشاط حاصل اولور نتکیم مذکوردر که شقیق بلخی به
برخاتون به مرائی دیو شتم ایتدیکنده دیدیکه الحمد لله بلخ شهرینک
خلقی ضایع ایتدیکی نامی سن بولدک ای خانون دیو کسب سرور
ایتدی (حب مدحک او چنجی سبی نفسک کندنده مدحله کمال
اکلادیغک تلذذیدر ومدح ایدنک وسائر ناسک قلوبنه مالک اولسی
تلذذیدر پس اگر کمال دنیوی ایسه حب ریاسته انک علاجی یکدی
واکر اخروی ایسه که اول دخی علم و عملدر انجق بویکبسنک خیرتی
ونفعی و شرائطیکه اخلاص و نیتدر موجود اولسنه موقوفدر و بوعمل
دخی موه و آنچه کفرله حبط اولدجه خیردر والاشر وضره دونوب
صوکی الم و حزن ایجاب ایدر و شرائطی علم و عمل ایسه مشکوکر
بلکه اولماسی مظنوندر غالباً زیرا نفس اماره بالسؤدر جن وانس
شیطانلری اول شرائطی برینه کتورمدن مانعدر ایتدی علم و عمل
ایله مدح اولمدن فرح کسب ایتیب خوف و خشیتده اولمق طالب
آخرت قنده اولی در بواجلدن الله تعالی حضرتلری * انما یخشی الله
من عباده العلماء * پیوردی معنای شریفی حقک عظمت و جلالن
اکلیوب خوف ایدن قوللر انجق علمادر و حضرت رسول الله صلی الله
تعالی علیه وسلم * والذین یؤتون مائوا و قلوبهم و جله * قول شریفی
عمل صالح ایشلیلرله تفسیر ایتدی معنای شریفی شول کیمسه لکه
ویرد کلرین ویره لر قلبلری قورقار اولدیغی حالده یعنی قبول اوله می
اولیه می دیو خوفله عمل صالح ایشلیلر الله تعالی حضرتلری رحمتی
انلره وعد ایلدیکنی اشاعبسی بیان ایدر یعنی طالب حقه لازم اولان
بودر که علم و عملدن کمالی وار ایسه ده ینه خوفده اولوب مداحلرک
سوزلر ینه الدائمیه نتکیم فصول مفصلده دیر که شیخ رکن الدین شبلی
سواسی رحمه الله بر کون نمازه طورمق استدکده یا نسنده پوست کیر
برطائفه قلندر یه بولندی انلره خطابا قالقک نماز قیلام دیدی انلر ایتدیلر
بزم نمازیمز قلمشدر شیخ ایتدی ایها البطلون ابتدا نماز قیلام اندنصکره
کندیکری قیلامش کی طوتوک سز ایسه کلیتله ترک ایدرسز نفسکری

بیان کفر حکمی

قلمشدر دن صیارسکر ایتدی کشتیک تقدیر علم و عملی اولسه ینه خوفله
رجاده اولمق مؤمنلرک شانندندر (او چنجی نوعی کفر حکمیدر و کفر حکمی
اول شیدر که شارع شریعت انی تکذیب علامتی قلمشدر در تعظیمی
واجب اولان شبئی استخفاف ایتک کی مثلاً الله تعالی حضرتلری
و کتابلری و پیغمبرلری و یوم قیامت و انده اولاجق احوالی و شریعتی
و علوهی استخفاف ایتک بالجمله کفردر و کشتی کندیکن کفرنه رضا
و یرک مطابق کفردر و غیرینک کفرنه رضا واستحسانله اوور ایسه
کفردر و بعضلرک قنده مطلق کفردر یعنی استر اول کفری مستحسن
کورسون استر کورمسون دخی اسانی سابق ایتکسزین اختیار یله
برسوزک کفر اولدیغی بلور ایکن سویلک جمله علما قنده کفردر اما
کفر اولدیغی بیلکسزین دخی سویلسه علمانک اکثری قنده کفردر
کیرو بویله کفر ایشی ایشک شبقه کیمک و نصارا بیراهلرینه رعایت
ایتک واکر لطیفه ایله و او یغله دخی ایشلر ایسه و یاسو یلر ایسه حق
اولماسنه اعتقادیده بوغبسنه عند الله بویله ایشلرله کافر اولور حتی
اعتقاد ایتسی فائده و یرمز و بوقسم کفرک سبی ظرافت و بلاغت
اظهاری و امر غریب و عجیب سو یلمسی و مجالس آراک و اهل مجامعی
اول لطیفه و یا استهزا ایله کوا درمک و هرزه کوی لک ایتک نتیجه کلام
کشتی سوزنده خفت و شدت و خاقی استهزا ایتک ودانی و سائر اعضاسی
حفظ ایتک و امر دینده قایر ممق بو کفرک سبیلیدر (و علاجی بودر که
علم ایدینه که ایماندنصکره کفر عارض اولان کیمسه نک جمله طاعاتی محو
اولدیغی و نکاحی بوزلیدیغی و قانی حلال و بوغزلدیغی حرام و جهنمده
ایدی قالدیغی اگر اول حالله اولور ایسه بالجمله بو آفتلری یله و ثانیاً
آفات اسانی یله نتکیم ان شاء الله تعالی ذکر اولور اندنصکره صحت
و سکوت مداومت و اساتی و سائر اعضاسی حفظ حراست ایدیه و لطیفه
و مسخره اغی ترک ایلیه و دعا و تضرعده اولاکه الله تعالی حضرتلری
انی کفردن حفظ ایلیه باخصوص اول دعای ایده که ابو موسی الاشعری
روایت ایدر که بر کون سرور کائنات علیه افضل الصلوات

خطبه سنده پیور دیکه * ای ناس صا قنک اول شر کردن که قرنجه نك
 کرمسندن کیرلودر * پس اصحابدن بری ابتدی نیجه صافنه لم چونکه
 قرنجه نك کرمسندن خفی اوله پیور دیکه ایدک * اللهم اننا نعوذ بك
 من ان نشربك شربا نعلمه ونستغفرک لما لا نعلمه * وحذیفه روایتده
 دیر که هر کون او چر کره اوقیه و کفرک او او غائله سی جته کیرمدن
 محروم اولوب جهنمه ابدی قالمسیدر و ایمانک سبی باری تعالی نك
 وجودنه دلالت ایدر آیاه تفکر و نظر در وصفات کماله ذات پاکنی
 توصیف ایدوب نقصان صفتلردن تنزیه در ونبوه محمد علیه السلامه
 اینانمق و کفر او زرنه کیدن ابدی جهنمه قالمسنی اینانمق و جتنه
 کیرمک رجایی و او فائده سی ابدی عذابدن قورتلیق و جتنه کیرمکله
 لقاء حق نائل اولمقدر رزقنا الله تعالی (التنجیسی اعتقاد بدعتدر
 و بونک سبی هوایه تبعیت و عقل و رأیه طیانق اما هوایه تبعیت که
 آفات قلبک یدنجیسیدر قال الله تعالی * ولا تتبع الهوی فیضلاک
 عن سبیل الله * معنای شریفی یا حبیبم هوایه تابع اولمه تا که سنی
 اول تبعیت طریق حقندن اضلال ایلیمه نظر ایلیمه هوایه تبعیت نه مرتبه
 آفت در فرضا حبیب خدا هوایه تبعیت ایلیمه یته هوا بولدن
 جیقه سارردی دکل که ساری بولدن جیقمیه و آیات کریمه دن بری
 * و اما من خاف مقام ربہ ونهى النفس عن الهوی فان الجنة هی المأوی *
 معنای شریفی اول کیمسه که ریسی در کا هنده مقامندن قورقه
 و نفسنی هوادن منع ایلیمه تحقیق جنت آنک بریدر غیری دکل
 و بو خصوصده احادیث رسولدن حضرت انس رضی الله تعالی
 عنه روایت ایدر که حضرت حبیب الله علیه الصلاة والسلام بر حدیث
 طویلک آخرنده پیور مشدر که هلاک ایدر آفتلردن بری بخل قوی
 و بری تبعیت اولسان هوا و بری کشی کندینه عجب ایلک و حضرت
 علی رضی الله تعالی عنه روایتده پیور مشدر در سنک اوزر بکره
 زیاده خوف ایکی خصلتدر بری هوایه تبعیت ایکنجیسی طول املدر
 زیرا هوایه تبعیت سزی راه حقندن چبقارر و طول امل سزه دنیایی

بیان سبب ایمان

بیان اعتقاد بدعت

سودرر و شداد بن اوس روایتده پیور مشدر که زکی اول کیمسه در نفسی
 مطیع اولوب دار آخرت ایچون عمل ایلیمه و احق اول کیمسه در که
 نفسی هوا سنه تابع اوله (وهوی علم بایندن کلور مصدر در محبت و آرزو
 دیمکر نفس اماره ایسه طبعیه شیره میل و محبت ایدیمیدر ابدی
 نفسک هوا سنه تابع اولمق کشی بی هلاک ایدر امامباح اولمیان شیلرده
 آشکاره در و مباح اولان شیلرده آرزو ایتک حیوانیت صفتی اولدیفندن
 ماعداد دنیای دینه به میل و محبت و طاعتدن وزاد آخرتدن کشی بی
 اشغال ایدر خصلت اولوب سرور و بخوره مؤدی اولوب صاحبی
 خسب و دنی و لایم اولوب عبد ذلیل اولور نتکیم بومعنایه بیت دینوب
 ترجمه سی تحریر اولندی بیت * نون الهوی من الهوان مسروقه *
 * فصریع کل هوی صریع هوان * هوان ایکن هوانونی اوغرولمش
 هوا یله هوانک دوشکی بر در و بو هوانک مقابلی اخلاق حمیده دندر
 مجاهده ایتکدر که نفسنی مألوف اولدیغی هوالر دن کسمکدر و خلاقیله
 عمل ایلک در که بو عابد لک سرمایه سی و نفسلرک صلاحه کلمسیدر
 و ارواحک تقویتنه و تصفییه و وصلتنه سبب هوا ی ترک در (ایمیدی
 ای سالک نفسکی هوادن منع ایلیمه آنک در میان ایدوب نفسکی مجاهده به
 قوی اگر الله تعالی دن هدایت بولمق استرسک قال الله تعالی * والذین
 جاهدوا فینا لنهیدینهم سبلنا * پیور مشدر دیمک اولور که اول کیمسه لر که
 بنم رضامده بنم ایچون مجاهده ایده لر عزتم حقیچون بزائلری طریق
 حق بوللرینه هدایت ایدرز و بر آیت کریمه سنده پیورر بر کیمسه که
 مجاهده ایده انجیق کندی نفسیچون مجاهده ایدر الله تعالی تحقیق جمیع
 عالمدن مستغیدر (بلك کر کدر که مباح اولان شیلرده هوایه تبعیت ایتک
 مذموم اولدیغی اکا اصرار اولدقده در یو خسه طبع بشر بالکلیه
 هوایه مخالفت اوزره اولمغه تحمل ایده مز و افراط و تفریطه مؤدی
 اولور بوا یسه منهیدر و ملالت و سئامت کتورر و طاعتنه مداومت
 اولمق ظهور ایدر پس بوسبیدن تشحیذ خاطر ایچون مباح اولان هوایه
 کاهی تبعیت جائزدر ملاقی دفع ایلک ایچون تا که عبادتی سرور

و شوقه اوله بواجلدن سرور کائنات علیه افضل الصلوات پیور مشدر
اعمالدن طاقتکن مقداری وجوده کنورک زیر اسزملول اولدخچه عبادت
مقبول خدادار امام لاله ادا اولنان عبادت مقبول خدا دکلدر حضرت
علی دن رضی الله تعالی عنه نقل اولنور که دیمشدر قلوبی راحتندرک
زیرا اگر اه اولنسه یور یلور و ابو الدردادن نقل اولنور که دیمشدر بن کندی
نفسی بعضی کره بر مباح شبهله مشغول ایدوب راحت نندیر یرم تا که امور حق
اوزرینه بکایاردم اوله ایمدی بو تقدیر چه لازمدر انسان احیانامباح اولان
آرزولردن زحمتدن استراحت و ملالتدن و سستلکدن احتراز ایچون و عبادته
تحریک شوق ایچون استعمال ایلیه بواجلدن امام غزالی رحمه الله
دیمشدر بر آدمک اگر نشاط و سروری ساکن اولوب رغبتنه ضعف
کلسه و پلسکه نوم ایله و یا خود سويلشمکله و یا خود بر ساعتیک
لطیفه ایله ذوقلنوب صفای خاطر و سرور حاصل اولور پس اکا
افضل اولان بودر که بونلردن برینه مشغول اوله و ملالتله قیلنسان
نمازدن بوافضل اولور و حقیقتده بوینه شریعتنه تبعیتدر هوای
محض دکلدر اما تقلید که آفات قلبک سکن نجیسی در و تقلید بر غیری
کیمسه یه او یماغه دیر لر مجرد حسن ظن سبیلله مجتسم و دلیل سز
پس عقایدده تقلید جائز دکلدر نظر و ایستدلال لازمدر اجالا دخی
اولور ایسه الله تعالی آیت کریمه سنده * قل انظروا ماذا فی السموات
والارض * دیو پیور مشدر یعنی برلرده و کواکرده اولان شیئه نظر
هقل ایله نظر ایلیک تا که خالقکره دلیل طوته سز و بومقلد لک
خصوصنده آیت کریمه چوقدر انلرک جمله سی ذمه راجعدر واجماع
امت بونک اوزرینه در که اعتقادنده مقلد اولان کیمسه کاهکاردر
ایمانی صحیح ایسه ده و مقلد کیم اولدیغی اعتقاد باینده سرور ایلدی
(اما اعمالده تقلید ایتمک عادل مجتهد اولان عالمه جائزدر لکن
بوعصرلرده مجتهدین منقرض اولمغله مجتهدک مذهبنی بیلک طریقتده
ودینی طوغریجه بیلک طلبنده اولان مقلده ایکی سبب قالمشدر انجق
بوایکبدن علم حاصل اولور (برسی بین العلماء معتبر مصحح کابدن نقلله

واستخرا

پیان تقلید

استخرا چنه قادر اولان کیمسه نک نقلله و بریدیخی علم و عملنده معتقد علیه
اولان کیمسه نک اخبارینه اویمقی و تقلید ایتمک جائزدر یوخسه
هر برکابله و هرزی علماده اولان ناقبولک سوزیله عمل ایتمک جائز دکلدر
تکیم مصابیحده مذکوردر که سرور انبیا علیه الصلاة والسلام
پیور مشدر که آخر زمانده دجال صفت علما و مشایخ اولور که سزک آبا
واجداد کن ایشتمدیکی احادیث کاذبه سويلر لر صقیقنک انلردن وانلری
کندیگزدن ابراق ایلیک که سزی فتنه یه براغوب اضلال ایلمسونلریت
* کلدی اولدمکه دینلدی کثر الدجالون *

* الحذر بک یا پیشوک شرعی کوزت ایتمه رها *

و حضرت مولانا آفت تقلیدی منوی سنده بیان ایتد کدنص کره بر حکایه
ایراد ایدر که بر مسافر کیمسه صوفیلر خانقاهنه بر کیمجه مهماناغه کلوب
چار بنی بغلیوب صوین و علفین و یروب تکیه یه کیرر و صوفیلرله قاریشور
اما صوفیلر شدت احتیاجلری حسبیلله تکیم حضرت مولانا دیمشدر بیت
* صوفیان تقصیر بودند و فقیر * کادالفقران یکون کفرا کیر *
یعنی صوفیلر فقیر و بر تقصیر ایدیلر فقر ایسه قریب در که کفر کیر اوله
پس مسافرک مر کین صاتوب یاغ و بال الدیلر و طعام بشیروب مسافرله
معایدیلر بعده صوفیلر سماعه باشلیوب قالغشیدیلر و بواشاده ذا کر
دیدکلری مطر بلری دخی خر برفت و خر برفت کلامنی نعمتله باشلیوب
و صوفیلر دخی اکا اقتدا ایدوب بواز کوبی نیچه زمان چاغر شدیلر
و مسافر بیچاره انلره تقلید ایدوب خر برفت دیو وافر چاغردی مجلس آخر
اولدقده صوفیلر پراکنده و پریشان اولوب کتیدیلر علی السحر مسافر
قالقوب بوله کتمک صد دنده اخوره وارر جاری برنده بولوب خادمدن
سؤال ایدر خادم اکادیر که صوفیلر صاندیلر کیمجه ینیلان طعام اندندر
مهمان ابتدی یا بکانچون کیمجه خبر و یرمدک خادم ابتدی بن سکا خبر
و یرمکه کیمجه کلمش ایدم لکن کورد مکه سن دخی صوت اعلا ثله خر برفت
دیو چاغر مده سن بیلشسین و خبر المشیسین ظن ایتدم پس صوفیلری
قاضی یه کنورمک ایچون مطلب ایدر مکر انلر تکیه فی براغوب جمله سی

قاچشلر اول زمان مهمان ایتدیکی تقلید نه نادم اولوب دیمش بیت
* مر مرا تقلید شان بر باد داد *

* که دو صد لعنت بران تقلید باد *

معنای انلره تقلید بنی یله ویردی ایکیوز لعنت بویله تقلیده اولسون
مخلص مسنوی بونده نهایت بولدی (واعتقاد بدعتک مقابل اهل سنت
والجماعة اعتقادیدر و بونک سبی سنت رسول و اصحابه و اجماع امته
یا شمع و هو و رأیله عجب کلمدن احتراز در و یا خود نظر و استدلال
صاحبه تقلید در که اگر چه بو خصوصده آثم دخی اولور ایسه
(آفات قلبک طغوز نجیسی ریادر و بوریا نیک تحقیقنده یدی بحث
وارد اولکی بحث ریایک تعریفی و تقسیمی بیانده در و ریایک آخرت
ایله نفع دنیایی مراد ایتکدر یا خود عمل آخرته دلالت ایدر شیئله
منفعت دنیویه مراد ایتکدر یا خود ناسدن برینه عمل آخرتی
اعلام ایلمک دخواهیله ایلیه که اعلامنه اکراه و جبر
بو غیکن و ریایک ضدی اخلاصدر که اخلاق حبیله نیک بریدر
و اخلاص اکادرلر که طاعتنی نفع دنیادن و اعلامدن مبرا ایدوب مجرد
تقریب خدا قصدیله عمل ایلیه و بویله اولان عبادتن احسان حاصل
اولور و احسان اکا دیرلر که ربکی مشاهده ایدر کی حضورنده عبادت
ایده سنکه * ان الله یا امر بالعدل والاحسان * امر یله مأمور و امثالده
اوله سک و ریایک بر قسمی اعمال دنیا ایله قلوب ناسده مرتبه حاصل
ایتمک ایچون اولور بواهل دنیا ریاسیدر حرام اولان ریاندکدر مثلاً
خلقه قارشدقده لباس جمیل کیمک و اونده خدمتده پلاس کیمک ریای
دیندن دکلدر قایمز اما اولکبسی که عمل آخرتله دنیایی مراد ایتسی
و یا اعلام ایتمک قصدیله ایشلمسی اگر نفع آخرت مراد ایتسی یوغسه
ریای محضدر و اگر هم دنیایق و هم نفع آخرت مراد ایتدیسه ریای
تخلیط دیرلر و بور یای تخلیط دخی اوچ قسمدر زیر بر طرفی غالب اولمق
وار یا مغلوب و یا طرفین برابر اولمق وار جمله سنی بش اولدی و نفع دنیا
دخی یا خالقندن مراد اولمق وار و یا مخلوقندن و نفع دنیا درتدن خالی

دکل یا منصب مراد اولمق وار و یا مال و یا قضاء شهوت و یا ضرر
یسیر دفع ایتمک وار و بونلردن هر بریسی یا عمل آخرته توسل ایچون
اولمق وار و یا خود دکل پس اقسامک جمله سی اون آتی اولور (پس
اولکبسی یعنی دار آخرته توسل ایچون اولان اقسامدن قنغیسی
اولور سه خالقندن مراد اولندقده ریادکلدر صلوات استسقا و استخاره
و حاجت نمازی وارد اولدیفندن اوتوری و غنا ایچون سوره واقعه
اولمق بوقیلدندر زیر آخرته و سبیل اولمق اراده سبیل بیورلمشدر
بوندن غیری جمله اقسام ریای حرامدر و اعلام غیری نیتنده اولان ریای
اگر مجرد اکا اقتدا ایچون اظهار ایدر ایسه و بونک کی نیت صالحدن
بریتی وار ایسه غیره نفس عمل اظهاری مراد اولماز ایسه ریادکلدر
غیره تعلیم کی مثلاً بر آدم دیننده مقتدا اولسه خلق اکا اقتدا ایلمک
ایچون نافله نمازینی و یا صومنی آشکاره ایلسه ریای اولماز (ایکنجی بحث
ریایله حاصل اولورانی بیان ایدر بودخی بشدر اولکسی بدندر
بدن ریاسی اولدر که بدتی ضعیف و هزیل ایده تاکه آزیمنسه
و عبادتده شدت و اجتهادنه و خوف آخرت غلبه سنه دلالت ایلیسه
و وجودن صرارتقی تاکه کیجه لری او یومدیغنه و دینده کثرت حزننه
دلالت ایلیه و طودا قلرین صولدرمق و صوت حزنین ایله سولمک تاکه
صومه و آجلق ضعفنه و شریعت و قارینه دلالت ایلیه و شار بین
تراش ایتمک و یا شنی اکوب مراقبه صورتی کوسترمک و حر کتده تأنی
ایلمک و بوکه بکرزنکه وار ایسه اما اهل دنیا ریاسی سمینلک و صفای
اون و اعتدال قامت و حسن وجه و نظافت بدن اظهار ایتمک و بوکا
بکرز شیلدرر ایکنجی ریایه نیتده در صوف کیمک کی و سافنک نصفنه دکل
طون قالددرمق و قبالباس کیمک کی و بمالی و طلبسان صارفتقی تاکه دیه لر
سننه تابعدر و هر کس اکا نظر ایلسون و یراق کیرلی کبه سی کیمک تادیه لر
امر دینه مشغول اولوب یمامغه و غسل ایتمک الی دکر یا خود تواضع
و کسر نفس و فقر و زهدنه دلیل اولسون ایچون و اگر تکلف ایدوب
اورته حاللی لباس کبسه کندی قتنده بوغز لیمق قدر آخر اولوردی

شو خوفد نكه خلق ديمسون بوصوفى دنياه رغبت ابدوب زهددن
رجوع ابلدى وبواهل زهدك بعضيلرى واردر همان اهل دنياقتنده
وصلح ابلانده مرتبه لرى اولسون ايچون اينجه صوفلردن لباس كيرلر كه
قيمتى ثياب اغنيا قيمتى وهينده ثياب صلح اهل بيتى اولوب پس بونلر ايكي
طائفه نك كوكلنى اله كتورمك ايچون بويله ايدرلر زيرا اكر قبا عبا
مثلنى كبسه لر اكا برنظر نده خور اولورلر و اكر غيرى ثياب لطيفه كبسه لر
صلح نظر ندن دور اولورلر و اهل دنيا نك رياسى ثياب نفيسه و مراكب
رفيعه و مساكن واسعه در و خانه لرنده لباس دنى كيوب انكله خلقه
قارشملر بور يا حرام دكلدر قايمز (ريانك اوچنجيسى كلامده در
وعظ كى و اخبار و آثار دن سويلك كى تا كه كثر علمى اظهار ايليه
وسلفك احوالنه انك زياده تقيدى اكلانده دخی ذكراه طوداق
قلد اتمق دخی خلق حضور نده امر بالمعروف ونهى عن المنكر ايتك
ومنكرات ايچون اظهار غضب ايتك وناسك معاصى يه دوشمشدن
غم و غصه اظهار ايتك دخی قراءت قرآنله ترقيق صوت ايتك تاكه
خوف و حزنه دلالت ايليه دخی قرآنى حفظ دعوا سنده اولمق و مشايخ
ايله ملاقات ايتديكنى و طاعت و عبادت ايتديكنى و حديث روايت
ايدنى رد ايتك و نقلنده خلل بيان ايلكله يا صحتنده و يا لفظنده تابلنه كه
احاديث بصيرتى و ارايمش و مجادله در خصمى اخام و اسكات ايچون تاكه
ناسه قوتى ظاهر اوله علم و دينده و بوكا بكرر شيردر اما بو خصوصده
اهل دنيا نك رياسى اشعار و امثال ايله و فصاحت و بلاغت اظهار ايله
حاصل اولاندر (در دنچيسى عمده در مصلحت قيامى و ركوعى و سجودى
اوزتمسى كى و تعديل اركان ايتك و باشين اكدرمك و اياقلايرين و بدن
ناس محضرنده برابر طومق خلوتده دكل و سائر عباداتى بوكا قياس
ايله (واهل دنيا نك رياسى صالتمق و ياننه آدم آلمق دخی انكلايرين
طومق كيدر) بشنجيسى اصحاب و زائر ليله اولان ريدار كه انلر كثر تيله
فخر لئق و جمعه به و دعوت كنديكند اردنجه كتملى و انلرله اوكونملى
ويالكر كتمدى شوندن اوزيدركه تا خلق ديه لر بو برمرشد كاملدر

فتى چوق احباب و اتباعه مالكدنر و اهل دنيا نك رياسى توابعه اولوب
قدرت و دوات و عباد و خدمه صاحبي اولميدنر (اوچنجيسى بحث
ريانك غرضى بياننده در اول غرضدن برى جاه و منصب دخی استمالت
قلوبدر بونلرده يا عينيله مطلوب اولقدنر يا خود بونلرى بر معصيته
يا مباحه يا خود زعمجه طاعته و سيله قيتقدنر و كا اولور كه بو اوچدن
هر بريسى و سيله سز غرض اولور پس درت قسم اولور و هر بريسىچون
ايكى ربا حاصل اولور مثلاً نك كييكه بر آدم عبادتيله انى قصد
ايليه كه زهد و ارشادله و چوق مرید و محبه اشتهار بوله و بر آدم
كييكه تنهاسنده بور بوب عجله ايله كيدر كن بر كيمسه به مطلع اولديغى كى
عجله بى ترك ايليه تاكه اهل لهو و سهو ديمسونلر بلكه صاحب وقاردر
ديه لر و بعضيلرى واردر كه تنهاسنده دخی بور يكي معتاد اوزره ايدر كه
تاكه ناس كورديكند تغييره محتاج اوليه و ظن ايدر كه بور يا دكل
بلكه ايكي قات ريدار زيرا الله تعالى حضرتلرندن حيا ايتيوب ناس
اجليچون بو معتادى ايدر كذلك بر آدم كولر و يا لطيفه ايدر لكن
خلق عين حقارتله باقمق ايچون ترك ايدر و يا برخنده صادر اولسه
آه سرد چكوب استغفار ايدر و نه ياوز غفلتده ايزديو تأسف چكر
والله تعالى حضرتلرى علميدر اكر خلوتده اولسه بو اوضاعدن هيج
خونمزدى انجق خلقدن قورقار كه نظر حقارتله باقيه لر بويه بكرر كه
بر آدم بر جماعتى كوره نهجدايده بورلر و يا صائم اولبورلر و يا صدقه
و بور بورلر اول دخی انلره موافقت ايليه تاكه كسلنه حمل اولنمىوب عوام
تحتنه ادخال ايتيه لر بو خسه اكر خلوتده اولسه بونلردن برى ايتمزدى
و بوكا بكرر مراتبلى كه بر آدم ذى الحجه نك عرفه كوني و يا عاشورا كوني
صوابچمكه قورقار تاكه خلق صائم اولمى ديمسونلر و اكر مضطر
اولسه بر عذر ايراد ايدر كه مزاجم بوزغوندر صوسز لغه طيبانه مدم
ويا خود فلان كيمسه زياده الحاح و ابرام ايتديروب بزه افطار ايتديردى
دير و اولور كه صوابچديكى وقت بو اعتذارى ايتن تاكه ربا اولديغى
اكلانميه بر حكايه ارا سنده ايراد ايدر مثلاً نك كييكه فلان كيمسه

اخوانه محب و یارانه شومرتبه رغبتی وار که برلقمه یارانسز بمک محالدر
 حتی بوکون بزه ده عظیم اقدام ابتدی و خاطرندن چیقامیوب صوم
 بوزدم یا خود دیه ~~که~~ والده مک بکا زیاده شفقتی وار صائم اولمق
 اسنسم خسته اولورسز دیو ابرامله افطار ایتدیرر اما مخلص اولان
 کیمسه که مرآتیک مقابلیدر لایبالدر خلقک نظرنه بقمن اگر صومه
 رغبتی یوغبسه صائم اولماز زیرا الله تعالی حضرتلمری علمیدر انک
 عبادته رغبتی ییلور پس صومه رغبتی الله تعالی نک علمنه مخالف
 غیر کیمسه به اعتقاد ایتدیرمز و اگر صومه رغبتی وار ایسه الله تعالی
 حضرتلرینک علمنه قانع اولوب غیر کیمسه به بلدرمز و غیر کیمسه بی
 اکاشریک اینمز مکر خاطرینه خطور ایلیه که اظهارنده غیرینک دخی
 اقتداسی یوانور پس یونیتله اظهار ایلیه دخی اول کیمسه کی اظهار
 شجاعتله و حسن تدبیر ایله امارت و وزارت مراد ایدر (ایکنجبسی
 اول کیمسه کییکه عبادتله مرآتلیق ایدوب امر تقوی و برهیز کاراق
 اظهار ایدر و شبهاتدن و ایل حقندن صورتا صاقنور ~~که~~ امیندر
 دیونام ویره بعده قضا و اوقاف و مال ایتام و امانت ذی قیمت الله
 کبر دکه اکل و بلع ایدوب انکار ایلیه و صوفیلق صتان کیمسه
 کییکه کلام حکمتدن و وعظ و تذکیر طریق اوزره سویلیه تا که
 کندینه عورت و یا اوغلان سودیره فخر را چلیچون دخی مجلس علمه
 و حلقه ذکر حاضر اولان کیمسه لکی تا که نسا طائفه سنی و یاساده رو
 اوغلچقلسیرنی ایلیه و اول کیمسه لکییکه شجاعت و ضبط و حراست
 کوستر تا که ولایت و وصایت واصل اوله و حرام اولان آرزولرینی
 اله کتوره (اوچنجبسی اول کیمسه کییکه عبادتله مرآتلیق ایدر تا که
 اکمال ویره و خاتونلر اکاوارمغه رغبت ایلیه و انک خدمتده خلق
 سکر دیمه لردخی اول کیمسه کییکه خلوتنده نمازینی تعدیل ارکانسز
 و آدابسز عجله اوزره قیلوب خلق اراسنده تعدیل و آدابه رعایت ایلیه
 تا که خلق ذم و غیبت ایلمسونلر یوخسه مدح ایچون دکل و حقنده ثواب
 ایچونده دکل دخی اول کیمسه کییکه قرآن اوقور یا تهلیل ایدر اخذ مال

ایچون و یا انکله لذتندیکچون و یا تهلیل ایدر مباح اولان آرزوسنه
 نائل اولمق ایچون (دردنجبسی طالب علم کی که استاذینه طاعتله
 مرآتلیک ایلر تا که معلمی قتنه مرتبه یه نائل اولوب علم نافع اوکرنه
 دخی اولاد کی که والدینه عملیه مرآتلیک ایلیه تا که کوکلمری انلره میل
 ایدر یا اکابر حضورنده مرآتلیک ایلیه تا که عبادته تقویت ایچون
 مال اله کتوره یا امر اووزرا و قضاة قتنه ریاضت ایدر تا که اول سیبیله
 جهت و منصبه نائل اوله عبادته فراغ قلب ایچون یا خود امر بالمعروف
 ونهی عن المنکر ایلدکده سوزی کچمک ایچون دخی اول کیمسه کییکه
 برواقف اکابر مقدار اچه تعیین ایتمش اوله تا که کونده کلام اللهدن
 بر جزه اوقیه یا خود نماز قبله یا خود تسبیح اوقیه یا خود تکبیر ایدر
 یا خود حضرت پیغمبر علیه الصلاة والسلامه صلوات کتوره و ثوابی
 اچه تعیین ایدر نه یا والدینه اعطا ایلیه واروب اولمسکین بودینان
 عبادتی اشلم مال طمعندن اوتوری تا که عبادتنه تقویت بوله وطن
 ایدر که کندینه حلالدر و ثوابی آمرینه واصل اولور و کندینی
 عبادتده صانور حال بو که دکلدر (معلوم اوله که برکلی مرحوم نیچه
 رسالنده دایملر ایله تحقیق ایلمش در که اجرتله قرآن اوقق و سایر
 بالاده یازیلان عبادتدر جائز دکلدر اجرتی الان و ویرن دخی آثم اولور
 و علم اصولده دخی مبین در که عبادات بدینه ده که بومذکورات دخی
 اندر بدایتله ادا جائز دکلدر حتی اجرتسز برکیمسه برکیمسه نک
 قضایه قلان نمازینی یا صومنی بدایتله قضا ایلمسه شرعی دکلدر اکا بناء
 بو عبادات دخی جائز اولماز ایچون علمانک تحقیق شونک اوزرینه در که اگر
 الدیغی اچه بی صله و هدیه طوب و اوقد یغنی دخی هبسه ایدر ایسه
 شرعیدر نهایت بو صورتده آزمی اوقور چوقی اوقور هر کونمی اوقور
 دیلدیکی قدر اوقور یوخسه وقت تعیین و مشروط اولمق کرک ایدی
 اما واقفلرک اول قید و شرطلری و اوقومادقلرنده علوفه و یرمه لری
 بونی محض اجرت قلمشدر یوخسه شرطنده اهل قرآنه و علمایه بو قدر
 وظیفه اولسون دیوقید ایلمسه محله فقراسنه بعض یرلده ایتدکلمری کی

عند الله ما جور ومثاب اولوق اولوردی علمای تعظیم وتوقیر
ایلدکلرندن اوتوری نتکیم فقرایه مرحمتلریچون امید اولنور هله
و بالجملة محل خطر در اوقویانه و اوقودانه نتکیم برکلی کتابك آخرنده
ذکراتسه کرک اما منیری مرحوم بعضی تحریراتنه دیمشکه بومقوله
عباداته اجرت نفس عمل ایچون دکلدر انجق نفسی اول عمله حبس
ایتدیکیچوندر دیو افاده ایلش اکا بنساء اجرت حرام اولماز لیکن
بومعنا دقیقدر هر کس فهم ایلدوب نیتی اکا حل ایتکه قادردکلدر
ومرأیلردن بری دخی آشکاره خلق اراسنده نافله نمازین قلاز
وتهلیل ایدرتا که ناس کوروب اقتدا ایدوب اوکر نه لوطاعتلرینه سبب اوله
اما خلق کورمه انی ایشلمزدی بودخی ریاندرا ما مجردا قصادیله
اولوب احداث قصدیله اولسه ریادکلدر بلکه مستحبدرواهل
دنیا نك ریاسی اظهار شجاعتله در تا که ولایت نائل اولوب اجرای
احکام شرع و اصلاح ناس و دفع ظلم و منکرات ایلله (در دنجی بحث
ریاء خفی بیاننده در معلوم اوله که ریاء کاه اولور که قرنجه ایاق
بصدیغندن دخی خفی اولور ایمدی اوله ریایی بیلکه علامت کرکدر
برعلامت اولدر که ناس کندی طاعتلرینه مطلع اولملریله و مدح
ایلملریله مسرور اوله و یا خود خلق مؤمن مطیع محبت ایللریله
فرح کسب ایلله یا خود اول کندینک طاعتیله الله تعالی نك نظر رحمت
وتوفیقنه دلیل طوعتغله فرح کسب ایلله یوخسه ناسک قتنده مرتبه سی
اولوب مدح لرینه طالب اولیه والله تعالی * قل بفضل الله وبرحمته
فبذلك فليفرحوا * بیورمشدر یا خود الله تعالی دنیاده جبلی اظهار
وقبیحی ستر ایلندن آخرتده دخی بویله اولاجنه دلیل طوعتقدن
مسرور اوله پس بودورتدن بریله مسرور اولوق حقدر ریاء دلالت ایتز
اما ابلبسک تلپسندن بصیرت اوزره اولوق کرک (و برعلامت اولدر که
شونی طالب اوله که ناس انی توقیر و مدح و ثنائیده لر و حاجتن بتزوب بیع
و شراده مسامحه ایده لر و مجلسده بر ویره لر حتی بر مقصر خد متنده
تقصیر ایتسه کندینه کوچ کلور و استبعاد ایدر یعنی کرلوده نیچه عباداتی

وارد نفس استر که انك مقابله سنده عزت و حرمت ایده لر اگر اول
عبادت اولسه هیچ کیمسه نك تقصیر ایتسه قالمزدی خلاصه کلام
بودر که انسان اول وقت ریادن قورتلور که انسان و حیوان کندی
عبادت نه مطلع اولدقلرنده نظری برابرتوب بر یسنگ کورمسنده
زیاده حظلمیه و یا حظلمدیغی صورتده توفیق الهی به ملاحظه سی
اوله نتکیم ذکر اولندی قایمز و بونك علامتندن راکر برکیمسه نك
ایکی همنشینی اولسه بری غنی و بری فقیر اگر غنیک اگر ایچون نفسنده
زیاده حرکت بو اورایسه حاله که غنیده زیاده علم یوق و یا پرهیر لک
یوق و بر قدیمی دوستلق بو خصلتلی اولیان اغنیانك مشاهده سندن
زیاده حظلمنورسه اول کیمسه مرأیلر و واعظ و عالم و شیخه مخصوص
اولان علامتندن اگر وعظده و یا علم کنندن احسن و افضل بری
ظهور ایلسه اکایرامن صنوب حسد ایلر اما غبطه ایلسه قایمز و غبطه
اکادیرلر که اول خصلتی کنندنده اول سی اسنبوب آخردن کتمنی استمیه
اما حسد اولدر که آخرده اولیوب بنده اولسه دیو آرزو ایتک اوله
و بومذکور مخصوص علامتندن جفکیم عالم مجلسنه اکا برکیمسه کلامی
تغیر ایدوب حسن تعبیر باشلر استمالت قلوب ایچون اما اگر اکا برک
اصلاحلری مراد اولندیسه تا که لطف و رفقه توبه به سلوک ایتدیره
بو خصلت کوزلدر ولکن محل شبهه در همان ریادن خلاص استرسه
خلقده برکوزله نظر ایلله نتکیم ذکر اولندی بر نظر دن زیاده محظوظ
اولیه اگر نیتی خالص ایده مرهه بوسیدن حدیث شریفده کلمشدر که
عبادتک افضل کسبنک قیونجقلری یاننده ایتدیکی عبادتد رزیرار یا
خاطرینه کلمز خالصا لله تعالی عبادت ایدر ولکن مراد نافله عبادتده در
زیرا فرائض جماعتله افضلدر و قیونجقلری یاننده تواضع خصلتی
حاصل اولور بوسیدن هر بر یغیر قیون کوتدیکی حدیث صحیحله مثبتدر
(بشخی بحث ریائک احکامی بیاننده در معلوم اوله که عمل دنیا ایلله
ریاء حرام دکلدر اگر تلپس و تزویردن ومنهی اولان شبهه وسیله
اولمقدن خالی اولور ایسه لیکن حظ دنیوی ایچون مذموم اولوب

بیان غبطه

بیان احکام ریاء

بیان ریاء خفی

آخرت حظی چون مستحبد در یعنی عمل دنیا ایله ریا ابتدیی صورتده
 اما عبادتله ریا ایتک جمله سی حرامدر حتی اصل عبادتده بله حرامدر
 مثلا بر آدم عند الناس فرائضی قیلار اما تنهاسنده و خلوتده قیلار
 بو محض ریا اولوب اجری یوقدر انجق و باله غرق اولور حتی بعضیلر
 بومقوله آدمک کفرنه حکم ایلشله تکیم ناکار خانیهده مذکوردر کذلک
 فقیه ابواللیث تنبیه الغافلینده بویله نماز قیلان کیمسه نک کفرنه حکم
 ابتدیکندن ماعدا منافقک اعلاسی وجهنده درک اسفل مأوسیدر
 وحشر اولمسی فرعون وهامانله در دیمش و اگر عبادتله ابتدیکی ریا دن
 غرضی طاعت اولسه مثلا ناسی غیبتدن صیانت و یا علم نافع تحصیل
 و یابر والدین یا خود غرض مال اولسه لکن عبادت قوت ایچون منصب
 غرضی دخی بوجهتله اولسه و بو غرضنده صادق اولدیغی صورتده
 ینه ریا حلال اولماز زیرا تلبیسدر و کذب فعلیه در یعنی فعلی ظاهرده
 الله تعالی ایچون اما باطننده نیی غیر غرض ایچون اولمغله ریسنه
 استهزا صورتی واردر اما بونک خلافتجه در اگر ایتداده عبادتله
 مقصودی الله تعالی حضرتلرندن مال و جاه طلبی ایسه غیر بدن دکل
 وناسه عبادتی کوسترمک واشتدرمک مرادی اولماز ایسه بو حلالدر
 ریا دکدر تکیم غنا ایچون سوره واقعه اوفق ذکرنده سبقت ایلدی
 اما اگر طلب ابتدیکی مال و جاهی دنیا رفاهیچون مراد ایتدیده ینه
 ریا در حلال دکدر زیرا الله تعالی حضرتلرینک عبادتی دنیا لایقنه
 شبکه و آلت ایتش اولور حال بو که الله تعالی حضرتلری مال و جاهی
 و عبادتی نفع آخرت ایچون وضع ایلشدر اماریانک طاعتنه تأثیری اگر
 ریا غالب ایسه طاعتک اجرنی ناقص ایدوب طاعتی یریه ابطال انج
 و اگر ریا اخلاص قلبله برابر و یا غالب و یا محض ریا اوور ایسه عملی
 ابطال ایدر نیت اولمدیغندن زیرا نیت هر عبادتده شرطدر پیغمبر
 علیه السلامک بو حدیث شریفی دلالتیه * انما الاعمال بالنیات و لکل
 امری مانوی * که مشهوردر دیمک اولور انجق اعمالک حکمی نیتلرله در
 و هر کبشیه نیت ابتدیکیدر و نیت تقرب الهی به باعث تحصیل اولان

عملی قصد و ارادتدر و اول ارادت اول عملک اولنه حقیقه یا حکما متصل
 اولق کرک و ارادت دیدیکی احترازدر مجرد لسانله سو بلمکدن کوکلنده
 یوغیکن و حدیث نفسدن احترازدر که حدیث نفس اکادیرلر که کشتی به
 کندی نفسی برشبی و سوسه شکلنده القا ایلده و خاطرنده قرار ایتیبوب
 علی الفور کیده ایمدی نیت بویله اولمق کرک همان کوکلنده برایشان
 ارادت اولق کرک و تقرب دیدیکی ریا محضدن احترازدر و باعث
 تحصیل دیدیکی اول قصد دن احترازدر که ریا ئله اخلاص برابر و یا
 اخلاص مغلوب اوله و اول ارادت عملک اولنه متصل اولق کرک
 اولدیغی شوندن اوتوریدر که بر کیمسه یارنکی کونک اویله سنی یا خود
 بوکا بکرر قطعیه مراد ایلسه اول کیمسه طول امل صاحبیدر و اگر
 صلاح بدن و استئنا شرطیه مراد ایلسه طول امل صاحبی دکدر
 یعنی یارین صاغ اولورسم و یا انشا الله معناسنی کوکلنه کتورسه
 طول امل دکدر اما نیتی بهر حال یرنده دکدر زیرا عمله شروعدن
 اوادر متصل دکدر در عمله شروعدن صکره یله نیت جائز دکدر
 و یا حکما نیت متصل اولق کرکدر که شوندن اوتوریدر که فطره یاز کاتی
 چیقارمسی وقتی داخل اوله یعنی بر آدم زکاتنی حقیقاروب آیرسه
 امام مستحقنه ایصال ایتدکده تکرار نیت بوانمسه اول آیردیغی وقتده
 اولان نیتی کافیدر و حکما اول آدابیه متصلدر صوم دخی کون
 طولندقدن صکره نصف نه ساره وارنجه اداء ره ضائده و نذر معینده
 و نفلده و غیر یلرنده صباح آغرمسنه دک نیت جائزدر دخی نمازده
 رکوعه وارنجه دک امام کرخی قنده برو جهده (وادل که آفات قلبک
 اونجه سیدر و طول امل اکادیرلر که صاغ اواسنی قطعیه مراد ایتکدر
 و املک غائله سی درتدر) اولکیمی طاعتده تسلان و همل اولمقدر
 و تأخیر ایلکدر (ایکجه سی تأخیر توبه و ترکدر) (اوچجه سی مدتی
 و اندن صکره واقع اولاجق عالم برزخی اکاهله قسوة قلب حاصل
 اولمقدر) (دردنجی جمع دنیا به و تکثیرینه حریص اولمقدر
 یرلکدن و خسته لکدن و غیر بدن خوف ایلکله حتی بعض کیمسه

بکرمی بیل و بعضی لای بیل کفایت ایده جک قدر مال و رزق جمع
ایلر امام شایخ صوفیه دیمشکره بر کیمسه بر بیل یجک قدر ذخیره
حاضر لسه ملامت اولمز و توکلدن خارج اولمز روایت اولدیغندن
اوتوریدر که سرور کائنات علیه افضل الصلوات بعض خاتونه
بر ییلاق ذخیره در حجره ایدوب البقوردی بواجلادن بعض فقها دیدلر که
بر ییلاق ذخیره حوایج اصلیه دندر غنادن عد اولمز لکن اصح قوله
بر آیلق آزدن زیاده سی نصاب غنادن صایلور اما اول کیمسه که اهل
وعیال صاحبی دکلدر قرق کونلک نفقه دن زیاده الیقومق یوقدر
زیاده ایدر ایسه توکله مانع در اما بر کلی دیر که مراد لری توکل نفل
و کامل اولاند یو خسه فرض اولان اصل توکل دکلدر زیر اول توکل
هر کسه فرضدر تکیم فصل علمده بیان اولندی (اما طول حیات استمک
زیاده عبادتله صلاح کسب ایتک نیتی اولور ایسه مذموم دکل
بلکه مستحبدر بو خصوصده حدیث شریف روایت اولنور که بر آدم
کلوب سرور کائنات علیه الصلاة والسلامدن سؤال ایلدی
یا رسول الله ناسک قنغیسی خیر لیدر دیدی سرور کائنات علیه افضل
الصلوات بیوردیکه * اول کیمسه که عمری اوزون و عملی کوجک اوله
اول آدمدر * وینه سؤال ایتدی یا ناسک شرابیسی کیمدر یا رسول الله
دیدی نی آخر الزمان علیه السلام بیوردیکه * اول کیمسه که عمری
اوزون و عملی برامز اوله * و جابر رضی الله تعالی عنه روایت ایدر که
رسول اکرم صلی الله تعالی علیه وسلم بیورمشدر که * موتی طلب ایتک
زیرا آخرت قورقوسی شدیددر و عبدک سعادتمندر عمری اوزون اولوب
الله تعالی حضرت لری اکا توبه و انابت روزی قیلیق و عمر و ابن عبسی
رضی الله عنهما حضرت پیغمبر علیه السلامدن اشیدوب نقل ایدر که
بیورمشدر * بر کیمسه که دین اسلامده قوجالغده ایریشوب ساجی آغرسه
یوم قیامتده کانور اولسه کړک * و عبید بن خالد رضی الله تعالی عنه نقل
ایدر که حضرت حبیب الله علیه السلام ایکی آدمی بر بر یله قرنداش
ایتدی پس بری فی سبیل الله قتل اولندی و اول غیر یسی برهفته

صکره وفات ایلدی عبید دیر که بوا یکنجینک نمازی قیلدیغمر دنصکره
حضرت رسول الله علیه السلام بیوردیکه * نه دیدیکز بونک حقنده
ایتدیلر دعا ایتدک و دیدک یاربی مغفرت ایله وانی قرنداشنه اولاشدر
رسول الله علیه السلام بیوردیکه یا انک نمازندنصکره اولان بونک
نمازی قنی و صومندنصکره صومی قنی و انک عملندنصکره بونک عملی
قنی ماینلری بین السماء و الارض * ایددی بواحادیثلردن معلوم اولدیکه
طول عمر و عمل صالح اولد قده مؤمنک سعادتمندر و شیخ زاده
تفسیرنده تحقیق ایدر که یهود طائفه سی حضرت پیغمبر علیه الصلوة
والسلامه کلوب نحن ابناء الله و احبائه دیدکلرنده یعنی بز الله تعالیکنک
یقینلری و احباسبی یز پس الله تعالی حضرت لری حبیبنه آیت ازال
ایدوب یهود طائفه سنه یا حبیبم سن المله دی * فتمنوا الموت ان کتم
صادقین * یعنی اگر بودعوا کرده صادق ایسه کز موتی تمنی ایایکز زیر
احبیا حبیبلری قتنده اولمق لازمدر بونک ایسه کیدیله جک طریقی
موتدر بعده الله تعالی حضرت لری انلرک حالی بیان ایدوب * و لایتمونه
ابدا بما قدمت ایدیهم * بیوردی معنای شریفی ایدا اول یهودیلر
موتی تمنی ایلر ل تقدیم ایتدکاری عمللری سبیلله ایددی انلر حلفک احباسبی
اولمبوب * الله ولی الذین آمنوا * مقتضاسیله مؤمنلر الله تعالیکنک
احباسبی و دوستلری اولدیغنی فهم اولمشدر پس مؤمنلره لازم
اولان صداقتلرینی اثبات ایچون موتی کره کورمبوب تمنی ایتک ایدی
یا نیچون موتی سومزلر و تمنی ایتزلر دینور ایسه جوابنده دیمشدر که ایکی
سبیدن اوتوری تمنی ایتزلر بری بودر که صلحادن اولان کیمسه لر الله
تعالی حضرت لریکنک * و تزودوا * امرینه امثال ایدوب زاد آخرتکه
علم و عملدر انک تحصیلنه و ازدیادنه مشغول اولوب خیر زاد اولان تقوی
ایلله عند الله اکرم و مقبول اولمق مرتبه سنه و ارنجه کاله و مرتبه
رجاله سعی ایلر ل انکیچون موتی تمنی ایتزلر (وایکنجی سبب بودر که
اگر صلحادن دکل ایسه ینه عمرینک ازدیادینی ایستر بولیکی هدایت
حقله و توفیق رفیقی اولمغله توبه و انابت مبر اولوب و اصلاح حال

ایلیوب کندنی قرب الهی به لایق و درجات نعیمة مستحق ایلیه بخسه
الموت تحفة المؤمن فواستجبه مؤمنلرمونی حسن رضالریله قبول ایدرلر
واندن فرار ایتمزلراجق بوا یکی سبب شرعی به ناظرلر در نتکیم عدنی دیر
* دنیا کم سر زعة الآخرة در قیله هب *

* اوز که فرصتدر انی بولیه سن برکون اول *

* بر نفس عمر که خور بقمه که حشر اولدیغی وقت *

* انس و جن طالب اولوب بولیه فرصت اکا *

و طول املک سببی حب دنیا و قرب موتدن غفلتدر وتازه لکه وصحنه
مغرور اولمقدور و علاجی سبیلرینی کیدر مکدر حب دنیا نک کیدر لمسی
طریق انشاء الله تعالی بیان اولنور و غفلت موتک علاجی موتی
چوق الکق و یا قلمشمنی دخی اکسز کله سی احتمالی فکر ایلمکدر
و صحت و بیکتلاک موتی منع ایلمز بلکه بیکتدر پیرلر دن زیاده وفات ایدرلر
نتکیم صبیان بیکتدر دن زیاده زیر خا که کیدرلر و نیچه صاغ یسالم آدمیلر
اولوب خسته اولانلر اولرد نصکره نیچه ییلار صاغ قالمشدر واک قوی
علاجی موتک ذکر و طول املک ذمند و ارد اولان کلامی دکلمکدر
ذکر موتک مدحی بیاننده و ارد اولان احادیثدن بری حضرت انس
رضی الله عنه روایت ایتدی کیدر که سرور کائنات علیه افضل الصلوات
حضرتلری بیورمشدر موتی چوق اکک ز برا کاعلری اریدر و دنیادن
رغبتی کسر و حضرت پرا رضی الله عنه نقل ایدر که بردفعه حضرت
رسول الله صلی الله تعالی علیه وسلم ایله بر جنازه کتوردک قبر کارنده
اوتورب شول مرتبه اغلادی که اوکنده مبارک کوزی یا شندن پراصلندی
اند نصکره دیدیکه ای بنم اخوانم بو محل ایچون و بودم ایچون چالشک
وحاضرلنک و حضرت عمار رضی الله عنه روایتنده * کفی بالموت
واعظا و کفی بالیقین غنی * بیورمشدر معنای موت و اعظافه
کافیدر و کشفنک یقینی و اعتقادی اولمق قسمت خدایه غنا جهتندن
کافیدر و حضرت ابوهریره رضی الله عنه روایتنده بیورمش که
(هادم اللذات اولان موتی چوق ذکر ایدک هر بار که فقر حالنده

بیان سبب طول امل

ذکر اولنسه رفا عیت حاصل اولور و وسعت حالنده ذکر اولنسه
خشب حاصل اولوب یعنی نفسی مغرور لثقه و مز و حضرت ابن عمر
رضی الله عنهما روایتنده دیر که انصاردن بر آدم قالقوب یا رسول الله
ناسک ز کبسی و مبصری کیدر دیدی حضرت رسول الله صلی الله تعالی
علیه وسلم ایتدی موتی چوق اکانلر و مونه حاضر انلر زکی انلر در
دنیا شرفی و آخرتک کرامتی کتورن انلر در (اما طول املک ذمی بیاننده
ام مندر دن نقل اولنور که برکون اخشام وقتنده سرور کائنات علیه
افضل الصلوات خلقک ایشنه مطلع اولوب ایتدی ای ناس الله تعالی بدن
حیا ایتمز مبسز انلر در یا رسول الله دیدیلر ایتدی یمیه جککز شیلری جمع
ایدر سکر و یتشمیه جککز شیلری امل ایدر سکر و ساکن اولمیا جککز بنالری
پیار سکر و حضرت ابوسعید رضی الله عنه روایت ایدر که صحابه دن
اسامه بن زید یوزالتونه بر جاریه صاتون آکور برآی وعده ایله پس
رسول الله صلی الله تعالی علیه وسلم ایشتمکی دیرای اصحاب اسامه نک
برآیه دک اشتراسته عجب ایتمز مبسکر تحقیق اسامه طول امل صاحبی
کشیدر اول الله حقیقونکه نفسم بد عزتنده در بن هر کوزم آجد یغمده
ظن ایدر مکه کر پکرم بلوشدر مدین الله تعالی روحی قبض ایدر
و بر یاغی فالدر دیغمده ایکنجسین فالدر نیچه ظن ایدر مکه روح قبض
اولور و بر لقمه که اغز مه براغورم انی یوتمدن اجلم کله دیوظن ایدر م
ای بنی آدم اگر عقلک ز وار ایسه کندی نفسکزی موتادن عد ایلک
وعدا و انان البنده کلجکدر و حضرت حسن رضی الله عنه روایتنده
بیورمشدر که جمله کز دیلمر میکه جنته کیره نعم یا رسول الله دیدیلر
ایتدی املکزی قصیر ایلک واجلکزی کوز یکر اوکونده کورک
والله تعالی بدن حق حیا ایله حجاب ایلک ایتدی امل اگر حرام ایله
لذتلمک ایچون اولور ایسه حرام و الاحرام دکدر اما قتی مذمومدر
واکر طاعتک تکشیری ایچون اولور ایسه حرامله لذتلمک آفتی احتمالیله
بنه مذمومدر طمع مذمومه سبب اولدیغیچون و طمع مذموم لذت حرامی
مراد ایتکه و یا مخاطره لی نوافل و مباحاتی مراد ایتکه دیرلر و مخاطره لی

بیان ذم طول امل

نوافل و مباح اولدر که انلره بدعت قارشمش اوله اما عبادت خالصه
اولسه مذموم دسکدر (آفات قلبك اون برنجیسی طمعه در
و بو خصوصده حضرت سعید بن ابی وقاص رضی الله عنه سلطان
کونین دن حدیث شریف روایت ایدوب دیر که بر آدم حضور نبی به
کلدی ایتدی یار رسول الله بکا وصبت و نصیحت ایله سرور کائنات
علیه افضل الصلوات بیوردیکه * ناس النده اولان شیدن کندیکی
نومید طومغنی اوزریکه لازم ایله و طمعه دن صاقن زیر حاضر فقردر
و وداع نمازنی قبل یعنی شومرتبه نماز یکی سکون اوزره واجبات
و آدانه رعایت ایدوب قبل کویا بوند نصکره بردخی وقتیه بتشمسک
کرك و آخر وقتك بو اولوب و داعلشمك نمازی اولسه كرك و اعتذار
اولنه حق شیدن صاقن * دیو بیوردی یعنی ديمك اولور که کندیکی
اول محله اوغراتمکه صکره صوچلی اولوب اعتذاره باشلرسک
و طمعه قتی قبیحی بر شیبی ناسدن طمع ایتکدر و بو بر خورلقدیر که حرص
و بطلاندن و الله تعالی حضرت تلتربك حکمتنه جهلدن ناشیدر
و طمعه ضدی تفویضدر که اخلاق حیده دندر و تفسیری سنك
مراد ایلککدر که خطر دن امین اولدیغك جبع مصالحکده الله تعالی
حفظ ایله پس اگر اول نافله و مباح سکا صالح اولور ایسه الله تعالی
حضرت تلتري مبسر ایدر و الامنع ایدر الله تعالی قرآن عظیمده وقای
یعنی حفظی کندینی و امرنی حقه تفویض ایدنلره احسان ایلشدر
تکیم حکما به بیورر * وافوض امری الى الله ان الله بصیر بالعباد
فوقیه الله سبئات مامکروا * و تفویض بر شریف مقام اولدیغنه دلیل
نقلیدن غیری عقل دخی حسنه دلالت ایدر (ریاچلرندن التخی بحث
اول امور بیاننده در که ریائله اخلاص یا خود ریائله حیایینده تردد
ایدر ایکی جانبدن هر برینه ابلیسک تبلیسلکی وارد در دخول ایدر
ایمدی ابتدا بر مقدمه ذکر ایدر شیطانی و حیلہ سنی دفع ایلمک بیاننده
زیرا تقواده کفاقتی احتیاج واردر جمیع خصالنده با خصوص
اخلاص بیاننده زیاده محتاجدر (مقدمه شیطانی دفع ایتده مذهب

بیان آفات طمع

بیان ریا ایله اخلاصک
اختلاطی

مختار استعاذه و محاربه بی جمع ایلکدر پس الله تعالی حضرت تلتري امر
ایتدیکی کبی ابتدا شرنندن الله تعالی به صغوب لسانله * اعود بالله
من الشيطان الرجيم * دیرز اما لسان قلبه موافق اولمق كرك یعنی
بر آدم دلیلله سویلسه اما کوکلی غیری افکارده اولسه فائده یوقدر اول
صغغنی جان و دل ایله ایتدیکه درست دکلدر زیر حدیث شریفده
* ان الله لا يقبل الدعاء عن قلب لاه * بیورلشدر معناسی الله تعالی
حضرت تلتري مشغول قلبدن دعایی قبول ایتز یعنی کشی غیره مشغول
اولوب ایتدیکی دعاسندن غافل اولیجق قبول ایتز ایمدی استعاذه دخی
دعادر انی خلوص قلبله ایدر ز بر شیطان الله تعالی طرفندن اوزریمزه
مسلط اولمش بر کلدر ایمدی کلبدن صاحبنه صغغنیججه خلاصلق
اولز اند نصکره چاغردیجک انك دعوتی و چاغرمسنی استهزا ایدوب
نمی ایدر ز اما محاربه ایدوب جواب دخی و یرمز زیر عوقریچی کلب
مثابه سنده در هر بار که اوزرینه هجوم اتسک و یا حایق رسی اول دخی
سکا زیاده هجوم ایدر اما مقید اولمبوب سکوت ایلسک اول دخی
سکوت ایدر اما اگر کلب صفت اولان شیطان استعاذه و سکوت ایله
دفع اولمبوب تکرار کوکل میداننده طولانوب چاغرمغه باشلرایسه انی
یلورز الله تعالی طرفندن بزی امتحاندر تا که صدق مجاهده مری و صرف
قوتغزی کوره تکیم الله تعالی حضرت تلتري کفاری بزم اوزریمزه مسلط
ایلشدر انلرك شرننی قدرت قاهره سبله دفع ایلمکه قادر ایکن تا که بزه
غزادن و صبردن اجر عظیم حاصل اوله و کاه اولور که کوکلده برشی
خطور ایدر اما بلنمز شیطانی در یوخسه غیریمیدر ایمدی بو ایکی
صورنده محاربه و قهر ایتک لازمدر و دل ایله و کوکل ایله ذکر الله مداومت
ایتک و وسوسه و حیلہ شیطانی به بی بیلک لازم اولور (و ابتدا منشاء
خواطری بیلک لازمدر و خیرلوسنی شرنندن فرق ایلک كرك ایمدی
خواطر بر آثاردر که الله تعالی حضرت تلتري عبیدک قلبنده احداث ایلر
و اول آثار بر عملی اشلمکه و یا اشلمکه باعث اولور پس ابتدا ظهورنده
اکا خاطر دیرر و علامتی اولدر که حد ذاتنده قوی اولوب هیچ ترددی

بیان منشأ خواطر

اولیوب وعقاید و اخلاق باطنه ایله تصمیم اولنه یعنی بویا کبسته متعلق
اوله پس اگر بوخاطره اجتهاد و طاعت نصکره ظهور ایدر ایسه
صاحبنه اگر اما خاطره خیر اولوب انک نامنه هدایت و توفیق و لطف
و عنایت دیرلر الله تعالی حضرت ترینت * والذین جاهدو فینا لنهذبهم
سبلنا * قول شریفی بو کا دلیل روشنندر اما اگر وبال و معصیتدن
صکره برخاطره ظهور ایدر ایسه صاحبنه اهانه و عقوبه شر اولوب
اگا خذلان و اضلال دیرلر و یا خود خاطره ملک واسطه سبله ظهور
ایدر که بنی آدمک قلبنک صاغ قولاغنده بر ملک چوکوب اوتور مشدر
آدنه ملهم دیرلر و انک دعوتنه الهام دیرلر و انک دعوتی دایما خیره در
بوالهامک علامتی اولدر که عبادانده و احکام شریعتده متردد اوله
اما طاعت و معصیت نصکره غالباً ظهور ایلمکدر و اگر اول قلبده
ظهور ایدن اثر ملک واسطه سبله اولیوب شهواته مائل اولان طبیعت
واسطه سبله اولورسه پس اگا خاطره نفس و دعوتنه هوا دیرلر و بوهوا
ظهور ایتز الا شر اولوق ایچون و اثرهوانک علامتی اولدر که باعث
اولدیغی فعل و ترکده اصلاً متردد اولیوب برحالت اوزرینه تصمیم
قوی ایلوب ذکر اللهله ضعف و قلت قبول ایلمکدر و اگر اول
ظهور ایدن اثر طبیعت واسطه سبله اولمز ایسه شیطان واسطه سبله در که
بنی آدمک اوزرینه مساط اولوب قلبنک صول قولاغی اوزرینه
اوتوروب چوکشدر و اگا وسواس خناس دیرلر و دعوتنه وسوسه دیرلر
و بوسوسه نک علامتی خاطره اول اثرک متردد و مضطرب اولمکدر
یعنی آتش یا الکی کبی کاه علونور کاه ساکن اولور و اکثر یا کاه سبقت
ایتمکسزین ظهور ایدر اما ذکر الله ایله علونیمسی قبل اولور و ضعیف
اولور تنکیم آتش اوزرینه صوبی صاچدجه علوی ضعیف اولور
و وسوسه اکثر یا شره اولور اما کاهی خیر ایله دخی و وسوسه ایدر تا که
افضلدن انسانه مانع اوله تنکیم حضرت مولانا علیه رحمة الملائک الاعلی
مثنوی سفیده نقل ایدر که بر کیمجه حضرت معاویه رضی الله عنه
قصرنده تک و تنها یا توب او یومشدی و قصرک قیوسین ایچرودن

یغاش ایدی تا کههان وقت سحرده بر کیمسه کندینی اویاندردی
صاغنه صولنه باقدی کیمسه بی کورمدی انجب ایدوب ابتد قنغی
کستاخلک ایشیدر قبول قبالو ایکن بوجرانی ایله همان پرده آردندن
کوزنه بر شخص کورندی سن کیمسین دینجه ابلیس شقی بنم دیدی
حضرت معاویه دیدیکه طوغری سویله بنی نیچون اویاندردک ابتد
نماز وقتی کلدی حضرت پیغمبریکز خود پیوروب * بحملوا الطاعات
قبل الفوت کفت * مصطفی چون در معنی رابست * فمواسی اوزره
سنی طاعته سوق ایلدم حضرت معاویه رضی الله عنه دیدیکه بو غرض
دکدر سن خیره دلیل اولمز سین سن بر حرامسین حرامیدن پاسبا نلق
کمز ابلیس دیر که بز اول فرشتهلردن اولوب ساکن عرش ایدک هیچ
اولکی خیر اولان پیشه مز کوکمز دن چیقارمی حضرت معاویه رضی الله
تعالی عنه ابتد کرچک بومنوال اوزره ایدک اما ملکیت طرفندن
نصیبک اولمغله سکاشیطانیت ویراندی سن یوز بیک بنجلین کیمسه نک
یوان اوروب خزینه سن تاراج ایلدک سن قوم نوحی مکرمک طوفانبله
غرق ایتدن و قوم عادی فتنک یلبله عذابه مستغرق ایدن و قوم لوطی
سنکسار وز برخاک و فرعون بی عون غرقله هلاک ایدن سن دکلبسن
ابلیس لعین ابتد حق تعالی خلقنی امتحان ایتک ایچون بنی بر محک
ایتمشدر * امتحان شیر و کام کرد حق * امتحان نقد و قلم کرد حق *
معناسی بنی الله تعالی کلپی وارسلائی امتحان ایچون و پاک و قاپی امتحان
ایچون براندی بوخسه بن خالق دکم بنم المذن نه کلور دیدی
حضرت معاویه رضی الله عنه ابتد البته طوغری سویله بنی نیچون
اویاندردک سن افیون کبی دایما خواب آور سین و خیر کبی عقل و علمی
کتور می سین تنکیم مولانا دیر * همچو خشخاشی همه خواب آوری *
* همچو خیری عقل و دانش را بری * آخر الامر بوقدر اقدامدن
صکره ابلیس لعین ابتد انکیچون اویاندردم تا که جماعتله نماز
پنشه سک ز براسنک نمازک وقتندن چیققدقه سکادنیاطلی فرا کو
اولوب ایکی کوز کدن مشکدن کیدر کبی باش کیدر و کوکا کدن آه و فغان

ایدرسن بوآه و فریادك ايسه عند الله ايكیوز ذکر و نماز دن افضل
و خیرلودر نیکم دیر که * آن تأسف و آن فغان و آن نیاز *

* در کذشتی ازد و صد ذکر و نماز *

بو حکایه دن معلوم اولدی که شیطان برخیره وسوسه ایدر تا که اندن
افضل و خیرلوسن ایشلمه یا بر ذنب عظیمه سبب اولاجق خیر اولور
و بویکی وسوسه نك علامتی اولدر که اول ایشلمه قلبك قورقوده
اولیوب شغل شکلمه اوله و تأنیله اولیوب عجله اوزره اوله و اول
ایشلمه امین اولوب هیچ خوفی اولیه و عاقبتندن اعمی اولوب بصیرت
اوزره اولیه ابن مسعود رضی الله تعالی عنه سرور کائنات علیه افضل
الصلوات دن روایت ایدر بیور مشددر قلبه ایکی اثر وارد بریسی
ملکدنکه خیرایله و عدایتدیکی و حق تصدیق ایتدیکیدر و دشمن اولان
شیطاندن بر اثر وارد شرایله و عدا ایدر و حق تکذیب ایدر و خیردن
منع ایدر و حضرت انس رضی الله تعالی عنه روایتنده بیور مشددر که
شیطان خرطومنی بنی آدمك قلبی اوزرینه قومشدرا کر ریسنی اکیسه
خرطومن چکوب کروی دوز امار بسنی اونودوب غافل بولنور ايسه
قلبنی یوتار یعنی دیلدیکی کی وسوسه ایلر (اما خاطر شرک و خاطر خیرك
علامتی علی الاطلاق بیلکه دورت میزان وارد هربری خاطره ترتیب
اوزره ظهور ایتدکده بودرت میزانه اوریلور ابتدا کرک حق طرفندن
واسطه خلق اولنان خاطری شریعتنه عرض ایدر ز یعنی کتاب
وسنته اکر موافق اولور ايسه خیردروا کر موافق اولر سیه شردر ایکنجی
میزان علماء آخرتدن بر عالم و مرشد کامل بولنور ايسه اکا عرض ایدر ز
اگر خیردر دیر ايسه خیردر و اگر شردر دیر ايسه شردر (اوچنجی میزان
سلف صالحینك فعلرینه عرض ایدر ز اگر انلرک فعلرینه ایتد بولنور
ايسه اول خاطره خیرلودر بولنر ايسه شردر (در دنجی میزان نفس
و هوایه عرض ایتددر اگر خشیت حقندن نفرت ایتیوب انجق نفرت
طبعله قاچنور ايسه خیردر اما اکر میل طبعله میل ایدوب رضاء حق
ایچون میل ایلز ايسه شردر زیرا نفس کند ی طبعيله قونسه اماره

بیان علامت خاطر خیر
و خاطر شر

بیان حیل شیطان

بالسوء در ایلکه امر ایتمز (اما شیطانك طاعت و عبادتده اولان حیله لری
یدیدر) اولکبسی بودر که عابدی عبادتدن نهی ایدر ایتمه زحمت چکمه
الله کریمدر دیو اکر الله تعالی حضرتلرینك عصمت و توفیق اولور
ايسه انی رد ایدر و لسان حال ايله کولمده دیر البته بن بوطاعت
و عبادتده محتاجم بودنبه فایده ده اول آخرت ایچون از قلمغه کلمشز که
نهایی یوق ایدر در جات جنت اعماله کوره و یریلور اولیجق
مقرر در اعمالی چوغلتیق کرک نیکم عدنی دیر

* نیه کلدک عالمه بر یچک فکر ایتمه سن *

* کلمیه خاطر که مبدأ و مرجع قطعاً *

* ان الانسان لني خسر کوش ایتمه سن *

* اعظم الخسر مضی الوقت بهزل و هوا *

ایکنجی حیله سی بودر که عملی تأخیر ایتسوله امر ایدر مثلاً نماز وقتی
کلمسه دخی وقت وارد دیو تأخیر ایتدیر و یا خود کلمتله عبادتی ترک
ایتدیر و دخی تازه سک دیو حیله ایدر اکر الله تعالی حضرتلری
عصمت و توفیق ایدر ايسه شیطانك بوا امرنی رد ایدوب کولمده
دیه که بنم اجلم المده دکل و بو کونکی عملی یارنه الیقود یغمده یارینکده
عملی وار و هر کونک بوقدر اعمالی بریره ایرکلدکده قضاسی نه ممکن دیو
وسوسه یه الدائمز (اوچنجی حیله سی بودر که عمل ایتدیکی صورتده
عجله ايله امر ایدر و دیر که عجله ايله تا که فلان و فلان خدمته یابشه سک
اگر الله تعالی حضرتلرینك عصمت و توفیق اولور سیه انی دخی رد ایدر
لسان حاله دیمکه که ازه جق عمل تمام و کاليله خیرلیدر نقصانله
اولان جوق عملدن پس بو حیله سی جاری اولمده (در دنجی حیله سی
ظهوره کتورمه که باشلیه و دیه که عملکی ریا ايله اتمام ايله اکر بو حیله دن
الله تعالی حضرتلری انی صاقلر ايسه انی دخی بو کلامله رد ایدر که ناس
اصلا نفع و ضرره قادر دکالردر بنم عبادتمی حق تعالینك کوردیکی
و بیلدیکی بکا کافیدر نفع و ضرر جمله الله تعالینك النیده در بو حیله ايله
چاره ایتدکجه (بشنجی حیله یه یابشور که عجبدر دیر که سن قتی عقل ایتدک

و متنبه اولدك شو عملی وجوده كتوردك هیچ غیري كچسه بویه متنبه
اولما مشدر پس اكر الله تعالى حضرتلری حفظ ایدرسه بونی دخی رد
ایدر دیمكله منت الله به بو خصوصده انك هدایت و توفیق اولسه
بن نیجه وجوده كتورردم والله تعالینك فضلی اولسه بنم معصنم
یاننده بو عملك قیمتی نه اولوردی انجق كندی فضلی و رحمتدر دیو پس
بو حبله سی دخی كار كر اولدیغنده (التنجی حبله به یابشور و دیر كه عملكی
سر نیجه ایله كچسه به جدا اظهار ایتمه الله تعالى حضرتلری یقین
زمانده سنی خلق مایننده شریف و سماء صالحین ایله تکریم ایله
و بونكله ریاء خفی بی مراد ایندرمك استر پس الله تعالى حضرتلری
حافظی اولور ایسه بو حبله بی رد ایدر و دیر كه بن خدای تعالینك بر عبد
حقیری یم دیلر ایسه اظهار ایدر و دیلر ایسه اخفا ایدر و دیلر ایسه بنی
شریف ایدر و دیلر ایسه حقیر ایدر انك بد قدرتمده در خلقك النده
نه وارد كه انلره بر شتم ظاهر اوله بو حبله ده اشلز ایسه (یدنجی حبله سنه
یابشور و دیر كه سكا نه حاجت بونك كبی عمل اكر الله تعالى سنی سعید
یراندیسه عملك تركی ضرر و برمز و اگر شقی برادلدیسك سكا عمل فائده
و برمز یانیچون زحمت چكوب كندی راحتكی ترك ایندرسك و نفسكه
ضرر و بررسك دیر پس اكر الله تعالى حفظ ایدر ایسه انی دخی
رد ایدر و دیر كه بن عبدم عبده لازم اولان سیدی امرته امثال ایتكدر
الله تعالى حضرتلری ایسه نه دیلر سه حکم ایدر و نیجه دیلر ایسه ایشلر
و بكا هر حالده عمل نافعه را كر سعید اولور سم ثواب و درجات زیاده اكیدر
و اگر شقی اولور سم نفسمی صو چلیوب لوم ایتسم كرك حال بو كه الله
تعالی طاعت ایله عقاب ایلمز و جهنمه دخی عاصی کیرمدن ایسه
مطیع کیرمك دخی احسن در فكیف كه الله تعالى حضرتلرینك
وعدی و قول شریفی صادقدر كه طاعت مقابلسنده ثواب و عدا ایشل
پس اول كچسه الله تعالى حضرتلرینه ایمان و عمل صالحه واره
البته جهنمه کیرمیوب جنته واصل اوله بواجلدن الله تعالى حضرتلری
قرآن عظیمده جنته کیردكلی زمان قوللر نه دبه جكار بن خبر

و بردی قوله تعالى * الحمد لله الذي صدقنا وعده * معنای شریفی
حمد اول الله كه بزه وعد شریفی كر جك ایلدی یعنی بزی
فضل و رحمتی ایله جنته داخل ایلدی (وینه شیطان لعین و سوسه
ایدوب دیر سه كه الله تعالى حضرتلرینك فضلیله جنته کیریلور
عمله چالشقی نه حاجت اكا جواب اولنور كه الله تعالى حضرتلری
مسبب الاسبابدر و دنیا ده عادتی جاری اولمشدر كه اشیایی سبب ظاهره
ربط ایشلدر نتکیم یغموری نباته و جماعی ولده سبب ایشل كذا لك
الله تعالى * وتلك الجنة التي اوردتموها بما كنتم تعملون * پیور مشدر
معنای شریفی اول وعد اولنسان جنت شول جنتدر كه سزه عملكز
مقابله سنده میراث فیلمشدر و اكر بو و سوسه بونك كبی جوابلر ایله دفع
اولیوب یته دونوب دیر ایسه بو اعمال دخی الله تعالى حضرتلرینك
تقدیر یله مقدردر پس اعمال صالحه و اكا سعی مقدر ایسه حاصل
اولور بی شك و اكر تقدیر اولمديسه وجودی محالدر ایمدی عمل ایله تری
پیشده مجبور لرز قبل و قال فائده و برمز جوابی بودر كه الله تعالى
افعال عبادی خالق ایسه ده لکن عبدك اختیار جزئیسی و قدرت
كاسبه سی وارد در كه ثواب و عقاب اول اختیار اوزرینه موقوفدر
و بو اختیار جزئی طاعاندن و معاصیدن هر برینه صرف اولمغه
قابلدر و افعال عبادك خلق اولماسنه الله تعالى عادتاً اول اختیاری
شرط ایشلدر اختیار جزئی بی صرف ایتدن خلق اولمز و تقدیر دخی
اولمز زیرا تقدیر مقدره تابعدر مقدر ایسه اول خلق اولنه جق فعلدر
و افعال عباد الله تعالینك عملیه و ارادتیله و تقدیر یله و لوح محفوظه
یازمسيله اولمسی قوللردن جبرله صادر اولمسی اقتضا ایتز (مثلاً نتکیم زید
كونلردن بر كونده عمروك جمیع اشلچك ایشی بیلمسه و بر كاغده یازسه
وانی مراد ایلمسه عمرو زیدك یازمسيله و بیلمسيله و ارادتیله انی اشلكه
مجبور اولما مشدر انجق كندی اختیار یله اول ایشی وجوده كتور مشدر
(ایمدی بزم اولدیغمز صدق دخی بویه در جبر یوقدر نتکیم عدنی دیر
* جله مخلوقی انك علم و عمل خیر ایله شر *

* قادر فاعل مطلقدر ایدر کیف یشا *

* لیک بوندن حذرایت مائل جبر اولیه سن *

* که فیوضات الهیه ده یو قدر ابطا *

* فیض حق واحد فرق ایلرانی استعداد *

* ماره سم و صدقه در اولور امطار سما *

* بذر کنندم ینه کنندم اولور ارزن ارزن *

* مقتضاسی نه ایسه هر کسک ایلر ایدا *

وسلف صالحین (لاجبر و لاتقویض ولکن امر بین امرین) دیدیکی
مذهب مقبولدر یعنی فعل عبده مؤثر بالکن خدایک بارتسمی دکلدر
تا که جبر اوله و بالکن اختیار عبید مؤثر دکلدر که مذهب قدر و تقویض
اوله محققین اهل سنت و الجماعتدن متأخرینک قبول ایلد کلمری
یومذهب مقبولدر (اما ریا ایله اخلاص بیننده متردد اولان امور دن
بری مثلاً اولدر که بر آدم تهجد قبلار و بعض کیمسه لاله بر یرده کیمه ملک
واقع اولور پس اول آدم لرت تهجد قالد قلرنده بو آدمک دخی سروری
و شوقی ظهور ایدوب انلره موافقت ایلر یا هیچ تهجد قالدقی عادت
دکل ایکن و یا خود بر از قالدقاردی او مرتبه ایرکن قالدقاردی کذلک
نافله اولان صومده ده یو یلجه سنه عادت دکل ایکن بر خلقه تبعیت
ایدوب صائم اولسه صورتا بور یاظن اونور امام مطلق ریا دکلدر ولکن
یومسئله ده تفصیل واردر نظر اولور اگر شوقی اول تهجد قبلانلرک
نومدن اعراض ایدوب درگاه حقّه توجّه لرندن حاصل اولد یسه
و یا خود کنندی اونده اولان اشغال و عوائق بر طرف اولدیغندن
یا خود اول موضعه آشدیغندن نوعی زائل اولدی ایسه پس اول
اویقو کتسنی غنیمت ییلوب و قالدقوب نماز قبله شیطانک و سوسه سنه
الدائمیه که اول زمان دیسه کړک سن اوکده ایتمدیکک عملی بونده
نه ایدرسن مرئی اولور سن دیر صوم حالی دخی بویه در اول صائم
اولنره مقارنتیه کنندینه آسان اولمغه و یا خود کنندی اونده کوزل
طعاملر یشمکه صومدن عوق ایتدیرردی اویله یرده ایسه بر مانع

اولامغله صائم اولسه ریا اولمز همان غنیمت بیلک کړک اما اگر حاصل
اولان شوقی انلرک خوف ذمندن و یا خود کنندی مدح ایلمری
سوداسیله اولسه و یا خود کنندی بطلال و کسل صاحبیدر دیمسونلر
ایچون باخصوص کنندوی کیمه ایله قائم ییلدیرر اولدی ایسه پس
نفسنه رخصت و یرمز که یا توب او یویه زیرانظر لرندن ساقط اولوب
اعتباردن قالور و بو حالده شیطان دیسه کړکدر همان نماز قبل سن
مخلص سین بو خصوصده مرئی دکل سین سنک اوده قیلدیغک کثرت
اشتغالندر پس بویه اولان کیمه معتادی واریسه انی آشورمیه
یو غیبه هیچ قالدیمه و بویکی شوقک مابیننی فرق ایدر علامت نفسنه
اول کیمه عرض ایله که اگر اول صائم و یا خود قائم اولان آدم لرت بر یرده
اردنده اولوب کنندوی کورمه لر صلات و صومه شوقی حاصل اولور می
اگر اویله اولور ایسه اخلاصدر انلره موافقت ایله اما انلر کورم دیک
یرده قلسه و کنندینه ثقیل کلسه ریا در معتاد قدیم اوزره ایدوب زیاده
ایله وناس قتنده استعاذه و استغفار بوقیلدندر گاه اولور که خوف
خطور ایتدیکندن و کاهلرینی تذکر ایدوب پشیمان اولدیغندن و گاه
اولور که ریا ایچون اولور ایمدی قلبنه نظر ایله و بو خاطره لر بیننی
علامت سابقه ایله و امثالیه تمیز ایتک کړک اگر لله اولور سه یرنده
والاحذر ایتک کړک و طاعت و عبادتی آشکاره ایتک دخی بوقیلدندر
اگر اکا باعث غیرینک اقتداسی قصدی ایسه اخفادن افضل اولور
و بو خصوصده ابن عمر رضی الله تعالی عنهما حدیث شریف نقل
ایدر که حضرت سرور کائنات پیور مشدر که * عمل السرافضل من عمل
العلائیة والعلائیة افضل لمن اراد الاقتداء * دیمک اولور که سریمجه
عمل ایتک آشکارجه عملدن افضل و آشکارجه عمل ایتک اقتداسنی مراد
ایدن کیمه به سریمجه عملدن افضلدر یعنی سائر خلق انی کوروب انلر
دخی طاعته و عبادته شروع ایده لر و بودخی مقتدای ناس اولانلره
مخصوصدر مثلاً واعظلر و اماملر کی و بونلرک عملی اظهار بومذکور لرن
صادر اولدیغی صورته نصیحت فعلیه دیر لر نصیحت قولیه دیر یا ده

مؤثر در زیر تقلید فعلی بنی آدمده بر جبلی خصلتدر و (لسان الحال
انطق من لسان المقال) دیشلر یعنی لسان حال لسان گفتاردن زیاده
ناطقدر ظاهر کلامدن زیاده مؤثر در زیر تأویل کتور مر (و حضرت
مولا نابو نصیحت فعلیه نصیحت قولیه دن مؤثر اولدیغنه مشو یسنده
بر حکایه لطیفه نیجه اسرار شریفه ایله ایراد ایلشدر ملخصی بودر که
بر بازار کان مالدار هندستان جانبده قصد تجارت ایله کمک صد دنده
اولوب خدمت پیئنده قلان غلام و جاریه سنه تحریک خدمت قصد ایله
کوکلر بن اله الملق ایچون ایتدی واردیغ زمان هنددن سزه نه تحفه
الوب کتوره یم هر بریسی کوکلی مرادینی عرض ایدوب کتورمه سنه
وعدا ایلدیکنده بازار کانك قفسده بر طوطیسی وارایدی بیت مشوی
* گفت طوطی را چه خواهی ارمغان * که آرم از خطه هند وستان *
ددیکه ای طوطی نه ارمغان استر سنکه سکا هندستان مملکتندن
کتوره یم طوطی دیدیکه انده بزم قدراشلیزم طوطیلری کوردیککده
انلره دیکه سزك بر طوطی قدراشکز بزم حبسمرده در سزه سلام ایلدی
ودیدیکه بن فراق و اشتیاقله بند ایچنده سزمر غزار و گلستانده ذوق
وسرورده اوله سز لا یقیندر و فاء دوستانی نیجه اولدی بزم چاره مزه
درمان ایچون بر نصیحت ایلسونلر بزه بوندن غیری ارمغان کرکردی
دیدی بازار کان دخی یوله روانه اولدی کیده رک هندستان مملکتده
ایاق بصدیله رس بر اغاج اوزرنده برالای طوطیلر کوروب آت باشین
چکدی وانلره طوطی نک سلامن و سائر سپارشن و دیدیکی کلامن
تبلیغ ایلدی * طوطی تی زان طوطیا ترا دید پس * افتاد و مردو بکسش
نفس * و اول طوطیلرک ایچندن بر طوطی دتردی دوشدی و اولدی
و نفسی کسلدی بازار کان بو خبری اولاشدر ردیغنه پشیمان
و بوایشه حیران اولدیکه بر جا نور جغک هلاکنده سبب اولدی دیو
تأسفله چکلوب کتدی و هندده خدمتن کوروب ینه اوینه کلدکده
طوطی بکا ارمغان کتور دکی نه نصیحت ایلدی قدراشلیزم دیدی
بازرکان ایتدی بن پشیمانم سنک اما نتکی کتوردیکم اول طوطیلرک

حکایه لطیفه

برایسی بر کلام سوبلیوب انجیق ارالرندن بریسی بیه دوشوب اولدی
بوکاسب اولدی دیدی * چون شنیدان مرغ کان طوطی چه کرد *
* هم بلرزید و افتاد و کشت سرد *
چونکه بو قوش او طوطی نه ایلدیکنی ایشندی اوده دتر بوب دوشدی
و صفودی بازار کان بو حال کورنجه عقلی کتدی بوسوز دغی اولدی
دیو متعجب اولوب قفسدن چقاردی و بیر اقدی هماندم طوطی قناد
قناده قاقوب او طوطی اوزرینه اوچدی و بازار کان ایتدی اول هندده
اولان طوطی قدراشکم بزه بو نصیحتی ایمشکه بو طرز اولنجه قفسدن
چیقم سازسین بزدخی آنک نصیحت فعلیه سیله عامل اولدی بیت
* گفت طوطی کو بفعل پند داد * که رها کن لطف آواز و کشاد *
یعنی طوطی تی فراری دیر که اول هندستان طوطیسی بکا فعل ایله
پند و نصیحت و بر دیکه لطیف آوازی صالیو بر و کشاد و بر یعنی قورتل
* خواجه گفتش فی امان الله برو * هر مرا اکنون نمودی راه نو *
بازرکان طوطی به دیدی فی امان الله یوری بکاشمیدی بر یکیدن طریق
او کرندک یعنی خواجه طوطی نک بواشنندن متصح اولوب جان
طوطیسی تن قفسندن ازاد ایتک طریقنه سلوک ایلوب * متوا قبل
ان تموتوا * حدیث شریفله عامل اولماسنه عزم ایتدیکنی حضرت
مولانا رحمه الله تعالی اشارت ایلشدر (صاحب طریقت کلامنه
کلک دیر که اما عبادتی اظهاره باعث کاهی ریا اولور و ابلبسک
تلبیسی سبب اولور کشی آگاه اولقی کرک اگر نبی خالص ایده مزایسه
همان سریجه عبادت لازمدر زیر انده ضرر یوقدر مکر که اظهاری
واجب و یاسنت اوله قربان بوغزلق کی غنی حقنده دخی جماعته
حاضر اولقی کی و ریا کوزسز و کور قیلنددر کشی عبادتندن فارغ
اولد قد نصکره اول عبادتی سوبلشمک و خبر و برک اگر مرادی
کنندینه اقتدا ایتک ایچون ایسه مقبولدر و ریا عارض دخی اولسه
عبادت خلوصیله تمام اولد قد نصکره عبادته ضرر و یرمز انجیق اول
سوبلیسی ریا جدید اولور احتراز لازمدر نتیجه کلام اظهاری لازم

اولیان عبادتی سر یجه اشک افصلدر مادامکه غیره تعلیم و غیره
 او عیسی قصدی کوکلنده یقین بولیه اما اگر غیره تعلیم و غیره یلرک
 کندیه باقوب عبادت اتسونلر قصدی کوکلنده وار ایسه آشکاره
 ایتک افصلدر نیکیم بو خصوصده حدیث شریف ذکر اولندی
 و حیلہ شیطانیدندر که بر آدمک صلاۃ ضعی و نهجید کی معین وردی
 و ارایکن انلری قیلیمان قومک اراسنده بولسه ریادن خوف ایدوب انی
 ترک ایلیه پس بوکاذاهب اولوب ترک ایتک غلطدر و شیطانہ تبعیتدر
 زیرا انک سابقده و تنهاسنده اولان مداومتی انک اخلاصنه دلیلدر ایمدی
 مجرد قلبنه ریا خطور ایتسیله انی اختیار و قبول ایتکسزین ضررلی
 دکدر و ریا دخی دکدر و اخلاص قلبه خلل و یرمز ایمدی ریا خاطرہ
 کلمک سببیلہ عملی ترک ایتک شیطانہ متابعت و انک غرضین تحصیلہ
 معاونتدر اما بوقدر وار که بر باعث دینی اولد جقه معتادی اوزرینه
 زیاده ایلیه و باعث دینیدن مراد یا تعلیم و یا اقتدا قصدی کی
 و کاهی ضعی و نهجیدی و غیره وردی ترک ایدر ل امار یا خوفندن دکل
 بلکه غیر یلری انی ریا به نسبت ایدوب مر ایدر دیمسونلر ایچون بودخی
 عین ریادر زیرا نظر لرندن دوشمک ایچون ترکدر و مسلمینه سوء ظن
 ایتش اولور و کاهی شیطان قلبنه القا ایدر که مسلمینی غیبتدن
 صاقتدر می ایچون ترک ایلیه بوخسه انلرک مرائی دیوزم ایتلرندن دکل
 بودخی کبر و انجلین ریا و سوء ظن در زیرا غیره بی معصبتدن صاقتنق
 انجق مباحات ترککنده حسندر بوخسه مستحبات و سنن ترککنده دکل
 مثل طلی اوزم شیرہ سنی صاقتنق مباح اما خلقی خیر صاقتنق سوء ظنندن
 خلاص ایچون اول مباحک یعنی ترک ایتک کی و محض ریا قیلندندر
 مسواکی ترک ایلمک و طلبسانی و یالن ایاق یوریمکی و حاره بنمکی ترک
 ایلمک ناسک لسانی غیبتدن حفظ ایچون حالاکه بونلری ترک ایتک
 سنتی ترکدر و خلقه سوء ظن در و ترک سنته ندامت چکمیوب استحقسان
 واردر یعنی ترکی کوزل صایوب بلکه وجوده کتور لمسنی نقصان و عیب
 طوترلر و اکثر ترک ایتد کلری ریادن ناشیدر و سوزلری کذب و نفاق

اولور نعوذ بالله تعالی منها و کاه اولور که غرض ریا و اخلاص و حیا
 یکنده طولانور مثلا بر آدمدن دوستی قرض استر و پردیکنده نظر
 اولور اگر اول دوستنک یوزینه طیانمدیغندن ایسه حیادر و اگر خوف
 ذم و یا حب مدح ایسه ریادر و اگر دوستنک کوکلنه سرور براتقی
 ایچون و قرضه و یریلان ثواب ایچون اولور ایسه محض اخلاصدر
 حضرت عایشه صدیقہ رضی اللہ تعالی عنہا دن مرویدر که
 * صدقه نک برینه اون حسنه و قرضک برینه اون سکر حسنه احسان
 اولور * محدثندن امام ترمذی رحمه الله قرضده برینه اون سکر حسنه
 احسانده حکمت نه اولدیغنی بیان ایدر که صدقه فقیر و غنی الیه
 دوشمک اولور اما قرض محتاج اولان کیمسه یه و یریلور پس هم دفع
 حاجت و هم دوستنک قلبی شاد ایتک بولوب بری ایکی اولور
 و مقتضای نص قرآن اوزره هر برینه اوزر بری حسنه عدل و طقوزی
 حسنه فضلدر و ینه اول بری صاحب قرضه ادا ایتکله حسنه عدل
 ساقط اولوب اون سکر ثواب یازیلور (و طریقتده ان الصدقة بواحدة
 و الفرض ثمانية عشر دیدیکنک معنای صدقه بر یله مکافات اولور که
 اون حسنه در و قرض اون سکرله که حسنه عدل چیقماسنه اشارت
 اولوب بو کلام همان) ان الصدقة تقابل بواحدة و الفرض باثین
 قوتنده در و صدقه نک مقابل عوض بر قرضک ایکیدر انجق قرض ینه
 کرویہ و براسبیلہ یکر مبدن ایکی ناقص اولمشدر و کاه بوریا و اخلاص
 و حیا جمع اولور و کاه ایکیسی جمع اولور پس بوقیلندندر یکمیش
 کاهلرک ترک اولمسی کاه الله ایچون اولور و علامتی اولدر که آشکاره ترک
 ایتدیکی کی تنهاسنده دخی ترک ایلیه و کاه اولور که اول کاهی ایشمکله
 ناس اکا اقتدا ایلز پس خلقدن حجاب ایدوب ترک ایلر پس وبال عظیمه
 اوغرار یا خود خلق نظرندہ خوب اولوب سوزی دکلمک سببیلہ
 ترک ایلر پس ثواب اخلاصدن محروم اولور و کاه اولور که بر کار شرده
 استخدام اولمق خوفندن و یا خلق کندوبی ذم ایتلریله کاهکار
 اولملری خوفندن اولور و علامتی غیره بی ذم ایتد کلری کندینی

ایتد کلمی کی کوچ کلم کدر یا خود طبعی ناسک ذمندن تالم ایتمز
اولمسنندن او لور و قلیک تالمی ذم ناس ایله حرام دکلدر مادامکه
جا زاولمیان شیئه سوکک کبی اول تالم مسبب اولمجنه لکن کمال
صداقت اولدر که خلقک کورمسی و کورمسی و مدح و ذمی یاننده
برابر اوله زیرا نفع و ضرر جمله سی حضرت پروردگارک اننده در
و عبادهک جمله سی عاجزلدر در تکیم پجوی ابراهیم افندی دیر
* تابع اهل حقه منکر دین * دی به کلمشدر ارا ذلنا *
* باقه دخل عوامه کورنه دیمش * خاص حق بر عزیز اهل فنا *
* قیل ان الا که قد ولدا * قیل ان الرسول قد کهننا *
* ما یحی الله والرسول معا * من لسان الوری فکیف انا *
یعنی خدای تعالی حقنده طوغدی دینلدی و رسول اکرم حقنده
فالجی دینلدی الله و رسولی خلقک دینلندن قورتلدی یان نیجه قورتلان
دیر و بومر تبده اولق اولو مقام اولدیغندن اهل قلیلدر و یا کاهی
ترک ایتدیکی آشکاره اولمسی ایچوندر زیرا حدیث شریفده کلمشدر
* کل امتی معافی الا الجاهرین * یعنی جمله اتم عفو اولور لکن الامعصبتی
آشکاره ایدنلر اولمزن انجق کاهی قات قات اولور یا خود الله تعالی
دار آخرتده پرده سنی بیرتوب رسوای ایتدیکیچون دنیاده آشکاره ایتمز تنکم
حدیث شریفده کلمشدر پس بو ذکر اولنانلرک جمله سی جائزدر ریا
دکلدر زربونیتلر خوبدر اما کاه اولور که کاهی ترک ایدر تا که خلق
کوروب دیلر پرهیر کار و حقندن قورقار کیمسه در حاله که او یله دکلدر
بور یای محظوردر (اما ریا بیننده متردد عمل مثلاً بری سر عتله کیدر کن
و یا خنده ایدر کن کبار دن بر کیمسه بی کور دکده آهسته یور و مکه
باشلیوب و کلامی کسوب آغر باشلیق پییدا ایتسیدر و بومقوله لر
اکثری ریا اولوب حیالولمز اوتانلق قبایح ذنوبدن حاصل اولور و غیرک
کورمسیله حجاب ایتک خصال حیده دندرا کمر خلقندن ایسه ده اما
مستحب و واجبده و سنتلرده اوتانلق قتی مذمومدر اکا عجز و خور
دیرلر تنکم بر کیمسه و عظم ایتدن و امر بالمعروف و نهی عن المنکر ایتدن

وامامت و اذان کیلردن اوتانسه بوجاب و حیاسندم و مدر مردقوی
اولان کیمسه ناسک حجابی اوزرینه حجاب حتی ترجیح ایدوب رضای
خدایی اله کتورمک ایچون بو خصلملردن عارایتمز (یدجی بحث ربانک
علاجی بیاننده در ربانک علاجی سبیلرینی و غائله لرینی وضدینک
فائده لرینی بیلکه موقوفدر اما ربانک سبیلری یوقاروده ذکر اولندیکه
منصب و مرتبه سودا سیدر تا که خلق مدح ایدوب ذمنی ایتیمه لر اول
سودا دخی یا نفس منصب و یا غیری سبب ایچون و خلقک مالند طمع
ایچون اولق اولور اما غائله لری و آفتلری حقنده الله تعالی قرآن
عظیمده * ولا یشرک بعباده ربه احدا * آیت کریمه سیله شرک خفی
اولسنی بیان ایدر کذلک حدیث شریفده ابن مسعود روایتله حبیب
الله علیه الصلاة والسلام بیورر بر کیمسه ناسک کوردیکی پرده نمازینی
کوکک قیابوب تنهاسنده کوزل قیلیه ریدسنه استهانت سبیلله الله تعالی
انی اهانته هلاک ایدر و بر حدیثنده دخی بیورمشدر که ای اصحابم
سنه الک زیاده قورقد یغم شرک اصغر درایتدیلر شرک اصغرند ر
بارسول الله دیدیکه ریادر یوم قیامتده بنی آدم اعمالنه کوره مکافات
اولندقدده ریاصا حبلرینه دینور که وارک دنیاده عمللر بکزدده ریا
ایتدیکیکز کیمسه لردن ثواب استه یک کورک انلرک یاننده برنسنه
بولور مسکن و حدیث آخرده یوم قیامتده مرئی یا فاجر یا غادر یا کافر
یا خاسر نامیله چاغرلسه لر کرک و بونلردن غیری ذم ریا حقنده آیات
واحادیث چوقدر بو محمله ذکرینه حاجت یوقدر مسلم عاقله بومقدار
کافیدر و دلیل نقلیدن غیری عقل دخی ادنی التفاتله انک فبحنی
تعقل ایدر زیرا الله تعالی به تعظیم و تقرب ایچون قونلان عبادتی
بر غیر شیئه وسیله و شبکه قیلق موضوعی قلب و مشروعی خلاف
شرع ایتک اولور و صورتا تلپس و تزویردر که عبادتله تعظیم الهی
و تکریم صمدانی صورتن ناسه کوسرتوب کوکلنده ایسه نیتنی ناسه
تقرب و سولمک ایچون عبادت ایتسیدر حتی اگر ناس مر ایتک نیتنی
بیلسلر بغض ایدوب طرد ایدر دیلر الله تعالی حضرتلری ایسه عالم

السر والخفیاتدر پس اكا بغض ایلمسی اولی در والله تعالی به مخالفت
ایدوب غیری به عبادت ایتش اولور بوایسه ریانك حرام اولسنه
کافیدر و بوسیدن ریانك کلبسی حرامدر واکر بعضیسی بعضیسندن
غلیظ ایسه ده ایمدی ریانك غائله سی ومهملکه سی عذاب الیمه استحقاق
وعملك باطل اولسی یاخود اجرنك ناقص اولسیدر اما سبب اخلاص
ایمان و ایمانك وجوبی هر عملك اوزرینه متوقفدر و اما اخلاصك فوائدی
الله تعالی حضرت لرینك بیوردیغندن استفاده اولنور * وما امرنا
الا لعبدوا الله مخلصین له الدین * معنای شریفی دیمك اولور که
مؤمنین غیری شیئله امر اولنمیدلر الا دین لرینی اخلاصله ایدر اولدقلری
حالده ریلرینه عبادت ایدلر و انس رضی الله عنه روایت ایدر رسول
الله صلی الله تعالی علیه وسلم بیوردیکه * اول کیمسه که الله تعالی نك
وحدانیتسه اخلاص اوزره اولوب و نمازینی قیلوب وز کائن و یروب
دنیا دن آیرلسه الله تعالی اندن راضی اولدیغنی حالده آیریلور * و معاذین
جبل رضی الله عنه یمنه کتدکده حضرت رسول الله علیه السلام دن
وصیت ونصیحت استدی رسول الله علیه السلام بیوردیکه * دینکی
خالص ایله سکا عمل قلیل کفایت ایدر * و ثوبان رضی الله تعالی عنه
روایتنده رسول اکرم صلی الله تعالی علیه وسلم بیورمشدر که * نه دولت
مخلصینه که انلر هدایت چراقلریدر انلردن هر بری ظلمت فتنه نور
اولورلر و ابوذر رضی الله تعالی عنه روایتنده رسول الله علیه السلام
بیورمشدر که * تحقیق ایمانله قلبینی خالص و سلیم ایلبان و لسانی صادق
و نفسنی مطمئن ایلبان و خلقنی مستقیم و قولاغنی حتی اشیدیچی و نظرنی
حقه ناظر ایلبان تحقیق فلاح بولدی * ایمدی فائده اخلاص الله تعالی
حضرت لرینك رضاسی و قبول عملی و نجات و فلاح یوم قیامتدر بونلرك
جمله سی وعد اولنمشدر (پس علاج ریا ایکی قسم اوزرینه در اولکبسی
ریانك اصلی اولان سبیلرینی کیدر مکدر که حب دنبادر و آخرت
اوزرینه ترجیحدر پس بوغایت حماقت و نهایت بلادندر زیرا دنیا
سریعه الزوال و آخرت صافیه باقیه در نیکم ذکر سیقت ایلمدی

بیان علاج ریا

اما علاج عملیسی عملی اخفا و یابانی قیامتدر (ایکنجی قسمی ریا عارض
اولدیغنی کبی خاطر دن دفع ایلمك و اثناء عبادتده عارض اولانی دفع
ایلمکدر پس سکا لازم اولان بودر که ابتداء عملکده قلبکی تفتیش
ایلمه سک و ریا وار ایسه اخراج ایده سک و اخلاص اوزرینه قرار
و یردیره سک و انك اوزرینه اتمامه سعی ایلمه سک لکن شیطان قوم مبوب
ریا خاطره سیله معارضه ایتسه کرک و بودخی اوج مرتبه ایله در (بری
بو که خلقه اول عبادتی بیلک ایچون ایتدیرر (ایکنجی خلقك کندی به
رغبتی و خلق قتنده مرتبه سی اولسنی القا ایدر (اوجنجی بوسکه القا
ایتدیکی شبنیری نفسنك قبول ایتسنه تقویت و یرر اولکبسنك ردی
انکه اولور که دیه سک خلقك بیلسندن و بیلمسندن نه فائده الله تعالی
حضرت لرینك عملی کافیدر (ایکنجیسنك ردی ابا ایدوب و کریه
کوروب رغبتی قبول ایلمك (اوجنجی قسم دخی ابا ایلمکدر ایمدی
خواطر ریا بی دفع ایلمکده اوج امر دن لازم اولدی بری معرفت
ایکنجی کراحت اوجنجی ابا و عبد کاهی عبادتی اخلاص قصدی ایله
شروع ایلر اندن صکره ریا خاطره سی وارد اولور و وجود رد دن
بروجهله ردایلیوب براوغوردن قبول ایلر مدح ناسله قلبی پراولدیغندن
واکا حرصی غالب اولدیغندن آفات ریا بالکلیه خاطر دن کیدوب
کراحت اظهار ایتز اگر معرفتی حاصل اولدیه ده پس نیچه عالم
واردر که باعث ریا اولان کلامه باشلور و یاسو یلدیکنی بیلور اما شدت
شهوتندن کراحت اظهار ایدوب اندن ابا ایتز و کاهی معرفت و کراحت
معا موجود اولور اما اندن ابا حاصل اولماز قوت شهوتنه نسبتله
کراحتی ضعیف اولوب فائده و یرمز پس برآمده اوجی بیله موجود
اولدجه ریا دن خلاص اولماز اما مجرد ریانك قلبه خطور ایتسی
طبعك اکامیل و محبتله و منازعه سیله ضرر و یرمز چنکه اختیار یله
میل و قبول بولنیه زیرا عبدك قدرتی بوقدر که شیطانی
وسوسه سنندن و طبعی شهواته میل ایلمسندن منع ایلمه انجی
غایت قدرتی اول در که شهوتی کراحت و ابا ایله و شیطانی عدم

اجابتله قارشولیه تکلیفک غایت اداسی بودر اندن صکره عبادتن
فارغ اولدوقده انی سويلیه و اظهار ائیمه مکریم ریادن امین اولوب
غیرک اقتداسنی مراد ایلیمه و عملندن خوفناک اوله که مباداریاء خفی
داخل اولیمه و بو خوف عملی حالنده و اندن صکره دخی اوله ابتداء عملده
دکل (اما خوفک رجا اوزرینه و عکسنجه غلبه سنده مشایخک اختلافی
واردر بعض مشایخ دیدیلر که لایق اولان بودر که رجا غالب اوله زیر
یقینی واردر که عبادته اخلاصله کبرمش اما زوال اخلاصده شک واردر
قاعدہ شرعیه دخی اقتضایدر که شک سببیله یقین زائل اولیمه و اکثر
مشایخدن منقول اولان خوف طرفی غالب اولماسیدر حتی رابعه
عدویه دن نقل اولنور اندن سؤال ایتدیلر که الله تعالی ک رحمتی
نه مقوله عبادتله رجا ایدر سین ایتدی ک اولو عملدن نومید اولماغه
رحمتن رجا ایدرم صاحب طریقت بویکی کلامک بیننی محاکمه ایدوب
دیر که بو خصوص اشخاص و احوال اختلافجه اولمق کر کدر الله اعلم
اگر عابد مبتدی او اوب کمال تحصیل ایتدیمه و یا خود آثار عجب و امندن
و غرور بطالتدن بقیه و ارایسه انلره غلبه خوف لایقدر بویکی بکشدن
غیری به رجا غالب و یا خود ایکبسی برابر اولمق کرک (آفات قلبک
اون ایکبجیسی کبیردر و انده بش بحث واردر بحث اول کبرک و ضدینک
تفسیری و مناسبلری و حکملری بیانده در و کبرک تعریفی کشی کندی
نفسنی غیرک فوقنده کورمکه دیرلر اما عجب کندی عملیه کندوبی
اعلی کورمکه دیرلر غیرک فوقنده اولمغه مقصود کادر و کبر عباد اللهم
حرام و رذیله عظیمه در و ضدی ضعه در که کشی نفسنی غیریدن الحق
کورمکدرو بو مخلوقدن فضیلت عظیمه در و نفس الامرده کبر موجود
و یا معدوم اولدیغی حالده قولله و یا فعلله کبری اظهار ایتکه تکبر دیرلر
حق اولسون باطل اولسون اما استکبار باطله مخصوص صدر بوسبیدن
الله تعالی انکله صفتلر متکبر ایلله صفتلر و تکبر حرامدر الا متکبر
اوزرینه تکبر صدقه در دیو حدیث شریفده وارد اولمشدر و قتال
وقتده و صدقه و یرد کده تکبرک جائزدر تکیم جابرین مر و یرد

ن اختلاف المشایخ فی ترجیح
الخوف والر جا

بیان آفات کبر

حضرت رسول الله صلی الله تعالی علیه وسلم پیور شددر که الله تعالی ک
سودیکی تکبرک قتال وقتنده و صدقه و یردیکی حالده اولان تکبرک کدر
یعنی عند الصدقه ماله التفات ایلیمکله اظهار غنا ایدوب و یرمکدر
تا که فقرا سرورله یا پشوب اله لر و من و اذا بولیمسون و اسباب دنیا ایلله
تکبر اظهار ایتک ریا حرام دکلدر ا کر مذموم ایه ده تکیم
کلسه کر کدر و مرتبه سندن ازاجق آشفه الحلق اظهار ایتک
تواضع محمود در باخصوص مرتبه سی بوجه اولان دولتیلر اظهار
تواضعله زیاده مدد و حدر تکیم شیخ سعدی رحمه الله تعالی دیمش
* تواضع زکردن فرازان نکوست * تواضع کدا کر کند کار اوست *
معناسی تواضع بویکی بوجه دولتیلر کوزلدر ا کر کدا تواضع
ایدرایسه انک کاریدر اما مرتبه سندن چوق آشفه تواضع اولور ایه
ا کا تملق دیرلر مذمومدر الا طلب عملده مذموم دکلدر معاذ بن جبل
و ابو امامه روایتده کدیکی کیبکه تملق مؤمنک اخلاقندن دکلدر
(و تعلیم المتعلمه دخی دیمشدر تملق یعنی یا لتاقلنق مذمومدر الا طلب
عملده استاذنه و شریکته تملق جائز در تا که انلردن برشی استفاده
ایلیه و اکر الحلقی کثرتی آشوب اکثر اولور سه کا تذلل دیرلر (آفات قلبک
اون او چخبجیسیدر مثلاً برعالمه اهل حرفدن بری زیارته کلد کده کندی
یرینه اوتورتمق و قالقوب انک پابو جن چورمک واردنجه قیویه دک
کتمک قتی الحاقلق و خورلقدر اول پایه ده اولان کیمسه به تواضع
و کورل یوزله ایاغه قالمق و حاجتده سعی ایدوب دعوتنه اجابت ایتک
و کندی نفسنی ظنده اندن خیر او کورمبوب انی نظرنده تحقیر
ایتمکدر و بوقسم تذللندر بر کونلک نفقه سی وار ایکن سائلک ایتک
تکیم آفات لسانده کلسه کر کدر و بوقیلمندر از شبی هدیه ایتک
اشیاء کثیره آلمق ایچون تکیم عروس و ختان جمعین ایدن کیمسه
ازاجق شبی اشنا و بیکانیه اهدا ایدر شی کثیر آلمق ایچون و اشق
طائفه سنک هلال و قرنفل اولشدر سی کی و اول کیمسه کیبکه قوان
و قیون طوتمق استر از طمرلق و یروب فرعی چوق آله حتی بعض

بیان آفات تذلل

مفسرین الله تعالى حضرت تریک * ولا تمنن تستكثر * قول شریفی
 بونک کبی ماده لری نهی ایچون نازل اولمشدر دیمشدر و بوقیلنددر
 بلادعوة ضیافته ووصبت مینه کتمک نتکیم عبد الله بن عمر بوحدی
 سرور کائنات علیه السلامدن روایت ایدر رسول الله علیه السلام
 پیورمشدر * بر کیمسه دعوت اولنسه واجابت ایتمه تحقیق الله تعالی به
 ورسولنه عاصی اولور اما اگر اول کیمسه که دعوتسز کیمسه اوغریلق
 ایله کیرر و غارتکار اولدیغی حالده چیقار (وندال حرام قیلنددر قضانه
 و امرایه و عماله و اغنیایه کلوب کتمک ضرورتلری اولیوب انجق الارنده
 اولان شیئه طمعه و بوقیلنددر کباره سجود و رکوع ایتمک یعنی طمعی
 ملاقات و سلام قتنده دخی ظلمه اوکنده بلا ضروره ایاغه قالمق
 واللرینی واتکلیرنی اویمک و بونلرک زیاده تفصیلی آفات بدنده کیمسه
 کرک ان شاء الله تعالی اما بوقیلنددر دکلدر او خدمتیه مباشرت
 بلکه محض تواضعنددر مثلاً او سپورمک و طعام بشیرمک و چارشودن
 خانه سنه متاع آلوب کتورمک دخی پلاس واسکی ویمالی کیمه سی کیمک
 و بالان ایاق یوریمک دخی پارمق لری و طباعی یلامق و طعامدن واتمک
 خرده سندن سفره یه و حصیره ویره دوشن اتمک قرقلرینی دیوشیرمک
 ویمک و مساکینله قارشیق و طعام یمک و حلالدن اولان انواع کسب
 بیع و شراکی و دخی نفسنی اعمال مباحه یه اجاره یه و یرمک قیون کوتمک
 و بوستان و باغ صوله مق و یالحق یا مق و بنا یا مق و ارقه صبله اودون
 طاشیق کبی بونلرک کلبسی و بونلرک امثالی تواضعدر اندیا و اولیا علیهم
 السلام ایتمشدر و اکثر بسی بزم نی من حضرت محمد علیه السلامدن
 و اصحاب کزیندن صادر اولمشدر بونلردن صافتمق و عارلقق اخلاق
 جبارینددر لکن ناسدن چوغی جهلمله امری عکس ایدر (مبحث ثانی)
 اقسام کبر و تکبر و انلرک آفتلری بیاننده در پس اندن علاجی امرینک حالی
 بلنور و سن بلد ککه متکبر علیه کبرده تکبرده لازمدر یعنی کیمک اوزرینه
 یوکلنور پس بوکبر یا الله اولور که اول انواع کفرک ال یرامزیدر
 نمرو و امثالی کیمکه رب تعالی ایله مقاتله مهلکه سنه نفسنی القا

ایتمش ایدی و فلکه اوق آتمش ایدی و فرعون مثلی که انار بکم
 الاعلی دیمش ایدی و کبرندن تکریلق دعواسن ایتمش ایدی (ویاتکبر)
 رسول الله اولور بعض متکبرین مشرکینک تکبری کیمکه نبوت
 منصب عظیمدر اولور کیمسه یه لایقدر دیدیلر اگر نبی اولق لازم کیمسه
 مکه و طائفدن ولیدین مغیره و عروه بن مسعود ثقی کبی کیمسه لره نازل
 اولوردی محمد ندن مستحق اولوردی دیو فرقان کریمک قرآنیتسه
 اعترافلری وار ایکن مجرد عنادا و استکبارا و حضرت رسول الله
 استخفافا زعملرجه بواسطه دلال فاسدی ایتمشدر (ویاتکبر سائر خلقه
 اولور و آفتی بودر که عاجز اولان عبد ملوک مالک الملک اولان رب
 العزتک صفت جلالتده منازعه ایتمک و اکثر اوامر و نواهیسنده مخالفت
 اوزره اولوب هوایه تبعیت ایتمک نتکیم ابلیس لعین * اسجد لمن خلقت
 طینا انا خیر منه خلقتنی من نار و خلقتنه من طین * دیمش در معنای شریفی
 بالحقدن برانیدیغک کیمسه یه بن سجده ایده یم می بنی اتشدن و اتی طیندن
 براتدک بن اندن خیرلی یم همان ابلیس حضرت آدمدن کلام حق اشدی
 کبری سببیه قبولندن عارایدوب انکار و عناده یاشیدی و تکبرلک آفتی
 خصوصنده سکا بوآیت کریمه کافیدر * سأصرف عن آباء الذین
 یتکبرون فی الارض بغير الحق * معنای شریفی بر یوزندن بغير حق
 تکبر ایدنلری البته آیتدن صرف ایدوب چو یرره که من بعد حق فهم
 ایتموب و قبول ایتمک شانلردن اولیوب مظهر خسران اولور و برآیت
 کریمه سنده متکبر جبارک قلبنه مهر ضلالت اورماسنی بیان ایدر
 و آیت اخرا ده ابلیس ابا و استکباری سببیه کافریندن اولاسنی بیان
 ایدر و بو خصوصده حدیث شریفدن بری ابوهریره روایتدر که
 حضرت پیغمبر علیه الصلاة والسلام خبر و یرمشدر که الله تعالی کمال
 عظمتیه پیورمشدر * الکبرياء ردائی والعظمة ازاری فن نازعنی
 فی واحد منهما قدفته فی ناری * معنای شریفی کبر یا ردام و عظمت
 از ارمدر بویکی صفت کمال مرتبه اختصاص بولمشدر پس اول کیمسه
 که بونلرک برنده بخله منازعه ایلیوب تکبرلک و عظمت دعواسنده اولسه

جهنم آتارم دیو پیور مشدر و این مسعود روایتند حضرت سرور
کائنات علیه افضل الصلوات پیور مشدر که قلبنده کردن مثقال ذره
اولان کیمسه جنته کیرمز پس بر آدم دیدیکه یار رسول الله آدم سور که ثباتی
حسن و تعلیمی حسن اوله حضرت پیوردی الله تعالی جیلدر جالی سور
انجق کبر حق انکار و ناسی خور کور مکدر و ثوبان روایتند پیور مشدر
بر کیمسه کردن و خیانتدن و دیدن بری اولدیغی حالد و فوات ایلمسه
جنته کیرر و انس روایتند پیور مشدر که جهنمده بر نوع نابوتلر
واردر متکبرلر انده قنوب اوزرلرینه کلید اورلر و بیعتی نقل ایدر که
احباب کزیندن عبدالله بن سلام صحابه کرامک مالدارلرندن ایکن
بر دفعه چارشویه ارقه سنده بر یوک اودون کتور دی پس اکا
دیدیلر که سنی الله تعالی غنی ایتمش با نه ایجاب ایتدیکه بوز جنته کیردک
عبدالله ایتدی نفسندن کبری کیدرمک مراد ایتدم زیرا سرور کائنات
علیه افضل الصلوات پیوردی قلبنده خردل مقداری کبری اولان
جنته کیرمز و ابوهریره روایتند او چ کیمسه به الله تعالی یوم قیامتده
رحمتیه نظر ایلز و بهره مند ایتمز و عذاب الیم انلره در بری پیرزانی
و ایکنجی ملک کذاب و اوچنجی فقیر متکبردر بر حدیثنده پیور مشدر که
یوم قیامتده متکبرلر صورت انسانده ذره مثال حشر اولورلر
و خورلق هر جانب دن قیلابوب جهنمده بولس نامنده اولان زندانه
سورلر جهنمک اسی اتشی اوزرلرنده اولوب اهل نارك قان و ایریکین
ایچرلر این عمر روایتند پیور مشدر که سزدن اول اولان امتدن بری
ازارنی تکبرلر کیله چکوب سوررکن اتی بریوتدی و یوم قیامتده دک
پراچنده کتمده در (طارق رضی الله عنه روایت ایدر اول وقتکه شامه
حضرت عمر روانه اولدی بز شام شریفده و البسی اولان ابو عبیده ایله
استقباله چیققدق حضرت عمره بولشد یغمرده دوه اوزرنده ایدی
اندن اینوب و ایافندن خفنی چیققاروب دوه اوزرینه قودی و نوبت
غلامکدر دیو عبیدنی دوه به بندروب کندیدیسی دوه نک بولارین
طوتوب شامه طوغری یوریدی ابو عبیده ایتدی یا عمر بوسنک

ایشکدن محظوظ دکلم زیر اشهر خلقی سزی کوز تمه ده در حضرت
عمر رضی الله تعالی عنه ایتدی او اه بونه سوزدر یا اباعبیده اگر سنک
غیری بری بوسوزی دیدی اتی امت محمدیه عبرت قلایدم بز قومک ذلیل
و خوری ایکن الله تعالی حضرت تلمری بزی اسلام ایله عزیز ایتدی عزت
اسلامدن غیری عزت طلب ایدرسک الله تعالی بزی ذلیل ایلر (محمد
بن زیاددن نقل اولنور که بعض دفعه ابوهریره رضی الله تعالی عنه
مدینه ده استخلاف اولنوردی یعنی حضرت رسول الله غزایه و یاغیری
پیره کتد کلرنده اتی خلیفه ایدرلردی پس اول حالدده اودون یوکلنوب
ارقه سیله چارشویه کتورردی و یول ویرمه لر یچون طرفوالامیر کم دیردی
(و جیر بن مطعم رضی الله تعالی عنه دیردی خلق بنده کبر وار دیرلر
حالا که بن چاره بندم شمله صارندم و قیون صاغدم پیغمبر عز رسول
الله صلی الله تعالی علیه وسلم پیور مشدر که بوایشلری ایدن کیمسه ده
کبر اولماز* پس بوجمله احادیث و آثار کبرک فیمنه و تواضعک
مد حنه دلیل قویلدر عاقل اولانه زیاده نیه لازم دکدر نظم
* وجد و حالات و تخلقه شهود و جذبه *

* قبل و قال اولدی بو کون خرقه ایله تاج و عبا *

* حرم عالم لاهوته ایرر کیمده اول *

* علم و حلم و ادب و خلق و سخا و جد و صفا *

* وجد و حاله بوصفتلره وصول امر محال *

* کبر و بغض و حسد و حرص و جهل عجب و ریا *

اوچنجی بحث کبرک سبیلری بیانده در پس کبرک علاج تفصیل بسی

بودر که کبرنه ایله حاصل اولور اول سبیلری بیلک کرک که دیدر

و هر بریسی جهله مقارنتله سبیلر یوخسه کندنی نفسنده بریسی

سبب تام دکدر انجق هر بریسی جهله راجعدر علاجی ایتدا اول

جهلی کیدرمک نیکیم بیان اولور (اولکی سببی علمدر و جهله اسباب کبرک

اعظمی و علاجی جهتندن اصعبی بودر زیرا عنده الله علمک قدری

عظیم و عند الناس شرفی بی حددر نیکیم فضلنده وارد اولان دایملری

اشدك اما فرض اولمغه اصلدن قلع ايدوب ترك تعلمه مجال يوق انجق
 علاجى ايكي شبتك معرفتيله در معرفتك اولكېسى بودر كه علمك
 فضيلتى نيت صالحه يه مقارنتله در وانكلسه عمل ايدوب ناسدن مال
 ومنفعت طلب ايتكسز ين علمى بذل ايلمكدر اكر بودنيلان وجه اوزره
 اولمزايسه مرتبه و پايه ده عند الله جاهلادن ادنى وعذابله جاهلادن
 اشد واقوى در قول اصح اوزره يانجه سنه جاهل اوزرينه تكبرلك ايليه
 وبو كلامك دليلالردن برى ابن عمر روايتيدر كه سرور كائنات عليه
 افضل الصلوات بيورمشدر اول كمسه كه الله تعالىنك غير چچون
 علم اوقسه و يانكلكه حقه غير نى مى ادايلسه جهنمدن مجلسنه يراشسون
 و ابوهريره رضى الله تعالى عنه روايتنده بيورمشدر بر كمسه كه رضاء الله
 اوقنا جق علمى دنيا متاعنه نائل اولمق ايچون اوقسه قيامت كونده جنت
 رايجه سنى بولميه (وابن عباس رضى الله عنهما روايتنده بيورمشدر كه
 بوامتك علماسى ايكي صنفدر بر يسى اولدر كه الله تعالى حضر تلى
 اكا علم ويره وناسه بذل ايليه ومقابله سنده طمع وبها الميه پس
 بو صنفه در يانك بالقلى و يربوزينك وهوانك جانورلى استغفار
 ايدرلر (وبر صنفى اول كمسه در كه الله تعالى حضر تلى اكا علم ويره
 اما عباد اللهدن بخل ايلوب بذل ايليه ومقابله سنده طمع و ثمن اله
 بونلر يوم قيامته آتشدن لجام ايله او يانلانورلر و بر منادى انلرى
 تشهير ايدوب چاغرسه كرك بونلر ايدى دنبا ده الله تعالى حضر تلى
 علم و يرمش ايكن عباد اللهدن بخل ايلوب مقابله سنده بها الانلر
 و بو تشهير تا حسابدن فارغ اولمجه واقع اولسه كرك واسامه بن زيد
 روايتنده بيورمشدر يوم قيامته بر آدمى كتورب جهنمه براقد قلرنده
 قارندن باغ سقلى دوكلوب انك چوره سنده دولانسه كرك حمار
 دكرمنده دوندوى كى پس اهل جهنم انك اوزرينه جمع اولوب
 ديسه لركرك يافلان سكا نولدى سن دنبا ده امر بالمعروف ونهى
 عن المنكر اتمز مبدك بلى ايدر دم ولكن كنندم امثال اتمز ايدم وعامل
 دكل ايدم ديه و مسلم روايتنده ديمشدر كه حضرت پيغمبر دن اشدنم

ديردى ليله معراجده بر قوم اوغرا دم و كورد مكه طودا قلى نى آتشدن
 مقر اضلر ايله كسرلر بن ديدمكه يا جبرائيل بونلر كېلدر ايتدى سنك
 امتكك شول خطباسى در كه عمل ايتدكلى نى سوبلرلر (وانس بن مالك
 روايتنده بيورمشدر علما فسقه سنه زيانلر عبده او ثانه سرعتدن زياده
 سرعت ايدرلر پس اول فسقه ديسه لركرك پوته طيلانلردن ايلرو
 بزه نيچون سكردر سز انلرديه لرك بيلنلر بيلنلر كى دكلدر (كذلك
 حضرت انس روايتنده بيورمشدر كه علما قوللرك اوزرلر ينه رسوللرك
 امينلر يدر ما دا مكه سلطانه قار شمه لرو دنبا لعه دخول ايتيه لرو اما
 چن كيم سلطانه محالطه ايدوب دنبايه كير يشه لرو تحقيق رسوللره و انبايه
 خيانت ايتمش اولورلر انلردن ايراق اولوب آيريلك (ومعاذ بن جبل
 رضى الله تعالى عنه روايتنده حضرت رسول اللهدن سؤال ايلديكمنده
 شرناس كېلدر ديو * شرار الناس شرار العلماء * بيورمشدر و ابوهريره
 رضى الله تعالى عنه روايتنده * اشد الناس عذابا يوم القيامة عالم لم ينفعه علمه *
 وارد اولمشدر ديمك اولور كه قيامت كونده ناسك قنى عذابلوسى
 اول عالمدر كه اكا علمى فائده و يرميه ومنصور بن زازاندن نقل اولنور كه
 جهنمه بعضيسى نك بدر ايجه سندن اهل جهنم متاذى اولوب اكا خطا با
 ديه لرنه بلا بوسنك بدر ايجه كى چككم بزه كندى عذابمز كافى ايدى
 يا دنبا ده نه عملده ايدك ديه كه علم اوقودم اما علم ايله متفع اولدم
 و انس روايتنده رسول الله صلى الله تعالى عليه وسلم حضر تلى
 بيورمشدر آخر زمانده عابدلر جاهل و علما فاسق اولورلر (وابوالدردادن
 روايت اولنور كشى مادامكه علميله عامل اولميه عالم اولماز و ابوسعيد
 روايتنده سرور انبيا عليه افضل الصلوات بيورمشدر بر كمسه كه
 دين امرنده ناسه نفع و يرر علمى اتم ايلسه يوم قيامته آتشدن لجام ايله
 او يانلانسه كرك (وعمر ابن الخطاب روايتنده بيورمشدر كه اسلام غلبه
 ايدوب حتى تيجاردر ياده كرزلرو فى سبيل الله آتلىر بيلمكه باشلرلر اندن
 صكره بر قوم ظاهر اولور كه قرآن اوقورلر و دعوى ايدوب ديرلر بزدن
 اوقش و بزدن اعلم و بزدن افقه كچدر انلرده سز دن و بوامتدندر

(اما انلر همان جهنم دوتروغی واودنی در) و ابن عمر روایت کرده پیورمشدر
بر کیمسه که بن عالم دیسه اول جاهلدر (صاحب طریقت بواحادیثی
ایراد ایتدیکنندن صکره دیر که ایمدی بو آفتردن سالم اولمش عالم
کوره م وهر اهل انصاف اولان عالم کندی نفسنه نظر ایلسه البته
بو آفتلرک بعضیه یا کلیسیله کندی نفسنه حکم ایدر ایمدی عملله تکبرلک
جهل محضدر) معرفتک ایکنجیسی بلك کر کدر که کبر قوللردن حرامدر
و کبریا الله تعالیدن غیر یه لایق دکادر واکا مخصوص بر صفتدر
نتکیم بیان اولندی و تسلیم ایدلم طوتکه بر عالم بو آفات مذکوره دن
سالم اولوب علمک فضل و شرفی واردر اماینه آنکله بیوکلنک اولن
زیرا الله تعالی * انما یخشی الله من عباده العلماء * پیوردوغی
مقتضاسنجه علم و معرفت الله تعالیدن خوف و خشیت و تواضع اقتضا
ایدر یوخسه جرأت علی الله واللهدن امین و قوللرینک اوزر لرینه
کبر و عجب اقتضا ایتمز بواجلیدن انبیا و اولیا متواضع و کوکلری آحق
ایدی اصلا انلرده کبر و عجبیدن بر اثر یوغیدی باخصوص سیدیمز سید
الانبیاء حضرتلرینک مناقب شریفنده یازیلان تواضعنی اوقیانلر
واشیدنلر فهم ایدر لر که نه مرتبه تواضعه مالک اولوب نه سبيله
مدحنده بالذات جناب باری جلت عظمته * انک لعلی خلق عظیم *
پیورمشلردر نتکیم عدنی در عدنی سلکه کتورمشدر
* سکا اخلاق رسولی دیه بن بر مقدار *
* کیمده او خاقی بولورسک تبعیت قبل اکا *
* بوهریره پیوررون سینه خدمت ایتدم *
* نیچون ایتدک دیمدی بوایشی بر کره بکا *
* النی کیمسه یه او پدرمکه منع ایلر ایدی *
* نزهده اولسه جلوس ایلر ایدی بی پرو *
* اکا تعظیم ایدنه دیردی انا ابن امره *
* دکلم میر ملک بلکه ده بر عید خدا *
* بونجه اشراف میان بسته ایکن خدمته *

* خرقه سن کندو دیکوب غسل ایدوب ایتمزدی ابا *
* هر کسک خدمتن ایدوب سوزی اییک ایدی هب *
* دعوت ایتسه انی اصحاب وصی و عید و اما *
* علفین ناقه سنه کندی و یروب باغلر ایدی *
* اکل ایدوب خادمه ایلر ایدی کنس فنا *
* مجلسه کلسه قیلوب صف نعلالی ترجیح *
* بالکمز سوقه چقوب ایلر ایدی بیع و شرا *
* سوقدن جلنی ظهرینه اوروب حامل ایدی *
* کیمسه یه ویرمز ایدی هر نه قدر ایتسه رجا *
* هم بنوب ساده چاره دخی ایلردی ردیف *
* بریسی بزه بونک وارمیدر ای وادردا *
* اکا ز اولغه عرض ایتدی جبال مکه *
* دخی د سننده ایکن جمله غنائم جمع *
* بنه عمرنده طوبیجه یمدی خبر شعر *
* درعی رهن ایدی الوب اهل و عیالینه غذا *
* امنم هیچ بریسی برینه فخر ایلسون *
* بسکا وحی اولدی تواضع دیو ایلردی ندا *
* افتخار ایتسه کز المؤمن کل اخوة *
* جمله بر پادشاهک قوللری یوز بای و کدا *
* بوتواضعله بنه شویله مهابت و ار ایدی *
* رعهده اخذ ایلر ایدی کم نظر ایتسیدی اکا *
* قصد ایدوب بمثله کلمشیدی اکا بر کافر *
* سل سیف ایلدی اول حضرتیه بر کون تنها *
* جسمنه لرزه دوشوب سینی دوشردستندن *
* حضرت الوب قلجن بنه اکا ایلر اعطا *
* بوخصالبه تخلق ایدوب اصحاب عظام *
* بولدیلر دولت عظمی درجات علیا *

پس لایق اولان اولدر که بر کیمسه اوزرینه تکبر ایتمه و بیوکلیمه اکر جاهله نظر ایدر ایسه کوکلنده دیه کم اکر تکر یسنه بو کیمسه عاصی اولدیه جهلی سبیلله اولمشدر اما بنم علم وار ایکن عاصی اولشم عند الله اول بندن معذور رکدر واکر عالمه نظر ایدر ایسه دیه که بن بیلدیکمی اول بیلور یا بن نیجه انکله برابر اولورم بن اندن عاصی بم وکندندن مسن واختیار کیمسه دیه نظر ایتدکده دیه که اول بندن اول دنیایه کلوب تکرری تعالی یه اطاعت ایلوب زیاده عبادت ایتمشدر واکر سنده کنیدن تازهیه نظر ایتسه دیه که بویاقنده دنیایه کلوب چوق کاه ایتمشدر اما بوندن اول ریجه بن عاصی اولشم واکر متدع وکافره نظر ایلسه دیه که بونلرک عمری نیجه ختم اولاجغی نامعلومدر بلکه انلر حسن خاتمه ایلله کیدوب انلرک شمدیکی حالله بنم کتم واقع اوله العیاذ بالله تعالی واکر کلب وخنزیره یاخود بیلان وعقربه نظر ایلسه دیه که بونلرک کاهی یوق وبونلره عتاب وعقاب یوق اما بن عاصی بم عذاب وعقابه مستحقم دیو کشی کندی عینمه مشغول اولوب عجز وتقصیرنه معترف ومقر اولوب کیمسه یه تکبرلک ایتمه نتکیم سعدی دیر نظم * بنده همان به که ز تقصیر خویش *

* عذر بدر کاه خدا آورد *

معناسی قوله همان یکدر که کندی تقصیرندن درکاه خدایه عذر کنوره اما بو کلامدن فهم اولماسونکه اهل بدعته وفاسقه بغض وعداوت لله ایتلک لازم اولوب فاسق فسقنده قومق لازم کله بلکه بو کلام کشی کندی نفسته نظر ایدوب خور کورمسیدر وامر ونهی ایتلک وفاسقه بغض ایتلک کنیدیسی نفس الامرده انلردن احسن وایواولسنی اقتضا ایتمز وامر ونهی ایدن کیمسه کنیدیسی عذابدن نجات بولمش وفاسق اولان هلاک اولمش اعتقادیلله عاصی وفاسقه پند ونصیحت ایتمز انجق کندی نفسنک کز لوجه عییلرین یلوب وسوء خاتمه دن خوف ناک اولوب کندوبی احقرناس عد ایدر ایکن ربسنک امرنه امثال ایدوب مولاسنک سومدیکی فعل قبیحه مباشرت ایتد کلر یچون پند ونصیحت

ایله اولمز ایسه بغض وعداوتله اوله فعل قبیحه دن فارغ اولنجیه دک تأدیب وزجر ایتلک یورلمشدر اندن اوتوری اول امر خدایی پرینه کتوررلر وصاحب طریقت بوخصوصده تمثیل کنوره شددر که برپاد شاه کندی اولادنی کوزتمک وتأدیب ایتلک ایچون برقولانی تعیین ایدوب سپارش ایدر که هر بار اولاد مدن بر فعل قبیح صادر اولسه اوزرینه غضب ایدوب ضرب ایلله واول فعل شنیدن منع ایلوب فعل حسنی تعلیم ایلله اول قول دخی افندیسنک امرینه امثالا واکا اول خدمتله تقرب کسب ایتمکدن اوتوری اولادنه غضب ایلر پرامن ایشلرین کور یجت اما اول قول پادشاه زاده لردن کندی مرتبه سنی یوقاری طوتوب تکبرلکدن انلره غضب ایتمز بلکه انلره تواضعی دخی واردر ایمدی عید مؤمنه لایق اولان بودر که کندی هیچ بر کیمسه دن افضل طوتوب و تکبرلک ایتمه علمی دخی اولور ایسه زرا نظر خاتمه به در نظم * غره اوله عمل وعلم وکراماته صقن *

* امر ابلبس ایله ویرمر می شفا باعورا *

* کورر جیمی دیدیکچون اناخیر منه *

* جمله دن افضل ایکن اولدی لعین رسوا *

بیان کبرک ایکنی سبی

کبرک ایکنجیسی عبادت و پرهیز کارلقدن زرا عابد اولان کیمسه فاسق اوزرینه بلکه کندی نافله قیلوب شهبانندن پرهیزی اولمیان کیمسه اوزرینه تکبرلک ایدر و بودخی جهلمدن ناشیدر و بونک دخی علاجی ایکی معرفتیه موقوفدر (معرفتک بری بودر که عبادتک فضیلتی اول زمان مقرر اولور که جمیع شرائط وارکان وسنن وآداب پرینه کتوروب نیت صادق و اخلاص وتقوی انده موجود اولوب خبط وابطال ایده جک شبتلردن محفوظ اوله و بوجله ناک حصولی بزم امثالی کیمسه لردن مشکل بلکه ناقابلدر باخصوص اخلاص وتقوی خصلتله رینی تحصیل ایتلک اصعب امور دندر بواجلمدن مشایخک اولورندن بری دیمشدر که الله تعالی بکایک ییل عمر ویرسه طقوز یوز طقسان طقوزین اخلاص تحصیلنه یعنی ریا وعجبیدن خالص عبادت

نه یوزدن اولور ائی بیلکه صرف ایدوب بریل رب العزته اخلاص
 قلب ايله عمل ایدردم دیمش و بو کلام مشایخک مقبولیدر كذلك
 الله تعالی حضرتلری اهل تقوی حقنده تنبیه ایلوب بیورمشلردر
 * فلا تزکوا انفسکم هو اعلم بمن اتقی * معنای شریفی سز کندی
 نفسکری تزکیه ایدوب زیو کیمسه لر یز و اهل تقوی بزیمک الله تعالی
 اعلمدر تقوی اهلنی و حقیقتنی اول بیور ایمدی بزم عبادتمز و تقوی
 ايله بیوکلنمزه مجال قالمدی (معرفتک ایکنجیسی بودر که تسلیم اولام
 طوتکه عبادتک جله شرائطی برینی بولوب آفاندن سالم اولمش
 برعابد پرهیز کار اوله که کمال تقوی و اخلاصله موصوف اوله ینه
 اوزرینه لازم اولان بودر که کبردن اجتناب ایلوب اول عبادتی محض
 لطف الهیدن بلوب کندوی پنداره دوشور میوب کچن قاعده اوزره
 هر کسه تواضع نظریله نظر ایلیمه زیر نظر خاتمه یه در نظم
 * طاعت و صوم و صلاتک اگر اواسیدی قبول *
 * روح و نفسک بر اولوب قالمز ایدی سنده هوا *
 * حق تعالی دیدی قرآن مجیدنده صلات *
 * صاحب منکر و فحشادن ایدر نهی ورها *
 * نهی فحشا ايله منکر اگر اغارسه صلات *
 * بیورر حضرت اکالم نزد الابعدا *
 اوچنجیسی حسب و نسبدر و بونکله تکبرلک ایتک جهلدن ناشیدر
 زیرا غیری کیمسه نک کماله بیوکلنمکدر تکیم بو معناده دیمشدر بیت
 * لئن فخرت با بآء ذوی شرف *
 * لقد صدقت و لیکن بدس ما ولدوا *
 * سنک آباشرفیله ترجمه سی بودر که ایسه کرفخرک *
 * انی کرچک دیدک اماقتی کدر بسر *
 و اخلاق علائیده دیمشدر که محض نسب سبیلله تفاخر ایدن غیبار
 و بی محل تصدیری عادت ایدن چلییلردر واقع اولور که بعض افاضل
 اوزرینه کچرل و جرعه جام جهل و غروری ایچرل و حد ثلرل حالاکه

پیان کبرک اوچنجی سببی

تحقیق اولسه بو کیمسه انتساب ایتدیکی فاضلدن افضلدر قطعه
 * نسبیدن عجب ایدن غایت غیبدر *
 * طو تالم کیم ائی نسل ندیدر *
 * اگر دعواشن اثبات ایلر سه *
 * نسب یانیده خلقک اکذیدر *
 * اگر دعواسن اثبات ایدر ایه *
 * آنکدر فضل کندو اجنبیدر *
 حکایت اولور که یونانیلردن شرف نیبله موصوف ذاتی نقصان
 وجهلله معروف بر کیمسه وار ایدی سقراط حکیمه طعن ایدر دیکه
 ای سقراط دناءت اصل و نسبیکی تذکر و حقارت قوم و عشیره کی تفکر
 ایدوب عرق نجالته غرق اولمز مبسک سقراط حکیم و فیلسوف کامل
 دیر ایدی نجالته سن بندن انساب و انفصالکدن حیایه بندن اقر بسک
 زیراسن برنسل شریفدن منقطع اولدک و بن بفضل الله تعالی برنسل
 شریفه مطلع اولدم انتهی و ابوهریره رضی الله عنه روایتنده کلمشدر که
 سرور کائنات علیه افضل الصلوات بیورمشدر * اول کیمسه که عملنده
 بطی و کاهل اوله نسبی ائی سرعت ایتدیرمز یعنی فائده و یرمز *
 صاحب طریقت دیر که حضرت آدم علیه السلام اوغلی قابله
 ونوح علیه السلام اوغلی کنعانیه نظر ایلیمه که هیچ نسبلی فائده
 و یردیمی اندنصکره ای سالك حقیقتی اولان نسبه که نظر ایلیمه زیرا
 سنک پدر قریبک برنطفه نجسه در که لباسه بولاشسه یوماسی واجبدر
 وجد بعید که نظر ایلیمه که تراب ذلیلدر ایمدی فکر ایلیمه بواشیادن یرادیلان
 مخلوقه تکبرلک لایقیدر (در دنجیسی جمالدر و بوسبب اکثر یا نسا
 طائفه سنده و غلمان ساده رولرده اولور اما جلاله بیوکلنمکدخی جهلدن
 ناشیدر زیراسر یغ الزوالدر بهار انامی کی تیز کچر و محل آفاندر ایکی کون
 استمه طوتسه و یا بر قبار جق یوزنده ظهور ایلیمه تبدیل شکل ایلوب
 بدهیکل اولور اگر غلام حسن و جلاله تکبرلک ایدر ایه همان یوزی
 صفحه لنده نهان بر آوچ بلغمله بیوکلنمکدر حضرت مولانا خبر و یرمز

مشوی * روی سپید از قوه باغم بود *

* باشد از سودا که رو اد هم بود *

معنای یوز آق و بیاض اولی بلغم قوتندن اولور و یوز قره یا کبر اولی سودادن اولور پس اول بیاضلی عن قریب موی سیاهه تبدیل اولوب خار مثال بتکه باشلر امدی بویله ناپایدارشبله تکبرایتمک لایق دکلدر زیر کندی اول حالکه نظر ایلسک بر ناپاک صوایدک که بول یولنک برندن چیقوب برینه کیردک و بر آب ناپاکله قاریشوب نیجه مدت دم حیضله بسندک اندنصکره یته راه بولدن چیققدک (یت نیجه کبرایلیه حسنیه بهر آن *

* ایکی کز راه بولدن چیقان انسان *

و آخرینه جیفه اولسک کرک و بواول و آخر اراشده یته نجاست حالی ایدک زیر بغرسنگ نجسله پر قاوغک بولله طولودر و بورنکده سمک واغز کده تو کرک و قولقلرک ایچنده زهر و طمرلر کده قان و بشره وجود کده صدید و قولقلرک آتنده بد رایجده لی کبر پاس والکله کونده رایکی دفعه نجاست یومه ده سک و بیت خلایه کونده رایکی دفعه واروب کلمده سک و بونلرک جله سی تواضعه و خورلغه و حیایه سبیدر قنده قالدیکه تکبرایتمک سبب اوله (بشخی سبب قوت و زوردر و قولله تکبرلک کذلک جهلمدن ناشیدر زیر حار و بقر و فیل و جل قولله انساندن اقوی در یا نیجه اول صفتله افتخار اولسونکله حیوانات اول صفتده غالب اوله و اول قوت برکون استمه سیله زائل اولور کبرو تحصیلنه کشی قادر دکلدر انجق بر ظل زائله و نوم نائم بکزر (التجی سبی مال و دنیا متاعیدر) یدنجی سبی توابع و اولاد و اقربا و غلمان و جاریه و شاکر دلدر دخی سلطان و والیرله و قاضیرله تقرب ایلمکدر و کبرک سبیلرندن بوایکبسی الک قیچیدر زیر انسانک ذاتندن خارج اولوب سریر الزوال و قابل الانقلاب اولان نسنه لر در دخی یهود و نصارا بو خصوصده مشترکدر اگر مال و توابع هلاک اولسه یا خود معزول اولسه و یا خود سیدی اولسه خلقک اذل و احقری اولور امدی بف

اولسون

اولسون اول شرفه که یهودیلر انده شریک اولدیغندن ماعدا غالب کلورلر ویف اولسون اول شرفه که سارق انی بر لحظه ده آلوب کتوره (وتکبرک بوسبیلردن غیری اوچ سبی دخی واردر که کبره مخصوصدر بریسی کین طوتقدر مثلاً بر آدمی پایه ده کندیله برابر و یا فوقنده کوروب اوزرینه تکبرایتمک استر و مقدمه مایندلر زده ماجرا واقع اولمغین نفسی قوماز که اسک تواضع ایلیه پس غیر محال اولیوب الاطرفندن کلان کلام حق رد و قارشولوب نصیحت قبولندن عارایدوب هر بار تقدم ایلمک و تصدیه جهدا یلر (کبرک ایکنی سبی حسددر و بوسب داعی اولور حق انکار ایدوب محسودک اوزرینه تکبرلک ایلر حالبوکه محسودک معرفت و فضلنه اعترافی و ارایکن امدی بونک علاجی سببی کیدر مکدر تکیم ذکر اولنور) اوچنجی سبی ریادر حتی اولور که بر آدم بریسیله مباحثه ایدر اراشده حقد و حسد دکل بلیش و آشنالقی بوغیکن و کلام حق دخی اولور سه امتناع ایدوب قبول ایلر و اوزرینه تکبرلک خوفندنکه تادیملر کلام حق سویلیان اعلم و افضلدر اما اگر بالکز اولسه اول کیمسه یه تکبرلک ایتمیوب کلامه قائل اولوردی (در دنجی بحث کبرک و تکبرک علاماتی بیاننده در معلوم اوله که کبر کاهیجه صاحبنه خفی اولمغله ظن ایدر که کندی کبردن بریدر امدی متکبرینک اخلاقی بیان اولمق لازم کلدی تا که سالک طریق حق اولان کیمسه نفسی انلرک اوزرینه عرض ایلیوب نظر ایلیه که کندی نفسنده بو اخلاق بر اثری وارمیدر تا که انلردن اجتناب اوزره اوله پس اخلاق متکبریندندر کشی کندینه ناسک ایاق اوزره قالمه سنی سومک و طالب اولی یا خود قرشوشنده ایاق اوزره طورمه لرینی نفسنه تعظیما سومک و طالب اولی کراحت قلب بولمق سزین اما بر آدم کندی کوکلنده ناسک ایاق اوزره قالمه لرینه و قرشوشنده طورمه لرینه میل و محبت ایتمیوب نفسنده بو اوضاعی کریه کوروب قبول ایتمز ایسه ضرر و یرمز و انده متکبر اخلاقی اولماش اولور طبعاً میل ایدر ایسه ده و یا وسوسه شیطانیله دخی ضرر و یرمز مادامکه کوکلنده کریه کوره

بیان علامت کبر و تکبر

معلوم اوله که انسانده میل و محبت او چ قسمدر (اولکبسی محبت قلبیکه محبت اختیاریدر و روحانی دخی دیرلر) (ایکنجبسی محبت طبعیدر (او چنجبسی محبت نفسانیدر پس کشبک محبت قلبیسی یوغیکن و اختیار یله کر به کوررایکن محبت طبعی و نفسانی مقتضاسنجه اخلاق متکبریندن برینی ارتکاب ایلسه ضرر و یرمز دیدیکی بودر زیر امر ونهی محبت طبعی اوزرینه جاری دکلدن تکیم حدیث مشهورده گلشدر سرور کائنات علیه افضل الصلوات پیورمشلردر که * سزدن بریکز کامل مؤمن اولمز مادامکه کندینه الله تعالی و رسولی اهل و اولادینک جیعیسندن سوکلی اولیه و محبتی الله و رسولنه آرتق اولیه حتی کندی نفسندن دخی سوکلی اولینجه * یعنی بواهل و اولاده و کشی کندی نفسنه محبت ابتدیکی محبت طبعی و نفسانیده سوزدکلدن انجق محبت اختیار یسنده ریدینک و پیغمبرینک محبتی کندی نفسنه و اولادینه محبتینک اوزرینه ترجیح ایتمکده در مثلاً بونک تفصیلی بودر که بر فرض الهی بی ادا ایلک وقتی کلوب بردخی اولادینک مهمی کورلمک وقتی ایرشسه طبعنده محبتی اولادینه آرتق ایسده اکر اول فرض الهی اداسنی تقدیم ایدر ایسه تحقیق ربسنی اولادندن زیاده سومش اولور و مؤمن کامل اولمش اولور پس الله و رسولنک محبتی اختیاری اوزرینه جاریدر و بواوچ محبت برکوکله بو جهنلرایله اولمق ممکندر (تکیم روایت اولنور بردفعه رسول اکرم صلی الله علیه وسلم فاطمه الزهرا رضی الله عنهادن سؤال ایتدی * ای جکر کوشه م الهی و رسولنی سورمه سیک نعم یار رسول الله سورین دیدی یا زوجک علی بی نعم یار رسول الله دیدی یا اوغلارک حسن و حسین سورمه سیک نعم یار رسول الله دیدی و بیوردیکه یا اوچ محبت برکوکله نیجه صفار فاطمه الزهرا رضی الله عنهادیدیکه اولکی محبت قلبیدر ایکنجی نفسانیدر اوچنجی طبعیدر رسول الله علیه السلام تصدیق ایدوب صدقت یا فاطمه دیدی * و اخلاق متکبریندنر بالکز کریموب آردنجه برغیری کپسه بی کزدرمک و بو خصوصده ابوامامه نقل ایدر که بردفعه حضرت پیغمبر علیه السلام بقیعه جیقندی

واصحابی آردنجه کتدیلر پس رسول الله علیه السلام طوردی و اصحابه امر ایتدی یا ایلری کئیسونلر و یا کیروده قالسونلر اصحاب سیندن سؤال ایتدیلر رسول الله صلی الله علیه وسلم ایتدی سزک نعلینکز طاردیسنی اشدتم پس قورقد مکه نفسه ککردن برشی دوشه بوکا بناء کال پاشا زاده نکارستان نام کابنده بر حکایه ایراد ایتشدر که زمان اوائلده نیشا بور شهرنده شیخک بری مریدلرینی و توابینی بانه آلوب کروفر صوقاقد کیدر ایکن بر فوقانی یوله ناظر سرائیک الله کلدیکنده رند جهسانک بری او جقدن برلکن اسی کولی آلوب چارداقدن شیخک و توابعنک اوزرینه صاحبی هماندم صوفیلر چوقراشوب اول خانه نک قپوسنه طوغری هجوم ایلدیلر عزیزمه بو حقارتی کیم ایتدی اله کتوره لم دیدیلر شیخ انصاف ایدوب ایتدی جنک وجدالدن واز چکک بیز بو اوضاعله یوریمدن اوتوری آتشلر صاچلمغه مستحق ایدک الحمد لله تعالی که خاکستر کرمله یعنی اسی کوالله صلح ایلدیلر دیدی و من بعد اول هیئتله کز مکدن توبه ایدوب بالکز کزرایدی انتهی (اخلاق متکبریندن بری دخی غیری کپسه بی زیارت ایتمکدن پیوکلمکدر اول زیارتدن غیری یه اکر نفعی و ارایسه (و بری دخی کندیسی صدر مجاسده اوتوررایکن غیریسی کلوب کندینه یقین اوتوردیغندن عار ایتمکدر و بری دخی خسته لردن و عتلی کپسه لردن صاقنوب انلرله اوتورمق و عک یمکدر و بری دخی اوی خدمتدن برشبی کندی الیه یا پشمه مقدر و کندی صاتون آلدیغی متاعنی اوینه کتوریمکدر حالبو که رسول الله علیه السلام بوجه مذکور اقی ایشلر ایدی و بری دخی الحق لباس کیمکدن عار ایتمکدر حالبو که رسول اکرم و نبی محترم صلی الله تعالی علیه وسلم حضرتلری پیورمشدر * البذاذة من الایمان * یعنی الحق لباس کیمک ایماندندر (و اخلاق متکبریندن بری غنی و شریف دعوتنه واروب فقیرک دعوتندن عار ایتمکدر دخی اقربا و رفقا ک چارشودن حاجتلرینی قضا ایدوب برشبی آلیویرمکدن عار ایتمکدر خصوصاً اشیا خستیه دن اشکنه و جکر و بونلرک امثالی

نسنه صاتون المقدن دخی کندی اقرانک تقدمندن ویا برابرلشمسندن
الم چکوب یولده یورر ایکن آیرلق یاخود اوتوردیخی یردن قالقوب
ایراغه اوتورمق ویاخود اول مجلسدن کتمک بالجهله کبر علامتلیدر
دخی مباحثه ایلدیکنده صاحبک کلامی حق اولسه قبول ایتتمک
وکندی خطاسنه اعتراف ایتتمک پس بونلرک کلکسی خلق اراسنده
اولجه ریادر واکرهم آشکاره وهم تهاده اولورسه کبردر (بشخی بحث
تواضع واخلق نه ایله حاصل اولور وفائده لری بیاننده در اولکبسی
بودر که کشی کندی نفسی بلمک کر که زهدن زیه کیدرو عییلری وکبرک
آفتلری وتواضعک فائده لری وفضائلی بلمک کر که انبیا واولیا وعلما
وصلحا اخلاقندن اولوب عند الله مقبول واعلاء علینده درجات
عظمه وصولی واقع اولق هب جمله تواضع سببیه اولور وانسانه
لایق اولان بودر که هر کسه مرتبه سنه کوره قیلنوب (خیرالامور
اوساطها) مقتضاسنجه حددن آشی و یوقارویه تجاوز ایتسه لکن
وقتا که نفس بالطبع یوقارولغه مائل اولدیه اولی اولدیکه کشی نفسی
براز اشغی تنزیل ایلوب اخوان مؤمننه تواضع اظهار ایلیه واخلق
ایتمده اولی اولدور که کندی نفسی جمله مخلوقدن ادنا کوره سلف
صالحینک دآبی بونک اوزرینه در حتی شیخ شبلی رحمه الله دیمشدر
بنم خورلغم یهود خورلغنی تعطیل ایلدی وایوسلیمان دارانی رحمه الله
دیمشدر که جمیع خلق مراد ایلسه لرنم نفسی کندی اخلقندن اشغی
تنزیل ایتکه قادراولمزدی (ایمدی تواضعک اولومرتبه سی شواولدیکه
کشی کندی نفسی جمله مخلوقدن اخلق کوره یافرعون ایله شیطاندن
اخلق کورمک نیجه متصوردر دینورسه و حال بو که دیمشدر کشی نفسی
بوایکبسندن اخلق که ورمز سه مغروردر (جوابی بودر که الله تعالی
حضرتلری بوایکبسندن هدا یتنی سوء اختیارلندن اوتوری برطرف
ایلیوب مردود ابدی اولدیلر وحالانی هدایت ایمان و طاعتله موفق
ایلمشدر دیلسه بی دخی انلرک یولنه قویاردی وانلرک کتدوکی طریقه
بنم کیمدیکم عنایت الهیدندر یوخسه بنم استعدادم حسبیه دکدر

بیان تواضع وآنک تحصیل

وین کندی نفسک خیانت کثیره سنی بلدیکم قدر ابلبسک وفرعونک
خیانتی بلم معلوم دکدر انلرک ایسه جمله ایتدکاری نامعلوم وکی
مشکو کدر بنم قباحتم معلوم یا نیجه انلرله برابر اولم وبنم موتم حالی نامعلوم
بلکه انلرک طرز نیجه العیاذ بالله تعالی دنیادن کیدرسم انلرله عذاب ابدیه
شریک اولورم دیه ایمدی تواضع حقیقینک حالی بویله در و مؤمنی
غروردن حفظ ایدر تواضع بودر (وتواضعک فضائلنده وارد اولان
احادیثدن بری عرباض رضی الله عنه دن روایت اولور که سرور کائنات
علیه افضل الصلوة دیمشدر الله تعالی حضرتلری بکا وحی ایلدیکه
ایتم بری برینه تواضع ایلیه لرتا که بری برینک اوزرینه تعالی ایلوب
فخر لیمه لربوسعید روایتنده یورمشدر که برکیمسه بدرجه الله تواضع
ایلمسه الله تعالی حضرتلری انی بدرجه رفع ایلیه که اعلاء علیینه
واصل اوله و برکیمسه که ریسنه تکبر ایلسه الله تعالی حضرتلری
انی برمرتبه یه ایندوره که ناسفل سافلینه دوشوره (وابوهریره رضی الله
تعالی عنه روایتنده یورمشدر که برکیمسه که بره سلم قرن داشته تواضع
ایلیه الله عظیم الشان انی رفیع الشان ایلیه و برکیمسه که بره مؤمن
قرنداشنه یوکنسه الله تعالی حضرتلری انی الحق ایلر (ورکب مصری
حضرتلری روایتنده یورمشدر که دوات اول کیمسه یه که منقصه اولیان
برده تواضع ایلیه ودوات اکا کیم نفسی خور ایلیه برنسنه یه طالب
اولمقسزین و معصبت اولیان برده مانی بذل ایلیه واهل مسکنله
کوریشوب وانلره مرحمت ایلیه واهل علم و پرهیزکار لرایله قونشه ودوات
اول کیمسه یه که کسی حلال وقلبی صالح وظاهرنده کریم اوله وناسدن
عزات ایلیه کندی شرنندن اوتوری ودوات اول کیمسه یه که علمیه
عمل ایلیه ومانک فضله سنی بذل ایلوب وسوزینک فضله سنی طوتوب
جوق سو یلمیه (شیخ شعراوی حضرتلری دن نام کاینده دیمشدر
تحقیقا حضرت امام شافعی دن منقوادر که دیمشدر کندی نفسنه اظم
اولان اول کیمسه در که کندویه اکرام ایلیمان کیمسه یه تواضع ایلیه
ونفعی اولیمان کیمسه نک دوستلغنه رغبت ایلیه (وسید علی خواص

بیان نصیحت امام شافعی

رحمه الله ديمشدر كه سنك اوزر يكه ظلمى اولان كيمسه يه تواضع ايله
ومصالحه يه بدأ ايله زيرا بغير حق تكبر لك ايتسه كرك وسنك نفسى
تحقير ايتسه كرك وشيخ شعراوى بوكلامى تصديق ايجون كندى
سر كذ شتى بيانه ياشوب دير كه مكه مكرمه ده مصر علما سندن بر كيمسه
بعض حسود لك افتراسيله بكا اذا وجوره باشلدى بندخى بركون اول
عالمك قتنه واروب نفسى اول تهمتدن پاك ايتك ايجون درويشان
اصطلاحى اوزره كه مظلوم ايتسه دخی كندى ظالم طوتوب استغفر الله
دير بندخى بوكا بناء اول سويلنان كلامه استغفر الله ديدم اولدخى
اويله ظن ايتديكه بن اول افترايى تصديق ايلوب استغفارا كا ايتدم
يوسيدن بكا اوج ييل قدر بغض وعداوت ايدوب ضررى قصد
ايلدى مصر علما سته مكتوبلريازديكه فلان كيمسه سويلديكنه اعتراف
ايتدى ديوحالبو كه بنم سويلديكم استغفار فتنه لك باصلماسيچون ايدى
ايتدى سالكه نصيحت اولسونكه بويله يرد ه تواضع كوسترمبوب
استغفر الله ديمه زيرا لئيمه اكرام ايلسك طغياننى زياده ايدر كلام شيخ
بونده نهايت بولدى * منكرات قلبك اوز دردنجبسى عجبدر * وعجب
كشبنك عمل صالحه ويا برغبرى شرفك حصويله اولوانوب
يوكلمسيدر الله تعالىنك عنايت وهدايتدن بيله مكلمه وبونك ضدينه
ذكر ومنت ديرز كه عمل صالح وغيرى شرف جمله سى الله تعالىنك
توفيقيله واعانتيله اولديغنى اكا قدر وعجبك سبيلرى ظهور ايتد كده
منت الهى ذكر ايلك بزم مذهبزده فرضدر وسبيلرى كبر يابنده
بكن علم وعمل وحسن وجمال و مال كياردر (پس بويله كندوده اولان
حقك نعمتلرندن بر نعمتله فرح عارض اولسه فى الحال كندىنك عجز
وقصور بن تذكر واول نعمت محض عطاء حق وكنديسى همان
مظهر مطلق ايدى كين تفكر ايدوب سرور وغرور باطلدن استعاذه
ايله وغالب سبب عجب اولدر كه نفس كندوهنر ومعرفتنه واقف
وغيرينك كالندن غافل اولمقدر) اما علاج اجمالى سى بودر كه بيله جمع
اشيا الله تعالىنك خلقيله وارادتيله اولوب هر بر نعمت كه علمدن وعبادتدن

بيان آفات عجب

ومال

ومال وجاهدن وجمال وكمالدن كندينه حاصلدر جمله سى حقندن محض
لطف ايله ويرلمشدر كه كندىنك استحقاقيله دكل پس سالكه
لازمدر كه نعماء الهيدن بر نعمته نائل اولدخه اول نعمته وبخش خدايه
حقك عون وتوفيقيله حاصل اولديغنه بالجمله شكر ايليه وكندينه
هيچ بروجمله عجب وغروره يول وريمه نتكيم اخلاق علائنده ديمش
اما عاقل پاك وزيرك چالاك اولانلر نفس بدخوى ورفيقان خوش آمد
كوبلرك قريب دمدمه سنه ومدح وپسنديده سنه الدائموب غير بيلرك
فضلى وكالنه عارف وكندى نفسنك نقصان وعيبلرينه واقف اولوب
عجب وغرورى برطرف وتحصيل وتكميل شرف ايلديلر قطعه * حسن
حال اكلايوب صفات كده * معجب اوله كه حسن حال بودر * هنرم وارديمه
هنراولور * اكلمه نقصانكى كال بودر * كذلك شيخ شعراوى رحمه تنبيه
المغترين نام كتابنده ديمشدر كه مشايخ كرامه وحشى حيوانات مسخر
اولديغنه دن غبرى اجنه وشياطين ضبط وتصرفلرنده وخدمتلرنده
مطيع ومنقاد اولورلرينه بونك برله اصلاقلرلرنده عجب واثر غرور ظهور
ايتمشدر (جمله دن برى جنيد بغدادى حضرتلرينه ابلبس برتلبس
بركون درويش شكلمده النده تسبيح اكننده خرقة باشنده تاجله
چيقه كلدى حضور عزتكه بيعته وطريقه كيرمك ايجون خدمته كلدم
ديدى شيخ دخی صورت ظاهرده قبول ايتدى وسائر درويشانه امر ايتديكى
كى اكادخى اوراد واذكار وتكيه لوازمى ايجون خدمت بيشمار تعين ايتدى
ابلبس مكاردخى كيمه وكوندز تكيه خدمتن ايدوب شينى عجب وغروره
كتورمك چوره سنه سعى ايدوب اون ايكى ييل خدمتن ايتدى آخر لعين
شينى آز درمقدن نوميد وخدمتدن عاجز اولدقده شيخك حضورينه
كلوب اى شيخ بن كيم اولديغ بلور مبسين ديد كده شيخ بلى كلديكك
كوندن ابلبس لعين اولديغك بلدم ديدى ابلبس ايتدى يازق بنم سكا
ايتديكم خدمته بن سنى بلز صنوردن اما آفرين وزهى تحسين سنك كالكه
ومر دللككه كه بوقدر بيلك ايجنده سنى عجب وغروره كنوره ملدم ديدى
وبوندن مقدم عبد الواسع اوغلى محمد نام عزىه ملعون مرقوم درت سنه

حكايت لطيفه

خدمت ایش بر کون قبل السحر شیخ مذکور جامعه کیدر ایش ابلبس
درویشی اولغین اوکنجه فانوس طاشرا ایش صوقاقده کیدر کن
عجوزه لر دن بری پنجره دن باقوب کورر که بر پیرقانی بر تازہ کیمسه نک
اوکنده فنر طاشر زیر شیخ سن وسالده یکید ایش پس عجوزه بو
اوضاعدن الم چکوب پنجره دن ای اوغل لایقیدر بویله رعایتہ مستحق
پیر تازہ آدمه فنر طاشی یه دید کده شیخ دیر که هی خاتون بو شیطاندر
عذابده یراشور همان اول ساعت ابلبس فنری یره اوروب ایتدی یازق
بنم سکا ایتدی کم خدمته بن اکلاردم که سن بنی یلر سین دیدی وچکیلوب
کتدی بویله ایکن ینہ بو مشایخده عجب وغرور پیدا اولوب جله تصرفی
وتسخیری هب الله تعالی حضرتلر دن بلور لردی دیوخریر اولمش
(صاحب طریقت دیر که اما علاج عجبک اقواسی آفتی بلکدر و بودخی
چوقدر وسکا بو کافیدر که کبره ونسیان ذنوبه سبیدر والله تعالی
کندی عنایتیله وتوفیقیله ویردیکنی انکار در بلکه ربسنه اکا اعمالی
مقابله سنده نعمت و یرمک واجب ایتشد دیمسنه راجعدر و کندی نفسی
تزکیه ایتسنه و کیمسه دن استفاده ایتسنه سنه مؤیددر و عجبک آفته دلالت
ایدر حدیثدن بری انس روایتیدر که سرور کائنات علیه افضل الصلوات
پیورمشدر اوچ آفت انسانی هلاک ایدر یعنی دین طرفندن بریسی بخل
قوی ایکنی هوا اوچنچی کشی کندی نفسنه عجب ایلدی یکیدر کذلک بر
روایتده پیورمشدر که ای اتم اگر سزگاه ایشلسکز سزهانی قورقاردم که
دخی اولوگاهه دوشه سکز که اول عجبدر یعنی کشی کندی رأیی خطاسیله
عجب وغرورده اولوب انکله فرح وشاد اولور واول خطاسنده مصر
اولوب ناصحک پندی قبول ایتز بلکه غیری کیمسه لره عین حقارتله نظر
ایدر یعنی سائر خلق جاهلدر برشی یلر دیو حقارت کوزیله انلره نکران
اولور تکیم الله تعالی بو قسم اهل عجبی بیان ایدر قال الله تعالی * ان
زین له سوء عمله فرأه حسنا * وهم بحسبون انهم يحسنون صنعاً *
معنای شریفی اول کیمسه نک اکیمیدر پرامن عملاری کندیته ترین
اولوب حسن وکوزل کورر دخی انلر اویله ظن ایدر لر که اشلر بن

بیان علاج عجب

کوچک

کوچک ایدر اما اویله دکدر دیمک اولور که ظن ور ایلرنده خطا
ایشلردر شیطانک ترین ایل و کندیلرینک عجبی تخمینیه وجیع اهل
بدعت وضلالت اول ضلالت و بدعته مصر اولدقلری طریقه هب
کندی عجب ور ایلریله ذاهب اولمشلردر و بو عجبک علاجی قتی
مشکلدر زیرا صاحبی کندنده علم ظن ایدوب جهل اولدیغنی یلر
وعلاج ارامن تا که اهل سنت والجماعت طیبیلرینه مراجعت ایلده
(اصول اربعینده امام غزالی رحمه الله تعالی دیمشدر که عجبک حقیقتی
اولدر که کشی کندی نفسی واکا ویریلان نعمتی او او طوتوب باری
تعالی ویرکوسی اولدیغنی او تمسیدر و یا کندی و سنک ربسی قتنده
مقبول و مرغوب اولدیغنی ظن ایتسیدر و علامتی بودر که دعاسی قبول
اولدیغنده عجب ایتک و یا خود کندی نه جفا ایدنلره بلا نازل اولمقدن
استغراب ایتک حتی بو مقوله معجب و مغرور لرک حاققی شومر تبه یه
کلور که ناسک مصیبت و مسرتلرینی کندی کرامتنه حل ایدوب
و کندیوی انجیدن کشی یا خسته لنسه و یا خود اولسه و یا بر بلایه
صناشسه دیر که کوردکی بنی ناحق یره انجیدیکچون نبه اوغزادی
وکاهی بو کلامی کندی انجیدکلی حالده سویلر که کوره سکز یقین
زمانده انک باشنه نه کسه کرکدر بو احق کندی انبیا دن افضل
وانجیدنلری کفاردن بتر اولسنه ذاهب اولمشدر و کندیکن خبری یوق
زیرا انبیایی انواع حقارتله ضرب ایدوب انجیدن کفاردن الله تعالی
حضرتلری انتقام آلیوب حددن زیاده دنیاده انلره نعمت و رفاهیت
و یردی و بعضیلرینه دین اسلامی مپسر ایدوب دین و دنیا سنی معبور
ایلدی و امام غزالی دیمشدر که قتی عجبایدنر که بر عاقل علمیه و عقلیه
یوکلنوب مغرور لنور والله تعالی حضرتلری کافقرو برسه بعض جاهلی
فنی کورد کده دیر که بو جاهل بو غنایه ندن مستحق اولدی بن ایسه علم
و عقلله محروم اولدم اکا دینور که یاسکا علم و عقل و یریلوب انلر اندن
محروم اولق ندن ایجاب ایتدی یاسنک هیچ برینه استحقاقک بو غیکن
ور بکه بر طاعتله سبق ایش ایلر یکن بو علم و عقل نعمتی و یرلدی یا بو
نعمتلر و یرلکله غیری نعمته ندن مستحق اولورسک تا که غنا جاهله

ویرادی بکاویرمادی دیه سک بلکه هم عقل و هم غنا سنده جمع اولوب
جاهله برشی ویرلسه تعجب بونده اولوردی زیرا جاهلک بر نعمته
استحقاقی اولدیغی کی سنک دخی یوقدر الله تعالی حضرتلرینک بزه
ابتدا نعمتی که بو وجودیمیزی براتمسیدر هیچ بوجهله قابلیت یوغیکن
واستحقاقز و طاعتز سبق ایتمش ایکن برادوب عالمه کتوردی یا نعماء
الهیدن قنغیبیله عجبه کلک لایق اوله اما کشی نفسنه عجبیدن
وخودینلکدن قورتلای مشکلدر بوسیدن کال پاشازاده دیمشدر بیت
* خود راز چشم خلق افکندن آسان است *

* دشوار از چشم خود افکندن ست *
معناسی بودر که کندیکی خلق کوزندن براقق آساندر اما کشی کندیی
کندی کوزندن براقق مشکلدر (و بوکا بناء بر حکایه ایراد ایتمشدر که
بایزید بسطامی قدس سره بر دفعه کعبه مکرمه به وارد قلزنده سؤال
اولندوقده دیدیکه اول حالده کتدیکم وقت فقط برخانه کوردم ایکنجی
دفعه وارد یغمده بیت الهی وصاحبنی کوردم اوچجی دفعه وارد یغمده
همان بالکز صاب بیی کوردم و بوکلام اول محله جناب باریدن
کندینه الهام اولمشدر وانی کال پاشازاده فارسی تألیفنده دیمش بیت
* بایزید کر همه عالم بیی رخود را نبینی *

* در چرک شرک مانده از خود بیی *
معناسی بودر که اگر جمله عالمی کوره سک ای بایزید و کندیکی
کورمیه سک خودینلکده شرک چرکنده قالمش سک یعنی بو حکا به دن
فهم اولنان بودر که ولی اولان کیمسه دخی مادامکه عجب وخودینلک
آفتی اثرندن خلاص بولیه ولی کامل وعارف واصل اولمز ایمدی
جمع نعمتلری حقک بخشایشندن اولدیغن بلوب و کندینی نامستحق
صفرالید بیلک کر کدر تا که عجبیدن خلاص اوله نیکیم دیمشدر در نظم
* کوزده قولقده داده نوریدر * کورن وایشیدن اولان کویا *
* سنده کی حول وجنبش و حرکت * دخی نشوونما وجود وقوا *
* حی و باقی اولوردک اولسه سنک * عاریدر چوغره اولسه دلا *

(آفات قلبک اون بشجبسی حسددر و بونده درت بحث واردر) اولکی
بحث تفسیر و تعریفی بیاننده در اخلاق علائیده دیر که معلوم
اولسونکه مرض حسد اعم امراض نفسانیه و اکثر امراض نفوس
انسانیه در و بومرض ایله اکثر کیمسه لر خسته و عللیل و اندن نجات
بولان اقل قلبلدر نیکیم حدیث شریفده وارد اولمشدر که
* ثلاث لا ینجو منهن احد الظن والطیره والحسد * قطعه
* خواجه خلق دیمش اوچ خصلت * بولمز راه نجات اندن احد *
* سوء ظن دخی تطیر یعنی * فال بد ایتمک اوچنجیبسی حسد *
دخی حدیث شریفده یورلمشدر که * دس الیکم داء الامم قبلکم
الحسد والبغضاء * یعنی سزدن اول امتلرده اولان درد سزه دخی
سریجه سرایت ایلدیکه اول بغض وحسد در و بو خلق خبیثک
صاحبی دین و دنیا سنده ضرر و متعلقنک کام و معیشتی تلخ اولدیغی
اظهر و اشهر اولدیغیچون بومرضک تحقیقنده و علاجنده زیاده
تحریر ارقام و تحریک اقلام اولندی کلدک طریقت کلامنه دیر که حسد
اکا دیرلر که بر کیمسه به نعمت دینیه و یادیویه واصل اولمامسنی استمک
یاخود واصل اولدقدنصکره نعمت دینیه سنک زوالنی استمک و یاخود
آخرته ضرر و یرمیان نعمت دنیویه سنک زوالنی استمک و بو کوکله
دوشن حسده محبتی اولوب انکار ایتمکدر اما ککر قلبیکه حسد
طبیعت حسبیه بی اختیار دوشسه وانی انکار ایلیوب قبول ایلمسک
بالاتفاق قایرمز و اگر قلبیکه اول حسده انکار بولمسک و یا اختیار کله
واقع اولسه پس اگر انک مقتضاسیله عمل ایدوب بعض اعضا کله
اثری ظهوره کلورایسه بالاتفاق اول حسد حرامدر اما اگر مقتضاسیله
عمل ایتمیوب انجیق حسد قلبیده اولوب فعلله و یا قولله اثری ظهور
ایتمز ایسه حرام اولمسنده علما اختلاف ایلمشدر در امام غزالی حرام
دیمشدر اما صاحب طریقت و شیخ اکمل و منیری مرحوم دخی بو محله
دیمشدر که حرام دکلدرد و دلیللری بالاده کچن حدیث شریفدر
و حدیثک آخری * و ساعدتکم بالخروج عن ذلك اذا ظننت فلا تحقق

واذا تطيرت فامض واذا حسدت فلا تبغ * معناسی دیمک اولور که
سزه بوسوء ظنیدن و تطیر و حسد دن نجاسته خبر ویره یه سوء ظن
ایتدیککرده تحقیق طوتمک و فال بد ایلدیککرده اکا اعتماد ایتوب
یکت و حسد ایلدیککرده تجاوز لاق ایلک یعنی فعلله و قولله کذلک
حدیث آخری دلیل طوتمشدر که * ان الله تجاوز لامتی عما حدثت به
انفسها ما لم تتکلم اولم تعمل به * دیمک اولور که الله تعالی حضرت تری
بنم امتک کوکلرنده حادث اولان شیدن کجدی مادامکه سوبیلیدر
ویانکله عمل ایلیمار و بومخلده سوبیلکدن مراد حسدک مقتضاسی
اوزره اولان سوزلردر و غیبت ایتک و قدح و سب ایتک و سوء ظن
ایلمک کی و عملدن مراد دخی حسدک مقتضاسی اوزره اولان عملدن
ایمدی بر آدم بر آدمه حسد ایلیمار اما آتارندن بر اثرینی فعلله یا قولله
اظهار ایتیمه کوکلنده اولان حسد حرام اولمز اما کفر و بدعت
اعتقادی برانسانک قلبیه دوشسه اگر انلرک آتارندن بر اثر لسانندن
و بدندن صادر اولمز ایلیمار یه حسد حرامدر فرق بودر که بوکفر و اعتقاد
بدعت ایکبسی دخی ذاتیله حرامدر و بودر که ایتدیککر حسد و سوء
ظن مقوله سی ذاتیله حرام اولمیوب حرامه سبب اولدیغندندر اول
سببندر که انسانک قلبیه اولوب طشره آتاری چیقمده جقه عفو
اولمشدر با خصوص امت محجده خیر امت اولمی سیبیلله حمیه تکریم
یا غشلمشدر الابعض معصیت قصدیکه محکم نصیم اولمش اوله عفو
اولمدیغی اندن اوتوریدر که اثری اکثریا اعضادن صادر اولمی اولور
بوسببیدن صاحب طریقت دیر که کمال انسانیت اولدر که قلبی فاسد
فکره عزیم ایلکدن حفظ ایلیمار اما مقتضاسیله عملی ظاهره صدور ایدر
ایلمه جله دن ریاقلبیه بر معنادر اما مقتضاسیله عملی ظاهره صدور ایدر
نتکیم بعض کیمه شبهاتدن اجتناب ایدر تا که خلق انک پر هیز کار
اولدیغنی کورهلر کذلک ذکر قلبی طاعتدر اما مقتضاسی طشره صدور
ایدر اثر تفکر در پس بونک کی اثرلردن ریا آیرلمدیغندن اوتوری حرام
اولمشدر یو خسه کفر کی لذاته حرام دکلد و کبر و عجب و اعتقاد

بدعت کفر کی حرامدر یعنی قولله و فعلله بونلرک آتاری ظهور ایتمز
ایسه ده یه حرامدر و حسدک مقتضاسیله اعضادن برشی صادر
اولمدیقه حرام اولمز اما اگر اول نعمت صاحبندن نعمتک زوالنی استیوب
انجق کندیچون دخی او بلجه نعمت ویرلمنی مراد ایلیمار حرام دکلد
و بوکا غبطه و منافسه دیرلر بلکه بو طلب مستحسندر اگر نعمت دینه
ایسه مثلا بر آدمه علم و یا عبادت کوروب نوایدی الله تعالی حضرت تری
بکادخی اول علمی و یا عبادتی ویریدی و توفیق ایدیدی دیوطالب اوله
اما اگر امور دنیویه ده اولوب مباح قسمندن ایسه طلبی مباحدر و اگر
حرام قسمندن ایسه طلبی حرامدر اما اگر بر نعمت دنیویه دن صاحبیه
ضرر آخرت مرتب اولان فساد و معصیت صدور ایلیمار پس او یله
کیمسه نک نعمتک زوالنی یا خود نائل اولمامنی طلب ایلک حسد
اولمیوب لله مؤمنک غیرتندن ناشی بر خصلت مقبوله در و بو خصوصده
دلایلارندن بری (حضرت ابوهریره رضی الله تعالی عنهمک روایتیدر که
حضرت سرور کائنات علیه افضل الصلوات پیورمشدر که الله تعالی
حضرت تری غیوردر و الله تعالی نک مقبول صفتندن مؤمن الله تعالی
حرام ایتدیککی شیدن ابا ایلک و منع ایتک و غیرت اصل معناسنده اکا
دیرلر که حقوقدن برحقده غیرینک اشتراکی مکروه کورمک اوله
والله تعالی حضرت تری نک غیرتی اولدر که قوانی یرامن ایشلردن منع
ایلر زیرانده ر بسیمله مشارکت معناسی واردر و مؤمنک غیرتی اولدر که
فواحشک و یرامن ایشلرک تحریمی باینده نفسه قلبندن صادر اولور
برحرکتدر که انک قوتیله منع ایلر مؤمنک بومقوله غیرتی واجبدر
و بو خصوصده ابوهریره رضی الله تعالی عنه رسول اکرم صلی الله
تعالی علیه وسلمدن روایت ایدر که بردفعه سعد بن عباده کلوب مجلس
رسول الله ده ایتدی یا رسول الله اگر خانه مه کلوب اهلله براجنی آدمی
بولسم دورت شاهد اولمدیقه اهلله دکیوب رنجیده اتمیه بمعی حضرت
پیغمبر صلی الله تعالی علیه وسلم نعم دیدی سعد ایتدی او یله دکل
یا رسول الله اول الله تعالی حقیچون که سنی حق پیغمبر کوندردی

اگر بویله بر آدمی بولیدم شاهد دارم زدن اول بن اتی سیفله معالجه
ایدردم حضرت پیغمبر صلی الله تعالی علیه وسلم پسندایدوب ایتدی
دکلیوک سعدنه شوپلر ز پرا غیوردر و بن اندن غیورم والله تعالی بندن
غیوردر و بر روایتده سعدك غیرتندن عجبلمبسکنز والله بن اندن غیورم
والله تعالی بندن غیوردر والله تعالی دن غیوررك یوقدر یواجلدن
فواحشك کزلوده و آشکارده اوله نك حرام ایتدی و کاه اولور که
عورتك اریله غیری سنك اشتراکنده اولان کراهننه غیرت دیرلر
یعنی ارینی غیری دن قسقاغمسنه و بو غیرت مذمومه در و مذموم
اولسی دلیلی بو حدیث شریفدر که عایشه صدیقہ رضی الله عنها
روایت ایدر که بر کیمه رسول الله صلی الله تعالی علیه وسلم یاننده
ایکن کیمه ایچنده طشره چقدی پس اول حینده پاکا بر غیرت عارض
اولدی در عقب رسول الله صلی الله تعالی علیه وسلم کلدی و بندن
غیرت آثار بن مشاهده ایدوب ایتدی یا عایشه سکا نولدی غیرته می
کلدك عایشه ایتدی یا نجه غیرته کلیم رسول الله ایتدی شیطانك
کلدی عایشه ایتدی یا بنله شیطان وارمیدر بلی یا عایشه دیدی اولدخی
ایتدی یا سنکله وارمیدر یا رسول الله ایتدی واردر لکن الله تعالی
حضرتلری معاونت ایدوب اسلامه کلدی و مؤمنك معصیتی والله
تعالی حضرتلری سومدوکی ایشلری کوردوکنده اولان کراهنی
غیرت واجبه در و حسدك ضدی نصیح و نصیحتدر که بر کیمسه به الله
تعالی نك نعمتی بقاسنی انده صلاحی اولغله و یا یکیدن نعمت کلمسنی
استمکه دیرلر و بردخی نصیحتك معناسی غیره خیر مراد ایتمکه دیرلر
پس بو نصیحت مؤمنینه واجبدر دلیلی تمیم داری رضی الله تعالی عنه
حدیثدر که سرور کائنات علیه افضل الصلوات پیور مشدر که
*ان الدين النصیحة قلنا لمن یارسل الله قال لله و لکابه و لرسوله و لائمة
المسلمین و عامتهم * معناسی بودر که تحقیقا دین اسلام نصیحتدر
یعنی غیره خیر مراد ایتمکه کدر اصحاب کرام دیدیلر که کیمه خیر مراد ایتمکه
پیوردیکه الله و کابه و رسولنه و ائمة مسلمینه و عامه مسلمینه شیخ زاده

رجه الله بو حدیث شریفك تحقیقنده دیر که دینك مداری نصیحتدر
و بو نصیحت بالجملة ینه عبده راجعدر و خیر استمك کندویه در اما
تکری تعالی به خیر دینك اولدر که وحدانیتده اعتقاد پاک و کندی ذات
شریفنه لایق صفتلر ایله وصف و نعت ایدوب نقصان صفتلردن تنزیه
ایده سن و حق تعالی حضرتلرینك سودیکنه رغبت و سومدیکندن
نقیرت ایدیه سن و رسول الله صلی الله تعالی علیه وسلم خیر دیندن مراد
پیغمبرلکنه و جیع الله تعالی طرفندن کتوردیکنه اینا نوب و کندینه
و سننه تعظیم ایلوب امر و نهی طوتمقدر و انك سومدیکنی سومیوب
سودیکنی سومك و انك اخلاقبله خوبلمتی سعینده اوله سن اما کاب
الله مراد خیر اولدر که انکله عمل ایلیه سن و اوقبه سن و اوقده سن
و انکله تخلق ایدیه سن اما ائمة مسلمینه نصیحت پادشاهه و والیر
اطاعت ایدوب واجب حققرینه قائم اوله سن و امور مسلمیندن غافل
اولدقلری برده تنبیه و ارشاد ایدیه سک اما عامه مسلمینه نصیحت انلره
خیر مراد ایدوب بغض و عداوتلرینی ترک ایدوب طریق حقه ارشاد
ایده سک و صلحاسنه محبت ایدوب و جله سنه دعاء خیر ایله دعا ایدیه سک
و انلره ضرر و یره جک شبنی دفع ایدیه سک و فائده و پررشیته قندیره سک
کلدك طریقت کلامنه که بو خصوصده حذیفه رضی الله عنه زوایتبله
ینه بو معنایه حدیث شریف ایراد ایدر که سرور کائنات علیه افضل
الصلوات پیور مشدر * اول کیمسه که امور مسلمینه اهتمام ایلیه انلردن
دکدر و بر کیمسه که صبح و شام الله و رسولنه و کاتبه و پادشاهنه
و عامه مسلمینه خیری مراد ایتیه مسلمیندن دکلدر یعنی کمال ایمانله
موصوف اولانلردن دکدر (ایکینجی بحث حسدك غائله لری بیاننده در
و بورادن علاج اجمالی بیلنور و بو غائله لر سکرذر) (اولکیمسی افساد
طاعتدر ابوهریره رضی الله عنه روایت ایدر رسول الله علیه الصلاة
و السلام پیور مشدر که * حسددن احتراز ایلک ز پرا حسد آتش اودونی
و یا اولغنی افنا ایتدیکنی کبی اعمال صالحه کزی افنا ایدر * یعنی ثوابنك
از دیادینی افنا ایلر بو خسه مذهبده کفردن غیری معصیت اصل

علی حبط ایمن و یا خود بو حسد واره واره کفره سبب اولور و بر حدیثنده
 بیورمشدر که * حسد و بغض بر تراش ایدیچی آفتدر اما صاحبی تراش
 ایمن انجی انسانک دینی تراش ایدیچیدر و اول الله حق چونکه نفسم
 ید قدر تنده در سز جنته کیره من سکر و کال ایمانله مؤمن اوله من سکر
 مادامکه بری بریکزه محبت ایتمد که سزى محبتله دلالت ایده یمى
 ماینکرده سلامی افشا ایلک * ایکنجی غائله سی معاصی به واسطه
 اولمشدر زیر احسدایدن کیمسه اکثری کذب و غیبتدن و سب و شتماتدن
 عادتا خالی دکدر و بونک دایلی ضمرة بن ثعلبه رضی الله عنهدن روایت
 اولنان حدیثدر که رسول الله علیه الصلاة والسلام بیورمشدر * ناس
 دایما خیره اولورلر مادامکه بری برینه حسدا یمیهلر * او چنجی غائله سی
 شفاعتدن محروم اولمقدور و بو خصوصده دلیل عبدالله بن سبره رضی
 الله عنه روایتدر که حضرت رسول الله علیه السلام بیورمشدر که
 * بندن دکدر * یعنی شفاعتمه نائل اولاندن دکدر حسدایدن
 وقعو جیلای ایدن و فالجیلای ایلان * دردنجی غائله سی جهنمه کیرمکدر
 و بو خصوصده ابن عمر و انس رضی الله عنهما روایتلرنده رسول الله
 علیه السلام بیورمشدر که * الی طائفه قبل الحساب جهنمه کیرلر
 الی شبیک سببیه دیدیلر که یا رسول الله بونلر کیملر دینه ایله کیرلر
 حضرت رسول الله علیه السلام بیوردیکه بری امرادر جور و ظلملری
 سببیه کیرلر ایکنجی عربدر تعصب و تمردلکری سببیه او چنجی اهل
 ریاست و اکابرلر در کیرلری سببیه دردنجی تجارتلر در خیانتلکری سببیه
 بشنجی کوی خلقیدر جهالتلری سببیه التبی علمادر حسدلری سببیه
 بونلر حسابسز جهنمه کیرلر * بشنجی غائله سی غیرک ضررینه وسیله
 اولدیغیدر بواجلندن الله تعالی حاسدک شرنندن صغمتی ایچون استعاذه
 ایله امرایتدی شیطان شرنندن استعاذه ایله امرایتدیکی کبی سورة
 فلقده * ومن شر حاسد اذا حسد * بیوردیغی یرده و معاذ رضی الله عنه
 روایتنده کلمشدر که * حاجتک تمام اولسنده کز لکله امداد ایلک زیرا
 هر نعمت صاحبی محسوددر * التبی غائله سی زحمت بیهوده وفائده سز

بیان بغیر حساب جهنمه کیرنلر

غم و غصه در بلکه صاحبی وزر و معصبت ایله آلوده در محدثندن
 ابن سماء حضرتلری دیمشدر که مظلومه بکر ز ظالم حاسدندن غیری
 کیمسه بی کورمدمکه عقلیه حیران و عملیه سرگردان و نفسنده ذلیل
 انساندر (یدنجی غائله سی قلب کورلکیدر حتی حسود شویله اولور که
 احکام الهیه دن بر حکمی فهم ایلز سفیان ثوری رحمه الله دیمشدر
 حاسد اولده سریع الفهم اوله سک یعنی حسود اولان حسدندن
 اکلامق حاجتی دکدر (قطعه)

* حسد یکلش مرصدر آفتن کور * که احکام الهیه دن ایدر کور *
 * ودادی وقت تحریرنده کوردی * بونک صدقن دلندن ایتمکل دور *
 (سکرنجی غائله سی محروملق و خوراقه در زیر ممکن دکدر که مرادی
 مبسر اولوب دشمنه منصور اوله بواجلندن (الحسود لایسود) دیمشدر
 یعنی حسود اولان کیمسه دولته نائل اولوب اولو کیمسه اولز (واخلاق
 علانیده خواجه نصیردن نقل ایدر که دیمشدر حسد مرض جهل ایله
 طمعک جمع اولسنندن حاصل اولور جهلی بودر که جمیع خیرات
 بر شخصده جمع اولمق حکمت الهیه دن خارج اولسنده و تغیر قسمت
 حق محال اولسنده علمی بوقدر و اگر اول آدم بونکته به عالم اولیدی
 محنت حسدندن سالم اولوردی کذلک نفسنده و غیر یلرده کی طمع
 خامی اولمیدی نفسنی محنت حسده گرفتار ایتزدی پس معلوم اولدیکه
 بوایکی خلقندن متولد وانلرک نفسده غلبه سندن مقاید ایمش انتهى
 (او چنجی بحث حسدک علاج علمی و عملی بیساننده در علاج علمی
 بودر بیلک کرکدر که حسد ایدر سک دین و دنیا کده سکا ضرری
 واردر اما محسوده بوقدر بلکه ایکی جهانده اول سنک حسدکدن فائده
 بولور اما سکا دینکده ضرری شودر که الله تعالی حضرتلرینک قضا
 و قسمته راضی اولوب طاریله سک واکا عدالتی مقتضاسنجه و یردیکی
 نعمتی کر به کوره سک و خداک عدالتی انکار ایده سک و مؤمنندن
 بر کیمسه به واجب اولان نصیحتی ترک ایدوب یکلش نیت و کم فکر
 ایده سک که بوکا غش دیرلر بوایه دیندر حرامدر ایددی حسدک

بیان علاج علمی و علمی الحسد

اجتنابی لازمدر اما سکا دنیاده ضرری اولدر که حسودك غم و حزن
و كوكل طارلغن كتورر حتی كگاه اولور که وجونده دخی ضرر و بر
(تکیم صراط سویده نقل ایدر که بر حسود کیمسه و ارایدی بر بازارگاه
نعمت دنیویه سندن اوتری حسد ایدردی پس بازارگان بر دفعه سفر
تجارته واروب اول یولده خبلی فائده ایتدیکن حسود ایشدوب ضررین
قصدا یتکین کوزد کر مکده مشهور بر عاین و ارایدی که ساعتیه قصد
ایتدیکي آدمی کوزیله اولدورب قهره قویاردی انی اول حسود بواوب
والینه بیک الحقه و یروب قول ایلدیکه اول کلن بازارگانی کوزیله قتل
ایلیه بر صحرايه ایکبسی چیقوب و بازارگانك کیمسه منتظر اولدیلر
عاین حسوده ایتدی بازارگان دخی یا قلاشمیدن سن انی بکا کوستروب
اوصافنی تعریف ایله همان اوراقدن هلاک ایده یم تا که هلاکغنی بزدن
تلسونلر حسود دخی بازارگانی قافله ارا سنده کورب اراجقدن کوستردی
کوزد کریچی فرق ایده مدی حسود ایتدی قتی یا قلاشدی نجب سنك
کوزك کورمز و کوزد کریچی والله بن سنك کوزلریکه عجبلم بوقدر اوراق
پردن محسودی فرق ایلدك دید کده همان ساعتیه حسودك ایکی کوزی
بیله چقدی عاین ایسه الدیغی مبلغه فرار ایدوب بازارگان سالما و غاما
شهرینه داخل اولدی (واخلاق علائیده دیمشدر که اقتضای حکمت
و معلوم نظر و تجر بت اولمشدر که حسد حسود محسودك ازدیاد نعمت
و ارتفاع دولته سبب وداعی و کندونك ادبار جاه و مالنه ساعی اولور
زیرا مال حسد فعل حق جل و علایه رد و انتقاض و قسمت قسام ازلی به
دخل و اهتراضدر و محسود بی گاهه که مظلومدر جفا و اذا ایتدیکي
سببیه بدبخت و مشؤمدر پس غیرت الهی و حکم حکمت نامتناهی
اقتضا ایدر که بازار حاسد کاسد اولوب اموری نحوست و بلاده و بازار
محسود پرسود اولوب احوالی دائما اقبال و زیاده اوله (پیرهرات حواجه
عبدالله الانصاری قدس الله سره العزیز مسجعا تنده پیورر که
* هر که دانست که قسام ازلی در قسمت *

* خود ظلم و خطا نکرد از حسد پرست *

معناسی بودر که هر کیمسه بلمش اولدیکه قسام ازلی کندی
قسمتده ظلم و جفا ایلدی حسد دن قورتلدی دیمکدر (یت
* چونکه ظلم ایلدی قسمتده قسام خدا *

* حاسدون یانه ایچون و برمیله اول حکمه رضا
کلدك طریقت کلامنه دیر که محسودك دار آخرته انتفاعی بودر که
حسود جهندن مظلوم اولمشدر با خصوص حسدك مقتضاسی
اوزره غیبت و ذم ایتدیکي و سرنی افشا ایتدیکي و بوکا بکزر حسد
آثاری اول مظلومه هدایا اولوب دار آخرته انکله یا حسناتی آر تورر
و یاسبتاندن تخفیف اولنور (اما علاج عملی اولدر که نفسی حسدك
ضدیه معتاد ایتدوره پس اگر ذم و قدحنی ایدر اولسه نفسنه مدح
ایلسیله جبرایلیه تا که لسانی معتاد ایلوب قلبه دخی سرایت ایلیه و اگر
محسوده تکبرلك اوزره ایسه نفسنه تواضعی و اعتذاری الزام ایلیه و اگر
انعام و احسان منعنده ایسه نفسنه جبر انعام و احسان ایتکی اقدام ایلیه
و اگر بد دعا سنده ایسه خیر دعایه شروع ایدوب نیکخواه لغنی
الترام ایلیه (و در دینی بحث علاج قلعیسی بیاننده در یعنی حسدی
یریه کبدره جك علاج که سبیلرینی بملکله اولوب و کتمه سی
سینك کتمه سیله اولور پس حسدك سبیلری بشدر اولکبسی نعر زدر
یعنی کندوی عزیز طوتوب مرتبه ایله کیمسه کندودن بوقر و اولمشندن
کوچمکدر پس بوسبیلله اقران و امثالندن برینه یا مال و یا خود علم یا
منصب حصوله کلور اولسه قورقار که اول نعمت سببیه اول کیمسه
کندونك فوقنده اولوب پایه سی اعلی اولور پس بوکا تحمل ایده میوب
نعمتک زوالنی و یا عدم حصولنی طلب ایلر تا که کندویه نعمته برابر
اولیه بوخسه تکبرلنك قصدیه دکل ایکنجبسی تکبردر یعنی اول
کیمسه نك که طبعی بر انسان اوزرینه تکبرلنك وانی استخدام ایتک اوزره
اوله پس اول انسان بر نعمته نائل اولد قده انك تکبرنی کتورمک
خوفی اولد یغندن اوزری اول انسانده نعمتک زوالنی استر و بونك
صورت سابقه ایله فرقی بودر که انده حاسد محسودك تکبرنی دفع ایتک

مرادیدر تساوی دخی اولور سه اما بوصور تنده تساوی به راضی اولوبوب
 حاسدك مرادی كندی تكبر ایتكدر (اوچنجیسی غیره نعمت اولوق
 كندی مقصودینك فوت اولماسنه سبب اولاند و بوسبب بر مقصودك
 اوزرینه مزاحمه ایدنله مخصوصدر زیرا انلردن هر بریسی قرینه
 اول نعمته حسد ایدر كه كندیك مقصودی دخی اول نعمته در تكیم
 ضربه لاراسنده یعنی برارك خاتونلری اراسنده كه تور كیجه قومه دیرلر
 هر بریسی زوجنك كوكلنده یایدنك استر ودخی قرداشلر كی كه هر
 بریسی والدینی محبتن استر بوسببنددر اكثریا بومذکورلك حسدی
 زائل اولماز و اكسك دكدر زیرا مزاحمه لری مقصود واحد اوزره در كه
 قسمتی قبول ایتز و بر استاذك شاكرد لری و بر شینك مریدلری
 اراسنده اولان حسد بوقیلنددر و بر پادشاه و ملكك ندما و خواصی
 یننده و بر شهرك واعظلری وقضا و تدریس و ریاست و ولایت
 طابعلری اراسنده اولان حسد بوقیلنددر (دردنجی سببی مجرد حب
 ریاستدر تكیم بر آدم فنوندن بر فنده عديم النظر اولوق استر خنكیم
 اقصادی عالمده كندویه بر نظیر استماع ایلسه انك موتی و زوال نعمتی
 استر تا كه كیمسه انك كی ریاست صاحبی اولیه و بردخی شجاعتده و علمده
 و عبادتده و یاصنعته و یا جلال و كالمده اولور (بشنجی سببی خبث نفسدر
 انجق غیری سبب یوق مثلا بر آدمی كور رسك ریاسته و تكبره و طلب ماله
 مائل دكل اما یاننده بر حالی خوش كیمسه وصف ایلسك و نعمتك بیان
 ایلسك خوشنه كلز و اكرا مودناسك اضطرابی و فوت مقصودلری
 وصف و بیان ایلسك فرح و مسرور اولور و بو خبث طبیعت صاحبی
 اولان كیمسه دائما خلقك كلكنی طالب والله تعالیك نعمته بخیلدر هیچ
 كیمسه ایله بر عداوت و یا تعزز مقوله سی بر سبب بوغیكن (واخلاق
 علائجه دیر كه اكثر حسد و منافست امثال و اقربان و اقارب و اخوان اراسنده
 اولور و نقدر بو طائفه اراسنده رابطه و مشاركت ارتق اولسه حسد
 و منافست دخی ارتق اولور مثلاً اهل مشرق اهل مغربه حسد ایتز بلکه
 بروایتدن اولسه حسد ارتق اولور و بر شهر دن اولسه دخی زیاده اولور

واكر بر محله دن اولسه دخی قوی اولور كذا لك ارباب علوم و صنایع كندو
 طائفه سنه حسدی ارتق ایدر طلاب علم سپاهیلره و تاجر لره اول قدر
 حسد ایتز تكیم بر برینه ایدرلر و سپاهیلر و تاجر لردخی اهل علمه اول قدر
 حسد ایتز بلکه سپاهی سپاهی به و طالب علم طالب علمه و تاجر تاجر
 و دلال دلاله حسدی زیاده ایدر زیرا ذكرا و انسان اسباب حسد
 مراد واحد اوزرینه اكثریا مزاحمه ایدر و اجانب اراسنده قلیل
 اولور مكر غایت جاه عظیم صاحبی و صبت بلند صاحبی اولسه كه
 اطراف عالمده كندویه برابر كلن كیمسه لره حسد ایلیه و بوجه لك
 سببی حب دنیا و مافیها در زیرا دنیا مزاحمه كفايت ایتز كه تمتعات
 تنگنای جهان مضایقه اوزرینه در اما دار آخرت و نعم جنان باقی انده
 مضایقه و مزاحمه یوقدر و انك مثالی علم كی بر كیمسه نك مطلوبی انجق
 معرفت ذات الله و صفات الله و سایر معارف و علوم اولسه آخر طالع
 حسد ایتز زیرا علم و معرفته مضایقه و مزاحمه یوقدر بر علمه هزار
 طالب و بر معلومه هزار عالم اولسه جائز و بر معرفته هر كیمسه طالب اولسه
 ممكن و هر بری كندی معلومندن متلذذ و شادان اولور و آخرك
 علم و لذتیه نقصان كلز بلکه كثرت عارفین ایله كثر افاده
 و استفاده و انس و الفت زیاده اولور تكیم بو خصوصده دیمشدر (یت
 * كاشکی سودیكیمی سوسه قو خالق جهان *

* سوز مزاجله همان قصه جانان اولسه *
 و اعلائی نعم آخرت كه مشاهده جلال اچوندروانده هیچ مضایقه
 و مزاحمه متصور دكدر تكیم حدیث شریفده جناب رسالت
 پناه صلی الله تعالی علیه وسلمدن وارد اولدی * انكم سترون ربكم
 كما ترون القمر ليلة البدر لا تضامون * تشدید ایم ایله و تخفیفله معناسی
 تحقیق سز لر ربكزی كورسكز كرك بدر كیمسه سنده آبی كوردیككز كی
 بری بریكزه ضم اولمقسزین و یاری بریكزه مانع و دافع اولمقسزین
 علی كل حال وسعت نعم تجلی به و دیدار رب العزته مزاحم اولمديخندن
 عبارتدر و سایر نعم آخرت دخی بوموال اوزره ضیق و مزاحمه دن میرادر

وعدم کفایتدن منزله و معرادر پس طالب آخرت و کاسب علم و معرفت
 و راغب زهد و عبادت اولاندرده حسد اولمز اول سبیدنکه علما و مشایخ
 تعلیم طلاب و ارشاد اصحاب ایتکه حریص و مشغول و اوقات شریفه لری
 تکمیل مریدینه مصروفدر و مشایخ اهل ارشاده تشبه ایدن مدعیان
 و علمازینده کورینن کشیاریننده حسد واقع اولدیغی کسب حطام دنیا
 و جلب و تحصیل رفعت علیا و اعتقاد خواص و عوام و تصدیر بحال
 اکابرانام اچوندر و بومطالب خسته ده مزاج متصور و برینسه
 اولورسه آخردن کتمت مقرردر ایمدی لازم اولان بودرکه انبیا و اولیا
 و خیار عبادالله عادت اوزره حسدی ترك ایدوب عامه اهل ایمانه خیر
 صائمق و ایلک لربن استمک کرک تا که مکرم و مقبول قوللردن اوله یز
 و ایلدیس لعین و کافه کافرینک عادت لریدر که ارادت لری مؤمنلره بلا
 و نکبت در اندن اجتناب اچون جدا حسد دائره سنه قدم باصمق کرک
 تا که اول اهل غلالتنه مشایخه اولیه یز ایمدی حسدایدن کیمسه کندینه
 دین و دنیا سنده ضرر و یردیکندن غیر بر شئی مفید دکلدر و محسوده
 بر نفی دخی بودر که کالنه سبب اولور و انده کمال حاصل اولمغله کندی
 دردی افزون اولور نتکیم ینه اخلاق علائیده دیر که بعض علما اوجند
 شاگردلرینه بویه نصیح و پند ایدر دیکه هیچ اعداء و حساد کره اضرار
 اچون زجت چکمک و اراضی قلوب بکرده عداوت تخمین الک بلکه سعی
 ایدوب فضل و کمال کزی افزون ایدک و عدوی حسودک قدین نون
 و بغیرین خون ایدک کذلک کشی محسود اولمق علامت جاه و جلال و دایل
 فضل و کمالدر (مناقب حنفیه ده مذکور در که علمادن ابن شبرمه به
 بر سائل مسئله صورت و جوابندن عاجز اولمق ابوحنیفه رحمه الله
 علیه و اروپ مسئله نک جوابن آلدقده ابن شبرمه نک امام حنفته بعض
 ناهموار کلامن نقل ایدیچک امام اعظم بوییتی انشاد ایلش (یت)
 * ان یحسدونی فانی غیر لائمهم قبلی من الناس اهل الفضل قد حسدوا *
 و دادی رحمه الله ترجمه ایتش (یت) * بنی بیاق حسدایدنلری لائم دکم *
 * بندن اول حسد اولندی دخی چوق فضلا *

و بر روایتند دخی کلدیکه ابن عاصم بنیل حضرتنه که امام زفر
 شاگردلرنددر سؤال ایلدیلر که ابوحنیفه طعن ایدر لر وجهی نه در
 بوشعری انشاد ایلدی (نظم)

* حسدوا الفی اذ لم یبالوا شأوه * فالناس اعداء له و خصوم *
 * کضر ایر الحساء قلن لوجهها * حسدا علیها انھا لذمیم *
 * ترجمه و دادی مرحوم * مرده حسد ایلدیلر پایه سنه ایردیوب *
 * آنکیچون ناس اکه هی خصم عدو اولدیلر *

* مرأة حسنا بی نه ضره لری سومیوب *

* بوزی چپاندر حسدا اکه قو دیدیلر *

پس بر کیمسه به حسدا یتک انک فضل و کمال و جاه جلال ایلله اتصاف
 ایلدیکنه اقرار و اعتراف ایتکدر (و شیخ شعراوی منن نام کتابنده
 دیمشدر که بر تنبع و تفحص ایلدک و شویله بولدقکه حسد و بغض
 ایکی صالح کیمسه اراسنده جدا واقع اولماز و فاسق حنفته دخی
 صالح کیمسه دن حسد صادر اولماز انجق حقل امریله فاسقی ذاتنده
 خور لمقسنین انک فعلنه بغض ایلر پس فاسق فاسقه و فاسق صالحه
 بغض و حسدا یتک واقع اولور غیر دکلدر ایمدی صقن ای قرداش
 بر عالمی یا بر صالحی بر فاسقه شکراب اولمش کورسک احواله واقف
 اولمغله عالمه و یا صالحه دخل و تعرضدن اجتناب ایله بلکه اول
 فاسقک عالمه و یا صالحه عداوتی حسدنن اوتوری اوله و صقن صالحه
 امر ایلله که فاسقه بارشسون همان فاسقه امر ایلله که صالحک خاطری
 خوش ایلسون و رضاسن طلب ایلسون و بوتنبیه اندن اوتوری تحریر
 اولندی زیرا بعض جهله دکل همان اکثری بونک اوزرینه در که جاهل ایلله
 عالم و فاسق ایلله صالح بیننده بویه بر خصومت واقع اولسه عالمه و یا
 صالحه دیرلر که سن بر حوصله صاحبی سک و یاسن بر در یاسک بویه
 شئی حول اولمق کرک سک و سزه دوشن بارشمددر و بونک امثالی
 کلامله صالحی فاسقک مکاننه کتوروب مجلسن صالحی تحقیر ایدر لر
 و فاسقک نفسنی کبر و غروره براغورلر اما خصم نفسک محلی بونک

بیان نصیحت حضرت
 شیخ شعراوی

خلا فیدر بویه برده هضم نفس اعتبار اولمز و شیخ شعرای بوکلامک
 تقریرندن اشغی حسودلرک فتنه سینه صبری امتاننده کندی سرانجامی
 حکایت ایدرکه طقوز یوز قرق یدی تار یخنده مصردن کعبه مکرمه به
 وارد یغمده برجاعت حسدا اوزریمه بر مسئله افترا ایلدیلرکه اجماع
 امته مخالف بعض ناسه دیمش اولام (مسئله بودرکه برکشینک بر خدمتی
 اولسه وقتندن اول نمازی قلیق جائزدر و بوسوز مکة مکرمه ده خلق
 اراسنده شایع اولوب حتی جبل عرفاتدن بعض اعدا تامصره مکتوب
 کوندوروب و بواحوالی بلدر مکله مصرده عظیم مغلطیه دوشوب انده
 اولان اصحاب و احبابمزه ضرر کثیر واقع اولوب بو خبری اقلیم غربه
 و شرقه افشا ایلشلمصره کلدیگمده باقدمکه ناسک اکثری اوزریمه
 اگری بقمه ده سببندن سؤال ایلدیگمده مکده دن مکتوبلر کلوب
 حق کورده شویله و شویله یازلمغله خلق سوء ظنه دوشدیلر پس شیخ
 مذکور دیر که اول حینده بنی غیبت ایدوب عرضی پامال ایدلرک
 عددنی الهدن غیری کیمسه بیلز بعده بحر مورود نامنده برکاب تألیف
 ایلدیگمده مصرده درت مذهبک علماسنه عرض ایلدیگمده مقبوله
 کچوب امضا ایلدیلر پس خلق بو کابک تحریرنه یاشوب قرق نسخه
 مقداری یازلدی بوار القده اصحابمزه بعض غافلرندن اول حسودلر
 بازمنق ایچون بر نسخه الوب تحریر ایلشلم و حسودلری مقتضاسنجه متن
 مسطرده عقاید باطله دن اجماع مسلمینه مخالف مسائلدن ادخال
 ایدوب یازمشلر حتی نیجه حکایات مسخریات که مضر الدین ابن
 راوندینک جانبندن نقل اولنور نیجه برده کابک ایچنده انلری ایراد ایدوب
 خلطیات ایلشلم و کتوروب صحافلر چارشوسنده طلبه علمه عرض
 ایلشلم برحقندن قورقاز صاتون آلوب جامع ازهره کتوروب علمایینده
 کزدرمش پس بوسبیلله ینه خلق مایینده چارشوده و یازارده و بیوت
 امراده برسته مقداری بنم خبرم یوغیکن دلده چکشدرمشلم بعده
 حنبلینک شیخ الاسلامی و غیریلری برکون جمع اولوب جامع ازهرده
 بزه آدم کوندوروب مزبور کابله کلمه مزنی استمشلر بزدخی نسخه بی کتوروب

جامعه کلدیگمده کابی آلوب مطالعه ایلدیلر افترا ایتدکلی کلاملردن
 بریسی یوق امضاسنه دخی نظر ایلدیلر فی الواقع برنده جمله سنک
 مقبوللری اولوب حسدا ایدلری سبب ایلدیلر و بالاخره انلردخی معلوم
 اولوب وزیر علی پاشا حسودلری طوتوب قتلله و یانفی بلده ایتکلله
 عقوبت ایتک مراد ایلش ایکن ینه واروب شفاعتمزله صالحیویردلر
 و بعض علما بزدن مقدم شفاعت ایدوب و مقبوله کچمیبوب بزم شفاعتمز
 مقبوله کچمکله ینه انلر حسدا ایدوب اول خلط ایتدکلی مسائلی درج
 ایدوب وزیر عیبارتله علی پاشایه بزی غمز نیتله عرض ایدرلر ولکن
 کاغذلرین یرتوب بو یوزدن برایکی دفعه دیوانندن سورلمکله فرصت
 بوله میوب ینه شیطان علیه اللعنه و سوسه سیله بعض حسود بر مکتوب
 یازار که حالا مصرده بر شخص ظهور ایتشددر که اجتهاد مطلق
 دعواسنده اولوب شومرتبه توابع و مریدان چوغالتشدر که مملکته
 خروج ایتک خوفی واردر پادشاهدن مر جو اولان بودر که مصردن
 انی اخراج ایلله دیومکتوبی برآدمله آستانیه کوندرلر و زرادن برینک
 اننه دوشوب مشایخدن بر کیمسه انده موجود اولمغله بو کلام افترا
 و بهتان اولدیفنی وزیره انان دیروب کلان آدمی قوارلر و مصره کلوب
 کندینی جماعتمه الحاق ایلوب اکرامه مستحق اولدی اما کوندورن
 حسود دیننده و بدینده بلایه صتا شوب فلج زحمتنه مبتلا اولوب فوت
 اولدیفندن جسدی زفت کبی اولدی حیاتنده شدید البیاض ایکن
 الله تعالی حضرتلری صدق صبریمز برکاتبله حاسدلرک فتنه سندن
 خلاص ایلدی دیوشیخ مذکورک کلام ملخصی بونده نهایت بولدی
 ایددی بو تفصیلدن فهم اولندیکه حسدا اکثریا علمایینده جاریدر
 تکیم رموزاوانلدن بیلندی (خبرده کلمشدرکه بر دفعه علم و عقل
 و عاقبت و دولت مایینلرنده مباحثه واقع اولوب هر بری کندینی مدح
 ایلوب غرورا و طوتدیفنی صاحبک مقبول و مرغوب رب العزه اولمسنه
 دعوا ایلدیلر بونلره نداء رب العزه کلدیکه داوود نبی علیه السلام
 حضورینه واروب هر بریکز دعوا کزی اثبات ایلوب معرفت کزی بیان

ایلیوک انلردخی داود علیه السلام حضورینه کلوب یاداود بزم مایغری
 فرمان الهی ایله تمیز ایله و قنغیز افضل اولدیغنی بیان ایله دیدیلر
 پس علم کلامه بدأ ایدوب ایتدی هر سینه ده معرفت شمعنی یا ندرن
 و هر طالبك باشنه سعادت تاجنی کیدرن و هر عالمی عندالله و عندالناس
 مقبول ایتدین بنم بوجه دن یکرکم حضرت داود علیه السلام کرچك
 دیرسن بو خصوصده صادقسن اما سنك برعیب عظیمك واردر علم
 ایتدی ندر داود علیه الصلاة والسلام ایتدی سنك طینتك آب حسدایله
 بوغرمشدر و سنك فضلك خرقة سی اعتبارالنده رهن اولمشدر ای علم
 اگر سن حسدالنده اسیر اولماسك ایکی عالمده سکا نظیر اولمازدی علمدخی
 دعوا دن سکوت ایلدی بعده عقل ایتدی که یانی الله بن جمله دن یکرکم
 خطاب شریعت بنم وجودمه موقوفدر هر انسانك زینتی و شرف دولتی
 بنم ایله در تن صدف بن انجومه شاه سنده یم حضرت داودا کایتدی کرچك
 سویلرسن و لکن سنك دخی برعیب عظیمك وار هر بار که آتش غضبکی
 یالکلندیره سن جمیع وجودك شهرینی انکه خراب و بیاب ایدرسك
 اگر بو عیبك اولسه جمیع عالمده سندن يك اولمازدی بعده عافیت اغز
 آچوب ایتدی بن یکرکم زیر هر کیمسه که یاغنی بنم خرقة مه با صسه جمله
 بلاردن و میضلردن خلاص اولور بر کلزار بیخارم و یار وفادارمه که
 نظیرم یوقدر حضرت داود ایتدی کرچك سویلرسن لکن سنك
 برعیب عظیمك واردر که رفاهیتك حالنده اصلا باشکدن آشن محنت
 و بلایی خاطره کتورم زسك و نعمت وقتنه شکر ایلر سك اگر بو خصلت
 سنده اولسه مقبول عالم اولوردك بعده دولت زبان حالله ایتدی بن
 یکرکم زیر هر یره که بنم کولکم دوشه انك طیراغی کوهر و التون اولور
 و هر طاشه که پرتویم طوقنسه یا قوت اولور داود عایه السلام ایتدی
 کرچك دیرسن اما سنك دخی بر اولو عیبك واردر که هر برنامستخفی که
 بوله سن انك باشنه قونارسن و چوق بکمز که انی دخی خائب و خاسر
 البقویوب برغیری ناسزایه نقل ایدرسن اگر بو عیبك اولسه جمال و
 کالده سندن ایلر و کیمسه اولمزدی بودرت خصلت اثبات دعوا دن عاجز

اولدقلرنده جواب باصواب کلدیکه اگر سزك صاحبیلر بکر دیلرسه که
 بو عیبلردن بری اوله و ذکرا و لسان سعادتیه نائل اوله آب حسدی
 خیر خواهلر یکیلده چیقاروب آتش خشمینی حلم آیلله تسکین ایلوب
 وقت عافیتده شکرله رطب اللسان و زمان دولته بذل و احسانله عامل
 اوله تا که عندالله مقبول و مرغوب و سعادت دارینه نائل اوله
 (کلدک طریقته کلامنه اسباب کبرک التجبسی و آفات قلبك اون التجبستی
 حقددر و حقدکین طوتمغه دیرلر و بونده اوج مقاله واردر مقاله اولی
 تفسیر و تعریفی بیاننده در که بر کیمسه دن نفرت و استئصال ایدوب اکا
 بغض ایلوب شرفی استمکدر و بو کین طوتمه نك شرعاً حکمی بودر که
 اگر اول کیمسه نك بر ظلمی کینداره طوقمیبوب بلکه حق و عدلله
 انجته دیسه معرفتله امر ایدوب منکر دن نهی ایدنله اولدیغنی کبی
 بو کین حرامدر اما کبر بحق اولوب بلکه بر ظلم صریح ایدن کیمسه
 کین طوتمسه حرام دکلدرا اما بویله اولدیغنی صورتده اگر حقنی آلمغه
 قادر اولمزه یوم قیامتیه تأخیر ایتك جائز و عفو ایتکده جائزدر اما دار
 آخرته البقویوب عفو ایتك افضلدر و بو خصوصده دلیل الله تعالی نك
 * وان تعفوا اقرب للتقوی * قول شریفدر و بوندن غیری دخی
 عفو تر جیح ایدر آیات ذکر اولمشدر و حدیث شریفدن دلیل
 ابوهریره رضی الله تعالی عنه روایتی در که سرور کائنات علیه افضل
 الصلوات حضرتلری بیوره شد که صدقه و زکوت مالدن نقصان
 کتورمزالله تعالی حضرتلری قولك عفو له عزیزی زیاده ایدر و هر عبد که
 تواضع ایلله الله تعالی حضرتلری انی قدر و مرتبه صاحبی ایلر و اگر
 مظلوم ظالمدن حقنی آلمغه قادر اولمدیغنی صورتده عفو ایلسه یواولکی
 عفودن افضلدر کذلک انتصاردن یعنی تمایحه حقنی حقلاشمیدن
 افضل اما گاه اولور که زیاده تعدی ایتوب تمایحه حقلاشتی عفو
 ایتکدن افضل اولور مثلاً عفو ایلدیک کیمسه انکه فرصت
 بولوب نیجه کیمسه یه ظلم ایتك و یا غیر سینه تمایحه حق و یرمه که امتناع
 ایتك و یا ایلک مالنی بالکلیه آلوب و یرمک احتمالی اولور سه اویله کیمسه یه

عفو آمدن تمامیه حقا شقی افضلدر اما اگر بر آدم حقندن زیاده آلمغه
 قادر اولوب آسه جور و ظلمدر نتکیم الله تعالی بیورر و لمن انتصر بعد ظلمه
 فاوانك باعلیهم من سبیل * معنای شریفی اول کچمه که ظلم اولندقدن
 صکره بتمامه حقنی کروالسه انلره بر غیر اموره یول یوقدر امام نووی
 رحمه الله که مشایخ حدیثدن اولو کچمه در دیمشدر که بر کچمه حقنی
 عفوایتمیوب دار آخرته البقومق بوم جزاده حضرت محمد علیه الصلاة
 والسلامك امتندن بر مؤمنی نعم جنتدن عوق و تأخیره مؤدی اولمغه
 حضور رسول اللهه ترك ادبی اقتضا ایتدیکندن بن کندومك حق
 اولان مؤمنلرك ذمتنی ابرایدردم دیوبوایکی بیت دلپذیری ایراد ایتشدر
 * من نال منی اوعلقت بذمته * ابرآته لله شاکرا نعمته *
 * عاری حقوق مؤمن بوم الجزا * او ان اسوء محمد ا فی امته *
 ایکنجی مقاله کینک غائله لری بیانده در بو دخی اون برادر اولکبسی
 حسددر که بیانی کچدی ایکنجیسی شما تندر که آفات قلبك اون
 یدنجبسیدر شمتانت اکادیرلر که بر آدمه بلا و مصیبت کلد کده حفظلمیوب
 کوله سن وسوینه سن پس بو بریرامن خصمتندر که دلیلی واثله بن اسقع
 روایتندر که فخر عالم صلی الله تعالی علیه وسلم حضرتلری بیورمشدر
 مؤمن قرداشکه شمتانت اظهار ایتمه زیر الله تعالی حضرتلری عقوبه
 سنی مبتلا ایلسه كرك ایددی دشمنك مصیبتله سونك قتی مذمومدر
 باخصوص قنکم کندینک کرامته و دعاسی مستجاب اولسنه حل
 ایلیه بلکه مؤمن اولان کچمه خوف ایلیه که اول مؤمنك مصیبتی
 کندویه مکرالهی اولسون و محزون اولوب اول بلانك کتمسنه دعا
 ایلک لازمدر و محتملدر که الله تعالی حضرتلری اول کچمه یه مصیبت
 مقابله سنده خیر خلف مپسرایتمش اوله نتکیم حضرت مولانا مثنویسنده
 بیان ایدر که برخا تون هر ییل براوغلان وجوده کتورردی ولکن التی
 آیه وارمیوب وفات ایدردی بو طرز اوزره بکرمی اولاد زیرخا که سپارش
 ایلدی وجانه عظیم آنش حسرت دوشوب یانوب یا قیلوردی (بیت)
 مثنوی * ناشی بنود اورا جنتی * باقی سبزی خوش بی منی *

بیان آفات شمتانت

تا بر کچمه سبز باقی اولان منسز جنتی کوردی و درو ننده سیران ایدرک
 بر قصره کلدیکه کندی نامی انک اوزرنده یازلمش بلدیکه کندینک
 مقامیدر وانی تحقیق ایچون اول عالم رؤیاده کندیسنه دیدیلر
 بومر تبه یه نائل اولمغیچون طریق حقده صدقیله جان و باش اوینایوب
 چوق خدمت و قوللق ایلک كرك ایدی ولکن دیگر از مثنوی
 * چون تو کاهل بودی اندر التجا * آن مصیبتها عوض دارد خدا *
 چونکه سن حقه قوللقده و صفقمده کاهل ایدک خدای عز وجل سکای
 خاتون اول مصیبتلری عوض و یرمشدر تا انلرایله بوم مقامه واصل اوله سن
 * کفت یارب تا بصد سال وفزون * اینچنینم ده بریزامن تو خون *
 اول خاتون بو کلامی ایشیدیک ایتدی یارب یوزیل وزیاده بکابویله
 مصیبت و یروبندن قان دوك دیو و یریان عوضلره حد و شکر ایتشدر
 ایددی بحمل که مصیبت کلن مؤمنه بویله عوض و یرلمیچون اولمش
 اوله پس اکا کولمک عین سفاهندر مکر که اول مصیبت زده اولان آدم
 ظالم اوله پس بو بلانك کلمسی انی ظلمدن مانع و عاجز ایلیه و غیر
 ظلمه یه عبرت اوله پس انک مصیبتندن شاد اولاق حقیقتده ظلمك
 زوالندن شاد اولمقدر ضرر و یرمز (شیخ شعراوی رحمه الله کلامنده
 شیخ عبدالقادر جیلیدن نقل ایدر انسانه بلا و مصیبت کلمسی برار تکاب
 ایتدیکی و بالک مقابله سنده صکنندینه عقوبت ایچون کلور تحتنده
 ثواب یوق و کفارت ذنوب ایچون دکلدر و ایکنجی نوعی بودر که اول نازل
 اولان بلا و مصیبت کفارت اولوب ذنوبدن معرا و کشی بی جمله و بالدن
 پاك و مبرا قلمق ایچون اولور عقوبت ایچون دکل و ثواب و عوض و یرلمک
 ایچون دخی دکلدر و مصیبتك اوچنجی نوعی محض ثواب و حسنات
 و رفع درجات و مقامات عالیات و عوض و یرلمیچون واقع اولور
 حقوبت و کفارت ایچون دکلدر دیمش و بو اوچ نوعك هر بریسنک
 علامتی بیان ایدر و دیر که اما مقابله و عقوبت وجهی اوزرینه کلن
 مصیبتك علامتی اولدر كه اول بلا یه صبر ایتیموب چوق چوق
 خلقه شکایت ایدوب فریاد ایلیه اما کفارت ذنوب ایچون اولان

بیان بلا و مصیبت اوچ
 شیدن خالی دکلدر

مصیبتك علامتی صبر جیل اولوب دوستلره وقو كشوره شكایت
و فریاد اظهار ایتجوب انجق طاعت الهیه کندی به ثقیل اولمقد
امارفع درجات ایچون کلن مصیبتك علامتی اولدر که صاحبندن صبردن
غیری دخی رضا و موافقت و سکون نفس اولوب اعمال صالحه سی قلب
و بدننده خفت اوزره اولمسیدر و بر ذوق روحانی حاصل ایتسیدر
انبیا و اولیاك بلا و مصیبتلری بوقسمنددر تکیم حضرت یوسف
علیه السلامک برادرلری پدر عزیزلریته حضرت یوسفك قانه بولاشمش
کوملکن کتوردکلرنده قرداشمزی قوردیدی دیو کوملکده دیش یاره سن
کورمچك حضرت یعقوب علیه السلام بلدیکه بونده کندویه رفع
درجات اولمچچون بر مصیبت ظهور ایلدی انکیچون * بل سولت لکم
انفسکم امر افصبر جیل * پیوردی یعنی بوقضیه بویله دکل بلکه سزك
نفسک سزهر حبله ایش دوزمشدر اما بنم صبرم صبر جیلدر و یا صبر جیل
قتی کوزلدر دیمش (حق دك اوچنجی سببی هجر و عدا و تدر و منکرات
قلبك اون سکر نجبسیدر یعنی بر مؤمندن کسبلوب عداوت ایتك منکرك
بریدر و بو خصوصده ابوهریره رضی الله عنه سرور کائناتدن علیه
افضل الصلوات روایت ایدر که پیور مشدر مؤمنه بر مؤمندن کسلک
اوج کوندن زیاده جائز و حلال دکلدر اوج کوزکدکده سوبلشسونلر
و سلام و یرسونلر اگر سلام آورسه ثوابده شریک اولورلر و اگر المزسه
کندی و باله کیرر و برروایتده * فن هجر فوق ثلث ایام دخل النار *
پیورلشدر یعنی بر کیمسه که مؤمندن اوج کوندن زیاده کسلسه و عداوت
ایلسه جهنمه داخل اولور یعنی کیرمکه مستحق اولور و بر مؤمندن کسلک
و عداوت ایتك حدی اوج کون اولوب زیاده سی جائز اولماق دنیالق
خصوصیچوندر و حدیث شریفلر کا محمولدر اما آخرت اچلیچون
یعنی معصیت اشلینلری توبیح و تأدیب ایچون مدت تقدیر ایتمکسزین
جائز بلکه مستحبدر تکیم ابن ملک مشارق شرحنده ذکر ایدر که اوج
کیمسه رسول الله صلی الله علیه و سلم ایله نبوک غزاسنه کیتجوب بلاعذر
قالدقلرندن او توری انلره الی کون مقصداری سلام و صباح ایتجوب

بیان آفات هجر و عداوت

صحابه کزینه دخی امر ایلدی که اصلا بونلره التفات ایلسونلر و نقل ایدر که
حضرت رسول الله صلی الله تعالی علیه و سلم زوجة کریمه سی صفیه نك
دوه سی سقط اولمغله آخر خاتونی زینبه امر ایتدی که بر نك دوه سی
اکا و یرسون و دوه سی زائد واریکن ماینلرنده برودت و ضدیت حسیده
دوه و یرمبوب بن اول یهودیه به دوه می و رسم کرك دیو سوکسی سیدیه
حضرت رسول الله صلی الله تعالی علیه و سلم ذی الحجه و محرم آیتدن
ماعداد صفرک بر مقدار بنی دخی انکله سوزسو یلشمیوب و اصلا التفات
ایتجوب عداوت ایلدی دیو یازمشدر و منن نام کابده یازمشدر که حضرت
پیغمبر علیه الصلاة و السلام بریلان سوزسو بلین کیمسه به ایکی اوج
آی قدر سوزسو یلیوب التفات ایتزدی دیو عایشه رضی الله عنها روایت
ایدر و مصابیح حاشیه سنده دیر که معلومک اوله که اهل هوایه و اهل
بدعته هجر و عداوت ایتك دائمیدر جمیع اوقاتده مادامکه توبه و انابت
ایلیه یوقاروی حدیث شریف عمومنده بونلراستثنا و اخراج اولمشدر
زیرا حضرت پیغمبر صلی الله تعالی علیه و سلم دخی بو یوزدن ایلشدر
کذلک دینده طغیان و عصیان اوزره اولانلری ترک ایدوب عداوت ایتك
مشروعدر تا حاللرین اصلاح ایدوب توبه لری ظاهر اولمجه انتهى (کینک
دردنجی سببی کین طوتدوغی کیمسه به خورلق نظریله نظر ایتسیدر که
تکبر لکدر بشنجی سببی کذبه مؤدی و وسیله اولماسیدر التجی سببی غیبه
سبب اولماسیدر بدنجی سرنی افشایه سببدر سکر نجبسی استهزایه سببدر
طقوز نجبسی بغیر حق اذایه باعث اولدیغیدر اوننجبسی صله رجدن
و قضاء دیوندن ورد حقوقدن برینه مانع اولماسیدر اون برنجبسی
صاحبنی مغفرتدن منع ایلسیدر و بو خصوصه دلیل ابن عباس رضی الله
تعالی عنهما روایت ایدر که حبیب اکرم صلی الله علیه و سلم پیور مشدر
بر کیمسه ده که بو اوج خصلتدن بری اولمیه و وفات ایلیه الله تعالی انی
یارلغار بری بو که الله تعالی به شریک کتورمیه و بری بو که سحر باز اولمیه
و بری بو که مؤمن قرداشنه کین طوتمیه و جابر روایتده پیور مشدر که
اعمال امت بازار ایرته سی و پنجشنبه کونی الله تعالی به عرض اولور

اول کیمسه که استغفار اید بی اوله یار لغفور و اول کیمسه که توبه ایتمش اوله
 توبه سی مقبول اولور و کین طو تیجیلر تا توبه اید نیجه مر دود اولورلر و معاذ
 ابن جبل روایتده بیور مشدر که الله تعالی شعبان شریفک نصفی کیمسه سنده
 جمیع خلقه نظر ایدوب مغفرت ایدر الا مشرکه و کینچی یه مغفرت ایتز
 بر روایتده تا خیر اولورلر دیو کیشدر (ایکینچی مقاله کینک سببی بیانده در که
 غضبدر زیر انسان غضبک اوازمنی ظهوره کتوره مبوب اول غضبی
 یو تقمغه قیانونب باطننده کین تولد ایدر بو خصوصده بش مقام واردر
 (مقام اول غضبک تعریفی واقسامی بیانده معلوم اوله که اذا ویره جک
 شیلری واقع اولدین دفع ایلک ایچون قلب قانک قینامسنه غضب دیرلر
 ودخی اذا واقع اولدقد نصره شفای صدر و انتقام ایچون ظهور ایتسنه
 دخی غضب دیرلر و بو غضب مذموم دکلددر بلکه لازم و امر مهم در
 دین و دنیا انکله حفظ اولور و شجاعت جهاد که عقلا و شرعا وعاده
 مدوح و مقبولدر بو غضبک اثار ننددر انجسق مذموم اولان غضبک
 طرفینی در که آشنی طرفنه جبن دیرلر که افات قلبک اون طقوز نجبیدر
 و جبنک معناسی قور قاق و مهانتک دیمکدر و بوقتی مذمومدر زیر
 خصمنه و اقرباسنه حتی زوجه سنه دخی غیرت و حبیبی ظهوره کلیوب
 عورتدن کوتی اولوق پایه سیدر و خست نفس و محلسر خورلق تحلی
 و منکرات مشاهده سنده سکوت ایتک اقتضا ایلدیکندن اونوری
 مذمومدر و قرآن عظیم دخی بو آفتک ذهنی بیان ایدوب مناسبی اولانک
 مدحی بلدرر تکیم اصحاب کزین حقنده * اشداء علی الکفار * بیور مشدر
 یعنی صحابه رسول کفار اوزرینه قوی و بها درلدر قور قق دکلددر
 و حدیث شریفده دخی حضرت علی کرم الله وجهه روایتده کیشدر که
 پیغمبر علیه الصلاة والسلام بیور مشدر * خیر امتی احدها * یعنی
 بنم امتک خیر لوسی کسکین و یرار اولورلریدر و بو خصوصده غیرتی بیان
 ایتدیکی یرده دخی دلیلار ذکر اولمشدر ایمدی لایق اولان بودر که
 بو آفته مبتلا اولان کیمسه قور قدیغی شیلره برقاج دفعه کیر مکله نفسی
 آکشدیره و مهانتک آفتی چوق ذکر ایدوب شجاعتک فائده لرینی اوقیه

ودکلیه

بیان اسباب کین و مقامات
 غضب

ودکلیه تا که اول آفت زائل اولوب غضبی قوی اوله زیر بو خصلت
 یرامن اولدیفندن حضرت پیغمبر صلی الله تعالی علیه وسلم دخی حقه
 صغوب (اعوذیک من الجبن) دعاسنی ایلدیکی مذکوردر و بونک ضدنه که
 غضبک افراطی یعنی حددن آشور یسنه (تهور دیرلر بودخی آفات قلبک
 یکر مجبیدر وحدت و عنف بوندن حاصل اولور و بو تهورک ضدینه
 حلم دیرلر که اخلاق حمیده نک بریدر و حلم اکا دیرلر که نفسی غضبه
 کتوره جک شبک ظهوری قتنده سکون نفس حاصل اولوب سبب
 قویسنر غضبه کلبه وینه ازاجق شیلله دفعی دخی ممکن اوله و بو حلمک
 ثمره سی لین ورفقدر و تهور بر ضرر عظیم مرض و علاجی مشکل آفتدر
 پس زیاده نفسله مجاهده و کیدر مسنه سعی لازمدر و بونک علاجی
 درت شیلله اولور بری علمی ایکینچی علمی اوچینچی سبیلرین کیدر مکله
 دورنجی ضدنی که حلمدر تحصیل ایلکله اولور (ایکینچی مقام تهوری
 کیدر جک علاج علمی بیانده در و بو علاج تهوردرن ایلرو و یا غضبه
 کلک اوزره ایکن کندونک تذکر یله و یا غیرینک تذکر یله اولور اما غضب
 علوانده کده فائده و یرمز بلکه ضرر و یرر تکیم بر علوانمش اتشه صو
 دو کدکجه زیاده پارلر ایمدی بویله محمله بو علاج علمی مفید دکلددر
 و بو علاجک بیانی اولدر که تهورک آفاتنی و غضب بو تقمغه غضبانی
 یله سن اما آفاتی دوردر اواکبسی اصل طاعتی افساد ایتکدر و بو
 خصوصده حضرت سرور کائناتدن حدیث شریف روایت اولور که
 بیور مشدر صبر اوتی بالی افساد ایتدیکی کبی غضب ایمانی افساد ایدر
 و بو غضبدن مراد لایق اولمیان یرده و یا خود لایق اولاندن زیاده
 و اشد اوله پس بویته تهور اولور اصل غضب دکلددر که اول مقبولدر
 و امر لازمدر زیر پیغمبر یرز علیه الصلاة والسلامدن دخی نیجه یرده
 صادر اولمشدر تکیم هجر آفتنده بیانی کچدی و لکن تهوره دخی اکثر یا
 غضب دیرلر تکیم بو حدیثده دخی اویله درو ایمانی افساد ایتمه سنک وجهی
 بودر که اکثر یا کشیدن شدت غضبه بر فعل و یا بر قول صادر اولور که
 کفری ایجاب ایلر ایکنجبسی الله تعالی نک مکافات ایلک سی خوفیدر

بیان تهور

بیان ازاله تهور

زیرا الله تعالى نك قدرتی سنك قدرتكن اعظمدر زیراسن قدرتی اجرا
ایلسك مختلدر كه الله تعالى يوم قیامته كندی غضبني انك اوزرینه
اجرا ایلیه اوچنجیسی غضبیدن عداوت حاصل اولمقدر پس عدوسنك
مقاتله كه وعرضك یقینه سعی ایلر وسنك مصیبتكه كواوب معاش
ومعادیکي مشوش ایلیوب علم وعملكه فراغ خاطر قوماز ودور دنجیسی
غضب وقتنده صورت وشكلك چركنلكی وایصریحی گلبه ویاوز
ارسلا نه مشابیهتدر (اما غضب یوتقماغك فائده سی سكردر اولكیسی
جنتك كندویه مهیا اولماسیدر نكیم الله تعالى * والكاظمین الفیظ
والعافین عن الناس * آیت کریمه سنده وعد بیورمشدر ایكنجیسی
حورعین ده مخیر قلماسیدر وحورعین جنتده اول دختر لره دیر كه
كوزلر نك بیاضی غایت بیاض اولوب سیاهی قتی سیاه و بیوك كه
حور یلك غایت رعنا لیدر پس غضب نك ترك ایدن آدم يوم قیامته
قنخی سن دیلر سه الماسنه اجازت اولور وبو خصوصه وارد اولان سهل
بن سعد روایتی در كه رسول اکرم حضرت تلی بیورمشدر بر كپسه كه
قاقیمه سنی یوتقنسه اجرا سنه قادر ایكن الله تعالى يوم قیامته جیعا
خلأقی حضورنده مخیر ایلسه كرك قنخی حوری بی دیلر سه السون
اوچنجیسی دفع عذاب اللهدر كه حضرت انس رضی الله تعالى عنه
روایتنده كمشدر بر كپسه كه غضبني دفع ایلسه الله تعالى حضرت تلی
اندن عذابنی دفع ایلر در دنجیسی اجر عظیم اولمقدر ابن عمر رضی الله
تعالى عنه حضرت تلی روایتنده بیورلدیغی كی عندالله تعالى اول
جرعه دن اولو جرعه یوقدر كه بر كپسه الله تعالى حضرت تلی نك
رضاسن استدكه غضب یوتقنه بشنجیسی الله تعالى حضرت تلی نك
حفظ واماننده اولماسیدر التجیسی الله تعالى حضرت تلی نك رحیدر
یدنجیسی الله تعالى حضرت تلی نك محبیدر دیلاری بودر كه ابن عباس
رضی الله تعالى عنهما حضرت تلی رسول کبریا صلی الله تعالى علیه
وسلم حضرت تلی روایت ایدر كه بیورمشدر بر كپسه ده كه اوچ
خصلت اولسه الله تعالى حضرت تلی انی كندی امانه اندیروب ورحیله

بیان غضب یوتقماغك
فائده سی

انی ستر ایدوب محبته ادخال ایدر بری نعمت ویراد كده شكر ایلیه
وقادر اولسه عفو ایلیه وغضب ایلسه فرار ایلیه وبومذکور فائده لر
مجرد قاقیمه یوتقماغی ایچوندرا ماچن عفو ایلسه نفی اكثر واعظمدر
زیرا عجزله عفو اولندقه بوقدر ثواب ویرلجه یا قدرت اجراء غضب وار
ایكن عفو اولنده نهل ویرلسه كرك وبوكا الله تعالى حضرت تلی نك بوقولی
دلالت ایدر * ولعفوا ویصفحوا الاتحبون ان یغفر الله لکم * معناسی
دیمك اولور كه صوچلور لی عفو ایلسونلر دخی اعراض ایلسونلر
سومز مپسكنز كه الله تعالى حضرت تلی سزی مغفرت ایلیه (مقام ثالث
علاج عملی بیاننده در وبوعلاج عملی غضبك حر كندن صكره اولور
وبودخی درت شبیدر بریسی آید ست المقدر نكیم عطیه روایتنده
رسول اکرم صلی الله تعالى علیه وسلم بیورمشدر تحقیقا غضب
شیطان دندرو شیطان آتشدن برادلمشدر وآتش صوابله سوندور یلور
پس سزدن بر یكز غضبه كلسه كز آیدست آلوك ایكنجیسی اتورق
ویاصد نمقدر نكیم ابوذر روایتنده بیورمشدر سزدن بر یكز طورر كن
غضبه كلد كده اونورسون اگر غضب دخی كتمزسه یا تسون اوچنجیسی
استعاده در نكیم سلمان بن صرد رضی الله تعالى عنه حضرت تلی
روایت ایدر كه ایكی كپسه حضور نبی ده چكشدیلر پس بر نك یوزی
قزاروب غضبه سو ككه باشلدقه حضرت پیغمبر ایتدی بن بر كله
بلوردم اگر اول كله بی دیدی اندن غضب كیدر ديكه اول كله
* اعوذ بالله من الشیطان الرجیم * در دنجیسی غضبه مخصوص دعا
اوققدر نكیم حضرت عایشه رضی الله عنها روایتنده دیر كه بن
غضبناك ایكن بر دفعه حضرت پیغمبر صلی الله تعالى علیه وسلم
كلوب بنی اول حالد كورنجه بورغك اوجنی مبارك بره قلیله اوغدی
ویدیكه ای عایشه جك بودعائی دی * اللهم اغفر لی ذنبی واذهب
غیظ قلبی واجرنی من الشیطان * وحضرتك عایشه به تصغیر اداسیله
خطابنده تنبیه واردر كه غضبه كلك تكبر لكدن ناشیدر پس لایق اولان
بودر كه تواضع ایدوب كندوبی حقیر طوته در دنجی مقام علاج

بیان علاج عملی غضب

قلعی پیاانده در و بو علاج غضبك سبيلرين كيدر مكله اولور و سببي
منصب و رياسته حرص و تكبر و عجبدر و بو اوچدن بريسي هر كيمده كه
موجود اولسه ادني شئيئه كندينه نقص و هم ايليوب غضبه كلور
و بو اوچ علاجی كچدی و غضبك سبيلرنددر مجلسر لطيفه ايتك
و كيمسه بي استهزا و ذم و مجادله ايتك و ضد دوشمك و كيمسه بي دلبه
انجتمك كذب و غيت و نيمه و شتم ايتك كبي و يا فعلله انجتمك و دوشمك
و مالى المق و حقنى منع ايتك كبي و بو اشيا اكثر ناسه غضب ايتكه باعثدر
ايمدى بو سبيلردن اجتنابه مداومت ايتك كرك كه بيله سن على التحقيق
بعض كيمسه لر بونك كبي شيله حول اولور لر اول زمان بونلردن حلال
اولانى از جق واقع اولسه قايرمز اما كرك سنك غير كدن بو اسباب
غضب صادر اولورسه سكا لازم اولان عفو و حلمدر اكر عفو قادر
اولماز ايسك صبر ايدوب بو تقون و يا خود انكله برابر اولاجق مرتبه
انتقام آل و اكر بونلردن برينه قادر اولماز سك ايمدى بويله غضبه
كله جك يرله وارمه و اويله يرله ده اوتورمه و اكر ناكهائى بويله مظنه
يرينه و كوكل طاريله جق مجلسه قضاييله دوشمك ارسلاندن فرار
ايتديك كبي اندن فراراييله زيرا معاشرت اضداد در و بو عذاب اليدر
تتكيم بعض مفسرين حضرت سليمان صلوات الله تعالى على نبينا و عليه
حضرت تليزتك هدهدى كوزندن غائب اولديغندن * لا عذبه عذابا
شديدا * ديديكنده عذاب شديددن مراد ضدى اولان بر قوشله بر
ففسه قيامق مراد ايلمشدر ديمشدر و خواجه حافظ دخی بومعنا ده ديمشدر
(بيت) * چاك خواهم زدن اين دلقي ربابي چكنم *

* روح را صحبت ناجنس عذايست اليم *
و غضبه زياده باعث سبب جاهللك اول غضب و تهورى مر دلك
و دلاورلك و غيرت و حيت و جرئت ديدكلايدر حتى نفسى خلقك
اول كلامنه و مد حنه ميل ايدر و اول تهورى هنرعد ايدر و اكا بردن
از جق قباحه ايجون غضب عظيم ايتدكلايرنى مدح يوزندن حكايه
ايتديكلري غضبه باعثدر زيرا نفوس كندونى اكا بره تشبه ايتكه

ماثلدر پس بومذ كورك جله سى خطاء محض وجهاتدر زيرا بومر تبه
تهور نقصان عقلدن ناشى قلبدى بر مر ضرر كورمز ميسنكه خسته آدم
صاغ كيمسه دن زياده غضبه كلور و پير آدم اورطه ياشلى آدمدن
و عورت اردن زياده غضبك اولور هنر اولدر كه غضبك يكوب زير
دستكه آل سك نتكيم اين كال رحه الله نكارستان نام كتابنده يازر كه
حضرت حسن رضى الله عنه خلافتى زماننده اصحاب كرامله سفره يه
اوتوروب طعام ير كن قوللردن برى سفره يه بر صحن شوربه كتوروب
قوياجق محمله اياغى دوشه ميه ايلشوب شوربه يى تا حضرت حسن
رضى الله تعالى عنهم يقاسنه دو كدى عبدك عقلى باشندن كتمدى
حضرت حسن قولك بشره سنه نظر ايتدى كورديكه قورقوسندن
بكرنده قان اثرى يوق همان آتش غضبنه درياء حلى غالب كلوب
قولك صوچنى عفو ايلديكندن ماعدا خوف ايمه وار او جه الله
مالمدن آزاد اول ديو عبدى كال حلى سبيله شاد و خندان ايليوب
كندى رضاء رحانه مصادف ايلدى ايمدى كشى غضبك اوضاعنه
ميل ايتكدن صاقنوب بونك كبي سلطانك طور و طرزنه ميل و محبت
ايتك لازمدر با خصوص سلطان عشره مبشره بك برى ايكن مقامى
على التحقيق جنت اولديغين بيلور ايكن و اول شخص كندى قولى
ايكن يه غضبى اقتضاسنى اجرا ايلمه ياز ككه دنيا دن نه يوزدن
كیده جكمزه الهيزده حجت يوغيكى و بهر روز كنديمزى هزار كره غضب
الهى يه مستحق ايدرايكن نه استحقاق اوله كه غضبمى اجرايه سعى
ايدوب قدرتميز يتد كده عفو ايتمه يز (برى دخی غضبه باعثدر شرع
شريف بويله بيورمش ديموب امر معروف ونهى عن المنكر ايدنلر
غضب و حدتله سويلملايدر زيرا اشيدن جاهل ايسه اتى واعظك
سوزيدر و اول اكا طوقتمق ايجوندر ظن ايلر و غضبه كلور اما اشيدن
عالم ايسه عجب و كبر اظهار ايدوب غضبه كلور ايمدى بو غضبك
علاجى رفقله و يواشلقله و شارع شريعتنه اضافتله اولور يعنى الله
تعالى حضرتلرى بويله بيورمش و بيغمبرى بويله بيورمش ديمك كبي

و ممکن ایسه سر یجه شرایع تعلیمی ایلوب نصیحت ایلیمه و غضبه باعث اولاندن بری متکلمک مرادینی اکلاموب ظنده خطا ایلیمیدر ایمدی متکلمه لازم اولان کلامنده مرادینی بیان ایلوب اجمال ایتکدن و یاد کلیمه اذا ویره جک کلامدن احتراز ایلیمیدر و سامعه دخی لازم اولان سویلمن کلامی قویجه دکلیوب تأمل ایلیمیدر و مؤمنه حسن ظن ایلوب کلامنی خطایه حل ایتیمک کړک واکر اول سامع کلامده شبهه و خطا بولوب تأویلمنی دخی ایلیمه و بویله ایکن ینه شبهه سی قالسه سویلیاندن سؤال ایلوب سوء ظنه عجله ایتیمه (و غضبه باعث اولاندن بری بر ضرری ایش ایشلمکدر نیکیم بر آدم بر صیده اوق آندقه بر انسانه و یا مالنه اصابت ایدوب تلف ایلیمه ایمدی بویله ایشه شروع ایدن کیمسه به کمال تجسس لازمدر و ضرری اولان آدمه دخی لازم اولان بودر که ممکن ایسه عفو ایلیمه قادر دکل ایسه امر شریعت اوزره تضمین ایتدیره یو خسه تهو رایتیمه (و باعث غضبیدن بری حب دنیا و دنیا به حرصدر مثلاً بر کیمسه بر غنیدن بر شئی طلب ایتدکه و یرمسه حب دنیا و حرص اتی غضبه کتورر اما اگر غضبی مجرد کلامنی رد ایدوب اجابت ایتدکلرندن او توری ایسه غضبی تکبردن و یا عجبندن حب دنیا دن دکل نیکیم بعض کیمسه پر مباح یا حرام شئی شفاعت ایلدکلرنده سوزی کچمینجه غضب ایدر تکبر و عجب جهشتدن (و سببک بری غدر در که بلا اذن عهدی بوزمغه دیرلر و آفات قلبک یکر می برنجب سیدر نیکیم ابو سعید خدری رضی الله عنهدن روایت اولنور که حضرت رسول الله پیور مشدر که * هر غدارک یوم قیامتده بر سنجاغی اولوب مقعدی قته قونوب یوقاری اوجی نقض عهدی قدر یوکسک اولوب خلائق مایینده تشهیر اولنور * و غدر حرام و ضدی اولان حفظ عهد واجبدر و اگر عهدی بوزمق اقتضا ایدر ایسه اعلام واجبدر (بری دخی خیانتدر و آفات قلبک یکر می ایکنج سیدر و بودخی حرامدر و ضدی امانتدر که واجبدر نیکیم حضرت انس رضی الله عنه روایتنده سول اگر صلی الله علیه وسلم پیور مشدر * لا ایمان لمن لا امانت له

بیان غدر و نقض عهد

بیان آفات خیانت

ولادین

ولادین لمن لا عهد له * معناسی امانتی اولمیانک ایمانی یوق و عهدی اولمیانک دینی یوق دیمکدر و امانت و خیانت فعلده اولدیغی کی سوزده دخی اولور نیکیم ابوهریره رضی الله عنه روایتنده رسول الله صلی الله علیه وسلم پیور مشدر * مشاوره سی طلب اولنان کیمسه امین اولمق کړک * و بر کیمسه علمسز فتوی و یرسه کاهی فتوی ویره نکدر که کلامده غیری به خیانت ایلیمیدر و بر کیمسه دین قرنداشنه طوغری ایشی بلور ایکن غیری به اشارت ایلیمه تحقیق اکا خیانت ایتش اولور و امام غزالی دیمشدر که بر کیمسه برسوزی سویلدیکنده صاغنه صوانه یا قنسه اول سوز امانت اولورانی فاش ایتیمک کړک صراط سویده بو آیت کریمه نک عمومی دلالتیله جمیع حقوقده امانته رعایتی واجبدر اول آیت کریمه بودر ان الله یا مرمک ان تؤدوا الامانات الی اهلها * معنای شریفی تحقیق الله تعالی حضرتلری سره امر ایدر که جمیع امانتلی اهلنه ادا ایدنه سر و سبب نزولی بودر که حضرت پیغمبر صلی الله تعالی علیه وسلم مکّه مکرّمه بی فتح ایلدیکنده عثمان بن طلحه رضی الله عنه بیت مکرّمک یوایی اولوب مفتاحی انک النده ایدی اصحاب طلب ایلدیلر و یرمدی حضرت علی رضی الله عنه مذکور عثمانی طوتوب اللربن آردنه یوکوب زورله مفتاحی الندن آلدی پس اول حینده بو آیت کریمه نازل اولوب حضرت رسول اکرم صلی الله علیه وسلم عثمانی کتوردوب سؤال ایلدی نیچون مفتاحی مانع اولدک ایتدی یا محمد سنی رسول الله اولدیغک بلمدم آنکیچون مانع اولدم دیدی رسول الله علیه الصلاة والسلام حضرت علی به امر ایتدی مفتاحی عثمانه و یردی الله تعالی بویله امر ایتدی خالده تالده سنک اولسون دیو پیوردی * عثمان دخی اول دفعه اسلامه کلدی و مفتاح انده قالوب اندنصرکه قرنداشنه بعده اولادنه بطنا بعد بطن و یرله کلشدر دیو تخریر اولمش (و باعث غضبیدن بری خلف و عدددر و آفات قلبک یکر می اوچنج سیدر و بونک ضدی عهدده وفادر و الله تعالی حضرتلری وعدنه خلف ایدنلره عتاب طریقیه کبر مقتا عند الله ان تقولوا مالا تفعلون * پیور مشدر یعنی عند الله

سزك قتي مبعوضكر اشميجك ايشي وعد وقول ايلوب اشميلريكردر
 وحديث شريفده ابوهريره رضي الله عنه روايت ايدر كه * منافق
 علامتي اوچدر اكر صاحبي نماز قباوب وصائم دخی اولور ايسه بری
 بوكه سوز سويلسه يلان سويلسه وعد ايلسه مخالفت ايليه وامانته
 خيانت ايليه حضرت عمرو بن العاص روايتنده رسول الله عليه الصلاة
 والسلام بيورر * بر كيمسه ده درت خصلت اوله خالص منافق اولور
 و بر كيمسه دنكه بودرتدن بری اوله تفاقدن بر خصلتي اولمش اولور
 تارك ايدنجيه دك امانت قونسه خيانت ايليه سويلسه كذب ايليه
 عهد ايلسه غدر ايليه خصومت ايلسه معصيت ارتكاب ايليه * ايمدی
 بر آدم بر شبي وعد ايلسه اكر نيتنده وعدنه خلف ايتك وار ايسه
 بالقصد كذب اختيار ايتسه اول وعد ايتسي دخی حرام اولور اما
 وفا نيتيله وعد ايتك جائزدر ولكن اكثر علماء من قتنده وعدنده وفا
 ايتك واجب دكل مستحيدر پس وعدنده خلف مكروه اولور كراهت
 تنزيه ايله بو حديث شريف دلالتيله كه رسول الله صلى الله تعالى عليه
 وسلم بيورمشدر * چنكه بر آدم وعد ايلسه ووعدنه وفاي نيت ايلسه
 بعده وفا ايتسه اكوابال بوقدر وامام اجد وتابعلری قتنده وعدنده
 خلف مطلقا حرامدر ايمدی بو خصوصده شبهه خلاف وآيت
 نفاق اولغله سالكه لازم اولان بودر كه محل خلافتدن احتراز ايلوب
 لايق اولان وجه اوزره وعدنده خلف ايتكدن پرهيز ايليه وعدنده
 صادق اولق ممدوح حق اولديغندن اوتوري حضرت اسماعيل عليه
 السلام حقنده الله تعالى * انه كان صادق الوعد * ديويورمشدر
 ووعدتك بياننده علماء مفسرين ديمشدر كه بر كيمسه ايله بر محله ملاقي
 اولغنه وعد ايلشدي پس حضرت اسماعيل محل موعوده واروب اول
 آدمي اوچ كون انده قتلاندي تاكه وعدنه خلاف چيقيمه ديويان
 ايلشدر (وغضبه باعث اولانلردن بری بر مهممه مشغول ويا برغم
 وغصه لي آدمه ويا بر محزون كيمسه به عرض حاجات ايتكدر وغضبه
 باعث صيدن و مجنوندن و حيواندن صادر اولان اوضاعدر مثلا

علامت منافق

صينك چوق اغلسي كبي ودلينك سو كسي وطوارك سور چسي كبي
 وكاهي اولور كه بوسيلردن غضبنك اولان كيمسه حيوانه سو كوب
 لعنت ايتكه وضرب ايتكه باشلر و بوايشلر انواع غضبك قتي قبيحيدر
 و بونك منشائي خبت طبيعندر (تكيم اخلاق علائنده بو محلي تفصيل
 ايدوب دير كه تهذيب نفس وتبديل خلق ايمان طائفه دن بعضيسي
 شول مرتبه سلطان غضبه تابع ودائرة عقل وفكردن منخلع اولورلر كه
 غضب افراد انسان شتم وضرب خدام و غلمان درجه سندن تنزل
 ايدوب حيوانات عجم كه جله حركتلى معقول ومناسب وموافق
 مراد مالك وصاحب اولق محالدر غضب وتهديد و شتم وضرب شديد
 ايلر بار كير مسكين ضعف هزال وسير على الاتصالدن در مانده وزبون
 ايكن ناكاه سورچوب دوشسه راسي غضب و جنونندن ضرب
 ومهرزول پهلوسني غرقه خون ايلرو ياناز يانه وچوپله كفلى يعنى صفر يسن
 مويدن بيرون ايلر ولعن انسان ذوات اهل ايمانه غايته لازم
 الاجتنابدر و شرع شريفده اندن منع عظيم وارد اولمشدر حتى برخاتون
 حضرت رسول الله عليه السلام ايله حج سفرنده ايدى ناكاه دوه سنه
 لعنت ايلدى حضرت پيغمبر عليه الصلاة والسلام غايت محزون
 اولوب فرمان ايلديكه بونا قه ملعونه بزمله همراه اولسون پس خاتونك
 اثواب وهودجن آلديلر و ناقه يي عارى يولده قيوب بيانه صالديلر
 (وبعض جهال كندى جهالتنى ختم وكندى كندويه شتم ايتكه
 شروع ايلوب بره فلان بن فلانك طواري ديوك كندويه ويا فلانك
 صانديغي ديويايي بي كاهه قذف نامشروع ايلر و بعض جهال
 بومرتبه دندخی تنزل ايدوب جهاد محضه شتم وضرب وادراك جزيدن
 بي بهره اولان اجسام ايله جنك و حرب ايلر كليد آچلر ايسه شكست
 ايتك ايچون اوسئنه بالطه صلاز ودولندي صارلر ايسه بره اوروب
 اوسئنه ديمهلر ايله چلار وقلم مرادي اوزره قطع اولر ايسه غضبندن
 شكسته ايدر ومدادى غليظ اولور ايسه دواتي بره اورر و بعض
 سفها كشتي نشين اولدقده باد مرادي اوزره استرايسه باده كه

امر حقه مأمور در پی کاهه شتم ایدوب سقط سویلر و بونک امثالی
افعال که فی الحقیقه ایشلینه سبب ضحك واستهزا و عجب در و بین
العقلا رسوا بلفنه سبدر وانی شجاعت اکلان جاهل و مغرور در وینه
طریقته دیر که بعضیلری کندی فعلنه غضب ایدر مثلاً سور چوب
دوشسه و یا کیمسه کندیینه احسان ایتسه کندی نفسنه سوکر و لغت
ایدر و بعضیلر کندی کندی ضرب ایدر بودخی محض جهالتدر اما
مذکور غضبلك الك يرامزى و قبیحی اولدر که الله تعالی حضرتلرینک
امرنده و نهینده الله تعالی حضرتلرینه غضب ایلله بیچون امر ایتش
و بانهی ایتش دییه و یا خود سنت رسولدن حضرت پیغمبر علیه
الصلاة والسلام غضب ایده و اکثری بو غضب برغیری شیئه غضبه
کلدیکنند نصکره و یا خود برغیری کیمسه الله تعالی نکره و نهی
بودر و رسول اللهك سنتی بودر دینلده ظهوره کلور اولکبسنک
مثالی شیخ زاده رحمه الله * و ما قدر و الله حق قدره * آیت کریمه سنده
تحریر ایدر که مدینه یهودیلرینک رئیس مالک بن ضیف برکون یهودیلر
ایلله حضرت پیغمبر علیه السلام مجلس شریفه کلدیکه بعض
مسئله صوروب الزام ایتک دعواسیله پس حضور نبی علیه السلامه
کلدیکنده رسول الله علیه الصلاة والسلام سؤال ایتدی مزبور مالکه
* طوغری سویله الله تعالی حضرتلری توراتده ان الله بیغض الخیر
السمین بیورمش میدردیدی معناسی بودر که الله تعالی تحقیق سمین عالمی
سومز دیمکدر مکر اول رئیس علمالری اولان مالک سمین پلبد ایدی پس
انکار ایتوب بلی الله تعالی او یله بیورمشدر دیدی همان قومی مالک
اوزرینه باقشدیلر اول دخی غضبه کلوب ما نزل الله علی بشر من شیء
دیدى یعنی الله تعالی بشره کتاب قسمندن برشیء کوندرمشدر دیو
توراتی دخی انکار ایتدی پس یهودیلر رئیسلری ایلله مجلس نبی علیه
السلامدن قالقوب کتدیکنده نه سوز سویلدک دیور رئیسلری مؤاخذه
ایلدیلر غضب سبیلله سویلدم دیدی انلر ایتدیله غضبه کلدیکه چونکه
دینکدن چیقارسک سن بزه رئیس اولچازسک دیو عزل ایلوب غیر یسن

حکایت مالک بن ضیف

نصب ایلدیله (وسته مثال روایت اولدیغی اوزره بردفعه هرون الرشید
مجلسنده حضرت پیغمبر علیه الصلاة والسلام قباق سود یکی
ذکر اوانوب سومسی سندر دیدکدرنده مجلسدن بری بن سوم دیو مخالفت
و عناد کوسترمکله امام ابو یوسف نطع دوشنسون و جلادکسون دیو
امر ایلدی ایددی بوندن فهم اولندیکه غضب که مخالفتدن نیجه مرتبه
یوقاریدر و نیجه کشی بی دینندن چیقارر بواجلندن رسول الله صلی الله
علیه وسلم بیورمشدر که * الغضب یفسد الايمان * وینه طریقته
دیر که اما کشی طاعته کاهلکنندن و معاصی به حرکتدن و یا خود بعض
نافله لری ترک ایتدیکنندن کندی نفسنه غضب ایلک و امور شاقه بی
تحمیل ایلک و یا خود عهد و نذر ایتک که بوندن بویله نفسی عبادته
جبر ایلله بو غضب مقبولدر غیرت دینه دندر کذلک معاصی و منکراتدن
برشئی کورد که غیرت زیر حیت دین ایچون غضب فی اللهدر و لکن
اعتدال رعایتی شرطدر پس قولده حد مشروعی تجاوز ایتک کرک
مثلاً بره کافر بره منافق بره زانی بره لوطی بره سارق دیمک کی زیر
بونلرک جمله سی حرام تهوور اولمش اولور بلکه سوککه محتاج اولورسه
بره جاهل بره احق دیه کذلک فعلده دخی حد مشروعی کچمیه مثلاً
ضرب شدید و یاره لقی و تلف نفس ایتک مرتبه لری اولمیه همان
معصیتدن کچمک و آیرمق ممکن اولمز ایسه ضرب ایلله اما ضرورت
مقدار نیجه ایدوب زیاده ایتیه بو خصوصده مختسبلردن چوغی خطا
ایدوب حددن آشورلر پس خیرلری شرلرینه دکر اولور (واخلاق
علائیده دیر که امام غزالی رحمه الله بیورر که سلطان حال غضبه
رعیت اوزرینه حکم ایتک روا دکلدر زیر غضب آدمی کندی
خلقندن اخراج ایدر پس جائزدر که حکمی ظلم و سیاستی جور اوله
مصنف رحمه الله اخلاق مزبوره ده دیر که حدیث نبوی و نور حکمت
مصطفویه رسول اکرم نبی محترم صلی الله علیه وسلم حضرتلری
* لا یقضی القاضی وهو غضبان * بیورمشدر چون غضب فنون
جنوندن برنوع واقسام سکردن بر قسمدر پس مجنونک عقد حکمی

فاسد و سکرانك بازار قضاسی **ك**ا سدد زيرا محل علم قلب و منزل
فكر دما غدر ايکبسی دخی تنك و طار و پرد خان و شرار اوليحق دقایق
عدل و علم و حکم انده نیجه ظاهر اولور و غضبك مضرت جسمانی
و روحانیسی بی حسابدر و گاه غضب فجأة مونه سبب اولور زیرا حرارت
غریزه قلبیه در و مرکب روح حیوانیدر غضب سببیه خارجه
متوجه اوليحق مرکزنده کفایت مقداری روح قالمیوب موت مفاجاه
حاصل اولور و بعض خلفاء راشدین حین غضبنده اقامت حد ایتمکدن
امتناع و تأخیر ایدر لر دی تا که حال غضبده نفسه انتقام حظی بولمیبوب
خالصا لله اجرای حق اولمش اوله نتکیم حضرت فاروقدن حکایت
اولنور که بر سکرانه ملاقی اولوب اقامت حد شرعی به متوجه اولد قلزنده
فخس و سقط و شتم و غلیظ سو **ي**لکه باشلدی فی الحال طره سنی
قالدرمش ایکن بنه اور میوب ایندردی بومعنا بی ملاحظه بی وروب
تأخیر ایلدی و عمر بن عبدالعزیز بر کیمسه به تعذیر امر ایتد کده اشکاره
فخس و شتمه باشلدی پس تعذیردن فراغت ایدوب اگر بی غضبه
کتور مییدك سنی تعذیر ایدردم دیمشرو اخلاقده دیر که امزجه بشریه
قبول غضبده برابر دکلدر بعضنك مزاجی کبریت و بارود مقوله سیدر که
بر شرر طوقنغه **ل**ه پارل بومزاجك صاحبی انتقامی موجب برکله اشنسه
و یا مشاهده ایتسه فی الحال متألم اولوب غضبی علولوب نصیح و پند
دکل بلکه قید و بندله دخی دفع اولمز و بعض مزاج روغن کیه در که
بر آتش اصابت ایلسه درون تابه ده بر آزار و غلیبان ظاهر اولوب
بعده طوتشسه کرک کبریت و بارود کبی تیر دکلدر و بعض مزاج قوری
اودون کبی یا شمسی و طوتشمسی اسان اما روغندن نیجه مرتبه اشاغی در
و بعض مزاج یاش اودون **ك**بی یا شمسه سی مدت و خدمت استر اما
طوتشد قد نصکره ادنی فراغتله منطقی اولمز و بومرتبه اخیر عاقل حلیم
و وقور سلیم کیمسه مثالیدر و باعث غضب علی التدریج جمع اولمغه
بوقوت برلشسه کرکدر اول سبیدن حدیث رسالت پناهیده * ایاکم
و غضب الحلیم * دیو وارد اولمشدر کذلک حدیث شریفده وارد

بیان امزجه بشریه

بیان مقام حلم

اولمشدر که انسان غضب خائنده بر نیجه طبقه در بری اولدر که غضبه
کچ کلور وینه تیز کچر و پریدخی اولدر که غضبه کچ کلور اما کچ کچر
پریدخی اولدر که غضبه تیز کلور تیز کچر پریدخی اولدر که غضبه
تیز کلور اما کچ کچر و بواقسامك افضل اولکبسیدر و اقبحی قسم اخیردر
زیر اصفت غضب چونکه مذمومدر هر نه قدر قلیل اولور سه مذمومدر
(بشبحی مقام حلم بیاننده در) حلم انکادیر لر که غضبی هیچ حرکت ایلوب
سکون نفس اوزرینه اوله و بو خصلت کمال عقله و قوه غضبك انکسار نه
و عقله مطیع اولماسنه دلالت ایدر و بو حلم تحملدن افضلدر زیرا تحمل
غضب حرکتدن نصکره انی یوتقنغه دیر لر که کظم غیظدر بوايسه
زیاده مجاهده استر تا که غضبن باصدیره پس بو محمله اوچ مقصد
وارددر (اولکی مقصد حلمك فائده لر بی بیاننده در بودخی در تدر اولکبسی
الله تعالی نك محبتدر نتکیم عایشه صدیقه رضی الله تعالی عنها حبیب
اکرم صلی الله تعالی علیه وسلمدن روایت ایدر غضب ایتد کده حلم ایدن
کیمسه به الله تعالی نك محبتی واجبدر و فاطمة الزهرا رضی الله عنها
روایتنده پیورر الله تعالی پر هیرو حیا صاحبی اولان حلیمی سور و ابرام
ایدوب فخس سویلینی سومنز (ایکنجی فائده سی زینت اولوب محمد علیه
الصلاة والسلامه مطلوب اولماسیدر نتکیم ابن عیینه روایت ایدر که
حضرت پیغمبر صلی الله تعالی علیه وسلمك دعاسندندر * اللهم اغنی
بالعلم وزینی بالحلم و کرمنی بالتقوی و جلنی بالعافیه * اوچنجی فائده سی
علمه قرین اولماسیدر و یا انکله معامأ مور اولماسیدر نتکیم ابوهریره
روایتنده پیورمشر علمی طلب ایلوک و علمله سکینت و حلمی طلب ایلوک
و تعلیم ایتدی ککز کیمسه به و تعلم ایتدی ککز کیمسه به ملائمت ایدك و علمانك
جبار سندن اولماك تا که جهلکز حلمکزه غالب اولسون در دخی فائده سی
رفع درجات و شرف بنیان تحصیلیدر نتکیم عباده بن * صامت روایتنده
پیورمشدر اکاه اولك سزه خبر و یریمی الله تعالی سزك بنیا نکری
جنتده نه ایلله عالی و شریف ایلر و درجا نکری رفیع ایلر بلی یا رسول الله
خبر و پریدیلر پیور دیکه جاهل اولانه حلیم اولك سزه ظلم ایدنه عفو

ایده و محروم اولانه اعطا ایدک و سزدن کسین صله ایلوک ایکنی مقصد
حلمک ثمراتی بیانده در یعنی حلدن لین و رفق حاصل اولوب ینه انک
فواندی وارد که بشدر اولکبسی جهنمک حرام اولما سیدر تکیم
ابن مسعود رضی الله عنه سرور کائنات علیه افضل الصلواتدن
روایت ایدر که پیور مشدر سکا خبر و بریمعی جهنمک **کیم** حرام اولور
و کیم جهنم حرام اولور هر مرد غریب که سوزنده و فعلنده ملایم اوله
ایکنی فائده سی یمدر تکیم عایشه صدیقه رضی الله تعالی عنها روایتده
پیور مشدر رفق یمدر یوغونلق شومدر اوچنچی فائده سی خبردن
محروم اولما مقدر تکیم جریر روایتده پیور مشدر که رفقدن محروم اولان
خیردن محرومدر دردنچی فائده سی رفق صاحبزه زینتدر بشنچی فائده سی
الله تعالی حضرت نرینک محبتی در تکیم عایشه صدیقه رضی الله تعالی عنها
روایتده پیور مشدر هر شیده که رفق اوله اکا زین و پر و هر یردنگه
رفع اوله اکاشین و پر و مشارقه مذکوردر که بردقه حضرت پیغمبر
علیه الصلاه والسلامه یهودیلر کلوب السأم علیک یا محمد دیدیلر
حضرت عایشه انده موجود ایدی بو سوزدن غضبه کلدی ز براسام موت
معنا سنه در پس بونلرک کلامی رد ایچون (السأم علیکم و غضب الله
واعنه) دیدی حضرت عایشه نک بو کلامدن حظلمنیوب * علیک
بالرفق فان الله رفيق يحب الرفق * دیدی دیمک اولور که ای عایشه
رفقدن و کوزل سوزدن آیرله الله تعالی حضرت تیری رفق ایدیچدر
رفق ایده تی سور عایشه صدیقه ایدی یانه دید **ک**لرینی اشدکی
یا رسول الله بلی اشدیم ولیکن علیکم دیمکه انلرک کلامی رد اولوردی
زیاده یه حاجت یوغیدی پیوردی ایمدی بودخی رفقک مرغوبیتنه
و فضیلتنه دلالت ایدر (اوچنچی مقصد حلمک طریق تحصیل بیانده در
پس حلمی اولمیان کیمسه ابتداء تحمل ایلیم یعنی کندی نفسنه حلمی جبر
ایلیوب غضبی دفع اتمده ده تکلف ایلیمه تا که واره واره عادت و طبیعت
اولوب حلم حاصل اوله و بو خصوصده ابوالدردا حضرت پیغمبردن
حدیث شریف نقل ایدر که پیور مشدر حلم تحمل ایلیم و علم تعلم ایلیم

حاصل اولور و بر کیمسه که خیری اختیار ایلیمه اعطا اولنور و بر کیمسه که
سزدن صاقنسه الله تعالی حضرت تیری انی حفظ ایلر و بعض سلفدن
منقولدر دیمشکه بر دلی مردار غضبتک کیمسه ایلیم نیچه زمان ساکن اولوب
انک اذاسنه صبر ایتدم و طارلندیغم وقت یوتقندیم حتی ملکه صاحبی
اولوب حلیم اولدم و اخلاق علائیده یزار که سقراط حکیمه ابناء دولتدن
کیمسه لر قیر و یرمکه راغب ایکن بر بد خوی و ناجنس دلزار خاتون
اختیار ایدوب الیدی تا که اول دلزارلک ایتدیکجه و غضبه کتوردیکجه
غضبن یوتقنوب حلم خصلتی تحصیل ایده یم دیوبو حکیم کامل انی
اختیار ایتمش (صاحب طریقت دیر که هر بر خلق حسن تواضع اولسون
شجاعت اولسون سخاوت اولسون هب بو یوزدن تحصیل اولنور
یعنی نفسنه جبر بو خصلتیری اظهار ایتدیکله خلق حاصل اولور
و هر یرامز خوبی کیمدر مسنه بو یوزدن تکلیفه سعی ایلیم و ضدیله
حقوق چوق عمل ایتدیکله زائل اولور (منکرات قلبک یکریمی دردنچبسی
رب العزته و مؤمنینه مجرد وهم و شک ایلیمه سوء ظن ایلکدر بو ایسه حرامدر
الله تعالی حضرت تیری قرآن عظیمده * یا ایها الذین آمنوا اجتنبوا
کثیرا من الظن ان بعض الظن اثم * پیوردی معنای شریفی ای شونلر که
ایمان کتوردیکر ظنک چوغندن اجتناب ایلیمک تحقیق بعض ظن
وبالدر قاضی بیضاوی بیض الله وجهه بو آیت کریمه نک تفسیرنده
دیر که کثیرک مبهم اولسی هر ظن اولنان ظنده دوشنوب اهتمام ایتدیک
ایجاب ایدر تا که ظنک قنغی قیلندن اولدیغی ییلنه زیرا ظن واردر که
اکا تابع اولوق واجبدر مثلا عملیاتدن دلیل قطعی بولنمیان یرده والله
تعالی حضرت تیرینه حسن ظن ایلیم کی و ظن واردر که اکا تابع اولوق
حرامدر الهیاتده و نبواتده و دلیل قطعی یه مخالف اولان یرده یعنی
الله تعالی حضرت تیرینک ذات و صفاتی بلده و پیغمبر یمز علیه الصلاه
والسلامک رسالتی بلده ظن جائز دکادر همان اعتقاد قوی لازمدر
و مؤمنلره دخی سوء ظن بو حرام قیلنددر قطعیمه بیلدیکجه ظنله
بر مؤمنی منهم ایتدیکر آیت کریمه ده اندن اجتنابله امر اولمشدر و ظن

وارد در که اکا تابع اولی مباح در امور معاشیه کی انتهى کلام القاضی
اما امور معاشیه تبعیت مباح اولدیغی نه نك کی بر دفعه رسول الله
صلی الله تعالی علیه وسلم کوردیکه اصحاب کزین خورمانک ارککندن
بهار قیروب دیشمسنه ضم ایدوب اشلار ایمشلتا که میوه دار اولسون
اصحابه ایتدی شونی شویله ایتسه کز انلردخی برسنه ایتدیلر اولقدر
میوه سی اولدی کلوب سرور کائنات علیه افضل الصلوات افدیمره
واقع حالی عرض ایتدیلر اول دخی سزده بلدیکنز کی ایلدوک * اتم
اعلم بامور دنیا کم * پیوردی یعنی سز دنیا کز امورینه اعلم سکن یعنی
کندینه وحی اولغیان برده واکریندن سؤال ایدر سکن دیانت و آخرت
امرینی سؤال ایدک دیمکدر ایددی بوندن دخی فهم اولندیکه معاش
دنیویده اولان ظنه تبعیت مباحدر (کلک طریقت کلامنه دیر که سوء
ظنک حقنه احادیثدن بری ابوهریره رضی الله تعالی عنه حضرت نلری
روایتیدر که حضرت رسول الله صلی الله تعالی علیه وسلم پیورمشدر
ظندن صفتک زیرا ظن سوزلک قتی یلانیدر و تجسس عیوب ایلوب
اراماک و بغض و حسد ایلک دون همت اولوب آردیکزه کتمک اخوان
اولوب تکرینک عبادی اولک الله تعالی حضرت نلری امر ایتدیکی اوزره
مسلم مسلمک قدراشدیر ایددی لایق اولان بودر که کشی قدراشنه ظلم ایلله
دخی تحقیر و تخفیف اتمیه تقوی بونده در دیو حضرت اوچ کره کوکسنه
اشارت ایلدی و بر حدیثده مسلمک مسلحه قاتی حرام و عرضی حرام
ومالی حرامدر الله تعالی سزک بدنکره و صورتکره و اعمالکره نظر اتمز انجق
قلبکره نظر ایدر که بره مؤمن قدراشکره قلبکره نه فکر بکر وار و بر روایتده
بری بریکزک پازارینه کوروب متاعک بهاسنی زیاده ایتک و امام بخاری
روایتده بر رجل بر غیرینک دیلیدیکی خاتونی طلب ایتسون تا یانکاح
ایلله و یاترک ایدنجه دیو بومرتبه مؤمنه مؤمنک حقن کوزتمک سپارش
اولمشدر اما اول کیمسدر که آشکاره اهل معصیت و اهل فسق اوله لر
و یا خود ظن غالبی افاده ایدر فسق قرینه لری اولان کیمسدر کز ایجه فسق
ایدرلر ایسه بزم اوزریمزه واجب اولان بودر که بوقسم طائفه به الله

بغض ایده رز و بوسوء ظندن دککدر ایددی مؤمنه لازم اولان بودر که
فسقه دلالت ایدر قرینه لری ترک ایلله اگر فسق بوعسه دخی زیرا هم
خلق سوء ظنه دوشور و هم کندیسین منهم ایدر مثلاً فسقه هیئتیه
کیروب لباسین و صارغین انلره تشبیه دن و ایرلامقدن و چاغر مقدن
و بالجمله اهل فسق علامتلرندن رهیز کار اولق صلحا شاننددر اما
ظاهر فسق و علامتی اولیان مؤمنه سوء ظن ایتک دخی حرام اولر
مادامکه اثری کوککدن طشره ظهور ایتدیکه (سفیان ثوری رحمه الله
دیمشدر که ظن ایکیدر بریسی ککادر که بر مؤمنه بغیر حق سوء ظن
ایده سک وانی سو یلبه سک) و ایکنجی قسمی سوء ظن ایده سک اماانی
اصلا دیله کتورمیه سک و مختار اولان کلامی بودر تکیم حسد باینده
ذکر یکندی (وسوء ظنک ضدی الله تعالی حضرت نلرینه و مؤمنینه
حسن ظن ایلکدر پس اولکبسی که الله تعالی به حسن ظن اوزره
اولق مؤمنه واجبدر تکیم بیان اولندی و بو خصوصده جابر رضی
الله عنه رسول الله علیه الصلاة والسلامدن حدیث شریف روایت
ایدر که حضرت پیغمبر علیه الصلاة والسلام * سزدن بریکز اولسون
الار بکره حسن ظن ایلسون پیوردی * و ابوهریره رضی الله عنه روایتده
احادیث قدسیه دن بر حدیثنده رسول الله علیه السلام دیمشدر که
الله تعالی حضرت نلری پیورمشدر * بن قولک ظنی قتندیم * و کذلک
ابوهریره روایتده حضرت پیغمبر علیه السلام پیورمشدر که * حسن
ظن حسن عبادتند * و وائله رضی الله عنه روایتده رسول الله علیه
السلام حدیث قدسیه دن بر حدیثنده دیمشدر که الله تعالی پیورر که
* بن عبد مک بکاظنی قتندیم اگر خیر ظن ایدر ایسه آنکیچون خیر
اولور و اگر شر ظن ایدر ایسه شر اولور * و ابن مسعود رضی الله عنه
روایتده پیورمشدر که * اول الله حقیچونکه اندن غیر تکرری بوقدر
بر قول ربسنه حسن ظن ایلز الا الله تعالی حضرت نلری اول قولنه ظنی
و برسه کر کدر زیر اخیرید قدرتنده در و ابوهریره روایتده پیورمشدر که
الله تعالی حضرت نلری بوم قیامتده بر قولنی جهنمه کتورلسنی امری

ایلدیکنده تمام جهنم کارنه کلدیکنده درگاه رب العزته قسم ایدوب
 دیه که یارحیم و یاغفور دنیاده سنک رحمتک بوللغنی ییلوب سکا حسن
 ظن اوزره اولدیغم معلوم عزتکدر دیونیز ایتدکده الله تعالی دن
 خطاب کله که قولی جنته دوندرک بن قولک ظنی قتندیم* اما
 ایکنجیسیکه مؤمنله حسن ظن ایلمکدر مشکوک اولان یرده وعداتی
 ظاهر اولان یرده مؤمنه حسن ظن ایتک مستحیدر و بویله یرلده فساد
 حل ایتک حرامدر (شیخ شعراوی رحمه الله من نام کابنده دیر که عبد
 مسلمینه حسن ظن ایتکه صالح دکلدر مادامکه کندی باطنی اخلاق
 رذائلدن پاک ایلیمه زیرا بر کیمسه نک سیرتی پر از اوله دنیاده و آخرتده
 پر از لغه باعثدر پس سیرتی صاف اولمیان کیمسه کندی نفسنه وصفاته
 قیاس ایدوب سویلر و سوء ظن ایلر بولکلامی ایراد ایلد کدنصرکه
 شیخ نصیحت یوزندن دیر که ای قرن داش اگر مؤمنله حسن ظن
 ایدنلردن اولایم دیرسک اولاباطنی رذائلدن پاک ایلیمه والا قیاس نفسدن
 خلاصه مجال یوق زیرا اگر فرضا بر اجنبیه یه زنا ایتکه میل و محبتک
 اولسه و فرصتی بولامیوب غیر کیمسه بی اول اجنبیه ایلیمه خلوتده
 و یاسوقاقده سویلشور ایکن کورسک اول کیمسه بی کندی نفسک
 صورتنه و تقاضاسنه حل ایدوب سوء ظن ایتک مقرر در اما اگر سن عکس
 اوزره اولیدک انی حسن حاله حل ایدردک نفسکه قیاسا ایمدی باطنی
 کاهدن پاک ایدنهک حالی اول کیمسه نک حاله بکزر که الله تعالی
 حضرتلری عنین یرادوب جماع لذتن یلر اوله اگر اجنبیه ایلیمه خلوت
 دخی ایلیمه کوکلمنه بر پر از شی خطور ایتیز و شیخ افضل الدیندن نقل
 ایدر که برانسان بالغی صتو بازار چارشوسنده کرر ایکن کوررایسک
 و خلق جمعه نمازنده ایکن سن انی بر عذر شرعی یه حل ایلیمه یاخود
 بر عالمی و یا بر صالحی ظلمه دن مال آکورا ایکن کوررایسک سن انی آشکاره
 حل ایلیمه که انی فقرایه بذل ایدر طریق شرعی ایلیمه و کندی اندن یمز
 و بر شخص کورسک که بر خاتونله فسلده شور سن انی شوکا حل ایلیمه که
 انک زوجه سی و یا محارمنددر یاخود فتنه سی خوف اولمیان خاتونلردن

اولی اوزرینه حل ایلیمه سوء ظندن اجتناب ایدیمه لیکن باطنی
 تطهیر دینصرکه اولی کر کردر دیوقید ایلیم (منکرات قلبک یکر می
 بشنجیسی تطهیر و طیره دخی دیرلر که بد فال طوتمق معناسنه در بودخی
 حرامدر و حرمتنه دلالت ایدر حدیثدن بری ابن مسعود رضی الله عنه
 روایتدر که حضرت پیغمبر علیه افضل الصلوات بیورمه شد که
 طیره شرکدر یعنی بر شئی شره علامت ایتک طوشانک یول آشوری
 کیمه سنی شره علامت ایتدکدری کی و بونک علاجی توکل ایلیمه اولور
 و بر حدیثنده حضرت رسول الله* هامه و صفر یوقدر* دیو بیورمه شد
 هامه کیمه ایچنده اوتن بایقوشه بکرز قوشدر عربک زعمی بوایدیکه
 انتقامی النیمان مقتولک روحندن حاصل اولور و صفر عربک زعمی
 اوزره بر یلاندن انسانک قرننده اولور آج اولدجه انسانی اصرر دیرلر
 و بر روایتده حبیب اکرم صلی الله علیه وسلم بیورمه شد* عیافه یعنی
 قوش اور کتمک و باقق صاغه می کیدر صوله می کیدر و طرق یعنی کاهنک
 کوچک طاشلر ایلیمه ضرب ایتسیدر و بوایکیمی سحره اعمالنددر
 دیمشلر و ابن عمر رضی الله عنه روایتده رسول الله صلی الله علیه وسلم
 * بر مرضک سرایتی یوقدر فرس و مره و داردن غیریده شر و ضرره
 بر علامت یوقدر بیوردی و ابن عمر بر روایتده دیر که حضرت محمد علیه
 السلام اوکنده بر شیده اوغور سزاق اولسنی مذاکره ایلدیلر
 حضرت پیغمبر علیه السلام بیوردیکه فرضا واریسه ده اوغور سزاق
 آتده و عورته و دارده در و بواوچنده اولدیغی صورتده ینه سرایتی
 طبعی دکلدر انجق ضرر عین کبی مؤثر حقیقینک وضع ایتدیک
 بر خاصه نک اثریدر و انس رضی الله تعالی عنه روایتده کلشدر که بر آدم
 حضور نبی یه کلوب ایتدی یار رسول الله بزراوده ساکن اولوردق انده
 ایکن اهل و اولادیمز و مالیمز چوق ایدی شمدی بر غیری داره نقل
 ایلدک انده عددمز آز اولور مالیمز دخی قلیل اولور نه بیورر سکر
 یار رسول الله دیدی حضرت پیغمبر علیه السلام ذروها ذممه* بیوردی
 معناسی اول داری مذموم اولدیغی حالده ترک ایدک مقدمات حدیث

شریفه طیره مطلق شرک علامتیدر دیو ذکر اولمغله بوا یکی حدیث
متناقض اکلانور پس علمانک بعضیلری بواوچ شبنده شوملغی تطیر
معناسنه طونموب دیمشکرکه عورتک شوملغی بد خوبلغی ویا آغر
نکاحی ویا طوغرمدیغیدر وآنک اوغرسزلغی شرکشلکیدر واولک
اوغرسزلغی طارلغی بانامرد بد قو کشیلغیدر (و کمال پاشا زاده قولنده
اولک اوغرسزلغی ایچنده عبادت اولمدیغیدر دیو ذاهب اولمشلر
و علمانک بعضیلری بواشیایی بومعنازه جل ایتیموب دیمشکرکه الطیره
شرک حدیثندن بواوچی تخصیص اولمش یعنی بواوچده اوغرسزلغی
مقرر وانلرایله تطیر شرک دکلدر غیر یلرنده اوغرسزلغی یوقدر
وبونلرک شوملغی الله تعالی حضرتلرینک اذنبه اولوب زهر مثالی
انلرده خاصیت قونمشدر اذن حقله سرایت ایدر کندی طبیعتیه دکل
حکمانک ذاهب اولد قلمری کی کذلک حدیث شریفده * فر من
المجدوم کما نفر من الاسد * یورلش دیمک اولور که جذاملی آدمدن برنجی
حیواندن قاچدیغک کی قاچ وبرروایتده * لایورد مرض علی مصحح *
یعنی خسته دوه صاغ دوه لایچنه کتورلسون دیو یورلش ینه غیری
حدیثده لاعدوی یورلش یعنی هیچ بر اصل تأثیر یوقدر ورسول الله
علیه السلامک مجذوم آدم ایله طعام یدیکی وارد و بوحدیثلرک بینی
نیجه توفیق اولنوردینلورسه پس علمانک اکثری دیدیلرکه اول ایکی اولکی
حدیثکه جذامدن قحرق و خسته حیوانی صاغنه قائمقدر صیانت
اعتقاد اوزره جل اولمشدر طاعونده اولدیغی کی یعنی جذامدن
ویاطاعوندن قحمدیغی صورتده کندیینه سرایت ایلسه اول سرایتی
باذن الله بلیوب واول مرضلر الله تعالی حضرتلرینک خلقیه و مؤثر
حقیقینک تأثیریه اولدیغی اکلایوب کندی طبیعتیه سرایت ایتدیکنی
اعتقاد ایتیمک اچلیچون فرار ایله امر اولمشدر زیرا بوا اعتقاد محض
شرکدر الله تعالی حضرتلرینک صفات الوهینندن بری خلق ایتیمکدر
انده شریک قوشمق ذائنده شریک قوشمق کبیر ایتدی بوحدیثلر
سرایتی الله تعالیکنک خلقیه اعتقاد ایتیملری شرکدن صافمق ایچون

وارد اولدی بواجلدن کمال پاشا زاده (ان القرف من التلف) حدیثی
تحقیقنده امام طحاویدن نقل دیمشدر برآدمک اعتقادی اولسه که
جیع اشیا الله تعالی حضرتلرینک خلقیه در اکاطاعونه کیرمک وچقمق
ضرر ویرمز دیمشدر اما بوحدیث مذکور بو کلامه مخالفدر زیرا سبب
ورودی بودر که بر قوم کلوب پیغمبر عز حضرت محمد علیه السلامه
دیارلری طاعونلی اولدیغندن شکایت ایدوب برچاره اراد قلمنده رسول
اکرم صلی الله تعالی علیه وسلم * اول دیاری ترک ایدوب کیدک
زیرا قرف تلفدن یعنی طاعونه یقین اولمق تلفدندر * دیو یورمش
وحضرت عمر رضی الله عنه طاعون اولمغله شامه کیرمدیکی مشهوردر
وانک اعتقادی کمال اوزره ایکن واشباهده نقل ایدر که بزازیده دیمشدر
بر زلزله یه باشلقدده اودن صحرا یه قاچق مستحیدر پس بو کلام افاده
ایدر که بر شهره طاعون کیردکده دخی اندن قاچق جائزدر اما
صحیحندن نقل اولنان حدیث شریفده که پیغمبر آخر زمان علیه
صلوات الرحمن * حقن بر پرده طاعون اشنسه کز اول بره کیرمک وانه
بولنورسه کز چقماک * دیو یورمشدر واین ملک دیر که فتنه خوفندن
خلقک اعتقادی صیانت ایچوندن ناکه اولمیری طاعونی کورملرندن
وصحقی قاچملرندن اعتقاد ایلسونلر کادک طریقت کلامنه و علمانک
بعضیلری دیرلر که لاعدوی حدیثده منی اولان بالطبع سرایت
ایتمسیدر بوخسه الله تعالی حضرتلرینک اذنبه وخلقیه سرایت
ایتمسی منی دکلدر تاکه هم احادیث بینی توفیق اولنوب وهم اطبانک
قوللری مابینی توجیه اولمش اوله زیرا طبیعیه اتفاق ایلمشدر که یدی
مرض واردر که سرایت ایدر اوکی جذام ایکنی کچیک و او یوز
واوچنجی کچیک و دردی قیراموق و بشنجی اغز قوقسی والتنجی کوز
اغریسی ویدنجی امراض و بایئه در و امام تورپشتی رحمه الله بوقولی
مقبول طوتوب اختیار ایلمشدر فقیر ایدرین اکثر علمانک دخی کلامنده
بوقولک مقبولینه اشارت وارددر زیرا احادیثی صیانت اعتقادده جل
ایدرلر و بوا امر اذک اذن حقله عادت اولان سرایتی نفی ایترا نچق

حکماء جاهلیه اعتقاد نجه الله تعالیٰ نیک اذنه وخلق ایتسه قائل
اولمفسرین بونله طبعاً تأثیر ایدر اعتقادینه ذاهب اولسونلر
ایچون صیانت و حکماء اسلامیة اعتقاد نجه الله تعالیٰ حضرتلر نیک
اذنله وخلقله عادتاً سرایت ایتک محقق و مثبتدر دیمکه راجعدر نیکم
شرح مشارقه (لایورد مرض علی مصحح) حدیث شریفی تحقیقنده
ابن ملاک بویکی علتله اشارت ایتشد و فقها دیمشدر که بر کپسه
بر صبی پی غصب ایدوب طاعونلی یه کتوروب صبی مطعوناً کتسه
کتورندن دیت حکم اولور و اشباه و نظائر نام کاب معتبرده دیمشدر که
طاعوندن دوا ارامق و علاج ایتک شرعیدر و لکن زمانه مرک طیبیلری
اندن غافلدر که اصلاً طاعونلی آدمه یا شمشیر قتلرنده حرام مقوله سی
بر معنادر و بوعتقاد لری خطادر لازم اولان بودر که اطباء کاذقلری
وصیت ایلد کیری اوزره و با ایامنده مسهل شربتله کنبدنی پاک
ایلیوب چوق یمکدن و ریاضتدن صفتوب مزاجنی اعتدال اوزره
طوتوب حمامه و ارسه چوق الکیمیه و آغر خدمتله یا شمشیر و جودنی
اضطرابه دوشور و بوب سکون و راحتله مداومت ایلده و عقونلی
هوادن اجتناب ایلده و رئیس اطباء ابوعلی سینادن نقل ایدر طاعونک
بدنده ظهوری قتنده ابتدا علاجی نیست اوروب قان آقمتقد و تأخیر
ایتمک کرک زیرا قان او بوشوب اقر اولور پس بویله اولیجق یاچسه
شبشه ایل قان آلهل اما اگر تأخیر اولور ايسه اول قانک او بوشماسی
تافلده سرایت ایدوب علاجی ممکن اولماز (وطاعونک علاجی قابض
و بارد شبتله صارمق و بغلق کرک مثلاً سرکه ایله اوستویج یاخود
کل یاغی یاخود المه یاغی یاخود مرسین یاغی کبی شیلر ایله باغلیه لر
بومحله و ارنجه دك اشباه کلامیدر اما طریقتده دیر که طیره نك ضدی
فالدر که مراده موافق بر کوزل سوز اشمک یا صلحادن برینی کورمک
و یا ایام شریفده برینه ایر شمت کبی بونلری مبارک عد ایتکه فال دیر
ایمدی بویوزدن فال طومق مستحیدر و دایملرندن بری انس رضی الله
عنه روایتدر که سرور کائنات علیه افضل الصلوات * عدو و طیره

منوعدر اما بنی فال مسرور ایدر دیدیلر اصحاب فال ندر یا رسول الله
دیدکلرنده سعادته پیوردیکه بر کله طیه اشمکدر نیکم حضرت انس
رضی الله عنه نقل ایدر حضرت پیغمبر علیه الصلوة والسلام ایله
بر حاجتله بوله چیقیدر غمزد یاراشد یا نجویج کله لرینی اشدیکند
مسرور اولوردی و کیه عد اولور بر شبتی کوردکده بود عای
او قومنی امر ایتشد (اللهم لایأتی بالحسنات الا انت و لاحول و لا قوة
الا بک) پس بویوجه مشروح اوزره اولان فالدله الله تعالیٰ حضرتلر نیک
جانبندن بشارت و خیر و حصول مراد طلبندن غیر غایبه حکم ایتک
و تطیر ایتک کبی قانون شرعه مخالف نسنه اولمغله مقبولدر اما فی زماننا
قرآن فالی یاخود دانیال فالی و امثالیکه غیبدن خبری و قرآن عظیمله
تطیری متضمن اولد قلمی سبیدن اکا فال دینر بلکه استقسام ازلام
قبیلندن اولسبیله استعمالنه و حقیقته اعتقادینه هیچ بر حالله رخصت
بوقدر و استقسام ازلام جاهلیت زماننده مابینلرنده حکومت ایچون اوج
حصه تقسیم ایتد کیری قلملردر و حکومتلری بر کپسه بر شبتی حکم مراد
ایتدکده اوج قلمک برینه بکاریم امر ایتدی و برینه نهی ایتدی یا زوب
و برینی بوش البقوبوب بعده کیف ماتفق ایچندن برینی آلوردی اگر
امر باز یلان قلم چیقسه اول عملد یا پشور ایدی و نهی قلمی چقسه یا شمشیر
ایدی و بوش چیقسه تکرار قارشیدر بوب چقاردی پس بوکام شابهت
اولمغله * انه لقول فصل وما هو بالهزل * قول کریمی مقتضاستحه
منع اولمشد و عذاب آتی کورسه تطیر معناسی بونلور پس بواجلدن
بومحله امام برکوی نعوذ بالله تعالیٰ دیوب بو خصوصده الله تعالیٰ به
صغمتشدر و دیمشدر انجق فال مراده موافق اولان کله ایله تین و تبرکدر
سلام و سعید و سعادت کله لرینی اشمک کبی و صلحایی کورمک و بوکا
بکرر مبارک شیلردن اوغور و مبارک لک طوتناق فالدر زیرا بونلرده
تطیر بوق و غایبه حکم دخی بوق انجق حسن ظندن ناشی بر توجهدر
(آفات قلبک بکرمی التجبسی بخلد و بخل اکادیرلر که شرعا اوزرینه
مال جهتندن واجب اولاتی و مروت یوزندن قادر اولدیغنی و برمه

فرضا بر آدم اوزرینه واجب اولان زکوتی ویرسه امامروت جهتندن لازم اولانیکه اقر باسنیدن وقو کشیلرندن فقرایی اطعام و ضیافته بهرمند ایلمسه ینه بخیلدر ومروت اشخاص وازمان ایله وحالات ایله مختلفدر مثلاً برفقیر آدم برجزئی نسنه بی ویرمک مروته مانع اولمز اما غنبنک مروته مانعدر (صاتی و بازارده قتی تدقیق ایتک یعنی بجه واریجه وزیاده حساب ایتک مروته مانع دکل انجیق کفن و قربان المقده تدقیق ایتمک کرک بلکه بهاسنی زیاده جه ویرمک کرک تاکه بخیللکدن قورتلله و ضیافتلرده اینجه اینجه طبق ایشلرینی ایتک صاحبک حالته کوره اولور ایسه قایرمن اما قدرت واریکن قلت اوزره ایدر ایسه مروته مانعدر و بالجلله مروته برحد معینی یوقدر لکن عقل صحیح ایله معلوم اولور حتی شاعرك هجوی خوفندن غنی عرضنی صاتون المی ایچون براز مال ویرمز ایسه بخیل اولمش اولور و ویرمسی واجب دکل ایسه ده زیر پیغمبر آخر زمان علیه صلوات الرحمن * ماقی به امره عرضه فهوله صدقه * پیور مشدر دیمک اولور که نه شبهله کشی عرضنی بکار ایسه اول شیء اکا صدقه در حاصل کلام مال فائده ایچون طوتلور ایمدی بریده که فائده امید اولنور انده مال بذل اولنمی کرک اما بخیل قتی پرامزی اولدر که ایله یدر مدیکندن غیری کندی دخی یمه و کیمیه و بوقسم بخله شیخ و صاحبنه شیخ دیرلر (یکرمی یدنجیسی اسرافدر واسراف اکا دیرلر که شرعا و مروته برمالی طوتمق واجب اولان یرده طوتمبوبائی بذل ایلمسه سک ومروت غیری بی ممکن اولدیغی مقداری فائده لندرمکه بررغبیت صادق در وقتوت مروتنن اخصددر زیر افتوت بذل فائده دن غیری اذایی منع ایلیوب ذللدن کچمک و عورائی ستر ایتمکدن عبارتدر و بخیل واسرافدن هر بری شریعتیه مخالف اولان یرده حرامدر و مروته مخالف اولان یرده کراحت تنزیله مکر و هدر و بویکبسنک ضدیکه افراط و تفریطک مایبیدر بذله میل ایتمکه سخاوت و جومر دلکدر و بوسخاوت نبل ثواب و فضیلت ایچون واجب اوزرینه زائد مالی بذل ایدر برملکه در ولیکن تقیردن واسرافدن احتراز برله

پیان اسراف

تکیم قرآن عظیم الشانده ایکسندن حذر ایدوب مایبندده اولان سخا و کرمی اختیار ایدنر معلوم ونادم اولدقلرینی بیان ایشلردر و سخا اعلی مرتبه سی ایشلردر که کشی کندی محتاج ایکن مالی بذل ایتمکدن عبارتدر و بومرتبه ایشلرک افضلینه قرآن عظیم الشاندر دلیل * و یثرون علی انفسهم ولو کان بهم خصاصة * آیت کریمه سیدر اصحاب کرامدن وانصاردن رضی الله تعالی عنهم اجمعینک مدحی بابنده نازل اولمشدر تکیم شیخ زاده انوار تنزیل حاشیه سنده یازمشدر که اول وقتده که حضرت رسالت پناه علیه صلوات الله بنی نصیردن مال غنیمت آلدی انصاردن ثابت بن قیس دعوت ایلدی و پیوردیکه وار قومکی دعوت ایله ثابت ایتدی خزرجی دعوت ایده بن یوخسه اوس قبیله سیمنی خیر انصارک جمله سنی دعوت ایله دیدی معلوم اوله که مهاجر بن رسول الله علیه السلام ایله مکه مکرمه دن مدینه منوره یر رحلت ایدنلره دیرلر وانصار مدینه منوره ده کندیبه تبعیت ایدوب یاردم ایدنلره دیرلر و بوانصار ایکی قبیله ایدیلر بری اوس و بری خزرج قبیله سی ایدی پس ثابت حضرتلری جمله سنی دعوت ایلدی و کلدکلرند رسول اکرم کلامه بدأ ایلیوب لایق اولان وجه اوزره الله تعالی حضرتلرینه حد وثنا ایلدی بعده انصاری ذکر ایلیوب مهاجرینه ایتدکلری ایلکلرینی و کندی مسکنلرینه قوندوروب خوش طوتملرینی یاد ایلدی زیرا مهاجرینک جمله سی انلرک اولرنده ساکن اولوب و ماللرنده تصرف ایلیوب هیچ مایبندده آیریلق و سخیلاک یوغیدی حتی شومرتبه مهاجرینه محبتلری وار ایدیکه مهاجریندن برینک خاتونی اولسه انصاردن خاتونی ایکی اولان کیمسه برینی اطلاق ایدوب اکا نکاح ایتدیردی پس رسول کبریا صلی الله علیه وسلم انصاره پیوردیکه الله تعالی حضرتلرینک احسان ایتدیکی غنیمتی دیلرسکز جمله کن مایبندده قسمت ایده لم یا خود جائز کورر سکز بو غنیمتی مهاجرین بینده تقسیم ایده لم تاکه سزک منزللر یکردن چیقسونلر و سزه بار اولنمی ایچون کندیلرینه منزل آسونلر حضرت پیغمبر علیه

السلامدن بو کلامی اشد کلرند انصاردن سعد بن عباد و سعد بن معاذ رضی الله تعالی عنهما جمله سنک اتفاقیه کلامه کلوب ایتدیله یار رسول الله یز سرز جمله غنیمی مهاجرین پیئنده تقسیم ایلیوک وانلرینه منزللریمزده ساکن اولسونلر دیدیلر وانلرک کلامدنصکره جمله انصاریک زبان اولوب رضینا و سلمنا دیدیلر حضرت پیغمبر آخر زمان علیه صلوات الرحمن انلرک بو کلامدن محظوظ اولغله ال قالدیروب * اللهم ارحم الانصار * دیو دعا ایتدی اول وقت انلرک مدحی حقنده مذکور آیت کریمه نازل اولمشدر و بو آیت کریمه انلرک سائر ایثارلرینه دخی دلالت ایدر و جمله ایثارلندن بری دخی بودر که انصاردن برینه بریشمش قوزی باشی هدیه کلسه کندی محتاج ایکن شاید قو کشم بندن زیاده محتاج اوله دیو ایثار ایدوب اکا کوندر ایدی و اول قو کشی دخی بویتله بر قو کشبسنه کوندر ایدی حتی بومنوال اوزره یدی خانه به دك دور ایدوب اول کون بنه اولکی صاحبیه اول باش واصل اولوق واقع اولوردی شو مرتبه مابینلرنده کمال محبت موجود ایدی و جمله ایثارلندن بری بودر که بر دفعه حضرت محمد علیه الصلاة والسلامه بر آج آدم کلوب یار رسول الله بنی اطعام ایله دیدی حضرت پیغمبر علیه السلام ازواج مطهره سنک حجره لرینه آدم کوندورب طعامدن برشی و ارمیدر که بو آدمی اطعام ایده لم دیو استخبار ایتدی و ران آدم جمله حجراتی دور ایدوب برلیمه طعام بولمید یغندن خبر و بر دیلر رسول الله علیه السلام اصحابیه خطابا ایتدی بو آدمی اراکزدن کیم اطعام ایدر انصاردن ابو طلحه رضی الله عنه ایاغه قالدیروب بن یار رسول الله دیدی و اول آدمی آلوب اوینه کتوردی و اهلندن طعام استدی اهللی خبر و بر دیکه بر آدمه کفایت مقداری طعام وارد و لکن صبیان آچلردر ابو طلحه خاتونه ایتدی او غلجقلری او یوت و طعامی او کومزه کتور دیککده مومک فقیلین آل و سوبندور مومه حاجت دکدر پس خاتون بومنوال اوزره طعامی کتوردی و مومی بردخی یا قدیله و کندیلری دخی آکل شکنده اولوب

قرا کولفده مسافر ایله معا چناغه ال صونلردی و چکه اوینادرلردی پس مسافر قارن طپوروب وانلر برلیمه ییوب اول کیجه بی او یلجه کچوردیلر علی الصباح ابو طلحه حضرت پیغمبر علیه السلامه کلدیکند حضرت رسول الله ایتدی * لقد ضحك الله من فلان وفلان ییوردی دیمک اولور که خدا حقیقون الله تعالی حضرتلری فلان آدمدن و خاتوندن راضی اوادیکه مراد ابو طلحه و خاتونی ایدی شیخ زاده بومحمد بر سوال ایراد ایدوب دیمشدر که بونلر غیره ایثار ایتلری سببیه مدحه ندن مستحق اولدیلر حال بو که حدیث شریفده کلمشدر که دینارک افضل اولدیناردر که کشی کندی نفسنه و اهل و عیالنه اتفاق ایله و رسول الله علیه الصلاة والسلامه صدقه دن سوال اولند فده افضل صدقه کشبیک اهل و عیالنه اتفاق اولنادر دیو جواب و برمشدر پس افضل طورر ایکن نیجه انی ترک ایدوب باخصوص احتیاجلری وار ایکن غیره ایثار ایتلری مدحی موجب اوله (جوابی بودر که حدیث شریفلر اول کیمسه حقنده در که فقره صبری اولیوب سا ثلک ایتک خوفی اوله یو خسه فقره صابر اوللر کندی نفسنه غیر بی ترجیح ایلک اولی و افضلدر انصار رضی الله تعالی عنهم بو خصلة و صوف اولد قلرین الله تعالی حضرتلری قرآن عظیمده بیان ایلمش و بو * والصابرین فی البأساء والضراء * آتی انلرک شان شریفلرنده نازل اولمشدر کذلک شیخ زاده رحمه الله نقل ایدر که ابی حسن انطاسی رحمه الله دیمشدر که مشاهده من اولمشدر که ری شهری قریه لرندن بر قریه ده بر دفعه اوتوزاردن تجاوز کیمسه جمع اولوب سفره به اوتوردیلر و لکن عددلرینه کوره طعاملری آزا اولوب ایکی اوچ اتمک ایدی فقط انی سفره به طوغرادیلر و شعی سوبندردیلر و طعامی برکی اولدیلر بعده فارغ اولوب سفره بی قالدردیلر نظر ایدوب کوردک که طعام قونلدیغی حالیه قالدیلردی بری برینه ایثار ایتلری سببیه انلردن بریسی طعام ایتماش انتهی کلام الشیخ کذلک ایثارک مقبول اولسی خصوصنده هل انی سوره سنک نزولدر تکیم قاضی بیضاوی بیض الله وجهه

تفسیرنده ابن عباس رضی الله عنهما روایتیله بیان ایدر که بردفعه حضرت حسن و حسین رضی الله عنهما خسته اندیلر پس رسول الله علیه الصلاة والسلام اصحابندن برقاج کیمسه ایله کلوب خسته لکارین دولاشدیلر پس اصحاب بیت علی دن چیقارلر ایکن دیدیلر که یا علی اوغلارک صحنیچون برشی نذر ایلسک معقول ایدی پس حضرت علی وفاطمه و جاریه لری معا حضرت حسن و حسین اگر شفا بواورلر ایسه اوچر کون لله صائم اولام دیونذر ایلدیلر باذن الله حضرت حسن و حسین صحت بواوب بونلر دخی نذر ابتدکربی برینه کتورمکه عزم ایتدیلر لکن طعام قسمندن برشی اولماغله حضرت علی شمعون خیبریدن اوچ اوچک شعیرا ستقراض ایدوب حضرت فاطمه را وچلکنی اوکودوب و یوغوردی و بش کیده پایدی اخشام وقتنده افطار ایچون اوکلرینه کتوردی همان برمسکین کلوب (السلام علیکم یا اهل البیت انا مسکین من مساکین المسلمین بنی اطعام ایلدوک الله تعالی حضرتلری سزی جنت طعاملرندن اطعام ایلسون دیدی انلردخی ایشار ایلدوب اول کیده لری اول مسکینه ویردیلر و کندیلری ساده صوابله افطار ایدوب ینه ایتسی کون صائم اولدیلر و اول کون دخی بر اوچلکنی جاریه اوکودوب انک پایدی ینه وقت اخشامده بریم کلوب بوموال اوزره طعام ایستدی واکا طعامی و یروب کندیلری اول کیمه دخی صبر ایلدیلر اوچنچی کون صائم اولوب بوموال اوزره افطار وقتنده براسیر کلوب قارم آچدر لله بنی اطعام ایدک دیرانی دخی اطعامله ایشار ایدوب کندیلری طعام لقمه سین طامدیلر پس علی السحر علی رضی الله عنه حسن و حسین اللردن الوب حضور بنی به کلدی رسول الله صلی الله تعالی علیه وسلم سوال ایتدی بواوغلنجقارک دترشمسینه باعث نذر حضرت علی قضیه اعلام ایلدی پس حضرت پیغمبر علیه الصلاة والسلام قیزی فاطمه نک حالی کورمک ایچون حجره سنه توجه ایتدی فاطمه محراننده بولدیکه قارنی ظهرنه یا شمش و کوزلری بانمش حضرت پیغمبر علیه الصلاة والسلام خاطر شریفنه نوعا کدر پیدا

اولمش ایکن درحال حضرت جبرائیل علیه السلام نازل اولوب هل اتی سوره سن کتوردی وایتدی یا محمد الله تعالی حضرتلری بوسوره سنده اهل بیتک حقنده تهنیه و مبارک یاد ایلدی نیکیم سوره مکرمه ده بوسوبرک مکافاتنی بیان ایلدوب بیورمشدر * بخزاهم بما صبروا جنة وحریرا لایرون فیها شمساً ولا زمهریرا * وشیخ زاده بوسوره نک تحقیقنده دیمشدر که حضرت علی حقنده نازل اولمشدر دنمک سبی اعتبار یله در بوخسه عموم لفظک دلیلله جیعا اهل ایشار و احرار و شاکرین و اختیار حقنده نازل اولمشدر انتهی و اشباه و نظائرده دیمشدر که قر بآنده ایشار اولمز یعنی طاعت و عبادت مقوله سی اولان برده غیری بی ترجیح ایتک مکر و هدر دنلا آبدسته و یاغسله وافی اولاجق صوکننده وار ایکن غیری یه ایشار ایدوب کندی تمهله قلیل و طالب علم غیری طالبی ترجیح ایدوب درس نو بن و یرمک و کندی صف اولده ایکن غیره یرین و یرمک جائز دکادر زرا عبادتک فرض اولماسندن مراد تعظیم و اجلالدر ایشار ایدنجه تعظیمی ترک بولنش اولور بوسیدن عبادت مقوله سنده مکر و هدر اما مال و نعمته کند و نفسندن ایشار ایسه مکر و دکادر زرا بوایشار نفوسه متعلق اولان برده در حتی منیه المقتیدن نقلا دیمشدر بر فقیر محتاجک برقاج ایقه سی اولوب فقرایه ایشار ایتک مراد ایسه اگر بلور سه که شدت فقره صبر ایده بلور ایشار ایتک افضلدر کندی یمه دن و اگر صبره تحملی بوغیسه کندی نفسنه خرج ایتک افضلدر غیریدن و ینه فروق نام کایدن نقل ایدر که برکشیک آبدسنه یتیم قدر صوبی وار ایکن نماز وقتی کسه برغیری محتاجه ایشار ایتک جائز دکادر اما برآدمک سدره ق ایده جک قدر طعامی اولوب برغیری کیمه آچلقدن جان و یرمک اسنسه اول طعامی اکا ایشار ایدوب و یرسه و کندی آچلقدن وفات ایسه دخی برشی لازم کلز و بوایکی مسئله نک فرقی بودر که اولک بسنده آبدست المتی حق الله درانی ایشار ایتک اولمز اما ایکنجیده طعام حق نفسدر انک ایچون ایشار ایتک جائزدر انتهی پس معلوم اولدیکه حق الله دن غیری یرلده ایشار صابر قوللردن اولو

خصلت در و اولیاء الله مقاماتند بر اولو مقامدر تکبیر شقایقده
 یازمشدر که شیخ ابن وفا حضرت تریکه قسطنطنیه ده مدفوندر
 حال حیاته ایکن زمانه سنک خلیفه اسلامی کندی بنت کریمه زینی
 وزرادن برینه تزویج ایلمک ایچون شیخ مذکور سپارش ایدرلر ومقابله سنده
 علی طریق الهدیه قرق یلمک سکه عثمانی ایچو کوندر شیخ مذکور
 دیر که حالا بوشهرده بر نفسی مبارک عزیز وارد که شیخ مصلح الدین
 قوجوی دیرلر هر جهته بزدن بو خدمته اولی و بوهديه مستحق
 وسزاواردراکا کوتورک دیو مبلغی کندی طرفندن ایثار ایدر اولیاء الله
 حضورنده مال ایثار ایتمک دکل جان دخی ایثار ایدرلر تکبیر اولیاء الله دن
 بر طائفه بی برهنه متهم ایدوب بی کاه حضور پادشاهی به کتورلر
 قتل اولمدرینه فرمان اولند قدده هر بریسی کندی عمرندن رفیقته برفاج
 نفس ایثار ایتمک ایچون جلاد اوکنه کتمده برینه تقدم رجاسنده اولورلر
 پادشاه کورد کده بونلرک کیفیت حالی تفحص اولنسون دیو فرمان ایدر
 فی الواقع اولیاء بکاردن اولد قلمری ظهور ایدر ایثارلری برکتله کندیلرین
 تهمندن وقتلندن خلاص ایلدیلر کلاک طریقته کلامنه دیر ایثار
 خصوصنده وارد اولان حدیثدن بری ابن عمر رضی الله عنه روایتدر که
 فخر عالم صلی الله تعالی علیه وسلم پیورمشدر بر کیمسه که مشتهر باتدن
 برینی آرزو لبینه اول آرزوی غیره ردایتمکی نفسنه ایثار وتر جمیع ایلسه
 الله تعالی حضرت تری انی بار لغار وحضرت عایشه رضی الله عنهما
 روایتنده دیمشدر که حضرت محمد صلی الله تعالی علیه وسلم اوج کون
 متوالیا طوق اولمشدر واکر دیلیدک طوق اولوردق لکن نفسمیز
 اوزره غیره ایثار ایدر دک وسخاوتک فضیلتی باینده وارد اولان
 احادیثک بری ابوهریره رضی الله عنه روایتدر که پیغمبر بمن صلی الله
 علیه وسلم پیورمشدر بالبداهه حدیثی نظمده تحریره کتوردک قطعه لجره
 * سخا جنت ایچنده براغاچدر * سخی اولان طور انک بداغک *
 * بذاق انی قومز البته آخر * کتوروب جنت ایلر صوک طور اغن *
 * بخل دخی جهنمه انچدر * بخیل اولان انک طو تمش بداغن *

* بوداق انی قومز حتی ایدیسر * جهنمه آنک دخی طور اغن *
 و ابوهریره رضی الله عنه روایتنده رسول اکرم علیه الصلاة والسلام
 * سخی اولان کیمسه تکریمه قریب وانسانه قریب وجته قریبدر
 وجهندن بعیددر و بخیل اولان کیمسه الله تعالی حضرت تریندن بعیددر
 وناسدن وجندن بعید وجهنمه قریبدر و سخی اولان جاهل الله تعالی
 حضرت ترینه بخیل اولان طابدن مقبولدر پیورمشدر و ابن عباس
 رضی الله عنه روایتنده رسول اکرم علیه السلام پیورمشدر که سخاوت
 الله تعالی حضرت ترینک خلق اعظمدر و ابوهریره رضی الله تعالی عنه
 روایتنده پیورمشدر که آگاه اولک که هر جومرد کیمسه جتنده اولمق
 الله تعالی حضرت ترینه واجب مقوله سیدر و بن دخی اکا کفیل و آگاه
 اولک که هر بخیل جهنمه اولمق الله تعالی به واجب مقوله سیدر و بن
 بوکا کفیل اصحاب دیدیلر که یا رسول الله بو جومرد و بخیل دیدیککن
 کپلدر رسول الله علیه السلام پیوردیکه جومرد اولدر که کندی
 مالنده الله تعالی حضرت ترینک حقوقله جومردلک ایلده و بخیل
 اولدر که حقوق الهی منع ایلده و ریسنه بخیل اوله یوخسه جومرد
 اول دکلدر که حرام اولوب اسرافله خرج ایده (اما بخل بیاننده ایکی
 بحث وارد اولکی بحث بخلک غائله لری وسبیلری و آفتلری بیاننده در
 اما اولکبسی که غائله لریدر قرآن عظیمده ذکر اولندیغندن غیره
 حدیث شریفده دخی ابوسعید خدری رضی الله تعالی عنه روایتنده
 کلمشدر که رسول اکرم صلی الله علیه وسلم پیورمشدر * ایکی خصلت
 وارد که مؤمنده جمع اولز بری بخل و بری سوء ظن (و ابو بکر صدیق
 رضی الله عنه روایتنده دخی پیورمشدر انسانده شر اولان خصلتلردن
 بری بخل قوی ایکنجی مختلک و عبد الله ابن عمر رضی الله عنه روایتنده
 دخی پیورمشدر که بوامتک اولنک صلاحی زهد و یقین ایلدر و آخرنک
 هلاکی بخلله واملله در اما بخلک سبیلری اوچدر (اولکسی حب مالدر
 مطلق قوام بدن ایچون و تصدق ایچون واقامت واجب ایچون دکل
 اما بونلردن بری ایچون مالی سومک اولنجه بخله مانع اولماز و بوحب مال

آفات قلبك يكرمي سكر نچسیدر اما حب مال اگر حرام ماله اولور
ایسه حرامدر واکر حلال ماله محبت اولورسه حرام دکل امام مذمومدر
تکیم الله تعالی حضرت تبری قرآن عظیم الشانده * انما اموالکم واولادکم
فتنه والله عنده اجر عظیم * بیورمشدر معنای شریفی انجق سزک
اموال واولادکز بفتنه وبلادر اجر عظیم الله تعالیکن حضور
عزنده در اکاسعی ایللوک تا که واصل اوله سز دیمکدر (وعبدالرحمن
بن عوف رضی الله تعالی عنه سرور کائنات علیه افضل الصلواتدن
روایت ایدر که بیورمشدر شیطان این دیمشدر که البته مال
صاحبی بندن قورتلوب سالم اولمز اوچ آفتدن بری ایله انک اوزرینه
حواله اولوب اخشاملم صبا حلم و برآفتی بو که حلال اولمیان آلدیرم
ایکنجی محلسزیره خرج ایتدیرم اوچنجی اکا مالی سودیرم تا که
حقنی ادا اتمز و ابوهریره رضی الله عنه روایتنده رسول الله علیه السلام
بیورمشدر * لعن عبدالدينار ولعن عبدالدرهم * یعنی دیناره و آنچه به
طیان لعنت اولندی و یالغنت اولنسون دیمکدر و کعب رضی الله عنه
روایتنده رسول الله صلی الله علیه وسلم بیورمشدر * هرامتک برفتنه می
وبلاسی واردر بنم اتمک فتنه سی مالدر و برحدینده دخی بیورمشدر
چفتک و تارلا مقوله سی طوماک زیرا دنیایی سومکه باشلسکر (ایکنجی
بحث حب مالک سببی و علاجی بیاننده در اما حب مالک سببی اوچدر
برسی اولاد و اقاربدر مالی سودیکی و قراندیخی انلره قالمق نیتله اوله
بوايسه جهلمدن ناشیدر امدی علاجی بودر که تذکر ایله که
الله تعالی حضرت تبری انی یراندیغنده رزقنی دخی انکله معا برامشدر
وطوغزدن نیچه ییل اول تقدیر ایلشدر * و ما من دابة فی الارض الا
علی الله رزقها * بیورلدیخی کی واکر اولاد صلحادن اولور ایسه
* وهو يتولى الصالحين * مقتضایه الله تعالی حضرت تبری انلرک
هممان کنندی توفیقله قایر واکر فسقه دن اوور ایسه انک مالک
امدادیله معصيته قوت بولوردر پس اگر بابالرنک علمنی و یاظنی واریسه
وبالی بابایه راجع اولور امدی اولاد ایچون حرص و بخل ایتک غایت

جهل و جاهلدر (اخلاق علائیده دیر که نیچه کیسه به پدر و مادر دن
برجه میراث انتقال ایلزینه الله تعالیکن فضلندن اولقدر ماله مالک
اولور که آباء و اجدادی انک عشر عشرین کورمشلر ایدی و نیچه
کیسه به پدر دن بی حساب اموال و ثواب انتقال ایدر آز زمانده
اول مالی تلف ایدوب قوت بومیه سی اقل قلیل و کنندی فقیر و ذلیل
اولور پس وارث ایچون خزینه دارلق خیال باطل و اولادنی
ماله اصمرلیان احق و جاهلدر تکیم حافظ شیرازی ایدر بیت فارسی
* بقول مطرب و ساقی یفتوی دف و نی *

* خزینه داری میراث خوار کان کفر ست *

حکایت مشهوردر که معروف سلطان محمد زمانده بر حواجه مالدار
وار ایدیکه کثرت مال و خزائنده قارون روز کار ایدی چون خواجه
آخر عمر نه کلدی فرزند دلبندنه عمر صد ساله تعیین ایدوب هر کوشه بیک
دزهم خرج فرض و تقدیر ایدوب وصی به تسلیم و کنندیسی دار آخرته
تصمیم ایدر اوغلی مبلغ رجاله واصل و مالی دست تصرفنده حاصل
اولیحق اسراف بی انصافله مالی برباد ایلر حتی نقل اولنور که کانکره
وتوفنکه سیم وزردن فندقلر پایدروب دریاده مرغا بیلره آت ایش
و کبسه طولوتی التونی دیواره اوروب حاضر اولان لونداته قایدروب
یغما ایتدیر ایش و کنندی قهقهه ایله خندان اولوب همیان آخری
درمیان ایدوب اتی دخی اصحاب اخذ انتهاب و بوقهقهقه بی حساب
ایدوب برکونده نیچه صندوق پوشانوب و نیچه کیسه توکنوردی
چون جوان وارث مالی توکدوب افلاسی سبیلله ساکن کلخن رماد
اولمش سلطان محمد رحمه الله استماع ایتدکده خواجه بی بخل صفتیله
سابقه معرفتی اولدیغیچون جوان مسرفی دعوت ایدوب یسه رأس
مال بخشیش و نوال ایتک استیجک ایش که ای پادشاه روی زمین
بو بنده کی کنج افلاسندن ساحه غنایه چیقارمق ممکن و مقدور دکلدر زیرا
پدرم بنی الله تعالی به اصمرلیوب ماله اصمرلدی حقیق غیری به اصمرلنن
ذلیلدر و فضل خدادن غیریسی شی قلیلدر پس بو فرزند ایچون

کنیدی بخل و خسته دشورمک لایق دکلدر (عزیز کردن بریسته
 الشمس بیک الحقه واصل اولوب جمله سنی صدقه ایدیجک دیمشکرکه
 بر مقدارنی اولاد که ذخیره ایلمسک اولمزیدی دیمشکه لابلکه جمله سنی
 الله تعالی قنده نفسه ذخیره والله تعالی حضرتلر نی اولادیمه ذخیره
 ویریجی قیلارین انتهى (یکنجی سببی مالک وجودیله واکا بقسمیله والیله
 قارشمسیله لذتتمکدر پس یمکه و تصدق اتمکه قیامیوب صقلر و بو
 عین ماله محبتدر نکیم به ضیلرینک املاک و عقارات ووظائفندن مرتب
 مالی کلورایکن واصل فقر و احتیاجه احتمالی یوغیکن ینه عین ماله محبت
 و نفس دینار و در همه عشق و مودت ایدوب نه زکات واجبه دن بر حبه
 و نه صدقه مندویه دن بر فلس و بر بلکه خانه سنده قلت و ذلت کینوب
 پینر و اتمک ایله اکتفا ایدوب مالی بیره دفن ایلر و بعضیلری مؤنله
 ضایع اولسنی دخی اختیار ایدر و بعضیلری سومدیکی وارینه قالمسیله
 آه جان فکار ایدر و بومرض بغایت عسیر العلاجدر خصوصاً که
 پیرلک حالنده اوله بو کیمسه اکا بکررکه بر کیمسه بر محبوبه عاشق ایکن
 واسطه اولان رسوله دخی محبت اتمکه باشلیوب کیدرک محبوبی
 اونودوب رسولک محبتنه مبتلا اوله زیرا مال دنیوی و اخروی مراداته
 واصل اولمغه بر واسطه در ایدمی مرادی براغوب نفس واسطه به
 کوکل و یرمک قتی حفاقتدر که دنیاده مالی خرج ایتیموب فقراکی محنتله
 معاش ایدوب آخرته اغنیا حساب و عذاب چکلمک اوله و بومرض
 اگر علاج قبول ایدر ایسه بخیلرک و بخلک ذمنده وارد اولان کلای
 و حکایاتی چوق چوق ذکر ایدوب دوشمنکله و طبعک انلردن نفرتی و مالک
 ذمی و آفتاتی تذکر اتمکله کندویه جبرایلمکه رباء سخاوتی تحمل ایدوب
 یوب و یدر مکه باشلیبه تا که کیدرک طبیعت باغلیوب جوهر دایکی
 عادت ایدینه (بخلک اوچنجی سببی دنیانک لذات و شهواتی سومکدر
 زیرا بونلره وصول ماله در و بوکا حب دنیادیرلر و آفات قلبک یکرمی
 طغوزنجیسیدر و بو حب دنیا طول امله مقروندر یعنی کشتی کندیبه
 چوق عمر تقدیر ایدوب دنیانک محبتنه گرفتار اولور اما اگر طول امل

بیان آفات حب دنیا

اولسه یارین بوکون موت اغلب و سفر آخرت قنده * کلمح البصر
 او هو اقرب * اولسه ماله اولقدر محبت ایلمز بوسیدندر که امام غزالی
 رحمه الله بخلک سببی ایکیدر دیمش بری حب دنیا طول امله ایکنجی
 عین ماله محبت نکیم بیان اولندی اما حب دنیا دخی اگر حرامدن
 ایسه محبتی دخی حرامدر و اگر حلالدن ایسه حرام دکلدر لکن
 مذمومدر (بو محله ایکی مقاله وارد اولکبسی حب دنیانک ذمی
 و غائله لری بیانده در ذمی خصوصاً قرآن عظیمه وارد اولان
 دلیلاردن بری * اعلوا انما الحیوة الدنیا لعب و لهو * آیت کریمه سیدر
 دیمک اولور که معلومکن اولسونکه دنیا حیاتی لعب و لهو در یعنی اتی
 آخرته مزعه طوتوب چالشمن سکن او یور مثابه سنده کلوب کچمش
 اولور سکن و بو خصوصاً حدیث شریفده وارد اولاندن بری ابوهریره
 رضی الله تعالی عنه روایتدر که سرور کائنات علیه افضل الصلواتدن
 اشددم بو حدیثی * دنیا وما فیها سی ملعوندر الله تعالی نیک ذکرندن
 و سودیکندن و عالم و متعلمدن غیری * دیردی و سهل بن سعد رضی الله
 عنه روایتده دخی رسول الله علیه الصلاة والسلام بیورمشدر اگر دنیا
 عند الله بر سیوری سکت قنادنه معادل اولیدی دنیاده کافره بر ایچم
 صو و یرمزدی و ابن عمر روایتده بیورمشدر عبد هر نه که دنیا لغندن
 کلورسه انک مقابله سنده آخرتندن اکسلور اگر کریم ایسه ده ابو موسی
 الاشعری روایتده بر کیمسه دنیاسنی سوسه آخرته ضرر ایدر و بر کیمسه
 که آخرتی سوسه دنیاسنه ضرر ایدر ایدمی باقی بی فانی اوزره اختیار ایله
 و انس روایتده بیورمشدر که بر کیمسه وارمیدر صو اوزرنده یورویه
 و ابانغی اصلیمه دیدیلر که لای رسول الله حضرت رسول الله صلی الله
 علیه وسلم ابتدی اهل دنیادخی بویله در کاهدن سالم اولمز و عایشه
 روایتده بیورمشدر که دنیا اوی اولمیان کیمسه نک او یدر و دنیا بی
 جمع ایدن عقلی اولمیان کیمسه در و حسن بصری روایت ایدر که
 حب دنیا جمله خطارک باشیدر و موسی بن یسار روایتده بیورمشدر که
 الله تعالی حضرتلری دنیادن مبعوض بر مخلوق بر اتممشدر و دنیایی

بیان حب دنیادخی غائله لری

خلق ایده لیدن بروا کا نظر ایامشدر و حضرت علی روایتند دنیا نك
 حلالنه حساب و حرامنه عذاب رنا واردر و ابن مسعود روایتند بر کیمسه
 کفایت مقدارندن زیاده بنایا پسه یوم قیامتده اتی بوکلنوب کتور مسیله
 تکلیف اولنور و ابی بشیر روایتند حضرت محمد صلی الله تعالی علیه
 وسلم بیور مشدر که حقن الله تعالی بر قوالنه خور انی مراد ایلسه مالی
 حاجت ضروره دن زیاده بناله صرف ایتدیرر ایمدی دنبالغک افاتی
 الله تعالی مبعوضی اولسی و حیفه و عبادتن مانع اولسی و معاصی
 و مناهی به سبب اولسی و در جائنك الحق اولسی و شدت حسابی بلکه
 آخرتده عذابی و تیرفانی اولسی و خست شرکاسی که یهود و نصارادر
 (ایکنجی مقاله حب دنیا نك ثمراتی و ذمی و ضد دنیا مدحی بیانند در
 و بو محله ایکی مقام وادر مقام اول ثمراتی بیانند در معلوم اوله که حب
 مال و حب دنیا مذموم اولان حرصی وجوده کتورر و حرص (آفات
 قلبك اوتوزنجی سدر) و حرص انی اقتضا ایدر که کیجه ده و کوند زده
 مشغول اولوب صنعته و تجارتیه یا خود خلقك الزده اولان ماله طمع
 دوشمك بو خلق ایسه اولکیدن مذمومدر انس رضی الله عنه روایتند
 کلهشدر که پیغمبر علیه الصلاه والسلام بیور مشدر بر کیمسه که آخرت
 قیدند اولسه الله تعالی اکا غنای قلب و یروب جمعیت خاطر مبسر ایدر
 و کندوسی طالب دکل ایکن دنیا لخی کلور و بر کیمسه که دنیا قیدند
 اولسه الله تعالی فقرنی ایکی کوزی اراسنده قیوب پریشان خاطر ایلر
 و دنیا لخی مقدرندن زیاده کلز بر روایتند دخی صبا کلز و اخشا کلز
 الا فقیر اولدیغی حالده و انس روایتند بیور مشدر که هر کون بر منادی
 ندا ایدر که دنیا بی اهلنه ترك ایلوئك دنیا لخدن کفایتدن زیاده الان
 کیمسه کندی هلاک لخی آلور حالبو که کلز و انس روایتند آدم اغلانی
 قوجا لنور ایکی خصلت انده تازه لنور بری ماله حرص و بری طول عمره
 حرص در کذلک انس روایتند بیور که اگر بی آدمه مالدن ایکی دره
 طولوسی اولیدی او چنجی به دخی طالب اولوردی و بی آدمک قارتی
 طیرا قدن غیر شی طیرورمز و الله تعالی دیلدیکنی حفظ ایدوب نوبه سنی

قبول

بیان دم حب دنیا و آفات
 حرص

قبول ایدر (ایکنجی مقام حب دنیا نك و حرصك ضد لری و مدح لری
 بیانند در پس حب دنیا نك ضدی زهددر که قلبه دنیا نك کراهتی و قلبك
 صغوم سیدر و حرصك ضدی قناعتدر که زیاده به طالب اولقسزین
 دنیا لخدن ازاجقله اکتفا اتمکه دیرلر زهد و قناعتك فضیلتی با بنده
 وارد اولان احادیثدن بری ابوهریره رضی الله تعالی عنه روایتند که
 رسول اکرم صلی الله علیه وسلم بیور مشدر دنیا ده زهد و پرهیز کاراق
 قلب و جسدی راحت ایدر و ضحاک رضی الله تعالی عنه روایتند دیر که
 بردفعه حضور نبی به بر آدم کلوب ایتدی یا رسول الله ناسك قتی
 زاهدی کیمدر بیور دیکه اول کیمسه در که قبری و انده چوره کی او نیمه
 و دنیا زینتی ترك ایدوب فانی اوزرینه باقی بی ترجیح ایلنه و حضرت عمر
 روایتند بیور مشدر که غنا کثرت ماله دکلر بلکه غنیك غناء قلبه در
 و ابن العاص روایتند بیورر که تحقیقا اول کیمسه فلاح بولدی که مسلم
 اولوب کفاف رزقه الله تعالی انی قانع ایلنه و ابوهریره رضی الله تعالی
 عنه روایت ایدر که حضرت محمد صلی الله علیه وسلم بودعا ایلر ربسندن
 رزق استردی (اللهم اجعل قوت ال محمد کفایا) دیو یعنی رزق کافیدن
 زیاده به طالب دکل ایدی اگر که خیرلی اولسه اکا طالب اولوردی و یا حق
 طرفندن طلبنه مأمور اولوردی تکیم علمك زیاده ایکی طلبنه * و قل رب
 زدنی علما * آیتله مأمور اولمشدی و ابوذر روایتند دیر که حضرت تدن
 اشدنم دیردی دنیا ده زاهدان حلال و خرام مالی ترك ایدوب ضایع ایتمکه
 دکلر بلکه زهد اولدر که الله تعالی حضرتلرینك قسمتنه زیاده
 اعتماد ایده سن کندی الکده اولان رزق کدن و ثواب مصیبه راغب
 اوله سن و فقرك مدحی حقندده وارد اولان احادیثدن بری ابوهریره
 رضی الله عنه روایتند حضرت رسول اکرم صلی الله تعالی علیه وسلم
 بیور دوغیدر که فقر اغنیادن بشیر و ییل ایلر و جسته کیرلر و ابن عباس
 روایتند بیور مشدر که ایلله معراجده جهنمه مطلع اولدم پس اکثر
 اهل بسنی فقرا کوردم و منهج الحاج العابدینده نقل ایدر که صحابه سؤال ایلدیلر
 که ندن فقیرلردر یا رسول الله علمدن فقیرلردر دیو بیور دیلر اما صاحب

بیان مدح فقر

طریقت نقلنده جهنمک اکثر اهل البسنى اغنيا و نسا طائفه سى کورد ديمشدر
ایمدی ظاهر اولان بودر که اکثر اغنیادن مراد جهلا اولان اغنیادر
و عمران بن حصین رضی الله عنه روایت ایدر که الله تعالی حضرت تبری
اهل و عیال صاحبی اولان پرهیزکار فقیری سور و ابو سعید روايتنده
حضرت بلالہ ديمشدر یا بلال فقیرلین اول غنی این اولمه و ابو الدردا
رضی الله عنه نقل ایدر که حضرت محمد صلی الله تعالی علیه وسلم اونى
الله مژدی و بر کوملکدن زیاده کوملکی یوغیدی و حضرت عایشه
رضی الله عنها ديمشدر که حضرت حبيب اللهک سفره سنده اریه
انگکندن قلیل و کثیر قالمزدی حضرت انس حکایت ایدر که حضرت
عمر رضی الله عنه خلافتی زمانده کورد مکه خرقه سنی اوموزلری مایینده
اوج یامه ایلہ یامش ایدی بربری اوزرینه و هر بری کچه دن ایدی و ابو
طلحه رضی الله عنه حکایت ایدر که بردفعه رسول الله صلی الله تعالی
علیه وسلمه اچلقدن شکایت ایلدوب صحابه دن برقاج کیمسه ایلہ لباسمزی
آچوب قارنمز برطاش باغلدیغمز کوستردک حضرت محمد صلی الله
تعالی علیه وسلم مبارک لباسین آچوب ایکی طاش باغلدیغمز کوستردی
و حضرت عایشه رضی الله عنها نقل ایدر که آی کچردی بزم اویمزده
آتش باقیوب خرما ایلہ کچوردک و بر روایتده آل محمد ایکی کون
متابعا آریه اتمکله طویما مشدر (و شیخ شعراوی اخلاق سلف بیانده
تنبيه المغترین نام کاینده ديمشدر محمد بن واسع نام عزیر اتمکی طوزله
و یاسر که ایلہ ییوب قناعت ایدردی و دیردی هر کیمسه که یومقدار ایلہ
کندینه کفایت ایلہ نفسنی ناس قتنده خورایمز و سفیان ثوری رحمه الله
دیردی بو عصرده هر کیم خبر شعیرله اکتفا ایتمزسه خورلغه دو شر
و بردفعه بر کیمسه حضورنه کلوب مال جمع ایتمزسه اذن استدی سفیان
ایندی مال جهنه دوشن کیمسه بش خصلته مبتلا اولور طول امل
و شدت حرص و بخللاق و نسیان آخرت و قلت پرهیز و شیخ شعراوی
نقل ایدر که کندینک شیخی سید علی خواص رحمه الله طقوز لقمه دن
زیاده کونده و کیمه ده طعام میزدی و دیردی حضرت حبيب الله صلی الله

تعالی و سلم ديمشدر که * حسب ابن آدم لقمیات یقمن بها صلبه * یعنی
آدم اوغلاننه برقاج لقمه حق کافیدر انکله بلنی طوته و ديمشدر که لقمیات
اوجدن طقوزله وارنجه در و حضرت محمد صلی الله تعالی علیه وسلمک
کلامی حقدر پس اول کیمسه که ایمان کامل ایلہا کایمان کتوره طقوز لقمه
کافیدر زیاده سنه حاجت یوق شیخ شعراوی دیر که بو حدیث اعمال
شاقه صاحب لردن غیری به حل اولنمق لایقدر یوخسه اعمال شاقه اریه
اکنجیلر و اورا خیلر و تر پانجیلر و اجیرلری بونکله کفایت ایده مزل مکر که
بر آدم قوت ملکبه صاحبی اولوب روحانی جسمانی اوزرینه غالب اوله
تکیم جبرائیل علیه السلام مداین قوم لوطی فلکه چقروب حتی ملکر
خروس اوزینی اشتدیلر جبرائیل یمه دن ایچمه دن بری ایکن بویه قوته
مالک ایدی پس بعض انسان دخی ملکیت قوتیه بولور ازا حق طعامله
کچنور وینه خدمتندن قالمز ینه کتاب مذکورده یازمشددر که تابعیندن
عبدالرحمن بن ابی نعیم اون بش کونده بردفعه طعام یردی حجاج بردفعه
دعوت ایدوب امتحان ایچون بریتک ایچنه قیا یوب اون بش کون
مقداری فتح باب ایلدی بعده آچد قلرنده ایاق اوزره طوروب نماز قیلار
بولدیلر و شیخ ابو هلال مغربی الی آیده بر طعام یردی وینه شیخ علی
مرصفیدن نقل ایدر که عبسی بن نجم نام عزیز اون یدی ییل طعام
یمبوب صوابچممش و او یو مامش و بر ایدست اوزرینه بو قدر زمانه
کچورمش بونلرک روحانی جسمانی لرینه غالب اولوب ملکیت قوتیه کزر
یورلر وینه حضرت شیخ علی ضریردن نقل ایدر که حضرت خضر
علیه السلام ملاقی اولاجق ولینک شرطنددر بر کونلک نفقه سندن
زیاده نفقه سی اولیه اما اول کیمسه که بارنکی کونک نفقه سنی جمع ایلش
اوله اگر جن و انسک عبادتی انده موجود اولسه ینه حضرت خضر
انکله بولشمز وینه ديمشدر که خضرک شاندندر عارفینه او یا نقلده
بواشور اما مریدله رؤیاده و ابو عبد الله تستریکه اولو مشایخنددر
خضر علیه السلام ایلہ اکثر زمانده بواشوب نیچه زمان مصاحب
ایدرلردی پس بر ازیام او یا نقلده بولشمقدن کسلوب رؤیاسنده کورمه که

باشمادی پس بر کجه سوال ایتدی که یا خضر سبی نولدیکه عالم پیداریده
کلز اولدک ایتدی یارنکی کون ایچون رزق البقویانله بز یقظه ده
کور شمر زن سن فلان کون خا تونکه بر اچه و یروب یارنکی کون ایچون
رف اوزرینه البقویدک دیدی شیخ دخی صحیحدر دیوب اول کجه
ادخاردن توبه ایلکله آخر عمرنه دک خضرله کور یشوردی مرض
موتنده بو یوزدن خبر و یرمشد ایتدی قناعتک و دنیا لقندن قوت
لایموت ایله اکتفا ایده نک فضیلتی بوتفا صیلدن ظاهر اولدی (کلدک
طریقت کلامنه اما اسراف احوالنده یش بحث وارد اولنکی بحث
ذمی دخی غائله سی پیاننده در * معلوم اوله که اسراف حرام قطعی
و مرض قلبی و بر خلق ردیدر اویله ظن اولماسونکه اسراف مذموم
اولمده بخلدن ادنی مرتبه ده اوله اگر ذممنده بخل کبی دلائل کثیره
ثابت اوله دیسه ده تکیم بولک حرمت ونجاستنده خیرک حقننده واقع
اولدینی کبی دلیل کثیر وارد اولماشدر حالبوکه فقها تصریح ایتدیکی
اوزره خردن حرمت نجاست اشد در وسکا اسرافک قبیح اولماسی
باینده بوابکی آیت کریمه کافیدر * ولا تسرفوا انه لا یحب المسرفین *
معنای شریفی اسراف ایلک زیرا الله تعالی تحقیق مسرف قوللرین
سومز انلردن خشنود دکلدر وایکنجی * ولا تبذر تبذیرا ان المیزرین
کانوا اخوان الشیاطین * معنای شریفی دوکوب صاچغله مالکزی
اسراف ایتک تحقیق بو حاله اولان کیمسه لر شیاطین اخوانیدر ایتدی
شیطانک قردا شیده شیطاندر شیطانندن ایسه بتر قبیح اولمز کذلک
بو ذمندن دخی قبیح ذم اولمز والله تعالی حضرتلری قرآن عظیمده
* ولا تؤنوا السفهاء اموالکم * آیت کریمه سنده مسرفلره ماللرینی
ویرمکدن نهی ایدوب اسمان دن قبیح اسمله انلری تعبیر ایدر که سفها
اسمیدر وفرعون دخی انه من المسرفین دیو ذم ایلدی ولوط قوهنی دخی
* بل اتم قوم مسرفون * قولیه مسرف مذموم اولدیغندن اوتوری
انکله قدح ایلدی وحديث صحیحده وارد اولاندن بری * ان الی
علیه السلام نهی عن اصابه المال * قولیدر یعنی تحقیق حضرت

پیغمبر علیه الصلاة والسلام مالی یوق ایتکدن نهی ایلدی و دیدیکی
یوم قیامتده انسانک ایاغنی ایاغنه دکلدر مزلتادرت شیدن سوال
اولنمینه بری عمرندن سوال ایدرلر که نه یه افنا ایتشد وایکنجیسی
علمندن سوال ایدرلر که انکله نه عمل ایتشدراو چنی مانندن صورلر که
نه دن کسب ایدوب نه یه انفاق ایتدی و در دخی کندی جسمندن
وجودندن سوال اولنور که نه خدمتده اسکندی و افنا ایلدی (واسرافک
مذموم اولماسنه دلائل قویه دن بری ربانک حرام اولماسیدر که بکا رذن
بریدر زرا بوربانک حرام اولسی علی حقننده ناسک مالی صیانت
ایچوندرا که بیع و شر الزنده مال ضایع اولوب یوغه کیمسون و بومالک
یوغ اولسی نه زمان حاصل اولور که صورت و معنایه ایکی عوض
بر اولوب برنده زیاده لک اوله اول زیاده لک ربادر یوغه کیدر و اسراف
اولور صورته بر اولسی مثلاً جنسده بر اولسیدر ایکسیده کومش
اولق کبی پس بر آدم افچه ایله غروش تبدیل ایتسه هر قنغی طرفدن
زیاده لک اولسه اول رباء حرامدر ولکن وزنده زیاده لک معتبردر
عددده اعتبار یوقدر زرا فضده و زیاتنددر و یا خود بغدادی و یروب
ینه بغدادی آکسه و یا ارپه و یروب ینه ارپه آکسه اگر و یردیکندن زیاده
آلورسه ربا در و بریسی یکی اولوب آخری اسکی دخی اولورسه جدا
زیاده لک جائز دکلدر حدیث شریفده * الجید والردي سواء * یورلشددر
و معناده بر اولسی دیدیکی مقدارده بر اولسیدر یعنی وزنی اولان وزنده
برابر کیلی اولان کیلده برابر اولوب هر نه فضله اولورسه اول ربادر
یعنی شریعت قدرله جنسی زیاده علت طوتمشددر قدرله جنس
بولنمین یرده ربا اولمز مثلاً بر آدم التونی کومش مقابله سنده
و یا ارپه بی بغدادی مقابله سنده و یرسه و یا آکسه هر قنغی طرفدن
زیاده لک اولسه ربا اولمز زیرا علت اولان جنس بولنماش
اولور و یا خود بر آوج بغدادی ایکی آوج بغدادیه و یا بر فلسی
ایکی فلسه دکشسه ربا اولمز کیل و وزن اولان قدر بولنمیدند
اما جنس جنسه برابر اولیحق ربا اولمز دخی اول زماندر که یداید

اوله یعنی الدن اله الوب ویره سی اولیه اما ویره سی به اولجه جنسی
جنسینه اولمزایسه یا جنس جنسه ویریلوب هیچ فضله اولمزایسه
ینه ربا اولور زیرا حدیث شریفده * النقد خیر من النسیئة * بیورمشدر
یعنی نقد ویره سیدن خیرلیدر مصایح حدیثلرنده دخی * الذهب
بالذهب والفضة بالفضة والبر بالبر والشعیر بالشعیر والتر بالتر والمخ
بالمخ مثلاً بمثل سواء بسواء ید * بیورمشدر دیمک اولور که آتش ورش
ایدرسکن التونی التون مقابله سنده کوشی کوشه بغدادی بغدایه ارپه بی
ارپه به خرمایی خرمایه طوزی طوزه مثلنی مثلنه وزنده ویاکیلده برابر
الدن اله ویرک وآلوك یوخسه ویره سی به ویروب الماک شبهه ربا
کیرسون ایچون مثلاً بر آدم غروشی کوش ایجه مقابله سنده ووزنده
برابر ایدوب دکش وطوقش ایتسه لر ولکن مایینی برایی کون ویره سی
اولوب تأخیر اولنسه ینه ربا اولاش اولور ویاخود جنسی اولیان
برمتاعی کشی مدت تعیین ایتکمزین بازار اشوب ویره سی به آسه انده
دخی آنه ربا اولاش اولور بوسه سیدن مصایح حدیثلرنده حضرت
رسول اکرم صلی الله علیه وسلم بو حدیثی * لبأ تین زمان علی الناس
لا یبقی احد الا اکل الر یا فان لم یأ کله اصابه من بخاره * بیورمشدر
معنای شریفی تحقیقی بوناسه بر زمان کله که افراد انساندن بر فرد
قالیه ربا یمدک اگر ربا یمز ایتسه ده اکابخاری واثری کلسه کرک ایمدی
بو حدیث معجزات نبویدندر که بوعصده شبهه ربا اولان نسنه دن
یعنی ویره سی به شیء المقدن انسان خالی دکلدر و بونک علاجی همان
مال صاحبیه رضا الشمقدر (و شارح مصایح دیمشدر که ربا اثری
اولاشدیفندن مراد وکیل اولقی ویا تحصیل ربایه واسطه اولقی
یا کاتب یا شاهد اولقی یا رباخوارله آتش ورش ایتک ویا رباخوار ایله
آتش ورش ایدنله آتش ورش ایتک واقع اولور بوسه سیدن حدیث
شریفده جمله انسانه ربانک سرایت ایتسنی بلدره شدر (کلک
طریقت کلامنه الله تعالی حضرتلرینک ربایی حرام ایتسی خلقتک
مالی اسرافدن صافنق ایچوندر) پس اسرافک غائله لری شیطان

مشارك وفرعون وقوم لوطه مناسبتی اقتضا ایتدیکدر والله تعالینک
محبتی اولیوب غضبیه لایق وسفیه نامنه موافق وعذاب آخرته مستحق
ودنیا خورلغنه واحتیاج وندامتیه دوشمسیدر (ایکنجی بحث اسرافک
مذموم اولسنک بر حکمتی وسبب اصلیبی بیاننده در که مال الله تعالی
حضرتلرینک بر نعمتی اولوب مرزعه آخرت قلمشدر زیرا دنیا و آخرت
مالله منتظم اولوب صلاح دارین وسعادت حیاتین مالله حاصل اولور
کافر ایله جهاد وحج بیت الله انکله مبرسراوور وقوام بدنکه جمیع
فضائلک تملی وطاعت وعبادتک آتی مالله در زیر اغدا ولباس وسکنی
انکله آنور و دیلمک خورلغندن انکله کشی خلاص بولور ومتصدقین
درجه سینه انکله نائل اولنور و صله رحم ایتک وحاجات فقرایی بتورمک
ودینلرینی قضا ایلوب غم وغصه لرینی دفع ایتک وکوکالرینه سرور
وشادی براقی وتسلی خاطر ایتک ونفع ناس حاصل اولقی ومسجدلر
ومدرسه لر وخانلر وکوپرلر ودر بندلر یا یمق جمله مالله حاصل اولور
حالبو که ناسک خیرلربی ناسه نفی اولاندر و ذکر یکه تصدق
ایچون کسب ایتک نافله عبادتدن افضلدر ومالله منازلک افضلنه
نائل اولنور تنکیم بو خصوصده ابو کبشه انصاری رضی الله تعالی عنه
روایت ایدر که رسول الله صلی الله علیه وسلم بر حدیث طویلنده
* بقولنه الله تعالی حضرتلری علم ومال ویره واول سبیله ر بسندن
قورقه ورحتسه واصل اوله واند الله حق اولدیفن بیله بو کیمسه
افضل منازل صاحبیدر بیوره شدر وابن مسعود رضی الله تعالی عنه
روایتنده دخی بیوره شدر که غبطه ورشک اولنمز الا ایکی کیمسه به بری
اول کیمسه در که الله تعالی حضرتلری اکا علم وحکمت ویروب انکله حکیم
ایلیه ورشک اولنه جتی کیمسه دن بری اول کیمسه در که الله تعالی اکا
مال ویروب وحق بولنده افنا ایتسنه مسلط ایلبه وحضرت رسول
اکرم صلی الله علیه وسلم عمرو بن العاص رضی الله عنه حقیقه
دخی بیوره شدر که نعم المال الصالح للرجل الصالح یعنی نه کو کچکدر
صالح مال صالح رجل ایچون وانس رضی الله عنه دعا ایلدیکنده

مانك واولادك چوق اولوب مبارك اولمسيه دعا ايلمشد در و كعب
 رضى الله عنه جمله مالى صدقه ايتك مراد ايلديكند رسول اكرم
 صلى الله تعالى عليه وسلم امسك بعض مالك فهو خير لك بيورمشدر
 يعنى مالك بعضنى صقله اول سكا خير ليدر والله تعالى حضرتلى
 قرآن عظيم الشانده ماله خير نامنى قيوب و حبيبته مالى منت طوتوب
 * ووجدك عائلا فاغنى * بيوردى يعنى سنى ربك محتاج بولوب مال
 خديجه ايله غنى ايلدى و سفيان ثورى حضرتلى ديمشدر كه مال
 بوزمانده سلا حدر و سعيد بن مسيب رحمه الله ديمشدر اول آمده
 خير بوقدر دينى قضا ايتك ايچون وعرضنى بكلك ايچون مال طلب
 ايلميه و وارثلر بيه مال ترك ايلميه و ابن جوزى حضرتلى ديمشدر
 هر بار كه انسانك قصدى و نيتى صحيح اولسه مالى جمع ايتك افضلدر
 تركندن علمانك اتقاقى برله و احباء علومده حديث شريفده رسول الله
 بيورمشدر كه * بر كپسه اهل و عياله حلا نندن چالشوب كسب ايلسه
 فى سبيل الله غازى مرتبه سنده در (و شيخ شعراوى من نام كتابه ده
 ديمشدر كه حضرت ابوالحسن شاذلى رحمه الله عليه اولو مشايخنددر
 اصحابى كار و كسبدن برسبيله قندرردى و ديردى هر كپسه كه كندينه
 و خوارنده سنه نفقه كسبنده اولوب فرائض اللهى برينه كتورسه تحقيق
 مجاهده سى كامل اولور (و شيخ ابوالعباس مرسى رحمه الله ديركه بزم
 طر يقم ذكره مداومت و ترك غيبت و عباد اللهه سوء ظنى ترك ايتكدر
 و بر كپسه كه بو اوج خصلت محافظه سنده اولسه الله تعالى
 حضرتلى سز مديكى يردن رزقى ويرر و بزه كلان و بيعت ايدن
 كپسه لره سبب معيشتى ترك ايتك ديمرز انجق رسول الله عليه الصلاة
 والسلامك اشد يكتى بزه اشلر كه هر انسان نه كار اوزرنده ايسه
 اكافرار و يرردى ولكن امر ايدره رزكه اول كارنده حيله و خدعه و قلب
 ايش اشمسون حبيب الله امر ايتديكى كى و بو شيخ نامدار بر مرتبه عارف
 بالله ايمشدر كه كنديلر ايچون ديرايمش اكر مجلس نبيدن پرنفس ايراق
 اولسم كنديمى جمله مسلميندن عد ايتم ايدم ديوانسان ايلمشد در

(كلك طر بقت كلامنه ديركه چونكه كسب عبادتدن افضل اولوب
 و مالك بومرتبه خيرات و حسناته واسطه اولمسي اوله يانه سبيله مال
 و دنيا لى مذموم اوله جوابنده ديركه مالك و دنيا لك مذموم اولمسنده
 وارد اولان كلام نفس ماله راجع دك كيدر انجق مالك مضر اولان
 صفتنه راجعدر كه اول صفتدن برى طغيان و برى آخرتى اونو تمقدر
 والله تعالى حضرتلرندن و موت و آخرتدن كشى بي اشغال ايتكدر
 پس بوصفات اكثرى ماله حاصل اولوب صاحبي بوصفتلردن سالم
 اولديغى چون دنيا لى خصوصنده ذم وارد اولمشدر (نتيجه كلام بودر كه
 مالك ايكي جهتي واردر كه برى برينه ضددر برى خير و برى شر در
 اكر مال خير طرفندن كسب اولنوب خيره صرف اولنور ايسه مدوح
 و مقبولدر و اكر شر طرفندن كسب اولنوب ياشره صرف اولنور ايسه
 مذمومدر ايمدى وارد اولان مدح و ذم ايكي سبيله حقدور و لكن هر برى
 بر جهته در پس مال چونكه نعمت عظيمه اولدى انى اسراف ايتك
 الله تعالى حضرتلرينك نعمتى تحقير و اهانتدر و كفران نعم اولوب
 مالى يوق ايدوب شكرينى ترك ايتكدر پس قدرينى بيلوب حقنى
 رعايت ايلديكى سبيله و هاب مطلق جانبدن عتاب و عقابه مستحق
 اولوب نعمتك زوالنى اقتضا ايدر نيكيم شكرينى و قدرينى بيلمسي اول
 نعمتك ثباتى و زياده ليكنى اقتضا ايدر * لئن شكرتم لازيدنكم * آيت
 كريمه سى مقتضاسنجه (اوچنجى بحث اسرافك اصنافى بياننده در
 معلوم اوله كه اسراف قويمه فائده دينيه و مباح فائده دنويه اوليان
 يره مالى تو كوب صاچغه ديرلر ايمدى اسرافدن ظاهر و شهور اولانلر
 مثلا مالى در يايه و قيويه و آتسه آتقى كييكه بردخى اله كيره بوب انكله
 انتفاع ايتك ممكن اوليان برزه رافق و يافق و پاره لى و كسمك كى
 شو مرتبه كه انكله انتفاع ممكن اوليه و ميوه بى دوشيرمك و اكى
 بچمه مك حتى يوق اولوب كيده دخی حيواناتى حفظ اولنه جق يردنه
 قيام بوب مخوف يردنه اليقوى و يا آج طوتوب و صغوقدن واسيدن
 هلاك ايتك كى بونلر آشكاره مالى تلف و اسرافدر اما بر صنف

بيان مالك ايكي جهتي واردر

بيان اصناف اسراف

اسراف وارد که آشکاره دکلدر نوع خفا وارد اول دخی اسرافدر
ولکن تنبيه و تذکیر محتاجدر مثلاً بر شبنی ذخیره قسمندن جمع ابتدا کده
مقید اولیوب حفظ ایتامک کبی تا که کندی ذاتیله بوزله و یا اصلاً غله
و یا خود بوجک و یا قرنجه و یا صبحان اولاشمغله و بونک کبی واقع
اولسی اکثری اتمکده و پیژده و انده و شور یا امثالنده اولور و نازه
اولان میوه لده و قار پوزده و صوغان کبیلده و قوری میوه ده دخی اولور
وتین و زیبده و زر دالبیده اولدیغی کبی و کندم و شعیرده و مرجکده
دخی اولور و گاه اولور که بیابده و کتبده اولور و اسرافدن بر صنی
طعامدن و انک مثالی دن فضله دو ککدر و یلامزدن اول بر مقلری
سلمک و یلامه دن چنانغی و قاشقلری یا بقامق و صبیان الندن و غیریدن
دوشن اتمک پارچه لری بی سفره دن و بردن دیوشنمک اسرافدر جابر
رضی الله عنه روایت ایدر که رسول الله صلی الله تعالی علیه وسلم
بر مقلری و صحنی یلامق ایله امر ایلدی و بر روایتده دیمشدر که شیطان
سزک هر شب بکزه حاضر اولور حتی طعام قتنده ییله ایمدی سزدن
بریکزدن برلقمه دوشسه انی آلوب و توزدن پاک ایدوب بیوب وانی
شیطان الیقوماک و فارغ اولد قده بر مقلری بکزی یلایک زیر بلنزه که
برکت طعامک قنغیسنده درو حضرت انس روایت ایدر که حضرت رسول
الله طعام بدیکنده اوچ دفعه بر مقلری یلامردی ایمدی پرمق و طبق
یلامده و دوشن خرده قالد رنده چوق فائده وارد اسرافدن احتراز
و کبرور بادن اجتناب و برکت حاصل اولمق احتمالی وارد و سید المرسلین
اقتداء و امریه امتثال و ربط قلب و جلب رزق وارد و اسرافدن
پنجدن و نخود دن دوشن حبه دوشورمک با خصوص غسل ایدر کن
دوشسه و سو پر لسه اما اگر دو ککن اتمک خرده لری و یا بونک کبی حبه لری
قبونه و یا طاوغه و یا قرنجه و یا قوشلره اطعام ایلسه اسراف اولر
و اسرافدنر عمامه سنی و لباسنی و یا بوجنی اسکیدر شیلردن حفظ
ایتمک و یا برنقدن و یا نقدن بکلممک و چوق چوق صابونی و مومی
استعمال اتمک و اسرافدنر نقصان ایله صائمق و اجاره به و برمک

و قمتندن

و قمتندن زیاده سیله صاتون آلمق و کرالمق مضطر اولما نیجه و یا صدقه
نیته زیاده سی اولمده اما کشتی بر شبنی زیاده به صاتون السه و یا کراسنی
بها سندن زیاده و برسه و اول زیاده لکی صدقه به نیت ایلسه اسراف
اولممش اولور بلکه مقابله سنده ثواب وارد اما اگر بازاری غبن
طریقیه اولورسه یعنی الدانوب قمتندن زیاده و برسه نه محموددر و نه
مأجوردر و اسرافدنر کفنده زیاده لک ایتامک یا عددنده و یا قمتنده
اما عددنده اره سنت اولان اوچدر و عورتیه بشدر زیاده ایدر سه اسرافدر
و قمتنده مثلاً حال حیاتنده اول کفن صاحبی جمع لقی قمتنده بوغاصی
قسمندن کیرایسه انی المی کرک اگر اول قسمی آشوروب بیرامرده
کیدیکی بوغاصی قمتیله کفن آلور لسه اسراف اولمش اولور پس
هر کیمسه نک اواسط حالته اعتبار اولور و ایدست المده و غسل ایتمه
دخی چوق چوق صود و کک اسرافدر ابن عمر رضی الله عنه روایت
ایدر که بردفعه سعد آیدست الورکن حضرت محمد صلی الله تعالی علیه
وسلم راست کلوب ایتدی یا سعد نه در بو اسراف سعد ایتدی یا آیدستنه
اسراف اولور می نعم اگر ابرمق کارنده دخی اولسکینه حددن آشور نیجه
اسرافدر دیدی و علمانک آیدسته تقدیر ایتدکلی صویک مقداری
بروقیه در طهارت ایتسیله معا و اگر طهارت ایتزسه ایکوز التمش انی
درهم و اگر ایاق یومیبوب مسح ایدر سه یوز او توز درهم کافیدر دیمشدر
و بودخی سنت اوزره هر اعضا سنی اوچر که یومغله آیدست المقده در
اما اگر صویک قلنی اولسه درت فرض اولان اعضایی که اللرین
دیر سکلرینه و ارنجه یومق و یوزین بر کره یومق و باشن مسح ایتامک
و یا قلیرین بر کره یومق یومقدار له اکتفا ایلیه دیو بیور لمشدر حتی اشباه
و نظائر ده جماعته یتشمک ایچون یومقدار له آیدست ایله اکتفا ایتامک
کرک دیمشدر و غسله تقدیر ایتد ککلی صودرت و قیه در ایمدی
علمانک بو تعین ایتدکلیرین چوق زیاده ایتامک اسرافدر از اجق اولور سه
ضرر و برمن و اسرافدنر طوقلق اوزرینه طعام بمک مسافر ایچون
و یا رنکی صوم ایچون دکل ایکن اما بر آدم مسافرک حجاب ایتمه سچون

و یارنکی کون صومه قوتیچون طوق ایکن ینه یسه اسراف اولمز
 واسرافنددر کونده ایکی کره یمک یعنی بر کره طوینجهدید کدنصکره و یا
 بری هضم اولمدین باخصوص اقصر یا مده کونده ایکی کره یمک اکثر یا
 اشتها صا دق سزینیلور مکرکیم اعمال شاقه صاحبی اولان کیمسه اوله
 اما کونده بردفعه طوینجه یمدکده و یاربینی هضم ایلش اواسه ایکی کره
 یمک اسراف اولمز و حکیمانه اولان ایکی کره یمکدر نیکیم کمال پاشا زاده
 حدیث ار بعینی شرح ایتدیکنده بو حدیث شریفی دخی نقل ایلشد
 * ترك الغداء مسقیمه وترك العشاء مہرمه * معناسی صباح طعامنی ترك
 ایتمک خسته لافه سبیدر و اخشام طعامنی ترك قوجه لافه باعشدن پس
 بو حدیثدن فهم اولنور که طعام کونده ایکی کره یمک اقتضا ایدر امدی
 طریقت حدیثده کونده ایکی کره یمک اسرافدن عد اولندیغی قبل
 الهضم بیلن اولور و اسرافنددر چوق درلو طعام پیشورمک الامکر که
 بردرلو طعامدن اوصانیلورسه تا که هر نو عنندن برر مقدار اکل ایدوب
 انک مجموع عنندن طاعته تقویت بدن حاصل ایلیمه و یا خود نیچه
 کیمسه لری ضیافته دعوت ایتمک قصدینی ایلیمه و انوا عنندن طعام
 قایر سه جائز در خلاصه ده بویله در صاحب طریقت دیر که لایق اولان
 بودر که خلاصه نک کلامی همان بویکی محله صرف اولیمه بلکه
 بومعنا به اولان جمیع ذوق و تلذذده نیت فاسده اولیوب نعمت دخی
 ضایع اولوب یبانه کیمیه جک یرده هر نه قدر قایر سه جائز اوله الله تعالی
 حضرت تیرینک بوقول شریفی دلیلیمه * یا ایها الذین آمنوا لا تحرموا
 طیبات ما احل الله * معنای شریفی ای ایمان کتورن کیمسه ل الله تعالی
 حضرت تیری حلال ایلدیکی لذیذ اطعمه و مبهوه لری حرام ایتمک بلکه
 قابل ایلیمه جمله سیله تلذذ ایلیمک دیمک اولور و ابن عباس دیمشدر که
 دیلدیکی اکل ایلیمه و کشی بی انحق خطایه براغان اسراف و تکبر لکدر
 واسرافنددر اتمک ایچنی ییوب قبوقلارین و جوانین براغه سن و کیمسه
 انی یمیه اما اگر غیر یسی انی یسه قایر مکز کذلک حاجتدن زیاده سفره
 اوزرینه اتمک قومق شهرت و یار یا ایچون و یا فضله قالوب بولاشه

وای کیمسه یمیه اما اگر ییوب یسانه کیمز سه هر قدر قونور سه قایر مکز
 واسرافنددر معاصی به و منهی اولان شیلره هر نه که صرف اولنور سه
 اما طعاملردن نفایس یمک و فاخرانجه لباسلر کیمک و بو کسک بنار
 ایلک و بو کاکبکز که شارع شریعت انی تحریم منع ایتمشدر اگر حلالندن
 اولوب انلره کبر و فخر قصد اولمز سه اسراف دکلدر کر چه اسرافه
 بکزیوب کراهت تنزیهی ایلیمه مکرهدر زیر طالب آخر نه لایق
 اولان قناعت اوزره اولوب زیاده سنی تصدق ایلیمکدر زیر آخرت
 * خیر و ابقی * در شیخ شعراوی رحمه الله من نام کابنده دیمشدر زمانه من
 علماسنک دنیا لغنی و وظائفی انلره چوق کورم زیرا ناموس علمک
 توابعنددر علمک مقبولیتی ماله اولنجه زیاده در وای دیمم که شبهات
 و حرامدن ماله سالم اولمز زیرا علما حلال و حرامی بلورلر سائر خلق
 کبی دکلدر در و امام شاطبی نقل ایدر که دیمشدر عالمه مال وجاهدن
 لازمدر تا که خلق قتنده ذلیل اولیوب کیمسه به محتاج اولیمه و امام
 شافعی دن رحمه الله حکایت ایدر که دیمشدر بغداده وار دیمشده امام
 محمد حضرت تیریلیمه جامعده بولشدق و بزی کندی سعادتخانه سنه
 دعوت ایلدی بز دخی اجابت ایلدک آلتزه برقا طر کوندردی التواله
 مزین اکرله اکرلنش حتی امام محمدک منزله کلد کده کوردیمکه قبوکرلری
 ذهب و فضه ایلیمه منقش و مزین کوشکلر و یا بولر و امام محمد ایتدی
 یا امام بوکور دیکک دنیا لقی هب جهت حلالدن و هر ییل زکاتمی
 اخراج ایتدیمکدنصکره الله تعالی حضرت تیری مبرس ایتدی و ظنم
 بودر که الله تعالی حضرت تیری بنی بو خصوصده مطالبه ایلیمه پس
 امام شافعی دیر که اول وقت مدینه منوره ده حضرت مالک ابن انسک
 دنیا سی طار لغن ذکر ایتدم امام محمد ایتدی یا امام مالک ابوسی اولدر که
 کشی اول ماله دوستنی مسرور ایلیمه دشمنی قهر ایلیمه امام شافعی
 دیر که امام محمد بکا برخلعت و بیک التون و یردی و عرض ایتشیدیکه
 جمله مالک نصفنی الایم بن قبول ایتدم بعد بکا اوج بیک درهم
 دخی یول خرچلغین و یردی امام شافعی دیر که بعد زمان مدینه دن

آدم کلدی مالک بن انس رضی الله عنه حاندن سؤال ایتدم خبر و بر دیر که
 دنیالغی شومرتبه چوغالمشدر که او چوز جاریه سی وارد که ییلده
 برنوبت یقینلق ایله بونلری دور ایدر دیدی پس امام شافعی دیر که
 بغداد دن مدینه یه عزم ایلیوب کیتدم و مدینه یه کلدیکمده ابتدا
 ایکندی نمازینی قلمق ایچون جامعده واردم برکسی دهمشی دموردن
 کوردم اوزرنده * لا اله الا الله محمد رسول الله * یازلمش و اوزرنده
 برمنقش مصر یاصدیقی کوردم و کرسینک چوره یاننده درت یوزدن
 زیاده کتب کوردم تعجب ایلدم بونک صاحبی کیم اوله دیوزیرا مقدما
 بونلردن بر اثر یوغیدی بن نومطالعده ایکن کوردمکه مالک ابن انس
 باب نیدن ایچر و کیردی طیب رایحه اور تالغی قیلادی و درت کیمسه
 مکریمایا قولتوقلرینه کیروب و اتکلرین طوتوب کرسی یه کتوردیلر
 انی کورنجه حاضر اولانلر جمله سی ایاغه قالدیلر و کرسی یه اوتوروب
 چرخ عمد باندن بر مسئله اورتایه براغوب و دلایلر ایراد ایدوب مجلس
 وعظ تمام اولنجه اومسئله تحقیق ایلدی کرسیدن ایندکده حضورینه
 واروب سلام و یردم طوتوب بنی صدرنه چکدی و الم طوتوب منزلنه
 ایلتدی باقدمکه اولرینک بناسی بغداده کیتزدن مقدم کوردو کم
 بنا دکل همان کوزلرمدن یاش کلدی مالک ایتدی یا امام سن او یله
 ظن ایتدک که بز آخر عمری دنیا یه صائم شولا والله کولک مسرور و کوزک
 روشن اولسون بو کوردیکلک دنیا لقی خراسانک و اهل مصرک هدایا سیدر
 و دیار بعیده دن هدایا کلکده در معلوم عزت کدر که رسول الله صلی الله
 تعالی علیه وسلم دخی هدایا بی قبول ایدردی و حالا خراساندن کلن
 اوچبوز خلعت و مصر دن کلن اوچبوز خلعت جاریه لر دخی کذلک
 موجودلر در و صندوقلر مده بشیوز کره بیک التونم وارد و هر ییل بونلرک
 زکاتنی ادا ایتده یم دیرسک یا امام بو مالک نصفنی سکا و یریم بن دیدم
 سکا بوندن اوتوری کله مشم بنم دخی مالم وار ثلره قلا جقدر مالک تبسم
 ایدوب ایتدی بندخی دنیا لقدن ابا ایتده یم الاعلم کشی یه کرک اولاجقدر
 و علمک سبیلله بو مال کلده در امام شافعی رحمه الله دیر که مدینه دن

کعبه مکرمه یه روانه اولد یغمده مالک حضرتلری بنمله یالن ایاق یا یا نجه
 مدینه دن طشره چقدی بن ایتدم دابه یه بنسکر اولمز مدیدی مالک ایتدی
 حضرت رسول الله صلی الله علیه وسلم مبارک ایاغیله بصدیقی برلری
 دابه نک طرفیله بصمغه حجاب ایدر بن دیدی امام شافعی دیر که مالکک
 بو حالندن غایت مسرور اولدم و تحقیق بلمدمکه کثرت مالله پرهیز
 کارلغی زائل اولماش و بلمدمکه کثرت مال علمایه جالدر ان شاء الله
 تعالی ضرر و یرمز و مالک حضرتلری دخی اول حینده بکمال فراوان
 احسان ایلیوب کعبه مکرمه ده عجم اولاد نه تفریق ایلدم امام شافعی
 دیر که مالک حضرتلری در عهده ایلش دیکه کعبه مکرمه یه هر سینه
 استدیکم قدر خرچلغم کوندره بونک اوزرینه اون ایکی ییل مسرور ایلدی
 بهر سینه وعده سینه وفا ایدردی مالک حضرتلرینک وفاتنه دک کعبه
 مکرمه ده اکلندم اندنصکره مصره کلدیم (شیخ شعرای رحمه الله
 دیمشدر که کذلک علمانک مالدار لرندن امام اشهب دیر که مالک
 حضرتلرینک صحبتدار لرندن ایدی پادشاهلر وسعتنه مالک ایدی
 و امام ابواللیثک مصر اطرافنده شول قدر مقطوعه یرلری و ارایدیکه
 هر سینه خراجی یوز بیک التون کوردی بویله ایکن بنه مالنی ییلاندر محبوب
 اوزرینه زکات واجب ایتمشدر و فخر زاری حضرتلرینک بیک قولی
 و جاریه سی و ارایدی سائر خدم و حشمندن غیری انتهی پس بو بسط
 اولسان حکایاتدن فهم اولندیکه دنیا لقی حلالندن اولنجه و حقوق
 واجبه سی ادا اولنورسه بمد و حدر با خصوص علماده اولورسه علمنه
 شرف زیاده اولور و اخلاق علایی ده دیمشدر که اگر چه بعض اصحاب
 کزین و بعض اولیاء امت خیر المرسلین تملک اموال و اتخاذ اسباب دنیویه
 ایتشلر در اما محبتلری درونلرنده قرار و انک هم و عجبته گرفتار دکلر ایدی
 و اعظم بلیه ورأس کل خطیه اولان حب دنیادر نفس دنیا دکلدر لحرره
 * دکل رأس خطا یا نفس دنیا لقی ابو بیل *

* خطا اولان همان دنیا لغه و یرمکدر دل *

* نیجه درویش وارد نهی دست *

* امانی حب دنیا شوریده و مست *

ایتمشدر نیچه غنی واردر که دست دامن پر در امار قبده همتی قید حب دنیا دن
 حر در ابدی مدموم اولان حقیقته دنیا لوق دکل بلکه دنیا لوقه کوکل وروب
 ر بسندن غافل اولمقدر نیکیم حضرت مولانا دخی اتی بیان ایتمشدر مشنوی
 * حبست دنیا از خدا غافل بدن * نی قاش و نقره و فرزند وزن *
 اما صحابه کرام و اولیاء عظام کندیلرینی مال سیبیلله خدا دن اغفال
 ایتمشدر در نیکیم مناقبلرندن فهم اولنور و صحابه کرامدن کثرت
 مالله معروف عبدالله الرحمن بن عوف در که حین وفاتده درت خانونی
 قالمش ایدی بریسی حصه ثمنندن سکسان یک درهم بر روایتده بوقدر
 التونله صلح اولدیلر لکن درونی حب دنیا دن اول مرتبه ازاده ایدیکه
 بر کره حضور حضرت عمر فاروقه کلوب ایدی یا امیر المؤمنین حالا شامدن
 بر کار باغم کلور که سکسان دوه در و هر دوه سنک یوکی بیکر التونلق
 متاعدر جمله سین فی سبیل الله صدقه ایلام آل ضبط ایله سپیندن
 سؤال ایدیچک ایدی بو کیچه نماز تهجد مده خاطر یه کلدیکه ایا کار بان
 نه موضعه کلدی و احوال نیچه اولدی اوله پس بر مال که روی تو جهمی
 مانع و موجب تشویش خاطر اوله اتی ملکمدن اخراج ایتمک لازم ایدوکی
 ظاهر اولدی دیدی و مشایخ متأخرین مفخرا برار خواجه عیبه الله
 الاحرار سمرقندی قدس سره کثرت امواله اول مرتبه مالک ایدیکه
 یک اوچبوز مرزعه سی او اوب و بشقه بر مرزعه سنده اوچ یک چفت
 بورردی اما دنیا لوقی اکامقدار ذره مانع راه و نظر همتنده برک یاه کلدیدی
 نیکیم مولانا جامی انک مدحی باینده نظم ایدیکی کلامنده دیمشدر قطعه
 * روی زمین کش نه سرو بی نیست * در نظرش چون رخ بیکار نیست *
 * یک روی ناخن که بدست آیدش * کی بره فقر شکست آیدش *
 دیمک اولور اوچی بو جاغنی اولیان برک یوزی شیخک نظر نده بر طرنق
 یوزی کبدر یا الله کلن بر طرنقک یوزی راه فقرده اکاچن شکست کتور
 و صوفیلق طریقنی بوزار بوزمر دیمکدر و نکارستان نام کلبده کمال پاشا
 زاده یازمشدر که احد غزالی رحمه الله محمد غزالی نک برادر بدر وسعت

و قدر تنده شو مرتبه ده ایتمشکه طویله ایله آنلر بسلر مش و لکن وعظ
 و نصیحتنده دائماخلق فقره ترغیب ایدوب فقر و قناعت فضیلتنی بیان
 ایدر مش پس فضولدن بری بر کون دیر که یا شیخ سن بزی داما
 دنیا لوقدن منع ایدوب طریق فقره سوق ایدرسن یا سنک طویله ایله اولان
 آنلرک دنیا لوق دکلدر شیخ ایتمش بلی دنیا لوقدر و لکن بن اول آنلرک
 قازقارینی بیر قاقوب بغلامشم کوکل میدانته قویوب بغلامشم دیو
 جواب ایتمش ایدی کوکلدن محبت ایدوب حقدن اشغال و اغفال
 ایتمدیکه دنیا لوق ضرر و یرمز اما مرد قوی کر کدر که کنندی واریغله
 حفظ ایله زیر قرآن عظیم الشانده * الهیکم التکاثر * بیورمشدر
 یعنی دنیا لوقه کثرت سزی اشغال ایدی بوسپیدن ینه اخلاق علائده
 دیمشدر که اما طالب فضیلت و راغب سعادت آنلرک حالنی کندوبه
 دلیل و اموال و اثواب اتخاذه سبیل ایله بلکه سعادت استمره مقام
 فقرده اولان اولورله اقتدا و مجرد و فنا و زره کچن پیشواله اقتفا ایدوب
 جهان فایدن قدر مال ایدله ایله اکتفا ایدره رهن دنیا غدار طریق طلبده
 اکامانع اولوق احتمالی اولیه (در دنجی بحث صدقه ده اسراف اولورمی
 اولورمی اتی بیان ایدر معلوم اوله که زنجشری وقاضی بیضاوی و امام
 فخر رازی و اکثر مفسرین حق جل و علائک * و ما رزقناهم ینفقون *
 قول شریفنده انفاقدن مراد فی سبیل الله مالی صرف ایتمکدر
 و من تبعضیه کتور لمسی امتی اسرافدن منع ایچوندر دیمشدر کذلک
 * واتوا حقه یوم حصاده و لاتسرفوا انه لایحب المسرفین * آیتده که
 معنای حاصلک حقنی بچم کوننده ادا ایلوک اما اسراف ایلک الله
 تعالی حضرت تبری مسرف قوللرندن خشنود دکلدر دیو آیتک نزولنده
 بر قاج روایت واردر بریسی بودر که ثابت ابن قیس نخلستانه واروب
 بشیوز اغاچک خرما سنی دوشوروب و اول کون ینه جمله سنی فقرایه
 تصدق ایدوب اوینه واهلنه نفقه اولاجق خرما دن برشی البقومادی
 اول حین ده * و لاتسرفوا * آیتی نازل اولدی و بر روایتده معاذ بن جبل
 نام صحابه نک بر خرما سی واری ایدی اتی دوشوروب جمله سین بذل ایلدی

بیان صدقه اسراف اولورمی
 اولورمی

واهل و عیالنه کتورمدی دینشدر کذلک منع اسرافه دلالت ایدر
آیتدن بری * ولا تبسطها کل البسط * قول شریفیدر معنای یا حبیبم
مالکی قتی طاغتمغه طغتمه ملوم اولور سون دیمکدر و آیتک سبب نزولی
جابر و ابن مسعود رضی الله عنهما روایت ایندکری اوزره بر غلام حضور
رسول الله کلوب ایندی یا رسول الله بنم بر انام وار درالی آحق
نمز واریسه دنیا لقدن جمله سنی طاغتمدی و بن جیلاق قالدن
شمعی بنی سکا کوندردی تا که بکا کندی کو ملککی کیدیره سین
حضرت محمد صلی الله تعالی علیه وسلم دخی کمال مر جتدن
قیصنی ایندیروب غلامه و بردی و کندی بیتی ایچنده عریان قالدی
بلال اذان و یروب مسجدده کلمسندده اصحاب انتظار چکدیلر اخر بعضیلری
قالقوب حضرت پیغمبری بیتنده باقدیلر که کو ملکدن عاری اولوب
قالمش اول حینده بو آیت کریمه نازل اولدی (واحدیشدن دلیلک بری
بودر که ابوهریره روایتدر که حضرت محمد صلی الله تعالی علیه وسلم
بیومشدر صدقه نک خیرلوسی غنایوزندن و یریلندر کذلک بر آدم کلوب
حضور نبی ده ایندی برالتونم واریلیهیم یا رسول الله نفسکه انفاق ایله
دیدی بر غیر یسی دخی و اردیدی حضرت پیغمبرایتدی والدینکه انفاق
ایله بر غیر یسی دخی واران اهلکه انفاق ایله دیدی اندن غیری دخی وار
دیدی اتی خدمتکار یکه انفاق ایله دیدی اندن غیری دخی وار دیدی
سن اعلم سن دیدی و بر روایتده ابتدا نفسکه باشله و تصدق ایله اگر
ارتارسه اهلکه اندن آرتارسه اقربا که و امام بخاری دیمشدر که بر کیمسه
کندی و اهل محتاج ایکن و یا دینی و یا ایکن صدقه و یرسه اول صدقه
مردود در دینی ادا اتمک اولی و احقدر حتی فقیه ابواللیث تنبیه الغافلینده
ابراهیم ادهمک کلامنی نقل ایدر که دیمشدر بر آدمک بورجی اولسه
لایق دکلدر ادا اتمدین زیت یا غبله یا سرکه ایله قنقلانه و علما بونک
اوزرنه انفاق ایلمشدر در که قضاء دینی قیوب مدیون مالیه صدقه
ایلمک جائز دکلدر و دخی انفاق بونک اوزرنه در که بر کیمسه که صبور
اولوب یوقلفه تحمل ایلسه و اهل اولسه و یا اولسه لکن انلردخی

صبور اولسه رو بورجی دخی اولوب جمله مالی تصدق ایلسه جائزدر
حضرت ابابکر ایلمدوکی کبی اما کنه دونک یا اهلنک صبری اولسه
و یا بورجی اولور سه تصدق کراحت نخی عیله مکر و هدر ایمدی ظاهر
اولدیکه خیرده دخی اسراف مقرردر ایمدی مجاهدک روایتده کلن که
بر آدمک ابوقیس طاعی کبی التونی اولسه وانی طاعه اللهده انفاق
ایلسه مسرف اولمز دیندیکی و حاتم اصمک خیرده اسراف اولمز دیندیکی
اطلاقی اوزرنه دکلدر انحق بومذکور شرطلر ایله قید اولمشدر یعنی
کشینک اهل و عیالی و اقرباسی اولوب و کندوسی صبور اولدیغی
صورته و یا بونلر اولوب و هر بری صبور اولدیغی صورته و بورجی
اولدیغی صورته و کندو عبادتنه اول انفاق مانع اولدیغی صورته و
جمله مالی تصدق ایلسه اسراف اولمز ایشار که سخاوتک اعلی مرتبه سی
اولمش اولور و اخلاق علائیده اهل سخا و ایشارک اصحابندن بعضسنی
حکایت ایدر تا که اشیدن بخیللر بخلارینی علاج ایدوب بو عزیزلرک
طریقنه کیده لر جمله دن بری حضرت عایشه در که سخاوتی شو
مرتبه ده ایدیکه بردفده اینز ببردن کندینه یوز سکسان یک اجه کلدی
بیوروب کبسه دن بر طبقه دو کدیلر و اهل مدینه دن فقیر و مستحقنه
طاغیدیلر بعده ام ذره نام جاریه سنه غدامری کتور افطار ایدمه دیدی
غدا ی بیتی خبر و زیت ایدی جاریه ایندی بزه دخی ایکی اچه و یرسک
لحم البوب افطار ایلسک اولمز میدی دیدکده اگر اول دیمش اولدک
و یردم لکن جمله سی تقریق اولندی دیدی کذلک عبدالله بن جعفر
طیار که حضرت معاویه رضی الله تعالی عنهمک احب احبابندن ایدی
هر ییل یوز کره یوز یک اجه وظیفه سی وارییدی اننه کیدر کده جمله سین
فقرا و ایتم و ارامله بخش و عطا قیلوب سنه آخرینه واریجه مدیون
اولور دی پس بو خصوصه دن خبری اولمین کیمسه لر معاویه ده
دیدیلر که عبدالله هر سنه بو قدر مال و یرمک بیت المالیه احلال
وامیر المؤمننه غیر حلالدر معاویه جواب و یردیکه بن بومالی عبدالله
و یرمزین بلکه مدینه فقراسنه و یرزین تفتیش ایلک تفتیش ایندیلر

واقعا و بيله ظهور ايتدی پس جود عبد الله طعن ايدنلر انصاف و بيت
المال اكاو يرمك جمله فقر ايه و يرمك ايد و كنه اعتراف ايتدیلر و مذکور
عبد الله بردفعه حضرت حسن و حسين ايله معا حجن کلور ايكن
بر بادیده ریح عظیم و مطر شدید اولوب قافله پراکنده و پریشان
اولغله بونلر قافله دن آیری دوشوب بوللر ين ياوی قیلورلر و نیجه زحمت
و مشقت دن صکره بر عریك او باسنه نزول ایدرلر و انده بر پیره زن
بولورلر انلره تکریم ایدوب او بایه انزال و ادخال ایدر او ثور دقلرنده
عجوزه دن شراب استرلر او باکارنده بغلی کچی بی جلب ایدوب سودین
ایچك دیو اشارت ایدر بعده طعامك وار میدر دیرلر قالقك
بومعه بی ذبح ایدك سزهم طعا پشوره ين بیکز دیر پس او بيله ایدرلر
بعده روی هوا کشاده اولدقدن انلرینه سوار اولوب بزقریشدن زاکر
احتیاجك اولوب مدینه یه کلورسکن بزنی صورتوب بوله سز دیوب
ووداع ایدرلر اخشام اولوب پیر صحرا دن کاوب معری بولمیحق عجوزه دن
سؤال ایدوب اول دخی شرح حال اید یچك پیر غضبه کلوب بر قوم
مجهول مجرد بزقریشدن سبب معاشمز اولان نسنه بی اتلاف
ایتمش سک دیر بعد زمان بیک فقری اشتداد و زمان ضری امتداد
بولمیحق مدینه یه کلورلر و بز زمان سر قین شتر طاشمغله معاش ایدرلر اتفاق
برکون امام حسن رضی الله عنه اوی اوکنده او توررکن عجوز کچر امام
حسن بیلوب کل یا امة الله هیچ بی بیلور مبسك دیر عجوز لادیچك بن
سنك ضیفك دکلیم دیر عجوز انام اتام سکا فدا اولسون بلدم سن اولسون
دیر پس امام حسن بیک دینار و بیک قیون احسان ایدوب غلامیله امام
حسنه کوندردی و امام حسین رضی الله عنه دخی بیک التون و بیک
کوسفند اعطا ایدوب عبد الله بن جعفر حضرت نرینه کوندردی اول دخی
ایکی بیک دینار و ایکی بیک قیون بخش ایدوب اگر اول بکا کلمش
اولایدك او بيله اعطا ایدرد مکه انلره تعب و مشقت و پرردم دیدی
(وضراط سویده باز مشیدر که حاتم و نوسروان کفاردن ایکن بری
سخاوتی و بری عدالتی سببیلر جهنمه کیر میوب اعزافده قالورلر) بشنچی

بیان علاج اسراف

بحث علاج اسراف بیانده در علاجی او چدر (اولکچسی علمیدر که
کچن غائله لری بیلکدر و اسراف با بنده کچن کلامه مداومت و تذکر در
(ایکچسی علمیدر که مالی طومعه تکلف ایتک و برکوزه در کمسه
نصب ایتکدر که اسراف کور یچك عتاب ایلر و اکا آفات اسراف
بیان ایلر) او چنچسی علاج قلبک در اول دخی سبیلرین بیلوب
کیدر مسنه سعی لازمدر و اسباب اسراف التی در (اولکچسی و غالب
اولانی سفاهتدر و منکرات قلبک او توز برنجیسیدر و سفاهت عقلک
ضعفنه و خفته دیرلر و بونک ضدی رشدر که عقلک کمال قوتنه دیرلر
تکیم الله تعالی قرآن عظیم الشانده بیور مشدر * ولا تؤثوا السفهاء
اموالکم * یعنی سفهایه ماللر بکزی و یرمک تا انلردن رشد کورمد کچه
ورشد بلوغک غیریدر زیر بلوغ اون بشده اولدقدن صکره عقلک
خفتی اولسه اکاسفیه دینور و مالی و صیلر انده اولوب سفیهك انسه
تسلیم اولمز تا که انک عقلی ظهوره کلنجیهك دیو فقها تحریر ایلشلردر
و اکثری سفاهت طبعی اولور و کاهی سفاهته قوت و یره چك شیلر
ضم اولوب سفاهتی قوی اولسد کرک مثلاً اننه زحمنسز مال کیر میسی
و مصاحبلرینك خرج ایلسنه اقداملری و صقلقدن منع ایللری کبی تا که
مالنی اکل و بلع ایدلر و بونوع اسراف اکثری اولاد اکابردن واقع
اولور بواجلدن پرامنه مقارنتدن نهی اولمشدر و کاه اولور که سفاهت
ناسک زیاده رعایت و تعظیم و مدح و ثنلرندن واقع اولور و یا سفاهت
جبلسی زیاده اولور و بو خصلت دخی اکثری اولاد کابردن و قاضیلر
و مدرسلر و مشایخلر و امرالر اولادلرنده ظهور ایدر (اخلاق علائیده
دیمشدر که صبی به افعال حسنیه بی و اخلاق مرصیه بی تلقین ایدوب
و اول صبی عیب و عار اولاجق افعاله اقدام ایتد کچه های صقین عبیدر
بردخی بونی ایله دیوب منع و تفریع ایدلر اطفالک ادراکاری خالی
اولغله احتراز قلبنده تمکن ایدر و اکثری اکابر زاده لده سفه و قلت
عقل معاش شایعدر حتی بعض اهل هزل انلری السفیه چلبی دیو
تعریف ایلشدن همان صبی ایکن قتی اعزاز و رعایت سببیلر لاله لری

بیان اسباب اسراف سفاهتدر

و مر بی لری اصلا بر فعلندن منع ایتمیوب هر نه درایسه آفرین و هر نه
اشلر سه تحسین ایتد کلری اچلدند (ایکنجی سبی اسراف و یا اسرافک
اصنافی بلدیکندندر پس اتی سرف ظن ایتمیوب سخاوت ظن ایدر
و یا خود اسرافک حرام و مضر اولدیغنی بلمه مکندندر و علاجی تعلمر
(اوچنجیسی ریا و سمعه در) در دنجیسی ضعف نفسدر که عوام اکا
حیا دیرلر یعنی خلقدن اوتانوب برشی اسراف ایسه ده اتی وجود
کتورر (فقیر ایدرین بو عصرده بعض کپسه لک قهوه بشوروب
ایچورمه لری کی با خصوص دینه مستغرق ایکن ینه خلقدن حجاب
ایدوب بو نامعقول ایشی ترک ایتمز اگر قوت قلبیسی اولسه اول حیابی ترک
ایدردی و بو اسرافدن قورتلوردی) بشنجیسی ضعف دیندر پس
اسراف اولدیغنی بلور ایکن و بر مقتضیسی یوغبکن ضعف دین سببیه
لا ابالی مالی اسراف ایدر (فقیر ایدرین بونک مثالی زمانه ده دخان
خیشه مالی اسراف ایدنلردر که اسراف اولدیغنی دخی بیلورلر دین
و دنیویه لرینه بر مقتضیسی دخی یوقدر و یوقدن ضعف دین سببیه
واز کچمزلر) النجیسی کسل و بطلالتدر ایمدی بوسیلری کیدروب
علاجنه سعی ایتمک کرکدر بد قرینلردن اجتناب ایدوب عقلا
و حکما مجلسنه مداومت ایتمکله و اسرافک افاتنده وارد اولان
کلامی دکلمکله کندینه امساک عادت ایلنه تاکه اسرافدن
قورتلنه (آفات قلبک اوتوز ایکنجیسی کسل و بطلالتدر یو خصلت
قتی مذموم در دلیلی الله تعالی حضرت تیرینک * وان لبس للانسان
الاماسی * قول شریفدر دیمک اولور که انسانه آخرت ایچون
نفع و بررشی یوقدر سعیندن غیری و حضرت پیغمبر صلی الله تعالی
علیه وسلمک (اللهم انی اعوذ بک من الکسل والهرم) دیو کسلدن حقه
صغندیغنی مذموم اولماسنه دلیل کافیدر و کندونی کشی سنک مزار
پایه سنده طوتوب فائده سز جاده تشبیه و نفس و بدنک هلاکغنه
مؤدی اولماسیدر و حضرت مولانا سعیک فضیلتی بیاتنده دیمش
* دوست دار دیار این آشفته کی * کوشش یهوده به از خفتکی *

بیان کسل و شاشفتگی

معناسی الله تعالی حضرت تیری بو اشفته لکی و بلمکی سور زیر
یهوده چالشقی او یومه دن یکدر یعنی او یخوده بطالت و کسل
اولدیغندن اوتوری مذمومدر (اخلاق علائیده دیر که اما امور اخرویده
بطالت و کسل و ترک اجتهاد و عمل موجب حرمان قرب حق و فوت
درجات نعیم و مستوجب درکات بحیم اولدیغنی قرآن عظیم و احادیث
نبی کریم و آثار اصحاب و اولیاء ارشاد و تعلیمده اکثر من ان یحصی در
وعد و وعید فرقانه نظر اولنسه جمله مواضعده درجات جنانه سعی
و اجتهاد و عماله که ترک بطالت و کسلدر پیورلمشدر و هیچ بره وضعده
بی سعی و عمل محض موهبه لطف ازل سبب دخول جنت و نجات
جهنم اولدیغنه تصریح یوقدر اما امور دنیویه به توکل ایتمه
چوق امر وارد اولمشدر و عجبدر که عامه انام و اکثر عوام امور آخرنده
توکل ایدوب حق جلال و علا کریم و غفوردر دیو ترک اجتهاد
و عمل و اختیار بطالت و کسل ایدرلر و بعض شرانک ظواهر
اشعارین دلیل طوترلر حافظ شیرازی نیک بو بیتنده کی کبی
* کوی نیک نام مارا کذب نداند * کرتوغنی بندی تغییر کن قضارا *
اما اهل بصیرت قننده بورجا و توکل مقبول دکلدن معاذ الله بو بر
رویشدر که شیطانک اغواسی و غروریدر که بو گونه غروردر
الله تعالی حضرت تیری قوللرینی نهی ایدوب * ولا یغرنکم بالله الغرور *
پیوردیغنی بودر مقبول اولان رجا و توکل اولدر که الله تعالی حضرت تیرینک
امرینه امثال و نهیندن اجتناب و طاعت و عبادتی انکساب ایتدکن
صکره رحمت حقه رجا و عبادتک حفظ و ثباتنده توکل اوزره اوله سن
و بونک برله ینه بین الخوف والرجا اولق عوام مؤمنینک شاندن در
اما غریبدر که امور دنیویه ده اصلا کرم حقه اعتماد و توکل واعتقاد
ایتمزلر بلکه سعی ایدرلر که انک عشر عشرین امور آخرت و قرب حق
ایچون اتسه لکبار اولسادن اولوردی مشوی ترجمه لودادی مرحوم
* راحت و ریحک امیدوی اولسه * پای درویش اولوریدی بر فلک *
باد شهیدن قورقدیغنی کی وزیر * خوف ایدیدی حقندن اولوردی ملک *

بیان ضرر بطالت و کسل

پس عاقله لازمدر که تکثیر دنیای فانی و توفیر ثواب ایچونکه جهنمک
صوی تفریق و تحصیلک آخری تضییع در سعی و اهتمامی قویوب
تحصیل زاد سفر معاد ایچون اهتمام واجتهاد ایدیه و یقین بیه که سعی
واجتهاد سز مراتب عالییه تحصیل و مشروبات باقیه تکمیل اولمز بوندن
دخی اعتبار اولمز می که ادنی رفعت دنیوی ولدت بجازی تحصیلنده
هزار سعی و مؤنت اولمجه حاصل اولمز بر ملازم منصب آلتجه هزار
تکا پوی و نیجه دفعه بذل آب روی ایتک **ک**رک و سپاهی بر تیاره
حقبجه هزار خدمت و بذل سرفلق **ک**رک و بر فاسق زن و غلامدن
تحصیل مرام نفس اماره ایدنجه نیجه خرج و سعی ایلر پس مراتب
اخرویه که سعادت حقیقیه باقیه در پی سعی و عمل نیجه حاصل و مرد
اکا بطالت و کسل ایله نیجه واصل اولور و حالاکسل ایله عمرین ضایع
ولدت فانی به قانع اولان دنی طوتکه عذابدن امین اولوب فضل خدا ایله
جنته کیره اما اول مراتب عالییه که اصحاب سعی واجتهاده احسان
اولسه **ک**رک اول وقت تحسیری نه مرتبه اولسه **ک**رک و ندای * اقد فرطت
فی جنب الله * چقسه **ک**رک نمکتیدر که اعمال بطال ایله اجر و مزده
برار و درگاه خدمته قائم اولنلر بنکاه غفلتده ساهی و لاهی قلا نلره
همسر اوله لر حاشا * افعجل المسلمین کالجرمین مالکم کیف تحکمون آتی
بو کادلیل کافیدر پس ای جان پدر بو کون اعضا صحیح و قوت و فرصت
باقی ایکن سعی و کوشش قبل تا که ندامت و تحسیر چکمه سن و علاج
قویسی اهل دیانتله و طلبکاران حقله مصاحبت و مقارنت و فسقه
و مدهنین صخبندن و ضعیفاء دیندن اجتناب ایدوب بطالت و کسلدن
پرهیز ایدوب اسراف مال و منالدن مصون و محفوظ اوله سن و عمر کی
بیهوده یره تلف ایتیه سن (آفات قلبدن اوتوز او چنجبسی عجله در و عجله
قلبه بر معیدر که سرعتله مقصودک حصولنه باعثدر و بونک ضنده
حسن انتظار دیرلر کذلک عجله تأمل سز اول خاطره بر شبیک اقدانه
دیرلر و بونک ضنده توقف دیرلر و یا خود هر برجی برلو یرینه کتورمدن
بر شبیه اقدام ایتکه دیرلر و بونک ضنده تأنی و توده دیرلر و عجله نک مذموم

بیان آفات عجله

اولمسنده وارد اولان دلائلدن بری الله تعالی حضرت تیرینک * خلق
الانسان من عجل * قول شریفیدر کذلک * ولا تعجل بالقران *
آیتیدر و عبدالله رضی الله عنه حضرت تیری روایت ایدر حضرت محمد
صلی الله تعالی علیه وسلم پیور مشدر سمت حسن و توده و تأنی و وسط
رعایتی نبونک یکرمی درت جزئندن برجی ئیدر (واولکی قسم عجله نک
آفتی سستلکی و عمل خیردن کسلکی و مرادک عدم حصوانی اقتضا
ایتمیدر مثلاً بر آدم خیردن بر مرتبه طلب ایلوب حصولنده عجله ایله
حاصل اولمدیغی صورته یا فتور حاصل اولوب اندن نومید اولور
و یا خود جهنددن نفسنه زحمت و یروب بعده و از کلور و یا بر آدم
بر حاجت ایچون ر بسنه دعا ایلسه و حاجتی قبول اولمسنده عجله ایلسه
پس استدیکی حاصل اولمسه دعائی ترک ایدر و مقصودندن محروم
اولور ایدم بو عجله مذمومدرزیرا * الامور مرهونه باوقاتها *
فخواستجه هر امرک بر مقدر وقتی وارد اکا حسن انتظار لازمدر
مشهوردر که فرعون حقنده حضرت موسی نک دعاسی مستجاب اولدیغی
جبرائیل علیه السلام خبر و یرد کدنصکره اوتوز ییل کچدی فرعونک
غرق اولمسی وقتنه دک (و شیخ شعراوی منن نام کتابده دیمشدر که
الله تعالی حضرت تیرینک الطافنددر مقامات صالحینه چقمغه چا پندیم
ور یا ضلله و اسماء الهیه ایله اول مقاماتی اله کتورمکده عجله ایتدیکم
زیرا استحقاق یوغیکن ناس قتنده دخی بو یوزدن مرتبه طلب ایتک
مذمومدر دکل که باری تعالی حضرت تیری حضورنده و سید عبدالقادر
جیلی دیمشدر که الله تعالی حضرت تیری سنی بر حالتده طور غور سه
سن اندن اعلی و یا ادنی مقامه انتقالی طالب اولم بلکه منتظر اول
تا که الله تعالی حضرت تیری سنی اول مقامدن نقل ایتدیره و بنه دیمشدر که
کشی کندینه طالب اولدیغی مقام یا قسمت الهیه ایله نصیبی اولمق وار
و یا غیرینک نصیبی اولمق وار و یا برینک نصیبی اولمق برفتنه ایچون
خلق اولمق وار ایدم کندینک نصیبی ایسه مقدر اولان وقتده
اکا واصل اولور پس لایق دکلدر حرص و عجله ایتک زیرا ترک ایدر

کلامك طريقك كلامه اما مجله نك ايكني قسمك آفتي اول احرك تقويتني
و بحث نامني فوت ايليوب نفسه مكروه اصابت ايلسيدر مثلا برايشه
تا ملسر شروع اولنوب يا بر بليه به او غرايوب اكا تحمل ايده ميوب
نفسه بد دعا ايله والله تعالى حضرت تلي مستجاب ايليوب واقع اوله يا
بر آدم كندينه ظلم ايلسه پس انتقامده مجله ايليوب بد دعا ايده ودعائي
مستجاب اولوب تجاوزلق ايله و كندى معصيته دوشه واو چي قسم
مجله نك آفتي عملك نقصاني بلكه باطل اولسيدر مثلا بر عملك ادابي و سني
بلكه واجبات و فرائضي ترك اولمقي واقع اولور نكيم نمازده مجله ايدوب
ركوع و سجود ده او چر نسبح او قومزلر و يا خود اذكاري محملدن تغيير
ايدرلر و گاه اولور كه امامه افعال و اقوالده سبق ايمكله مخالفت ايدرلر
و گاه اولور كه تعديل اركان و تجويدى ترك ايدرلر پس نمازده مفسدت
واقع اولور وطن اولماسونكه تاني تاخير و تسويف معناسنه در (بلكه
تسويف آفات قلبك اوتوز دردنجيسيدر و بود خي اخرت عملك
طلبنده قتي مذمومدر و بونك ضدى مسارعت و مسابقه در الله تعالى
حضرت تلي بو خصلت حيله نك مدحي حقنده * و سار عوالي مغفرة *
بيور مشدر و حديث شريفده جابر روايتيدر ديمشدر حضرت رسول الله
صلى الله تعالى عليه وسلم بردفعه خطبه سنده بزه ديديكه اى ناس اولمزدن
اول توبه ايليوب اعمال صالحديه سرعت ايليوك غيري شبه مشغول
اولمادين و كنديكزله ربكز يئني كثر ذكرله اولاشديرك و صمد قه بي
كرلي واشكاره و يرك تا كه مرزوق و منصور اوله سوز و ابوهريره روايتنده
بيور مشدر سرك منتظر اولديغكز يوق اولاجق غنا يا خود اونونديرجق
فقر يا مرض مفسد يا خود بونا مش قوجه لق يا موت مهيا يا خود
دجالدر دجال ايسه شر غايدر يا خود قيامتدر قيامت ايسه قتي اجي
بلا در و ابن عباس رضي الله عنهما روايتنده بر آدمه نصيحتنده
حضرت محمد صلى الله تعالى عليه وسلم بيور مشدر بشي بش
شيدن اول غنيمت بيل يكتلكي پيرلككدن اول و صحتكي خسته لغكدن
اول و غناكي فقر كدن اول و فراغكي شغل كدن اول و حياتكي موت كدن اول

و حضرت عمر رضي الله تعالى عنه هلاك المسوفون بيور مشدر يعني توبه
وطاعتى تاخير ايدنلر هلاك اولديلر على غفلة اجل كلوب تدارك سز
كنديلر ديمكدر (آفات قلبك اوتوز بشي جيسي قلب يغونلغيدر كه كوكللي
بيوك ديدكلر يدر بونك آفتي بياننده آيات كريمه دن * ولو كنت فظا
غليظ القلب لانفضوا من حولك * قول شريفيدر معنای شريفي
يا حبيبم اكسن كوكللي و قلبي يوغون اوليدك سنك اطرافك دن
طاغيلورلرايدى و كيسه سكا مألوف اولمزدى ديمكدر و بونك ضدى
لين و رفتدر كه غيري كيسه به عارض اولان جفايه اجمقدر و شفقت
ايدوب ناسدن مكروهى ازاله ايمده صرف همت ايتكدر ابوهريره
رضي الله عنه رسول اكرم صلى الله تعالى عليه وسلم دن روايت ايدر كه
* من لا يرحم لا يرحم * بيور مشدر يعني اول كيسه كه غيري به مرحمت
ايمده مرحمت اولنماز و پرروايتنده ابوهريره دير كه اشتدم حضرت
پيغمبر عليه الصلاة والسلام سعادته * الله تعالى شقي كيسه نك
كوكلندن مرحمتي قالددر بيوردي * اوتوز النجيسي و قاحندر يعني
يوز سوزلك و ادب سزلكدر و بونك ضدى حيا در و حيا قباحت ارتكابي
خوفندن نفسك صغلمسنه ديرلر بو خصوصده ابن مسعود رضي الله
تعالى عنه رسول اكرم صلى الله تعالى عليه وسلم دن حديث شريف
روايت ايدر بيور مشدر الله تعالى حضرت تليدن حق حيا ايله اوتانك
يزديك كه الحمد لله برحقندن اوتغاده يز و حضرت پيغمبرينه بيورديكه
حقيقتده اوتفاق اولدر كه باشكي و باشكده اولان حواسي يعني كوزكي
وقولاغكي و آغزكي و قارنكي و قلبك جمع ايتديكي اخلاقكي و افعالكي
حفظ ايده سك و موتكي و موتكدن صكره چوريمكي ذكر ايده سك
و آخرتكي مراد ايدوب دنيا اوزرينه ترجيح ايده سك و دنيا زينتنى ترك
ايده سك تحقيق ربكدن حق حيا ايله حيا ايتمش اولور سك و ابوهريره
رضي الله عنه روايتنده دخی بيور مشدر حيا ايماندر اهل ايمان ايسه
جنتده اولور و بي ادبلك جفا دندر و اهل جفا ايسه جهنمده اولور
وانس رضي الله تعالى عنه روايتنده دخی بيور مشدر كه هر نه شيدنه كه

بيان آفات غلظت قلب

بيان وقاحت يعني ادب سزلك

بيان آفات تسويف

قباحت بولنه انی عارلی ایلر وهر نه ده که حیابولنه اکا زینت ویر
 و حیاتک افضللی الله تعالی حضرتلرندن حیایتمکدر بعده ناسدن حیای
 اتمکدر معصیت و کراهیت مؤدی اولیان یرلده امام معصیت و کراهیت
 مؤدی اولان یرلده اوتانمق مذمومدر مثلاً امر بالمعروف ونهی عن
 المنکر اتمکده اوتانمق و کسوه بی قیصه اتمکده و قبا اتمکده و یان
 ایاق کرمکده و چاره بتمکده و سمره بتمکده و پارمقارینی و طبایغی طعام
 وقتنده یلامقده و طعامدن و سفره دن بیره دوشن شئی بتمکده و جهر
 ایله سلام و یروب و آلمقده و اذان اوقومقده و امامت اتمکده و بالجمله
 بونلری اوتنوب وجوده کتورمک قتی مذمومدر زیرا حقیقتده بونلری
 ترک دین ضعفندن و یاریادن و یا کبردن ناشیدر واکر حقیقتده
 بواسیادن بریسی اولیوب مطلق حیادن ترک ایتدیه دخی انساندن
 حیای ایتدیکندندر والله تعالی یه ورسولنه ادب سزلک و جرات اتمش
 اولور ایمدی اول کیمسه که خالق و رازقی اولان رب العزتک فرماتی
 و پیغمبری اولان سلطان انبیاک سننن ترک ایدوب مخلوق عاجزدن
 اوتانوب انلرک رضاسنی و مدح لرینی طلب ایلوب لوملرندن فرار ایلیه
 و عذاب الیمدن و حرمان شفاعتدن خوف ایتیه نک حالی و مالی بیانه
 محتاج دکلدن (وصراط سویده دیمشدر که حدیث شریفده کلشدر
 مقدم اولان نبیلرک کلامندندر * اذالم تستخی فاصنع ما شئت * یعنی
 چنکه اوتانمیه سک دیلدیککی اشله یعنی برآمده که خوف عاقبت
 و حیای و حجاب اولمزایسه الندن هر ایش کلور پس سالکه لازمدر که
 بو خصلتدن اجتناب ایلیه (اوتوزیدنجهسی شکایت و فزعدر فزع اکا
 دیرلر که بر محنت و مصیبت صبر ایتوب قولله و یا فعلله اظهار غمزایدیه سک
 و بونک ضدینه صبر دیرلر که نفسی فریاد اتمکدن طومغه دیرلر الله تعالی
 حضرتلری انلرک قضیاتی حقنده * انما یوفی الصابرون اجرهم بغير
 حساب * بیورمشدر معنای اطیغی انجیق بز صابرلرک اجر و عوض لرینی
 حساب سز و یریز و ابن عباس رضی الله عنه روایت ایدر که رسول الله
 صلی الله تعالی علیه وسلم * بر کیمسه نک مالنه و یا نفسنه بر مصیبت کلوب

بیان آفات شکوی و فزع

انی کتم ایلسه و کیمسه یه شکایت ایلسه الله تعالی حضرتلری انی مغفرت
 ایدر بیوردی و انس رضی الله عنه روایتده دخی بیورمشدر که ایمان
 ایکی نصفدر بر نصفی صبر و بر نصفی شکر در و صبرک افضل ایتدیه
 مصیبتده در و بر حدیث شریفده دخی بیورمشدر صبر جمله عبادتک
 اصلی و وبالی منع ایدمچیدر (و شیخ شعراوی منن نام کتابنده دیمشدر
 لطف حقله بلاء و محنتی دوستندن و دوشمنندن کتم ایدوب افشا
 ایتزدن و بعض دفعه قلبه بر آتش دوشوب یناردم آغزمدن و یورنمدن
 نار ظاهریدن چیقان د خان کبی توتون چیقار ایدی و سینه
 کیمسه بی مطلع ایتزدن و شیخ نورالدین شونی رحمه الله دخی بومقامده
 ایدی حتی مرض موتنده فرق بدی کون ارقه سی اوزرینه یا توب انلری
 قوعش ایدی و قرینجه لر آلائی کوروب اتن کر یرلردی بردفعه آه
 ایتسنی کیمسه اشتماشدر و حالندن سؤال ایدنه ابو خوش دبو جواب و یرردی
 (شیخ شعراوی دیر که رجالک مراتبی بویله شدایدده ظاهر اولور و بویله
 مرضک شده حالنده و غیره مختلرده مؤمنک ابو خوش دیمسی اعتقادده
 ابو خوش اعتقاد اوزریم نیتنی طومق کرک تا که هم کذبدن هم شکوی دن
 نجات بوله و سید علی خواص دیمشدر که خلقدن بریله مانوس اولوب
 قانع اولمه وانی جمیع حالکه مطلع ایتیه الا اذن شریعت اولان شبهه
 همان ربکه مانوس اولوب سکونک آنکله و شکواک ینه اندن اکا اولوب
 غیره یه اولسون زیرا ضرر و فائده و عزت و ذلت جمله انک الله در
 (پس شیخ شعراوی نصیحتده باشلوب دیر که ایمدی صقین ای قرداش
 الله تعالی حضرتلری سکاحت و یرمش ایکن و بر نازل اولان بلایی
 تحمل ایتکه سکاحتده دنیاقله قوت و قدرت و یرمش ایکن ربکه
 شکایت ایلوب بنم قوتم و قدرتم بوقدر دیمه و یا خلقه شکایت ایدوب
 نعمتک وار ایکن زیاده سنه الک ایشمدیکندن کوجنه سن و موجود اولان
 نعمت و عافیتی حقیر عدایده سین پس اولور که ربک سکاحتده ایدوب
 موجود اولان نعمت و عافیتی سلب ایدوب سنک اوزر یکه بلایی برتر ایدوب
 بلکه سنی عین رعایتندن دوشوروب عندالناس دخی مبعوض اولور سن

بیان نصیحت شیخ شعراوی

ایمدی اگر خلق سنک وجودکی مقرضله کسر لسه خلقه شکایتدن
 احتراز ایله زیرانی آدمه نازل اولان بلا اکثر شکوایی اوچندن نازل
 اولور و نیجه سنه انسان شکایت ایلیه حالنکه الله تعالی حضرتلری
 قولنه والدیندن ارچدر حدیث صحیحده کلدیکی اوزره ککذلك
 * عسی ان تکرهوا شبنما و هو خیر لکم * کلامیله بومعنا بیان ایلمشدر
 ایمدی عبده لایق اولان قضایه رضا و بلا یه صبر و عدم شکوی در
 انتهی (اوتوزسکن نجیسی کفران نعمتدر که الله تعالی حضرتلرینک
 و یردیکی نعمتی انکار ایدوب ستر ایتکدر نکیم الله تعالی حضرتلری
 بوقسمک اربابی حقنده بیور مشدر * فکفرت بانعم الله فاذاقها الله
 لباس الجوع والخوف * معناسی خوف و مضایقه دن امین اولوب
 هر یردن رزقلری وسعت اوزره کلورکن کفران نعمت ایدن اهل قریه یه
 حق سبحانه و تعالی حضرتلری جوع و خوف چاشنبی طائیدوب
 عالمیانه عبرت نما ایتدیکیدر و بو کفران نعمتک ضربه شکر دیر که نعمت
 مقابله سنده لایق اولان وجه اوزره منعمی تعظیم ایتکدر دیر لالدن
 ولساندن و قلبدن صادر اولور الله تعالی حضرتلری * لئن شکرتم
 لازیدنکم * بیور مشدر معنای شریفی عزت و عظمت حقیچون اگر سز
 شکر ایدرسکن تحقیق سزه نعمتکری زیاده ایدرین شیخ زاده رحمه الله
 بو آیت کریمه نک تحقیقده دیمشدر که شکرله زیاده اولان نعمت
 هم روحانیه و هم جسمانیه در اما نعم روحانیه بودر که شاکر اولان
 عبد دائما الله تعالی حضرتلرینک نعمتلی انعامی و انواع فضل و کرهی
 ملاحظه ایتکدر بوملاحظه ایسه عبدک ربسنه محبتی جلب ایدر
 مقام محبت ایسه صدیقینک اعلی مرتبه سیدر بعده عبد اول مقامدن
 ترقی ایدوب محبتی بالکرم نعمه اولوب نعمتدن التفاتی قالددر بومقام ایسه
 واصلین مقامیدر ایمدی ثابت اولدیکه شکره اشتغال ایتک نعمای
 روحانیه بی جلب ایدر اما نعم جسمانیه نک زیاده اولمسی تنبع ایله بیلمشدر که
 بر آدم شکری زیاده ایتدیکه نعمت دنیویه سی زیاده اولور پس عید
 شاکرک نعمت دنیویه سی و اخروییه سی شکری سبیلله از دیاد بولور

کفران نعمه لك ایسه عذاب شدیدی و دنیا و آخرت آفتی ایجاب ایدر
 و شکرک منافعی و کفرانک ضررلری ینه عبده راجعدر معبود و مشکور
 اولان رب العزت شکرله فائده لمدن و کفرانله ضرر لمدن غنیدر انجیق
 بوطاعات قوللرینک منفعتیچون امر اولمشدر * ان الله لغنی حمید *
 بیور دیغی بوسبیدندر (کلدک طریقت کلامنه اما شکرک فضیلتی با بنده
 احادیثدن بری ابوهریره روایتدر که رسول کبریا علیه الصلاة والسلام
 بیور مشدر شاکر اولان اهل نعمت صائم اولان صابر منزله سنده در
 و نعمان بن بشیر روایتده دیمشدر که بر کچمه که آزه شکر ایتیه چوغه
 دخی شکر ایتیز و بر کچمه که ناسه شکر ایتیه حق تعالی یه دخی شکر ایتیز
 والله تعالینک نعمتی سوبلشمک شکر در و نعمتی ترک تحث ایتک کفر در
 و جماعت رحمت و فرقت عذابدر (شیخ شعراوی رحمه الله منن نام کتابنده
 دیمشدر معلوم اوله که الله تعالی حضرتلری بزه احسان ایتدیکه نعمتلی
 مقابله سنده شکر ایتکی امر ایلوب فرایضندن بری قیلشدر کک اسانله
 کک قلبله و کک سائر کارکانه شکر ایتکده مأمورز و لکن جمیع نعمتلی بی
 عدا ایتکده مجال اولمدیغندن طاقتمز یتدیکه قدر شکر ایتک لازمدر پس
 شکر لسانی بزم اقرارمز و اعتراف ایله مز در که نعمتلی جله حقیق
 و یرکوسیدر خلق الندن کلدیکی صورته دخی انجیق خلق ارا یرده
 بواسطه در نکیم بر پا دشا هک عبدی سکا افندیسنندن برطبق هدیه
 کتورسه مدح و ثنایه مستحق اولان پادشاهدر و عبدی دخی اول
 هدیه نک کلمسنه واسطه اولدیغندن رعایتیه مستحق اولور بوسبیدن
 * من لم یشکر الناس لم یشکر الله * بیور مشدر اما شکر قلبی بزم قطعیه
 اعتقاد ایله مز در که جمیعاً بزه موجود اولان نعمتلی و لذتلی و حرکات
 و سکنات ربمک فضلندندر غیریدن دکلدر تاکه اسانمز قلمزه مطابق
 اوله و منعم حقیقی الله تعالی حضرتلری اولدیغنی اعتقادله قلبنده اکا
 محبت و نعمته واسطه اولان مخلوقه دخی وجه لایق اوزره محبت ایتک
 شکر قلبیدندر اما شکر جوارح اولدر که کشی جله اعضا سنک حرکات
 و سکنات الله تعالی حضرتلرینک رضاسی اولان یرلده صرف ایلیه

تا که صولنده اولان ملک بر یازه جق شی بولیه و دیر که بومر تبه شکر
اوزره اولان کیمسه لر قلیلدن زبیرا غالب ناس شکر لسانی ایدر لر عملی ایتمز لر
حالبو که الله تعالی حضرت تلی قرآن عظیمده * اعلموا آل داود شکر *
بیورمشدر بزیسه امت داوددن شکره اولی ایزوینه شیخ مذکور بر محله
دیمشدر که وهب بن منبه دن بلعم بن باعورک سلب ایمانک سبی سوال
اولندی جوابنده دیمشدر که انبیا نک بعضی بونک سببی بالذات
رب العزته سوال ایلدیله الله تعالی حضرت تلی وحی ایلله جواب ایلش که
بلعم هیچ بر کون اکا ویردیکم کرامات و آیاتمه شکر ایلدی اکر بر کره شکر
ایلش اولسه اندن نعمتی سلب ایلزدم لیکن ارادتمله بوسیدن قضا
جاری اولدی و جنید بغدادی دیمشدر کشتی کنندی رحمت حقه نااهل
کورمدیکه مقام شکرده کامل اولمز انجیق الله تعالی حضرت تلی نک رحمتی
منت و فضلندن کوره و شیخ شاذلی دیمشدر که عبدک شکر کی کامل اولمز
مادامکه دنیا پادشاهنک نعمتی کنندی نعمتدن اشاغه طوتیه یعنی
پادشاهک تسخیرنده اولماسیله نفس و مالنده و حرمنده امین اولمشدر
بودخی بر نعمتدر که پادشاه واسطه سیله ویرلشدر و بواجلدن سید القوم
خادمهم بیورلشدر و پادشاهه دعاء خیر مقام شکر دن عبد اولنور وینه
کتاب مزبورک بر محله دیمشدر که هر بار که قسطلق واقع اولوب ذخیره
بهاده اولسه الله تعالی حضرت تلی نه شکر ایدر مکزه یاده قسطلق و برتر بلا
اوزریمزه نازل اولماشدر زبیرا اول زمانده اولانلر بزدن برتر کنه کار
دکل ایشلر حالبو که بلاء عظیم باشلرینه نازل اولمشدر جلدن بری خلفاء
عباسیه دن منتصر بالله زمانده که درت یوزاللی تاریخنده در بویله بر
قسطلق واقع اولمشدر که ذخیره قسمندن برشی قائم دیغنه د نصکره
جمع حیواناتی ذبح ایدوب اکل ایلدیله حتی پادشاه مذکور جیعا
آتلرینی و لباسلرینی بدکد نصکره شهرده یابان و یالن آیق کزردی
بینجک آتی بوغیدی حتی براولچک جواهری براولچک بغدادیه دکشمک
ایچون کز دیر لر دی اصلا اله کیر مزدی بعدده غایت آچلقدن کلبلری
بوغزلمغه باشلدیله و بعضی کلاب آچلقدن بشکدن طفل صغیری

کوتوروب یردی اناسی بابا سی بی محال لکنندن قالقوب قور تاریمزدی
بعده اولاد لرینی بوغزلبوب کندیلری برلردی و بو قسطلق بر قاج ییل
طوتمله شومر تبه یه واردیکه بالاخره قبری آچوب میتلرین یدیلر
سلطان شعبان عصرنده دخی مصرده بویله واقع اولمشدر شیخ دیر که
ایتمدی قرداش بو عصرده واقع اولان قسط و غلا یه صبر ایلوب استبعاد
ایتمه زبیرا بوندن اعظم بلایه مستحق الحمد لله که الله تعالی حضرت تلی
بزی انک کبی افاتدن حفظ ایلدی انتهی کلام الشیخ (وافات قلبک
اوتوز طقوز نجیسی مرادی حاصل اولدیغنه غضب ایتک و قافققدر
و ذکر ایتامکدر که الله تعالی حضرت تلی نک اول تقدیر ایتدیکی و ویرمدیکی
مرادی انک حالنه اولی و اصلح ایدی حالبو که اول شبتک صلاح و فسادنه
بقینی یوق و بووضع نامعقول قضاء الهی به طار لمقدر بونک ضدنه رضا
دیرلر که نفسی خوش طوتقدر کلن مصیبتده وفوت اولان مقصود ده
وقضایه تسلیم اولمغه دخی رضادر طبعنه موافق اولمین قضاء الهیده
اعتراضی ترک ایدوب مطیع اولمقدر که حدیث شریفده حضرت محمد
علیه الصلاة والسلام دیمشدر الله تعالی حضرت تلی حدیث قدسیده
بیورمشدر بر کیمسه که بنم قضا مه راضی اولوب بلا مه صبر ایلسه
بندن غیری تگری اراسون و جابر روایتده دیمشدر بر کیمسه که عند الله
مرتبه سی اولسنی سوسه الله تعالی حضرت تلی نک کنندی قشده شان
و مرتبه سی نه یوزدن اولدیغنه نظر ایلسون الله تعالی قولانی کندینه
نعظمی مقدار نجه مرتبه یه چیقارر (صاحب طریقت بو محله برسوال
و جواب کتورمش چونکه قضاء الهی به رضا لازمدر پس شرور
و معاصی دخی الله تعالینک قضا سیدر حالبو که معصیته رضا معصیت
و کفره رضا کفردر بیورلدیغنی قاعده یه بو کلام نیجه مطابق کلور
جوابنده دیر که کفر و معاصی الله تعالینک قضاسی مقتضیاتدر محض
قضاسی دکلدر تا که بو کلام لازم کله یعنی مخلوق وجوده کتوردیکی
کفر و معصیت قضاء الهی ایلله ظهوره کاش مقتضیدر نفس قضا
دکلدر قضا تقدیره دیرلر و مقتضی اول تقدیرله ظهوره کلن مقدره دیرلر

فافهم فانه دقیق (امام غزالی علیه رجه الباری اصول اربعین نام
کتاب کزینده دیمشدر که بر جاعت رضا اخلاق قلبدن بر خلق
اولسنی انکار ایلدیلر و دیدیلر که هوایه مخالف برده انجق صبردر یوخسه
رضا یوقدر و بوسبیلله محبت انهییه بی انکار ایلدیلر و لیکن بزبونی
تحقیق ایدرز و محبتک علامتی رضا بالبالا اولدیغیدر و بوکلامک تحقیق
اوج وجهله متصور اولور (بری بودر که مخلوقه محبت مبالغه ایلله
اولدقده انسان وجودنده الم طویماز حضرت یوسف علیه السلام
قضیه سنده نسا طائفه سی اللرین طوغرادقلری کی کذلک بر غضبتک
اولان آدمه و یا حرصله بر شیئه مشغول اولان آدمه جراحت و یابر
دیکن اصابت ایلسه حس ایتمز تا غضب و حرصی ساکن اولمجه دک
ایمدی لم وقاندن مرکب اولان انسانده بومرته محبت متصور اولدیغی
برده جمال حضرت ربوبیتده نیجه متصور اولیه بواجلدن جنید
بغدادی به سوال ایندکلرنده محب اولان کیمسه بلا والمنی پیلورمی لاوان
ضرب بالسیف سبعین ضربه علی ضربته دیمشدر یعنی فلج ایلله یتش کره
ضرب اولنسه الم کلز دیمکدر و بعض صوفیه نک ولد صغیری ضایع
اولدقده دیدیلر دعا ایلسک الله تعالی حضرتلری اولادیکی سکا کوندره
جوابنده دیدیکه الله تعالی نک قضا سنه اعتراض ایتمک بنم فتمده او غلمک
کتمه سندن بتردر (ایکنجی وجهی بودر که اگر بلاد المی طویوب
طبعنه کریه کلور ایلسه ده عقل و ایمان ایلله اکارضا ویره ثواب عظیم
اولدیغندن اوتوری نتکیم روایت اولنور فتح موصلی انصارینک
خاتونیکه زاهده لردن ایدی بر دفعه دوشوب طرناغنی قردی دیدیلر که
آغریسی الم ویردی جوابنده دیدیکه انک ثوابنک لذتی قلبدن
آغریسی حرارتی کیدردی (اوجنجی وجهی بودر که الله تعالی نک
هر شبئی بر اتمسی تحتنده نیجه الطاف خفیه اولدیغنه اعتقاد ایتمکدن
رضا حاصل اولمقدر حتی عالمده جاری اولان شیلره جاهلک تعجبی کی
تعجب ایتمیوب حکمتی نه ظهور ایلله دیو نوع تعجبده اوله حضرت
موسی علیه السلامک تعجبی کی حضرت خضرک سفینه بی بوز مسندن

وغلامی قتلندن و دیواری یامسندن تحتنده نه سر الهی ظهور ایلله
دیو خضر علیه السلام اتی اخفا یتش ایدی کذلک الله تعالی
حضرتلری کندی افعالنده لطیفه لرین اخفا ایلشدر (وبونک مثالی
نتکیم قضایه راضی اولنلردن بر اعرابی تقدیر الهینک ظهورنده دائما الخیر
ما اختار الله دیو قضایه راضی اولوردی و بر صحراده ساکن اولوب اهل
واولادیلله معا اول آدمک بر حاری و بر خروسی و بر کلی وار ایدیکه
اوباسنی بکلر ایدی بر کیجه بر ثعلب کلرب خروسی قاپوب کتوردی
خیر اوله دیدی بعده بر قورد کلرب حارینی قتل ایلدی ینه خیر اوله
دیدی اما اهلی غایت محزون اولدی بعده کلی مرد اولدی ینه خیر اوله
دیدی اما اهلی بو کلامدن تعجب ایدردی بر قاج کوندن صکره اول صحراده
اولان اوباری کفار باصوب کیمنی قتل و کیمنی اسیر ایلدیلر و بونلرک
مکاتنی کیجه ایچنده خروس اومسندن و کلب چاغر مسندن و چار
باغر مسندن نجسس ایدوب بولشلر بو آدمه ایسه بونلردن بریسی
اولماغله کفار بولامیوب خلاص اولدیلر و اول کیمسه اهلنه دیمشکه
هر بلاد الله تعالی حضرتلردن خیرلوسین اومق کرک کوردکی
بونلر هلاک اولسه جمله من هلاک اولوردق دیدی ایمدی بر کیسه
بونک کی اسراره واقف اولدقده الله تعالی نک افعالنه تعجب ایلیمو انجق
کندی بیلدیکنه تعجب ایدر و چون و چرا ایتمیوب قضاء الهی به
راضی اولور (اما کشتی محل آفتدن فرار ایتمک ایلله قضایه رضا و یرمک
لازم کلز نتکیم شیخ شعراوی علیه رجه الباری دیمشدر که عبده
واجب اولان بودر که کندی آفات ظاهره دن و آفات باطنه دن
حفظ ایلله پس غضب الهی به سبب اولان معاصیدن فرار ایلله
نتکیم اکمش دیواردن قاچق لازم ایسه حتی بر آدم قاچبوب دیوار
آلنده قالسه کندی نفسنی قاتل حکمنده در و عذاب بحیمه مستحق
اولور حتی بر آدم کندی بر نگاه تقدیر اولدیغنی دخی علم ایلنسه ینه
دفعنه سعی ایتمک کرک مأمور اولندیغنی حسبیلله وینه سعی مقابله سنده
ثواب و یریلور اگر تقدیر الهینک دفعنه قادر اولمز ایسه ده پس وبال

واقع اولور ایسه استغفار ایله دلاکه کاهنک تقدیر اولدیغنه علمی
یو غیکن کشی دفع معاصی به و محلازندن اجتنابه سعی ایله (بوسبدن
شیخ عبدالقادر جمیلی دیمشدر) (من شان الکامل ان ینزع اقدار الحق
بالحق الحق) معناسی بودر که کاملک شاننددر امر حقه حق تقدیر لرینه
حقندن اوتوری منازعه ایتک (قرقچی آفت تعلیقدر که کشی نفسنک
قوام وسلامتی حقندن بیلبوب غیریدن بیلکدر و بونک ضدنه توکل
دیرلر بنیه سنک قوامی حقندن بیلکه دیرلر و بعض علما قتلد جیعا
امر بنی الله تعالی حضرت لرینه تفویض ایتکه دیرلر و بعض علما قتله
قدرت بشر یتیه جک یرده مسبباته سعی ترک ایتکه دیرلر پس بوتفسیر
ایله قدرت بشریه تحتنده اولان اسبابه سعی ایتک توکله ضرر و یرمز
تکیم الله تعالی حضرت لری * فابتغوا عند الله الرزق * بیورمشدر یعنی
عند الله قسمت اولان رزقی طلب ایلک و برآیت کریمه سنده * فتوکلوا
ان کنتم مؤمنین * بیورامش معنای شریفی ز بکره توکل ایلوک اگر
مؤمن ایسه کز و ابن عمر رضی الله تعالی عنه رسول اکرم صلی الله علیه
وسلمدن روایت ایدر که * اگر سز حق توکل ایله توکل ایله کز الله
تعالی قوشلر ککی کبی سزک رزق کزی و برر ایدیکه انلر آج صباحلر
وطوق اخشاملر * پس بوحدیثنده رسول الله علیه السلام اشارت
ایلدیکه کال توکل اولدر که کشی رزق طلبنده بر کونلک نفقه بی
آشور میوب یارنکی کونه البقومیه و بودخی اهل و عیالی اولیان کیمسه
حقنده در زیر پیغمبر آخر زمان علیه صلوات الرحمنک بعض اهلنه
بر یلاق نفقه البقودیغی ثابتدر و بر حدیث شریفنده دخی بیورمشدر که
عبدک رزقی طلب ایدر کندینی اجل طلب ایتدیک کی و ابن عمر رضی
الله تعالی عنه بر خرمایی بو اوب سائله و یردیکنده رسول اکرم صلی
الله علیه وسلم بیوردیکه اگر و یرمسه ده سکا اول خرما کلوردی پس
بویکی حدیث قضا و قدره اعتقاد ایتک خصوصنده وارد اولمشدر
اما بر حدیث آخرده که بر اعرابی دوه ایله حضرت رسول اللهک مجلسنه
کلوب یار رسول الله توکل ایدوب دوه می صالو یریمعی بوخسه باغلیوب

بیان آفات تعالیق

توکل

توکل ایدیمعی دیدی رسول اکرم صلی الله علیه وسلم * باغله و توکل
ایله * دیو بیورمشدر پس بوحدیث سبب ظاهره یا بشقی توکله مانع
اولمدیغنی بیان ایدر و بو اجلدن محتساج اولان کیمسه به کسب ایتک
فرض اولدی سائلک ایله دخی اولور ایسه و آج اولان کیمسه به هلاکونی
دفع ایدر جک قدر یمک فرض اولدی کذلک الله تعالی حضرت لری
امر ایلدی ضرر و یره جک شیدن حذر ایتک و سلاح قوللغفکه بونلر
اصلا توکله مانع دکلدر (منارات السایرینده دیمشدر که اصل توکل
اولدر که کشی الله تعالی بی وکیل و معتد طوته امور دین و دنیا سنده
والله تعالی نک ازله قسمت ایتدیکنه راضی اوله و باشنده کلجک شیلرد
مطیع و منقاد اوله و بو توکل اوج قسمدر (بری توکل عوامدر که دنیا
و آخرت لری مصالحی رعایت ایلده ر بلرینی وکیل طوته لر) ایتکچی توکل
خواصدر که الله تعالی حضرت لرینه تسلیم اولملریدر سودکری یرده
و کریمه کورد کلری یرده * عسی ان تکرهوا شئنا وهو خیر لکم *
آینی مضمونیه (اوجنچی توکل اخص خواصدر که صلاح حاله و معاد
ومأله نظر ایتکسزین جیعا امورینی حقه تفویض ایللریدر و توکل
دخی عبدک یقینی و اعتقادی قوته کوره اولور بو اجلدن امام غزالی
اصول اربعینده دیمشدر کاهی بوقوت قلب شو مرتبه به وارر که
صاحبی زاد و زواده سز بر و بیانه کیدر زیرا طعامدن صبر ایتکه قادر
اولوب و یا حبشش ایله قانع اولور اما ضعیف القلب اولان کیمسه بویله
بیانه توکل ایله کیرسه کندی نفسنی تهلیکه به براغوب عاصی اولور زیرا
امر الهی به مخالفت ایتش اولور (اویس قرنی قدس سره اگر یردمردن
و کونک طوجدن اولسه یغمور یغنی وجه و نباتات یتک احتمالی
اولسه ینه ذره دکلور رزق غنی چکمر دم و توکلدن دوغزدم بیورمش
اخص خواص مرتبه سی بویله در ولکن بزه لازم اولان اسباب
ظاهره به یا بشمقدر و اندنصکره توکل ایتکدر تکیم مولانا دیمشدر
مشوی * کر توکل میکنی در کار کن * کشت کن پس تکیم بر جبار کن *
معناسی اگر توکل ایدر ایتک کار ایچنده ایله ابتدا ایتک بعدد ر بکه

بیان اقسام توکل

توکل ایله یعنی سبب توکل اولمز (آفات قلبك قرق برنجیسی حب
فسقه در یعنی فاسقلره میل و محبت ایتک بودخی بریرامن خصلتدر
الله تعالی حضرتلری بوخصوصده قرآن عظیم الشانده انی نهی
ایلمش * ولا تركزوا الى الذين ظلموا فتمسکم النار * قول شریبی ایله
معنای شریبی ظالم اولان کیمسه له ادنی میل ایله میل ایتک تا که سزه
نار جهنم اصابت ایلمسون قاضی بیضاوی رحمه الله علیه دیمشدر
ادنی میل اولدر که فسقه هبئنه کیره وانلری اکد قدده تعظیمله ا که پس
بوصفاته متصف اولان کیمسه له بوآیت کریمه تحتده داخل اولورلر
و بوخصوصده حدیث شریفدن بریده رضی الله عنه روا یتیدر که
سرورکات ثبات علیه افضل الصلوة بیورمشدر منافق کیمسه به سید
دیمک که غیر مستحقه تعظیم ایتمکله کذب ایتش اولور سز پس
غضب الهی به مظهر دو شرسز و بونک ضدنه بغض فی الله دیرلر که
هر عاصی به عصیانندن اوتوری بغض ایتکدر و عصایندن نفسلرینه
ظلم ایدنلره اظهار بغض ایتک اگر چه ازوم مرتبه سنه کلمشدر اما معصیتلری
غیره تجاوز ایدن ظلمه به و اهل بدعته خوف اولدیغی وقتده اظهار بغض
ایتک لازم و همدر اما خوف اولدیغی وقتده اظهار ایتوب مدارا ایتک
کر کدر و علماء متقدمین فاسقه سلام و برمیکی جائز کورمشلر اما متأخرین
جواز یله فتوا و برمشلر فساد خوفندن اوتوری کذلک علماء امرایه
وارمه لرینی مقدمات جائز کورمشلر اما علماء متأخرین انک دخی جواز نه
فتوا و برمشلر در امرایه جهل غالب اولدیغندن اوتوری تا که علماء
واروب امر بالمعروف و نهی عن المنکرله طریق حققه ارشاد ایده لر
و شیخ شعراوی رحمه الله متن نام کتا بنده شنجی سید علی خواصدن
نقل ایدوب دیمشدر فسقه و ظلمه به تواضع ایتک علماء عاملیندن غیری
کیمسه له لایق دکلدر زیرا انلر طریق حققه دعوت ایدرلر و انلره میل
و محبت ایتک فتنه سندن بریلدر اما غیری کیمسه له بو یله دکلدر زیرا
اول فسقه صحبته میل ایدوب کندیلرینی غضب الهی به مظهر
ایدرلر پس شیخ شعراوی رحمه الله دیر که ایدمی طریق حققه راعی

اولان علما قصد صحیح ایله فسقه و ظلمه به ملائمتله سوبلرلر و اختلاط
ایدرسه لوم اولمز تا که انلرک کو کللرین اله آلوب وعظ و نصیحتلرینه
میل ایتدیره لر زیرا فسقه به تکبرلک ایدوب انلری تحقیر ایدرلر سبه قلبلری
کلام حتی دکلدن و تابع اولدن نفرت ایدرلر تکیم بردقه حاکم
برنده بر شخص اولیلوغن آچوب اوتوررکن علمادن بری تحقیر وجهی
اوزرینه اول شخصی ایاغبله اوزوب اوزتون بره دینی ضعیف دیمکله
اول شخصک غضب نفسی حرکته کلوب اوزرندن یشتمالی براغوب
سکانت بتاعریان اوتور برم دیو عریان اوتوردی پس اداب سیاسته عارف
اولان علمادن بری انی عریان کورنجه شفقت و مرحمت بوزندن هی
قرداش سن ارباب مروندن برانسان کامل سن لایق دکلدر بوآدمک سوز یله
کندو که طعن ایتدیره سن دیدی پس اول آدم * جزاک الله خیرا *
دیو یشتمالی قوشاندی (و علماء محققین دیمشدر لدر طریق حققه دعوت
ایده نک شرطنددر سیاستی بلمک ونه طریق یقوله قنخی انسان یوله کلور
اول طرفدن میل ایتدرمک کرک حتی ناصح اولان کیمسه هدایا کوندرمکله
دخی میل ایتدرمک ایچون قابل ایسه میل ایتدیره و ناصح مدعولرک
دنیا لغنه طمع ایتیه زیرا کوزلرینه خورکورینور و بعض عارفین
* ادع الی سبیل ربک بالحکمة و الموعظة الحسنة * قولند دیمشدر که
حکمتدن مراد غناء ناصحدر یعنی ناصح اولان کیمسه سائر ناسه محتاج
اولمقی کرک و موعظة حسنه دن مراد ملایم سوزدر اما علمانک چوغی
بوآدابدن غافلدر در ظالمی تحقیر ایدوب مجلسلرده ذم ایدرلر و یا خود
انعام و احساننه منتظر اولوب قبول ایدرلر بوسبیدن سوزلری تأثیر
ایتمز اولور و اکابر عوامک زیاده تکبر و اصرارنه باعث اولور و ناصح
بیون اکثر فکر ایله ای قرداشکه صیاد برسمکه کبیر دینی اولاد قدده خوف
ایلمسه که شبکه سنک ایی قریله نه یوزدن بالغی حبیه ایله الدادر
یالق حرکته کلوب ایتدیغیه اپنی صالویرر ساکن اولدیغیه کاره چکر
آهسته آهسته اوغور ابارق الی الله کنور و قبض ایدر کذلک بو عاصیلر
دخی طریق استقامتدن چه مشلدر و کندیلر یله مأورات الهیه به

محبت مایندده دیوار چکمشدر بوسیدن طاعت لذت الامر نفسلری
معاصی محبتک در یاسنه طالمشدر بالی صوابله امتزاج ایتدیکی کی
امتزاج ایتمشدر در ساحل کار طاعانه چمندن حظ امتزاج ایتدی انلری
وجه مشروح اوزره رفق وملا یتله ساحل کاره چکمک کر کدر زیر
ضدی طرفنه براوغوردن میل امتزاج بوسیدندر اهل معاصی اهل
طاعانه عدو اولدیغی (و خبرده کلمشدر که داود علیه السلام بنی اسرائیل
عاصیلر یله محالسه دن وقوشمندن نفرت ایدردی غیرت حق ایچون
پس الله تعالی حضرتلری وحی ایلدی یاداود مستقیم اولان کیمسه
سکا محتاج دکلدر اگری اولانلر یله قوشمندن واکر یلکلرین طوغر لقمندن
سنگ نفسک عار ایلدی یانه ایچون کوندردک دیو پیوردی حضرت
داود علیه الصلاة والسلام بونکته ونصیخته متنبه اولوب الله تعالی
حضرتلرینک امرینه امثال ایلوب بنی اسرائیلک عاصیلر یله قوشوب
انلره لطف ایلله معاملله ایدوب موعظه حسنه ایلسیله جمله سی مطیع
ومنقاد اولدیله الاکله عذاب حقلمنده ثابت اولان کیمسه لکل ایتدی
بوتقریردن اکلانیدیکه ظلمه وفسقه ایلله مانوس اولق وقوشمق حرام
اولدیغی برغرض شرعی اولدیغی صورتده در وینه شیخ شعراوی
دیمشدر که فسقه مسلمیندن بنکیلره وقار بازله وظلمه به تواضع ایدوب
برینی نفسنده تحقیر ایتزدن انجیق اول معصیت اوزره ایکن بعض ایدردم
اما اول فعل شذیعلمندن وازکوب و آبدست آلوب نماز قلسه لرین اکا
جل ایدردمکه انلر اول اشلردن توبه ایتدیله و بونک دلایل الله تعالی
حضرتلرینک * فان تابوا واقاموا الصلوة واتوا الزکوة فاخوانکم فی الدین *
قول شریفیدر یعنی اگر عاصیلر معاصیدن توبه ایدوب نماز قیلارلسه
وزکوة و برلرله دین اسلامده سزک قد اشلر یکزدن انلره برخوش
دیلاک ایلک دیمکدر پس شیخ مشارالیه دیر که بونلری خوش طوتاردن
بعده مضرت معصیتلرینی علی التدریج بیان ایدوب توبه ایتدیردم وینه
برخلمده دیمشدر امر اهل مناصب منصبلمندن عزل اولنسه لکل انلری
ینه منصبلرینه نائل اولمچون شرائطنه ارشاد ایدردم زیرا بنم علم

بیان بصیحت امراء و اهل
مناصب

وارد که

وارد که بر کیمسه وظیفه سندن معزول اولماز الا شرائطنه خلل
کتورمکله و شرائطی اولدر که منصب صاحبی اوزرینه واجب اولان
حق اللهی بالجمله برینه کتوره و معاصی بی ترک ایلله دخی رعیت طرفندن
واجب اولان حتی که حاجت لرینی بتورمک و غم و غصه لرینی کیدرمکدر
پس بونلردن برینه خلل کتورن کیمسه پایه سندن عندالناس ساقط
اولدیغی کی عندالله دخی ساقط اولور پس اکالا زم اولان کیمسه
وکوندز استغفار ایتکدر زیر غضب خدا پی استغفار سوندورر والله
تعالی حضرتلری قولندن بر نعمتی ازاله ایتز الا تأدیب ایچون تا که ر بسنه
احتیاج و تقصیراته اعتراف ایلله و جوق اولور که بعضیلرندن نعمت
زائل اولور اول کاه لرسبیلله که انی بینی طومشدر ناس اراسنده جوق
واقع اولمغله مثلاً شرب خمر و زنا و لواطه و نمازی وقتنده قلمق و حکام
باننده ظلمه معانیت کی پس بونلردن برینه ارتکاب ایتسیله غضب
اللهی به مستحق اولور بر کیمسه حکام قنده انک حقنده شفاعته
قادراولمسه کرک اول سیدن اوتوری دائماً استغفاره اولمق مؤمنک
شانندندر (آفات قلبک قرق ایکنجیسی بغض علما و صلحا در و بونک
ضدنه حب فی الله دیرر علما عاملینه و صلحایه محبت ایتکدر و بوخصوصده
عابسه رضی الله عنها حضرت محمد علیه الصلاة والسلامدن روایت
ایدر که پیورمشدر قراکو کیمده سیاه طاشک اوزرنده قرنجه نک کره سندن
زیاده شرب خمر و شربک ادناسی جور و ظلمدن بر شبنه محبت
ایدوب وعدا لیدن صادر اولان شبنه بغض ایده سن کذلک دلیلدن
بری قرآن عظیمده الله تعالی حضرتلری حبیبینه پیوردیغی کلامدر
قوله تعالی * قل ان کنتم تحبون الله فاتبعونی یحبکم الله * معنای
شریفی یا حبیب امتکه دی اگر الله تعالی حضرتلرینه محبتکن و اریسه
بنکا تبعیت ایلوک تا که سزی الله تعالی حضرتلری سوه یعنی خوشنود
اوله و رسولنه محبت ایلک انک سننی طونوب شریعتنی اجرا ایلکله
اولور والله تعالی به محبت ایتک امرینه امثال ونهیندن اجتناب ایلله اولور
و ذات شریفنه محبت ایتک جائز می دکل علما بونده اخلاق ایلشدر

بیان آفات بغض علما و صلحا

اکثره کلمین جا نزد کلدردیدیلرزیرا الله تعالی حضرتلری جسم
وجسماییدن منزه در تصویره کلمز که انک ذاته محبت اولنه انجق انک
امرینه ونهینه اطاعت اکا محبت در دیمشدر اما اکثر کبار صوفیه دیمشدر که
ذاته دخی محبت ایتک قابلدروشیخ زاده مذکور آیت کریمه انک تفسیرنده
مشککین قولنی ضعیف طوتوب انلرک رد جوابنده دیمشدر که برشبشک
ذاته وصول بولق ممکن دکل ایسه واول ذاته لذتلمک اولماز سده
اول ذاتک صفات کالنی ادراک ایلکله ذات دخی محبوب اولور پس
الله تعالی حضرتلرینه دخی محبت بوقیلدند واکردینورسه یا اولیاء الله
رب العزته واصل اولدقلری نه کونه وصولدر چونکه ذاته واصل اولمازلر
جواب بودر که شیخ زاده تفسیرنده یازدیغی اوزره عبد مؤمن
ماسوا دن اعراض ورفع نظر ایتسیله وکمال مال مرتبه رب العزته
توجه ایتسیله برحاله کلور که دانده وقلبنده وفکرنده و سرنده
الله تعالی حضرتلرندن غیر برشی اولمز و بوکا وصول و مشاهده
دخی دیرلر قلبله مشاهده ایتدیکنندن اتوری پس قلب وقلبی رب سینه
مشغول اولمش اولور و بومعنایه بعض عارفلر اشارت ایتشدر (یت
* خیالک فی عینی و ذکرک فی فی * وحبک فی قلبی فاین تغیب *
و شیخ شعراوی دخی بومعناهی وصولی بیاننده تفصیلا دیمشدر که عبد
برحاله کلوب و مشاهده ایدر که الله تعالی حضرتلرندن غیر فاعل
یوق واندن غیر رازق یوق و محی و ممیت اندن غیر یوق بومعناهی
اوزره مخلوقاتک فعلنی مشاهده ایتکده وکنندی هوا سندن کنندی
فانی ایدوب مشاهده سی عالمده انجق الله تعالی حضرتلرینک جمله
یرائمی قالور غیر بدن رفع نظر ایدر وصول بودر یوخسه یتش بیک
حجاب آتده محبوب ضعیف عاقل اولرک توهم ایتدیکی مخلوقه وصول
اولدیغی کی فهم اولنسون الله تعالی * لبس کتله شیء وهو السمع
البصیر * پیورمشدر اکایا یشمق کرک بویه محله تاکه طریق مستقیمدن
حقیقاسونلر وینه شیخ شعراوی دیمشدر که برمرید بومقامه واصل
اولسه شیخندن مستغنی اولورمی دیوشیخندن سؤال ایتدم جوابنده

بیان وصول الهی

دیدیکه شیخی مقامنه کلدکده جمیع خلقدن مستغنی اولور رسول الله
علیه الصلوة والسلامدن غیری زیرا پیغمبر آخر زمان علیه صلوات
الرحمن واسطه در رب العزته ایداندن مستغنی اولمش اولماز وینه
دیرکه صحنه وصولک علامتی اولدر که عبد مخلوقاتک بدن خوف
ایلمکدر نه سلطان ظالمدن ونه یلاندن ونه عقربدن ونه ارسلاندن
انجق نفع وضرری رب ستنک غیردن بلیه همان دایمربسنک فعلنه متظر
اولوب و طاعتنه مشغول اولوب و جمیع خلقدن اعتمادنی قالدیروب
انلردن برینه قلبنی ربط ایتسیله و جمیع خلقی برالی بغلو طائفه
مثابه سنده طوته و خاقی اولان پادشاهلر پادشاهی طوررکن الی بغلو
قوللرندن برشبشکی استیلا کی امید ایتک لایقیدر دیه عارف بالله اولانلرک
علامتی بودر (ایمدی عرفان دعواسنده اولان کیمسه ده بوعلامته
باقی کرک سک اگر موجود ایسه واصلیدن عد ایلوب کمال تعظیم
ایله تعظیم ایله واکر بومرتبه یه واصل اولوب صلحادن و عابدلردن
ایسه و برادرلر دعواسی بوعنیه سینه تعظیمدن خالی اولماق کرک) کلدک
طریقت کلامنه دیرککه صلحایی سومک لازم اولسنه دایمک بری
عروبن جوح رضی الله عنه روایتدر که رسول الله صلی الله تعالی
علیه وسلم * عبد صریح ایمانی بولمز تا الله سویمجه و الله بغض ایتیمجه
وعبد الله بن مسعود رضی الله عنه روایتنده دخی پیورمشدر کشتی
برمؤمنی بلا غرض و لا عوض سومک و محبت ایتک ایماندن و بر روایتده
دیمشدر که بردفعه برآدم حضرت رسول الله صلی الله تعالی علیه وسلم
کلوب ایتدی نه پیورسکن یار رسول الله اول آدم حقنده که بر قومی سوه
ولکن انلرک زمره سنه لاحق اولیه رسول اکرم صلی الله تعالی علیه
وسلم پیوردیکه * المرء مع من احب * یعنی کشتی سودیکی کیمسه ایله در
ایمدی بوسبیدن علما و صلحا زمره سنه محبت ایتک لازم اولدی (اما
شیخ شعراوی رحمة الله علیه بر قاعده وضع ایتشدر که برآدمه الله
محبت ایتک استه سک انک اعمالنی کتاب وسنته تطبیق ایله اگر ایشلری
شریعتک مقتضاسی اوزره ایسه اکا محبت ایله واکر خلاف شرع

بیان قاعده محبت

اولوب ایشلری دیانت و شریعتدن خارج ایسه اگا الله بغض ایله
 یوخسه صفین طبیعت مقتضاسیجه کیمسه یه بغض و عداوت و هوا
 نفسله محبت ایله دیونصیحت ایشددر (قرق اوچخی آفت جرأت
 علی الله در و عذاب حقندن امین اولمقددر و بونک ضدنه خوف دیرلر
 واکر الله تعالی حضرتلرینک عظمت و جلالان یلوب خوف ایدرسه
 اگا خشیت دیرلر بواجلدن قرآن عظیمده علمایی خشیتله صفتلایوب
 * انما یخشى الله من عباده العلماء * پیورمشدر و خوف برترمه در که قلبده
 ظهور ایدر کلجک مکروهدن اوتوری و سبب ظهوری الله تعالینک
 شدت عقوبتی و کندیکنک عدم تحملنی اکفدن و کندیکنک عبد ذلیل
 ورب تعالینک قدرت باهره سنی جلیل اعتقاد ایتکدن اولور و بسندن
 خوف ایتکک علامتی حزن در که نفسک سرور و شادی طرفندن صفتلایوب
 دیرلر و ذنب ماضی سنه پشیمانلیق و کچن عمرنه وفوت اولان طاعتنه
 تأسف چکیمک حق قورقوسی علامتدندر و عمره سی خشوعدر که
 فکرنی جمع ایدوب قلبنک دیوان حقه طور مسیدر و بردخی خشوعک
 معناسنده دیمشدر علام الغیوبه قلبنک تذالی و خوراییدر و صوفیه
 قتنده خشوع علمک قلب اوزرینه استعلاسی واستغراقیدر (و عمره
 خوف خدادن بری عبودیتدر که معناسی الله تعالی حضرتلری هر حالده
 ربک اولدیغی کبی سندخی هر حالده قولی اولیق کرک سک و عبودیت
 عبادتدن اکلددر و بو عبودیتک لازمه بسی حریتدر که مخلوقاتک تحت
 تصرفنده اولمقددر یعنی هر نه که باشنه کلسه مخلوقاتدن بیلمه کدر
 و بر لازمه بسی ارادندر که عادتدن چیقمغله حق طلبیله قلبنک قیامنه دیرلر
 زید بن ارقم رضی الله عنه روایت ایدر که رسول الله صلی الله علیه وسلم
 حضورنده بر آدم دیدیکه یار رسول الله جهنمدن نه ایله صاقنوب بکلنورم
 حضرت محمد علیه الصلاة والسلام * کوزلر یکک یاشیله زیرا کوز که
 خشیت حقندن آغلیه ایدانی نار جهنم یا قسه کر کدر پیوردی *
 و ابوهریره رضی الله عنه روایتند رسول کبری علیه الصلاة والسلام
 حدیث قدسیده جناب کبریادن حکایه پیورر حق جل و علا عزت و جلال

بیان آفات جرأت علی الله

بیان معنای عبودیت

حقچون

حقچون بر قولده ایکی خوف و ایکی امن جمع ایلم بکن دنیاده بندن
 خوف ایلسه یوم قیامتده انی امین ایدرم و اگر دنیاده بندن امین اولسه
 انی یوم قیامتده خوفه براغورم پیورر و ابوذر رضی الله عنه روایتند
 رسول الله صلی الله علیه وسلم پیورمشدر که ای اصحاب سز کورم دیککری
 بن کوریرم و سزک اشد دیککری بن اشدیرم کولارک یوزی ملائکه دن
 صغشدرمشدر و لایقدر که صغشدریله زیرا فلکده درت پارمق
 طوتاجق قدر بر یوقدر که انده بر ملک رب العزته سجده ایچون باشنی
 قومامش اوله و الله العظیم بنم بلدیگمی اگر سز بلیدیگم از کولوب
 چوق آغلر دیکر و عورتلر یکز ایله دوشکلر یکزده یا تمبوب یو جه برزه
 حیقوق الله تعالی حضرتلرندن خلاصلق رجا ایدر دیکر و نعمی ایدردک
 یا اباذر که حق تعالی سنی یانی اولاجق اغاج خلق ایدیدی و فضیل بن
 عیاض حضرتلرندن نقل اولنور که دیمشدر نه بن ملک مقرب به رشک
 ایدردم و نه مرسل پیغمبره و نه عبد صالحه بونلرده قیامت کورمزلمی
 اوله انجق بنم غبطه و رشک ایتدیگم بر ادلیانه و عالم وجوده کلینه در
 مشایخ تابعیندن عطا دیمشدر که اگر بر عظیم آتش یا قلسه و دینسه
 هر کیم کندی بی بو آتسه آتایسه بوغ اولوب بردخی وجوده کلز ظنم
 بودر که بن سرورمدن آتسه دوشمدن جان ویرردم و سیری
 سقطیکه جنید بغدادینک شیخیدر دیمشدر که کونده نیچه دفعه بورغمه
 نظر ایدرم قورقورمکه بر امر از اشرمدن صورتم قرار مسون و دخی
 دیر ایشکه حظ ایدردمکه بغداد دن غیری بر شهرده اولیدم
 شوخوفدنکه اگر بر قبول ایتیموب قالیمی طشره براغور ایسه بو خلق
 اراسنده رسوای اولیام (شیخ برکوی بو محله تنبیه ایدوب دیر که ای
 و بال صاحبی اولان مؤمنلر نظر ایلوک بو مشایخ عظامه و اولیاء کرامه
 نه مرتبه ریلرندن خوف ایدرلر الله تعالی حضرتلرینه طاعت
 و عبادتده ایکن که بزه انک عشرینک عشری یوقدر بو خوفه هزار
 مرتبه برانلردن مستحقز اما خوف یوق همان سبی قسوت قلبن
 و غفلتمزدن انلرک قلبی ایسه پاک و مصفا و عظمت الهی ذکر یله غفلتدن

بیان خشیت مشایخ عظام

میرادر ایددی بزه سبب رجا اولاجق انلرك محبت واشياقندن غيرى
 برشى قالمدى حالبوكه حضرت پيغمبر عليه الصلاة والسلام * المرء
 مع من احب * بيورمشدر اكر اعمالده تابع اولوب مجرد محبت كفايت
 ايدرسه اما اصح قوله محبت اول زمان فائده ايدركه انلرك كنتديكي
 طريقتده كیده سك وانلره محبت ايدسك (نتكیم شيخ شعراوى تنبيه
 المغترين نام كتابنده ديمشدر كه صقین ای قرن داش سنی المرء مع من
 احب كلامی مغرور ايلسون زيرا سن ابراره لاحق اولماز سك مادامكه
 انلرك عمليله عامل اولينجه كوره زمينسكه يهود ونصارى واهل
 بدعت پيغمبرلرني سورلر اما انلرايله جسته كيرمزلر اينديكي اعمالى وجوده
 كتورمكلر بچون وانلره اعتقاد وعملده مخالفت ايندكار بچون (وسرى
 سقطى وبشر حافى وغيرى مشايخ ديمشدر كه الله تعالى دن قورقان
 اول دكلدر كه آغلوب كوزى باشن سيله كنهكار اولديغى حالده بلكه
 حقدن قورقان اول كيمسه در كه عذاب حقه باعث اولان كنهكاراغي
 قيوب وبال ايشليه سري سقطى ديمشدر كه قرآن اوقنديغى وقت
 رقت قلبي عارض اولان كيمسه حقدن قورقار دكلدر حقدن قورقان
 اولدر كه عيبه وايچمه وياتوب اويومايه تا عاقبت حالى نه اولاجغى
 بيلمينجه وعمر بن عبدالعزیز رحمه الله ديمشدر الله تعالى بعض اوقاتده
 غفلت ويرمكله خلقه مرحمت ايندى و اگر غفلت اولوب قلبلري كوزى
 آچيلدى خشيت الهيدن هلاك اولورلدى وينه شيخ مذكور من
 نام كتابنده ديمشدر اما مخلوقدن خوف ايتك جائز دكلدر مكر كه ينه
 اول خوف الله تعالى حضرتلرندن خوف ايتكه راجع اوله مثلا كاهلرك
 مقابله سنده عقوبتيچون حق تعالى بر ظالمى سنك اوزريكه مسلط
 اينديكي خوفى اوله وبوخوف مؤمنك كالنه مانع دكلدر وحضرت
 موسى عليه السلامه وغيرى اصفيايه مخلوقدن واقع اولان خوف
 بوقيلدنر و بوكا حل ايتك واجبدر زيرا انلر جمله امورى اصالة
 حقدن مشاهده ايدرلر تبعاً خلقدن كورلر ايسه ده جنيدن ويلان
 وعقرب وحراميدن قورقق دخی بوقيلدن اولق كرك وحق تعالى

طرفندن مسلط اولسى خوفى وارايسه ده ينه نفسندن بونلرك ضررى
 دفعه سعى ايتك كرك الله تعالى حضرتلرينك * ولا تلقوا بايديكيم
 الى التهلكة * قولى موجبيله عمل ايتك واجب اولديغندن اوتورى
 وينه ديمشدر كه ظلمه دن خوف ايدنلر دنبايه محبتى اولان كيمسه لر در
 اما اول كيمسه لر كه كال زهد اوزرينه اولوب حب دنبايله آلوده
 اوليه انلرك اوزرينه واليردخی غالب اولماز اكر كسوه سى اميرانه
 دخی اولورسه ده وبورته ده اولان علما منكرات دفعنده واليره تصدر
 ايلشدر (نتكیم شيخ محي الدين امام نووينك مناقبنده يازمشدركه
 زمانه سنده شام واليسى جامع ائويده اولان كتب خانه نك كتابلريني
 عجم ديارينه قالدردى مراد ايلديكنده امام نووى والى به كلوب
 بوخصوصى ابتدا لطف ايله منع ايلدى ممنوع اولينجه امام نووى
 عنفله نيجه كلام بار د سويلديكنده والى امامى قالدربوب حبس ايتك
 قصد ايدنجه اول محمله دوشنش قيسلان و برنجى حيوان در يلري
 وارايدى همان امام نووى انلره اشارت ايندى بقدره الله بونلر جمله سى
 كند و صورتلري ايله در باب و ديشلرين آچوب والى اوزرينه
 يور يوب هجوم ايدرلر والى طائفه سيله قچوب كوجبيله قورتلورلر بعده
 شيخك خاطرین خوش ايدوب بارش كورش ايدرلر كذاك شيخ نقي الدين
 حصنى دخی بومقامده ايدى بردفعه شام واليسى برخان پايدروب ديواريني
 يوله چقاردى مذكور شيخ اول ديوارى بقدر دقده بالمله خان يقلدى
 شام واليسى شيخك قتلنه آدم كوندردى كلدېكنده كورديكه قبل قدر
 برآرسلان شيخك ياننده طورمش قورقوب والى به كلوب خبر ووردى
 اولدخی برامز قصدندن رجوع ايلدى شيخ ابراهيم متبولى ديردى
 نفسى واليردن حايته قادراواين كيمسه انلرك منكراتنى كيدركه تعرض
 ايلسون زبر ضررى شديد كلجك پرده تركى جائزدر وينه شيخ شعراوى
 ديركه انسانك نوكلى و يقينى غالب اولدقده مؤذى حيوانان دن خوف
 ايتمز نتكیم يابان پرده بر شيخك قبرى اوزرنده بر كنبه وارايدى اما ايجرو سنى
 عظيم بلانلرله طولوايديكه كيمه وكوندزده ايجرو سنه كيرمكه مجال

یوغیدی زیارت ایدنلر طشره دن زیارت ایدرلردی پس بر کیمجه واقع اولدیکه واروب اول قبه ایچنه کیردم مکر که ایچروسی صافی طاشلق اولغله مفرط ییلانلر ارذر لر کبی اولمش بتون کیمجه چورمده طولاندیلر بن اصلا و جودمده خوف و بر قیلده تغیر بولوب صباحه دکه انده او بودم شهر خانی صاغ چقد یغمه تعجب ایلدیله و شجاع کرمانی دخی که یتشریکیمز مشایخندربومقامده ایدی کیمجه ایله طاعنه واروب ارسلانلر ار اسنده یا تور او یوردی وینه شیخ شعراوی دیر که بر جنی اویمه کلوب کیمجه ایله مومی سیوندیروب او ایچنده طاقردی ایدردی بوسیدین جماعت بیتن بیحضور اولوب فریاد ایدرلردی عاقبت بر کیمجه بوصوبه کوروب بر ایا غنشدن جنی بی طوتم اول قدر فریاد ایدوب چاغرردی و بر ایاغیله اله اورردی و عاقبت فریادی ککسلوب وجودی انجلدی والمده بر صفوق قل کبی اولدی والمدن قورتلدی اما اندنصکره اویمزده ظهور ایتدی (آفات قلبک قرق دردنچبسی رحت حقندن نومید لکدر که الله تعالی حضرت نلرینک رحتندن و فضلندن کوکلنی وامیدینی کسمکدر و بوخصالت کفر در امن کفر اولدیغی کبی و بونک ضنده رجا دیرلر که الله تعالی حضرت نلرینک فضلایله و رحتی بوللغیله انسانک قلبی شاد اولغه دیرلر ظهورینک سببی خدمتله سبق ایتمش ایکن الله تعالی حضرت نلری طرفندن انسانه بلا عوض و بر بلان نعمتلری ذکر ایتمکدر و ثواب عظیمدن وعدایتد کلرینی خاطره کتور مکدن حاصل اولور نتیکیم آیت کریمه سنده * قل یا عباد الذین اسرفوا علی انفسهم لا تقنطوا من رحمة الله * پیورمشدر معنای شریقی ای شول کیمسه لکه کندی نفسکری چوق معاصی ارتکایله افراط ایلدیکز رحت الهیدن نوامید اولماک و این مسعود رضی الله عنه حضرت سرور کائناتدن روایت ایدر که پیورمشدر حق تعالی بوم قیامتده بر مرتبه قوللرینه مغفرت ایتسه کر کدر که بر کیمسه نک قلبنه خطور ایتمز حتی ابلبس دخی رحتنه اوزانسه کرک بوقدر عموم مغفرتی کور دکده و ابو هریره روا یئنده دیمشدر که الله تعالی حضرت نلری عالمی خلق ایلدیکنده حضور عزتنده

بیان آفات قطع امید

عرش اعلا یه * ان رحتی سبقت غضبی * یازدی و برروایتده دیمشدر که الله تعالی حضرت نلری رحتنی برادوب بوز حصه به تقسیم ایتمشدر طقسان طقوز رحتنی دار آخرته البقویوب بر حصه سین بره ازال ایلدی جمیع خلایق بری برینه مرحت ایتدیکی اول بر حصه نک انا رندندر حتی حیوان یاوریسنی اورمادن ایاغنی قالدردیغی بواجلدندر کذلک حضرت محمد صلی الله تعالی علیه وسلم اصحابی تسلی ایچون بر دفعه پیورمشدر اگر سرنگاه اشلمسکز الله تعالی حضرت نلری سزنی کیدروب برغیری مخلوق برادردی نا که نگاه اشلیله و الله تعالی حضرت نلری انلری مغفرت ایلله و ابو ایوب انصاری بو حدیث شریفک راویسیدر آخر عمرینده دکه بو حدیثی کتم ایلدوب سويلمش نا که دینی ضعیف اولان کیمسه لرو باله سرعت ایتمسونلردیو عذرینی بیان ایتمشدر (منارات السائرین نام کتاب کزیننده دیمشدر خوف ورجا مؤمنک قلبنده ایکی قناتدر عوام مؤمنینی جنات نعیمه اوچورب کتورر و خواصنی قرینه الهیهیه کتورر و اخص خواصنی وصول مقاماتنه کتورر زیرا مؤمنین خوف ورجاده بواوچ مرتبه اوزره در عوامک خوفی جهنمدن وعدایتدندر ورجاسی جنت و نعمیدر انلره لازم اولان اعمال شریعتیه مباشرتدر و خواصک خوفی عظمت و کبریا صاحبی اولان رب العزتیه قلدقلری عملارینی نقصان کورملریله طاعتک عدم قبولندندر و رجاری اول طاعتله حقه یقین اولملریدر و انلره لازم اولان تقوی ایله اداب طریقه مداومتدر و اخصک خوفلری قطیعه ورجاری مواصلا تدر و انلره لازم اولان داربندن التفاتلرین قالدردمقدر اما خلقک بر قسمی واردر معاصیدن توبه ایتمزلر و طاعاته چالشملر خوفلری اولمدیغی معلوم اما رجامز واردیرلر اول رجا دکل تمنی معلول ورجاء مر دود در اکین اکدن حاصل رجا ایتمک کبیدر حاصل کلام مذکور مقام صاحببری لازم اولان خذمتلره جهد ایتملریله رجاری محمود در نتیکیم امام غزالی اصول اربعین ده رجانک صدقنی بیان ایچون دلیل کتورمشدر قوله تعالی * ان الذین آمنوا والذین هاجروا و جا هدوا فی سبیل الله اولئک برجون رحمة الله

بیان خوف ورجا

والله غفور رحيم * معنای شریفی شوند که ایمان کتوردیلر و شوند که
هجرت ایلدیلر و طریق حقده مجاهده ایلدیلر انجی انلر رحمت الهی بی
رجا ایدرلر والله تعالیٰ حضرتلری بوقسم طائفه به مغفرت و رحمت
ایدیجیدر و خوفک اقل درجه سی اولدر که کشی بی ذنوبدن منع ایلک
و دنیا دن اعراض ایلکی و یریشی اولق کرک اگر بوقدرجه اولمزه
اول حدیث نفس در و عورتلر رفته بکزر رقتدر خوف خدا دکلدر
و کمال خوفدن زهد حاصل اولور انتهى (آفات قلبک قرق بشجیسی
دنیا امرنده حزن در که نعم دنیو به دن فوت اولان شئی آجیوب تأسف
چکیمکه دیرلر وینه دنیانک اقبالندن و کله سندن و کثرتندن فرح لازم کله
انک علامتنددر و بوافتک منشائی حب دنیا و جمع مراداتک حصول
و بقا سیدر بواپسه جهلدر ایددی لازم اولان کشیه باقیات صالحات
اولان اعماله چالشوب دنیا امرینه محزون اولما قدر فوت اولان شئی
تأسف چکیمک والله تعالیٰ حضرتلری و یردیک شئی فرح کسب
ایتمام کله قرآن عظیم رهنا اولمشدر و لکن معلوم اولق کر کدر چکیمکه
حزن صاحبی صبردن شکایت و فزاید و فرح شکردن طغیان و تکبره
چقارسه ایکبسی دخی حرامدر و اگر بومرتبه له چقارمزه حرام
دکلدر اما کمال اولان بودر که کشی بی دنیالقی شکردن طغیان و تکبره
چقارسه ایکبسی دخی حرامدر و اگر بومرتبه له چقارمزه حرام
دکلدر اما کمال اولان بودر که کشی دنیالغک کلبیکنی و فوت اولدیغنی
برابر طوته و مقام تسلیم و تقویٰ بودر و بونک صاحبی نادر در و اخلاق
علائیده دفع الاحزان نام کلبدن نقل ایدوب دیمشکه حزن امر ضروری
اولیوب بلکه سوء اختیار ایلر کند و به جذب و پیهوده الم و برمه
راغب اولدیغنه دلیل اولدر که هر کیمسه که بر شئی بتوردیکندن محزون
و باعدم حصولندن غمناک در ملاحظه ایلسون نیچه کیمسه وارد که
اول بتوریلن شی عمرنده آنک انه کیرمک احتمالی بوقدرینه آنک
کیمسندن ذره قدر حزن عارض اولم و اگر حزن ضروری اولیدی
هر کیمسه دائماً محزون اولیدی و دخی اولور که بر شخص مطلوب

و مرغوبنک

بیان آفات حزن لامر الدنيا

و مرغوبنک بتدیکندن المار چکرلر تقریره کلز به زمان اتی اونودر
وینه یارانیله ضحک و ملاعبه به باشلر اگر حزن امر ضروری اولیدی
زوالی ممکن اولمزدی معلوم اولدیکه سوء اختیارک مدخلندن ایددی
لایق دکلدر کشی کندینی بونک کی وارطبه دوشوره و زوال نعمت
دنیا دن محزون اولمغی اکانشیه ایدرلر که بر مجلسده بر طائفه اوتوررکن
بر کیمسه بر تورنج کتورسه و هر کس بر مقدارشم ایدوب آخره و یرمک
ایچون اور تابه بر اقصه اتفاق انلر دخی بویوزدن هر بریسی قوقولوب
الذن اله کز رکن بر یسنک الینه کیردکده اکا زیاده مائل اولوب اتی
و یرمکه راغب اوله تورنج صاحبی اتی آلوب غیره و یرمک استیجک
اول شخصه حزن و تأسف کله بومقوله تورنجی بنم المدن نیچون الال
دیو المراطهار ایلید و دنیا لغک حالی بویله در که جمله اهل و اولاد عاریت
و یرمشدر صاحبی المی استیجک امتناع ایدوب الم چکیمک عقلا شانندن
دکلدر سقراطه سؤال ایلدیلر نیچون دائماً شاد و خندان و اولادک سروره
کذارنده در و هرگز غم و غصه سکامقارن دکلدر جواب و یردیک بن هیچ
برنسنه به تعلق خاطر ایتمزن که فقدان ده ملول و محزون اولام انتهى
(آفات قلبک قرق التجبسی دنیا مورنده خوف در که قلبک بر مکروه
دنیوی کلمسندن صقل سیدر و بو حزنک غیریدر زیرا حزن یکممش شی
ایچوندر و خوف کلجک شیده اولور و خوف دخی یا فقردن خوف ایتمک
بواپسه قتی مذمومدر زیرا فقر بزم سیدیمز سلطان الانبیا حضرتلرینک
حالبدر و اکثر انبیا و اولیانک و علماء صالحینک حاللریدر ایددی فقر
بر نعمت و علائق سعادتدر کمال پاشامر حومک دیدیک کی (بیت)
* نعمت است این که نیست سیم وزرت * اگر باشد باده نوشی و دلبر آغوشی *
یعنی بو بر نعمتدر که سیم وزرت بوقدر اگر اولسه باده ایچردک و دلبر
قوجاردک و حدیثده دخی * ومن العصمة ان لا تقدر * پیورلمشدر یعنی
نعمت الهیه اولان عصمتنددر قدرتک اولمق بلکه قدرتی اولسه
کندینی حفظ ایتمک اولوردی ایددی فقردن قورقق فقری محنت
و بلا عدا ایتمکدن اولور (شیخ شعرای رحه الله منن نام کابنده فقری

بیان آفات خوف امور دنیا

بیان فقر نعمت آلهیه دن
بر نعمت در

نعمت الهیه دن عد ایدوب دیمشدر که (هر چن دنیا لغم آز اولوب
فقره دوشسم ریمه شکر ایدردم دنیا لغه شکر ایندیکم کی بلکه زیاده
زیرا مقام فقره انبیا و اصفیاک اکثری قائم اولمشدر پس انلرک طریقنه
کیرمش اولورم اما دنیا لقی چونالدغه قارون و ثعلبه و اکثر جباره
طریقنه کیرمک اولور بعده دیمشدر که الله تعالی حضرتلری قولی
فقردن و یاغنادن برینه مظهر ایتش اولسه اول حالدن تبدیل ایتسی
طلب ایتک یوقدر زیرا بز عبـدز و بزه لازم اولان قضایه رضادر
مکر که اغراض شرعیه دن بر غرض ایچون اول حالتدن تحویلنی طلب
ایلسه جائزدر و طلب ایتد کده یارب خیرلی ایسه بکادنیالق و بر واکر
خیرلی دکل ایسه دنیا لغمی آز و بر دیوب جیع حالد کندی امور بی
الله تعالی به تفویض ایلیه وینه شیخ مذکور دیمشدر که صلحا نجر به
ایلمشدر در ککه دنیا لغی چوق اولانک اکثری غفلتی زیاده اولور زیرا
احتیاجدن قورنمغه ر بسنه عرض حاجت و طاعت و عبادت ایتکدن
مستغنی اولمغه باشلر و شیخ مذکورینه شیخدن نقلا دیمشدر الله
تعالی حضرتلری قولنه وسعت دنیوی و یردیکی انک ایچوندر که ر بسنه
اول عطاسی و خلقه احتیاج قومسی مقابله سنده شکر ایلیه و بوسبیله
عبادتتی چوغ ایدوب امرنه مطیع و منقاد اوله اما بیچاره بوقاعده بی
عکس ایدوب داد حق اولدیغندن غافل اولوب مال یتدر دیوانی
شهواته و مخالفت خدایه صرف ایدر وینه طریقتده دیر که تسلیم
اولدیغمن صورتده که فقر و محنت و بلاد رینه اندن خوف ایتده رب العزته
سوء ظن ایتش اولور زیرا فقر الله تعالی ک تقدیر یله و ارادت یله کلور
ایمدی کوکلنده بو خوف فقر اولمجه ر بسنه کم فکر ایتش اولور حالبو که
مؤمنه واجب اولان ر بسنه حسن ظندر یعنی فکرنده اول اوله که بکا
ریم خیرلی اولان شئی و یرد و بو کلامک دایلی ابوهریره رضی الله عنه
روایتدر که برد فعه سرور کائنات علیه افضل الصلوة بلال حبشی
رضی الله عنهم خسته لکنی طولشمغه وارد قدده کوردیکه بلال بریفن
خرما جمع ایدوب البقومش سؤال ایتدیکه یا بلال بو خرما ندر جوابنده

دیدیکه

دیدیکه یا رسول الله سزه و سزک مسافر لریکزه البقومش رسول اکرم
صلی الله تعالی علیه وسلم بیوردیکه یا بلال جهنمک بخارندن متأذی
اولمکدن خوف ایتز مہسک بو خرما ی انفاق ایله و عرش اعظم صاحبی
اولان و اهب الارزاق سنک تفقه کی آز اعطا ایلمسندن خوف ایتده
ایمدی فقردن خوف ایتک رب العزته سوء ظن اولمغه مذمومدر (اما
شیخ شعراوی منن نام کابنده بیان ایتشدر که فقرک ایکی مختلف جهتی
واردر شعار انبیا و صلحا اولدیغی جهتیله مقبول و مدو حدر و مؤمنه
فرح و یرر فقر محنت و بلا اولوب عدم تحملندن اشد بلایه دوشمک
احتمالی جهتیله مدو ح دکدر و مؤمنه خوف و حزن کـتورر
بوسبیلدن سفیان ثوری رحمه الله فقردن الله تعالی به صغوب دیردی
الله حقیچون قرق بیک التون جمع اولوب بدن صکره قالمق یکدر
بر کون خلقه محتاج اولوب فقرله قبول رینه و ارمقدن وینه دیمشدر که
والله بن بومرض فقر کی بلبه به مبتلا اولسم قورقم بودر که خبرم
بوغبکن کفره دوشرم واکا بر اولیانک دخی بلاردن خوف ایتلرینک
سبی بودر (شیخ شعراوی دیر که ایمدی سفیان ثوری کی سلطانکه
مناقبده یازدیغی اوزره مجتهدیندن بشی امام ایکن و اناسی قرننده
کرامتی ظاهر اولمش و ایکن بونک کی بلایه تحمل ایتک قادر اولدیغی
برده کیم تحمل ایدر و سفیانک کلامی * کادالفقر ان یكون کفرا *
حدیثی تأکید ایدر معناسی فقر کفر اولمغه قریبدر یعنی عید فقر کی
بر بلیه به مبتلا اولسه و اول بلیه زائل اولوب اوزانسه قلت صبری
سبیلله قضاء الهی به طار یلور و غضبه کلوب مقدور الهی به
اعراض ایتسبیله کافر اولور و بوم قیامتده اشد عذابه گرفتار اولور
نتکیم حدیث شریفده کلمشدر که اشقیانک الک شقیسی اول کیمسه در که
دنیا فقری و آخرت عذابی انده جمع اولمش اوله (و طریقتده دیر که
فقردن عارض اولان خوفک علاج قلعیسی بودر که اسباب خوفی
ابتدا کیدره سک بودخی اوچدر (اولکی فقردن اولمک و یا خسته لکم
و یا آج اولمق خوفـدر) ایکنی سبی معناد اولان نعمتلی یمک

۱ برد فعه شیخک اناسی حال
جلنده حرام لقمه ید کده
اناسی قرننده دیمه ایله تا
استفراغ ایتدر نجه اضطراب
و یرمـشدر

واضطراب چکم خوفیدر (او چنجی سببی کسبه یا سواله احتیاج
اولی خوفیدر پس بونلری ازاله ایلمسک اجمالاً بیان بودر که بونلرک
جمله سی الله تعالی به سوء ظننر برایسه حسن ظنله مأمورز وتفصیلاً
بیانی بودر که موت دیدیکک خود علی کل حال انک وقوعی محققدر
استر فقیر اول استر غنی اول یا ناکهانی بلا سبب موت کلور و یا بمقدور
سببیه اگر آچلمقدن اولمک سکا مقدر ایسه انک ردینه قادر دکلکسک بر
یوزی طلواتون و یرسک و اگر آچلمقدن وفاتک مقدر دکل ایسه خوفک
بیهوده اولمش اولور موت براونجه آج اولمک اولسون و یا طوق اولمک
اولسون قضایه رضا لازمدر اگر خسته لکم خوفنی دیرسک اول دخی
تقدیرده و ارایسه کلور و اگر یوغبسه کلز و خسته لک غنیلرده فقیرلرده
اولدیغندن زیاده در و تنعمک و تلذذک زائل اولسه **ک**رک یا عاقل
اولان کپسه نیچون خوف ایدر نیکیم دیمشدر (یت رباعیه
* نعمت دنیا سراسر خورده کیر * هر تماشا که نکردی کرده کیر *
* عاقبت چون می بیاید مردنت * هفت اقلیمی بدست آورده کیر *
معناسی بودر که نعمت دنیایی طوتکه اوچدن اوچه بیدک و هر
ایتدیکک تماشا طوتکه ایتدک عاقبت چون سکا اولمکدر طوتکه
یدی اقلیمی الکه کتورمش اولاسک و اگر خوفک احتیاج کسبکدن
ایسه بو خود معلوم در که کسب انبیا و اولیادن دخی صادر اولدی
ایمدی اندن خوفک یاریادن و یا کبردن و یا بطلتدن ناشیدر و اگر
سؤال خوفندن دیرایسک عند الضروره اول دخی جائزدر مقدر وار
ایسه سنک خوفک منع و دفع ایتمز ایمدی فقردن خوف ایدنلرک علاج
تفصیلوسی بودر اما امر دنیویدن ایکنجی مرض خوفیدر بودخی
نعمتله ذوق و صفایمسی فوتندن ناشیدر بونک ایسه علاجنی اشتدک و یا
معتاد ایتدیکی طاعت و عبادتی خسته لکندن ترک ایتمک خوفندن
اوله **ک**ه ثوابی نقصان اوزره اولمی احتمالندن ناشیدر و بو خوف
جهالتندر زیرا حدیث شریفده کلمشدر که خسته اولان آمده صحتده
معتاد ایادیکی عبادتی یازیلور بلکه صبر ایدر سه زیاده ثواب یازیلور

زیرا وارد اولمشدر که بوم قیامتده عمرنی صحتله کچرن کپسه لر تمنی
ایدرلر که تولیدی نغزی دنیاده مقر اضرایله کسمش اولاردی مر یضلره
و یریلان کثرت ثوابلری کوردکلری حینده ایمدی خسته لک واقع
اولسه سکا لازم اولان صبر ایتمکدر و اگر نفسکدن صبر ایده مزایسک
کلی خوف ایدر سکا لازم اولان بودر که الله تعالی دن عافیت
استیوب دائماً بودطایه ملازمت ایده سز که ابن عمر روایتده کلمشدر که
حضرت پیغمبر آخر زمان علیه الصلاة والسلام صباح و اخشامده
بود عای ترک ایتیموب مشغول اولوردی * اللهم انی استلک العافیة
فی الدنیا و الاخرة اللهم انی استلک العفو و العافیة فی دینی و دنیایی
واهل و مالی اللهم استر عوراتی و آمن روحائی اللهم احفظنی من بین
یدی و من خلفی و عن یمینی و عن شمالی و من فوقی و اعوذ بعظمتک
ان اغتال من محتی * و شیخ شعراوی رحمه الله افضل الدیندن نقل
دیمشدر اگر امراض اولمیددی بز حیوان مثال وقوردرلر کبی اولوردق
ایمدی اخوان بلایه صبر ایتمک **ک**ر کدر امداد و امنی طلب ایتمک
کر کدر انبیاء علیهم السلامدن غیری کپسه لر بلانک دوامنه صبر
ایده منزل و ینه دیمشدر که الله تعالی حضرتلری بزه مرض کوندردیکه
بزم وجودمزی کاهلردن پاک ایتمک ایچون زیرا مرض حالتده رب
العزته کمال عجزله اظهار عبودیت وآه و انین ایله کثرت مناجات حاصل
اولوب و جنانیمزدن خوف ایدوب ربمزه وجودیمزی تفویض و تسلیم
بولنمی اولور و مشهوردر که فرعونک طغیانی صحت دائمیسندن اولمشدر
و ینه شیخ مشارالیه دیمشدر که خسته لغکر حالتده اولاد صغار یکز غمه
دوشمک زیرا الله تعالی حضرتلری سزدن بو فکر یکزی کر یه کورر
و نفسکری ربکزه تفویض ایتدی یکزی انلری دخی رب العزته تفویض
ایتمک لازمدر تا که تقدیر الهیدن قوجنق و قضا و قسمته اعتراض
ایتمک بولماسون نیکیم شیخ شعراوی بحر مورود نام کابنده یازمشدر که
شیخ شبلی رحمه الله حکایت ایدر که دیمشدر و فائدتد نصکره جنید
بغدادی بی کوردم و سؤال ایتدمکه الله تعالی حضرتلری سکا نه معامله

ایندی دیدیکه یار اغیوب برشیدن اوتوری عتاب ایندی الابر سوزمدن
 اوتوریکه بردفعه دیمش ایدم بریوزی یغموره محتاجدر الله تعالی
 حضرتلری دیدیکه یاجنید سمنی بردن خبر ویر سن بن جمله به عالم
 وخبر ایکن ایمدی عبده لازم اولان تقدیر خدایه قرشما مقدر کلدک
 طریقت کلامنه واکر فکردن و مرصدن خوف اولیوب غیری طرفدن
 مکروه کلدک خوفی اولورسه آنک علاجی سبی ترک ایتمکدر اگر ترکندن
 ضرردینی یوغیسه مصایحه مذکوردر که ابوموسی الاشعری حضرت
 رسول الله صلی الله تعالی علیه وسلمدن روایت ایدر که پیور مشدر
 عبده آز وچوق نکبت و بلیه دن هر نه اصابت ایدر سه غیری دکل
 الاکاهی سینندن ظهوره کلور والله تعالی حضرتلری عفو ایلدیکی
 اصابت ایدندن زیاده در و حضرت رسول الله صلی الله تعالی علیه
 وسلم یوحیدی پیور دیغنده قرآن عظیمده دلیل اولقی ایچون بو آخی دخی
 قرات ایلدی * وما اصابکم من مصیبه فمما کسبت ایدیکم و یعفو
 عن کثیر * الا یه پس بودلائل مقتضاسنجیه کشی یه اصابت ایده جک
 مکروه لک سبی ذنوب اولمش اولور پس کاهلرینی ترک ایلک کرک
 واکر کلجک بلا سبب سز نازل اولورسه نفسنی صبرله تسکین ایتمک
 کر کدر مقدر اولان لاید کلور ونعم دنیویه ظل زائل مقوله سیدر آنک
 قیدنده او اوب احتمال چکدیکنه دکر کشی بر کره او اوریا نولسه کرک
 مصرع (غم دکلدر کیده دنیا قاله دین بو مقوله کلامله خاطرین تسلی ایدوب
 بلند همت اوله و دنیا بی بقا ک زوالندن بی باک اوله) آفات قلبک قرق
 بدیجیسی غل وغشدر که غیره شر اصابتندن اجتناب ایتمیوب قلبی انالق
 و حیل ایتمکدر واکر ابتداء شر اصابتنی مراد ایتمز ایسه ده بنه قلبی انالقدر
 تنکیم بر تاجر عییلی متاعنی صامق استر پس عیینی کیرتر واولجه صتار
 بودخی حسد حرام اولدیغی کی حرامدر بو خصوصده دلیل ابن عمر
 وابی هریره رضی الله عنهما روایتی در که بردفعه رسول الله صلی الله
 تعالی علیه وسلم بر بغدادی صتان کیمسه مک یانندن کیمکله بغدادی
 ظاهر بنه باقوب امرندی ومبارک الین صوقوب بغدادی قرشدن

بیان آفات غل وغش

شکلنده اولدی پس بر مقرب بنه یاش اصابت ایدوب ایچروسی یاش
 بغدادی اولدیغی کوروب صاحبنه ایندی یارجل بوندن یار رسول الله
 یغمور باغوب اصلندی دیدی یانچون یاشی یوقاروده قومادک دیوب
 * من غشنا فلیس منا * پیوردی یعنی بر کیمسه که حیل و قلابلق ایلله
 بنم ستم طوتان وشفاعته نازل اولور ایتدن دکلدر دیمک اولور پس
 هر تاجر و باعه لازم وواجبدر عییلی متاعک عین بلدوره وکوستره
 اما کوسترلمسی ممکن دکل ایسه اولدیغی اوزره بلدوره کیر و یولجه سنه
 بر کیمسه بر شئی صانون المی ویا کرا طومق ویا وائیک مراد ایلسه
 میعک و مستأجرک و منکوحه مک عیینی ییلن کیمسه یه و اجبدر طالبلرینه
 خبر ایلله طالبلرک علمی بو خصوصده یوغیسه مک که کندی نفسنه
 بر ضرر رشید خوفن ایلله اول زمان اعلام ایتمیه و بوغش حرامدر
 غبن فاحش که بر شئی قیمتندن زیاده یه صاته لرحقنکم الان کیمسه بی
 صریحا و یا تعریضا مغرور ایتمش اولسه مثلاً قیمتده کذب ایلک کی
 یا خود شومر تبه مدح ایلله که مشتری ظن ایده که قیمتله ویا اکسکینه
 صاتمیش اوله ایمدی بودخی غش حرام اولوب مشتری بازارنده
 مخیردر دیر سه رد ایدر اما اگر الداعه اولدیسه صریح و تعریضدن
 هیچ بروجله حرام دکلدر و مشتری مخیر اولماز قول صحیحده اگر چه
 بودخی مذموم ایسه ده اما خدعه و مک که غیری کیمسه یه بلدیکی بردن
 ضرر ایشدر مک دیرلر پس اگر اول غیر خدعه یه مستحق ایسه مستحسن
 و مقبولدر محاربه ده اولدیغی کی تنکیم * الحرب خدعه * پیور مشدر
 اما اگر اول غیری کیمسه خدعه یه مستحق دکلسه حرامدر زیرا قلابلقدر
 و واجب اولان نصی و خیر نیتی ترکدر ایمدی بر کیمسه که غل وغشندن
 و شبهه سندن بالکلیه قورتلق استر سه بو حدیث شریفله عمل ایلک
 سعی ایلسونکه حضرت رسول الله صلی الله تعالی علیه وسلم پیور مشدر
 * والذی نفسی بیده لایؤمن عبد حتی لا یحب لایخیه ما یحب لنفسیه *
 دیمک اولور که اول الله حقیچونکه نفسم آنک ید عزنده در بر قول کمالله
 مؤمن اولماز مادامکه کندو نفسنه سودیکنی مؤمن قرداشنه اولدیغی

دخی سومیه واستیمه فصول مفصله مذکور در که ظلم ایکی نوع اوزره در
و بر نوعی ظاهر در غصبه مال الموقی و بر نوعی خفیدر حیلله ایله
وقلا بلیق ایله مال الموقی کی ایمی دی تجارت طائفه سنه و اجیدر که غل و غش
وحیلله دن اجتناب ایله لرامام اعظم ابوحنیفه رحمه الله حضرت تلیزینک
برشریکی و ارایدی شرکت تجارتله اطراف شهرلرده کزوب الدیغی
مناعی امام اعظمه کوندرردی بر دفعه یتیم قاش کوندرروب بر قاشده
مکرطوله واقع اولوب مکتوبله اعلامدن تأخیر ایتمکه امام اعظم
برو طرفده قاشلری اچایوب کتور یجه فروخت ایلش بعده اورتاغندن
مکتوب کلوب قاشک بری معیب اولدیغن اکاه ایلش پس امام اعظم
اول قاشلرک جمع اچقه سن تصدق ایلش شبهه خیانت قرشدیغندن
اوتوری (وشیخ شعراوی تنبیه المغترین نام کتابنده دیمشدر که امام مالک
حضرتلری هر جمعه کونلرنده چارشو ضابطلرینه امر ایدر دیکه
تجاری حضورنده جمع ایلسونلر و هر برندن بیع و شرا علمنی و حلال
و حرامی سؤال ایدردی بلمنی چارشودن قالدیرردی و دیردی واریبع
احکامی علمنی او کرن زیر فقیه اولین کیمسه نک رباعیسی مقرر در و مشایخ
عظامدن حاد بن زید دیمشدر که هر تاجر که فقره دوشه بوسکر
خصلتک برینه معتاد ایتدیکندن دوشمشدر بری پیهوده و مالایعنی
کلامدن ایکنی متاعنه یلان شرا قاتمدن اوچنخی خلا فنه بمین
ایله دن دردنجی حیلله و خیانتدن بشنخی سائر اقرا نه حسد ایتمکدن
التجی تارک جماعت و تارک صلات اولمقدن یدنجی علم مجلسنه داخل
اوله مدن سکرنجی شهوات ولدانه تابع اولمدن و اصحاب کزین دن
قتاده دیمشدر که بن عجلرم نیجه بازرکان دین و دنیا سنده صاغ و سالم
اولور کوندزین ایشی یمین و کیجه لرده ایشی حساب و افکار در و منبری
بلغراد ی قنوت باینده یاز دیغی رساله سنده اهل حرف اوستاذ لری
شا کردلرینه دکان اچغه و باشقه جه ایشلکه اجازت و یرمه لرمادامکه
اوج شرط اول شا کرده موجود اولیه دیوتحریر ایلشدر شرائطک
بری عبادتدر که بش وقت نمازینی جماعتله معتاد ایتش اوله ایکنی

شرطی امانتدر که خیانت و حیلله و خدعه تهمنی ایله متهم اولیه اوچنخی
شرطی کارنده و صنعتنده مهارتدر که پرشا کرد مادامکه صنعتنی کماله
کتورمیه و استاذ لرتقنده ایشی مقبول اولیه اکا اجازت و یرمک طریق
فتوتدن دکلدر زیر اوچوملق ایله ایش ایشلک لازم کلور اوچوملق
ایسه شعبه شیطنتدر خلقک مالی اسرافه و کراسته بی اتلافه سیدر
واکرایشی اوکاررسه و کوزل اشلرسه ولیکن اول سبیلله نماز دن
یا جاعتدن قالورسه ینه شیطانت شعبه سیدر واکر عبادتنده و صنعتنده
قصوری اولسه ولیکن امانتی قوی اولوب الک امانتی و یرمه دن
وانکار دن خالی اولر سه ینه اجازته مستحق دکلدر زیر ابو قسم شا کردلر که
خیانتله و یا اوچوملق و یا یتیمز لغله موصوف اولار انلرک شیخی
و استاد ی شیطا ندر تکیم ارباب طریقت و اصحاب حقیقت دیمشدر که
شیخی و استاد ی اولین کیمسه نک شیخی شیطا ندر یعنی اوستا د لری
طریقیکه عبادت و امانت و صنعتنده مهارتدر پرشا کردک که بونلرمهمی
اولیه شیطان اغواسیله خلاقی اولان معصیه و خیانتله و اوچوملق
هوس ایله شیخی و استاد ی شیطاندر اکر انساندن استادی و ارایسه ییله
امامذکور شروط بونده اولنجه اکا اجازت و یرمک لازمدر و بواجازت
مشایخ سلوک اجازتندن آشفه دکلدر زیر عبادتک اون جزء ندن طقوز
جزئی حلالی طلبدر و اهل اسلامه نفعی ارتقادر کذلک مشایخ طریقت
مریدلرندن برمید مادامکه ظاهر شریعت احکامیله ظاهرین دوزمیه
و اخلاق ذمیه سندن قلبی ارمیه و معرفت الله ایله و اخلاق حیلله ایله
قلبی بزه میه و مقصود حقیقینک ماسوا سندن رفع نظر ایلیسه اکا
سجاده نشین اولمغه و مرشد مقامنه اوتورمغه اجازت و یرلر زیر
بوکالات یرین بولمدن شیخلک ایتسه اصلاح ایتدیکندن افساد
ایتدیکی زیاده اولور مثلاً شریعت ایله دوزلمیجه طاعت و عبادتدن
عملنی صحت اوزره ایده میوب یا فساد و یا کراسته دوشورر واکر اخلاق
ذمیه سین کیدر مدیسه کبر و یاکی حرام خصلتلری ارتکابدن خالی
اولر و معرفت اللهدن بی خبر اولنجه رب العزته و یا انبیا حقنده سوء

اعتقاده دوشمك اولور بوقاریده کچدیکی کبی بعض صوفیلر شیخی
کونده ایکی کره جناب کبریایی کوروب حضرت موسی عمریده برکره
کورمدی دیونقل ایتدکلری زهاندن و ماسوادن رفع اولدقجه طمع
دنایه دوشمك اولور که جمله خطارک باشیدر کذلک امانت واستقامت
لازم اولدیغندن حدیث شریف نقلنده دخی برداشتمند شرعا مأمون
ومأذون اولمز مادامکه درت شرط بولمیه انک نقل ایتدیکی حدیثله عمل
ایتمک جائز دکلدر اولاسلام ثانیاً عدالت ثالثاً عقل کامل دردیجی
استادنن اشدیدیکی کبی ضبط لازمدر امار عالمک عقلی کامل وضبطی
قوی اولسه ولکن عدالتی اولسه مکروهاتی ومنهیاتی ارتکاب ایتمسی
سبیله مثلاً زدیاز و کبوتر باز اماندن اولغله که بونلر عدالتی اسقاط
ایدر بویله اولان عالمه نقل حدیث اجازتی ویرلر شروط اربعه
بولمندیغندن اوتوری واکر بوشروطلر بولنور ایسه استاذی دانشمند
سندخی اوکرت دیمسی ویا صریحاً اجازت ویرمسی اذندر (آفات قلبک
قرق سکر نجیسی فتنه در که ناسی اضطرابه و محنت و بلایه براغوب
غوغا ایتدیرمکه دیرلر مثلاً ناسه اغوا ایلده که سلطان اوزرینه خروج
ایده لر و امامک نمازده تطویل قراءت ایلمسی کیبکه جماعتیه اندن
ملالت حاصل اوله دخی ناسه فهم ایده مدکلرینی سوبلک کیبکه انی
اکلامیوب غیره معنایه حل ایده لر * کلو الناس علی قدر عقولهم *
بیرلمشدر یعنی ناسه عقللری مقدارنجه سوز سوبلک دخی مطالعه ده
خطا ایدوب بر مسئله بی کرکی کبی اکلامیوب ناسه انی سوبلک کیبکه
انی خلق خلاف اولدیغنی بیلر یاخود ناسه برواعظ ویا برمفتی قول
مهمجور ایله ویا قول ضعیف ایله تذکیر ایلک ویا فتوی ویرمک کبی ویا
برواعظ خلقه برکلامی سوبلده که خلق انک عهده سندن کله مزل
ویانک سبیله برغیری طاعتی دخی ترک ایتمک اوله نتکیم کوی خلفه
و محجوزله و جاریه له تجوید سز نماز قیلقی جائز دکلدر دیسه حالبوکه
بونلرک تجوید اوقیا جقلرینی واکر نیمه جکلرینی بلور پس بوسبیله بونلر
یریله نمازی ترک ایتمک لازم کلور تجوید سز قراءت ایسه عند البعض

جائزدر اگر قول ضعیف ایسه دخی انکله عمل ایلک یریله ترکندن
اولی در * ایتمدی واعظلره و مقتبلره لازمدر احوال ناسی اکامیوب
عادتلرینی بیلک که سوزی قبول ایتمده ورد ایتمده وسعی عملده وکسلده
نه مرتبه ده اولدقلرین بلوب اکا کوره حاللرینه اصلح و قبوله اوفق
کلام سوبلده ل تا که کلاملری فتنه یه باعث اولیه زیر امر بالمعروف
ونهی عن المنکر کاهی اولور که زیاده منکره سبب اولور یاخود غیره
کیمسه یه مکروه اصابتنه باعث اولور پس سبب اولان آثم اولور اما
اکرواعظ علم ایدنسه یاظن غالبی اولسه که خلقک بعضیلری سوزینی
قبول وانکله عامل اولورلر یاخود مکروه اصابتی اولسه کنندینه اولور
غیره اولمز وکندی ایسه صابر در بوضو رتدره جائز اولور وکنندینه
جهاد ثوابی حاصلدر فتنه نک آفت اولمسی حقنده سکا الله تعالی
حضرتلرینک بوقولی کافیدر * والفتنة اشد من القتل * یعنی فتنه قتل
نفسدن اشددر (شیخ شراوی رحمه الله منن نام کتابنده دیمشدر که
علماء محققین واعظلر ایتدیلرک معصیتلرینی ذکر ایلرینی حرام عدا ایتدیلر
زیرا انلرک معصیتلری کندی مقاملرینه کوره معصیتدر یا اولایی ترک
ویامباحی ارتکاب ایتدکلریدر پس انلرک یوجه مرتبه لرینه اولایش
دوشمیدیکندن انلره معصیت دیمشدر یوخسه حرام اولان شئی
ارتکاب ایده نک معصیتی کبی دکلدر زیر انلر اول یوزدن ارتکاب ایدیدیلر
معصوم اولمز دیلر حالبوکه انلر معصوملر در ایمانمز بواعتقادله درستدر
شیخ محبی الدین بن العربی رحمه الله دیمشدر بر کیمسه که انبیانک معاصیسنی
تعین ایلده خطایه کیرر حضرت داود علیه السلام قضیه سند
اولدیغنی کیبکه بعضیلری اعتقاد ایدر که نظر حرامله اور یا خاتونه
باقش اوله اما بواعتقاد خطادر زیر پیغمبرلرک حرکات وسکناتی
رب العزندن اذن خاص ایلدر بزم حرکاتمز کبی اباحته دکلدر پس داود
علیه السلام اذن خاص اولدین نظر مباحله باشین قالدیروب نظر ایتدی
وعلی الفور باشین دوندردی خطاسی بواولدی و بوا یسه نظره اولی در
مباحدر اما انبیایه بلا اذن مباحی دخی ارتکاب ایتمک خطادر آدم علیه

السلام قضیه سی دخی بویله در زیر جنته بر حرام شی بوقدر که
 بغدادی اغاجی حرام اولمش اوله و حضرت داود حقنه بونظردن
 زیاده یازیلان قضیه یهو دیرک افتراسیدر که انبیا علیهم السلام
 عرضلرینه طوقنق ایچوندر شیخ مذکور دیر که عجب بونده در که
 بعض مفسرین انی تفسیرینه یازمشدر پس بعضیلری تفسیرده
 کوردم صحیحدر دیو اعتقاد ایدر بوسیدن شیخ شعراوی رحمه الله
 بویله خطالردن صاقدنرمق ایچون متن نام کابنده مؤمنله احترازی
 لازم اوله جق کلامی و کتبی بیان ایلش بز دخی بومحمد ابراد ایلدک
 تا که نفعی عموم خلقه راجع اوله (تنبيه) مؤمنله احترازی واجب اولان
 اشیا بیانده در جمله دن بریکه خلقک دلنده شایعدر یارب بن سنی
 کورمبور سنده سن بنی کور یورسن دیمک و یا خودهی یشل قبه نک
 ساکنی و یا هی مکانی یوجه اولان تکرری دیمک و بوکا بکرر سن اوستمزدن
 کور یورسن هی بابا جق و تکرری مقوله سی کلامی سوبلک جائز دکلدن
 زیرا الله تعالی به مکانی و جسمانی اولمشنی ایهام ایدر واکرر بی
 کورمبورم دیان کیمسه دیناده کورمه کی مراد ایتدم دیرسه بزا کا
 دیرز که بو تفصیل محلیدر تفصیل محلیده سوزی اطلاق اوزرینه
 سو بملک خطادر زیر اهل سنت و الجماعت اتفاق ایلش لردن هر بر
 کلامکه انی مطلق سوبلیله لرباری تعالی حقنه و یا انبیا حقنه
 و یادین بابنده سو بملک سنده اذن شریعت بولنیه و اول سوزدن
 برخطا فهم اولنه انی علما منع ایلش لردن زیر یا اول سوزایله کاهکار
 اولور و یا کافر اولور کذلک یا دلایل التمهیرین و یا دلایل من ایلش له دلیل
 و یا دلایل الدلیل و بوکا بکرر که بونلش شریعتده وارد اولمشدر کذلک
 خطادندر یامن یوصف ولا یعرف دیمک زیرا الله تعالی تملک سزمعروف
 و موصوفدر ودخی یامن هو فی عرشه برانا دیمک خطادر زیر عرشه
 قرار ایتمه سنی ایهام ایدر و اول احادیث شریفه که الله تعالی سماء
 دنیایه نزول ایدر دیو وارد اولمشدر و بوکا بکرر احادیث اهل سنتک
 اتفاتی اوزره بونلرک تأویلی واجبدر ظاهری اوزرینه حل اولنمز

کذلک

مطالعہ سندن و سوبلشدن
 حذر اولنه جق کلام و کابلرک
 پیانی

کذلک شرعا اطلاق جائز اولیاندن در بعضیلرینک الله تعالی به
 خیار و مبقر و ش و ساقی و واهب الدیر و پیر مغان و قسبس و لبلی
 و سعدی و ابی و اسماء و هند و کنز اکبر و بونلره بکرر اسمی وضع ایتک
 زیرا اسماء الله توقیفیه در که اسماء حسنی طقوسان طقوز اولوب زیاده سی
 شرعی دکلدن اطلاق اولنمز کذلک بو بیتده اولان کلام جائز دکلدن
 (بیت) انا من اهوی و من اهوی انا * نحن روحان حللنا بدنا *
 معناسی بن سو دیکم شخصم و سو دیکم شخص بنم بزایکی روحن
 بر بدنه کیر ششز سو دیکمندن مراد ذات رب العزت اوله پس بومقوله
 کلام اتحاد کلامیدر اهل سنت و الجماعه قتنده بوسوز خطادر
 شیخ شعراوی سید علی خواصدن نقل ایدر که اهل تصوف غزل لرنده
 بو دایر و محبوب مقوله سنی ذکر ایتدکلری برده مراد باری تعالی دکلدن
 دیمش انجق مرادینه مخلوقدر و انک اوازمی اولان حسن و جمال
 و خط و خالک وصفی مراددر و لکن اولیاء الله او غزللری دیمکله و اشمکله
 قلبلرنده بو حالت عارض اولور که اول حالت حقله حضورینه باعث
 اولور بو خسه انبیا دنصکره رب العزتی عارف اولان اولیادر انلرب
 العزتی حاشا که غزل لرنده وصف ایدر بو واجلدن همان محبین و محبوبین
 ایله ضرب مثل ایدوب غزل ابراد ایدر لر ودخی بونک امثالی شعری
 دکلمک حرامدر که مثنی شاعری محمد بن ذویق حقنه دیمشدر
 * لوکان ذو القرنین اعمل برأیه * لما اتی الظلمات صرن شموسا *
 * اوکان لج البحر مثل یمنه * ما انشق حتی جاز فیه موسا *
 زیرا بونده شو مبالغه بی کتور مشدر که بوممدوح اولان محمد رأیه
 ذو القرنیندن غالب و قدر تله حضرت موسی نک معجزه سنده
 قارشو کلنلردن طوتمشدر بو ایسه خطادر و بونک امثالی کلام
 شعر معربده و ابی نواس و ابن هاویده چوقدر عاقل اولان کیمسه
 کندینی حفظ ایلسون و بونک امثالی شعری اوقیان
 زجر ایلسون تنکیم شاعر روم باقی بو بیتده خطا ایلشدر (بیت)
 * سنی یوسفله کوز لکده صور لر سه بکا * یوسفی بلرم اما سنی رعنا بلورم *

ظاهر کلامنده یوسفی بلمک رعناخی انکار ایدوب غیری بی ترجیح
وارد در ابوالعتاهیه نام شاعر شعر دن توبه ایتسه باعث بوشعری
سویلدیکدر (یت) الله بینی و بین مولاتی * ابدت الصد والمالات *
پس رؤیاسته کنندینه عتاب اولنوب دینلدیکه کندکله حرام عورت
مایندده اللهدن غیری واسطه بولمادکی پس اول وقت غزایاندن
توبه ایدوب طاعت و عبادته وزهده ترغیب باینددن غیری بیت
دیمامشدر کذلک اجتنابی لازم اولاندندر فلان بحمد الله فی الارض دیمک
ویامکتو بلرده اعظم واقرب واعلا اسمنی بر شیئه مضاف ایتکسزین
اطلاق ایتک جائز دکدر زبیر ابونلرک لغت معناسی انجق الله تعالی ایچون
اطلاق اولنور واجتنابی لازم اولاندندر بعضیلرینک مافی الوجود
الا الله وان الله فی قلوب العارفين قوللر یدرو بوا یکی کلامک صحیحی
مافی الوجود ازی الا الله ومعرفة الله فی قلوب العارفين کلامیدر وحدیت
شریفده دخی کلمدیکی وسعی قلب عبیدی المؤمن دیمک اولور
عبد مؤمنک قلبنه معرفتم صفدی قلب انی احاطه ایتکسزین بوقسه
الله تعالی بریره کیرمدن منزهدر واجتنابی لازم اولاندن بری بوزمان
یرامزما ندر دیمک زبیرا زماندن دهر مراد ایدرلر دهر ایتسه حدیث
شریفده رب العزته اطلاق اولمشدر کذلک الله تعالی سکوت ایدنی
اشتمز دیمک جائز دکدر زبیرا الله تعالی جمیع موجودی اشیدر حتی
حدیث نفسی دخی و بعض خطیلرک سبحان من لم یزل معبودا
قوللرندن اجتناب لازمدر زبیرا الله تعالی نیک ازلدن معبود بالقوة
اولسنی بلیانلر یعنی ازلیدن عبادت اولتمغه اهل اولسنی معناسی بلمنجه
عالمک قدیم اولسنی اکلارلر بوا یسه کفردر کذلک رب العزته یا قدیم
الازمان دیمک خطادر زبیرا زماندن مستغیدر کذلک هر نه الله تعالی
اشلر سه خیردر دیمک لایق دکدر زبیرا اکلانور که عالمده شر یوقدر
قوللرک جله معاصی ایلدیکی خیر اولق کورینور کذلک اجتنابی لازم
اولاندندر امیر چیشده ویا بر غیری به دیمک یوله کتمه آی طوغمنجه
ویا یکی آی کورمنجه زبیرا بومنجم کلامیدر بر منجم بردغه عمر فاروقه

ابتدی دشمنکله آی طوغمدن مقابل اوله حضرت عمر رضی الله عنه
ابتدی بزم آیمز ایتسه انلرک دخی آیدر واکر طلوعی بزه سعد اولور سه
انلره دخی سعد در ایکی طرفه طوغماسی برابر در دیمکدر کذلک
اجتنابی لازم اولاندندر برخسته به کلد کده الله تعالی شو مر ضکی
کوتوره دیمک انجق ادب اولان الله تعالی دفع ایلده و شفا و یر
دیمکدر کذلک فلان کیمسه غیب بلور وغیبه کشف واطلاعی واردر
دیمک جائز دکل انجق فلانک فراست صادق سی ویا خود ساده جه
اطلاعی واردر دیمک کرک غیبی اکمامق کرک تا که علم قطعیده پیغمبرلر
مقامنه اشتراک اکلامسون زبیرا اولیاقتنده الهام وفتح وکشف
دینلان فقها قشده بر ظن صادقدر اما انلرک اصطلاحلرنده واقعه
مطابق اولان اعتقاد صحیح جازمدن عبارتدر بوا جلدن الهام
کندولرینه دلیلدر غیری به دکدر کذلک بر تاجر به بازارندن سؤال
اولنسه تکرری صاتسون ویا السون دیمک خطادر زبیرا اهل اتحاد
مذهبی اکلانور بوا یسه کفردر واهل اتحادک اعتقادی بودر که
انسان و تکرری تعالی بردر کانه انسانک جله اعضاسنه تکرری تعالی
سرایت ایتشدر نعوذ بالله تعالی من سوء الاعتقاد کذلک شعار حقندن
برینی تصغیر ایتک یعنی کوچککله دلالت ایدر کلامله سو بلمکدن
اجتناب لازمدر مصحف جق ومسجد جک ودانشمند جق دیمک مقوله سی
بعض علما کفر دیو یازمشلردر کذلک تألیف اولنان کابلی قرآن عظیم
ووحی اسماسنه مشابه اسمله آد ویرمک شرطا جائز دکدر
بعضیلرینک تألیفنده کتاب الاسراء کتاب المعارج مفاتیح الغیب آیات
بینات مقوله سی اسماء اولدیغی کپی زبیرا اسرا و عروجده حضرت رسول
الله مشارکت و علم غیبده الله تعالی به مشارکت اقتضایدر و امام علامه
عمر بن احمد اشبیلی رحمه الله لحن عوام ایلده مسمی کابنده دیمشدر امام
غزالی نک احیاء علوم نام کابنده بر قاج یرلر ایلده عمل ایلدن حذر لازمدر
کذلک کتاب نفخنده وکتاب تسویه سنده بعض محللر ایلده عمل ایلدن
احتراز لازمدر کذلک کتب فقهی تألیفاتنده دخی بویله برلری واردر

و بونک سببی بود که اوایل حالنده اول کلامه ذاهب اولمش ایش
 بعده اندن رجوع ایشدر منقذ عن الضلال نام کابنده ذکر ایتدیکی کبی
 كذلك ابوطالب مکی نك قوت القلوب نام کابنک بعض برلندن حذر
 لازمدر الله تعالی حضر تبری قوت العالم مقوله سی کلاملندن وتفسیر
 مکی نك نیچه برلندن وابن مسیره حنبلی کلامنک اکثر برلنده وناس
 دخی انک رده کابلر تألیف ایشلردر ومنذر بن سعید بلوطی کلامنک
 مطالعه سندن حذر ایتک کرک زبرا اکثری معتزله علم کلامیه مخلوطدر
 انلرله بلاد شرقیه قونوشدیغندن سرایت ایشدر وابن ترکان کتبی
 مطالعه سندن احتراز لازمدر کذلک تفسیر زنجشیری مطالعه سنده
 اهتمام لازمدر نیچه برلندن صافقه لر زربا بعضی کفر صریحدر کذلک
 اخوان صفا کابی مطالعه سندن صافقه لر و بوکاب الی ایکی رساله بی
 مشتملدر بحر یطی نك تألیفیدر حال بو که طریق اسلامدن خارج اولان
 ملحدیندن اولدیغنی ذکر ایشلردر و ابراهیم نظام وابن راوندی و عمر
 ابن المثنی کلاملندن احتراز لازمدر و عبدالکریم جیلی قصیده سی
 مطالعه سندن که عین قافیه سنده در تنکیم جله اییادن بری بود که بیت
 قطعت الوری من نفس ذاتک قطعه و ما انت مقطوع ولا انت قاطع*
 زیرا بو بر لفظدر که الله تعالی حضر تبریینه اطلا فی صحیح دکلدر وابن
 قسی نك خلع التعالین کابی مطالعه دن صافقه لر زیرا فهمیدن مرتبه سی
 بوجه در وسید محمد وفانک نایب سندن اجتناب لازمدر* والحدز کل الحدز
 محمد بن حزم ظاهری کابلرینی مطالعه ایلمدن علوم شریعت ایله
 تلامذین باخصوص اصول دینه وقواعد عقاید و معانی حقایقه
 متعلق اولان کتبی زیرا هر حومک بو علومده مهارتی اولیبو فهمله
 اخذ ایشدر پس کلامی کوچک ایشلدر که فهم اولانه کذلک مقیدین
 رشد کلامی مطالعه دن حذر لازمدر زیرا اعتقادده اکثر کلامی
 فاسددر و شیخ محی الدین عربی کتبی مطالعه دن حذر ایتک کرک
 فهمیدن اعلامی تبهده اولدیغندن اوتوری و یاخود ایچلرنده قانشدرمه
 باطل کلام اولدیغندن اوتوری اوله تنکیم شیخ ابوطاهر دن وصاحب

قاموس شیخ مجد الدین دن بو احتمال ثانی حکایت اولنور دیشلردر که
 شیخ محی الدین کابلرنده علمایه مخالف نقدر قضیه واریسه جله سی
 فتمه در شیخ شعراوی بو محله دیشدر فتوحات مکیه فتمه کلامدن
 آروپ اختصار ایتدم و خبر ویردمکی اول فتمه کلام حلول واتحاد مذهب
 کوسنر پس شیخ شمس الدین مدینه قونیه ده محی الدین خطبیه اولان
 کابه تطبیق اولسان فتوحات نسخه سین کتوردی نظر ایتدکه
 کوردم اول چقاردیغم مدسوس کلامدن بریسی بوق بو اصابته حقه
 حد فراوان ایلمد عبدالحق ابن سبعین کابلرینی مطالعه ده احتراز
 لازمدر زیرا انده حلول واتحاد وتشبیه واقوال ملحدین ابهامی واردر
 شیخ شعراوی بو تحریراتی بیان ایتدکنصکره دیر که اگر بونلردن
 برینی ناچار مطالعه ایدر ایتک میران شرعه تطبیق ایله اندنصکره
 عمل ایله اما سکا وصبتم اولدر که کتب شریعتی که تفسیر وحدیث
 وفقه در انلری مطالعه ایله وصحابه و تابعین دن وتبع تابعین دن اولان
 ائمه ومشایخه وانلره مقلد اولان فقها و متکلمینه اقتدا ایله وانلرک
 بولجه کتب اما صاقین طقوز یوز الی دنصکره قواعد شریعتی احکام
 ایتمدن صوفیه طریقه دخول ایدن شیخلره جمع اوله زیرا انلر تصوف
 کابلرینی مطالعه ایدوب مشایخک مرادینی نااهله اوللری سببیه
 اصلا میوب ضال ومضل اولورلر (آفات قلبک قرق طقوز نجبسی
 مداهنه در که امر دینه سستلک و کوشکک ایدوب معاصی و مناهی بی
 مشاهده ایتدکه ضرر سزجه تغیرینه قدرت واریکن سکوت ایلیه
 بوکامداهنه دیرلر حرامدر مؤمن قنداشک دینه ضرر ویره جک شبنی
 کوروب سکوتله رضا بولندیغندن اوتوری اما اگر دنیا سینه ضرر ویره جک
 شبنی کوروب و کوشکک ایدوب سکوتله رضا بولنسه بوکامدارا دیرلر
 حرام دکل بلکه مستحبدر حدیث شریفده* علیکم بالمداراة* بیورلشدر
 وحافظ شیرازی رحمه الله مدارا که ضرر دنیویه اولان یرده رضا در
 دوستان مایینده اتی لایق کور میوب دیشدر و محله کوسنر مشدر بیت
 اسایش دو و کتبی تفسیر این دو حرفست

* بادوستان تلطف بادشمنان مدارا *
 معناسی ایکی عالمک راحتی بوا یکی کله نک معنا سیدر بری دوستلریله
 لطفله معامله و بری دوشمنلریله مدارا ایتک و منلا جامی حضرت تیری
 دخی بورویشی مقبول طومش و لکن ایکنی سوزده برمشکل بولوب
 دیمشدر (بیت * اسایش دوکتی باد کیر این دو حر فست *
 * بادشمنان نادان مشکل بود مدارا * یعنی خا طرمده
 طو تارمکی ایکی عالمک راحتی بوا یکی خصلته در اما نادان دشمنلریله
 مدارا مشکل او اور و دشمنلرک یوزینه کولمک فتنه لری خوفدن
 مدارا در نفاق دکلدر تکیم حدیث صحیحده کلشدر که حضرت پیغمبر
 صلی الله تعالی علیه وسلم بر شخص کلوب کورشمک ایچون قپوده طوروب
 دخوانه اذن طلب ایتدیکنده حضرت پیغمبر صلی الله تعالی علیه
 وسلم خبر و پردکارنده کلن کیمدر دیوسوال ایتدی فلان کیمسه در دیدیلر
 های نه برامز عشره لیدر دیک کلسون دیدی ایچرو کیردیکنده
 حضرت پیغمبر صلی الله تعالی علیه وسلم کولر یوزله قارشولوب
 بوکار عایت صورتی کوستردی پس اول کیمسه کتدکنند نصره
 اصحاب سوال ایلدیلر که یارسول الله مقدما بوکیدن شخصک ذمن
 ایلوب شمعی یوزینه کولوب لطفلر کوستردیکر حضرت محمد صلی الله
 تعالی علیه وسلم پیور دیکه * ان شر الناس عند الله منزله يوم القيمة
 من وقره الناس اتقاء خشه * معناسی بودر که مرتبه جهنندن عندالله
 قیامت کوننده ناسک شر اوسی ویرامزی اول کیمسه در که خلق دنیا ده
 انک شرنندن و خشنندن صقنه یعنی حضرت پیغمبر صلی الله تعالی علیه
 وسلمک بو معامله سی آنک شرنندن صقنی ایچون جهت مدارا در پس
 حضرت محمد علیه الصلاة والسلام انلرک سواللرینه صورتا جواب
 ویرمیوب مهمی بیانه یاشدیکه بو خلقله موصوف اولان آدم عندالله
 نه مرتبه ده درانی بیان ایلدی و بو حدیث دلالتندن فهم اولندیکه
 بویله معامله ایتک بو نک کی شر برلره احسن معامله دندر صورتا
 ذوالوجهین کور پیورسه ده دفع شری مصلحتی ایچون جائز در اما

مداهنه نک حرام اولما سنه احادیث شریفه ده وارد اولاندن بری
 * الساکت عن الحق شیطان اخرس * حدیثدر یعنی کله حقیدن
 سکوت ایلین داسر شیطاندر و مداهنه نک ضدینه صلابت فی الدین
 دیرلر که دین امرنده طبان پکلیکی ایدوب قرشو طورمغه دیرلر والله تعالی
 حضرت تیری بومر تبه ده اولان کیمسه لری مدح ایلوب پیور مشدر
 * یجاهدون فی سبیل الله ولا یخافون لومة لائم * معنای شریقی طریق
 حقه مجاهده ایدرلر و لا ایتک لومندن اصلا قورقزلر دیمکدر و حضرت
 پیغمبر علیه الصلاة والسلام * قل الحق واولکان مرا * پیور مشدر
 یعنی حق سوزی سوبله آجی ده ایسه اما اگر سکوتی دین امرنده اولسه
 و لکن یا کندی یاغیری کیمسه دن ضرری دفع ایتک ایچون اولورسه
 بودخی مدارا در و جائزدر بلکه بعضی پرلده مستحیدر اما ضرر شدید
 ایرشمیه جک برده دین باینده سکوت ایتک جائز دکلدر و ضرر شدیددن
 مراد یا ضرب شدید یا نفی بلد یا وظیفه سندن عزل و یا نفسنه قتل خوفی
 اولدجه سوبلک واجبدر سوبلر سه مداهندر شیخ شعراوی تنبیه
 المغترین نام کابنده ذکر ایدر که سفیان ثوری رحمه الله دیمشدر چن
 بر آدمی قو کشیلری یاننده مقبول و مرغوب و بریسی ذمن ایتوب محبوب
 ممدوح اولمش کورسه کز اویله ییلک که اول آدم مداهندر برینه آجی اولان
 حق سوزی سوبلر دکلدر کذلک عبدالله بن مسعود رضی الله عنه
 دیمشدر چنکه بر مؤمن وفات ایلسه و قو کشیلرندن بر کیمسه اتی ذم
 ایلسه اویله ییلک که اول مداهندر کلام حقندن سکوت ایتشدر (آفات
 قلبک النجیسی ناسله انس طو تمقدر و فراقلرندن وحشت عارض اولمق
 بو خلق دخی مذمو مدر بوندن اوتوری حدیث شریفده دینلشدر
 * الاستنباس بالناس علامة الافلاس * ناسله مأنوس اولمق مفلسک
 علامتندر کشی بی امور دنیویه سندن و امور اخرویه سندن اشغال
 ایدوب ایکی جهنمله دخی افلاسه براغور زیرا مایه دنیویه سن
 و اخرویه سن یتورمکه باعث اولور بو عصرده خلا یقک قهوه خانه لره
 بر بریله انس طومعه لرنده بو آفت قی آشکاره در و باغ و بستان و تارله

و در کرم من مقوله سی دنیا متاعیله دخی انس طوتمق بویه در اگر ر بستک
 ذکرندن اشغال ایدر لسه نتکیم شیخ شعراوی تنبیه مذکورده احد
 بن حرب نام عزیزدن نقل ایدر که دیمشدر بر کیمسه که باغ و بستانه
 و یا قصر و ایوانه عبرت نظریله باقبوب شهوت نظریله نظر ایلسه
 لله تعالی حضرت نری قرق کونلک عبادت لذتی کیدر سه کر کرد
 و بونک سبی بودر که جیعا مخلوقاتک وجودی مذکر خالقدر یعنی نظر
 اولدیغی کبی عارفک قلبه خالقنی کتوروب اکیدر و عبرت نظری
 بودر پس بونظر ایلله نظر ایتوب جاها لانه تعجب نظریله باقبوب
 سیدیه خالقندن اشغال ایتکله بو ورطه به او غرار و بوجاهلانه نظرندن
 الله تعالی حضرت نری آفت برادوب کوزدکک واقع اولوردیو علما تحقیق
 ایلشدر و مشایخ کرامدن ابو بکر و راقی رحمه الله تعالی دیمشدر
 مادامکه خلقله اختلاط اید سن الله تعالی حضرت نریله انسی امیدایتمه
 و مادامکه ظلمه به اختلاط اید سن رضاء اللهی امیدایتمه و مادامکه
 دنیایه محبت اید سن محبت حق امیدایتمه و مادامکه یتیمه جفا و زور
 اوله سن قلبک ملائمتن امیدایتمه و داود طائی دیمشدر که تارک دنیا
 اولانلره عزلت یارار اما دنیایه راغب اولانلرک عزلتده فائده یوقدر
 و داود طائی عزلت اختیار ایندیکیچون یاران لوم ایلدیکنده سبب
 بیان ایدوب دیدیکه کوردیمکه کوجکرا اولورده توقیر و تکریم ایتز اولدی
 اولوردخی بنم عیلمریمی ارا یوب نشانمده در تاکه برکون طارلد قده
 یوزیمه اوردهر یا افشا ایلدهر که بوسبیلله خلق بنی ترک ایدله ایددی کیر
 و صغیردن ابراق اولمق بکا اولی اولدی و فضیل بن عیاض دیمشدر چوق
 یاران و آشنا ایدیکلقت عقلمندر و سفیان ثوری رحمه الله دیمشدر
 بوزمان ملازمت بیوت و سکوت و رضا بالقوت زمانیدر (معلوم اوله که
 اختلاط ایلله عزلندن قنغیشی افضل اولدیغنه علما اختلاف ایلشدر
 بعضیلری اختلاطی ترجیح ایلشدر دلیللرندن بری بو حدیث شریفدر
 * قال النبی علیه السلام المؤمن الذی یخالط الناس ویصبر علی اذاهم
 خیر من المؤمن الذی لا یخالط الناس ولا یصبر علی اذاهم * معنای

بودر که اول مؤمن که خلقله اختلاط ایدوب اذالرنه صبر ایدر ناسه
 قرشما یوب اذالرنه صبر ایتیمندن خیر لیدر اما عزانی ترجیح ایدنلرک
 دلیل بودر که حضرت پیغمبر صلی الله تعالی علیه وسلم بر حدیثده
 پیورمشدر انسانک خیرلی معبشتی ایکی معبشتدر بریسی بر آدمکه طریق
 غزایه کیدوب دیزکنن الله اکوب هر بار که بر طرفدن حیفندی و یا
 بر صدا اشدیه همان آت ارقا سنده بولوب اول طرفه اوچوب کیده
 و انده موتی طالب اوله و معبشتک ایکنجهسی بر آدمکه قبونجقلمری
 اولوب طاغ باشلرنده پردیه ده یا خود وادیلردن پروادیده انلرک یاننده
 اولوب نماز بن قیلوب وزکاتن و یروب موتی کانجهدر بسنه عبادت ایلله
 و ناسک خیری ایچنده بولنه منارات السائرینه بوقوللری توفیق ایدوب
 ماهو الحق دیمشدر که اگر بر آدم بر کیمسه نک صحبتنه نائل اوله بلورسه که
 دیننده اگا علمله معاونت و عبودیتده خیرله موافقت اید غیری نااهل
 صحبتندن اعتزال ایدوب یالکز اول کیمسه دن انتفاع ایتک و انکاه صحبت
 ایتک خیر لیدر اما اگر بویوزدن نفعی طوق و ناجی کیمسه اولمزه بلکه
 جاهل جلس ویرامز مصاحب و انیس اولورسه ترک صحبت و اختیار
 عزلت خیر لیدر نتکیم طریقتده دیر سالک راه حق اولانه لایق اولان
 بودر که الله تعالی حضرت نری نک ذکر یله و طاعتیله انس طوتوب ملاقات
 عوامدن ضجرت و وحشت بوله اما کبر و عجبیدن دکل بلکه ذکر و فکرندن
 و طاعتدن مانع اولدقلمر یچون مشایخ کرامک اتفاقی بودر که اشوبیتده
 واقع اولان بش خصلت انسانی کلین دن ایلرا کر انلری طوتار سه
 * جوع و صمت و سهر و عزلت و ذکر بردوام *

* نا تمامان جهان را بکنند کار تمام *

بیان آفات خفت

آفات قلبک الی برنجبسی طبشدر یعنی لکدر و بوقلبده بر حالندر
 اثری اعضایه ظهور ایدر که باشده و کوزده و قولقده اولور هر کلنه کیده
 بقار و هر حرکت ایدن شبئی کورمک استر و دلده دخی اولور علامتی
 چوق سو یلر و همی اولمین شبئی استفسار ایدر و سؤال و جوابده استعجال
 ایدر والده دخی اولور چوق چوق حرکت ایدر و اعضا سنی قاشور

وصار یغین دوزر وصفالین ولباسین بلا حاجه دوزر قوشار وایاقده
 او اور حاجت اولمیان بره کیدر و تیر حرکت ایدر و سائر اعضاده دخی
 اوزاتمی بو کلمه اوموزلرین قلداتمی کی و بونلرک کلمسی سفاهتدن
 وقلت عقلدن ناشیدر و بونک ضدی وقار و سکوندر که ترکیده آغر
 باشلیق دیرلر ممدوح و مقبولدر و علامتی نظرتک و کلامک و حرکتک
 فضولندن وزوانندن احتراز ایتکدر و بو خصالت علم و حلم قوتندن
 حاصل اولور و صالحین سیماسی بودر و لکن ریا و کبردن تمیز لازمدر
 محض وقار اولدیغی اندن بلنور که مخالطه سی و خلوتی برابر اوله
 (اللی ایکنجی آفت حقه عناد ایدوب علم ایدند کدنصرکن انکار
 ایتکدر و بودخی یار یادن یا کبردن یا حسد دن یا طمع دن ناشیدر
 اگر بونلر اولسه عناد و مکاره ایتزدی (اللی اوچنجی صلفدر که
 کندی نفسنی او ککدر امور شاقیه قدرت اظهاری و امور غریبه دن
 اخباری کی کذبیدن و عدم تصدیقدن خوف ایتکسزین اور تالفه
 او کنبوب سوبلکدر و بودخی کذب و عجبیدن ناشیدر و نفاق بورا دن
 ظهور ایدر (اللی دردیجی آفت نفاقدر که ظاهری باطنیه و قولی فعلیه
 اویمغه دیرلر اگر اعتقاد باینده اولور ایسه العیاذ بالله کافردن بتردر
 تنکیم کفر آفتنده ذکر سبقت ایلدی و اگر ناسله معامله سنده ایسه
 بودخی مذمومدر زیرا حمله و خدعه و خیانتدر آفات لسانده زیاده
 تفصیلی کلمه کر کدر ان شاء الله تعالی (اللی بشنجی آفت تمرد و ابادر
 و بونک سببی کبر و عجب و ریادر و حقد و حسد و طمع و اتباع هوادر
 پس بونلردن بری اولمغه او کوت قبول ایتیبوب مافوقنده اولان کیمسه یه
 اطاعت ایتمز اولور (آفات قلبک اللی التمجیسی جریره در که قوت عقلنی
 اعتدالدن آشورب دقیق مسئله لره و قانون شریعتدن خارج نکتمه لره
 چایقدر و از اله سنک علاجی تأمل ایتکدر حضرت محمد صلی الله تعالی
 علیه وسلم روحدن سؤال ایلدکلرنده حق جل و علا بیورمشددر که
 * یا حبیبم سن دی قادر مختارک کن امر یله ماده سز و بر اصلدن تولد سز
 ابداع و احداث ایتدی کیدر و سز علمدن حصه قلیله اعطا اولمشددر

بیان آفات عناد

بیان آفات او کلمک

بیان آفات نفاق

بیان آفات تمرد

بیان آفات جن عقلالین

ذات روحک کنهنی ادراک ایده مز سکزدیو بیورمشددر * قرآن
 عظیمده منشاهاک که * الم وق * مثالی کلمه لر در انلرک تأویلی اللمدن
 غیر کیمسه بیلنر بیوردیغنی فکر ایدوب هر د قبیق برلره عقلانی صرف
 ایتکمرک کرک زیر خصلت جریره دندر که مذمومدر و سببی زیاده
 زکاوتی اظهار ایتکدر اما صوی ندامتدر (کمال پاشازاده رحمه الله
 نکارستان نام کاپنده یازمشددر که برواعظ بردفعه بغداد شهرنه کلوب
 کرسی به چیقار و علمه مغرور اولوب منم دیگر نیست مقامندن دم
 اوروب عرش و کرسی وسیع سمواتدن کیمسه هر نه سؤال ایدرسه کلسون
 سؤال ایتسون و جوابن آلسون دیو سوزنده پرتا و ایدر همان بر اعرابی
 باشین قالدیروب ممانده اولان طورسون نهایت بزه ریوزندن خبر ویر
 سکا برسؤال وار دیدی شیخ دخی سوبله دیدی اعرابی اول قرنجه که
 حضرت سلیمان علیه السلام ایله سوبلشدی دشیمی ایلدی یو خسه
 ارکک می ایلدی شیخ جوابندن عاجز اولوب توبه واستغفار ایلدی که
 من بعد عالم دیو فخر انیم و علم وار دیم (کذلک شیخ شراوی رحمه
 الله هضم نفس باینده کلور کاب منده دیمشدر الله تعالینک لطفلرندن
 پوی دخی بودر که کندی نفسی علمادن کور محبوب بلکه علی الدوام
 کندی جهلم مشاهده سندهیم و شیخی سید علی خواصدن نقل ایدر که
 دیمشدر بر کیمسه سلف صالحینک علومنه نظر ایتسه کندی نفسنه
 جهلمه حکم ایدر و جدا دیمز که بن علما جهله سندهیم زیرا ابن سبکی
 نقل ایدر که نظام الملک زماننده خزانه کتبه آتش دوشوب جیعا
 کتب احراق بالنار اولدیغندن پادشاهه عظیم تأسف حاصل
 اولدقد اکادیدیلر که غم چکمه پادشاهم علمادن ابن حداد حفظندن
 جیعا ینان کابلری یازمغه قادر در پس آدم کوندورب سيارش ایلدی
 اول دخی املایه شروع ایدوب اوچ سنده جیعا کاب خانه نک
 کابلرینی تمام ایلدی تفسیر و حدیث و فقه و اصول کابلری ایلدی تمام
 ایلدی و اصل نسخه طوتمیوب حفظندن یازمشددر کذلک اصحاب طبقات
 نقل ایدر که حافظ ابن شاهین اوچبوز اوتوز کاب تألیف ایلشددر

بیان علوم مشایخ کرام
و علماء فخرام

همان قرآن عظیم الشانک تفسیری بیک جلد ایتمش و احادیث شریف
مسندی بیک التیوز جلد ایتمش حتی او آخر عمر نده مرگی اکا صنان جباد
حساب ایلمش بیک التیوز رطل مرکب اولمشدر کذلک بعضیلر حکایب
ایدر که عبد الغفار قوسی رحمه الله مذهب شافعیده بیک جلد کتاب
تألیف ایلمشدر و جلال سیوطی رحمه الله حکایت ایدر که شیخ اباحسن
اشعری بیک جلد بر تفسیر تألیف ایلمشدر و بغدادده خزینة نظامیه ده
طور رمش کذلک حکایت اولنور که محمد بن جریر طبریکه امام شافعیدن
صکره اجتهاد مطلق دعوا سنده ایدی علمدن سکسان دوه یوکی کتاب
حفظنده ایدی و شیخ تقی الدین سبکی حکایت ایدر محمد بن انباری
هر هفته ده اون بیک ورق حفظ ایدردی و امام واحدی یوز یکرمی
دوه یوکی کتاب حفظ ایتمش ایدی و غریبندره که حسین بن سبنانی
قرآنی حفظ ایتمدیکنه بر آدم لوم ایلدی پس بر کیمه نک ایچنده جله
قرآن عظیمی حفظ ایلدی و اول ککوندن اول بر فائحه ایله اخلاصی
و معوذتینی فقط حفظندن بلور ایدی و بر کره بر شئی اشدسه حفظ
ایدر ایدی و امام شافعی دخی بومرتبه ده ایدی و دیردی بر کره اشتدیکم
شئی اونتمش دگم و حضرت علی کرم الله وجهه دیمشدر اگر دیلیدم
بسم الله ده اولان بانک معناسندن سزه سکسان دوه یوکی کتاب
چیقارردم و امام لیث بن سعد دیمشدر اگر صدر مده اولان علوم
یازسم برکی به صغیردی (شیخ شعراوی دیر که امدی ای قرن داش نظر
ایله بو ذکر ایندی بکمز علمارک علمنه و ذکر ایندی بکمز دن دخی زیاده در
پس بالضروره کندی نفسکک جهلنه حکم ایدر سک و سید علی
خواص دیمشدر هر کیمسه که علمده مرتبه سین بملک اسنسه هر سوز که
بیمشدر انی قائلنه رد ایلسون و نظر ایلسون کندی نفسنده نه قالور
اول علم انکدر و بوم قیامتده اول علم اوزرینه بعث اولنور امدی
عالمه لازم اولان بودر که بومذکور علمارک علمنه نظر ایدوب کندی
غروره دشورمیه و حقایق و دقائق طرفلرینه که فی الجمله فهمه قریب
دکدر هوس ایتمه اما غرائب بونده در که بعض عوام کندی نه مهم

اولان مسائل قیوب حقایق و دقائقدن استفساره باشلر (تکیم اخلاق
علائیده دیر عوامه لازم اولان ایمان و اعتقاد و عمله سعی و اجتهاد در
لکن نفس اماره نک عادت بودر که کندی نه نافع اولان تلخ و ثقیل
و مالا یعنی و فضول اولان شرین و خفیف کلور زیر شیطان اغوا
و بر کره اول علماء ظاهرک بلدیکی اصطلاحاتی سن بله مسک ساکضرر
و یرمز خلاصه علوم بودر که بونی هر کس بلز دیو طرف خبردن
انسانی منع ایلمر خصوصاً که بعض صوفیه ایله همراه اولوب منطق
الطیر عطار و کلشن راز و زبده عین القضاة همدانیدن براییکی یدینی
اوقش ایسه نکته دان عارف کچنور اما علماء شریعت قتنده کوچنور
و یا خود بعض تری کابلردن و یا افواه ناسدن دانشمندلری انحصان
ایچون بویله بر مشکل خاطرینه آلور تا که کندی نه اهل معرفت دیسونلر
و بونک کبی کیمسه علمادن دخی سؤال ایدر اولسه بر بوکامه علق مسائل
سؤال ایدرلر حالبو که شرائط اسلامدن یا شرائط صلاتدن سؤال
ایتمسک بلکه شرائط غسل و طهارتدن صورسک جوابه قادر اولردی
کذلک مسائل صلاتدن دخی سؤال ایتملی اولسه بر مهم مسائل قیوب
دقیق برلردن سؤال ایدرلر مثلاً صبح نمازی نیچون ایکی رکعت اولوب
اویله نمازی درت اولدی و یا خود صبح نمازینی ابتدا کیم قلمدی دیو
سؤال ایدرلر که بونلری نه بلدیکنندن بر فائده و نه بلدیکنندن بر ضرر
وارد نمازک شرائطی صورمز که قاچدر و برینک ترکیله نه لازم کلور
دیو بورالری قیوب سر و حکمتنه متعلق برلردن سؤال ایدرلر که علمادخی
انک علمنی الله تعالی به تفویض ایلمشدر اعداد رکعاتده اولدیغی کبی
ایمدی عوامه لازم اولان اینجه اینجه مسئله لری ارامیوب مهماتی
سؤال ایتمک کرک (اللی بدنچی آفت بلاد و غیاوتدر که تر کیده
کندلاک دیرلر و بونک ضدی زکاوت وزیرک لکدر و بونک علاجی سعی
و جهد و اوکر نمکه مداومتدر) امام اعظم رحمه الله امام ابی یوسفه
دیمشدر که سن غیبی ایدک و لکن سنک مداومتک سنی اندن چیقاردی و علما
دیمشدر که علم تحصیلنده اوچ کیمسه نک همشدن لازمدر اولی پدرك

اگر صحتده ایسه ایکنجی بسرك اوچنجی استادك اكر بونلردن بری همت
وسعینده قصور ایدر ایسه تحصیل علم بهسر اولمز وز کاوتی دخی اولسه
ینه از زمانده حاصل اولمز اندن غیری اشیا به محتاجدر تنکیم امام
شافعی رحمه الله یوکا اشارت ایدوب دیمشدر (قطعه)

* اخي لن تنال العلم الا بسطة * ساندیک عن مجموعها پیدان *
* زکاء و حرص و اصطبار و بلغة * و ارشاد استاد و طول زمان *
معناسی بودر که ای قرن داش علمه نائل اولمز بسك الا انی شبهله سکا
انك مجموعندن بیانه خبر و بریم زکاوت و علمه حر یص اولمز و مشقته
صبر ایلک و رزق کافی و استاد ارشادی و زمان طویل استرککه علم
حاصل اوله (اللی سکرنجی آفت طعام و جاعه حرصدر صراط سوی
نام کایده دیمشدر که جاعه قتی حر یص اولوب دوشمک ایکنی سیدندر
اولکبسی امراض بدینه دن برمرضدر طبله علاج اولمز ایکنجیسی
بروسوسه نفسانیه در طریق علاجی بودر که علم ایدینه که جاعدن
مقصود اوج شیدر بریسی حفظ نسلمکه اولاد اولوب نسلی دوکنمک
ایچوندر ایکنجیسی حبس اولسی ضررلی اولان صوییکه منیدرانی
اخر اجدر اوچنجیسی مقصودك برلذته نائل اولمقدر محض لذت ایسه
جنتده اولور که انده تناسل یوق و بدنه ضرر یوقدر اماندینده جاعه
حر یص اولمز برقاج آفت کتورر بدنه نقصان و عقله و قوته و ماله
نقصان کتورر حضرت علی کرم الله وجهه و رضی الله عنه دیمشدر
منی سنك كوز يلك قوتيدر وقوللر يلك قوتيدر وانجكلر يلك ايلکيدر
ودیمشدر که انسانك ذکر قیامه کلدکده عقلانك ثلثانی کیدر و کاه
اولور که شهوت جاع برمرتبه قوت بولور که صاحبیه اندن عشق
حاصل اولور بوايسه افج شهواتدر زیرا بویوزدن عشق بغلیان
عاشق ناصادق انی اعتقاد ایدر که شهوتی منکسر اولمز الامعشوقله
واوکاده وصول ممکن اولمز عاقبت هلاکنه راجع اولور و اگر وصول
ممکن اولور سه بنه دنیا هلاکنی یاخود آخرت هلاکغیدر و بوقوت
شهویه دن بالکلیه کسلنده که هلاک ظهور ایدر که نفس و بدنه هلاکغنی

موجبدر و حکمت خدای ابطالدر زیرا معیشت اهمالی بدنی
هلاک ایدر و سعادت اکثسابندن و مصالح آخرت کارندن اغفال
و ایجاد دن مقصود اولان حکمی ابطال ایدر و بونک علاجی ارباب
جد و جهده اوتور مق و قونشقی وانلرک آثار بنی تأمل و تفکر ایتمکدر
و عشق شهوته دوشونمک علاجی شهوتك مذکور ضرر لرینی فکر
ایلیوب و علوم دقیقهیه و یابر فکرلی صنعتده دوشونوب معشوقدن فکرینی
صرف ایلیبه و عشاقك حکایات و اشعارندن و سوز و ساز استماعندن
احتراز ایلیوب علما و صلحا ایله بحالسه ایلیبه و بعض شهوتی قطع ایدر
شیدن استعمال ایلیبه و اگر بومذکورانه دفعی ممکن اولمز ایسه
اعمال شاقه به مباشرت ایلیبه یاخود سفر ایلیبه دیو ذکر اولمش (آفات
قلبك الی طقوزنجیسی خوددر یعنی اصلا جاعه و نکاحه میل ایتمکدر
اگر متأهل ایسه تأهل دخی بقاء نوع ایچوندر پس مر ضدن ایسه
انك علاجی طبله در اطبایه مراجعت ایلیبه و اگر متأهل دکل ایسه
علاجیه حاجت یوق بلکه عاقبت بین اولان کیمسه قوت شهوانیه نك
فتور و نقصاننی غنیمت عد ایدر که قبود عظیمه و غوا ثل کثیره دن
خلاص اولوب آزاده لك عالمك ذوقن ایدر اگر متأهل اولمیوب و مانعی
مرض دکلسه نکاحه میل ایتمک مذمومدر حضرت پیغمبر صلی الله
تعالی علیه وسلم * لارهبانية فی الاسلام * پیور مشدر و برحدیشده
رهبانیت بزم دیمزدن دکلدر و رهبانیت اختیار ایدن بنم ستم طومبوب
شفاعتدن محروم اولاند و بواتمک رهبانیتی غزا و بش وقت نمازینی
ادادر دیو پیور مشدر کذلک قتی ریاضته دوشوب قلت اکله قوتنی ضایع
ایتمک متأهل کیمسه به مذمومدر جاعه قوتنی افنا ایلدیکندن اوتوری
اگرچه ییلده بر جاعه قادر اولور سه ده اما کادخی قدرتی اولسه و اجبی
ترك ایتمکله کنهکار اولور و زوجه سی دیلر سه حکم قاضی ایله مفارقتیه
قادره در عنین آدمدن قادره اولدینی کی (آفات قلبك التمشنجی آفتی
معاصی و ملاهی به اصرار در و اصرار بر معصیتی علی الدوام اشلکه
ویاخود قصد علی الدوام برله کاهیجه ممکن اولدیه اشلکه دیرلر پس

بیان آفات ترك جاع

بیان آفات اصرار علی المعاصی

بیان آفات حرص جاع و طعام

قصد و نیتی دائما ایتک اوزرینه اولسه اگر بیلده برچک دخی اول معصیتی
اشلر سه ینه اصرار در که بومقوله صغیره کیره اولور و مستقل تو به به
محتاج اولور صلوات خسه اداسی اکا کفارت اولماز اما اگر اراده
ندامت و رجوع کتور سه اصرار اولمز بکار دخی اوور سه حتی برکونده
یتش کره معصیت ایدوب هر ایتدی که پشیمانلق و ایتدی کندن قلیله
رجوع ایدوب اسانبله دخی استغفر الله دیر سه اصرار اولماش اولور
حدیث شریفده یوبله وارد اولشد ر حتی راوی ابوذر حضرتلری
بو خصوصده حقیقته واصل اولمچون حضرت پیغمبر صلی الله
تعالی علیه وسلم زیاده استفساره باشلوب خرسزاق ایتسه و یازنا
ایتسه ده بر آدم بو بوزدن کرانله توبه ایتسه اوور می دیوب تجیز
ایتدی کندن رسول اکرم صلی الله علیه وسلم الم زده اولوب یوردیکه
وان زنی وان سرق علی ر غم انف ابوذر یعنی زناده ایدر سه سرقتده
ایدر سه الله تعالی حضرتلری یارلغار ابی ذرک ر غمه دیمکدر فقه اکبر
شرحنده دیمشدر که توبه بر طاعت واجبه در وجوبی علی الفور
اولق اوزرینه در حدایق الحقایقه مذکور در و توبه مقابله سنده
ثواب وار در الله تعالی حضرتلرینک امر بنی برینه کتور دیکچونکه
الله تعالی حضرتلری *وتوبوا الی الله جیعا ایها المؤمنون* پیور مشدر
یعنی جمله کز ر بکزه توبه و رجوع ایدک ای مؤمنلر و توبه اکا دیرلر که
بر معصیتی اشلکه قادر ایکن بردخی ایتک قصدیله رجوع ایده سن و اگر
نفس و شیطان و یوب تکرار اشلر سک بنه رجوع ایده سن مصر اولماش
اولوب و ایتدی کک معصیت محو اولور زیرا حدیث صحیحده کلمشدر که
انسانک صول طرفندن سبئه سن یازان ملک الی ساعت توقف ایدوب
صاحبی ایتدی کی سبئه بی یازمز شاید توبه ایلله دیو ایتد کده یازار بعده
هر نه زمان توبه ایدر سه بنه بامر الله محو ایدر ایدمی بودولت وار ایکن
لا یقیدر بر انسان جهالتی بلا سیله کاهلره غرق اولوب یاته و بنه معصیت
ایتک احتمالله نظر حقندن بعید اوله اما فقیر فسقه نک کلاملرندن فهم
ایلدیکمز بودر که جهالتلری و پرامنه مقارنلری بلا سیله معتزله

مذهبه ذاهب اولمشلر در توبه ایتک اوزره قالمشلر در که انلرک مذهبده
توبه نک صحنه اوج شرط لازمدر دیمشلر بری مظالمی صاحبده رد
ایتک ایکنجی اول توبه ایتدی کی کاهی بردخی ایتک اوجنی اول توبه
ایتدی کی کاهه جیع اوقانده ندامتی زائل اولماق کرک (اما بزم مذهبده
بونلر توبه نک صحیح اولما سنه شرط دکلدر مظالمی ایتسه صاحبده
رد ایتک باشقه واجبدر توبه تحته داخل دکلدر استر سه توبه ایلسون
استر سه ایتسون بونلرک بور جندن قورتلز یعنی اگر کیمسه دن بغیر حق
برشی آلدیسه انی رد ایتک یا برا ایتدر مک لازمدر و یا کیمسه بی دو کوب
سو کدیسه حلاللشمق کر کدر مظالمی رد دیدیکمز بونلر در پس فسقه
ایکی آخری شرطلری رعایت ایده بورلر که اول کاهی بردخی ایتک
وجیع عمرنده ندامتی کوکندن کتمکدر توبه نک صحنه شرط طومشدر
و بیکلش یوله کتمشدر خبرلری یوق که کاهه مصر اولق صغیره ایتسه ده
بکار دن اولور اصراری سیبیله بکار ایتسه مستقل توبه به محتاجدر
بش وقت نمازک اداسی انی محو ایتمز اصرار سنز اولان صفائی محو
ایتدی کی کی ایدمی مؤمن موحده لازم اولان بودر که بر معصیتی اشلد کده
علی الفور اول معصیته قصدندن رجوع ایلله بردخی ایتک نیتله
الله تعالی حضرتلرینه تعظیم ایچون و عقابی خوفیچون اگر تکرار
دنوب اول ایشی اشلر سه بنه توبه ایلله حدیث شریفده پیورلدیغی
اوزره تا که مصر اولیه زیرا اصرار ایدن ر بسنه علی الدوام عصیانده
اولش اولور اگر بیلده بر معصیته ارتکاب ایتک قصدنده اولوب توبه سی
اولمز ایتسه مثلاً بواصرار معصیت نیه بکرر که بر پادشاه سکا تنبیه
ایدوب کوستر سه که بوقورونک اغا جلریکه واردر صاقین ایچنه کیروب
براغاج کسمیه سن زیرا غضبه مستحق اولور سن دیسه سن دخی بالظه
ایله اول حایه کیروب براغاج کسک و قور بدن طشره رجوع ایدوب
قاچقه یوز طومدک همان تکرار براغاجی دخی کسمکه حاضر اولوب
طور رسن هیچ دیمز سن که پادشاهک غضبه مستحق اولدم براغاجی
دخی کسدی کم قباحه بلکه حای پادشاهی به کیردی کم دخی مستوجب

عقوبت در كذاك حديث شريفده كديكي اوزره كه الله تعالى
 حضرت تيرينك حاسي محارميدر يعنى حرام ايتديكي شيلردن سن
 اكاد خول ايدوب حرامدن بريني ارتكاب ايتش ايكن باب توبه دن
 قورتمق قابل ايكن مصر اولوب بردخي معصيتي ارتكابه قصد و نيت
 ايدنه سن غضب الهى به مظهر اولدن خوف ايتنه سن قتي جراعتدن
 ناشيدر تنبيه المغترين ده سلف صالحين اخلاقي بابنده شيخ شمر اوى
 ذكر ايدر كه سلف صالحين كيجه وكوندز ده چوق چوق توبه واستغفار
 ايدرلدى زيرا بلورلديكه افعالدن بر فعلده البته خطادن سالم اولمزلر
 حتى نماز لنده دخي خضوع وخشوعده نقصان ايتدكلرندن اوتورى
 سلف صالحينك جهله سى بو خلق اوزرينه ايديلر شيخ مشار اليه ديركه
 اما بوزمانه نك صوفيلرى بونك خلافتجه در حتى بركون برندن اشدنكه
 دبردى الحمد لله بر طريقه يزه كه اصلا كاهمز بوقدر صوفى به ديدمكه
 نيجه ديرسك ديديكه زير ازم مشاهده ايدرز كه فاعل الله تعالى حضرت تيريدر
 بزد كيلر بن ديدمكه اشته شمدى سكا استغفار ايتك واجب اولدى
 زيرا جميع اركان شريعتي يعقوب حدود الهيدى ابطال ايتك اكر
 سلطنت صاحبي اولاديم بونك كمينك بوينن اوردم زيرا جميع انبيا
 و اوليا افعاللرينك خالق خدا اولديغنى مشاهده ايدرلدى اماينه استغفار
 ايدوب اغلرلدى حتى كوزلرى ياشندن اوتلر بتدى وحضرت پيغمبر
 عليه الصلاة والسلام ديردى سزه در ديكردن ودر مانكردن خبر
 ويره يمى سزك در ديكز كاهلريكز ودر مانكز استغفار در مجاهد
 رضى الله تعالى عنه ديمشدر كه بر كمسه كه صبا حده واخشا مده توبه ايلمسه
 اول ظالمين كمسه لردندر وعبدالله بن عمر رضى الله عنهما ديمشدر كه
 بر كمسه خطيئه به دوشوب بعده تذكر ايدوب كوكلندن قورقه ده ديوانندن
 اول خطا نحو او اور وفضيل بن عياض رحمه الله غزايه كيدن كمسه له
 ديردى سزه نصيحتم بودر كه توبه به ملازمت ايدك سيوف رد ايتديكي
 توبه رد ايدر كوتورر حسن بصرى رحمه الله سوال اولنديكه نه ديرسين
 اول كمسه حقه ده كه توبه ايدر و بوزار وينه توبه ايدر وينه بوزار

وينه توبه ايدوب بوزار بويله نيجه كره ايشلر ايتدى بن دخي بو كامؤمن
 ديرم مؤمن اخلاقنى اشمشدر وعبدالله بن سلام ديمشدر چنكه بر قول
 كاه اشمسه بعده كوز بومجه استغفار ايلوب ايتديكنه پشيمان اولسه
 كوز بومسندن مقدم كاهى دوكلور كيدر بعده شيخ مشار اليه نصيحتنه
 باشلوب ديمش ايمدى اى قرداش بو توبه احوالى بويله بلوب مادامكه
 بودنياده سن استغفار يكي چوق ايله زير اول غضب جبارى سو بوندورر
 و اموال و اولادى چوغالدر و بلالارى دفع ايدر صاقين ظن ايتككه
 صفارى بعض عبادت مكفره اولور و محو ايدر نيكيم شريعتده وارد
 اولمشدر زيرا اول عباداتك شروطى چوقدر بلكه برينه كتور ممش
 اوله سن حالو كه مؤمن مطمن اولمز مادامكه جنته داخل اوليه انتهى
 كلام التنبيه و من نام كاه بنده ديمشدر كه الله تعالى حضرت تيرينك سر
 و حكمتنى دوشنوب فكر ايلكه قوللرينك بعضيلرينه حاجتى اولسه
 ايدى هر حرامه دوشلردى با خصوص حليه جلاله تحلى اولان نازه
 يكتلر كه نسا طائفه سى انلرك عشقه آوده اولورلر و ابله سى مايينده
 واسطه قلوورلر پس بوسيدن حديث شريفده * ان ربك اعجب
 من شاب لبس له صبوة * بيور لمشدر يعنى الله تعالى حضرت تيرى
 اول يكتدن عجلر كه انك ملى اوليه و حضور عزتنده مقبول اولان شاب
 توبه كار در نيكيم وهب ابن منبه رضى الله عنه روايت ايدر كه بنى اسرائيل
 عابد لردن بر عابد يكت وار ايدى آدى بو حنا ايدى صومعه سنده
 عبادت و زنبيل اشمك عادى ايدى و كفاف ايچون كتورب قدس
 شريفده ستاردى و پلاس لباس كيردى اما حسن و جالده ممتاز
 اقران ايدى و كثر عبادتنن الى منور و يكا قلىر باقوت احمر كى
 مصفا و محلى ايدى و بويله ايكن هفته صومنى اولاشد برردى پس بركون
 صوقاقده زنبيل طاشير ايكن برخاتون مالدارك قپوسى او كسندن كچردى
 و اول خاتونك جاريه سى سبده سنه خبر و يريكه بر يكت كوردم
 كويا كه جوهر منظومدر خاتون وار چاغر زنبيل الالم و كوره لم ديدى
 يكت بى خبر ايچرى كيردى وارد نيجه قپورى قپاديلر تا مجلس خاتونه

کلدی و کوردیکه بر شابه حسن مرصع سر بر اوزرنده اوتورمش
 و اوزرنده بر پیراهنکه بیاض سوده بکزر پس خاتون کوزلرین یکیده
 دیکوب بقه قالدی یکت ایتدی ای خاتون یازنیل صتون آل یا کیده بم
 خاتون نیمه زمان او یالادقدنصرکه نتیجه سنده دیدیکه بن سنی نفسم
 مرادینی آلمق ایچون کتورمشم یکت ایتدی اوایه بن انجیل کی کتاب
 الهی اوقومش اولام کتاب الله اوقبانه لایق دکلدرکه ربسنه عاصی
 اوله خاتون ایتدی کل سنی خزینه مه کتورهیم که جواهر والتون ایله
 طولودر اگر بکایار اولور ایسک جله سین سکا و یریم یو حنا صو کتور
 غسل ایدیم دیدی و صو کتورلدی واروب بر خوش غسل ایتدکه
 خاتون اکامسک و عنبرله معطر سلنوب صیون آلمق ایچون اورتی کتوردی
 آلمق رجاسیله یکت چون بومرتبه اقداملری کوردی ایتدی یاقیوی
 آچک یولومه کیدهیم یا بو چارداقدان بن کندی آتارم دیدی و چارداغک
 یو کسکلکی سکسان زراع ایدی خاتون آچزم یا بکارام اول یا خود
 کندیکی آت دیدی یکت دخی یا الله دیوب کندی آتدی الله تعالی
 حضرتلری هوایه امر ایلدیکه طوت بیره دوشمسون پس الله تعالیکن
 قدریله هواده ایاق اوزرنده طوردی بعد الله تعالی جبرائله امر
 ایتدی یا جبرائیل عیدم یو حنایه یتش بندن قورقدیغندن کندی
 نفسی هلاک ایتسون و حضرت جبرائیل یتشوب پر یوزینه سالماوضع
 ایلدی ایتدی شبان صلحایه یو حکایه ده مرده عظیم وارد که رضاء
 رحانه دنیاده و آخرتده مصادف اولمایدرد کذلک طریقته نائب
 قوللری حقنده کلن حدیثدن بری ابوهریره رضی الله عنه روایتدکه
 سرور کائنات علیه افضل الصلوات پیورمشدر* ای بنم اتم اگر سر
 شومرتبه خطا ایله سکز که تاسماء دنیاه کثرت خطا کز ایشسه بعده
 توبه ایلسه کز الله تعالی حضرتلری توبه کزی قبول ایدردی* اما بتمک
 گر کدرکه بوتوبه قبولیکه احادیث و آثارده بیان اولمشدر الله تعالیکن
 اوزرنده واجب دکلدر سائر عباداتی قبول واجب اولدیغی کی بلکه
 قبولی محقق فضلنددر انجق بزه لازم اولان هر پیورد قلمی عبادتک

شرائطی رعایتله وقتنده ادا ایتدکدر و هر بر عبادت وقته قید اولمشدر
 اما توبه نك هیچ بر معین وقتی بوقدر حتی رسول اکرم صلی الله تعالی
 علیه وسلم محبوب حق ایکن کونده یوز کره استغفار ایدرلردی ایتدی
 مؤمنه لازم اولان بودر که هر حالده توبه واستغفارده اوله آشکارده
 کاهلری یوغیسه ده اما بر آدم جهالتله ایتدیکی معصیتلرینه توفیق
 الهی ایله نادم اولوب توبه صحیحه ایله طریق حقه توجه ایلسه اکا
 لازمدرکه کندی نفسی محاسبه ایلسه قیامتده محاسبه اولمزدن اول
 تا که اوزرنده واجب اولان حقوقی بالکلیه دنیاده حقلاشوب دار
 آخرته البقومیه (پس امام برکوی بو محاسبه ییاتی جلاء القلوب نام
 تألیفه حواله ایتکله اندن تحریر اولندی طریق محاسبه عبد نائب
 قاعده محاسبه بودر که زمان بلوغمزدن توبه وقتندک کچن احوالمره
 نظر ایدرز که حقوق اللهیدن و حقوق ناسدن اوزریمزه واجب
 اولانی ادا می ایتدک یو خسه فوتمی ایتدک انلریکه ادا ایتیشن الله تعالی
 حضرتلرینک لطف و توفیقندن بلوب الله تعالی به شکر ایدرز
 ادا ایتبوب فوت ایتدیکمره نظر ایدرز حقوق اللهیدر یو خسه
 حقوق ناسدنمیدر پس ابتدا حقوق عبادی حقلاشمغه سعی ایدرز
 و بودخی ایکی نوعدر بر نوعی حقوق مالیدر غصب و سرقت کی
 اذنسز غیرینک مالنی یمک و تلف ایتک کی تا کندی ایله و یا یلان
 شهادتبله یا خود ظالمه غمرا ایتکله و یا بر غیر طریقله پس اگر مالک
 صاحبی بولور ایسک اندن حلالق استرحتی بوانتلافی صبی ایکن دخی
 ایتش ایسک زیرا صبی به غرامت مالیه لازمدر و اگر صاحبی یعنی
 مالک صاحبی فوت اولدیسسه ورته سندن استحلل ایدرز اگر وارثی
 وارایسه و اگر یوغیسه و یا خود صاحبی بلمزایسه و آلتان شی دخی
 باقی ایسه فقرایه و بریزا کردکل ایسه قیمتی و بریز عند الله امانت اولوب بوم
 قیامتده صاحبیه عوضی و برملک نییله ایکنی نوعی حقوق مالی اولمایدرد
 بودخی ایکی نوعدر بر نوعی حقوق بدنی در یرالمق و دو کک کی
 و بغیر حق استخدام ایتک کی و زوجی اولان خاتونه زنا ایتک کی ایکنی

نوعی حقوق قلبیدر برآمد مک بغیر حق قلبیه طوقنوب سوکت کی
 واستهزا وغیبت ایتم کی مغتسابه خبر کیتدیکی صورتده و بونلردن
 دخی طریق خلاص حلاله شددر ممکن ایسه و اگر ممکن دکلسه الله
 تعالیٰ حاضرینه تضرع و نیاز و حق اولان کیمسه روحنه دعا و تصدق
 ایتمکدراوله که الله تعالیٰ حاضر تلی یوقیا تده راضی ایتدیره و بوحقوق
 عبادی فقها حقوق الله اوزرینه تقدیم ایلملردر زیر ا مادامکه برانسان
 اوزرنده قول حق اولسه حق الهی بالجمله ادا ایتدیه ده چنه کیرمکه
 مانع اولوب عوق ایتدیرر بوسیدن رسول اکرم او جیوز درهم قدر قول
 حقیله کیدن مفلسک جنازه سی نماز نه حاضر اولما شد در تاصحابه دن
 بر ایکیسی ادا سنه ضامن اولما یجه بعده حقوق الهی محاسبه ایلیوب
 ابتدا نماز من یکه قضایه قومیشوز نه مقدار اولدیغن بلورسک فیه اوعامت
 انی قضا ایدرز اما بلز ایسک تخمینا حین بلوغدن برو قاج ییلاق غازی
 قالمشدر که عقل انک زیاده سنه حکم ایتیه انی قضا ایدرز ال دکلجه
 اوج وقتدن غیر یکه کون طوغار کن وقبه ده ایکن و طولنه طورر کن
 و سفرده درت زکعتلی نمازی مقیم ایکن ایکیبشر قضا ایده رز و مقیم ایکن
 قلان نمازی سفرده دخی قضا ایدر سک ینه درت رکت عتلی قضا
 ایده رز و ابتدا رنده اذان و یررز کندی نفسیمن اشیده جک قدر
 او تورر کن دخی اولورسه بعده اقامت ایدوب بویه نیت ایده رز (نیت
 ایلمد الک صکره قضایه قلان صباح نماز بی قلعه الله تعالیٰ حاضر تلی رینک
 رضا سچون الله اکبر) انی قلده قد نصکره ینه اقامت ایدوب الک صکره کی
 او یله بی نیت ایده رز بر مجلسده هر نقدر قضا اولنسه بر اذان کافیدر
 و صلا و تری دخی بلا اقامه قضا ایدرز اما سنتلری قضا ایلمرز شرعی
 دکلدر مکر که صباح سنتی فرضیه معا قالمش اولسه اول کون قبه قوشلغه
 وارنجه اول سنت دخی قضا اولنور انی اشارسه بالکر فرض قضا اولنور
 بعده زکاتمه نظر ایده رز و صدقه فطر اوزریمزه واجب اولمش ایسه
 انی وقتیه و تمامیه ادا ایتمش ایسک مالک الملکه شکر ایده رز و اگر
 و یرلیوب قالدیه انی دخی حبله سزجه فقرایه و یروب قضا ایده رز

واکر بیرام قربانی واجب ایکن ادا اولمده سه حساب ایدوب هر قربانک
 اورته حاللوسی قیمتی فقرایه تصدق ایده رز نفس قربان و یرلز قضایه
 قالدیه حکم بویه در کذلک اگر نذر ایتدیکمز مال و یا قربان و یا صوم
 و یا صلا و ارایسه انی اکمل وجه اوزرینه ادا ایده رز واجباندندر و لیکن
 نذر قربانک قیمتی و یرلمکه اولمز نفس قربان لازمدر اندن صکره صومره
 نظر ایده رز که بالکر قضایه سیمی اوزریمزه لازمدر یوخسه کفارتله معا
 انی دخی مقتضای شریعت اوزره قضایه سعی ایدرز بعده حجه
 نظر ایده رز اگر اوزریمزه واجب ایسه آنک ادا سنه سعی ایده رز کندی
 نفسیمز ایله اگر عجز دایمیز یوغیسه و اگر و ارایسه بدل ایله حج ایتدیررز
 اندن صکره سائر معاصیره نظر ایده رز زنا و لواطه کذب و شرب خمر کی
 پس انلردن دخی توبه صحیحیه ایله توبه ایده رز که پشیمان اولوب بردخی
 اشلکه مک قصدیه الله تعالیٰ حاضر تلی رینک عذاب و عقابندن خوف
 ایدرک اما مباح شیلردن توبه ایتمک شرعی دکلدر توبه معصیتدن اولور
 اما حیوان حتی که بوزنه اورمش اوله بز صوچلی صوچسز و یا غیری
 یرینه اورمش اوله بز صوچسز یا خود طاقتندن زیاده بولک یو کلمش
 اوله یر یا خود علفن و صوین اکسک ایتمش اوله بز بوحال قتی مشکلدن
 کافر حتی دخی بویه در دنیا ده حلاله شد یجه بویکی زمره نک یوم
 قیامتده خصوصتی اشددرز بر بونلری ارضا ایتمکه بر طریق بوقدر
 نه مؤمنک ثوابی حیوانه و کافره و یریه بلور ونه کافرک کاهی مؤمنه
 یو کلنه بلور ونه حیوانک کاهی وار که مؤمن آلوب یو کلنه همان بویکی
 زمره نک حقندن غایت اجتناب ایلمک کرک ایددی طریق حقنه سالک اولان
 مؤمنه با خصوص ارادت کتورن صوفیونه لازمدر که بوحقوق الهی
 و حقوق عبادی یرینه کتورمکه سعی ایلیه و بونلری قضا ایتمکجه
 نافله به دشونیه مکر وقتک شرفی کتمک ایچون ضحیٰ و نهجده اقلی ایله که
 ایکی رکعتدرا کتفا ایلیه و اوقانک زیاده سنتی قضای صلاته صرف ایلیه
 با خصوص حقوق عباددن صافتمده یجه نفس نورطر یقتله منور اولمق
 محالدر اما بو یوزدن توبه و محاسبه بی ایدرسه واصل حق اولمغه لایق

اولور نتکیم حبیب عجمی نك مناقبنده یازمشدر که تابعینک اولورلندن
ایدی اما ابتداء حالی رباخواراغلہ مشهور وشومرتبه هرکسک نظرندہ
خور اولمش ایدی حتی سوقاقلردہ اوغلنجقار حبیبک کزدیکی یولدن
صاقنوب قاجک رباخور حبیبک توزی بزه دو قمنسون دیوتشاوم ایدوب
کندینہ اشتدیرلردی برکون ربادن آلدیغی اتی کتورب زوجہ سنہ
بشورمک ایچون و یروب بمک زمانندہ کلوب طعام استدی اتی وشور باسنی
قورنارمق وقتندہ کوردیلر که صافی قان اولمش واقعه حالی کندینہ عرض
ایتدیلر توبہ واستغفار ایلدی مکر جمعه کونی ایش حسن بصری
حضورینہ واروب صدق و خلوصلہ انابت و بیعت ایدوب و جمعه بی
قلوب اوینہ کاورایکن بوکز صیبا نك اقوالنی کوردیکہ صاولک
حبیب تائبک اوزرینہ توزیمز طوفمنسون دیوشرفندن خبر و یروب
کندینہ اشتدیرلر حبیب بو اشارندن زیاده متنبہ اولوب درگاه عزتہ
شکرہ یاشوب فی الحال منادیلر صالوب حبیب عجمیدہ هرکیمک حتی
وارایسه کلسون آلسون دیوللی ییلدن بروجع ایلدیکی اموال کثیرہ بی
جلہ اصحاب حقوقہ توزیع ایلوب ورهنلری صاحبلرینہ تسلیم
ایدوب چارشبین دخی و یروب هیچ برنسنہ سی قالدقده ذوالحقوق ایلہ
حلاللشوب و بویوزدن توبہ سی برکاتیلہ کماله یتشوب اولیاء کرامدن
اولمشدر حتی شومرتبه دہ ایشکہ گوشہ چشمیلہ نظر ایدہ نہ جهنمدن
خلاصلق نصیب اولمشدر نتکیم ذکر ایدرلر که برقاتلی میدان شہردہ
قصاص ایدرایکن حبیب عجمی اولمخلدن کچر ایدی گوشہ چشمیلہ
اولمقتوله نظراشمش و اول کیچہ اولمقتولی صلحادن برآدم رؤیاسندہ
جنتدہ کزرایکن کورمش وسؤال ایشکہ نہ عمل ایلہ بومقامہ واصل
اولدک ایشکہ حق تعالینک دوستلرندن بری قصاص حاملدہ کوزی
اوجیلہ بقدیغندن اللہ تعالیٰ حضرتلری کاهلری عفو ایدوب جنت
مبشر ایدی ایدی توبہ و انابتک فضل و شرفی بو حکایہ دن فهم
اولدی اما برآدم طول امل و تسویف عمل سببیلہ بو حقوقک اداسنی
وقضاسنی مرض موتندہک تأخیر ایلسه لازم اولان بودر که باری اول

بیان حکایہ حبیب عجمی

بیان وصیة المیت و فضیلتها

حالده بقدر الامکان تدارک مافات ایلوب و نلشدن قضاء واجباتی
وصیت ایلہ جلاء القلوب دہ شیخ برکوی تحریر ایتدیکی وجہ اوزرہ که
بومخلدہ اتی ایراد ایلدک تاکہ اتی مؤنلر اکلا یوب و موجیلہ عامل
اولر (بو بحث وصیت میت حقندہ در پیغمبر آخر زمان علیہ صلوات
الرحمن بو حدیثی * من مات علی وصیة مات علی سبیل و سنہ و مات
علی تقی و شهادة * پیورمشدر یعنی برکیمسه وصیتلہ اولسه یولیلہ
و سنت اوزرہ اولمش اولور و تقوی و شهادت اوزرینہ اولمش اولور
و برروایتندہ یارلغمنش اولدیغی حالده اولور * معلوم اولہ که وصیت
اول کیمسه اوزرینہ واجبدر که مذکورک حقوق عباددن یا حقوق
اللہدن بری اوزرندہ قالمش اولہ اما مذکور حقوقدن بریسی اوزرندہ
قالمدیسہ وصیت ایتسی مستحبدر واجب دکلدر وصیتک محلی مالندن
ثلثیدر اگر حقوق چوق ایسه جلہ ثلثنی اکا صرف ایدوب ویرہ لر
احاطہ ایتزایسه دہ ثلثدن آشورلمز انجق دورہ محتاج اولور نتکیم
بیانی کلسہ کرکدر اما اگر وصیت واجب اولوب مستحب اولسه اندہ
جلہ ثلث صرف اولنوب برمقداری صرف اولنور و ورثہ یه قالمسی
اولی در مکر که ورثہ اولیلہ اول زمان وصیت مستحبیه دخی جلہ ثلث
صرف اولنسه جائزدر و وصیتک قاعدہ سی بودر که آدم کمال صحتندہ
ویا خود مرضی حالندہ ایکی عادل کیمسنک اوکندہ لسانیلہ وصیتی
نہ اولدیغنی ذکر ایلیلہ و اگر برکاغده یازوب و ایکی عادل آدم اوقیوب
انلری اشهاد ایدرایسه بواولی در و اول کاغدی دخی برمعمد دوستندہ که
ورثہ دن اولیلہ انک الله امانت ایلیلہ پس وصیت نامہ بی یازدیغی وقت
ابتدا حقوقک دیوتنی وکندندہ اولان امانتلری ورهنلری وکندندن
نضمین اوانا جق شیلردن نہ واریسه غصبیلہ و یاسرقت ایلہ و یا حاجتلفہ
آلدیغی شیلری ویریلہ جک یریلہ یازہ و حقوق بدینہ دن برکیمسه بی
دوکش و یا مجروح ایش و یا اوجرتسز استخدام ایش ایسه انک دخی
حقنی یازہ که بونلر بمقدار ماللہ خشنود ایتدیرلک قابل ایسه کذلک
حقوق قلبیلہ دن سوکک واستهراکی انلرک صاحبلرینی دخی ارضا ایتکی

وصبت ایلده بعده حقوق الهی وصبت ایلده پس ابتدا قیلدیی
 نمازین حساب ایلده زیر فقها بووصبتی که فوت اولان نماز ایچون
 طومش لردر هر برترک ایتدیکی فریچون وواجبچون بفسدایدن
 نصف صاع که بشیوز یکرمی درهمدر ویا قیمتی تعیین ایلچسملر مثلا
 برآمدک برآیلق نمازی قالمش اولسه ونصف صاع ایکی افجه یه اولسه
 پس اوچیوز التمش افجه یی یوز سکسان وقت نماز اسقاطیچون تعیین
 ایلده بو حساب اوزرینه بریلاق نمازک اسقاطی صدقه سی درت
 ییک اوچیوز یکرمی افجه ایدر اگر ثلث وفا ایدر ایسه فیهما بو حسابله
 دور ایتکسزین قاج ییلاق نماز اولور ایسه فقرایه تصدق اولمسنی
 وصبت ایلده واکر ثلث وفا ایتز ایسه دور ایلده وصبت ایلده مثلا نمازی
 برآیلق اولوب مذکور صورته کی قیمتله که اوچیوز التمشدر ثلث مالی
 یوز یکرمی افجه اولسه بردور اولور وفقره یوز یکرمی افجه یی اوچ
 کوره اسقاط صلاتیچون تصدق ایلده و اوچ تمام او افجه رضاسیله
 کبرویه باغشله پس اوچ دورله اوچیوز التمش اولور دخی زیاده سی
 بو حسابله در معلوم اوله که دورله وصبت ایتک وهله اولی ده ویرمک
 وصبتی کبی دکدر دورسز اولان برده صدقه یی اسقاط فقرایه
 طاغثق ووصبتی برینه کتورمک وصی یه ویا وارثه واجبدر امدورله
 وصبت ایتدکه اول دوری ایتک واجب دکدر وثلث مال دورسز
 اسقاط صلاته کفایت ایدر ایکن ثلثک برمقدارینی دورله ویرسدر
 واجب اولانی قضا ایتمش اولور حتی برآمد ثلثدن اقلنی دورله ویرلکی
 وصبت ایدوب مابقسن تبرعانه تعیین ایلسه یا خود هیچ برشیئه بقعه یی
 تعیین ایلسه تحقیق اول کیمسه آثم اولور زیرا بو ایکی صورته لازم
 اولان برده تقصیرات ایتدی واولکی صورته کندینه واجب اولمائی
 وصبت ایتمش اولدی بو ایسه فی زماننا بریلیه عامه در که عادت ایلشدر
 ثلثدن برشی قلیلی اسقاطنه وصبت ایدوب مابقسن طعامیه نامه
 ویا ختم قرآن ایچون ویا محله فقراسنه تعیین ایدر لر حالبو که کندی
 اوزرینه واجب اولانیکه تمامه هر وقتنه نصف صاعدر ذکر اولندیغی

اوزره دورسز وصبت ایتک واجب ایکن و بونک دخی عندالله قبول
 اولسنه فقها ان شاء الله قیدله قید ایلوب قطعیمه مقبولینه حکم ایتمش
 ایکن انی قیوب خلافتنه ذاهب اولوب علمانک منع ایلدکاری و بدعت
 دیدکاری شبثه مسارعت ایدر لر نمازک احوالی بویله (اما صومک
 قضایه قاج کون قالدیغی بلور ایسه هر کونیچون انک دخی نصف
 صاعدر اماز کاه و صدقه فطر ونذر مالیه و بدیه وقر بانلر واصحابنه
 ادا اولمقدق حقوق صاحبیری نامعلوم ویا بوانما غله انلری دخی بالجمله
 حساب ایدوب وصبت ایلده اگر بونلر تمامیه ثلثدن چقار ایسه نه کوزل
 والا دور ایلده وصبت ایلده اما حج وصبتی اول زمانده اولور که سائر
 واجباتله معا ثلث کفایت ایدر ایسه اما اگر تمام حج افجه سی چیقیمیوب
 برمقدار اولسه انی برامین آدمه امانت ویروب اول افجه ایلده نه محلدن
 حجه واربله بلور ایسه حج ایتسونلر دیو وصبت ایلده اما کفارت
 صومده ثلثدن وفا ایدر سه برقول آزاد اولمسنی وصبت ایلده واکر وفا
 ایتز سه التمش مسکین اطعام ایلسونلر وهر برینه نصف صاع اولق
 اوزره اما کفارت صومده وکفارت یمینده اصلا دور اولق شرعی
 دکدر اگر شیخ محمد شهاب الدینک وصیتنده سهوا یا زلمش ایسه ده
 اما برکیمسه نک اوزرند قضایه قالمش نمازی اولسه انحق بعض نمازی
 فسادو کراهندن خالی اولمدیغندن قورقوب برشی قلیلی دور ایلده وصبت
 ایلده جائزدر زیرا واجباتدن دکل مستحبدر (شیخ برکوی دیر که بونده
 برهم وارد که تنیهی لازمدر فی زماننا بووصبتلری برینه کتورمکه
 مباشرت ایدن انعم ومؤذنین واهالی آدملره جهل وحب دنیا و آخرت
 خوفنک ضعیفی غالب اولوب وجه مشروع اوزره ایلزلر زیر اغرضلری
 مالی آلمقدرنه طریقله اولور ایسه اولسون دور ایتکده فقیری غنیدن
 فرق ایتزلر واکثری نسا طائفه سندن کومش قوشق مقوله سنی آلوب
 انکله دور ایدر لر و ویردکاری فقره اول مالی کندینه ملک اولدیغی
 بلد رزلر پس غنی یه دور و صدقه جائز دکل وغیرک ملکله دخی
 اذنسز جائز دکل وهبه دخی علم ورضاسز جائز دکل کذلک زمانه

قاضیبری وصایان خسنی و یا خود زیاده آلورل و کندی ماللرینه
 قارشیدر لر ایمدی وصبت ایدن آدمه بوزمانده لایق اولان بودر که
 حال صحتنده شبهه سزجه مالندن آروب وصبتی کاغذیه معا بر معتمد
 آدمه ایکی عادل شاهد یاننده امانت ایلده و بو وصبتی بوینده آسه
 اگر اول معتمد آدم وفات ایدر ایسه اندن آلوب غیر معتمد امانت
 ایلده اما ورته سندن و خدمه و خصمندن بوسری بر کیمسه یه افشا ایتیه
 همدان اول اما نتکارله شاهد لر بلسون غیر یلری بلسون بوزمانده
 حبله حسنه بودر * معلوم اوله که بو حقوق للهک فدییه سی ویرلک
 وصبت اولدیغی صورتده در اما بر آدم وصبت سز وفات ایتسه تجهیز
 و تکفینندن غیر برشی ویرلک واجب دکلدر مکر بالغ اولان وارثلری
 کندی حقلندن برشی چیقاروب تبرعا ویرلر اما یتیم واریکن وارث
 بالغ و یاروصی تجهیز و تکفینندن غیر برشی ویرمش اولسه اسقاط
 صلاهی کی و یا طعام کی و یا قرآن ایچون ویرسه ویرن اگر وارث ایسه
 کندی حصه سندن طوتلور و اگر وصی ایسه یانندن تبرع ایتمش اولور
 یعنی کندی چکدیر یلور و محانا کیدر یتیمه غدر اولمق ایچون اما بر آدمک
 بالاده مذکور اولان حقوقدن بریسی اوزرنده اولوب و یا خود اولسه
 ولکن ثلثدن وصبت واجبه سنک زیاده سنه وفایده جک مالی اولوب
 مستحب اولان تبرعاتی وصبت ایتلک مراد ایلمسه شرعی اولان خیراته
 صرف اولمغی وصبت ایلده اگر نامشروع اولانه وصبت ایدر سه
 باطلدر ایمدی نامشروع اولانی بیان ایدلم فقها بیورد قلری
 اوزره اندن ماعداسی بیانه حاجت دکلدر بر آدم وصبت ایلسه قبری
 قتنده قرآن اوقیانلره برشی ویرلسون بو وصبت باطلدر اجرته قرائت
 قرآن صحیح اولدیغندن اوتوری نه میده ونه اوقیانه ثواب حاصل اولماز
 و موتند نصکره طعام ویرلک وصبت ایلسه باطلدر استرسه اولکی کون
 اولسون و یا دینی و یا قرقنی کون اولسون و یا الی آینه و یا یلنده
 بریسی جائز دکلدر بدعت سینه در که زمان جاهلیتدن قالمشدر زمانه
 خلقینک انی معتاد ایتیه سیله شرعی اولماز اما اهل میتک قو کیشلری

اول کون بر طعام قاروب میت صاحبک اوینه کوندر مک مستحبدر
 حضرت پیغمبر علیه الصلاة والسلام * اصنعوا لال جعفر طعما ما
 فقد جاء هم ما یشفعلهم * بیورمشدر یعنی جعفرک اوند اول کون
 میت بو نماغله جعفرک اهلنه بر طعام یاپک زیرا انلری طعامدن اشغال
 ایدرشی کلدی دیمشدر و قو کیشلر دخی طعام اوزرنده بله اولوب ماتم
 زده یه اکلده ابرام ایده لر حزنلری غالب اولدیغندن اوتوری تا که صدقه
 دوشمبه لر وقبرقتنده قریان بوغازلق جائز دکلدر جاهلیتدن قالمه در
 حضرت رسول اکرم صلی الله علیه وسلم منع ایلمشدر کذلک مزار میت
 اوزرنده چادر قوروب بکلمک مشروع دکلدر و یدنجی کون ضیافت
 ایتک مکر و هدر زیر ضیافت سرور ایچوندر ماتم ایچون دکلدر اغنیایسه
 صدقه یه مستحق دکلدر که صدقه یت اولنه اما اگر وارث یانندن
 و یا خود میتک وصبتیه یدینی قرقنی تعیین ایتوب ییلک ایچنده بعض
 مبارک کونده بو مقوله طعام قسمی فقرایه تصدق ایلمسه لر جائزدر و دخی
 قبری کر حله یامق وقبه بنا ایتک وصبت ایلمسه باطلدر حدیث شریفده
 کلمشدر که مؤمنک قبری اوزرنده یلارک اسمه سی و یغورلرک طمله سی
 صاحبنه کفارت ذنوبدر بو مذکورات امام برکلی تحقیق ایتدیکی اوزره
 شرعی دکلدر بوندن غیر بریسی شرعیدر اما اگر عاقل ایسک برقیل
 و قاله کندیکی او غرامتوب برشی تصدق ایده جک ایسک حال
 حیاتکده و کمال صحتکده بذل ایلیوب کند کدن ایلر و کوندروب ادرجه
 نه کله دیو باقیمه سین زیرا حدیث صحیحده کلمشدر که حضرت رسول الله
 صلی الله تعالی علیه وسلم بیورمشدر کشی حال حیاتکده و صحتنده
 براچه ویرمک خیر ایدر موتند نصکره یوز اقیچه ویرمندن و بر حدیثنده
 بیورمشدر که مرض موتنده قول ازاد ایدن کیمسه اکابرکزر که بر آدمک
 قارنی طوق اولوب ییه مدیکند نصکره غیر کیمسه یه ویره وینه
 رسول الله صلی الله تعالی علیه وسلم سوال ایتدی لر قنغی صدقه نک اجری
 اعظمدر بیوردیکه سن صاغ و سالم و مالک بخیل ایکن و فقردن
 قورقارکن و غنا امید ایدرکن ویره سن بو خسه اول وقته دک اهمال

ایتمه سنکه جان بوغاز که کلوب بوشی ولانه و بوشی فلانه و براسون
دیه سن ایدی عاقله لازمدر که برخانه نک کر استه سی موجود ایکن
انی کوکلی استدیکی کی یا پدیره بوخسه برکانهجک سفره کتدکه
کچک نه حاجتی اولور سنک استدییک کی سکا خانه پادیره پس کشی
بوندن قیاس ایتک و کندی قیدین کندی کورمک کرک نیکیم شقایق
نعمانیده مذکوردر که سلطان سلیمان علیه الرحمة والرضوان سلطنتی
زماننده فضالان نورالدین حمزه ابتدا مدرس ایکن بعده اما سیده
مفتی اولوب نیچه سنه فتوی خدمتده قائم اولوب عاقبت انی اختیار یله
ترک ایدوب یتیمش اچقه وظیفه ایله تقاعد ویرلدی ناسک اشغالندن اعراض
ایدوب کندی علمه ونفسی اصلاحنه مشغول ومال جمعنه حریر
اولوب بیه چکنده وکیه چکنده قتلته کچنوب بوسبله مال عظیم جمع
ایلدی پس آخر عمرنده قسطنطنیه ده خانه سی قریبده برمسجد بنا
ایدوب ومسکنای علما اولاجق حجرات یادیروب ووظیفه لر تعیین ایدوب
مبالغه مال وقف ایلدی برکون وزیر ابراهیم پاشایه ملاقی اولدیغنده وزیر
ایتدی هی افندی مسموم تراولمشدر که سن ماله زیاده محبت ایدره ش سن
یا نیچه بو قدر اموال کثیره بی اوقافه صرف ایده بلدک نورالدین
ایتدی ماله زیاده محبتدن قورقد مکمه دیاده قالمسون بنله دار آخرته
معا کینسون انکیچون صرف ایتدم دیدی چله اشیدنلر بو وار بشه
پستد ایتدیلمر که لایق اولان وجه اوزرینه آخرتن و دنیا سن قایر مشدر
(ینه طریقت کلامنه کلدلم صد آفات قلبک اتمامنده ایدیکه تمام التمش
اولوب ضدی اولان اخلاق حمیده دخی آنک ضمیمه بیان اولندیکه
اولدخی التمش اولدی اما بوندن غیردی دخی اخلاق حمیده اولمغله
بیاننه شروع ایدوب دیدی (واخلاق حمیده دن بری استقامتدر که
جمیع عهده وفا ایلمکه دیرلر و جمیع اموره اعتدال و توسط رعایتدر
و بو خصلت اصعب اموردن اولدیغندن اوتوری حضرت پیغمبر علیه
صلوات الرحمن * شیعینی سوره هود * پیور مشدر معناسی هود سوره سی
بی قوجالتدی زیرا اول سوره ده الله تعالی حضرتلرینک * فاستقم

حکایت نورالدین حمزه

بیان فضیلت ادب

کما امرت * قوی که استقامتله فرمان ایلمشدر آنک عهده سندن کلک
امر عظیمدر اخلاق علائیده بوامرک صعو بتندن اصفیا و اتقیامدهوش
ولایعقلدر آه صد آه و هزاران جان سوز دلکاه که قانککل احمد مرسل
صلی الله تعالی علیه وسلمک امر استقامت خوفندن محاسن مبارکه سنه
نور شیب طاری * وما زاغ البصر * کحلیله مکحل اولان ترکسیرندن
شبنم اشک جاری اوله بزه کوی استقامتدن بوی و صراط مستقیمدن
سرموی کورمدک حال پرملانز نیچه اوله و مذهب حق غایت
صعوبتده اولدیغندن السنه نبوتده وصف صراط * ادق من الشعر
واحد من السیف * اشارت یله بیان پیور مشدر و فاتحه کریمه ده دخی
* اهدنا الصراط المستقیم * کله سبیله اشارت پیور یلان بورا
استقامتدر زیراکا بر اولیا واساطین حکما چله متفق در که تقا صیل
امور آخرت صور معارف واعمال و اخلاق قدر که انی نفس بودنیا ده
تحصیل ایدر پس اخلاق واعمالده رعایت حد اعتدالک مثالی
صراطدر که قلدن اینجه در و قلبدن کسکین در متن جهنم اوزرینه
اوزانسه کرکدر هر کیم بواعتهالی دیاده رعایت ایتمش اوله برق خاطف
کی صراط مثالیدن کچر و جنات معارفه و ریاض اعمال صالحاته واصل
اولسه کرکدر اما دنیا ده اخلاق واعمالی حدودنی رعایت ایتیبوب
اعتدالدن تجاوز ایدنلر صراط آخرتی عبور ایده میوب دوزخ ناره
دوشسه لر کرک اما انلر که رعایتنده تقصیرات ایتمشرا افتان و خیران
عبور ایدر لر معلوم اولدیکه استقامت جمیع معارف واعمالده و اخلاقده
جاریدر چله سنده استقامت لازمدر و صعوبتی بوسبیدندر (واخلاق
حمیده دن بری ایدر که ضرر و تعدی بی بلوب وحدنی حفظ ایلدوب
اشاغی یوقاری تجاوز ایتمکه دیرلر هر حالک بر ادبی وارد و هر مقامک
بر ادبی وارد نیکیم شیخ شعراوی متن نام کابنده دیمشدر که الله تعالی
حضرتلری ایله ادب اوزره اولمازه شریعتله مأمورن لکن خلقتک
طبقاتی اختلافی اوزره بعض قوم قشده ادب اولان بعضیلر قشده سوء
ادب اولور * حسنات الابراار سبئات المقرین * بایندن اما بو آداب

بیان فضیلت استقامت

برابر اولمق شریعت تعیین ایتدیکی برده در یو خسه اصل شریعتده
دکدر مثلاً بر انسانی کورورز نماز قیلوب خشوع ایدر که آدابندراما
اکا بر اولیا خشوعیهله برابر اولماز وینه دیمشدر که کشی بر درویش
پلاس بوشه ترک ادبله نظر ایتسون زیر اولمشدر که بعض اهل دل
سوء ادبی سبیلله جمله معرفتدن سلب اولمشدر مرتبه ولایتده رسوخ
وار ایکن یار سوخی اولمیانک حالی نیجه اولور نتکیم حکایت شیخ عمر
مجنوندن که بر کون اول کندی شیخی اولان عبدالله بلتاجی نام عزیزک الله
صود و کر کن هواده بر شخصی کورر شیخ عبداللهمک باشی اوچنده طورر
شیخنه بر قلیل الادب اشته هواده در دبو کورستر شیخ دیر که یقین زمانده
کوره سن اول شخصی نه حاله کور مجنون دیر که شیخیم بر قاج ایامدن صکره
نجی بر محله کوندردی وار هواده اوچار کیمسه بی کوره سن دیدی
واردیغده کوردمکه عوامدن بر اغا نك قرشوشنده دکنکله طوروب
عسس اولمش واولیکی حالی یترمش بعده الله تعالی حضرتلری
کورسز انکله مبتلا ایلوب صوفیه طائفه سنه منکر اولدیغی حالده
وفات ایلشدر شیخ شعرای دیر که ایدمی قرداش صاقین چارشولرده
طیخه بین دیوانه لره سوء ادب ایتمه واکر نصیحت ایدرسک
ادبله نصیحت ابله ادبدن خیردن غیری شی ظهوره کلز (بیت)
* بی ادب مفلسده حقدر * اولوسرمایه در ادبله حیا *
وسید علی خواص رجه الله دیمشدر که بزه لایق اولان بودر که والیریمزی
تعظیم و تکریم ایدر ز انلری والی ابدن رب العزته ادبدن اوتوری که بزی
انلرک حکومته قومشدر و تنبیه المغترینده دیمشدر که سلف صالحینک
اخلاقنددر اولوردن ماعد الجیلرله دخی حسن ادب اوزرینه اولمق حتی
جاهلله دخی زیر الله تعالی حضرت موسی و هرونه * فقولاله قولاینا *
بورردی یعنی فرعونه ادبانه ملایم سوز ایله سویلیک فرعون کفارک
افسنددن ایکن و اتفاق ایتشدر که علودرجات ادب زیاده لکه کور اولور
و ادب اصلده کندی نفسنک نقصاتی مشاهده ایدوب غیرنده کمال عد
ایتدن اولور بی ادب اولان بونک خلافتجه در (وصراط سویه ادب و حیا

و نظام عالمک شرائطندن بریدر زیر خلق بری برندن ادب ایتدیکه
نظام عالم بوزیلور دیمشدر بوسبیدن دیمشدر (بیت)
* بی ادب بالکن اوزین یاقز * بلکه آفاقه نار ایدر الفسا *
و ادب خصائل انسانیه دن اولو خصلت اولدیغندن اوتوری سرور
کائنات علیه افضل الصلوات ادبله فخر انوب بو حدیثی * ادبی
ربی فاحسن تأدیی * بیورمشدر معناسی بی ریم تأدیب ایتدی پس
تأدیبی قتی کوزل ایلدی دیمکدر (واخلاق حیدر) دن بری فراستدر
و فراست بر خاطر در که قوت ایماندن قلبه هجوم ایدوب ضد بی نی
ایلر و بو خصوصده دایلی ابی سعید رضی الله عنه روایتدر که رسول
الله صلی الله تعالی علیه وسلم * اتقوا فراسة المؤمن فانه ينظر بنور الله *
بیورمشدر دیمک اولور که صافنک مؤمنک فراستندن زیر اول الله تعالی
حضرتلرینک نور بله نظر ایدر (شیخ شعرای محبی الدین عریبنک
فتوحات مکیه سنده نقل ایدوب دیمشدر که بر عبد اهل فراست اولدقده
شوندن خالی دکدر یا اول فراست طبعی و مزاجی اولور و بو کافراست
حکیمه دیرلر و یانفسی اولوب روحانی و ایمانی اولور و بو کافراست
الهییه دیرلر و بو بر نور الهیدر که الله تعالی حضرتلری مؤمنک چشم
بصیرتنده خلق ایدوب انکله بلور و یاکشف اولور ماضیده و یا حالده
و یا کلچکده واقع اولان شیده مؤمنک فراستی حکمیده اولور و ایمانیده
اولور فراست حکمینک مثالی حضرت عثمان رضی الله عنهدن واقع
اولدیغی کبی برد فعه بر آدم حضور عزتته داخل اولدقده حضرت
عثمان اول آدمک کوزنه باقوب سبحان الله نه حکمتدر بعض آدملر
کوزلر بی محارم اللهدن حفظ ایتزلر دیدی مکر اول آدم بر حرام سبئه
نظر ایتش ایمش بوسوزی اشد کده اول آدم ایتدی رسول اللهدن
صکره وحی اولورمی حضرت عثمان ایتدی لا ولکن فراست واردر
رسول اللهک * اتقوا فراسة المؤمن * حدیثی اشد ککی سن داخل
اولدیغکده کوز کده کوردم پس بوقسم فراست صاحبی اعضادن
برعضوی کورنجه افعال حسنه می یو خسه قبیحه می ایشمشدر بیلور

و معلوم اوله که فرست ایمانیه اول زمانده حاصل اولور که کشتی تصفیه
نفس و تزکیه قلب ایلوب محبوب حق اولان اولیایه لاحق اوله که
حدیثه * کنت سمعه و بصره الذی یبصر به * اشارتی اکادر پس
اول زمانده عبد امورک مصادرنی و موارد و مرجعنی اول فرستله بلور
واکا کشف و علم باطن دیرلر نیکیم ذکر میور ایلدی و بوفراستک
جمله سی بر موهبه الهیه در کیمه دیلرایسه انی اعطا ایدر و اهل اللهک
علی بوفراست ایمانیه اوزرینه در حتی شو مرتبه به و اصلار در که شقی بی
و سعیدی ایاغی ایزندن طویارلر و بواهل فراست ابد خطا ایتمزلر اما
حکماک فراستی بونک خلافتجه در زیر اطن اوزرینه مینیدر و عباد
اللهه سوء ظنی ایجاب ایدر پس قیافت نامه دیدکری کماله عمل اتمک
یوقدر (شیخ شعراوی رحمه الله دیر که فراست ایمانیه اوزرینه مینی سکا
بر فراست نامه ترتیب ایده میکه بونده اعضا به نظر اولمز انجیق آدمک
احواله و اعماله و هیئاته نظر اولنور و بالله التوفیق ای اخوان صفا
اول کیمسه بی که کورر سکن سکوتی و فکری چوق و حر کتده یواش
و فضول نظردن کوزینی حافظ و غرض شرع بسز خلقک بوزینه
چیتمز اول احوال انک قوت عقل و فهمنه دیلدر و بر کیمسه بی که بونک
ضدیه کورر سکن مجذوبلردن و یا مجنونلردن و یا حال صاحبی آدمکلردن
و اول کیمسه بی که کورر سکن عبوس الوجه اولوب بورن بورشدر
دیلدر که نفسی دک طوروب سوزده منقاد اولیوب کلام حقله منتفع
اولدیغنه دیلدر و اول کیمسه بی که کورر سکن تیز جوابدر اصابت برله
بوانک نور قلبیه دیلدر و بر آدمیکه کورر سکن خوف و بکاسی چوق
اول انک علم و عملنه دیلدر و اول آدمیکه کورر سکن همتی عالی و سوزی
نافذ اول انک عملنه اخلاصنه دیلدر و اول آدمیکه کورر سکن اهل
خیره کثرت انقیادی و اراول انک معرفتنه دیلدر و بر آدمیکه کورر سکن
علی و اخبار سلف صالحی دکلمک سور اما علی یوق انک فساد
نشته دیلدر و صلحاک صفاتی حفظ اتمکی سور تا که انکله مشهور اوله
اما محبت حقندن فارغدر و اول کیمسه بی که کورر سکن غضب حالنده

بیان قیافت نامه شیخ شعراوی

یوزی قزارر صاحب حال اولدیغنه و یا کیمبی اولدیغنه دیلدر
و اول کیمسه بی که غضبی حالنده یوزی صارارر کورر سکن نفسنک موتنه
و شدت خوفنه دیلدر و بر آدمیکه اهل شوکت قنده دترر کورر سکن
علوهی و صدق قولی و ارایکن باباسنک مزاجی بوزغون لغندن حین
حصولنده انار چنده مضغه سی ضعیف اولسنه دیلدر و اول آدمیکه
غضب حالنده مزاجی متغیر اولمز کورر سکن اول انک ثبات ایمانیه
دلالت ایدر و اول کیمسه بی که عملده چوق سوال ایدر و تعنت ایدر
اما آرز حفظ ایدوب عمل ایدر کورر سکن دیلدر که انک بصیرت کوزی
کور اولوب ظلمت و غفلتنه قالمشدر و اول کیمسه بی که کورر سکن
افکاری و خیالاتی چوق اول دیلدر انک قله ادبیه و رکاوتنده برقرار
اولیوب قلت تسلیمده و اول آدمیکه کورر سکن شیخ ارار تا که طریقنه
سلوک ایلره و لکن الله تعالی حضرتلرینک فرماتی بلدیکی قدر یرینه
کنور محبوب کسلک ایدر و بودیلدر که انک قلبی میت اولوب کثرت
جهلی اولدیغنه و اول کیمسه بی که کورر سکن عبادتی چوق ارتباط
ایتمشدر انک کثرت غفلتنه دیلدر و اول آدمیکه کورر سکن امور آخرته
اشتغالی برله دنیا امورین چوق اونودر دیلدر که عادت حکمندن
و غلبه سندن چیتمشدر و اول آدمیکه کندی غرض نفسنه و مراداتنه
چوق قائم اولور کورر سکن اول انک مغرور اغنه و سوء ادبیه دیلدر
و اول کیمسه بی که اسبابده قالبوب مسیباته حکم ایدر کورر سکن قلبی
غلبظ و عقلی ضعیف اولدیغنه دیلدر و اول آدمیکه کورر سکن امور
ایچنده تقییدی چوق اموره دکلمک کمال عقلنه دیلدر و اول آدمیکه
کورر سکن اهل خیردن اولوب حصول مشقتله سبب واحد اوزرینه
کثیر الصبر اوله انک تقوا سنه دیلدر و بونک عکسی بونک ضدینه
دیلدر و اول کیمسه بی که اهل خیردن کورر سکن اعمال و احواله مفید
اولغله میلی یوق اول دیلدر انک حکم طبعندن و هواء نفسندن
چیتدیغنه و اول آدمیکه چوق کور و یا بلور کورر سکن دیلدر که انک
قلبی مرده و سری خراب و افسرده در و اول آدمیکه کورر سکن قوب

اولان طاعتیه چوق محزون اولور اول دلیلدر که کندی اعمالنه
اعتقاد ایلش و یا خاقنه سوء ظن ایلشدر و اول کیمسه بی که کورسکر
قونق ایچون طعمام مکلفی درلو و درلر ایلر انک ریا و مفاخره سنه
دلیلدر و قلت پرهیزنه علامتدر و انک طعمانی بک لایق دکادر نهی
اولدیغندن اوتوری و اول کیمسه بی که کورسکر علم و عملیه منتفع
اولر اول دلیلدر که الله تعالی حضرت تهرینه انک سوء ظنی وارد
انتهی کلام الشعراوی (و اخلاق حیده دن بری تفکر در یعنی فکر لایق
دشو غنکدر که کندی نفسنده تفکر ایلیه که کنه کار میدر تا که توبه ایلیه
و یا خود گناهه قارشمده میدر تا که اندن کاره چکنوب احتراز ایلیه
بوخسه گناه دن وقارشمقن بریمیدر تا که الله تعالی انک توفیقنه شکر
ایلید دخی طاعتنده فکر ایلوب دوشنه اگر فوت اولدیه انی قضاسیله
تدارک ایلیه و ترکندن احتراز ایلیه و وجوده کنوردیکنی توفیق الهیدن
بلوب شکر ایلیه دخی الله تعالی حضرت تهرینه مخلوقاتنه و آیاتنه کندی
نفسنده دوشنه و آفاق عالمه فکر بن صامغله تا که الله تعالی انک عظمتنه
و قدرتنه و علم و حکمتنه زیاده معرفت حاصل اولوب اندن محبت الله
و اکاشوق و انس وجوده کله الله تعالی حضرت تهری بو یوزدن تفکر
ایدنلری قرآن عظیمنده مدح ایدوب * ویتفکرون فی خلق السموات
والارض * آیت کریمه سن انلرک علوشانده انزال ایلشدر (و اخلاق
حیده دن بری صدقدر یعنی کر چکلکدر و بو صدق یدی یرده استعمال
اولور اولکبسی سوزده اولور که کذب انک ضدیدر ایکنجیسی نیتده
اولور که اکا اخلاص دیرلر اوچنجیسی وعدده اولور که اکا وفا دیرلر
دردنجیسی عز مده اولور بشنجیسی عملده اولور که ظاهری باطنیه
موافق اولمقدردلر تنجیسی خوفده بدنجیسی وعد و عزم و فقیجه وجوده
کنورمکده اولور صدیق اول کیمسه در که بوجه او صافله موصوف
اوله (و اخلاق حیده نک بری مرابطه در که نفسنی طاعت حقه ربط
ایتمک دیرلر بش شبله شرط ایتدیکی حالده اولامعاصی بی ترک ایدوب
کوندزده و کیجه ده وظائف اوراد و اذکاری برینه کنورمکده اندنصکره

بیان فضیلت تفکر

بیان فضیلت صدق

بیان فضیلت مرابطه

قلبی کوزتمکله ربسنگ مطلع اولدیغن و کوردیکن بلور و اولدیغی
حاله اثناء عملده و عملدن اول و عملدنصکره نظر ایلیه وجه مشروط
اوزرینه ایتدیمی بوخسه ایتدیمی اندنصکره محاسبه ایلیه مشروطن
تمام ایتدیمی بوخسه ناقصی ایتدی اندنصکره نفسنی معاتبه و معاقبه
ایلیه اکسک ایدرایسه رباعثله و نذرله تا نفسنی اصلاحه کنوره (معلوم
اوله که بوجه کلجه منکرات قلبیه التمش عدددر بتمامها ذکر اولنوب
بیان اولندی و بونلره اخلاق ذمیه دیرلر و تمش الی عدد اخلاق
حیده انلره تبعه و اتصاله بیان اولندی و بونلره اخلاق حسنه ده دیرلر
پس سالکه لازمدر که اخلاق ذمیه دن قلبی تزکیه و تخلیه ایدوب
و اخلاق حیده بی کوشش بسیار ایله تحصیل ایلوب قلبی انکله
نصفیه و تحبیه ایلیه که تصوف و طریقت بو ذکر اولانه دیرلر و بونلرک
بلنسنه علم و معرفت لازمدر و بویکی مرتبه نک تحصیلی شریعتله
ظاهر بی دوزد کدنصکره در تنکیم منبری مرحوم نصاب الاحساب نام
کتابنده دیمشدر الله تعالی حضرت تهرینه امرنده سعی ایدنلرک سع
رحمتنه و صولده حدی اولر یعنی مراتب اولیا برابر اولر (اما اولیا
مرتبه حنه ترقی ایدوب حقیجه درت مرتبه یه رعایت ایتک کرک اول
مرتبه سی تهذیب ظاهر در موجبات شریعتله ایکنجی مرتبه سی تهذیب
باطن در اخلاق حسنه ایله اوچنجی مرتبه سی تخلیه باطن در علوم حق
ایلدر در دنجی مرتبه سی مقصود حقیقینک ماسواسندن رفع نظر در
پس اولکی مرتبه بی تحصیل علم فقه و ایکنجی مرتبه بی تحصیل علم
تصوف و اوچنجی مرتبه بی تحصیل علم عقائده لازمدر و در دنجی
مرتبه سی محبت الهی غلبه سندن ظهوره کلور ایمدی طریق حقه
سالک اولانلره بومراتبلی کوزتمک لازمدر پس مذکور اخلاق ذمیه دن
احتراز ایتک کرک باخصوص امهات مهلکا ندن که بو اخلاق ایچنده
یدیدر کفر بدعت ریا کبر حسد بخل اسراف در بغایت اجتناب لازمدر
و بویکی آفتک درت اولکبسنندن نجات بولان سائر خصائل ذمیه دن
نجات بولتی ظن غالبدر و ایکی اولکبسی که کفر و اعتقاد بدعتدر

بیان مراتب اولیاء کرام

انلك قبحی آشكاره در وفسادى معلوم عالمياندر وايكى آخر كيسى كه
 ربا و كبر در مشايخ سلفك اكثر اهتمامى بوايكسند اولمشدر حتى رابعه
 عدويه رضى الله عنها ديمشدر كه اعمالدن ظاهر اولانى بر شىء عدايتم
 و مشايحك بعضى ديمشدر مسجد ده صف اولده قيلمديغم اوتوز
 يلاق نمازى اعاده ايلدم سببي بوايديكه بر دفعه عذر سبيله كبرويه
 قالوب ايكجنى صفده نماز قيلمديغم خلق بنى ايكجنى صفده كوردكلى رنده
 بكاشرم و نجالت عارض اولدى پس بدمكى اولكى صفده قيلمديغم دن
 نفسم مسرور اولور مش بوايسه رياء خفيدر پس اول آنه دك قيلمديغم
 نماز دن فائده اولمديغدن قضايتدم ديمش و ابازيد بسطامى حضرتلى
 ديمشدر مادامكه عبد ظن ايله كه خلق ايجنده كندندن بر امر كيمسه
 وارد در اول كيمسه متكبر در پس اكا دينلديكه يانه زمان اهل تواضع
 اولور ديديكه كندينه بر مقام و حال كوردكجه وينه ديمشدر كه اوتوز
 ييل زحمت و مشقتله عبادت ايلدم بعده اشدتم بر قائل ديديكه يا ابازيد
 رب العزتك خزينه سى عبادتن طلودرسنك عبادتكه محتاج دكل
 اكر الله تعالى حضرتلرينه واصل اولمق استرسك مذلت و خور لغم
 مداومت ايله و جنيد بغدادى حضرتلى دخی كندى خور لغمى اظهار
 ايجون جهمه كوندلرنده وعظ و نصيحتله چقدريغنده دپردى اكر حضرت
 پيغمبر صلى الله تعالى عليه وسلم دن بو حديث شريف روايت اولميدى
 بو مقامه كچوب سيره وعظ و نصيحتله تكلم ايتزد م و حديث بودر
 * يكون فى آخر الزمان زعيم القوم اذ لا هم * معناسى آخر زمانده
 قومك اولوسى ازل ناس اولور و ابراهيم ادهمدن نقل اولنور كه ديمشدر
 جمله عمر مده اوچ برده مسرور اولمشدر برى بودر كه بر دفعه بر كنده
 بولندم و انده بر مضحك و ارايدى خلقى كولدور دى پس بنى حقير الشكلى
 كوروب كينك ايجنده صاچلرمدن بايشوب دار حربه كفارى بز بويله
 طوتوب چكه رز ديونى وافر چكشد يروب اينجندى پس بو حر كندن
 قنى مسرور اولدمكى اول كينك ايجنده آنك كوزينه بندن احقر كيمسه
 كورنمدى و ايكجنى بودر كه بر مسجد ده خسته ياتمش ايدم مؤذن

كلوب بكا چيق كيت ديدى طاقتم اولمغله چيقامدم اولدخى اياقلمدن
 آلوب چكه رك مسجد دن طشيره براقدى انده دخی مسرور اولمش
 اوچجنى بودر كه بر دفعه شامده ايدم اوزرمده بر كورك و ارايدى ايجر و سنه
 نظر ايلدم كه لاله چوقلو غندن قيللى فرق اولمزدى ديدى و برده
 ديمشدر كه اول كون قنى مسرور اولمشم كه بن او تورر كن بر انسان
 كلوب اوزر يمه بول ايلدى ايمدى بو حكا يادن ظاهر اولديكه مشايخ
 عظام كبر و ر يادن نه مرتبه صاقنوب مذلت و خور لقم اختيار ايلمشدر
 نتيجه كلام اول كيمسه كه كندى نفسى قوى دوشمن اولديغن يقينا
 بيله مذلت و خور لقم ايرشد بكننده فرح و سرورى استبعا د ايلز اما
 اول كيمسه كه نفسى قنى دوست صايه اكا خور لقم كلد بكننده فرح
 و سرورى محال عد ايلر (تنبیه) بلك كر كدر كه بو طريق مشايخه سلوك
 ايدوب طاعت و عبادتن مراد ولايت و كرامت صاحبي ولى اولمق ايجون
 دكلدر تكيم شيخ شعراوى منن نام كابنده اتى بيان ايدوب ديمشدر كه
 طاعت و عبادتله طلب ايتديكيز مقام شهادت و مقام صديقتدر زيرا
 مرتبه ولايتك بر آشكاره طريقى بو قدر كه اتى اول طريقه طلب ايده وز
 انجق وليك حق طرفندن بر جذبه در عبدى اخذ ايدر هر نه حالده
 اولور سه و كوز بومنجه ذاتى قلب ايدوب خالص و ليلردن ايدر عبدك
 انده مدخلى يوق بزموهبه الهيه در كسبله حاصل اولمق نهايت الامر
 بو طريق تصوفك ظاهر عمللرنده و هيئات و هادتلرنده اوليايه تشبه واردر
 و اول گروهه نائل اولنلر اكثر بو مجاهده ايدنلردن اولور ايمدى
 اول كيمسه كه ولايت و كرامت حصول ايجون رياضت و خلوت مشغول
 اولسه بيجاره مغروردر و معلوم اوله كه ولايت ايكى قسمدر برى ولايت
 عامه در اكا عبادتله كشى نائل اولور تكيم حديث شريفده * ولا يزال
 عبدى يتقرب الى بالنوا فل حتى احبه * معناسى بودر كه بنم قولم كه
 نوافلله بكايقيلقم كسب ايتكدن خالى اوليه شوم مقامه كلور كه بن اكا محبت
 ايدرم اما ولايت خاصه كه اوليايه مخصوص صدر عملله و كسب ايله اله كيرمز
 انجق الله تعالى حضرتلى كچه مخصوص ايدرسه محبوبى اولمى

سبيله ايدر نتکیم انبيایه نبوت کسب ايله حاصل اولمز وینه دیمشدر
بر شخص خلوت و ریاضت ایدوب ولایت طلیبه کثرت ذکر اللهه دوشمش
ایدی سید علی خواص رحمه الله اکا-یدیکه خلوتدن چیق بامبارک
الحال سکا قسمت اولسان حاصل اولور اکر ولایت خاصه استرسک
اکا عمل سزنائل اولورسن اکر شخک سنی او توییل خلوتده آچ طوتسه
مقام ولایت فائل اولمز سن تحصیلنه طریق یوقدر اول صوفی عنانده
مصر اولوب ایدا چقم دیدی شیخ اکا الله تعالی حضرت لرینه توبه
وامرینه امثال ایلوب اکا عبادت ایلر بر اجلاک یا فلا شمشدر دیدی پس
اول شخص ابا ایلوب خلوتدن چقمیدی وایکی کوند نصکره آچغله
وفات ایتدی شیخ علی خواصه خبر ویردم غارین قیله دیدی نفسی
جو غله اولدر دیکچون عاصیلکی حالدہ دنیادن کیندی دیمشدر بونلرکه
مرد لرینه اولیادن اولمچون ریاضتله و آچغله عهد آلورلر و ویرلر
نیه بکررکه مغلان اغاجنی دیکوب خرما ویره و یاسکوت اغاجنی دیکوب
الما ویره دیو امنیه ایلله بوایسه ایدا اولما چقدر و مطلوب اولان مرتبه
صدیقیت بو اصطلاحده جیمها مناهبی ترک ایدوب نفسنی کنندینه
مطیع اولوب ترک شهادت مستحکم اولوب حد استقامتده قرار بولمه
دیرلر و شهادت مرتبه سی که مطلوب بدرجیمها اوامری التزامه و احکامنی
مراعی اوزره اجرا یه قادر اولمغه دیرلر که مرتبه اولی ابو بکر صدیق
وایکجی حضرت عمر رضی الله تعالی عنهما مرتبه لر بدر طریق عبادتدن
و عملدن تحصیل اولنا حق مراتب بونلردر و مرتبه ولایت عامه دندر
انتهی * ایکنجی صنف اسانده واقع اولان آفات بیانده در و بوصف
ایکی قسمدر اولکی قسم وجوب حفظی واجمال اعظم جرمی بیانده در
الله تعالی حضرت لری بو خصوصده قرآن عظیم الشانده پیورمشدر که
* مایلغظ من قول الالیه رقیب عتید * دیمک اولور که انسان بر سوزی
سو یلمز الاقتنده حاضر کوزجی واردر که سوزینی دفتره آلور دیمکدر
وابوسعد خدریدن روایت اولنور که دیمشدر ابن آدم صبا حلد قده
اعضائک جله سی اسانه سرفرو ایدوب لسان حاله دیرلر که شریعتده

بیان آفات اللسان

بزرگا تابعلرز ایدی بزم ایچون کندیکی صقله و بکله بزمینکله قائمز
اگر سن طوغر بلق ایدرسک بزده طوغری اولورز و اگر سن بولدن
صیارسک و اگر کی کیدرسک بزخی اگری اولورز و انس رضی الله عنه
روایتده کلمشدر که عبدک ایمانی مستقیم اولماز مادامکه قلبی مستقیم
اولیه و قلبی دخی مستقیم اولماز مادامکه لسانی مستقیم اولیه و عبدالله
ابن مسعود رضی الله عنه روایتده اول الله حقیچون اندن غیرنی تگری
یوقدر بر یوزنده حبس مدیده محتاج لساندنغیری شی یوقدر و بر روایتده
حضرت پیغمبر صلی الله تعالی علیه وسلم اصحاب کزین دن سوال
ایتدی اعمالک قنفسی سو کلیدر اصحاب سکوت ایلدیلر حضرت محمد
علیه الصلاة والسلام پیور دیکه حفظ لساندن سو کالی یوقدر
و بر روایتده بر کیمسه که الله تعالی حضرت لرینه و بوم آخرته ایمان
کنوره خیر سو یلسون خیر اولمازسه سکوت ایلسون و ابن عمر روایتده
پیغمبر صلی الله علیه وسلم پیورمشدر که ذکر الله سز کلامی چوق ایلک
زیرا کثرت کلام ذکر الله سز قسوة قلب ویرر قسوة قلب صاحبی
اولان کیمسه تگری تعالی حضرت لرندن بعیددر و ابو وائل رضی الله عنه
روایتده بنی آدم ک اکثر خطاسی لساندن صادر اولور پیورمشدر و بر
روایتده دیمشدر که کشی جسته شو مرتبه یا فلا شور که بر سکو بوینجه
یقین اولور برکله سوبله سی سبيله صنعایه ورنجه اولان مسافه قدر
جنتدن اوراق اولور و ابن عمر رضی الله عنه روایتده بر کیمسه نک سوزی
چوق اولسه سقط لحنی دخی چوق اولور و انس رضی الله عنه روایتده
دولت اول کیمسه یه که مالک فضلہ سنی انفاق ایلوب کلامک فضلہ سنی
طوته و بر روایتده بر آدم حضور نبی ده سوز سو یلبوب اکثر ایتدکده
حضرت پیغمبر صلی الله تعالی علیه وسلم ایتدی لسانکه ورنجه اغز کده
قاج بزده وارد دیدیکی طودا قلم و دیشلم دیوار لر و حضرت
محمد علیه الصلاة والسلام ایتدی یاسکا کلامکی رد اینکه بوایکی پرده
بندیمی عبدالله بن عمر رضی الله عنه دن روایت اولنور * من صمت نجا *
یعنی سکوت ایدن نجات بولدی (ایکنجی آفات لسانک انواعی بیانده در

معلومك اولسون آفات لسان یاسکوتده ویا کلامده اولور کلام دخی
ایکی قسم اوزرینه در بری بودر که اول کلامده اصل منع اولوب
اذن برعارض ایچوندن یا خود اذن اصل اولوب منع برعارض اولاندن
ایکینی قسمی شوندن خالی دکلدر یا عادتدن اولمقدردن ویا عبادتدن
عادتدن اولانده یا نظام عالمه و امور معاشه متعلق اولمق وار ویا اولماق
وار و عبادتدن اولان یا متعدیه اولمق وار و یا قاصره اولمق وار ایمدی
بو کلامك اقسامی التي بحث اوزرینه مبنی در اولکی بحث اول کلام
بیاننده در که انده اصل معتدی سویمسی ضرور یدر و بوقسم کلام التمس
عدد در (اولکبسی کلمه کفر در العیاذ بالله و بونک حکمی اولدر که بر آدم
طوعا لسانی سبق ایتمکسز بن سویمسه جمله عمل صالحی حبط اولور و توبه
ایتد که نصکره ینه دونوب عملی یرینه کلز اگر غنی ایسه اوزرینه تکرار
حج واجب اولور حج ایتدیه دخی اما قبلدییغی نمازین و صوم و نیکوئی
قضا ایتمز یکیدن اسلامه کلن آدم ایتمدیکی کی اما قبلدییغی نمازین
ترك ایتدیکی صومك قضاسی واجب اولور زیر بونلری ترك ایتدیکی
معصیتدر و معصیت ایسه کفرله کتمز و نکاحی فسخ اولور یعنی طلاقسز
بوزیلور **کیدر** و طلاق اولمدیغندن اوچ کره کلمه کفری تکرار
ایدر ایسه حله لازم اولمز پس اگر کلمه کفر عورتدن صادر اولدیهسه
بعدالتوبه نکاح اوزرینه جبر اولنوب ینه اری تجدید نکاح ایدر
اما اگر اردن صادر اولدیهسه اری توبه ایتدیکننده عورت مخبردر دیلرسه
وارد و دیله مزسه وارمز و مرتد اولوب بوغازلادیغی حرام و کشیدنک
قتلی حلال اولور اگر توبه ایتمز ایسه توبه اوزرینه جبر اولنور و توبه سی
دخی دیدیکندن رجوع ایتمسیدر و یا انکار ایتمسیدر یوخسه مجرد
شهادتینی تلفظی کفایت ایتمز و اگر توبه ایتمز ایسه قتلی واجب اولور
وایدی جهنمه قالور (واشباه نام کایده دیمشدر که کفرله مرتد اصلی
کافر اولاندن بتدر حتی ایتدیکی وقفی باطل اولور و حدیث روایت
ایتدیکی باطل اولوب اندن اشیدن کیمسه انکله عمل ایتمک کرک و اگر
اول حالده اولور ایسه و یا قتل اولور ایسه هیچ برملتک مقابرینه دفن

اولمز انجیق کلب لاشه سی کی برقبویه براغورلر درر غررده مذکوردر
برآدمکه مرتد اولسه العیاذ بالله اکا اسلام عرض اولنوب شبهه سی
کشف اولنور و اگر مهلت استرایسه اوچ کون مهلت و یریلور و اگر
دین اسلامدن غیری جمله ادیانندن تبری ایدر ایسه یا خود ذاهب
اولدیغی کفردن و از کاور ایسه نه کوزل و الا قتل اولنور حضرت
محمد علیه الصلاة والسلام * من بدل دینه فاقلموه * حدیثی دلیلله
اما عورت مرتده اولسه قتل اولمز انجیق اسلامه کلمجه دك حبس اولنور
(واشباهده دیمشدر که بر کافر که کفردن توبه ایلله توبه سی دنیاده
و آخرتده مقبولدر الابر قاج کیمسه نك مقبول دکلدر عفو اولنوب قتل
اولنورلر چنکه توبه ایتمزدن اول طوتلر بری اول کیمسه در که انبیادن
بر پیغمبری سوککله کافر اوله و بری اول آدمدر که حضرت ابابکرله
حضرت عمری و یابری سب ایتمکله و یا لعنت ایتمکله کافر اوله و بری
اول آدمدر که سحر ایتمکله کافر اوله و بری زندیقلمله کافر اوله بونلر
همان بلامهل قتل اولنور و اگر برآدم اعتذار حالنده دیسه که کافر
ایدم مسلمان اولدم علما نك کفرنده اختلاف ایلدیلر بوسوز خطا در
صفیق کرک و اگر برآدم زوجه سنه لواطه ایتمکی حلال کورسه کافر
اولور و اگر برآدم استخفافا یا غنی صحف اوزرینه قوسه کافر اولور
اما استخفافله اولوب سهوا و یا خطأ و یا بلوب قوسه کافر اولماز عملله
و یا علمائله استهزا ایلمک کفردر واصل و تری و قربان عیدی انکار
ایلمسه کفردر و برآدم عبادتی امر عظیم طوتیموب استخفاف ایدوب
ترك ایلمسه کافر اولور اما اگر تکاسل ایلله ترك ایلمسه کافر اولماز و اگر
برآدم علم غیب ادعا ایلمسه کافر اولور و بر عورت بن الله تعالی بی بیلم
دیه کافره اولور و اذانی استهزا ایلمک کفردر مؤذنی دکل و اگر برآدم
دیهسه که بکا عورتم تکریدن سوککیدر اگر محبت شهوتله سوکلی
اولدیغی مراد ایتدیهسه **کافر** اولماز اما اگر محبت طاعتله سوکلی
اولدیغی مراد ایسه کافر اولور و صمنه عبادت مطلق کفردر قلمبنده
اولان شبهه اعتبار یوقدر کذلک حضرت پیغمبرک سوزیله مسخره لاق

ایلسه و یا قرآن و یا سجده و یا بکرز تعظیم اولنا جق شیلری
استخفاف ایلسه کفر در کذلک یهود و نصاری زنا رین بغلسه کافر
اولور و اگر پیغمبریمز محمد علیه السلام صدقنده شک ایلسه یا خود
سب ایلسه و یا تنقیص و یا تصغیر ایلسه کافر اولور و انبیلاردن بر بنی
بر آدم فواحشه نسبت ایلسه حضرت یوسف علیه السلامی زنا به عزم
ایتمی دیدکری کی کافر اولور زیرا انلری استخفافدر و اگر بر کافره
تجیلا یعنی تکریم سلام و یرسه و یا استاذ دیره کافر اولور اما تکریم
نیتله اولوب لضروره اولور ایلسه کافر اولماز کذلک درر غررده
مذکوردر که بر آدم کندی ایماننده شک ایلسه یا خود ان شاء الله مؤمن
دیره کافر اولور مکرکه کلامنی تأویل ایله و اگر بر کیمسه کفر
اولدیغن بلوب برکله کفری سویلسه اگر اعتقادی دخی اول سوز
اوزرینه اولسه شکسز کافر اولور اما اگر کله کفر اولدیغن بیلز ایلسه
و یا اعتقادی انک اوزرینه اولماز ایلسه کافر اولماز اما اختیار یله سویلسه
عامة علما فتنده کافر اولور و جهلله معذور دکدر اما اگر مرادی غیر
کله پی سویلک اولوب سبق لسانله کفر سویلسه کافر اولماز عند الله
اما قاضی کفرنه حکم ایلر ظاهر کلامیله و اگر بر کیمسه کفری کوکلنده
کزلی طوتسه و یا خود کفره قصد ایلسه کافر در کذلک بر کیمسه
غیری یه کفری امر ایلمکی عزم ایلسه عزمیله کافر در و رضاء بالکفر
اگر کندی کفرینه اولور ایلسه بالاتفاق کفر در و اگر غیرینک کفرینه
راضی او اب اول کفری جائز و مستحسن کور ایلسه ینه کفر در اما اگر
مستحسن کور میوب الحق بر آدم شریر و بالطبع موزی اولدیغیچون
الله تعالی حضرتلری انتقام ایچون انک موتی کفر اوزرینه ایلمکی
روا کورسه کفر دکدر و اگر بر آدم برکله کفری سویلبوب غیر یسی
دخی کولسه ایکیسیده کافر اولور مکرکه اول سوز مضحک او اب
انسانی ضروری کولدر ایلسه کولن کافر اولماز و بر کیمسه که حلالی
حرام یا خود حرامی حلال اعتقاد ایلسه اگر اول حرام لعینه اولسه
زناکی و شرب خمر کی کافر اولور اما اگر حرام لغیره اولسه حیض

ونفاس حالنده جماع یتک کی کافر اولماز مکرکه حرام اولسی دلیل
قطعی ایله ثابت اولمش اوله اما چنکه مسئله کفرده بر قاج وجه اولسه
عالم کفر دن منع ایده جک وجهه میل ایلیوب مؤمنی اکفار ایلمیه
(اشباهه دخی دیمشدر که کفرشی عظیمدر ایمدی بن مؤمنی کافر قیلیم
مادامکه کافر اولما مسنه بر روایت وارد و خزانه الفقه ده الفاظ کفر
بیاننده دیمشدر اگر بر کیمسه انبیادن بر بنی و یا کتب الهیه دن بر کابی
انکار ایلسه کافر اولور و یا فرائض اللهدن بر فرضی صوم و صلاة
وزکوة و جنابتدن غسل مقوله سی کی و یا خود الله تعالی حضرتلری
قرآن عظیمده ذکر ایتمدیکی وعد و وعیدن بر بنی انکار ایلسه مثلا
قبرده و قیامتده و میرانده و صراط و حساب و جنت و ناره و وعد
و وعید اولنان شیلردن بر بنی انکار ایلسه کافر اولور کذلک شریعتده
وارد اولان اخبار متواتره بی انکار ایلسه یا خود آیات اللهدن بر آتی انکار
ایلسه و یا تعیب ایلسه کافر اولور و بر کافر بر مسئله بکا ایمانی
عرض ایله مسلمان اولیم دیدکده اول دخی بن یلم دیره یا خود یارین
کل دیره یا خود بر عالمه کیت دیره جبع صورتلرده اول مسلم کافر
اولور بر آدمه دیره لر خدای تعالینک حکمی بودر اولدخی بن خدانک
حکمینی نه بله یم دیره کافر اولور و یا بر آدمه نماز قبل دیره (من ازو
سیر شده ام) دیره کافر اولور یعنی بن اندن طوق دیمکدر و اگر بر مسئله
الله تعالی بوسنک مسلمانلغک آله دیره کافر اولور و اگر بر صورتده
اول مسلم آمین دیره ایکیسیده کافر اولور و اگر بر آدم فلانک مالی بکا
حلالدر دیره حالبو که حلال ایتمشدر کافر اولور یا خود دیره که
الله تعالی جهنمله عذاب ایتمکدن غیر ینه قادردر یا خود اگر فلان
آدم قبله اولسه بوزمی اکادوند رزم دیره کافر اولور یا خود بر مؤذین
اذان او قور ایکن یلان سو یلرسک دیره یا خود بر مسئله که مرض
و مصیبت کلز تکرری تعالی انی اوتمشدر دیره یا خود بیغکی قرق سنندر
اول دخی اول سننی ایتم دیره یا خود الله تعالی فلان آدم ایله بکا جنته
کیرمکه دخی امر ایدر ایلسه بن انکله جنته کیرم دیره بر صورتلرده

کافر اولور بوقار بده ذکر اولندیغی مرتکب ا- حکامی اوزرینه اجرا
اولور کذلک صراط سویده مذکوردر که بر کیمسه ملائکدی تحقیر
ایلیوب بد شکل آدلمی عزرائیله و مودی آدمای زیباره و منکر
ونکیر تشبیه ایلسه کافر اولور ایمه کلمه کفری بلوب لسانی حفظ
ایتمک اهم مهمات دینیه دن اولدیغیچون بر دخی بو محله تفصیله
کتوردک و زیاده سی دخی فتوی ک- نابلهنده مسطوردر منن نام
کلبده مذکوردر که شیخ عبد اغفار قوسی رحمه الله حکایت ایدر که
بر آدم و ارایدی ابو بکری سب ایدردی زوجه سی و اولادی بوندن منع
ایدردی رجوع ایتمدی الله تعالی حضرت تیری انی خنزیر صورته
تبدیل ایلدی و بویله زنجیر اوروب اولدی ناسی کتور سیرایتدیردی
عبرت و نصیحت ایچون کوستردی بوقاچ ایامدن صکره مرد اولوب
اوغلی مزبله به براقدی و شیخ مذکوردمشدر که حال حیاتهنده بن کوزه له
سیرایتدم مرقوم شخص خنزیر صورته اولوب صداسیله چاغردی
واغلردی و مفتی حرمین محب طبری بو آدمک اوغلیله بواشوب
صحت خبری بلدرمشدر و محب طبری حکایت ایدر که رافضیلردن
برجماعت رسول الله صلی الله تعالی علیه و سلمک روضه سنه ناظر اولان
شخصه مال عظیم کتوردیلر و خادم روضه دلیل اووب ناظره واردیلر
ومالی و یروب حضرت ابو بکری و حضرت عمری روضه شریفدن بن
حقیقار متی ایچون اذن استدیلر حقندن قورقز ناظر دخی مالی آلوب
بواشی سربجه ایلملرینه اجازت و یردی اما خادم بو خصوصه راضی
اولوب تشویش عظیمده قالدی اخشام اولدیغی ک- بی چهل ایله
وزنیلار ایله اول رافضیلر ک- فرق نفر کیمسه ایدیلر کلدیلر خادم
خبر و یرمشد کیمه ایچنده بو نفرات مسجده کیردکاری کبی بونلری
یر یوتدی و برئی ظهوره کلدی و ناظر حرمک وجودنده جذام زحمتی
ظهوره کلوب حتی اعضاسی آیریلوب سوء حال اوزره وفات ایتمشد
ب- ده بور فضیلری کوندورن کیمسه مدینه کز لوجه کلوب خادم
روضه به رحیمه قوروب انی برتنها خانه به کتوردیلر و دبیلین کسدیلر

اول کیمه حضرت رسول اکرم صلی الله تعالی علیه وسلم کلوب و مسح
ایلیوبینه صاعلادی بده حبله قوروب یکیمی دفعه و اوچیمی دفعه
بویله ایلیوب اوزرینه قیو قیادیلرینه حضرت رسول اکرم صلی الله
تعالی علیه وسلم کلوب مسح ایتمک و وجودنده حبله ضرر لری کتمشدردیو
بیان اولمشدر (ایکجه سی اول کلمه در ک- که محض کفر اولما یوب انده
کفر خوفی اوله و بویله کلمه سو یلدیرکنده حکم شریعت بودر که
توبه ایله و نکاحنی دخی دین امرینه اهتمامدن اوتوری تجدید ایله
یعنی اولکی قسمده تجدیدی واجب اولدیغی کبی بونده واجب شدن
دکلدرد (اوچنجی سی کفر دکل و خوف کنده دکل نجق محض خطادر
و بونک حکمی ایدر که نجق توبه و استغفار ایله و بوایکی قسم کلمه نک
بیانی کتب فساویده مذکوردر تفصیلدن احتراز دن اوتوری ابراد
ایلمک) آفات اساندن دردنچسی کذبدر که واقعه مطابقی اولمیدیغی
وجه اوزره اخبار در پس اگر بالقصد دکل ایسه حرام دکلدرد بمن
لغودایی ایله اما کر بونوع خبر و برمک بالقصد اولورسه حرام قطعی
اولمش اولور الا براقچ برده حرام دکلدرد تنکیم بیانی کلمه ک- کدر
ان شاء الله تعالی و کذبک حرام اولسنه دلیل الله تعالی حضرت تیرینک
* ولهم عذاب الیم بما کانوا یکذبون * قول شریفدر معناسی کذب
ایلملری سیدیه معهود اولان قومه عذاب الیم واردردی * واجتنبوا
قول الزور * قول شریفدر یعنی یلان ک- کلامدن اجتناب ایلمک
واحادیث رسولدن دلیل عمر بن الخطاب رضی الله عنه روا یتیدر که
حضرت رسول الله صلی الله تعالی علیه وسلم پیورمشدر که عبد مؤمن
ایمان کامله واصل اولمار مادامکه لطیفه و کذبی ترک ایله و مادامکه
بجاده له بی ترک ایله اگر حق اوزره دخی بخا ده ایدر سه و بر حدیث
شریفده پیورمشدر که کذب یوزی قراردر و قغو جلیق عذاب قبره
سیددر و بر حدیثده پیورمشدر که بر عبد یلان سو یلسه یاننده اولان
ملک آنک بد رایحه سندن بر میل خچر و حضرت عایشه رضی الله تعالی عنها
دیمشددر حضرت پیغمبر صلی الله تعالی علیه وسلم کذبیدن مبعوض

شی بوغیدیکه بر کذب سویلین آد مه توبه ایتمد بجه اصلا التفات
ایتمزدی و بر حدیث شریفده پیور مشدر که بش شی وارد که آنک
کفارتی یوقدر بری الله تعالی حضرتلرینه شرک کتور مکدر و بری
بغیر حق قتل نفس ایملک و بری مؤمنه بهتان ایملک و بری جنکدن
قاچق و بری دخی اول یمین در که انکله ال حقنی کسه و بهتانک
اک اشدی یلان شهادتیدر و بر حدیث شریفده پیور مشدر که سیره
کبارک اولو سندن خبر و یریم بری الله تعالی حضرتلرینه شرک
کتور مکدر بری دخی والدیننه عاصی اولمقد بری دخی یلان شهادتیدر
و یلان سوزیدر و حضرت پیغمبر علیه الصلاة والسلام اوتور مشیدی
و بوسه کلامی طور مایوب تکرار ایدردی یعنی زیاده برامز خصالت
اولد یغندن اوتوری تنبیه و اکام ایدردی کذبیدن بری دخی الله و رسوانه
افتزادر و بوجهله کذبیدن بتدر تکیم قرآن عظیم الشانده * و من اظلم
من افتری علی الله کذبا پیور مشدر معنای شریبی الله تعالی حضرتلرینه
کذب افترا ایلمیدن اظلم کیمدر یعنی اندن اظلم اولمازو حضرت حبیب الله
افترا ایتمک آفته دلیل حضرت رسول الله صلی الله تعالی علیه وسلم
پیور مشدر که بنم اوزریمه کذب و افترا ایملک غیرک اوزرینه اولان کذب
بکزه مز بر کیمسه که بنم اوزریمه کذب ایلمه واره جق برینی جهنمده
حاضر اسون والله تعالی حضرتلرینه افترا قیلنددر مفتی علمسز
فتوا و یره و عالم علمسز مسئله تعلیم ایلمه قرآن عظیم و حدیث رسول
دلیلله و اول مسئله ده و فتویده واقع اولان و بال مفتی نک اولوب انکله
عامل اولانه و بال اولمدیغنی تحقیق اولمشدر و رسول الله افترا
قیلنددر انک طرفندن بغیر علم خبر و یره سن ابن عباس رضی الله عنهما
حدیث روایت ایدر که حضرت رسول الله صلی الله تعالی علیه وسلم
پیور مشدر صافنک بندن حدیث روایتندن الا بن سزه تعلیم ایتمدیکم
شبهی روایت ایملک (اما بهتانک توبه سی اوج شی ایله در بریسی ترکنه
عزم ایتمکله ایکنجیسی بهتان اولنان کیمسه ایله ممکن ایسه حلال شمنی
اوچنجیسی کند ی نفسنی تکذیب ایتمکد راشیدن کیمسه لر قتنده

بیان توبه بهتان

و حضرت

و حضرت پیغمبر علیه الصلاة والسلامه افترا دن خلاص اولمق
استین معتبر اولین ترکی کابلردن صافنق کرک ز برا ایچنده حضرت
پیغمبر صلی الله تعالی علیه وسلم بویه دیمشدر دیو یاز مشلر حالبوکه
دیمشدر و راویسی دخی یوقدر که اکا اسناد ایلمه پس حضرت
پیغمبر صلی الله تعالی علیه وسلم بلا علم افترا ایتمش اولور تکیم جمعه
کوننده ایش ایشلمه مک حقهده حدیث یاز مشلر و اول کون ایش ایشلمک
حرامدر دیمشدر و طوررکن بول ایتمک که بهیه بول ایتمک کیدردیو و ذکرنی
دیواره سملک زنا ایتمک کیدردیو بومقرله سوزلر حضرت پیغمبر علیه
الصلاة والسلامه محض افتزادر انلری اوفق و نقل ایتمک دخی حضرت
پیغمبر علیه الصلاة والسلامه افترا و حرام اولمغله کشی نار جهنمده مستحق
اولور ز برا جمعه کوننده دنیا علمن اشملک جائز اولدیغنی قرآن عظیم
دلیلله ثابت در سورة جمعهده * و ذرو البع * پیور لیدیغنی یرده تحقیق
اولندیغنی کی و طوررکن بول ایتمک کراحت تزیهیدر و ذکرنی مسجد
دیوارندن عیری دیواره سملکی فقها جائز کوره مشلر در یاقنده قالدیکه
یونلرک حقهده حدیث اولوب فقها و علمانی بلمش اوله کذلک بر حدیث
صحیح اولما سنده شبهه اولسه اتی نقل ایتمدیکنده حضرت پیغمبر
صلی الله تعالی علیه وسلم بویه دیدی دیمه بلکه اول اتی دیمه مشدر
پس لازم کلور که افترا اوله اوله حدیثده حضرت رسول الله علیه
الصلاة والسلامدن بویه روایت اولندی دیه تا افترا دن خلاص بوله
ز برا حضرت پیغمبر صلی الله تعالی علیه وسلم افترا اولنان حدیث
چوقدر که اکا حدیث موضوع دیرلر نیجه حقندن قورقاز پیغمبردن
اونا نمز کیمسدر جهالتلری سبیلله انلری وضع ایلموب کابلره یاز مشلردر
ایمدی بو خصوصده غافل اولماقی کرکدر امی آدم لره لازم اولان
بودر که هر کابلک تحقیقنی تفسیره قادر علمادن استفسار ایلمه لرتکیم ذکرنی
سبقت ایلمدیکه بزه دینی طوواجق ایکی شی قالمشدر بری معتبر و صحیح
کتاب ایکنجی عالم عاملک خبری غیری شیلره دین طوونلر بلکه بوز یلور
ویکلش بوله وار یلور ایمدی مؤمنه لازم اولان بودر که بهتان

وافتراذن اجتناب ایلیمه شیخ شعراوی مننده شیخ افضل الدین نام
 عزیزدن نقل ایدر که بر شخص بی ادبانه سوز سو یلر کوردیکنده اینش
 هی فردا ش الله تعالی حضرتلری عبده بولسان و سمعی نه ایچون
 براندی تا که خیری دکایه و خیری سو یلیه قرآن کی حدیث کی اذن کی
 نصیحت کی یو خسه چالغور کلمک وغیت و بهتان و کذب و فغو جلیق
 دکلک و سو یلمک ایچون براندی امدی صافن سمع و لسانکی بولردن
 زیر اخسر اندر و اگر برشی سق ایدر سه علی الفور استغفار ایله (تفسیر
 حنفیدن حکایت اولنور که حضرت موسی علیه السلام عصر ند
 بر آدمک اجل نسادن برجه یله قزی و ارایدی کندی وفات ایتدیکنده
 اول قزی حضرت موسی به وصیت ایلدی اول دخی قزی آلوب
 اوینه کتوردی و بر خوش تربیه ایلدی سائر اولادی کی پس بعض
 عاصیلر حضرت موسی به قزک سیبیل بهتان ایلوب حقنده نامعقول
 سوزلر سو یلدیلر قزندان شی حضرت هر و ن اشته کله حضرت موسی به
 خلقک گفت و کوسنی خبر و بردی حضرت موسی درد و غم طواوب
 پرکون طور سینه یله وار دیغنده مناجاتنده کندی ایکی دفعه بره اوروب
 رب العزت خلقک یو افترا سندن اغلادی وایتدی یارب بن ایتدیکم
 شبئی اوزریمه اسناد ایده یورلر عز تکه رجایدرم یو خلق بنم حقه
 یو مقوله سوزلر سو یلمه دن منع اولنه خطاب عزت کلدیکه یاموسی بولسان
 بن ایتدیکم شبئی بنم حقه دخی سو یلدوب افترا ایده یورلر و بکا شریک
 قوشا یورلر و بن صبر ایله معامله ایدوب انلری منع ایتبورم و اریاموسی
 سندخی صبر ایله تا که انکله زیاده مقبول و صر غوب اوله سین امدی
 حکایه دن غرض اولان بودر که انبیا علیهم السلام مقبول حق ایکن
 نیچه بهتان چکمشلردر یا بز که ریمزه اکثر حالده عصیان اوزره بر
 بهتان ایشدیکندن نیچون الم زده و بیحضور اوله وز و بز بوکا ندن
 مستحق اولدق دیه وز بوقتی سفاهتدن ناشیدر کرچه بهتان یرلردن
 و کوکلردن تقبلدر نیکم قرآن عظیمده ایکی آیتده عظیمه صفتلایوب
 بری * هذا بهتان عظیم * و بری * یحسبونه هینا و هو عند الله عظیم *

پیورلمشدر اما یوم قیامتده مفرینک حسنات یله عوض اولنوردیو حدیثده
 وعد اولمشدر اکا نسا صبر و تحمل مؤنه خفیف کلمک کرک و کذبیدن
 بری پدیری اولیان کیمسه به انتساب ایدوب بابا دیمک کذلک عبده افندیسی
 اولیان به انتساب ایدوب افندی دیمکدر و بو خصوصده سعد بن ابی
 وقاص رضی الله عنه روایت ایدر که سرور کائنات علیه افضل الصلوات
 پیورمشدر که بر کیمسه بابا سنک غیری به انتساب اولنسه حالبو که
 باباسی اولمدیغنی بلور جنت اول کیمسه به حرامدر و ابن عباس رضی الله
 عنهما روایتده پیورمشدر بر کیمسه بابا سنک و یا افندیسنک غیری به
 انتساب ایلسه الله تعالی حضرتلرینک و ملائکه نک و جمیع ناسک لعنتی
 انلرک اوزرینه اولسون و کذبدر بری بر آدمه کافر و یا حق دشمنانی
 دیه سن حالبو که اولیله دکادر بویله آدمه جهنمه و عهد اولمشدر
 و کذبیدن بری رؤیا قصه سنده در که کورمدیکی شی کوردم دیه اکادخی
 جهنم ایله انذار اولمشدر و کذب حرامدن بری حلف و عهد نیتله
 وعد ایلیمه سن و بولک تفصیلی کدی و کذبیدن بری کشی هر اشدیکنی
 سو یلمک زیرا حضرت حبیب الله علیه الصلاة والسلام پیورمشدر
 * کنی بالمره اثما ان یحدث بکل ماسمع * معناسی کشی به اول و بال
 یتر که هر اشدیکنی سوزی سو یلیه و کذب فی اطمینان ایله دخی
 سو یلمسه حرامدر (و کذب اوچ یرده سو یلمک جائزدر و یواوچک
 معناسنه) اولان یرلرده حدیث شریفده کلدیکندن اوتوریکه
 حضرت پیغمبر صلی الله تعالی علیه وسلم پیورمشدر کذب سو یلمک
 حلال اولمز الا اوج آدم حقنده حلالدر بری بر آدمدر که خاتونی ارضا
 ایتک ایچون کذب ایلیمه و بردخی بر آدمکه محاربه ده کذب ایلیمه و بر آدمکه
 مسلمین یدنده کذب ایلیمه تا که ماینلرینی اصلاح ایلیمه و حقیقته یواوچ
 شی ظالمک ظلمنی دفع ایچوند و حق احیا ایچوند پس یوم عناه در که
 بر خاتون شمدی بو کون بالغه اولدم دیوخیار بلوغ دعواسن ایلیمه حالبو که
 کیچه ایچنده بالغه اولمشدر کندی ظلمدن قورنارقی ایچون بودخی
 جائزدر و دینلمشدر که صیلر مکتبه کتمه بر شبئی وعد ایلک و یا رالمه

قورقتمق بوقیلدند و بومعنا به در بر آدم غیری کیمسه نك سرینی انکار
ایلك و نفسنك معصیتی و غیری کیمسه به ابتدیی خیا ننی انکار ایلك
تطیب قلب ایچون بودخی صلح باندند (صراط سوبده امام نووینك
شرح مسلمان نقل دیمشدر هر بر مقصوده که کشی کذبسن نائل
اولق ممکن اولیه انده کذب ایلك مباحدر اگر اول مقصود مباح ایسه
واکر اول مقصود واجب ایسه انده یلان سوبلك واجبدر نیکیم
برمظلوم ظالمدن صاقلنسه و یابرامانت شبنی بر ظالم آلمق قصد ایسه
بونلرده کذب ایلك و انکار ایلك واجبدر حتی اگر الله ايله و باطلاق
ایله یمین و یردرسه و یا غیر یله یمین ایلك لازمدر کنه کار اولم یوب طلاق
دخی واقع اولمز و اگر خبر و یوب ظالم اول مانی فهر آله ضمان واجب
اولور و اصح اولان بویه برده توریه واجبدر و توریه اکادیرلر که بر لفظ
سویله سک و انکه غیر معنای ادایده سک و بونده بزوع آلد اتمق
وارد و لکن مصلحت اقتضا ابتدیی یرده مقصود واجب ایسه
واجبدر مباح ایسه مباحدر محض کذبده اولدیغی کبی اما اگر
بر مصلحت شرعیه اولمز ایسه بونوریه مکروهدر حرام دکلددر اما اگر
بر حق دفع ایتمک و یا بر باطله وسیله اولور ایسه حرام اولور اما اگر قاضی
یمین و یردرسه اعتبار کنندی نیتنه در طلاقله یمین اولدجه اما طلاقله
اولور ایسه ناسدن غیری کیمسه نك کی طلاق واقع اولور پس قاضی به
طلاقله یمین و یردرمک جائز دکلددر و نوریه ایچون وارد اولان آثاردن
بری (امام نخعی رحمه الله جاریه سنه دیردی بر آدم بنی اومده ارادقده
جامعه طلب ایلك دیو جواب ایله دیردی و امام شعبی رحمه الله
برداره جزوب جاریه سنه دیردی بنی طلب ابتدکلرنده پاره فکی دائره به
قبوب بونده بوقدر دی و بر آدم طعمامه دعوت ایله نك انك طعامنی
یمک و قورتلقی ایچون نیتلی یم دیمک کرک (وینه طریقتده دیمشدر که
آفات لسانك بشبجیسی تعریضدر که توریه دیدکلریدر و اول کلامك
لفت معناسی انی محتمل اولق کرک مجرد نیت کفایت ایتمز و حاجت
وقتنده جائزدر و حاجتسنز مکروهدر اما کذب بر مصلحتی اقتضا

پان آفات تعریض

ایتمکجه حلال اولماز و تعریضدندر کشی کلامنی لعل ایله و عسی ایله
قید ایتمک یعنی امید اولور و یا قریبدر شویله اوله دیوب قطعی
دیمه سک نیکیم حدیث شریفده کلمشدر کذبدن خلاص بولمق درت
شبهله در ان شاء الله و ما شاء الله و اعل و عسی ایراد ایتمکله تاتارخانه دن
منقولدر و تعریضدندر بونی بش ایچیه الدم دیه سک حالبو که الی
ایچیه به الممش سک زیر اقلیل کثیر ایچنده موجوددر پس کذب اولمش
اولور و کاهی اولور که عدد ذکر کثرتدن کایه اولور نیکیم بر آدمه
سنی یوز کره و یایک کره چاغردم دیه سک پس بو کذب اولمش اولور
زیرا عدد مراد دکلددر و کذب ضدی صدقدر که بر شبنی واقع
اولدیغی اوزره اخباره دیرلر ابن مسعود رضی الله عنه حضرت محمد
علیه الصلاة والسلامدن حدیث شریف روایت ایدر که * صداقت
انسانی ایلمکه دلالت ایدر ایلك ایسه انسانی جنتسه ایلر و آدم
اولدر که صدق ایلمکه عند الله صدیق یاز یلور و کذب انسانی فجوره
دلالت ایدر فجور انسانی جهنمه ایلر و رجل بر کذب ایدر عند الله
کذاب یاز یلور * یورمشدر و عبادة بن الصامت رضی الله عنه رایتده
و نفسکز اوزره الی شبنی التزام ایلك سنه جنتله ضامن اولایم سوز
سویلمدی ککرده کرچک سوبلك و عهد ایلدی ککرده وفا ایلك و سنه
امانت قنولدقده ادا ایلك و فر جلری کیزی حفظ ایلك و کوزلری کیزی
بکلیک و الله یکیزی حفظ ایلك * دیو یورمشدر و شیخ زاده رحمه الله
* و کونوا مع الصادقین * آیت کریمه سی تحقیقده دیمشدر که بو آیتده
صدقك فضله و علو مرتبه سنه دلالت وارد و دیر که کورمز ميسك
ابلیس لعین نیچه سنه مضرت کذبدن طارایتمشدر حق سبحانه و تعالی
انك حالنی و قولنی حکایه یورمشدر * فبعتك لاغوبنهم اجمعین * قولنی
دیدیکنده سوزی یلان جیقمایق ایچون * الاعبادك منهم المخلصین *
قولیه استثنا ایلدی یعنی مقدما دیمش ایدیکه عزتك حقیچون یارب
جمع بنی آدمی آذر رسم کرک بوا یسه معلومدر که انبیاء و اصفیای
آذر مرق اولمز سوزی بلانده قالمی طار ایدوب الایارب اول قوللری کی

دکل که انلر هدايتکله خلاص بولمشلردردیدی روایت اولنور که برآدم
 حضور نبی علیه الصلاة والسلامه کلوب ایتدی یا محمد بن شوبله
 برآدم که سکا یمان کتورمک استرم واکن خیری وزنایی و سرقتی
 و کذبی سورم بونلردن کسملک بکا کوچ کلور ناس ایسه دیرلر که سن
 بواشیایی حرام ایدرمشسین بنم ایسه قدرتم یوقکه براغم وجهله سین
 براوغوردن ترک ایده یم **اکر برینک** ترکیله قناعت ایدرسک سکا
 ایمان کتوره یم رسول اکرم صلی الله علیه وسلم پیوردیکه کذبی ترک ایلله
 اول دخی قبول ایدوب اسلامه کلدی بعده مجلس نبیدن کتدکدن
 صکره رفیقاری اکاخری عرض ایلدیلفکر ایتدیکه ایچدیکم صورته
 بلکه حضرت پیغمبر علیه الصلاة والسلام سوال ایلله ایچدیکم
 یلان سویلرایسم عهدیمی بوزمش اولورم واکر کرچک سویلرایسم
 بکا حد اورسه کرکدر بعده خاطرینه زنا ایتک **کلمدی** انده دخی
 فکر ایدوب بو یوزدن انی دخی دفع ایتدی بعد زمان سرقیت ایتک
 خاطرینه کلدی انده دخی بواحتمال ایلله عمل ایدوب خاطرینه کافی
 دفع ایلدی بعده رسول اکرم صلی الله علیه وسلم کلوب ایتدی
 یارسول الله بئله عهد ایتدیکک قتی کوزل خصلت اولدی بنی کذبیدن
 منع ایلکله جمیعاً معاصی قبولین سدا یلدک دیوب جمله دن خلوص
 اوزره توبه ایتدی ایمدی بو حکایه دن معلوم اولدیکه **کذب**
 نه مرتبه ام الحباثت و ترکی هر وجهله عز و شرفه باعثدر (آفات لسانک
 التنبیسی غیبتدر غیبت اکادیرلر که برمعین دین قرداشک ایتدیکی فعل
 قبیحنی آردندن سب و بغض طریق اوزره ذکر ایده سک و بو یوزدن
 غیبت حرام قطعیدر حق سبحانه و تعالی * ولایقتب بعضکم بعضاً *
 آیت کریمه سیله نهی ایلشدر حدیث شریفده حضرت حبیب الله
 صلی الله تعالی علیه وسلم پیورمشدر که * یوم قیامته آدمه کتاب منشوری
 ویراد که نظر ایدوب دیسه کرکدر یارب بنم فلان و فلان حسنه م
 وارایدیکه دنیاده عمل ایتمش ایدم بنم صحیفه مده بوقدر الله تعالی دن ندا
 کله که سن انی غیبتکله محو ایلدک و عثمان بن عفان رضی الله عنه

بیان آفات غیبت

روایتده

روایتده پیغمبر آخر زمان علیه صلوات الرحمن پیورمشدر که لیلته
 معراجده جهنمی سیر ایتدم و بر طائفه انده کوردم نجاست برل دیدمکه
 یاجبرائیل بونلر کیلردر دیدیکه دنیاده لحوم ناسی یینلردر و ابوهریره
 رضی الله عنه رایتده دخی پیورمشدر که قرداشک اتین بین کیسه به
 یوم قیامته مینی کتور یلور و دینور که دنیاده دیر یلکن یردک شمدی
 میتلیکن بی پس یسه و شبشسه کرکدر و عایشه صدیقه رضی الله
 تعالی عنها روایت ایدر که دیمشدر بردفعه حضور نبیده اوتورر ایکن
 بر عوتی کوروب دیدمکه های نه طول قد صاحبی عورتدر حضرت
 پیغمبر علیه الصلاة والسلام ایتدی آغز که اولان شبی آت بن دخی
 تو کوردم آغز مدن برات پارچه سی دوشدی و انس رضی الله تعالی عنه
 روایتده دخی پیورمشدر که اول کیچه که ریم بنی معراجده چیقاردی
 بر قومه اوغرادمکه باقردن طرنقاری اولوب انکله یوزلر نی بیرتارلر
 دیدمکه بونلر کیلردر یاجبرائیل ایتدی لحوم ناسی پیوب و عرضلرینه
 دوشرلر و حضرت عایشه صدیقه رضی الله تعالی عنها بردفعه صفیه
 رضی الله عنهاک آلق بویلی لغنه دخل ایدوب قیسه بویلیفکر
 سزه یتر دیدیکمده رسول الله علیه الصلاة والسلام پیوردی والله
 برسوز سویلدک اکر اول سوزی دریاه قرشدرسه لر بد رایحه سندن
 دریا قوفاردی و ابوهریره رضی الله عنه سرور کائنات علیه افضل
 الصلواتدن روایت ایدر که پیورمشدر ای اصحاب غیبت نه اولدیغنی
 بلورمیسکز دیدیلر الله تعالی ورسولی اعلمدر پیوردیکه سزک قرداشکری
 کریه کوردیکی شبله ذکر ایتکزدر دیدیلر که یا اکر اول خصلت اولور
 ایسه یارسول الله بلی دیدی اولدیغنی صورته غیبتدر واکر اولمز ایسه
 بهتاند * معلوم اوله که غیبت لفظی شاملدر بر آدمی دین و دنیا سیله
 غیبت ایلله لکن مخاطبک اول آدمی یلمسی و طریق سب اوزرینه
 اولمسی شرطدر بزم علماز قنده فناوای قاضیخنده دیمشدر که برآدم
 برقریه اهلی غیبت ایلسه و دیسه که فلان قریه نک خلقی شوبله در
 بو غیبت اولماز زیرا جمیع قصبه لینی مراد ایتمشدر بلکه بعضیلرینی

و اول بعض دخی نامعلومدر بر آدم نمازنی قیلار اولسه ولکن ناسی
دلیله والیه انجیدر اولسه اولیه آدمی بر کیمسه واقع اولان کتولکبله
ذکر ایلسه غیبت دکدر واکر سلطانه ویاوالی به بونک کی آدمی خبر
و بر سهل تا که زجر ایلله و بالی یوقدر کذلک بر آدم بر مؤمن قرنداشک
کتولکنی اهتمام طریق اوزرینه ذکر ایلسه غیبت دکدر انجیق غیبت
اول زمانده اولور که غضب طریقله سویلیوب اول آدمی سوکک مراد
ایده سک ایمدی بر کشتنک عیبی سویلمک تغیر منکر ایچون یاخود استغنا
ایچونکه انک عیبیرنی بلدرمدیکه مفتی مسئله یی اکلامسه یاخود
شرندن صقندر مق ایچون یاخود تعریف ایچون اعمی یاخود اعرج
دیمک کی بونلرک بریسی غیبت دکدر کذلک فسقنی ویاظلمنی آشکاره
ایدن کیمسه یی اول فسقله وظلمه انکی غیبت دکدر اما بر غیری عیبی ذکر
ایدرسه غیبتدر (صراط سوی نام کابده دیمشدر که بر غرض شرعی که
غیبتسز اکا واصل اولق ممکن اولیه انده غیبت مباحدر و بودخی
بر نیجه موضعه در تظلم واستغاثه محملده تا که معاصیدن برکشی یی
طوغری یوله کتوره لرانده اول معاصی ایشینی امداد ایده جنک کیمسه لری
غیبت ایدوب ایشینی سویلمک واردر واستغنا ایچون و بر غیری کیمسه یی
صاقدنرمق ایچون تا که غیبت ایتدیکی کیمسه دن ابراق اولسون و بر غیری
نصیحت ایچون تا که شرندن اجتناب ایلله ویا کندی اول یوله کیمیه
دیوفلان کیمسه شو ایشده در دیو غیبت ایتک مباحدر و بومباح
قسمنددر مجروح ومطعون اولان شاهدری جرح ایچون غیبت ایتک
ومصنفری وحديث شریف راویلرینی بیان ایلوب خطا ایتدکارینی
سویلمک و بو غیبت واجباتدندر شریعی حفظ ایتک ایچون و بو
قسمنددر بر کیمسه آخرله صا تو یا زار ایتک استر ویا اورتاق اولق استر
ویا قیر آلوب ویا قیر و بر مک استر و کلوب سندن اول دوست اولاجق
آدم حالنی صورسه ویا مشاوره ایلسه انک مساویسنی ذکر ایتک واجبدر
نصیحت طریق اوزرینه تا که اول آدم بلا یه صتا شیمه یوخسه غیری
عرضی مراد ایتیه ویا بر مسلمک عرضنی صیانت ایتک ایچون تکیم

بر متعلی بر متدع ویا بر فاسقک یا ننده کورسه لازمدر اول مبتدعک
وفاسقک حالنی کشف ایلوب بلدیره اول متعلمه نصیحت طریق اوزره
غیری دکل زیر کاهی حسدندن سویلمک واقع اولور محل غروردر
تفحص لازمدر ومتولی فاسق ویا جاهلی ویا مغفلی که آلدیغنی ویردیکنی
بلیه کثرت غفلتندن بو حالله اولان متولبلری عزانه قادر اول کیمسه لره
غیبت ایدوب سویلمک مباحدر (وامام غزالی رحمه الله اصول اربعین
نام کابده دیمشدر انی برده غیبت رخصت واردر بریسی مظلومدر که
ظلمنی دفع ایده جنک کیمسه لره ظالمک مساویسنی ذکر ایلله اما اکر دفعنه
قادر اولینلره سویلرسه غیبتدر ایکنجیسی تغیر منکره استعانت
اولنان برده اوچنجیسی استغنا حالنده تکیم بیانی کجی در دنجیسی
مسلمی غیرینک شرندن صاقدنرمق جنک برده بشنجیسی بر کیمسه بر عیبی
اسمه مشهور اولدیغنی اعش اعرج کی اما غیری اسمه عدول ایتک
اولیدر انجیسی اول عیبله آشکاره اولوب هیچ سویلدیکندن الم چکیمه
مخفت کی ویا خور یعنی بیت خرو و بوزخانه صاحبی بونلری مساویسیله
ذکر ایتک غیبت دکدر اما بر فاسق که معصینی اخفا ایلله واکلا سندن
حظلمیه بغیر عذرانی انکی جائز دکدر کذلک طریق کلامنه (بناک
کر کدر که غیبت اوچ قسم اوزرینه در بر قسمی بودر که بر آدمی غیبت
ایده سن و غیبت دکدر زیر این واقع حالی سویلرم دیه سن بوسوز
کفردر زیرا حرام قطعی یی استخلالدر فقیه ابواللیث تنبیه الغافلین ده
بویله دیمشدر زیر غیبت واقع حالی سویلمک دیرلر واقع اولسه بهتان
اولوردی ایمدی غافل اولوب کشی اهتمام ایتک کرک اکر مذکور
رخصت ویریلن یردن دکلمسه غیبت اولماسنی انکار ایتک کر کدر
تا که کفر ایجاب ایتیه زیرا کفر نه مرتبه آفت اولدیغنی بیان اولندی
ایمدی غیبت نه دیرلر صراط سوی نام کابدن تفصیلله نقل ایده لم
غیبت برو یا ایکی غائب معینک عند المخاطب معلوم اولوب نقصاتی
برآدمه طریق سب ایلله تفهیم ایلکه دیرلر یا نفسنده یا بدنده یا خلقنده
یادیننده یا اولادنده یا ازواجنده یا خاد منده یا مملوکنده یا ثیابنده

بیان رخصت غیبت

بیان اقسام غیبت

یا عمامه سنده یا مالنده یا غیرندہ نقصاتی بولمغله یا اسانله تفهیم ایلیه
 و یا کوز و یا قاش اشارتیه و یا خود سائر اعضا سبله تقلید ایلیه مثلا
 سقط یوریمک کی و بوکا بکزر برنقصان هیئتنی کو سترمک کی غیبت
 بونلردن حاصل اولان معنایه دیر لر زرا صاحبی کندینی بو یوزدن
 سویلدکلرینه و استهزا ایتدکلرینه واقف اولسه الم چکمه سی
 مقرر در واکر بر آدم کندینی غیبت ایتدکلرینی حلال ایتمش اولسه
 اول حلال ایتدیکی سوزندن مقدم بکن غیبتله در صکره انی تکرار
 غیبت ایتمک حلال اولماز زیرا الله تعالی حضرت تری غیبتی حرام ایتمشدر
 امام نووی اول اجلدن بو حدیث شریفی تأویل ایلمشدر که پیورلمشدر
 * ایعجز احدکم ان یکون کابی ضمضم کان اذا خرج من بیتہ قال تصدقت
 بعرضی علی الناس * معنایه بودر که سوزدن بر یکزایی ضمضم کی اولمغه
 عاجز میدر آنک حالی شودر که اوندن هر چقدیغی وقتده دیردی فاسه
 عرضمغه صدقه ایتدم یعنی سویلدکلری غیبتی انلره بغشلام دیرمش
 پس امام نووی دیر که معنایه بودر که دنیا ده و آخرتده مظلمه می
 طلب ایتم بوسوز ابرادن اول اولان حتی اسقاطدر اما صکره ظهور
 ایدن حقه یکی دن ابرا لازمدر بواجلدن موتایی غیبت ایتمک جدا
 جائز دکلدر زیرا ابرایتمه لری متصور دکلدر مکر که فاسق مجاهر دن
 اوله لر وغیبتک ایکنجی قسمی بر آدمی غیبت ایده سن و خبری اول آدمه
 واصل اوله قول حتی ضم اولمغله یا لکر استغفار کفایت ایتموب حلال الشفخه
 محتاجدر و حدیث شریفده * الغیبة اشد من الزنا * بوقسم غیبت
 حقه پیورلمشدر و اولیکی قسمه دخی شاملدر و اوچنجی قسمی بر آدمی
 غیبت ایده سن و اول آدمه غیبت خبری واصل اولمیه کندیکه توبه
 و استغفار و عتابه استغفار ایتمکده ساقط اولور و حضرت رسول الله
 * کفارة من اغتبطه ان تستغفر له * قولى بوقسم غیبت حقه صادر
 اولمشدر بو تفصیل امام ابو الیثکدر واضح قول بودر اندنضکره
 بلمک کر کردر که اول کیمسه نک یاننده بر آدم غیبت و یا بهتان اولنسه
 اشیدن قادر ایسه انی منع ایلیه زرا حدیث شریفده کلمشدر بر کیمسه که

برمؤمن قرداشنک غائبانه سندن نصرت و امدادین ایسه الله تعالی
 دنیا ده و آخرتده اکانصرت ایدر و بر حدیثده کلمشدر که بر کیمسه دنیا ده
 برمؤمن قرداشنک عرضنه حامی اولسه الله تعالی حضرت تری بر ملک
 کوندروب یوم قیامتده انی جهنمدن حایت ایدر و بر روایتده بر کیمسه که
 مؤمن قرداشنک عرضندن بر بلیه بی رد ایده الله تعالی حضرت تری
 اندن عذاب ناری رد ایدر بعده حضرت محمد علیه الصلاة والسلام
 * وکان حقاعلمینا نصر المؤمنین * آیتنی تلاوت ایلمدی صراط سویده
 دیمشدر که غیبتی دکلک دخی حرامدر کذلک غیبتیه قرار ویرمسی
 ایلمدی واجبدر اشیدن کیمسه منع ایلیه اگر قادر ایسه ضرر ظاهری
 اولقسزین اما اگر خوف ایدر سه قلیله انکار ایتمسی واجبدر و اگر
 ممکن اولماز سه آریلوب کیده کیمک ممکن دکل ایسه آخره مشغول
 اوله یا خود قلیله اندن اعراض ایدوب قوای طوعیه بوندنصکره
 دکلوب اشیدر سه ضرر ویرمشیخ شعراوی دن نام کابنده دیمشدر
 شیخ افضل الدین نام عزیزک عادت حسنه سی بوایدیکه مجلسده بر غیبت
 کوی بر کیمسه بوانسه حاضر اولان یارانه خطاب ایدوب اول غیبت
 کوی حقهده دیردی اشته بویه آدمه مجلس ایتمک کرک که اصلا کیمسه بی
 بر مجلسده غیبت ایلمز و کیمسه نک حقهده کم سوز سویلمز دیردی پس
 بوکلا مدن اول یا وه کویک اغزیننه او یان اوریلوب اول مجلسدن
 قالفنجه غیبت سویلمز دی ناسدن حجاب ایدردیکه اول کلامک خلافتده
 ذاهب اوله و حضرت موسی علیه السلامه وحی اولدیکه یا موسی
 دیلمه سن که دوشمنک اوزرینه سکانصرت اوله بلی یارب دیلم دیدی
 خطاب کلدیکه یا موسی مسلم قرداشکدن غیبتی رد ایله و شیخ شعراوی
 دیمشدر مذکور افضل الدینی کورد مکه غیبت سویلمدن آیدست
 آلوردی و دیر ایدی شافعی مذهبنده آنشه کیرن طماعلردن آیدست
 آلنور بو غیبتدن الموق دخی اولیدر و حضرت عایشه بومذهب اوزره
 ایتمش کذلک مذکور شیخ مشارالیه صومی حائنده کیمسه بی غیبت ایلمسه
 اول صومی قضا ایدردی قلیله دخی غیبت ایتدیه که اکاسوه ظن

دیر رسید علی خواص رحمه الله دیمشدر که بر عجم و ارایدی موئند نصر که
 کوروب حالی سؤال ایدم دیدیکه ای اوغل الله تعالی حضرت تری
 جله کاهلری می باراغادی الاغیت اچلیچون الی الا آن محبوسم اوغل
 کیمسه نك غیبتنی سهل طوتمه و مجاهد رضی الله عنه دیردی صافنك
 خلقی غیبت ایدن کیمسه بی غیبت ایتك اگر غیبتی جائز ایه ده و شیخ
 شعراوی رحمه الله پیوره شد بر بن شویله آدم کورد مکه کیجه و کوندز
 خلقی غیبت ایدر و علما و صالحینك عرضنی کسر ایدر کندینه بر آدم
 دیدیکه کل بکا بر عثمانیه واروب قهوه خانه دن بر قهوه آل اول غیبت
 کوی اعوذ بالله اگر اکسوده قلیچ ایله طور سه ل بن بیت قهوه به
 کیرلردن دکلم دیدی شیخ رحمه الله ایدرای فرداش صاقین بو طریق
 کیمه زیرا بو کبر و نفاق قدر ایدمی شریعت حرام ایتدیکنی حرام ایله
 و شریعت حسن کوردیکنی حسن کوروب ادب اوزره اول انتهی کلام
 الشعراوی (آفات اسنانک بدخوبی نمیه در که ترکیده قفو جلیق دیرل
 یعنی کشفی مکروه اولان شبی آچغه دیرل اما اکثر یا مکروه کلامه
 سویلنن کیمسه به اول مکروهی نقل ایتکه دیرل بودخی حرامدر مکر که
 سویلدیکه و اول مکروه کلامی اکا بلدر مدیکه بر ضرر ترتب ایایه
 و اعلامیه آنک دفعی ممکن اوله پس اول زمانده سویلنن کلامی نقل
 ایتك واجب در تا که تدارکین ایلیه اگر ظالم دکل ایسه اکا نصیحت
 اولش اولور و حرام اولماسنه دلیل الله تعالی حضرت تری نك * ولا تطع
 کل خلاف * آیت کریمه سیدر کذلک * ویل لکل همزة * آیت
 کریمه سنده ویل دره سیکه جهنمك شدید عذابی آنده در غیبت
 و قفو جلیق ایدنلرک در دیو تنبیه اولنمشدر و صراط سویده دیمشدر
 نمیه کشفی مکروه اولان سوزدر کیمدنکه نقل اولنور یا آنک قتنده مکروه
 اوله و یا کیمه نقل اولنور و یا اوچنجی کیمسه به مکروه اوله پس برابر
 نمیه بویله شته دیرل و قولله نقل ایلسه و کایه ایله پس برابر نیجه که
 غیبتده بیانی کچدی و حقیقتده سری فاش ایتکدر و حدیثده کلمشدر که
 بر آدم پرسوزی سویلدیکنده صاغنه و صولنه باقنسه اول سوز امانتدر

بیان آفات قفو جلیق

مجلسدن چیقوب فاش اولمق کر کدر و حدیث شریفده کلمشدر تمام جسته
 کیرمز و یوم قیامتده آتشدن ایکی اسانی اولور و یحیی بن کثیر دیمشدر که
 نمان بر ساعتده اول قدر افساد ایدر که ساحرائی بریلده افساد ایدمه
 و تابعیندن عبدالله بن مبارک حضرت تری دیمشدر که سوزی صقلا میوب
 قفو جلیق ایدن کیمسه دلالت ایدر که ولد زنادر الله تعالی نك * عتل بعد
 ذلک زنیتم * قول شریفندن استنباط ایتشدر که زنیتم دعوی معناسنه در که
 نسبی نامعلوم اوغلانده دیرل شیخ شعراوی رحمه الله دیمشدر که تمامك
 سوزنی قبول ایتمك و دکلهمك كرك زیرا غامی تصدیق ایتکده نیجه
 مفسده وارد اولمی بودر که عنایت ربانیه سندن رفع اولنور زیرا
 نفسك اول نمیه نك نظیرنه حرکت ایدر ایکنجی باب حقد و کین قح
 اولسه کر کدر و اگر اول نمیه بی تصدیق ایتمك ظهور ایتزدی اوچنجی
 بودر که نمیه بانی قح ایتش اولورسك زیرا هر کس کلام طاشمغه یا شلر
 و بعض مشایخدن نقل ایدر که دیمشدر بر آدمه محبت دعوا سنده اولان
 کیمسه لایقمدر که غم ویره جك کلامی نقل ایلیوب کنوره زیرا دشمنك
 غم ویرجك کلامندن انسان محفوظ اولماز و شیخ مذکور دیر که بردفمه
 بر شخص بکا نمیه کنوردی بن بوکا ایناتم دیدم زیرا بن اول آدمه
 خوشلق اوزرینه آیرلشم قولانمله اشمینجه اینانور دکلم نهایت سن
 بونده اونور بن بر آدم کوندروب سنك دیدیکنی سؤال ایلسون اگر
 دیدم دیر ایسه بزخی اینانورز پس اول آدم نجیل اولوب کلام کندینك
 دوزمسی اولدیفتمه اقرار ایلدی و توبه ایلدیکه من بعد نمیه ایلییه
 دیو شیخ مرحوم بو طرزله نمیه بانی سد ایدردی وینه دیمشدر که
 سوز کنورن کیمسه دیمك كرك یا اعتقادك سنك نیجه در بودینلان شی
 بنده وارمیدر بو قدر دیر ایسه دیمك كرك یا بکا کذبیه نقل ایدرسك
 کذبیه نقل ایتك مذمومدر و اگر وار دیر ایسه یاسن کندی یا نکدن
 بو سوزی بزه دیمك اولی در (و شیخ افضل الدیندن نقل ایدر که دیمشدر
 نمیه بی قبول ایتك نمیه دن بتر در زیرا نمیه روایتدر قبولی اجازت
 و تصدیقدر) و ابراهیم بن ادهم حضرت تری غامی کوردیکنده لامر حبا

برسول ابلیس دیردی و حدیث شریفده کلمه شد که * عباد الله
 شریسی انلردر که قغوجیلغه کزوب دوستلری بری برندن آیره
 و عیوبدن بری اولمغی طالب اوله کذلک حدیث شریفده رسول الله
 صلی الله تعالی علیه وسلم پیورمشدر که * بکا اصحابدن خیردن غیری خبر
 یتشد رمک زیرا بن سورمه که سزه سلیم الصدر چیقیم و کوریشیم *
 و بو حدیثک سببی بو اولدیکه بر دفعه رسول الله صلی الله تعالی علیه
 وسلم اصحاب مایبنده التون قسمت ایلدی بعده سعادت خانه سنه
 کیردی پس خلافتدن بری ابتدی والله بن قسمته طریق حق مراد
 ایده هم پس اول وقتکه حضرت فخر عالم علیه الصلاة والسلام طشره
 چیقدی اصحابدن بری دیدیکه یار رسول الله فلان کیمسه بو قسمته قائل
 اولمیوب شویله دیدی حضرت رسول الله صلی الله تعالی علیه وسلم
 بو کلامی نقل ایده نه الم لندی و پیوردی بنده بشرم و بشرکی غضب
 ایدرم و بشرکی راضی اولورم ایمدی اصحابدن بکا خیردن غیری
 شیء تبلیغ ایلک دیدی شیخ شعراوی دیر که بر تخر به ایتشز اول
 کیمسه که نمامه قولاق طوته دوشمنی چوق اولور اما نمامی تکذیب
 ایده نک دشمنی اولماز زیرا البته ناس کشنک یوزینه سو یلنمچک سوزلری
 آردنجه سویلرلر حتی پاد شاهک آردنجه دخی ایمدی اول کیمسه که
 ناس یوزه کلدکلرنده کی حالله آردنجه دخی اویله اولمغی طالب اولسه
 تحقیق محالی طلب ایدر (ونمامک شری اولسنه دلیلدن بری بو حکایه
 در که تنبیه المغترینه مذکوردر حضرت موسی علیه الصلاة والسلام
 عصرنده یغور یغماقی ایله قوراق واقع اولدیغندن حضرت موسی
 علیه السلام اوچ کون دعا ایچون استسقایه چیقوب جمیعاً قومیه
 تضرع و نیاز ایلدیلر دعا لری مستجاب اولدقده کلیم الله مناجاتنده رب
 العزتدن سینی سؤال ایتدی الله تعالی حضرتلرندن ندا کلدیکه یاموسی
 اگر اللریکز دغاده کوکله یتشورایسه و کوز یاشکره غرق اولورسه کز
 دخی دعا کز مستجاب د کلدلر مادامکه ارا کرده نمام کیمسه واردر
 حضرت موسی ایتدی یارب انی بلدر که ارامزدن اخراج ایده لم

رب العزتدن ندا کلدیکه یاموسی بن نمجه دن قوللری منعی ایده رم
 یا اولورمیکه نمجه بندن صادر اوله انجیق قومکه امر ایله قغوجیلقدن توبه
 ایلسونلر اول دخی ایچلرنده در پس اویله امر ایدوب ج - له سی توبه
 واستغفار ایلدکلرنده رحمت قبولری آچیلوب یغورلر یاغدی (واخلاق
 علایده دیمشدر قغوجیلغه باعث یا قغوجیلق ایتدیکی کیمسه به بغض
 وعداوت یا مجرد قال قیلدن یا اشاغی و یوقاری کلام کتورمکدن متلذذ
 اولور و خبث طبع ولوم شانله موصوفدر و بعض اولور که خبیث دخی
 ایتدیکی نمجه دن کندیسسی دخی ضرر کورمک مقرر ایکن ینه صبر
 ایده میوب اساس خبثی بنیاد و کندینک و نیچه آدمک حالی افساد
 ایدر (امام غزالی ایدر قغوجی سکا بر آدمدن قغوجیلق کتوروب مثلاً
 فلان کشی سنی سومز و سنک حقکه شویله و بویله دیدی یاسنک
 امرکی افساد یادشمنکله محبت بنیاد ایتک استر دیسه سکا مقابله سنه الی
 نسنه لازمدر اولکبسی انی تصدیق ایلیمه سک زیرا قغوجیلق ایتکله فسق
 مقرر اولدی فاسقک کلامی مردوددر ایکنجیبسی اکاپند و نصیحت
 و قغوجیلقدن منع ونهی ایتکدر الله تعالی حضرتلری * وانه عن المنکر *
 پیورمشدر قغوجیلق ایسه منهی اولدیغنی انکار ایدن یوقدر اوچنجیبسی
 اکابغض ایتکدر زیرا حقک مبعوضیدر در دنجیبسی انک قغوجیلغیه
 بر مسلمه سوء ظن ایتکدر حالبو که الله تعالی سوء ظنی حرام ایتشدر
 بشهبیبسی انک سوزی حقیدر دکلیدر تفتیش و تفحص اولنماق کرک
 زیرا تجسسدر حالبو که الله تعالی حضرتلری تجسسدن نهی ایلوب
 * ولا تجسسوا * پیورمشدر التجیبسی انک قغوجیلغنی هیچ کیمسه به
 حکایت ایلیمکدر زیرا کندی دخی نمام اولمش اولور (حکمدان برینه
 بردوستی کلوب فلان کشی سکا شویله دیدی دیچک ایتدی ای برادر
 بنی زیارته چوقدن کلدک ایدی حالا درلو خیانتله کلدک اولانیم
 بردوستی بکا مبعوض ایلدک ایکنجی قلمم فارغ و آسوده ایکن و همله
 مشغول و آلوده قیلدک اوچنجی کندیک بنم قتمده امین ایکن متهم ایلدک
 (علمدان بر یسنی بر پاد شاهه قغوجیلق ایتدیلر پادشاه اول عالم مذکوره

عتاب ایدیجک انکار ایلدی بکا بونی بر معتمد آدم نقل ایلدی دیجک
 عالم ایتدی یا امیر المؤمنین تمام معتمد اولماز خوب دیرسک دیوب اندن
 راضی اولوب و غماه عداوت ایلدی عمر بن عبد المزیزه بر آدم کلوب
 آخری قغوجیلوق ایدیجک پیوردیکه استرسک بو خصوصی نقشب
 ایده لم کاذب چیقار ایسک * ان جاءکم فاسق ببناء * آیتنه مظهرسک
 صادق ایسک * همماز مشاء بنیم * آیتنه ماصدق سک واکراسترایسک
 سندن عفو و انعام ایده لم ایتدی یا امیر المؤمنین عفوایله که من بعد
 بندن قغوجیلوق صادر اولسون و بعض حکما دیملردر که قغوجیلوق
 بر زهرله طلو چولمکدر سه پایی کذب و حسد و نفاقدر انک اوزرنده
 قینار (حکایت ایدرلر که بر آدم قول صاتوب عیبی همان قغوجیلوقدر
 دیر ایدی بر آدم اختیار ایدوب آلور برقاج کونده نصکره قول افندیسک
 خاتوننه دیر که افندی سنی سومز و برجاریه آلمق استر اما بن خواص
 نیرنجاته واقفم کیجه ایله یاتور ایکن بوغازی آلتدن اوستوره ایله برقاج
 قبل کس کتور بن اکا افسون ایدهیم سکا محبت و تابع اولسون خاتون
 عاقله اولدیغندن کلام غلامه الدانوب دیدیکی نسنه بی ایتکه قصد
 ایدر عید دخی افندیسنه سر یجه دیر که بن خاتوندن خارجه میل
 و سنی قتل ایدر اکلارم اخشام او یورکی اولکه حقیقت حاله واقف
 اوله سک افندی دخی اوله ایدوب خاتون اوستوره ایله محل ذبحه قریب
 اولیجق اری صیحرابوب قالقار و خاتونی بی توقف قتل ایلر بعده عورتک
 اقریاسی بی وجه قتله تحمل ایده میوب افندی بی قتل ایدرلر بعده ایکی
 قبیله بری برینه خصوصت ایدوب محاربه به مشغول اولدقده نیجه آدمار
 اراده مقتول اولدیلر غماه بر عقوبت دخی بودر که اکثری غمالق
 ایتدیکی آدمار حقیقت حاله مطلع اولوب ارالندن عداوت قالقار تمام
 جاهل خور و نجیل قالور و اصحاب دولت و ارباب عزته الزم لازم و اهم
 مهماندندر که نیجه به قولق طوتمیلر زیر ابوبابی سد و مفسد و منافق
 کلامنی رد ایترسک ار باب نفاق سکا هجوم ایلر و ارالنده بغض و شقاقه
 دوشمک اولور و اول سیله اسباب سعادت بی انتظام و مختل اولوب

بالاخره قصر دولتی منهدم و مایه اقبالی منهدم اولوق لازم اولور
 (آفات لساندن سکر نجیسی سخریتدر که مسخره لوق و استهزا ایتکدر
 ترکیده یکشالمق دیرلر یعنی تحقیر و تحفیف ایتک معناسنی متضمندر که
 بر مؤمنک قلبنی مکسور و محزون ایدر معنادر و بو آفت حرامدر که
 الله تعالی حضرتلری قرآن عظیم الشانده بو خصوصی نهی ایلوب
 * لایسخر قوم من قوم ولا نساء من نساء * پیور مشدر معنای شریبی ارلردن
 بر قوم بر قومی مسخره ایتسون و عوتلردن بری بریلرینی مسخره ایتسون
 و حدیث شریفده حضرت رسول اکرم صلی الله تعالی علیه وسلم
 * فردای قیامتده ناسی استهزا ایدن کیسه لره جنک برقبوسی اچیلوب
 بری کل دیوب دعوت ایدرلر تمام زحمت و مشقته قیویه کلدکلرنده
 اول باب قیانوب بر غیر یسی فتح اولوب بری کل دیوب دعوت ایدرلر پس
 اول قیویه سکر دوب کیده لر تمام قریب کلدکلرنده اول باب دخی
 قیانوب غیر یسی آجلسه کر کدر و بوموال ایله علی الدوام استهزا
 اولنسه کرک دنیا ده ایتدکلری استهزالی مقابله سنده و آخری حرمان
 عظیم ایله بر بلا اوله ار * پیور مشدر و بو خبری مؤید الله تعالی
 * الله یستهزه بهم * قول شریفدر و اخلاق علائیده دیملدر استهزا
 ایدن آدمک غرضی کاهی ار باب دولتی و اصحاب جاه و غفلتی کولدرمک
 و مسرور ایتک اولور و بو ارادل ناس حالیدر که کسب حطام دنیا
 و اکل طعام و حلوی ایچون منعمای مغرور مجلسلرینه حاضر اولورلر
 و کاهی کبر و سفاهتدن ظاهر و تحصیل خنده ایتک ایچون بعضیلردن
 صادر اولور بو حال غالباً صفت چلبیان سفیه و بزرک زادگان بی عقل
 و انبیه در که جاه آباء و جاهلیه امهات سیبله کوچکلکنده معلم
 و ادبیه مخالفتله علم و ادبیدن خالی قالمشدر هر کیسه که انک کبی بی ادبک
 مجلسلرینه مبتلا و مصاحبت و مقارنتلرله بر بلا اوله اتی استهزا ایتکله
 کندیلره جلب قهقهه و سرور ایدرلر و فلان کشی بی ذوقلندک
 دیو فخرلر و بومقوله بی ادب چلبیلرک اکثری واسطوا و اخر
 عمرنده محزون و منحوس و برش و افیون استعسالیه احقر نفوس

اولور بیت * هر جوانی که بی ادب باشد * کر به پیری رسد عجب باشد *
 اما آنکه عقل و ادب له معروف و مرد ملک حلیه سبیله موصوف اولار
 نه کیمسه بی استهزا ایتمکله کنهکارونه کیمسه انلری مسخره ایدنمکله
 خور و زارا اولور و شیخ شعرای منن نام کابنده دیمشدر که جواریمزده
 بر شخص و اریدی عادت قی ناسی استهزا ایتمک ایدی پس الله تعالی
 حضرت تیری بونی بر مرضه مبتلا ایتدی که ایاقدن دوشدی و حله سکرلری
 بوز یلوب یانن یاتغه محالی اولوب باشی دیزلرینه کتور وب یوماق
 اولمش ایدی بو حال ایله وجودی قورویوب اولدی و اوزاتمق ممکن
 اولوب بوهیئنه دفن ایلدی لر شیخ رحه الله دیر که موتا احواله واقف
 اولغه باشلادیغم وقتده بو کیمسه بی کوردیم و دیدم الان سن اولجه
 کتورم مبین بلی دیدی بوهیئنده حشر اولنسم کړک دخی اکثریا
 سنی و شیخ شعبی استهزا ایتدی کمیدن بو محنته کرفتار اولدم پس شیخ
 شعرای دیر که شیخ شعبیه بواحوالی بیان ایتدی کمده صحیحدر دیدی
 زیرا هر صتا شدیغمده تو کوروب اوزریمه بلغم برا غوردی بومرتبه
 استهزاسنی نهایت کتورمشیدی انتهی کلام الشعرای (آفات اسانک
 طقوز نجیسی لعنت در که الله تعالی حضرت تیرینک رحمتدن ابراق
 ایتمک دیر لالهک بومعنا به لعنتی برمعین شخصه ایتمک جائز دکدر
 مکر که موتی کفر اوزریند ثابت اوله ابو جهلک اولدیغی کی اما عموم اوزره
 کفار له لعنت ایتمک جائزدر تعیین بولمیدن اوتوری اما اولاسی اسانی
 او کرتمک ایچون ایلیمه دخی علیه مایستحق دیمک اولیدر و حیوانات
 و جا داندن برشیئه لعنت ایتمک جائز دکدر زیرا حدیثده بته و برغوئه
 لعنت ایتمه دن نهی اولمشدر پس اول دلیلله جله سی ممنوعدر و حضرت
 پیغمبر صلی الله تعالی علیه وسلم بیور مشدر که لعن مؤمنک قتلی کبیر
 و برحدیثنده مؤمن اولان کیمسه طعان دکل و لعان و نامعقول سوبلجی
 دکدر و برروایتده لعنت ایدیجیلر شهید اولمازلر و یوم قیامتده شفیع
 اولمازلر و برروایتده کلمشدر که حق مؤمن برشیئه لعنت ایلیمه اول لعنت
 سماء دنیا به چیقار پس قبول قیابوب آنده یول بولیمجه بیره دوزانک دخی

بیان آفات لعنت

قیولی بسته اولمغله صاغه صوله طولا نور لعنت اولنان شی اهل
 اولمازسه ینه قائلنه دوز ایددی اولی اولان بودر که اهلنه دخی لعنت
 ایلیمه اما اگر بروصف عام مذموم اوزرینه لعنت ایدرسه جائزدر زیرا
 حضرت پیغمبر علیه الصلاة والسلام بویوزدن بر قاق طائفه به
 لعنت ایلشدر بری الله تعالی حضرت تیرینک غیریه قربان بوغز ایلیمه
 مثلاً بر باد شاه برد یاره کلدیکنده یا برولی نک قبرنده زیرا الله نیت
 اولماش اولور پس لعنت بونک کی ایشی ایلین طائفه به مذکوردر
 و بری بابا سنه اناسنه لعنت ایدن کیمسه به و خرسوزه و حرامی به معین
 اولوب یتاق اولانه و ایکی طپراق مایینده سبنور علا متلرینی تغییر ایدنه
 و آکل ربایه و وکیلنه و کاتبنه و شاهدنه و قولنه اکنه ایله و شم ایدوب
 مرکب کی سیاه شی قویوب دورتنه و دورتنه و مانع زکات اولانه دخی
 حله ایدنه و حله ایتدیره نه و کفن صویوجی اره و عورته و کندیندن
 استکراه ایدن قومه امانت ایدنه نه و زوجنک شرعه موافق اولان یرده
 رضا سین کوز لیمین عورته و ازانی اشد کده اجابت ایتمانه و راشی
 و مرتشی به و کندیچون و یاغیر یچون خرصقنه و صدقیره نه و ایچنه
 و ساقی سنه و طاشیوب کتوره نه و کتوران آدمه و صاتیجسنه و ایچیسنه
 و یاغشلا یچیسنه و الانه و ثمن یننه حضرت پیغمبر علیه الصلاة والسلام
 بونلره لعنت ایلشدر بواشیرک جله سی شرعا مذموم اولدیغندن
 اوتوری و بولعنت ابرار مرتبه سندن طرد ایچوندر رحمت حقندن طرد
 معناسنه دکدر زیرا اکا مستحق اولان کفار در مؤمنلرایسه بواشیرلری
 وجوده کتورمکله مذهبزده کافر اولمازلر معلوم اولدی که باغ دیکنه
 لعنت اولنمیشدر و دیکه سی مباحدر کراحت دخی یوقدر اشباه نظائرده
 دیمشدر که بر آدم باغ غرس ایلیمه اگر نیتی تحصیل خیر ایتمک ایسه
 مکر و هدر و اگر مرادی خیر ایتمک دیکسه مکر و هدر استرسه تحصیل بها
 ایچون باغ صائمق نیتنه دیکسون و یا خود کندی لوازم شرعیه سیچون
 خرج ایتمک دیکسون قایم مقصودی نه اولدیغنه نظر اولنور * الامور
 بمقاصدها * قاعده سنه بناء قلنان مسائلدندر و اخلاق علائیده

امام غزالی رحمه الله من نقل ایدر که لعن اوج مرتبه در اولکی مرتبه
اولدر که لفظ اعم ایلہ * لعنة الله على الکافرين * دیمک کی ایکجی مرتبه
لفظ اخص ایلہ * لعنة الله على اليهود والروافض * کی اوججی مرتبه
اولدر که لفظ معین ایلہ * لعنة الله على ابی جهل * دیمک کی اولکی مرتبه
وایکجی مرتبه جائزدر لکن فرق مسلمین دن اهل بدعت حقننده دیمک
مخوفدر اوججی مرتبه اگر شرعیت کفرله ختم اولدیغی ثابت ایسه
فرعون و ابولهب و ابوجهل کی لعنت جائزدر والا کرا حیاتدن ایسه
یهودی معین کی جائزدر کلدرد زرا کفرله ختم اوله جغی معلوم دکلدر
امواتدن ایسه ایلیمک اولدر شاید ایمانله عمری ختم اولمش اوله اقل
مایکون عبت قسمندن اولور حتی بر کیمسه ایلیمسه دخی لعنت ایتمسه
ترك واجب ایتمش اولماز پس لعنت بدلی تسبیح و تهلیل ایلمسه ثوابلر
دخی بولور یزیده لعنت ایتمک دخی بو یلدر زرا یزید قتل حسین و اهل یتیمه
امر و رضا و یردیک مقرر دکلدر ابتدیمسه دخی شاید که توبه ایتمش
اوله عم نی حزه رضی الله عنه قتل ایدن وحشی رضی الله عنه ایمانه کلوب
توبه سی قبول اولدی و بالجمله لعنت ایتمکده ضرر بوق ایتمکده خطر
وارددر پس ترکی افضل و آنک بدلی تسبیحه مشغول اولمق اکلدر زرا
لعن یزید واجب و مندوب دکلدر بلکه احتمالی عدم جوازدر پس
لسانی لعنته معتاد ایتموب روا فضله تشبه ایتمکدن نفسی بعید ایتمک
اولدر و افضلدر (آفات لساندن او تجمیسی سب و شتم در یعنی سوکدکدر
اگر سوکدیک الفاظی کذب ایسه حرامدر اما اگر کذب دکلده دخی
بهر حال عقلا مذموم و شرعا حرام و صا جی ملومدر و بونک سبی
خبث طبیعت و دنائت و خباثت جبلتدر و حدیث شریفده کلشدر که
بر کیمسه بر فرداشنه بره کافر دیسه تحقیق ایکپسندن بری کفره برلشور
یعنی اگر دیدیکی کی کافر ایسه برنده در اما دکل ایسه کندی کافر اولور
حتی بر کافر اصلی کافر دیو چاغر لادن الم چکرسه کافر دیمک جائز
دکلدر و بر حدیث شریفده حضرت پیغمبر علیه الصلاة والسلام
دیمشدر که مسلمی سب ایتمک فسقدر و قتلی کفردر و حدیث شریفده

بیان آفات سب و شتم

کلشدر بر کیمسه آخری سوکد کده آخر دخی سب ابتدیکنی دوندرسه
و بال سبه ابتدایده نکدر مادامکه اولکی نک سبندن آشیر میه اما اگر
تجاوز ایدرسه اکادخی و بال اولور و بوقار شولامق جائز اولان کله
بره احق مقوله سی کلامده در اما بر آدم بر آدمه بالوطی و یازانی مقوله سی
کلام دیسه قارشولمق جائزدر کلدرد زرا ایکپسیده آثم اولور اگر چه
مبتدیکن کاهنی اکثر ایستاده پس بر آدمی سوکد کلرند لازم اولان
بودر که یاصبر ایلیمه قارشولیمه و یاعفو ایلیمه یا خود قاضی به دعوت
ایلیمه حقندن کله و یا جاهل مقوله سی کلامله سب ابتد کده قارشولیمه
اما صبر ایتمک و هیچ بروجهله قارشولیمه حق افضل مرتبه در ملائکه آنک
طرفندن سو یلدریکن رد ایدر لکنیم روایتده کلشدر بر دفعه حضرت
ابابکری صحابه دن بری سب ایتمکده باشلیدی ابو بکر سکوت ایدوب
براز زمان صبر ایلیدی و حضرت رسول الله علیه الصلاة والسلام انده
موجود اولوب یا قوب کوردی بعده ابو بکر اول سوکن آدمک کلامنی
رده باشلیدی حضرت پیغمبر علیه الصلاة والسلام همان الم زده
اولوب قالقوب بورودی ابو بکر ابتدی یار رسول الله زیه کیتدیگر
بو آدم بنی سب ایده طوررکن طورر دیکر حضرت رسول علیه الصلاة
والسلام ابتدی سکوت ایدرکن یانکده بر ملک و ارایدی اول آدمک
سوکد و کن کندیسه رد ایدردی انکیچون کوردیم حالا سن رد کلامه
باشلیدیغیک کی ملک کیدوب یانکه شیطان کلدی انکیچون قالقوب
کیتدم دیدی و اخلاق علائیده ابراهیم مشیره دن نقل ایدر که دیمشدر
دبلی مردار اولوب سوکوشمکه معتاد ایدن کیمسه یوم قیامتده کلب
صورتنده حشر اولنور و بواثر محتاج بیان و نظر دکلدر زرا آدمی هر نه
خلق خبیث و سیرت مذمومه اوزرینه اولورسه فردای قیامتده بر حیوان
شکلنده بعث اولنور که اول صفت انده غالبسدر و بو خصوصده
احادیثدن صراط سویده مذکور اولاندن بری بودر که حضرت محمد
علیه الصلاة والسلام پیورمشدر بر کیمسه بر محسنی یا بر محضنه سوکسه
یوم قیامتده وادی خیالده جسر قلنور و بو بر وادی در که جهنمده

بیان آفات خشیات

بیان آدم بیک آید آفات حتی کافری و یا کوله سنی و جاریه سنی
 بر کیمسه زنا ایله سوکسه حرامدر تعزیری موجبدر عبده و جاریه به
 افندیسه مرافعه شرع اولق واردر (آفات اسانک اون برنجیسی
 خشددر که ذکر فیج اولان شیلری عبارت صریحه ایله ذکر ایده سن
 و بوجماع الفاظنده و قضاء حاجت سوزارنده جاریدر و حاجت
 اولدجه مکر و هدر مکر که غیری و جهله سو بملکه مقصود فهم اولنیه
 امام عزالی رحمه الله ایدر که خشک حقیقتی وحیدی اولدر که امور
 قبیحه الفاظ صریحه ایله که اهل فساد اراسنده معروف و اهل صلاح
 اندن منقوردر ذکر ایلیوب کایت و رمزله سو بملکه کذالك تبول
 و تغوط لفظ صریحه ذکر اولنقی خشددر و قرآن عظیمده جماعدن
 مس ولس و د خول و صحبتله تعیر بیورلدیخی بواب رعایتی ایچوندر
 و بومقوله الفاظ صریحه اکثر یا خفش و شتم صد دنده ذکر اولنور
 و نسا و حرم دخی مجالسده اسملری ذکر اولنایوب کایت رمزله اکلک
 کک خشک سبی یا اذای غیریدر و یا اختلاط فسادق سبیلله
 لسانی خشه معتاد اولمقددر علاجی قبیخی تذکر و احادیث اثار دن
 آفتی تفکر ایتمکدر ادب اولان بودر که ذاب صالحین اوزره کایه ایله
 سویلده و جماعده یقینلق ایتمدی و اعضاء عورتی تعیرنده اودیری
 دیمک کی بومقوله کایه ایدر اما سالك طریق حق اولانه لازم اولان
 بودر که کنندی سب ایلسه مل متالم و مضطرب اولیوب صبر و تحمل
 ایلیه تنکیم مننده ذکر ایدر که شیخ احمد رفای بولده کیدر کن بر شخص
 آردندن کنندی سنی وافر سوکوب لغت ایلمدی یاننده اولان خادمی
 شیخه ایتمدی یاسیدی اشتیورمسن که سکا اول شخص نه دیدی شیخ
 ایتمدی انک صفات ذمه سی نفسنده بر صورت بغلشددر اول صفاتی
 سب ایده بور الحمد لله بنده ایسه اول صفات بوقدر و بونی شیخ
 حضرت پیغمبر صلی الله تعالی علیه وسلم کلامدن آلمق احتمالی
 وار که رسول الله علیه الصلاة والسلامی قریش کفره سی سب ایتمکدرنده
 دیرایش قریش قومی مذمومی ذم ایده یورلر بن ایسه محمد بن عبدالله

بیان آفات طعن و تعیب

بیان آفات طعن و تعیب

بیان آفات صباغ و صاغ

بیان آفات صباغ و صاغ

ورسول اللهم ذم اولئان بن دکم زیرا ذات پائی صفات محموده ایله مزین
 و مدو حدر اول قوم کنندی جهالتلرندن ناشی صفات ذمه لری صورتی
 سب ایدرل مذکور شیخ احمد رفای کنندی سب ایدن مشایخک
 النی او پر ایدی و بعض شیخ کنندینه مکتاب کونده روب بزه مللر بزه
 زندیق دیومک و بوشنده یار مشلر ایکن اصلاالم چکمیوب کتورن آدمه
 بخشیش دخی و یررمش و سوکن شیخه هدایا کونده ررمش بوسبیلله شیخ
 احمد قدر و مقامده ترقی ایلمشدر حتی دیمشدر که اول عصرده
 یر یوزینک قطب الاقطابی اولدیغند نصرکه کوکلرک قطبلمغه انتقال
 ایلمدی ویدی کوکلر ایاغنده برخلخال کی ایدی و بومر تبیه نائل
 اولدیغی کنندی خور و حقیر طومسی سبیلله در (آفات اساندن اون
 ایکنجیسی طعن و تعیب ایتمکدر الله تعالی حضرتلری بو خصوصده
 * ولا تلزوا انفسکم * قول شریفله نهی ایلمشدر و حضرت حبیب
 الله علیه الصلاة والسلام بیورمشدر که * بر کیمسه برقرنداشنه برکاهی
 عیبیه عیبسه اولوب کیمیه مادامکه اول عملی اشدلکجه و بوطعن
 و تعیب شامت خلقتدن ناشیدر و صراط سویده حدیث شریف
 نقل ایدوب دیمشدر * لا تظهر الشماتة لاختیک فیرحمه الله و یبثایک *
 معناسی قرنداشکک بر ذنبی کوروب اکاسوینوب کولمه زیرا الله تعالی انک
 توبه سین قبول ایتمکله اکا رجح ایلروسن نفسکی تزکیه ایتمکله
 اول ذنبه مبتلا اولورسک (وهرون علیه السلام شماتدن خوف
 ایلیوب حضرت موسی علیه السلامدن رجا ایلمش و دیمشدر لا تسمت
 بی الاعداء) یعنی بنی انجیدوب دوشمنلری می بکا کولدرمه دیمکدر (آفات
 اسانک اون اوچنجیسی صاغ و صاغقدر بودخی حرامدر حقنده رسول
 اکرم صلی الله تعالی علیه وسلم بیورمشدر * صفو صغان کیمسه توبه
 ایتمدن اولورایسه بوم قیامنده وجودی او یوزلنوب اوزرینه قطر اندن
 برکوملک کیدرلر و بر حدیث شریفده ایکی شی ناس اراسنده کفردر
 بری نسبیه طعن ایتمک و بری میت اوزرینه صاغ و صاغق و نباح
 قیلنددر میت ایچون طعام و یرمک و ضیافت ایتمک جریر بن عبدالله دن

روایت صحیحہ ایلہ کلمشدر کہ دیمشدر اهل میتہ جمع اولیٰ وانلرک
طعام قایرملرینی بزناحت حرامدن عد ایدردک تنکیم جلاء القلوبده
مذکوردر (آفات لسانک اون دردنجبسی مراددر کہ غیرینک کلامندہ
برخلل بولمہ ایلہ اکاطمن ایلکدر یا عرییت جهتدن کلامک لفظندہ
یامعنا سنده یا خود متکلمک قصدندہ مثلاً دینک کییکہ بولکلام کرچک
حقدر ولکن سنک مرادک بونک خلافیدر اما اندہ تحقیرغیردن و اظهار
کیاستدن غیر برشی اولسہ حرامدر پس مؤمنہ لایق اولان بودر کہ
برکلام اشتدکده اگر حق ایسہ تصدیق ایلہ واکر باطل ایسہ
وامور دینہ متعلق دکلسہ سکوت ایلہ واکر امور دینہ متعلق ایسہ
وسوزینک قبول اولسین رجا ایدرایسہ انکار ایدوب بطلاقی اظهار
ایلہ امارفق واطغله دیہ کہ تنکیم سرور کائنات علیہ افضل الصلوات
بیورمشدر* برکیمسہ مجادلہ وخصومتی حق کنددی اندہ ایکن ترک
ایلسہ جنتک اورتہ یرندہ اکابریت بنا اولنور و برکیمسہ کہ حق اندہ
دکل ایکن ایستیکی خصومتی ترک ایلسہ اکاجنتک کارندہ بریت بنا
اولنور و برکیمسہ کہ خصومت قادتی اولوب حسن خلق صاحبی
اولسہ جنتک اعلا سنده اکابریت بنا قلنور و برروایتده بیورمشدر کہ
عبدک ایمانی کامل اولماز مادامکہ مجادلہ بی ترک ایتمسہ اگر اهل حق
ایسہ ده و برحدیث شریفندہ دخی بیورمشدر کہ مؤمن قرنداشک ایلہ
خصومت و مجادلہ ایلہ واطیفہ ایلہ و خلافتہ کیده جک وعدہ بی
دخی ایلہ* و اصول ار بعینده دیمشدر کہ ایلک کلامندہ دخل و تعرض
ایتمک سببی کاهی اظهار فضل ایچون اولور کہ رعونت طبعدن ناشیدر
یا خود برخصلت سببیدر کہ غیر کیمسہ نک نقصاتی اریوب عرضی
هتک ایچوندرد (اخلاق علائبدہ دیر کہ برآدم بر مجلسده خطاسو یلسہ
بالفظ جهتدن یا معنا جهتدن اول مجلسده انی تخطئه و موضع
خطاسنی بیان و صوابہ ارشاد ایلہ زیرا هم سندن بی منت تعلم ایدر
هم سکا عدو اولور (آفات لسانک اون بشنجبسی جدالدر و جدال
مذهب اثباتہ متعلق اولان یرده در پس اگر مجادلہ ایدہ نک مرادی

بیان آفات مرء و طعن

بیان آداب مهم جدا

خصمی

خصمی مجادلہ قیوب کندینک فضلانی اظهار ایتک ایسہ حرامدر
بلکہ بعضی بفرقتندہ کفردر حدیث شریفندہ بیورمشدر* هدايتد نصکره
هرقنخی قوم ضلالتہ دوشمش ایسہ جدالری سپندن دوشمشلردر*
اما اگر مجادلہ دن مرادی حق اظهار ایسہ جائز بلکہ مندوبدر لکن حق
اظهار ایچون مجادلہ فی زماننا نادردر (آفات لسانک اون التجبسی
خصومتدر کہ کلامده لجاج و عناد در تاکہ برآدمدن مقصودی مال
ویا برحق تحصیل ایدوب حقلاشہ پس اگر خصومتی باطل ایسہ
یا خود ایلک وکیل اولوب بلا علم دعوی ایدرایسہ یا خود خصومندہ
اذا ویرہ جک کلاملر قارشیدر متکی کییکہ اثبات اکامحتاج دکلدرد یا خود
خصومت خصمی قهر ایچون و عرضی کسر ایچون اولورسہ بوجیع
صورندہ حرام اولوش اولور واکر بواوردن خالی اولور ایسہ بودخی
قتی نادردر بوصورتده جائزدر لکن ترکی اولی در مادامکہ خصومتسز
وجوده کلمک نمکندر حدیث صحیحده کلمشدر کہ* ان ابغض الرجال
الی الله الا لدالحصم یعنی الله تعالی حضرت ترینه رجالک اک مبغضی
زیاده خصومت ایدن کیمسہ در و برروایتده دخی کلمشدر* کنی بک اثما
ان لا تزال محاصم یعنی سکا و بال یونندن کافیدر دائما خصومتده اوله سک
و برروایتده دخی کلمشدر* برآدم بر خصومتہ علمی بوغیکن مجادلہ
ایلسہ الله تعالینک غضبندہ اولور مادامکہ مجادلہ سندن واز کیمیه
(اخلاق علائبدہ دیمشدر کہ بعض آدم محضا غلبہ واذلال خصم
ایچون خصومت ایلر حتی خصومتی تمام حاصل واول نسنہ کندینہ
واصل اولدقد نصکره قبول ایتموب آخره ایشار واعطا بلکہ بیانہ رمی
والقا ایدر و مقصودم اکا غلبہ در یو خسہ مال دکلدرد بر بوخلق
خیث و فعل باطلدر و بومقوله خصومتہ مباشرت ایدن احقدر
وجاهلدر موجبی ترغ و تکبدر و خصومت دنیاده موجب تشویش
خاطر و تفرقہ حال و آخرندہ مؤدی عذابی انکاردر و ترکی داریندہ
حضور سلامت و سعادتدر (آفات لسانک اون یدنجبسی ایرلامقدر
و ایرلامق مذموم اولدیغنه قرآن عظیمده دلیل* ومن الناس من یشتري

بیان آفات خصومت

بیان آفات ایرلامق

اهو الحديث * آیت کریمه سیدر و حضرت رسول اکرم صلی الله تعالی
 علیه وسلم ابن مسعود رضی الله عنه روایتند پیورمشدر * غنا یعنی
 ایرلامق نفاق بتورر صوبله بی بتوردیکی کی و ابو امامه رضی الله عنه
 روایتند دخی پیورمشدر هر قنخی رجل که ایرلامقه اواز قویویره الله
 تعالی حضرتلری ایکی شیطان کوندوروب اموزلری اوزرنده اوتوررلر
 و او کچله ایلرله ایرلایانک سینه سینه چار بارلر تا ایرلامقیدن و از کلنجبه دک
 فارغ اولرلر (تاتار خایه نام کابده دیمشدر که غنا جمیع ادیانده
 حرامدر کذلک امام محمد زیادات نام کابده بزم قنیزده و اهل کلب
 قنیزده تغنی معصبتدر دیمش حتی ظهیرالدین مرغینانی دیمشدر که
 زمانه مزک ایرلامق شکسته اوقیان قراسنه بر آدم قرائتی قنیزده تحسین
 ایلسه کافر اولور وجهی بودر که ناسه ایرلامق اجاع امتله حرام
 اولدیغندن اوتوری حرمی قطعیدر ایلدی حرام قطعی بی تحسین
 ایدوب ایو کوزل دیمک کفردر کذلک قطعی قبیح اولانی تحسین ایتک
 کفردر هدایه و ذخیره صاحبیری ایرلامق کاه کبازدندردیدیلر و زمانه
 صوفیلرینک مساجده اهل هوا تازه لره اختلاطیله اذکار و اشعارده
 ایتدکاری تغنی حرام قطعی اولان تغنی قیلندن اولوب بلکه عبادت
 نیتیه ایتدکار بچون هر تغنی حرامدن ایتدکار اما کشتی تنه ایرلرده
 وحشتی دفع ایتک ایچون ایرلامق اشعارله کذلک بیراملرده و دو کونلرده
 چالغوسن ساده جه اشعارله ایرلرده علمان اختلاف ایلشدر کیمی
 جائز و کیمی جائز دکل دیمشدر بوعصرلرده مطلق منع اولمسنه قرار
 ویرمشدر اما اشعاردن غیری قرآن ایله و یادکر الله ایله و یادعا ایله
 تغنی ایتک لحن حرامی مقتضی اولدیغندن اوتوری حرام اولمشدر
 (امام نووی بنیاند کاب حاویدن نقلا دیمشدر الحان موضوعه ایله
 قرائت اگر لفظ قرائتی صیغه سندن اخراج ایدرایسه بعض حرکه بی
 ادخال و بعض حرکه بی اخراجله یا خود بعض کلمه ممدوده بی قصره
 دمقصوره بی مد ایلکله یا خود از کیدن لفظ فهم اولنمبوب معنی
 و بولیه بوقرائت حرام اولوب اوقیان کیمسه انکله فاسق و دکلیان

آثم اولور زیرا قرآن عظیمی نهج مستقیمدن اگری طرزه قومقدر
 الله تعالی قرآن عظیمی اگریلکدن تنزیه ایلوب * قرآن اعرابیا
 غیر ذی عوج * پیورمشدر و حدیث شریفده * اقرؤا القرآن بلحون
 العرب و اصواتها و ایاکم و لحون اهل الفسق و لحون اهل الکتابین
 فانه سیمئی بعدی قوم يرجعون بالقرآن ترجیع الغناء و الیهابیه و النوح
 لا یجاوز حناجرهم قلوبهم هم مفتونه تعجبهم شانهم * دیمک اولور که
 قرآن عظیمی عرب الحانیله و اصواتیله قرائت ایتک اما اهل فسق
 و اهل کلبک رهبانی الحانندن صافنک زیرا تحقیق بند نصرکه بر قوم
 کله که قرآن عظیمی ایرله از کوسیه و رهبانیت و صاغوصاغق
 اوازه سیله اوزادوب اوقیان اما بوغازلرندن آشنی کوکالرینه حکمنک
 تأثیری یوقدر قیلری مفتون اولوب کندی شانلرینه مغرور
 و مسرورلردر و فقها کلامنده دلیلردن بری بودر که امام بزازینک
 قولیدر قرآن عظیمده لحن ایتک حرامدر و معصبتدر و تالی و سامع
 آثمردر و امام زیبای رحمه الله تعالی دیمشدر قرآن عظیمده ترجیع
 ایتک یعنی محاسن اوزاتق حلال دکلدر و انکله اظهار شوق ایتک
 وانی دکلک کذلک حلال دکلدر زیرا فاسقک فسقلری حالنده اولان
 تغنسنه تشبه وارد اما حسن و جمال صاحبی اولان ساده روتازنک
 حسن صوته قرائتی دکلک جائز دکلدر کرسه قرائتنده لحن
 و ترجیع ایلسون کرک ایلسون زیرا اهل هوانک صفات مذمومه سنی
 تحریک ایدر و شهوت طریقله اولنجه نظر دخی حرام اولور حالبوکه
 قرائتی اشتدکده نظر ایتک مقرردر عیون نام کابده بویله ذکر ایدر
 حتی ابن امیر حاج مدخل نام کابده دیمشدر که (و یجب علی حاکم
 البلدان ان یمنع الامرء صبیح الوجه من القراءة برفع الصوت فی المحافل
 و المجالس خصوصاً اذا کان حس الصوت فانه سبب لفتنه عظیمه
 لاهل الهوى و الفسقه کاهو مشاهد فی زماننا) معناسی بودر که
 شهر حاکمه واجبدر که محفللرده و مجلسلرده یوزی کوزل تازه
 او غلجقلری رفع صوته قرآن اوقومادن منع ایدر خصوصاً صوتی

دخی کوزل اولور سه زيرا اهل هوانك و فسقه نك فتنه عظيمه سنه
 سبدر نكيم زمانه مرده مشاهده اولمشدر ايمدى بويته له اولان
 تازه قرآن اوقومق جائز اولدجه صوفيلر مجلسنده آكهييات نامنده
 اولان اشعاري اوقويان نازه ذا كرله نوجه له جواز كوسترلر
 (انك ايچون مشايخ سلف مجلس سماع ايچون برقاج شرط يازمشلردر
 برى بودركه ذا كرك سماعنى دكليان كيمسه كندى نغسندن
 واحوالندن و معاملاتندن غائب اولوب يوسف عليه السلام
 مشاهده سنده حيران اولان خواتين حالنده اولمق كرك صوفيلر
 بومرتبه به فنا مرتبه سي دبرلر ايكنجي شرطى بودركه برهكانده
 اوله لر كه اجنبى كيمسه لر انلره مطلع اوليه اوچنجى شرطى ذا كر
 تازه اوليه واجرتله اوليه در دنجى شرطى ابناء دنبادن ويكتلردن
 كيمسه صوفيه اراسنده قارشمش اوليه بشنجى شرطى نسا
 طائفه سندن ايراق اوله بوشروط بولندقد علماء ظاهر و باطن
 قتنده سماع مباح اولور بوزمانه ده ايسه بوحاللر بولمق هبهات
 هبهات حالبو كه جنيد بغدادى سماعدن توبه ايتديكى مقرر در
 كذا فى العيون كذاك طريقه كلامنه (برسؤال معصومه جواب و يروب
 ديمشدر اما حديث شريفه * من لم يتغن بالقرآن فليس منا * بيورد يغنى
 معناسى اول ديمه دكلدر كه قرآنله تغنى ايتك سنت اوله بلكه قرآنله
 جهرو آشكاره ايتكه محتاج اولان برده فصاحتله اظهار ايتكدر يا خود
 معناسى قرآنله اشعاردن واحاديت ناسدن استغنا ايتك معنا سنه در
 يا خود تجويد و ترتيبلر زيرا قرآنك زينتى اولدر و ابو عبید رضی الله عنه
 بو حديثك معنا سنده ديمشدر برآمده قرآن و يريله وانكله غنى اولديغنه
 راضى اوليه سنت نيتيله عامل اولانلردن دكلدر زيرا برغیرى حديث
 شريفه كيمشدر حامل قرآنه لایق دكلدر اهل ارضدن بر كيمسه بي
 كندودن غنى كوره و اگر جمع دنياه مالك اولسه ائى قرآن ياننده كوزدن
 كوكلدن براغوب قرآنله مستغنى اوله (واخلاق علائده ديمشدر كه
 صوت طبيك استماعى اجناعا حرام دكلدر مثلاً حسن صوتله قرآن

بيان شرائط جواز سماع

عظيم تلاوت اولنسه و لحن و فساد اولماسه مباح بلكه مندوب
 و مستحسندر اما غناى مشهور در كه نغمات و زنگات ايله اشعار اوققدن
 ائمه حنيفيه نك جوابلرى بوجه له در كه اكر دفع وحشت ايچون
 همان كندويه اشتدرمك ايله غنا ايدرسه بعض مشايخ قتنده جائز
 و بعض ذهاده اصحابدن واقعدر اما غير يله لهو و لذت و يرمك يا اخذ مال
 ايچون اولور سه حرامدر اكر فقهائك كلامى بودر و بعض فقهائو كافه
 متصوفه جله دن امام غزالي رحمه الله غنا و سماع جائزدر مادامكه
 ناي و چنك مقوله سي يا نتجه اوليه دبرلر اما بش شيدن برى عارض
 اوليحق سماع و صوت طيب حرام اولور برى صوت اجنبيه خاتون
 و غلام صاحب جمال دخی بو حكمده در ايكنجيسى عارض آلت فسق
 و لهو و مقارن اولمغله بولسزدفدن غيرى اوچنجيسى اشعارده فحش
 و هجو مؤمن اوله يا خاتون اجنبيه و يا غلام انده تصريح اولمش اوله
 در دنجى عارض مستعده شهوت و هوا غالب اوله كر كسه شخص معين
 محبتنه كرفتار اولسون كر كسه اولسون بولنره كوره الغناء رقيه الزنا
 ديمشدر بشنجى عارض مستمع عوامدن اوليه زير انحرىك هوا اولمسه ده
 مباحه اشتغال مداومتله صغيره اولور پس بو عارضلر اولمده امام غزالي
 رضى الله عنه كه شافعى المذهبدر سماع و غناى جائز كور مشدر يسه
 اخلاق علائده ديمشدر كه صوت موزون اوج قسمدر بريسي انسان
 بوغا زندن چقاندرايكنجيسى حيوانات بوغا زندن چقاندربلبل و قرى
 كى اوچنجيسى جاداتدن حاصل اولاندر چنك و عود كى قسم ثالث نص
 شارعله حرامدر و ايكنجيسى مباحدر و اولكى قسمك شانندن اخلاق
 بيان اولندي و جائز كورنلرك شروطى بلد و رلدى وانك عهده سندن
 كلك بو عصرده ممكن اولمديغندن امام بركللى بو عصرده مطلق
 غنا بابتده منع لازمدر ديوتحرير ايلدى آفات لسانك اون سكرنجيسى
 افشاي سر در يعنى كزايجه قصد اولنان ايشى سويلمكدر سروركا ثبات
 عليه افضل الصلوات بيور مشدر كه مجلسلر اما تله اولمق كرك الا اوج
 مجلس اما تله اولمى برى اولدر كه حرام قان دوكله ايكنجى فرج حرامده

بيان افشاء سر

تصرف اولنه اوچنچي بغير حق مال صاحبندن كسيله وابن مسعود
 حضرت نلري بيوردي ايكي كچسه بر مجلسده بر بندن امين اولمق اوزر يته
 اوتورسلر حلال اولما زكه بري برينك سريني فاش ايليله ر وابوسعيد
 رضی الله عنه روايتده حضرت پيغمبر صلی الله عليه وسلم بيورمشدر كه
 يوم قیامتده منزلت جهتندن شرناس اول كچسه دركه زوجه سنه
 يقين اق ايتككه اولاشه بعده بري صاحبك سريني فاش ايليه معلوم
 اوله كه بر مجلسده واقع اولان وياسويلن شئي اكر افشا سي مكره
 اولوب شرعه مخالف اولمسه اني كتم ايتك لازمدر واکر شرعته
 مخالف اولوب حق اللهده واقع اولسه وحدت عزيركي بر حکم شرعي
 اكا متعلق دكلسه كذلك كتماني لازمدر اكر حد شرعه متعلق اولورسه
 يته افشا ايتكده و ايتامكده مخير سن اما ستر ايتك افضلدر مثلاً بر آدمي زنا
 ايدر و ياشرب خرايدر كورسك انلك حقندن كلنك ايچون شهادت
 ايتكدن ستر افضلدر واکر شرعته مخالف اولان يره حق عبد اولسه
 پس اكر افشا ايتكده بر كچسه نك ضرري مقرر اولسه يا خود قصاص
 وضمان كي بر حکم شرعي ضايع اولمق احتمالي اولسه پس غيري يوزدن
 بلمدكه سكا احلام واجب اولور واکر طلب اولورسه شهادت دخی
 واجبدر اما كبر بويله حق عبد اولان يره غيري يوزدن بلمك وغير يلك
 شهادتيله مصلحت بتمك و ياشهادتيله كچسه طالب اولمق واقع اولورسه
 يته كتم ايتك افضلدر اخلاق علائده ديمشدر كه بر شينك كه افشا سنده
 بر قردا شك متأثر ومتضرر اوله اني سويلك خيانتدر بعض اخياره
 صديقي بر سوز سويلديكه اسراره متعلق ایدی بعده صوروب اول سري
 كتم ايلديكي ديدى لابلکه اونتم ديدى بورادن ديمشدر كه صدور
 الاحرار قبور الاسرار شيخ شعراوى منن نام كا بنده ديمشدر كه بو بر
 زماندر كه حضرت رسول الله عليه الصلاة والسلام معاصي وفتك
 وكثرت زنا ولواطه نك وقتلك وشرب خمر وكثيرك كثرقي اولاجفندن
 خبر و يروب بيان ايلشدر ايمدي لازم اولان بودر كه معاصي بي آشكاره
 ايتن كچسه لك عيوني نجسس ايتمه لر زيرا افشا ايتك جائز دكلدر

مكر كه بر مجلسده شرعيه مقتضى اوله اي برادر كچسه نك سريني افشا
 ايتمه اكر قتي خالص دوستكه دخی اولورسه زيرا اكر اول دوستك عقليده
 سادجه اولورسه هر كسه دويوردر واکر كا مل ايسه بعض ناسه
 سويلوب كتمانله امر ايلر اول دخی بر يارانه سويلوب افشا ايتمه سنه
 امر ايدر بو حالله بنون شهره يايلاور وگا هي اولور كه بويله سرك اصلي
 اولوب سوء ظن دن و يابر فاسق دوشمندن اشمككه فاش اولور اجتناب
 لازمدر يته ديمشدر كه توحيد و دقايق شريعتيه متعلق اولان اسراري
 طول امتحان دنصكره اهلنه اعلام ايتك كرك يوخسه خلق قتنده
 مرتبه كوزاين كچسه يه اسرار بلدرمك جائز دكلدر زيرا علم حكمتدندر
 حكمت ايسه اول قلبه كيرمز كه آنده حقك غيري رعايت اولنه وحدتيده
 كمشدر كه حكمتي نااهله ويرمك ظلم ايدر سكر اما اهلندن دخی مانع
 اولمك ظلم ايتش اوليه سز بر دفعه ابو عبد الله قرشي حضور يته
 بر شخص كلوب مذکور شين اسراره متعلق سوز سويلر بولدى همان
 شيخ سوزيني قطع ايلدى كلن شخص ايتدى بندنى اهل طريقك
 معتقدلرنده نم بندن قورقوب اسراري كتم ايتك ديدى شيخ مشارايله
 ديديكه سن بزمه سرداش اولماز سن بزم تجربه مزيرين بولمايچمه
 بزم جماعتدندن بري سنك حضور كده قان السون اكر سنك دخی قانك
 اقوب معاكيدر سه فبها والا اجنبيدن سن پس ساعتيله شيخ مشارايله
 نشتركتورب كندى قولنه اوردى جمله جماعتك قولندن قان جريان
 ايتدى اول شخص باقوب مجابده قالدى واستغفار ايلدى ايمدى
 اول كچسه يي كه بوصفنده بوله سن اسراره مطاع ايله والا واجب اولان
 كتماندر ديو شيخ مسفور ارباب تصوفه بو يوزدن نصيحت ايلشدر
 (آفات اسانك اون طقوز نجبسي خوض باطلدر يعنى باطل كلامه
 طالب كيمكدر زمان ما ضيده ايتديكي معاصي سني ويا غير ينيك
 ايلديكي شرب خمر و زنا ولواطه مقوله سي فساداتني وعشق حرام
 گذشته سني ذكر ايتك هيچ بر غرض يوغينكن بو مقوله كلام حرامدر
 زيرا يانفسك يا غير ينيك معصيتني اظهاردر حاجت يوغينكن ابن مسعود

رضی الله تعالی عنه دن روایت اول نور که قیامت کوننده خطاری اعظم
اولان قوم اکثر یا بومقوله باطل کلامی سوبیلینلردر (واخلاق علائیده
دیمشدر که ملوک ظلمه و جبار به نیک یوب ایچمه لرینی و تنعم و ترفه لرینی ذکر
ایتمک و اطائف فحشیه ایتمک خووض باطل قیلیندن حرام قضیه لر در و قرآن
عظیمده * و کما نخوض مع الخائضین * دیو خبر و یردیکی کفارک حالی
و مالی بیاننده در که قیامت کوننده انلره دین اسلامه کیر میوب طریق
مستقیمدن آیرلر که باعث ندر دینلر کده باطل کلاملره مشغول اولانلر
ایله بزخی اول مقوله باطل و حرام کلاملره طالب کتمش ایدک دیه لر
بونک علاجی اولدر که فکر ایلیه بر فعلکه ترکی اولی و افضلدر و تاضیع
عمر دن غیر ی تحصیلی بوق انی و جوده کتور میه (آفات لسانک
بکر مجبسی مال و منفعت دنیویه جرین ایتمک در اول کیمسه دنکه
انده حتی اولیه بو جر و سؤال دخی حرامدر مکر که ضرورت حالنده
بر کونلک نفقه طلب ایلیه اما بر کونلک نفقه سی اولان سائل تکرار سؤال
و طلب ایلمسه حرامدر مکر که استمبوب و یرلر زیر حدیث شریفده
کلمشدر که * بر کیمسه ظهر غناسی و ارایکن مسئله ده استکثار ایلمسه
جهنم اودنی آلمش اولور دیدیلر که ظهر غنی نه در بیوردیلر که بر کیمسه نک
نفقه سیدر * و ابن عمر روایتنده دخی پیوره شد رسزدن بر یکز سائللک
ایله اول حاله کلور که بوم قیامتده رب العزته ملاقی اولدیغنده یوزنده
ات اثری اولمسه کک حتی رسول الله علیه الصلاة والسلام ابو بکره
و ابوذره و ثوبانه رضی الله عنهم * لا تسئلن شیئا وان سقط سوطک *
حدیث شریفی بیوردقلری بومذ کوران قچیلرینی دوشورد کلرند
رجالک پیاده لرندن استمبوب کنیدی لر دوه دن اینوب آورلردی تا که
سائللک بولمسون ایددی بو حدیث شریفده دلالت ایتدی که سائللک
همان ماله مخصوص دکلدر بلکه استخدام ایتمک دخی شاملدر
خصوصا که استخدام ایندیریلان صبی اولسه یا خود غیر کیمسه نک
مملوک اولسه جدا جائز دکلدر اما کنندی صبی سنی کشی اگر فقیر ایسه
استخدام ایتمک جائزدر یا خود تهذیب و تادیبنی مراد ایلمسه کذلک

مملوکنی و اجیرینی و زوجه سنی کنندی مصالح بیتنده استخدام جائزدر
و شاگردینی بالغ ایسه کنندی رضا سبیله صبی ایسه و لیبسی اذنبه جائزدر
اما یتیم ایسه بلا اجرة جدا جائز دکلدر مکر شریکنی دعوت ایچون
استاذی کوندوره و سائر خدمتیه قوللندر مق شرعی دکلدر اما ضرورت
شرعیه که سائللکی میبجدر سائللکی میبج اکادیرلر که آدمک قوت بومبسی
اولیوب مرضی و یاضعفی سببیله کسبه قادر اولمقدر و صدقه و زکاتک
سائللکی پس برابردر اما دیندن اولان حقنی استمک یا خود بیت المالدن
کنندی مصرفیچون استمک شرعیدر بومقوله لر سائللک دکلدر پس
ضرورت شرعیه مذکوره بولمذ که سائللک مباح دکلدر کسب
واجبدر (نتکیم مشکاة مصابحه ذکر ایدر که بر آدم انصاردن حضور
رسول الله علیه الصلاة والسلام سائللک ایله کادی حضرت پیغمبر
صلی الله تعالی علیه وسلم ایتدی * بیتکده هیچ بر شیکر واره بیدر یلی
بر یلاس دوشمه واردر آلتزه دوشرز و بر قدحکه اندن صو ایچهرز
بویکبسی فقط دنبا لغز واردر دیدی رسول الله علیه السلام ایتدی
وار بویکی شبی بیتکدن کتور پس رجل انصاری واردی کتوردی
و رسول الله علیه السلام تسایم ایتدی و حضرت پیغمبر علیه السلام ید
مبارکله آلوب اصحاب اراسنده قالدیروب خطاب ایتدی که بوشیلری
کیم هستون آور بری قیو آچوب بر در همه آورم دیدی رسول الله علیه
السلام ایکی کره یا اوچ کره من بزید بیوردی بر آدم ایکی در همه آورم
دیدکده سرور کائنات علیه الصلاة والسلام حضرتلری ایکی در همینی
آلوب صاحبی اولان فقیره و یردی و شیلری اول آدمه تسلیم ایتدی
و اول انصاری به بیوردی وار بر در همینی طعامه و یروب اهلکه کتور
و بر در همیه بر بالطه آلوب بکا کتور انصاری دخی امرینه امثال ایدوب
بیوردیکی اوزره ایلدی بالطه بی کتوردکده رسول الله علیه السلام
مبارک الیه صاب کچوردی و انصاری به امر ایتدی وار بوند نصکره
اودون کسوب مدینه به کتوروب صات اما اون بش کونه دک سنی کور میم
دیدی انصاری دخی کیدوب اودنجیلقی ایتدی و انک اوچندن کچندی

اون بشی کون حضور رسول الله کلوب اون در هم فضله سی قالدیغنی
اعلام ایلدی رسول الله علیه السلام بیوردی وارینه دوشمد صاتون آل
بیتکک اوازمنه صرف ایله وسکای بوزدن کسب ایتک قیامت کونده سکا
سائلک یوزقرالغی کتور مکن افضلدر دیدی و بیوردی * ان المسئلة
لا تصلح الا لثلاثة لذي فقر مدقع ولذي غرم مفظع اولذي دم موجه *
معنای بودر که تحقیق سائلک صالح و جائز دکلدن الا اوچ کیمسه به
بری دوشکون فقیره و بری مدیون عاجزه و بری دم دینی ادایه قادر
اولمیا نه در دیو بو حدیث شریف صادر اولمشدر ایمدی بو حدیث
شریف دلالتیه فهم اولندیکه کار و کسبه قدرنی اولان کیمسه به
جراراق حلال دکلدن (وینه طریقتده دیر که سؤالک اقبی اولدر که
لوجه الله اوله حدیث شریفده بیورلشددر * ملعوندر اول سائلکه
لوجه الله سؤال ایلیمه و بر حدیثده لوجه الله طلب اولتماز الا جنت
طلب اولنور * و سؤال مذمومک بری عورت ارندن طلاق و یا خلعی طلب
ایلسیدر و رسول الله علیه الصلاة والسلام بیورمشدر * فغنی عورت
ضرورتسن ارندن طلاقه طالبه اولسه جنت رایحه سی اکا حرامدر *
و مخالف اولنان عورتلر منافقاتدن اولدقلرین حدیث شریف بیان
ایدر و بری عبدک یا خود جاریه نک هیچ بوجهله کوچلکی بوغیکن
افندیسندن صائغنی سؤال طلب ایلسیدر فتاویده ذکر اولنمشدر که
قول و جاریه بو طلبلر یچون تعزیره و تأدیه مستحق اولورلر (بکرمی
برنجیسی عوامک سؤالی ایلسیدر ذات باریدن وصفاتندن و کلام اللهدن
و حروفندنکه قدیمه میدر محدثه میدر و قضا و قدردن سؤال ایلملیر که
انلر انک فهمندن عاجزلدر بو خصوصده حضرت پیغمبر علیه الصلاة
والسلام حدیث معجز نظامنده بیوررناس واره واره سؤالره دوشرلر که
بو الله تعالی حضرتلرینک مخلوقیدر یا الله تعالی حضرتلرینی کیم
خلق ایتدی دیرلر بر کیمسه که بویله یه اوغراسه * آمنت بالله و رسله *
دیسون و بر روایتده * اعوذ بالله من الشیطان الرجیم * دیسون
و بر روایتده بویله سوره دوشدکلرنده * الله الصمد لم یلد ولم یولد

ولم یکن له

بیان آفات سؤال من صفات
الله و ذاته والقضا والقدر

ولم یکن له کفوا احد * دیسون وصول جانبیه توکورسون و شیطاندن
استعاذه ایلسون و بر روایتده الله تعالی حضرتلری قیل و قالدن و کثرة
سوء الدن و اضاعت مالدن نهی ایلمشدر دیو بیورلش و حدیث شریفده
* تفکروا فی آلاء الله ولا تفکروا فی ذات الله * بیورلشددر یعنی الله
تعالی حضرتلرینک نعمتلرینی فکر ایدک اما ذاتی فکر ایلک (واخلاق
علا بیده مذکور در که بر کیمسه عمر بن عبد العزیز حضرتلرینه
سر قدردن سؤال ایدیچک (ان الله لا یطالب عما قضی و قدر و انما یطالب
بما نهی و امر) دیدی معنای الله تعالی حضرتلری قوانی قضا و قدر یله
مطالبه ایتمز انجیق امر و نهی ایتدیکیلکه مطالبه ایدر بزه لازم اولان
انک امرینه امثال و نهیندن اجتنابدر * و معلوم اولاکه بوقضا و قدر
سؤالنده اولانلر اکثر یا جبری مذهبیه ذاهب اولمشدر اما جبردخی
ایکی قسمدر برینه جبر محقق و برینه جبر مقلد دیرلر جبر محقق اولدر که
جمع اوامره امثال و نواهییدن اجتناب ایتدکن صکره جمع امور یکی
حقه تفویض ایدوب اختیاری اسقاط ایده سن اما جبر مقلد اولدر که
جمع امور یکی هواکه تفویض ایدوب نفسکک شهواتنه تابع اولوب
اوامر و نواهی اختیارینی اسقاط ایدوب دیه سن بنم اختیار و قدرتم
یوقدر از لده نه یا زلدیسه اول کلور دیه سن بو کلام ایسه کفر در دیو
شیخ حاجی خلیفه بو کلامی تقریر ایلدیکنده سنان پاشا ابن خضربک
وقاضی زاده و حسن سامسونی حضور لرنده واقع اولوب جله سی
تحسین ایدوب پسند ایتدیله جله مزک بومسئله ده مشکلی وار ایدی
دیدیلر بعده شیخ مذکور انلره حکایت ایدوب دیدیکه بردفعه حضرت
حبیب الله علیه الصلاة والسلام اصحابنه چیقوب انده ایکی کتاب
وار ایدی برینی صاغ الله و برینی صول الله طوتمش ایدی پس خطاب
ایدوب دیدیکه ای اصحاب ایشته بو کابلر الله تعالی حضرتلرندن
بزه و برلشددر صاغنده اولان کابده اهل جنتک آدری یازلشددر صولمده
اولان کابده اهل جهنمک آدری یازلشددر اصحاب کزین اتی اشتدکده
بویله اولنجیه عملی ترک ایده لم دیدیلر حضرت رسول اکرم سعادته

بیان تحقیق قضا و قدر

بیوردیکه * اعملوا فکل ميسر لما خلق له * معنای عمل اینکه هر بزرگ
خلق اولئان شبهه قولایندسه وحاضر لنسه كرك یعنی حضرت پیغمبر
صلی الله تعالی علیه وسلم مراد ابتدیکه اهل جنتك علامتی واردر
هر کجده که اول علامت بولنسه اهل جنت اولور و اهل جهنمك علامتی
واردر که هر کجده اول علامت بولنسه اهل جهنم اولور بعده شیخ
مشار الیه دیدیکه لازم در که اهل جنت علامتی تحصیل ایده رز
نتکیم اصحاب کرام جدوجهد ایدوب کما به اعتمادا علی ترک ایتدیلر
پس شریعت رسول الله تبعیتله اهل تحقیق مقامه ایرشد که قدرت
واختیارم یوق جمله سی حق دندر دیسک صحیحدر و اهل تصوف
بومقامه مقام مشاهده و مقام تسلیم دیرلر شقایق نام کابده بویله
مذکور در آفات لسانک یکرمی ایکنجهسی مشکلاتدن و مغلطه دن
سؤال ایتکدر بودخی اگر مؤمن قرنداشتی یا کلمات و نجیل ایتک ایچون
ایسه حرامدر حضرت معاویه رضی الله عنه روا یئنده کلمشدر که
حضرت محمد علیه الصلاة والسلام امتی اغلو طائندن نهی ایلدی
یعنی یا کلامد احق کلاملری صور مادن و سوبلدن اما اگر بونلردن
سوالی او کرتمک و یا او کرتمک ایچون یا خود تشحید خاطر و یا امتحان
ازهان و یا تأملنه ادمان ایچون اولور سه مستحیدر (آفات لسانک یکرمی
او چنجیسی تعبیرده خطا در و خطائک دقیقلرنددر نتکیم ابوهریره
رضی الله تعالی عنه رایتده کلمشدر که رسول الله علیه الصلاة والسلام
* لا تسموا العنب الکرم * یعنی ازومی کرم تسمیه ایتک و باغه کرم
دیمک لرینک سبی بودر که زمان جاهلیتده عرب طائفه سی باغدن
حاصل اولان خردن کرم طبع حاصل ایلدکلری اجلدن باغ چبوغنه
کرم دیدیلر پس رسول اکرم بو خصوصدن منع ایدوب بعده دیمشدر
* کرم رجل مسلم انکوره عنب و چبوغنه حبله دیوک * بیوردیخی تعبیرده
خطا دن صاقدنرمق ایچوندر کذلک کندی عیوبدن تنزیه ایدوب و عیوب
ناسی ذکر ایدوب اجمیق بوزندن تحقیر قصدیلر بوناس هلاک اولدیلر
آخرت لرین بیوردیلر دین کیمسه هلاک جهنمدن اشدیلر دیو رسول الله

علیه الصلاة والسلام بیورمشدر اما چنکم بویله سوزی سوبلد که
کندیسنی دخی انلر ایلر معا هلاک مرتبه سنه طو توب و نفسی انلردن
زیاده تحقیر ایلسه لا بأسدر امام مالک بویله دیمشدر کذلک رسول
اکرم صلی الله علیه وسلم نهی ایلشدر پرایشی وجوده کتورمک مراد
ایلدکلرنده الله تعالی حضرتلری دیلر ایلسه و فلان کیمسه دیلر ایلسه
دیمسونلر بلکه الله تعالی بعده فلان کیمسه دیلر ایلسه دیو کلام صوابی
پیان ایلشدر کذلک بو مقوله اول الله ینه سز واللهدن ینه سز دن
دیمک صحیحدر بو خسه بر محمد فعل خدا ایلر کسب عیدی برابر
طو تمق کرك کذلک جامع الصغیرده دیمشدر پیغمبر حقیچون و یا کعبه
حقیچون دیو عین ایتک مکروهدر زیر مخلوقک خالق اوزر ینه حتی
بو قدر اما فلانک حرمتیچون دیمک جائزدر کذلک بمقعده العزم من عرشک
دیمک مکروهدر عینک تقدیمیلر و تأخیریلر و خلاصه ده مذکوردر بنم
ایمانم جبرائیلک ایمانی کیدر دیمک مکروهدر انجیق جبرائیلک ایمان
کتوردیکنه بندخی ایمان کتوردم دیه کذلک کشی باباسنی و عورت اریخی
اسمیلر چاغرمق مکروهدر و حدیث شریفله نهی اولمشدر کشی نفسم
خیبث اولدی دیمیه انجیق نفسم قسوتلی اولدی دیه و رسول الله صلی
الله تعالی علیه وسلم نهی ایتشدر کیمسه مملوکنه قولم و یا امهم دیمسون
زیرا جمله کز حق قوللری و زوجهلر یکر امهلر یدر انجیق کولهیه
اوغلان و یا یکیت و امهیه جاریه و قراوش مقوله سی کلام دیمک کرك
مملوک دخی افندیسنه رب دیمسون سید و سیده دیسون زیرا جمله کز
حق قوللری و بکر پردر و براسم مذموم اولسه تغیری سنتدر رسول
الله صلی الله تعالی علیه وسلم عاصیه جملیه و حزنی سهله و عزیزی
و عتله بی و شیطانی و حکمی و غرابی و شهابی تبدیل ایلشدر و حربی
سلمه و بره زینه و مره جریره تبدیل ایلشدر و فلانک عینندن
چیقدی دیمک مکروهدر دیو بیورمشدر ابو الحکم ایلر کنیه ایتکدن منع
اولمشدر اسمائک اقبحی ملک الاملاک اسمیدر و غلامک اسمنی یسار
و رباح و نجیح و افلح و برکت و نافع قومقدن منع ایلشدر زیر بونلردن

بیان آفات نفاق قولی

بر یسئک اسمیله موسوم اولان بونده میدر دیند کده اولما نیجه بوقدر
دیمک اقتضا ایدر پس خیری نفی ایتک معناسی وارد (آفات لسانک
یکرمی دردنجبسی نفاق قولیدر که کولکنده اولانک خلافتجه سویلبوب
اظهار محبت ایتکه دیرلر ابن عمر رضی الله عنهما به سوال ایلدیلر که امراره
داخل اولدیغیزده برسوز سویله رز و چیقادیغیزده غیر کلام سویله رز
این عمر ایتدی بزبونی حضرت پیغمبر علیه السلام زمانده نفاق عد
ایدردک و بوقیلدندر کاذب اولان کیمسه بی تصدیق ایلک جابر رضی
الله تعالی عنه روایت ایدر که حضرت پیغمبر آخر زمان علیه صلوات
الرحمن کعب بن عجره به پیوردی * الله تعالی سنی سفها امارتندن حفظ
ایلسون امارت سفها نه در یار رسول الله دیدی پیوردیکه پند نصکره
امرا اولور که بنم هدام ایله هدایت بولازلر و بنم سنمله ضیالمنزل
بر کیمسه که انلرک کذبخی تصدیق ایلسه انلر بندن دکل و بن انلردن دکل
یعنی شفاعتدن محروم اولانلردر و اول کیمسه که انلری تصدیق ایلسه
و ظلملرینه معاونت ایلسه انلر بندن و بن انلردنم و آخرته حوضه
ورود ایدرلر یا اباعجره راه آخرته سلوک ایدنلر ایکی صنفدر بر صنفی اعمال
صالحه ایله نفسلرینی عذاب اللهیدن اشترا و تخلص ایدنلردر و بر صنفی
دخی ترک اعمال و اتباع هوایله نفسلرینی اهلک ایدنلردر ایمدی امرا
و کبرایه واروب کلنلر بو تصدیق کذب و اطانت ظلمدن آزدن آرخالی
اولورلر اما بویله ایکن ضرر و شرلرینی دفع ایلک ایچون مدارا ایتک
جا زدر و بونک ضنده مداهنه دیرلر که شرلرینی و ضررلرینی دفع ایلک
ملاحظه سی اولقسین این امور دینه ده کوشکلکدن و قایمقدن ناشیدر
نتکیم بیانی مرور ایلدی (وتنبیه المغترینده دیمشدر سلف صالحین اهل
نفاق اولان مؤمنله غیری مؤمنک مقامی برطوتمبوب مرتبه ده منافق
تنزیل ایدرلر دی و منافق حضرت پیغمبر علیه الصلاة والسلام خبر
و یردیکی علامتله بلورلر دیکه علامتلرندن بری سویلسه یلان سویلر
وعد ایلسه خلف ایلر امانت و یرلسه خیانت ایلر خصوصت ایلسه
شر یعتدن خارج سوز سویلر و مسجده احبانا کلور و نمازه کج کلور

و خلقله

بیان آفات ایکی یوزلیک

و خلقله مألوف اولمز و خلق دخی انکله الفت ایتمز و خلقدن بیوکلنور
بولر حدیث رسوله ثابت اولان علایمدر اما تابعیندن امام اوزاعی
دیمشدر که منافقک علامتندر کلامی چوق و عملی آزاو لوق و فضیل بن
عباض دیمشدر منافقک علامتی اولدر که کندنده اولیان شبنله مدح
اولمغنی سومک و اولدیغنی شبنله ذم اولمغنی سومک و عینی دی و یرن
کیمسه به بغض ایلک و اقراندن کیمسه نک عینی اشد کده سونک واقع
اوله (وسید علی خواص رحمه الله دیمشدر سزدن بریکرک قصدی
مؤمن قرنداشکزن غصه سن کیدرمک و یا اکا احسان و یادعاء خیر ایتک
اولسه حالک نیجه در دیو سوال ایتسون زیرا نفاقدن کولکدن دکلدر
(آفات لسانک یکرمی بشجبسی ایکی دلیلکدر و ایکی یوزلیک دخی
دیرلر که ایکی دشمن اراسنده هر برینه کندینه موافق سوز سویلر سن
یا خود برینک کلامی آخره نقل ایده سک یا خود برینک آخره ایتدیکی
عداوته تحسین و پسند ایده سک یا خود عدولدن هر برینه نصرتله
وعد ایده سک و بو خصلت نفاق متضمن اولدیغندن اوتوری نفاقدن
بتردر بوسیدن سرور کائنات علیه افضل الصلوات پیورمشدر که
* بر کیمسه دنیا ده ایکی یوزلی اولسه یوم قیامتده جهنم آتشدن ایکی
لسانی اولور * و بر حدیث شریفنده پیورمشدر یوم قیامتده شرناس
کیم اولدیغنی بلورمبسن اول ایکی یوزلی آدمدر که برینه بردرلو و برینه
آخر درلو سویلر (آفات لسانک یکرمی التجبسی شفاعت سیئه در که
انک آفت اولسنده قرآن کریمده دلیل * ومن یشفع شفاعت سیئه
یکن له کفل منها * آیتدر معنای شریفی بر کیمسه که شفاعت سیئه
ایله شفاعت ایلسه اول سیئه دن نصیبی اولور و حدیث رسولدن دلیل
ابن عمر رضی الله تعالی عنه روایتدر که پیورمشدر * بر کیمسه نک شفاعتی
حدود الهیه به حائل و مانع اولسه تحقیق الله تعالی حضرتلرینک حکمنه
ضد اولمش اولور و شفاعت سیئه چوقدر جمله دن بری قاضیلاک
و بکلک و تولیت الملق ایچون شفاعت ایتکدر اهل اولسون کرک اولسون
زیرا حضرت پیغمبر علیه السلامدن بو خصوصلرده نهی وارد اولمشدر

آفات شفاعت سیئه

بیان علامت منافق

و بوخصوصی صاحب طریقت رساله سنده زیاده تفصیله کتورب
دیمشدر که فی زمانتا قتی مصیبت واعم بلیه در که اعیان واکابر اهل حق
و اصحاب شریعت پندیده واسطه اولوب ترویج وشفاعت سیئه ایل
منصب البوریرلر زیر اجهله وفسقه اهل علم هیئت کیروب کیمی رشوتله
و کیمی مسخره اغله اعیان واکابر توسل ایدرلر و بونلرک اوجندن منصبه
نائل اولیحق شریعت محمدیه بی بلزلر واول بوله کتزلر همان کندی هوا
باطلارینی و رای فاسد لری شریعت و حکم الهی دیرلر ضال و مضل
اولورلر و واسطه اولوب شفاعت ایدنلر الله تعالی به ورسولنه وجیع
مسئله خائن اولورلر نیکیم بو حدیث شریف دلالت ایدر * شبستان
شیتان فی الاسلام الرشوة و الشفاعة فی الاحکام * یعنی ایکی شی دین
اسلامده شین و عاردر احکامده شفاعت و رشوت شینلر ایدر که دین
اسلامی بوزان بوا یکی شیدر و بوقیلدندر اهل اولمیان کیمسه به امانت
و یرله دیو شفاعت ایتک یا خود اولی سی و ارایکن ادنایه شفاعت ایتک
و مؤذنلک و مدرسلک و معلملک دخی بویله در و بونک کی شفاعتک سبی
طمع خام و حب اقربا و احباده اما کشی به لازم اولان بودر که محبت
حق و کندی نفسنی ترجیح ایلوب ایلک دنیا سندن اوتوری کندی
حقه و خلقه خائن ایتیه و ناسدن حجاب و خوف ایتکدن الله تعالی نیک
حیا و خوفنی تقدیم ایلیم حقیقتده نفع و ضرر رزاق عالم خدای
تعالی دن در و بو شفاعتک ضنده شفاعت حسنه دیرلر نیکیم قرآن عظیمده
* من یشفع شفاعة حسنة یکن له نصیب منها * پیورلشدن معنای
شریفی اول کیمسه که شفاعت حسنه ایله شفاعت ایلیم اول حسنه دن
اگانصیب واردر و بو خصوصده ابو موسی الاشعری رضی الله تعالی عنه
روایت ایدر که رسول اکرم صلی الله علیه و سلم بردفعه اوتورر ایکن
بر آدم کلوب رحاجت طلب ایتدی که رسول الله علیه السلام اکادعا
ایلیه پس اصحابه دونوب پیوردی * شفاعت ایلک ما جور اوورسکن
والله تعالی حضرتلری دیلدیکنی رسولی اسانندن قضا ایدر پس
اصحاب بو حدیثلری دیمشدر که حوایج مباح اربانه شفاعت ایتک

واردر ظلمی دفع ایچون و احسان و عطاء مباح ایچون کذلک حد معین
اولمیان یرده شریعت طرفندن شفاعت ایتک واردر اگر صاحبی کاهنه
مصر دکل ایلیم اما اگر مصر ایلیم شفاعت ایتک بو قدر تا که حقندن
کلنوب ذنب و اصرارندن و از کچه و نفسنی اصلاح ایلیم (و شیخ
شعراوی منن نام کابنده حضرت عایشه رضی الله تعالی عنهادن نقل
ایدر که دیمش بر کیمسه مؤمن قرنداشیچون بر شیده شفاعت ایلیم
پس انک مقابله سنده بر شیی هدایه ایلدکننده قبول ایلیم کباردن
بر بانی فتح ایتش اولور شیخ مذکور دیر که بونک سر و حکمتی بودر که
شفاعت قربات شریعه دن و طاعت مسنونه دندر پس دنیاده انک اوزرینه
اجرت آلق لایق دکلدر ایتدی عاقله بو نصیحت کافیه در شفاعت
حسنه مقابله سنده هدیه جائز اولمدیقه یا شفاعت سیئه ایله آوده اولان
ایش ارلر یتیه هدیه و اجرت آلق نیجه حلال اوله بوندن فهم ایتک کرک
حتی شیخ شعراوی دیر که والیر قنده بر شفاعت ایتدی کیم کیمسه نیک
بر دفعه سهوا طعمانی یمک واقع اولدی انی دخی تعقل ایدوب استغفار
ایلدیم دیمش (آفات لسانک یکر می یدنجیسی امر بالمنکر و نهی عن
المعروف و بو خصلت منافقین صفتدر نیکیم الله تعالی حضرتلری
قرآن عظیمده بیان ایدوب پیورر * والمنافقین والمنافقات بعضهم
من بعض یأمرون بالمنکر وینهون عن المعروف * معنای شریفی منافق
ارلر و منافقه عورتلرک حالی و شانی شودر که بعضیسی بعضیسنه منکر ایله
امر ایدرلر و خیردن نهی ایدرلر و ظلمه امر ایلک و اسانله معاونت ایلک
بو خصلت تحتنده داخلدر و بونک ضدی امر بالمعروف و قدر تنفیذه قدرت
قتنده فرض کفایه در نیکیم الله تعالی نیک * ولکن منکم امة یدعون الی الخیر
و یأمرون بالمعروف وینهون عن المنکر و اولئک هم المفلحون *
بو خصوصده نازل اولمشدر معنای شریفی سزدن رجاعت اولسونکه
خیره دعوت ایلیم و خیر ایله امر ایلوب منکردن نهی ایلیم و بوصفاته
موصوف اولنلر مقصوده نائل اولنلر در و حدیث شریفده * من رأى
منکم منکرا فلیغیره یسده فان لم یستطع فلیسانه فان لم یستطع فلیقلبه

بیان آفات امر بالمنکر و نهی
عن المعروف

وذلك اضعف الايمان * ديمك اولور كه سزدن بر يكرز بر منكر كورسه
اني اليه تغير ايلسون اكر اليه قادر اولمازسه لسانيله تغير ايلسون اكاده
قادر اولمازسه قلبيله بومنكر در ديورضا ويرمسون وبوقلبيله اولمق
ايمانك قتي ضعفنددر پس بو حديث دليلدر كه هر كسه بو خصلاص
واجبدر وبوترتيله عمل ايتك اكثر علمانك قولي وفتوي بونك اوزرينه در
وعلمانك بعضي ديمشدر كه اليه تغير امارايه وحكامه در واسانله علمايه
وقلبيله عوامه در وامام اعظم دن بويله مرويدر كه بواجلمدن ذي قيمت
اولان طنبور وامثالي آلات لهوي بر كپسه اذن حاكمنز كسر ايلسه
ضمان لازم كلور وامر بالمعروف ونهي عن المنكر وجوينده آمر وناهي
كنديسي امر ايتديكيله عامل ونهي ايتديكندن مجتنب اولمق شرط
دكلدر زيرا اصحاب كزين رضوان الله عليه اجمعين حضراتلري
رسول الله صلى الله عليه وسلمه يارسول الله حالمزه وقالمزه مطابق اولمق
ايچون كنديمر عامل اولديغمن امر ونهي ايتيه لمي ديوسوال ايلد كلرنده
بيور ديكه اكر معروف اولانك كلبيله عامل اولموب منهينك
جمله سندن اجتناب ايتز سكرده يته امر ونهي ايتك اوزر يكره لازمدر
كذلك بيور مشدر زمان اوائلده ضلالتنه دوشن اهل قريه نك ايچلرنده
صلحاوارايكن جمله سنك عموما هلاك اولميرينه باعث مشاهده ايتدكلري
معاصيده قهاون ايدوب سكوت ايلدكلريدر وخواص وعوامدن
كور دكلري منكراته انكاره قادرلر ايكن منع وانكار ايتدكلر ايچون انلك
عذابيله معذب اولورلر زيرامعاصينك شوملخي ونحوستي عمومه
سرايت ايدر نيكيم شيخ شعراوي بخاري حديثلرندن نقل ايدر كه
بيور مشدر * اذا مات العبد الفاجر استراحت منه العباد والشجر
والدواب * معناسي بودر كه جن عبد فاجراولسه عباد الله واشجار
وحبوانات جمله سي اندن استراحت ايدرو بو كلامك بياني بودر كه بر كپسه
ر بسنه عاصي اولسه جميع خلقه بلانك نازل اولماسنه سبب اولور اول
قريته دلالتيله كه الله تعالى حضرتلري بني اسرائيل زماننده بر شهر
عظيمي بر آدمك كنههي سبيله يره كچوردی وبو حديث شريف

دليليله كه حضرت محمد عليه الصلاة والسلام بيور مشدر * اذا كثر
الخبث عم العقاب الصالح والطالح * بوسبیدن رحمت خاصه وبلا عامه در
دينلشدر وبونك سر حكمتي بودر كه اكر بلا يالكر عاصي اوزرينه
نازل اوليدي بر لمحده يريوزندن عاصيلرك اثرى قالقاردی بواجلمدن
الله تعالى حضرتلري جمله خلقه بلا يي تفریق ايدر رحمتي غضبته
سبقت ايتديكي بابتدئكه عاصيلره اول عقوبة عظيمة نك بعضي نازل
اولسون اما مطيع اولان كپسه يه رحمتك اكثرى نازل اولور زيرا حقك
محبوبيدر پس ناس بلا يي ظاهرا كوردكلر ايچون رحمت خاصه در
ديدلر حالبو كه رحمتك دخي عمومي واردر مؤمن مطيعك قوت وطاعتنه
كوره قوكشيلرينه واهل بلدنه حتى بعضينك كندي طورديغي
اقلچنه دخي نفعي واثراطاعتي راجعدر وبوعوم رحمتي تا كيدايدر
صحيح مسلمده واقع اولان حديث شريفدر كه حضرت سرور كائنات
عليه افضل الصلوات جهينه قبيله سندن برخا توني زنا ايچون
رجم ايتد كده وفات ايتدي پس رسول الله عليه الصلاة والسلام انك
نماز بني قلمغه قصد ايتد كده حضرت عمر رضی الله تعالى عنه ايتدي
يارسول الله زنا ايدنه نك نماز بن قبلارميسن پس حضرت عليه الصلاة
والسلام ايتدي بو خاتون بو مرتبه توبه ايتديكه اكر انك توبه سي اهل
مدينه دن پشم كپسه يه تقسيم اولنسه جمله سنه بتردي يا عمر هيچ بوندن
افضل اولور ميكه كندي نفسني كتوروب الله عظيم الشانه تسليم ايليه
وديه كه زنا ايتدم بكا قامت حد ايله كذلك حضرت ماعزي حضرت
رسول الله عليه الصلاة والسلام رجيم ايتديكندن ديديكه بو آدم
شويله توبه ايلديكه اكر توبه سي پراهلنه قسمت اولنسه جمله سنه بتردي
ايمدي معلوم اولديكه شخص واحدك توبه سي بو مرتبه رحمت حقه
سبب اولديغي برده سائر طاعت وعبادت نه مرتبه فائده ايدوب عوم ناسه
رحمتي موجبدر انكيچون معصيتدن منع ايدوب طاعت وعبادته سوق
ايتكمكه مأمور اولمشوزينه طريقتده دير كه حضرت پيغمبر عليه الصلاة
والسلام بيور مشدر كه لا اله الا الله كلمه سي البته فائده واروب

اوزرندن نعمت و عذاب دفع ایدر ما دامکه حقنی استخفاف ایلمه لر
حقنی استخفاف ندر یار رسول الله دیدیلر بیوردیکه حقیق معاصی سنه
نظر ایلمیوب انکار و تغیر ایلمه لر بر حدیثنده رسول الله علیه الصلاة
والسلام بیان ایلمشدر که بنی اسرائیل معاصی به دوشد کمرنده علماسی
انلری نهی ایلدیلر اما سوزلرین طوع و نهدیلر اند نصکره انلرایله
قونوشدیلر بیله دیدیلر ایچدیلمر پس الله تعالی حضرت تلمری انلرک بعضیسنک
قلوبی بعضیسنه طوقوندورب داود و عیسی علیهما السلام لسانی
اوزره انلره لغت ایلمدی حضرت محمد علیه الصلاة والسلام بو کلامی
طایا نوب سویلمرکن همان طوغری اوتوروب اهتما مندن دیدیکه اول
الله حقیقونکه بنم نفسم ید قدرنده در سزدخی نهی ایندکلیکری
نهی اکیدایله منع ایتمز سکر انلرک عذابنه مستحق اولور سز و بو
حدیث شریف دلالت ایدر **که** بغض و غضب و هجر و عدم
اختلاط معصیتدن و از یکجهنمه لازمه در تا که اثم و وبالدن خلاص
میسر اوله و امر بالمعروفک فضیلتی باینده کلن حدیثدن بری
بودر که جمیع اعمال برک و فی سبیل الله جهادک ثوابی امر بالمعروف
ونهی عن المنکرک ثوابی یاننده بر پیایان در پایه نسبت ایله بزاق
قلیل کیدر بیورمشلر و فقهاءنک دخی کلامی بونک اوزرینه مبنیدر که
دیمشلامر بالمعروف ونهی عن المنکر جهاددن افضلدر زیرا کشی
یقینا قتل اولماسنی و دشمنانه ظفر بولماسنی بیلجه جهادک ترکی جائز
اما حق سوزی سویلمیان واعظ قتل اولماسنی بیلسه ینه سویلمسی
جائز و افضل شهدادن اولمش اولور نیکیم حدیث صحیحده کلمشدر که
سید الشهداء حمزة بن عبد المطلبدر و اول کیمسه در **که** حاکم
ظالمه قارشو طوروب امر ونهی ایتمکله قتل اولندی و بر حدیثنده
* افضل الجهاد کلمه عدل عند سلطان جائز و امیر جائز * معناسی
جهادک افضلی ظالم پادشاه و یا بک قتلنده حق سوزی سویلمکدر
و حضرت رسول اکرم صلی الله تعالی علیه وسلم بیورمشدر که بندن اول
اولان هر بر امتک حواریونی و اصحابی واریمشکه پیغمبرار بیک

سنن طوتارلر ایش و امرینه او یارلر ایش اما اندن صکره بر ناخلفلر
قالورلر که ایتمکلیرنی سویلمرلر و امر اولمقدقلرنی ایشلرلر اول کیمسه که
انلرایله ایله و لسانیه و قلبیه مجاهده ایلمه اول مؤمندر اما بونلردن
بر یسیه مجاهده سی اولیانک حبه خردل قدر ایمانی بوقدر الحدیث
تنبيه المفترینه ده او یس القرنی حضرت تلمرینک کلامندن نقل ایدر که
دیمشدر حق سوزده ثابت قدم اولان کیمسه کندینه دوست قومار
و هر کیم ناسه تقوایی امر ایدوب منکردن نهی ایندیسسه انی عظیم
ذم ایله سوکرلر و عرضنی بقارلر عمر بن الخطاب رضی الله تعالی عنه
حضرت تلمری دیمشدر ناسه بر زمان کله که انلرک صالحی اول کیمسه
اولور **که** معروفله امر منکردن نهی ایتمه پس خلق دیه لر که
بزبوان مدن ابو کیمسه کورمدک و حذیفه رضی الله تعالی عنه بر دفعه
عمر فاروق رضی الله تعالی عنه حضرت تلمرینه کلوب محزون بولیحق
سؤال ایدر که سببی ندر حضرت عمر ایش قورقوم بودر **که** بندن
بر منکر صادر اولوب سز بکا تعظیما نهی ایتمه سکر حذیفه ایندی
یا امیر المؤمنین اگر بر طریق حقدن سنی چیقمش کورسک اندن نهی
ایدر **که** اگر سوز طوعنر ایسک قلیج ایله بونک اورردق حضرت عمر
بو کلامدن غایبده مسرور اولوب ایندی الحمد لله که بنم اصحابم وارد
اگری کنسم طوغر و لدرلر و حذیفه بن یمان رضی عنه دیمشدر که ناسه
یقینده بر زمان کله که امر ونهی ایدن مؤمنله اوتورمقدن بر حار جیفه سی
ایله اوتورمق کندیلرینه زیاده سوکلیدر علی بن ابی طالب کرم الله
وجهه دیمشدر یقینده ناسه بر زمان کله که منکری منکر اولان عشر
ناسدن آز اولور اندن صکره اول عشرده کیدوب هیچ بر کیمسه منکری
انکار ایتمسه کرکدر (آفات لسانک یکرمی سکر نجیسی عنقه کلامدر
و کلامک عنقه سویلمیوب هتک عرض ایلمک باخصوص آشکاره جه
محل و مستحق اولیان کیمسه لره غایت خطادر اما محل اولانلر که کفره
واهل بدعت و ظلمه در رفق و لیلله نهی عن المنکر فائده ایتمز ایسه عنقه
تأدیب و تعزیر و اقامت حدود رعایت اولنمق لازمدر الله تعالی کفار

حقنده * واغلظ عليهم * بیوروب انلره کلامله وفعلا غلظت ایلمکله
 مأمور اولمش زانی وزانیه حقنده * ولاتاخذکم مما رأفة فی دین الله *
 بیورمشدر پس بومقوله فسقه وخریه دین حقنده مرحت ورافت
 اولمیبوب اوزلرینه دوشن احکام شرعیه بی اجرا ایتمکله مأمور ز
 اما بومقوله فسقه وظلمه نک ما عدا سنه طنلوسوز وکول یوزایله معامله
 ایتک مستحبد رنتکیم رسول اکرم صلی الله تعالی علیه وسلم بیورمشدر
 * اطعام طعام وافشاء سلام وحسن کلام موجب جنتدر وجنتک
 کمال لطافتدن طشره سندن درونی ودروندن طشره سی کورینور
 برقصه شفاف وارددر که کیچمه لرده خاتی او یور ایکن بیدار اولوب
 وکلام طیب ایله تکلم ایدوب واطعام طعام ایدنلر ایچون حاضر لشمدر
 وپرستله کول یوزایله سلام ویرمکده صدقه ثوابی وارددر * دیو
 بیورمشدر وصرط سویده دیمشدر قوت غضبیه نک رذالتدن بری
 عبوس الوجه اولوب اظهار کراحت وقلت تبسم ایتکدر وحضرت
 حبیب الله علیه الصلاة والسلام هر بار که بر مغمووم و محزون کورسه
 ناغم کیده رنجیه دک لطیفه ایدردی ویدردی * ان الله یغض المبیس
 فی وجوه اخوانه * یعنی اخوانی یوزینه عبوس الوجه اولانه الله تعالی
 حضرتلری بغض ایدر و بر حکیمه سؤال ایتدیلر که معیشت جهتندن
 نک دست و دوستلری قلیل کیمدر جواب ایتمش که ناس ایله عبوس الوجه
 یکنوب انلره نادانلق کوسترن کیمسه در (روایت اولنور که حضرت
 یحیی ایله حضرت عیسی صلوات الله علی نبینا وعلیهما السلام
 بر برلینه ملاقی اولوب حضرت عیسی علیه الصلاة والسلام کول یوز
 کوستردیکنده حضرت یحیی علیه الصلاة والسلام ایتدی بن سنی قتی
 شادمان کوردم کویا که قهر خدا دن امین سن حضرت عیسی ایتدی
 بنده سنی قتی عبوس الوجه کوردم کویا که رحمت حق دن نا امید سن
 حضرت عیسی دیدیکه بو خصوصده وحی نازل اولدجه بن حاملدن
 بحکم پس الله تعالی حضرتلری ایکی سنه دخی وحی ایلدیکه سزدن بکا
 اک سوکلی کنز کول یوزلو کزدردیو پیور دیلر و اسماء حسنی شارحی

بهاء الدین زاده القابض الباسط اسملری تحقیقنده دیمشدر که
 حضرت عیسی علیه السلام باسط اسمنه مظهر و حضرت یحیی
 علیه السلام قابض اسمنه مظهر دوشدیکندن بری فرح و شادانده
 و آخر ترخ و خرنده ایتمشلر تکیم شتاء سرد و شب تاریک مظهر اسم قابض
 و آثار ربیع و صیف و نورانی ایام مظهر اسم باسط در دیو بیان ایتمشلر
 پس بو تو جیهله حضرت یحیی نک عبوس اولماسنه شین کز بو خصلت
 جبلی و طبعی اولد یغندن اوتوری (آفات لسانک یکر می طقوز نجیبی
 عبوب ناسدن سؤال و تفتیشدر و عورات مسلمینی تتبع در الله تعالی
 حضرتلری * ولا تجسسوا * قولیه نهی ایتمشدر و اسلام انجیق لسانلرنده
 اولوب قلیلرنده ایمان اثری اولمین کیمسه لره خطابا حضرت پیغمبر
 علیه الصلاة والسلام بیورمشدر ناسی غیبت و عیلمرینی تتبع ایدوب
 ارامک زبرا قرنداشنک عینی تتبع ایدن کیمسه نک عینی الله تعالی تتبع
 ایدر والله تعالی تتبع ایتدیکه کیمسه نک عینی ظهوره کلوب رسوای اولور
 اگر اوی بو جاغنده دخی کیر لشمش ایسه و شیخ شعراوی دیمشدر که
 شیخ سید علی خواص دیردی الله تعالی حضرتلری داود علیه السلامه
 وحی ایتدیکه یاداود بنی اسرائیلک عیننه مطلع اولماقدن حجاب ایله
 زبرا تحقیقا قولومک عصبانی حالنده بن کوکلنده اولوب بنی مشاهده
 ایدوب اوتانمق ایچون کندمله قولمک قلبی مایننه حائل اولورم تا اول
 معصبتدن فارغ اولنجه و کسری به دیمشدر که کندی اعیان وارکانکی
 تجربه ایتمز مبسن دیمشکه اگر تجربه ایدر سک جمله من اهل عبوب
 حبقارز و شیخ افضل الدین دیمشدر که اگر بزبر جهنله ایوردن ایسک
 نیجه جهنله ایله اشراردن ایز وسید علی خواص علما نک و مشایخک
 ال او پدر مسنی مکروه کوروب دیردی ال او پدرمک اهل دنیانک ارباب
 مناصبنه مخصوص صدر یوخسه بو ایکی صنف کندیلرینی فقرادن
 طوتوب کزلی عیلمرینی علی الدوام مشاهده ایدوب کندیلرینی تعظیم
 اولنمغه روا کورمیه ل (آفات لساندن اوتوز نجیبی جا هلاک عالم قتنده
 کلامه باشلامسیدر و شا کردک استاد قتنده و یا خود کندندن اعلم

بیان آفات تفتیش عبوب ناس

بیان آفات تکلم الجاهل عند العالم

بکانه صیحت ایلدوب و بنم افعاله او یماک زبیرا بن برآدمکه کندی اموری
حفظ ایتشم و مالک بن دینار دیردی بر کیمسه که مرانی کورمک استرسه
بنی کورسون حتی بر کره برخاون اکا بره مرانی دیدی مالک نفسنه خطاب
ایدوب ایتدی اشته سنک نامک نه اولدیغنی که انی اهل بصره ضایع
ایدوب برخاتون بیلدی و بولدی (آفات لسانک اوتوز برنجبسی اذان
واقامت قتنده اجابت ایتکسنزین سوزسو یلمکدر علماء کرام دیمشدر که
حین اذان واقامتده جمیع اعمال یددن و لساندن و رجلمدن قطع اولنه
حتی تلاوت قرآن دخی اگر مسجدک غیرنده ایسه قطع اولنه و سلام
ویرلن اما رنده علما اختلاف ایلدیلر یاقنده بیانی کلور ان شاء الله تعالی
واجابته مشغول اولق کرک و بو اجابت واجب و مستحب اولما سنده
علما اختلاف ایلدیلر اظهار اولان بودر که لسانله اجابت اذانه مستحبد
ایاغله واروب اجابت ایتک واجبدر اقامتده مستحبد ر عند الاذان
سوزسو یلمک مکروه اولدیغنی دلایلله (آفات لسانک اوتوز ایکنجبسی
نماز ایچنده سوزسو یلمکدر قرآندن واذکار مأثورهدن غیری هرته
سویلسه نمازی افساد ایدر حتی ایکی حرفدن مرکب اولسد اخ کبی
نمازی بوزر واکر برآدم نماز قیلان و یا قرآنی جهریله قراءت ایدن
کیمسه به سلام ویرسه امام اعظم قتنده قلبیله ردایلیه امام محمد قتنده
لسانی قراءته مشغول ایتدیکی کبی کوکلنی دخی اندن آیرمه و سلامی
رد ایتیه امام ابی یوسف قتنده فراغتند نصکره سلامنی اله دیو تاتار
خانهدن منقولدر (و شیخ شعراوی منن نام کابنده تنبیه ایدوب دیمشدر
صاقین نماز قیلان کیمسه به ایریشوب و اوینایوب لطیفه ایدیچی اولمه
و اولادی دخی بواشدن منع ایله زیرامناجات باری به طورن کیمسه ایله
استهزا اولن احتمالدر که علی التمجیل عقوبتی دنیاده دخی ظهور ایلیه
تکیم ملک منصور ابن سلطان شعبان خلافتی زماننده یدی بوز یتشم
ایکی تاریخنده حلب ناحیه سندن مصره بر اولاق محضر کتور دیکه
بر امام جماعته جامعده نماز قیلارکن بر شخص کلوب امامه ایریشوب
نماز ایچنده ایکن اوینایوب استهزا یتشم امام نمازین قطع ایتشم

سلام ویردکد نصکره کوررلر که اول اوینایوب استهزا ایدن شخصک
صورتی خنزیر صورتنه تبدیل اولوب برمبشه به فرار ایش و ناس
بو خصوصده تعجب ایلدوب سبجلا ته قید ایلشدر در دیو بیان اولنش
ایمدی اجتناب لازمدر (آفات لسانک اوتوز اوچنجبسی خطبه حالنده
کلامدر کرک تسبیح اولسون و یا تصلیه و یا امر بالمعروف و نهی
بکرر بریسی جائز دکلدر حضرت پیغمبر صلی الله تعالی علیه وسلم
یور مشدر جمعه کوننده خطیب خطبه بی اوقورکن یارا نکه
سکوت ایله دیسک تحقیق لغو ایتشم اولورسن کذلک بر حدیثنده بویله
کیمسه نک حقننده * فهو کمثل الحمار یحمل اسفارا * دیو یور مشدر
یعنی حارک کتور دیکی کتاب یوکنندن انتفاعی اولدیغنی کبی خطبه
وقتنده سوزسو یلمک دخی خطبه دن ثوابی یوقدر (قاضی خاندانده امام ابی
یوسفدن نقل ایدر که امام طحاوینک قولیدر امام خطبه ده * یا ایها
الذین آمنوا صلوا علیه * دیدکده ایشیدن کندی کوکلنده صلوات
کتوره اما بزم مشایخمن دیمشدر که خطبه دکلک فرضدر صلوات
ایسه سنتدر و خطبه دن نصکره کتورمسی قابلدر ایمدی نه لسانله ونه
قلبله صلوات کتورمیبوب خطبه بی دکلک و سکوت ایتک لازمدر کذلک
خطبه اوقنور ایکن برآدم سلام ویرسه یا خود اقصرسه سلام آلیه
والحمد لله دیمه فتوی دخی یونک اوزرینه در اگر چه امام ابی یوسف
قتنده قلبله سلام آلمی و الله تعالی به حد ایتک وارد و خانیه نام کلبده
دیمشدر که خطبه وقتنده برآدمه سلام ویرمک کرک واقصرن آدمه
برحک الله دیمک کرک ایمدی بوایکبسی فرض کفایه دن ایکن ترک
ایتک لازم اولدیغنی یرده یا مؤذنلرک نغمات و ترنماتله محفلدرده تصلیه
و ترضیه و آمین دیدکری و پادشاه اکلدقده دعا ایتدکری نیچه سنه
ترک اولمق لازم اولیه حتی امام برکوی دیرکه منعه قادر اولان آدمیره
منع ایلمسی واجبدر زبیرا یسانی کچدیکه ذکر اللهله و دعا ایله تغنی ایتک
حرام قطعی قیلندر در اوقیان و دکلان آثم اولور باخصوص خطبه
وقتنده تسبیح و صلواتدن سکوت ایتک و نمازی ترک ایتک واجب ایکن

خطبه حالنده سوزسو یلمک
آفاتی

ندن دوشدیکه تغنی مقوله سی جائز اوله انجق بریدند که قرارداده
اولشد بر بویه اوله کلمش دیوصاغنی صولندن فرق ایده من مقلد ل
بود عتی بیونلرینه قلاده ایلمشدر که یره دوشدیکه اندن خلاص
اولمازلر (آفات لسانک اوتوز در دنجبسی صباح اغارد قد نصکره نمازه دک
ویا کونش طوغه سنه دک دنیا کلامی سو یلمکدر بودخی مکروهدر
انسان علی السحر دنیا کلامیه قلبی مشغول اینسه قسوت قلب کتور
دیمشدر (آفات لساندن اوتوز بشتجیبسی قدم کاهده قضاء حاجت
قتنده کلامدر بودخی مکروهدر) خانه نام کابده دیمشدر قدم کاهده
تبول وتغوط اوزره اولان کیمسه یه لایق دکدر که سلام ویره ل واکر
سلام ویرلسه امام اعظم دیمشدر که قلبیه اله لسانیه آلمیه وامام
ابی یوسف دیمشدر که اصلا آلمیه فراغند نصکره بله وامام محمد
دیمشدر که قضاء حاجت نصکره اله (آفات لساندن اوتوز التنجیبسی
جماع حالنده سوزسو یلمکدر بودخی مکروهدر و بومذکور یرلده
کولمک دخی مکروهدر) آفات لساندن اوتوز یدنجیبسی مسلمه بد دعا
ایتمکدر خصوصاً ایمانسنر کتمه یله دعا ایتمک بعض علما قنده بویوزدن
مطلق کفر در دیمشدر اما اکثری قنده مادامکه کفری مستحسن کورمیه
کافر اولمز اما ایمانسنر کتمه نک غیر یله بد دعا ایلمسه ظالم اولمیه جائز
دکدر اما اگر ظالم ایسه ظلمی مقداری جائزدر زیاده تجاوز ایتمک کرک
ایمدی اولی اولان ظالمه دخی بد دعا ایلمیوب حالی اوزره قومقدر هر کس
ایتمکین بولور (آفات لساندن اوتوز سکرنجیبسی کافره وظالمه بقایله
وحصول مراد ابله دعا ایتمکدر کافره ایمان ویا نفع مسلمین وظالمه عدل
وصلاح شرط یله نیت ایتمکسنرین جائز دکدر زیرا کفر و معصیته
رضا اکلا نور انجق ظالمه توبه وصلا حله ودفع ظلمه دعا ایلمک کرک
(آفات لسانک اوتوز طقوزنجیبسی جهرا قراءت قرآن قنده کلامدر
حالبوکه ظاهر مذهبه سکوت واجبدر الله تعالی * واذقری القرآن
فاستمعوا له وانصتوا * پیورمشدر یعنی قرآن عظیم قراءت اولندقد
دکلمک وسکوت ایلمک پس اعتبار عموم لفظه در خصوص سببه دکدر

تنکیم بوقاعده فن اصولده مشهوردر لکن دیمشدر که خلق کندی
عملارینه مشغول ایکن بر کیمسه قراءت قرآن ایلمسه وبال اوقیانیه در
اما قراءت نصکره بر آدم عمله باشلوب دکلمسی ویاسکوتی ممکن اولسه
وبال عاملکدر اوقیانک دکل وتاتار خانیهده دیمشدر جهرا قرآن
اوقوندقد سلام ویرمک مکروهدر وعلم مذاکره سنده دخی نه دکلیانه
ونه مذاکره ایده نه سلام ویرمیه واکر سلام ویرایسه آثم اولور اذان
واقامت قنده دخی بویه در اما بویه یرلده سلام آلمده علما اختلاف
ایلمشدر در مختار اولان بودر که خطبه نک غیریده ردی واجبدر (آفات
لسانک قر قنجیبسی بلاعذر مسجدده کلام ایتمکدر بودخی مکروهدر
بونک حقنده رسول الله علیه الصلاة والسلام * آخر زمانده بر قوم
کله که سوزلری مسجدلری ایچنده اوله الله تعالی انلردن مستغنیدر *
پیورمشدر اعتکاف صاحبندن غیری کیمسه نک بیع وشراسی بوقبیلندن
وضایع اولان شی ایچون انده چاغرمق کذلک مکروهدر و بر حدیث
شریفده دخی * بر کیمسه بر آدمی اشدسه که مسجدده بیتک ایچون چاغر
اکادیمک کرک تکرری تعالی بولدر مسون * زیرا مسجد بونک ایچون بنا
اولنماشدر (آفات لسانک فرق برنجیبسی یرامز لقب قومقدر وانکله
چاغرمقدر تعریف ضرورتی یوغیکن زیرا الله تعالی * ولاتنا بزوا
بالالقباب * دیو لقب وضع ایتمکدن نهی ایلمشدر و یرامزی اولدر که
ایچنده ذم ایتمک معناسی بولنه اما لقب حسن جائزدر که انک معناسنده
مدح بولنه (آفات لسانک فرق ایکنجیبسی یلان یره یمین ایتمکدر اکا یمین
غروس دیرل صاحبی کاهه طالدیچون واکادایل سرور کائنات علیه
افضل الصلوات * کاه کبار الله تعالی به شرک کتورمک ووالدینه
عاصی اولمق ویمین غوسدر * وابن مسعود رضی الله عنه دیمشدر که
بزیمین غوسی کفارتی اولمیان کاهلردن عدایدردک ورسول الله علیه
الصلاة والسلام بر حدیث شریفنده دخی * بر کیمسه که یمینله بر مسلمک
حقنی کسمه تحقیق اوزرینه ناری واجب ایوب جننی حرام ایتمش
اولور حتی کسدیکی حق مسواکدن بر بذاق دخی اولورایسه * آفات

بیان آفات کلام فی المسجد

بیان آفت یرامز لقب قویان

بیان آفات یلان یره یمین ایتمک

بیان الله تعالیٰ غیر یله
یمین ایتنک آفتی

لسانک قرق اوچنجبسی الله تعالیٰ حضرت تری نیک غیر یله یمیندر بودخی
ایکی قسمدر بر قسمی معلقدر که شرط اوزرینه میندر اگر معلق اولان
کفرک غیر ی اولسه طلاق وعتاق کی مثلشو ایشی ایشلر ایسم کوله م
ازاد اولسون دیسه بعضیلر قتنده بو یمین مکروهدر اما اکثری علما قتنده
مکروه دکدر اما شرط ایتدیکی کفر حرامدر مثلشو ایشی ایشلر ایسم
کافر اوله یم دیسه یا خود ایشلد یسم دیسه پس اگر یمینده صادق ایسه
کافر اولماز و اگر کاذب ایسه اکبر کاژدندر و بعض علما قتنده مطلق
کافر اولور دیدیلر و احادیث شریفه نیک دخی دلالتی بودر که کفر اولان
شبهه یمینی تعلیق ایلسه کافر اولور امام اعظم مذهبده کافر اولمسیله اند
ایچن کیمسه اگر نیتی یمین اولوب حقیقتده کافر اولق نیتی ایسه کافر اولور
کرک ماضی به قید اینسون کرک استقباله مثلا بر آدم دیسه که کافر اولام
فلان شبنی ایتدیسم و یا ایدر ایسم پس مرادی بو یمینده کافر اولق
ایسه و دیدیکی کذب ایسه کافر اولور زیرا کفره رضا بولمش اولور
ایکنجی قسمی حرف قسم ایله اولان یمیندر که الله تعالیٰ نیک غیر یله یمین
ایتدیکی صورتده در و بو قسم یمین کبیره اولوب کفر خوفی وارددر زیرا
رسول الله صلی الله تعالیٰ علیه وسلم * بنم قتمده الله تعالیٰ نیک غیر یله
طوغری یمین ایتدکدن اللهله یلان بره یمین ایتنک دخی مقبول و محبوبدر
بیوردی * بر حدیث شریفده دخی بر کیمسه که الله تعالیٰ نیک غیر یله یمین
ایتسه تحقیق کافر اولور و یا مشرک اولور کذلک الله تعالیٰ حضرت تری
سزنی بابار یکز ایله اند ایچمکدن نهی ایلشددر یمین ایدن اللهله یمین
ایتسون یا سکوت ایتسون دیو بیورمشلدر ایمدی معلوم اولدیکه نه قرآن
عظیم ایله ونه کعبه ونه پیغمبر ایله ونه کولک ونه بر ایله ونه کونش ونه آتشله
بونلرک بر یسیله یمین ایتنک جائز دکدر کفر و شرک خوفی وارددر انجق
والله بالله تالله دیمکدن غیر ی یمینلردن احتراز واجبدر (آفات لسانک
فرق در دنجبسی کثرت یمیندر اگر کر چک ایسه دخی الله تعالیٰ نهی ایلشددر
چوق چوق یمین ایدنه او یمقندن و کندی اسم جلالنی یمینلرینه نشان کاه
ایتدکدن حتی صحابه کزیندن جبر بن مطعم یمین صادق ایتدکدن قاجنوب

کندیلله

کندیلله بر کیمسه یلان بره دعوی ایتدیکنده اون یک درهم کوش
و پر مشدر و دیمشددر رب کعبه حقیقون یمین ایتسم یمینده صادق اولوردم
انجق یمین ایتیم دیو بو اون یک درهم کوشی مقابله سنده فدا ایتدم
واشعث بن قیس رضی الله عنه دیمشددر که بردفعه یمیننی یتمش یک
اچقه صانون المشم معلوم اوله که صادق یمین بلا خلاف جائزدر زیرا
پیغمبر یمیندن و صحابه و تابعیندن رضی الله عنهم صادر اولشددر انجق
مکروه اولان اکثر ایدر که مقتضی یوغیکن یمین ایله و سلفندن
اول کیمسه که یمین صادقدن ابایلدی یا نه یمیندن صانیدیلر و یا تکثیر
یمیندن و یا امر یمینی تعظیم ایتدکدن ناشیدر تا که آشوب یمین غموس که
یلان بره یمین ایله آلوده اولسونلر ایچون کندیلری اجتناب ایدرلر ایش
(آفات لسانک قرق بشنجبسی بکلک وقاضیلق استمکدر بوا یسه حلال
دکدر مال دیتنک واستمک حلال اولمدیغی کبی صحابه کزیندن
عبدالرحمن بن سمره رضی الله عنه رسول الله علیه الصلاة والسلام
بیورمشدر که * یا عبدالرحمن بکلک طالب اوله اگر استمدین و برلر سه
طرف حقندن معاونت اولنورسک و اگر استیوب و برلر ایسه طرف
حقندن معین و ظهیر سز قالورسک * کذلک قضا حقنده بیورمشدر که
بر کیمسه قضایه طالب اولوب شفاعتجیلر ایله آلسه اکا حق طرفندن
عنایت کلز اما اول کیمسه به که کرهله قضا و برسه ل الله تعالیٰ حضرت تری
بره لک کوندروب اتی طریق شریعتده طوغرلدر بواجلادن بعض علما
دیدیلر که اختیار یله دخی قضایی قبول ایتنک جائز دکدر اما قول مختار
بودر که اگر بلا طلب ولا شفاعت و برلر ایسه قبول ایتنک رخصتدر
امارتکی عز یمیندر که شریعتک قوی جاندیلله عمل ایتنکه دیرلر بکلکی دخی
قبول ایتنک بوموال اوزره در و بونک سبی بودر که بونلر بر ثقیل
وامر عسیر منصلدر آزدن آز کیمسه انلرک حقوقنی عدالتله رعایت
ایده بلور بواجلادن امام اعظم قضایی قبول ایتجوب سبب امتناعندن
حبس و ضرب اولنوب حبس خانه ده وفات ایتشددر رحمه الله رحمه
واسعه اما زمانه ملازم لری بونک خلافتجه ذاهب اولمشلدر در تکیم

بیان آفات بکلک وقاضیلق
استمک

بیان آفت کثرت یمین

کمال پاشا زاده مرحوم دیمشدر بیت * بوحنیفه قضا نکرد و بمرد *
 * تو بمیری اگر قضا نکنی * دیمشدر که ابوحنیفه اولدی کتدی
 قاضیلق ایلمدی سن هی بیچاره اولور سن اکر قاضیلق ایلمز سن
 باخصوص سرور کائنات علیه افضل الصلوات بیورمشدر که
 * من جعل قاضیا بین الناس فقد ذبح بغير سكين * معناسی بر کیمسه که
 ناس بیننده قاضی قیلنسه تحقیق بچاقسز بوغازلش اولور درر وغررده
 یازمشدر که بر قاضی بو حدیثی انکار ایدوب صحیح دکلدر دیومصر اولور
 پس اول کون بر بر کنندی تراش ایدوب صفالی التندن اوستره ایله
 قیل آلور کن قاضی اقسر مش معجزه رسول کبریا ئله اوستره بوغازین
 چالوب ساعتیه میتادوشمشدر و ذکر علی بن ابی طالب علیه السلام و حضرت
 عایشه رضی الله عنهما روا یتنده سرور کائنات علیه افضل الصلوات
 بیورمشدر یوم قیامتده قاضی عادل بر ساعت کله که تمی ایدوب دیه که
 تولیدی ایکی کیمسه مایینده جدا بر خرما ایچون قاضیلق ایتمش اولیدم
 و بکک آفت عظیم اولدیغندن خبر و یروب سرور کائنات علیه افضل
 الصلوات بیورمشدر که بککک اولی ملامت اوسطی ندامت اخری
 عذابدر مکر که عدالت ایتمش اوله اما اقر باسیله ننه سنه عدالت اوزره
 اوله و بر حدینده بیورمشدر که بر کیمسه اون آدمه دخی والی اولسه
 یوم قیامتده اللری بو یتنه باغلی کتور لسه کرک وانی عدالتدن غیری
 شیء جوزمن نتیجه کلام قاضیلق و بکک قبول ایتمک عزیمتدر اما
 غیری کیمسه طالب بولما یوب بر کیمسه اوزرینه قرار ویر لسه المق جائزدر
 نکیم حدیث شریفده بیان اولندیکه حق طرفندن ملک اعانت ایدر
 شقایق نعمانیه ده یازمشدر که قضاتدن بری هفته ده بر حضرت پیغمبر
 علیه الصلاة والسلامی رؤیا سنده کورر مش انی فکر ایدر که قاضی اقم
 حالنده هر هفته پیغمبر علیه الصلاة والسلامی کورمک ميسر اولدیغی
 برده قاضیلق آفتی با شمه اولسه زیاده تقرب کسب ایدردم دیو
 قاضیلقی براغور مایینی بر قاچ هفته کچر حضرت پیغمبر علیه الصلاة
 والسلامی اصلا رؤیا سنده کورمک بر کیمه کوردیکنده سؤال ایدوب

دیرکه یار رسول الله بن قضایی ترک ایتدیمکه حضور عزتکه تقرب ایچون
 نه عجبدر که دیدار شریف کزی عزیز ایتدیکز حضرت رسول الله صلی الله
 تعالی علیه وسلم بیوردیکه سن قضا مسندنده ایکن بکا زیاده مقرب
 ایدک زبرا مسلمینک حق وعدل اوزره خدمت لیرین کوروب شریعت
 مقضاسنجه احقاق حق ایدردک دیو جزاین آلدقده قاضی مذکور
 تکرار قضایه کوروب رسول اکرم و نبی محترم صلی الله تعالی علیه وسلم
 تقرب کسب ایلمشدر و فقها دخی افضل عبادتنددر دیو وصف ایلمشدر
 ولیکن محل خطر در حتی عبد الله بن عمر حضرت تلرینه پدر بزرگوار لری
 وفاتند نصرکه قضا تکلیف ایدرلر قبول ایتمز دیرکه یا پدر بکر قبول
 ایتمش ایدی و سز کده عملکز کالده در یاسبب امتناع کز ندر جوابنده
 دیمشکه بنم پدرم حضرت رسول الله صلی الله تعالی علیه وسلم
 حال صحتده قاضی اولمش ایدی و هر برمشکل ظاهرا ولدقده حضرت
 پیغمبر علیه الصلاة والسلامه سؤال ایدردی حضرت رسول الله
 صلی الله تعالی علیه وسلم دخی مشکلی حضرت جبرائیل علیه السلامه
 اولدخی بالذات باری تعالی حضرت تلرندن استفسار ایدردی اما شمدی
 وحی نازل اولمز قضا ایتمک مشکلددر دیو قبول ایتمشدر مقالات
 فناریده بویله مذکور در شیخ شعراوی رحمه الله تنبیه المغترینده محمد
 ابن واسع نام عزیزدن نقل ایدمشدر یوم قیامتده حسابده دعوت اولنا جق
 ابتدا قاضیلر در اما آزدن آرنجات بواسه کر کدر انلره مساعده ایدن
 معین و ظهیر لره دخی اول شدت حسابدن حاصلدر حتی شاهد اولنلره
 دخی خوف خطر و پوشدت حساب وار در نکیم شیخ مذکور منن نام
 کتابنده ذکر ایدر که الله تعالی حضرت تلری موسی علیه الصلاة والسلامه
 وحی ایلمشدر که یا موسی مادامکه قولاغک بر شبنی محکم اشیدوب حفظ
 ایتمه و عقلک انی ضبط ایتمه و قلبک دخی صحتی اعتقاد ایتمه سن
 اکا شاهد اوله زبرا یوم قیامتده اهل شهادتی شاهد اولدقلری شیده
 طور غورب سؤال عنقله ایتمک و دخی شیخ مذکور رحمه الله
 دیمشدر که قاضیلره کاهی خاتون جبيله کلوب نفسی ارزوسنه دوشوب

خاتونك حكمنی تاخیر ایدرتا کنندینه رام اولنجه نیکیم بونک کی قضیه
حضرت داود علیه السلام عصرینده واقع اولمشدر که بر حسن و جمال
صاحبی خاتون برقاضی نك حضورینده برآمدن حق طلب ایتدی
قاضی خاتونه نظر ایدنجه آشفته سی اولوب ایتدی بکا رام اولق شرطیه
حق کی حکم ایدیه بم خاتون صالحه اولمغله ابایدوب و یوده یه واردی
اولدخی کورنجه قاضیدن بترخسته سی اولوب مساعده اولسنی طالب
اولدی اندن دخی ابایدوب شاهد لرنه واردیکه انلرایله والی ولایت
اولان بکه کیده لرنلردخی افتاده سی اولدیلر ناچار واروب بکه شکایت
ایلدی بک دخی دیوانه سی اولدی جله سندن ابایتمکله قاضی و و یوده
وشاهد لرونک جمع اولوب پاکیزه خاتونک قتلنه حیلله ایتدیلر که تا که
قلبلری اکا تعلقدن آسوده اولسون پس مایندلرنده سولشدیلر اگر
برآمده زنا ایتدی دیو شهادت ایلک بزی گاه آدمی دخی قتل ایتک
لازم کلور بوا یسه مصیبت عظیمه اولور غرض ایسه همان اول خاتونی
بوغ ایتکدر پس اتفاقلری شو اولدیکه بو خاتون برکبله زنا ایتش دیو
شهادت ایدیه لرس بودرت بش کچسه جمع اولوب داود علیه السلامه
کیتدیلر و دیدیلر که اشبو فلان قریه ده برقا حشه عورت وارد که
برارکک کلپی کو چکدن تریه ایدوب کندوسن آشفته تعلیم ایتش
دیو اوزرینه فاحشه ایله شهادت ایلدیلر حضرت داود علیه السلام
امرایدر خاتونی رجم ایدیه لرونووقعه بویله اولدقده حکمت خدا ایله
برقاج ایامدنصکره اهل شهرک صبیانی جمع اولوب بربرده اوینارلرمش
وحضرت داود علیه السلام انلره ناظر بر مکان عالیده اوتوررمش
پس عینله بووقعه مثالی برواقعه ظهوره کلور که مذکور اوغلمچقلردن
کی قاضی وکی و یوده وکی بک اولوب حضرت سلیمانی پادشاه ایتش
پس صبیانندن بر دلبرنوجوان سروروان کی ایلر و کلوب قاضی اولان
صبی اوکنده حق دعوا سنده اولور قاضی دخی خاتونه میل ایدن قاضی کی
اوغلانه میل و محبت طرفلرین کوستروب بکامطیع اولورسک سکا حق کی
البوریهیم نه سولرسک دیر اوغلان اندن ابایدوب و یوده سنه کلوب

اولدخی

اولدخی اوغلانه دست درازلق ایدر اندن شاهد لرنه وارر انلردخی
نفسلری اوزوسنه دوشرلر بکنه وارر اولدخی کذلک اوغلانه اولاشور
هیچ برینه رام اولما ییحق جله سی بکدل اولوب سلطان نصب ایتدکلری
سلیمان علیه السلامه وارر و بو اوغلان برکبله یفعلندی دیو شهادت
ایدلر حضرت سلیمان فکیره واروب قلبنه الهام اولور درت شاهی
بیله طشیره قووب بررجه بررجه کتوروب سولیتدی و کلک صفتی
صوردی بریسی سیاه دریدی و بری صاریدر دیدی و بری بیاضدر
دیدی و بری الاجه دریدی پس یلان شهادت اولدیغن بلوب سلیمان
امرایتدی لعلله اول شاهدله حد اورادی حضرت داود علیه السلام
بو قضیه بی کوروب کندی خطا اولدیغن علم ایدندیکه صوچسن
بغیر حق اول خاتونی رجم ایتدیرمش پس امر ایلدی اول خاتون
اوزرینه شهادت ایدنلری طوتوب قتل ایلدی والله تعالی حضرتلری
اول خاتونک حقنی ایقومدی شیخ مذکور رجه الله دیر که ایتدی
نظر ایله ای قرداش حاکم وضابطه نیک کی قضیه لردوشر پس
اللهه شکر ایله که سنی اندن حایت ایلشدر و باخصوص حدیث صحیحده
کلشدر که * قاض فی الجنة وقاضیان فی النار * یعنی قاضیلرک ایکی
صننی اهل جهنم و برصننی اهل جنت اهل جنت انلردر که علملری اولوب
انکله عامل اوله لرونو حق وعدل اوزره حکم ایدیه لرو اما اهل جهنمک
برصننی اولدر که جهلمله قاضی اوله عامل دخی اولورسه ینه اهل جهنمدر
ایکینجی صننی اولدر که علمی اوله ولیکن علمیه عامل اولوب حق باطل
و باطلی حق ایتکله حکم ایلیه باخصوص بو عصرلرده عالم و عامل
دخی اولسه حق وعدل اوزرینه ثابت قدم اولق احتمالی بعیددر شیخ
علی خواصکه طقوز یوز اللی تاریخنده کلن مشایخنددر شیخ
شعراوی نك شیخیدر دیمشدر که بو عصرده قاضیلک و والیالک اکثر یا
جور و ظلم اوزرینه در حتی برانسان عدالت ایتک دخی مراد ایلمسه قادر
دکلدر ناسک اکا استحقاقی اولدیغندن اوتوری و یاغیری سبیدن اوتوری
حتی برقاضی برکون شیخ مذکوره دیمشکه بن قضاء قبول ایتدم

امرا بالمعروف نهی عن المنکر ایتمک ایچون شیخ مشارالیه دیمشکه بوسکا
ایلبسک اغوا سی وغروریدرزیرا سزدن اول کلن قضاة زماننده
بومبسر اولدی حالوکه انلرک زماننده سوزونصیحت قبول ایدر چوق
ایدی بوعصرلرده ایسه بونک عکسیدر وسفیان ثوری رجه الله که
ایکیوز تاریخی اجله سندندر دیمشدر که بوزمانده امام اوله ومؤذن اوله
وعریف یعنی ایش اری اوله واکر سکا مال تقسیم ایتمکی ویرلر سه
تقسیم ایتمه و بوعزیزهر پارکه سنجاق صاحبی والیرلی کورسه سجدهیه
واروب حقه جد ایتمکه باشلردی الحمد لله الذی لم یجعلنی شرطیا
دیردی ویا ننده موجود اولنلره دیردی حقه جد ایلبوک که
سری بوآفته مبتلا ایتمشدر وعاقبت وصحتکزه شکر ایلبک حالوکه
ابن عباس رضی الله عنهما دیمشدر که برکپسه نک زوجه سی ومسکنی
وخادمی و مرکبی اولسه اول کپسه ملوکدندر یعنی کندی باشنه
بکدر شکر الهیده اولوب والی ولایت اولنلره رشک ایتمک کرک زیرا
انلر خطر عظیم اوزره درمذ کورددر که حضرت عمر رضی الله عنه
خلافتی زماننده ابوالدردا حضرتلرینی کوفه شهرنه والی نصب ایدوب
کوندرمش ایدی پس ابوالدردا شهره وارد یغنده بیت المالدن برقاج اچمه
خرج ایدوب بر قدمگاه بنا ایلدی حضرت عمر فاروقه بو خبر واصل
اولدقدده ابوالدردایه مکتوب یازدیکه صورتی بودر (من عمر الی عویمر
سلام علیک اما بعد ثکلتک امک اما کان لک حاجة غیر ان تجدد عمارة
الدنیا بعد رسول الله صلی الله علیه وسلم حکمت علیک ان لاتضع
کتابی من یدک حتی تهدمه معنای بودر که بومکتوب عمر دن
عویمره در که ابوالدردانک اسمیدر سلامدنصکره اناک سنی یوغ ایدوب
ما تمک چکسون رسول الله علیه السلامدنصکره دنبانک عمارتی تجدید
ایتمکدن غیر مصلمتک یوقیدی شویله امر ایندمکه مکتوبیمی الکندن
قومادین اول یایدیردیغک بنای بیقه سک دیمکدر پس ابوالدردا ساعتیه
قدمکاهی یبقیدردی (تذیه المغترینده بویله مذ کورددر ایددی حضرت
عمرک بومرتبه عدالتی وارایکن بنه وفاتند نصکره صلحادن برکپسه

کندی

کندی رو یا سنده کورد کلرنده سؤال ایدر لر که الله تعالی سزکله
نه معامله ایددی دیمشدر که الی آی مقام عتاید حیس اولندم سبی
بو اولدیکه زمان خلافتده برخاوتک بقره سی کوپردن کچرایکن خرابه
محلنده ایاغی سور چوب انجندیکندن اوتوری دیمش (صراط سوبده
سبی بو اولدیغن یازمش اما غیر کابلرده دیمشکه براوغلاق کهنه
کیریدن کچرکن دلکدن ایاغی کچوب قرلمسی سبیدن عتاب رب العزت
کادیکه اول دیارک خراج ویاجزیه سین الوردک نعجب اول کپروبی
وبران قویوب یایدردمک دینلوب مقام عتاید طور ماسنه باعث
اولشدر عاقله بو نصیحت کافیدر وامام اعظم حضرتلری امامتدن
تخذیر ایدوب امام ابی یوسفه نصیحتده دیمشدر که کن مؤذنا ولانکن
اماما (شیخ شعرای رجه الله منن نام کابنده دیمشدر امامته تقدم
ایتمکی کندی لایق کورمبوب مکروه کورردم شو خوفله که جماعتک
نمازه بنم سبمله نقصان کلیه زیرا حدیث شریفده کلمشدر که *امام
اولان کپسه جماعتک خیر لسی اولق کرک زیرا جماعتله رب العزت
مایینده واسطه اولیمیدر و دیمشدر امامته تقدمی طالب اولان آدم
شویله تقدیر و تخمین ایلسونکه جمعا زلات سابقه سنیکه کیرلیده
و آشکارده ایتمشدر اگر اول جماعته عرض ایدوب اول زله لرینی
مکروه کورمبوب انشراح صدرله اردنجه قیلارلر سه امامت ایلسون
والا امامتی ترک ایلبوب مأموما قلیق ورع وتقوا دندر (حتی شیخ جلال
الدین سبوطی امامت ایتمبوب برآدمک اردنجه او یوب نماز قیلدیغنه
رضا و بریمشدر و بوطریق تقویده در اما شریعتده مادامکه برکپسه
جماعتک علمله افضل اولدقدده انی امامته اختیار ایدر وایتمک کرکدر
مادامکه مکروهاتی و منهایاتی مرتکب اولیه اگر مرتکب ایسه امامتی
مکروه در اتمی (آفات لسانک فرق النجیسی اوقاف تولیئی استمکدر
بودخی جائز دکدر قاضیلقی استمک جائز اولدیغی کبی (کمال الدین ابن
همام دیمشدر که اوقاف تولیئی طالب اولان کپسه یه ویرلر قضایی
طالب اولنلره ویرلیدیکی کبی (آفات لسانک فرق یدنجیسی و صلبک

بیان آفات طلب تولیت

استمکدر حضرت پیغمبر آخر زمان علیه صلوات الرحمن ابوذر رضی
 الله تعالی عنه * یا باذر بن سنی ضعیف مشاهده اید یورم و بن کنندی
 نفسه سودیکمی سنک نفسکه دخی سور بن صاقن ایکی کیمسه به دخی
 اولورسه والی اوله و مال یتیمه وصی اوله * دیو بیورمشدر وقاضی خاند
 دیمشدر که لایق دکلدر که آدم وصایتی قبول ایلیمه زیرا بر مخوف امر در
 امام ابی یوسفدن روایت اولور که وصایتیه ابتداء دخول غلطدر
 ایکنجی کره اولورایسه نیت خیانتدر اوچنجی کره کیرمک قصد سرقتدر
 و بعض علما دیمشدر که اگر وصی اولان عمر بن خطاب دخی اولسه
 ضماندن نجات بولمز و امام شافعی رحمه الله دیمشدر که وصایتیه کیرمز
 الا حق اولان یا خود او غری اولان کیرر بواجلدن بعض علما اتقوا
 الواوات بیورمشدر یعنی اوچ و او دن صاقنک پری و کالت ایکنجی وصایت
 اوچنجی ولایت و تولیت و اولرندن دیمکدر که هر بریسی بر آفتدر (آفات
 لسانک قرق سکر نجیسی انسان کنندی نفسنه بد دعا یتیمی و موتی تمی
 یتیمیدر و بودخی مذمومدر بوحال کشنک کنندینه ضرر دنیوی اصاب
 ایلدیکمی و قتده در بو خصوصده حق جل و علانک قول شریفی وارد
 اولمشدر * و یدع الانسان بالشر دعاء بالخیر و کان الانسان عجولا *
 معنای انسانه ضرر دنیوی اصاب ابتداء کده تحمل ایدیه میوب
 غضبندن نفسنه و ماله و اهله دعاء خیر ایلله دعا ایتدیکمی کبی شر ایلله
 دعا ایلر و انسان عجول اولدی و حدیث شریفده حضرت پیغمبر علیه
 الصلاة والسلام * سزدن بریکره نازل اولان ضرر و بلادن اوتوری
 موتی تمی ایلسون و اگر مقتضی اولورایسه دعا سنده بویله دیسونکه
 یارب اگر بکا حیوة خیری ایسه سن بنی صاغ واسن قبل و اگر موت
 خیری ایسه سن بکا موت ویر * دیو بیورمشدر و بر حدیث شریفده
 دخی سزدن بریکر موتی طلب ایلسون اگر کنه کار ایسه امیددر که
 توبه ایلله اصلاح حال ایلیمه و اگر محسن ایسه امیددر که اعمال حسنی
 زیاده اوله زیرا انسان اولد کده عملی منقطع اولور و مؤمن اولان کیمسه
 عمری اولد فیه خیری زیاده ایدر و بر روایتده دخی بیورمشدر که

پیان کشی کنندی نفسنه
 ید دعا یتنک آفتی

موتی تمی یتنک زیرا اولم قور قوسی شدیددر و کشنک سعادتمنددر عمری
 اوزون اولوب الله تعالی به توبه و انابت مبسر اوله (اما اول کیمسه که
 فساد زمانه دن دیننه خوف ایدوب موتی تمی ایلسه جائزدر تنکیم
 صحابه دن ابو عبس غفاری رضی الله عنه طاعوندن فوت اولنلرک
 کثرتی مشاهده یتنکله کنندینک دخی مطعون فوت اولسنی تمی ایلدی
 علیم کنندی رضی الله تعالی عنه ایتدی حضرت پیغمبر صلی الله
 تعالی علیه وسلم موتی تمیدن نهی ایتدیمی دیچک ابو عبس ایتدی
 حضرت پیغمبر علیه السلام بیورمشدر الی شئ ظهوره کلد کده
 همان موتی تمی یتنکله سرعت ایدک بری سفهانک بک اولملری ایکنجی
 والی و لایتک اعوانی چونالمسی اوچنجی قضاتک احکام شرعییه بی
 بیع ایدوب حج و سحلاتک اجر مثلندن زیاده آلملری در دینی قان
 دوکمی استخفاف ایلوب برشی طوتمامی بشنجی قطیعه رحم یعنی
 خصمندن اقر باسندن کسملک التبی قرآن عظیمی مقامات مزمار
 اوزره قراءت ایدوب تغنی ایتلری و علمی یوغیکن امامته کچورن قومک
 ظاهر اولمشدر دیو جواب ویرمشدر (شیخ شعراوی رحمه الله تنبیه
 المغترینده کذلک بیان ایدوب دیمشدر که سلف صالحین اخلاقنددر
 غضب الهی به دوشنک خوفندن موتی تمی یتنک وانی دایلی اولان
 معاصی قرینه لرندن بلورلردی تنکیم کچن حدیثده ذکر اولندی کذلک
 ابو بکر رضی الله تعالی عنه موتی تمی ایلدی پس اکاسینندن سؤال
 ایتدکلرنده دیدیکه قورقم بودر که بر زمانه به کلورمکه انده امر بالمعروف
 ونهی عن المنکر اولمز اوله و ابو هریره رضی عنه دیمشدر که یقینده ناسه
 بر زمان کله که اول زمانده علماسنه موت قزل اتوندن سوکلی اولسه
 کر کدر حتی قرنداشنک قبری زیارتنه کلد کده نه اولیدی بن سنک یرکده
 اولادیم دیه و صفیان ثوری رحمه الله دیمشدر که مشایخمره یتشدک که
 انلرموت استلرایدی و بن انلردن تعجب ایدردم اما شمدی شو حاله
 کلد مکده موتی استیوب سومیانلره تعجب ایدر اولدم و تحفیه الملوك
 شر خنده دیمشدر که کشی دینی یتورمک خوفی اولد یقنده موتی استنک

وارد که برالتی خیر لیدر مؤمنه اول وقتکه امر اسی اشرار اوله دیو
بیان ایشدر (آفات لسانک قرق طقوز نجیسی مؤمن قرداشنک عذرینی
قبول ایتوب رد ایتکدر بو خصوصده سرور کائنات علیه افضل
الصلوات * بر کیمسه مؤمن قرنداشته اعتذار ایلسه و اول مؤمن انک
عذرینی قبول ایلسه یا جدار کاهی قدر اول کیمسه نك کاهی اولور *
بیورمشدر و بر حدیثنده دخی * بابار یکز ایوا ولد یغی کپی سزده ایو
اولک و قرنداشک زک بری عذر دیلیوب هر کیم عذرینی قبول ایلسه بوم
قیامتده حوضه وارد اولماز * امام معلوم اوله که بومرجه عذرینی قبول
ایتک واجب اولدیغی اول زماندر که بر کیمسه عذرنده صادق اوله اما
عذرنده صدق محتمل اولرسه قبول ایلسی واجب دکلدرد کندی کرمندن
عفو اولمش اولور (شیخ شعراوی رحمه الله دیمشدر اخوانکردن جنکه
بعض اخلاق ذمیمه اثری ظهور ایلسه معذور طوتک باخصوص
اول کیمسه دنکه علم و ادبده علاقه سی اولیه ایمدی انک کپی ایله
قارشولشمک بواجلندن امام شافعی دیمشدر که عالم یا ننده سفه دادن
بر کیمسه اولق لایقدر ناکه سفها ایله قارشو قوسک زیرا حیاء طبعی
غالبدر و عالمک صغیره سی کیره در ناس انک فعلنه بقارلر (وسید علی
خواص دیمشدر که بوعصرلرده اخوانلرک اذایه عدم صبرینی
معذور طوتک زیرا احوال فاسد اولوب هر اسم اشیا تبدیل و تغییر
اولدی و غالب ناس عملی براغوب قواله اکتفا ایلشدر و بلا جله به
عام اولمشدر و ناسدن ظهور ایدن کاه اخلاق ذیاب کاه اخلاق کلاب
کاه اخلاق روباه کاه اخلاق اسد کاه اخلاق بهایم کاه اخلاق
شیاطین کاه اخلاق فسقه و ظلمه ظهور ایدر و نادر بولنور که برآمده کل
مؤمنین و باصالحین اخلاقی موجود اوله ایمدی علم و ادبی اولمیان کیمسه
اقتدا ایدوب تحصیل کمال ایلسون حکیم ایه غالبکدر غالبی نه خویده
اولور ایه اکا تابع اولورلر اقوال و اخلاق و افعاله (و شیخ افضل
الدین دیمشدر که والله بن ابتدا کندی نفسیده حیوان و فخره
و شیاطین احوالی و اخلاقی مشاهده ایتدم غیر یلرنده مشاهده ایتزدن

بیان آفات رد قبول عذر
المؤمن

اول ایمدی بر کیمسه که بوعصرده مرتبه استقامت اوزره یوریمکه
طالب اولسه تحقیق محالی طالب اولمش اولور مکر که عنایت ربانیه
انی حفظ ایلیم و دیمشدر که صافنک زمانه کز اخواننک اعمالنی ماضیده
اولان اخواننک اعمالنه وزن ایلک زیرا بوزن صحیح دکلدرد یا اعمال
صحابه میراننه نه نسنه راست کلسون همان سزدن و اخواننکزدن
بوعصرلرده توحید خداده ثابت اولوب شک و نفاقدن سلامت قلب
و صورتا عبادت کزی حسن نیتله شعائر دینی اقامت ایچون وجوده کتورمک
سزده کافیدر و بو کلام طقوز یوز اللی تار یخلرنده دیمشدر یا شمیدیکه
بیک سکسانی آشدی نه امید اولنور (آفات لسانک النجیسی قرآن عظیمی
رایله تفسیر ایلکدر بو خصوصده حضرت سرور کائنات علیه افضل
الصلوات بیورمشدر که بر کیمسه که کتاب اللهده رایله کلام د بوب
اصابت دخی ایدر سه خطا ایش اولور و بر کیمسه علمی بوغیکن قرآن
عظیمده سوز سویلیه جهنمده برین حاضر اسون * معلوم اوله که قرآن
عظیمک تفسیری منفنده حدیث شریفده بیورلد یغی حضرت
حبیب اللهدن اشیدیلن وجهدن غیر ی نهی ایتک مراد دکلدرد
زیرا حضرت رسول الله صلی الله تعالی علیه وسلمدن مسموع اولدیغی
اوزره تفسیر ایتک نا در در پس فقیه ابوالبث بستان العارفینده
دیمشدر که وارد اولان نهی منشا به اولان کلمات حقنده در یوخسه
جمعیسی حقنده دکلدرد زیرا قرآن عظیم خلقه حجت و دلیل ایچون
نازل اولمشدر اگر تفسیر جائز اولسه حجت بالغه اولزدی ایمدی لغات
عربیه بی و شان نزولی ییلن کیمسه به تفسیر کتاب الله ایتک جائزدر اما اول
کیمسه که وجوه لغاتی بلیوب متکلفین دن اوله اکا اشتدیکه مقداردن
زیاده تفسیر ایتک جائز دکلدرد و بودخی علمادن حکایه اولوب علی طریق
التفسیر اولمش اولور اما م بر کلی دیر که و محمل نهیک جله سندندر
ناسخ و منسوخ بلمک و مواضع اجاعی و عقائد اهل سنتی بلیوب
عربیت مقتضاسی اوزره تفسیر ایلیم پس خطادن امین اولمز ایمدی
مجرد وجوه لغتی بلمکه اولمز بلکه بو ذکر ابتدیکر معرفت لردن لازمدر

بیان آفات تفسیر القرآن
بالرأی

و بومعرفت حاصل اولد قده رأیله تفسیر اولما مش اولور کورغز مبهکه
 علماء مجتهدین تفسیرنده نیجه اختلاف ایلیوب فهملرینه کوره احکام
 شرعییه یی اوزرینه بنا ایلدیلر (آفات لسانک الی ابرنجیسی مؤمنی صوجسز
 قورفتیق و مراد ایتدیکی شیلره اکراه ایتکدر هبه کی و نکاح کی بیع کی
 حضرت رسول الله صلی الله تعالی علیه وسلمدن روایت اوانور که
 بیورمشدر بر کیمسه بر مؤمنی قورقنسه الله تعالی حضرتلرینه لایقدر که
 انی یوم قیامتده قورقوردن امین ایلیه (آفات لسانک الی ابرنجیسی
 غیرینک کلامی اراسنده سوبلیوب غیرک کلامی قطع ایتکدر خصوصاً
 مذاکره علمده و یا تکرار فقهده واقع اواسه حالبو که بویله حالده سلام
 دخی و یرمک و بال اولدیغی بیان اولندی کذلک کندی کلامی دخی
 اجنبی کلام ایله قطع ایلیه تکیم بر آدم قراءت قرآن ایدرکن یا خود
 دعا ایدرکن و یا وعظ ایدرکن و یا خطبه او قورکن بر شخصه التفات
 ایدوب کندی حوایج یتبیه اصغرلیه یا خود بوکا بکرز کذلک بر آدم
 وعظ و یا درس مجلسنده ایکن یا خود کندی فوقنده اولان کیمسه
 سوبلرکن صاغنده وصولنده اولان کیمسه ایله سوز سوبلشمیه اخفا
 ایله دخی اولورسه مجرد صاغه وصوله التفات و حرکتی دخی سوء ادب
 و خفت و عجله و سفاهت در بلکه متکلمه لازم اولان بودر که کلامنک
 اراسنه بر اجنبی کلام قاتمبوب آخرینه دک برخوش کلامی دیزه قویه
 کذلک مخاطبه دخی لازم اولان بودر که تا کلامک آخرینه وارنجیه
 اکا توجه ایلیوب و سکوت ایلیوب د کلیمه التفات و تکلم و حرکت
 ایتکسزین یا خصوص چنکه متکلم کلام الله و یا حدیث رسول الله
 تفسیرنده اولسه زیاده ادب کوزلیه مکرر که طبعاً و یا شرعاً بر حاجت
 عارض اولوب بومذکور ائت ترکنه مقتضی اوله (واخلاق علائیده
 سوز سوبلک ادابی بیساننده دیمشدر که کر کدر که مطلقاً چوق سوز
 سوبلکدن غایت احتراز اولنه که کثرت کلام خفت دماغ و سخافت
 عقلاک نشاندر و موجب سقوط مهابتدر و احباب قتنده تقبل عد اولنوب
 صحبتندن ملول اولورلر و انک آدنه فارسیده پرکوی و ترکیده یا کشتی

بیان آفات مؤمنی صوجسز
 قورفتیق

بیان غیرک کلامی قطع
 ایتک آفات

دیرلر و مجلسلرده حکایت دور دراز و نیجه طرفه شعبه اندر مه دن احتراز
 لازمدر و هر کیم کثرت کلامه مبتلا اوله انک باشنه ایکی بلا کله بریسی
 کند یسندن زلل و بری سامعیندن ملل در و حکما ایدر حق جل و علا
 انکیچون قولاغی ایکی واغزی برایتدیکه آدمی نک اشتدیکی ایکی
 و سوبلدیکی براوله و سلف دیرلردی اذاتم العقل نقص الکلام و مشایخ
 دیمشدر من عرف الحق جل شانہ کل لسانه معناسی بر کیمسه که ربسی
 بلدی انک لسانی ثقیل اولدی یعنی چوق سوبلر اولور و بر کره سوبلدیکی
 سوزی تکرار سوبلکدن حذر ایلیه خصوصاً که نادره و لطیفه لرده
 اوله که اول تکرار ابق اول کلامی لطیفه لکدن چقاروب ار بعین دن
 یارد ایلر و مدرسلرو و واعظلر دخی بر نکته و مسئله حددن زیاده تکرار
 ایدوب مستمعلری بیرار ایتکدن احتراز کرک و اگر بر لطیفه یا بر حکایه
 نقل ایتمش اولسه وانی تکرار ایتک لازم اولسه دیدیکر فلان حکایه
 دیو اجمالادیه و اگر اشمشمش بعض کیمسه اولوب ینه تفصیله محتاج اولسه
 انلره نقل ایتدیکنی اشراب و اشمشمش کیمسه باقیلره استماع تکلیفن
 ایلیه و حکایه مشهوره که اکثر ناس انی بلورلر نصر الدین حکایه لری
 کی انی بلنشمش حکایت کی نقل ایلیوب اشارت اجمالیله کچه و جلبسلرندن
 بعضی بر حکایت نقل ایلسسه ایشیدن انی بیلورسه بلدیکنی اشراب
 ایتبوب اشمشمش کی دکلیه (امام شعبی دن مرویدر که حضورنده
 بعض کیمسه حدیث نقل ایدردی و کندی دیکلردی بعده تنهاسنده
 دیردی بن اول حدیثی انک انا سیه بابا سی جمع اولماش ایکن حفظ
 و روایت ایلشم اما اکا بلدیکم بلدیرمبوب حسن استماعله تلقی ایدرین
 غرضم اکا روایت حدیث لذتن ذوق ایتدیروب سماع و حفظ حدیثه
 اشتغالن ار تور مقدر دیو یورلردی و غیریدن برنسنه صورلسه
 کند یسی بلورسه دخی مبادره جواب و یرمیه مکرر اول کیمسه جوابندن
 عاجز اولوب سائل خایب اولیق لازم کله اول زمانده حسن ادب ایله
 جواب و یره که جوابه قادر اولمیه نجات اولمیحق و جهله و برجاعتدن
 سؤال اولنسه کند یسی انلره داخل اولسه جوابه سبقت ایتیه و غیره

کیمسه سوزه باشلر سه تمام اولما دن کنددی سوزه باشلیه و بعض حکما
دیمشدر که هیچ کنددی جهلنه اعتراف ایتش کیمسه بلزین مکر اول
کیمسه که غیر کیمسه سوز سو بلر ایکن سوزه شروع ایلده و کنددی
مخضر نه بر جاعت مباحثه به و محاوره به باشلر کندینک مدخلی
اولمجه داخل اولیه و چون جلسا بر سوزی اندن اخفا ایلده اطلاعنی
مهم ایدنبوب استراق سمع ایلده و مجالسه ده بعض جلسا دن صفلامق
ایچون اخرله فسلد شیمه خصوصاً که مزبورک و همنه کندینی سوبلر
ظنی دوشمک احتمالی اوله و اولور ایله کایه سوز سوبلیه ونه اوازی قتی
بلند ایده که مستمعه تخفیف و سوء ادب بولنه ونه یواش سوبلیه که
تکرار صورغه و سوبلیه که محتاج اوله همان اوسط حالی رعایت ایتک
کرک و رفع صوتا کابر و استاذلر قنده غایت مکروه منهیدر اگر کلامنده
ایضاح و بیانه محتاج نسنه اولسه انی تمثیلله بیان ایلده اما احتیاجی
اولمجه اختصار کلامدن عدول ایتیه و هر حالده مقتضای حال
و مناسب مقام سوز سوبلیه و تکلم زماننده ایله باشلیه کوزیله قاشیله اشارت
ایلده مکر مقتضای مقام ایله بر اشارت لطیفه اوله روایت اولور که
برامی کیمسه بر مدرسده اما نت نسنه قومش ایدی طلبنه کلد کده
مدرس طلبه سنه درس ویرردی صبر ایله درسی تمام ایده بن دیدی امی
کور دیکه انتظار حددن اشدی و مدرس اثناء درسه الین یه اوروب
سائر اعضاسی دخی تخریکدن خالی دکل ایدی اول امی مدرسده ایتدی ای
خواجه کل سن بنم متاعجم کتوری ویر بن سنک بریکه اوتور ایم والمی
یه اور ایم باشیمی صاله یم و کوزمی قاشیمی اوینده یم هم سنک ایشک بر
وهم بنم دیدی و حق کنددی النده دخی اولور سه کیمسه ایله مباحثه ایتیه
خصوصاً کندندن اولور ایله سیم بوزمانده که لجاج و عناد طبیعتله
مستولی و اظهار صواب معدوم و نایاب اولمشدر (اخلاق علانی صاحبی
بو کلامی باوز سلطان سلیم عصر لر نه دیمشدر یا شمیدی عصرده
قنغی انسان عناد دن سالم اولمشدر ایمدی بوندن خلاصلق دیانی
حفظ ایتکله و خلقه قارشمافله اولور) آفات لسانک الی اوچنجیمسی

بیان آفات رد التابع کلام
متبوعه

تابع متبوعک کلامنی رد ایلمی و مقابله سی و عدم اطاعتی در امر مشروعه ده
بیکه وقاضی به رعیتک و والدینه اولادک و افندیسنه مملوکک و استاذ نه
شاگردک و ارینه عورتک و عالمه جاهلک رد کلاملری و سائر مخافتلری
کی بو خصلت قتی قیبحدر بونکله تعزیه مستحق اولور لر خلاصه ده
دیمشدر که ایکی آدمک ما بیننده خصومت واقع اولوب بریسی مقبیلر
فتواسنی آلوب کوستر دکده بر غیر یسی یاز دقلری کی دکلدر یا خود
بونکله عمل اولمز دیسه تعزیر واجب اولور (شیخ شعرای دیمشدر که
علمادن ماعددا صلحا به ییله سوء ظنله قارشولوب انکار ایتمک کرک
زیرانه اولدیغی بیلنمز بلکه اول صالح کیمسه اولیاء الله دن اوله
بو خصوصدن شیخ عبد القادر جیلی رحمه الله دیمشدر که بر کیمسه
برولینک عرضنه طوقنسه الله تعالی حضرتلری انی موت قلبه مبتلا ایدر
و شیخ عبد الله قرشی دیمشدر که بر کیمسه ولی یه برامز نظر ایله نظر
ایتسه تا عقیده سی بوز یلوب بد ناملفله مبتلا اولمادجه دنیادن کیمیه
(و شیخ شعرای دیر که بر دفعه بر شخص حضور مده عمر بن فارض
حقنده نامعقول سوز سوبلد کده * تلک امة قد خلت * دیونه استرسن
اولوب کیدن کیمسه دن دیدیکمه اول شخص اتی سب ایتکله حقه
تقرب کسب ایدرم دیدی پس بنیدن آریلوب اسکندر یه ناحیه سنه
کندی و انده زنا ایله متهم اولوب قاضی عسکر صفالک نصفنی
و بر قاشنی تراش ایدوب و ترسنه اشکه بندیروب تشهیر ایتدرمش بر قاج
ایامدن صکره جامه کیروب حوضک ایچنده بوغولمش مبتی سیاه بوینوز
شکلنه کیرمش و کندیسی مقبیلردن ایکن بویله برامز حاله اوغرامش
معاذ الله ایمدی اولیایه و صلحا به دخل ایتکدن احتراز لازمدر) آفات
لسانک الی دردیجیمسی هر شیدن سؤال ایتکدر که بو حلالیدر
حرامیدر و یا کیدر ناپا کیدر دیو کندی برهیر لکنی اظهار ایچون
حرمت و نجاسته ظاهرا بر علامت بوغیکن بودخی مؤمننه سوء ظن
واذا اولدیفیچون و نجسس معناسی بولندیچون حرامدر مثلاً بر شئی
بر مستور الحال کیمسه دن صائون آلتی استه سک بوشی سکا زه دن

بیان آفات کثرت سؤال

سنگ حلال ملک میدر دیوسؤال ایده سل یاخود بر کبسه سکا هدیه
کتورسه یاخود ضیافته دعوت ایلمسه اول هدیه نزه دن اولدیغن
وطعام نه قرانچدن کلدیکن سؤال ایده سل یاخود ایچمکه ویا ایلدسته
صو کتوردکلرنده یاخود نماز ایچون برشی دوشه دکلرنده نجاست
علامتی بوغیکن باکلیغندن سؤال ایده سن پس بواذا وسوء ظنذر
یاخود ریا و عجب وجهلدن ناشیدر و تجمس و بدعتدر سکا لازم
اولان بودر که صحابه و تابعینک ایتدکلری کبی اشیانک ظاهر نه اعتماد
ایده سن زیرالنده اولسی ملکه دلیلدر و اشیاده اصل اولان حلال و پاک
اولمقدرد و بویقیندر شک ایله زائل اولمز اوچنی باید ان شاء الله بونک
تفصیلی کلسه کرکدر (آفات لساندن لالی بشجیبسی ایکی کبسه نک
اوچنی یاننده خفیه سولشمسیدر بودخی نهی اولمشدر حضرت
رسول اکرم صلی الله تعالی علیه وسلم* اوچ کشی اولدیغکرده ایکیسی
آخر سنر فسلدشمسون مکر که ناس بر پرینه اختلاط ایده لر زیر اول
محزون اولور* پیورمشدر امارت کبسه اولدیغکرده ابن عمر ضرر
ویرمز دیو جواب ایتشد و عورت آخر عورتک کوردیکی بشره سنی
اری قنده وصف ایتتمک کرک زیرا ارینه کوسترمش قدر اولور
کورمک ایسه نظرك زناسیدر (آفات لسانک الی التجیبسی اجنبیه تازه
خاتونله سولشمکدر بودخی حاجت اولدجه جائز دکلدر حتی
اقسرسه وجد ایلمسه اکابر حکم الله دیمک کرک کذلک سلام ویرمک
کرک واجنبیه سلام ویرسه جهرله المیوب اخفایله المتق کرک عکسی
دخی بویلمجه سنه در زیر حضرت رسول الله علیه الصلاة والسلام
* لسانک زناسی اجنبیه ایله کلامدر* دیو پیورمشدر و بونک تمامی آفات
اذنده کلسه کرکدر (آفات لسانک الی بدنجیبسی بلا حاجه ذمی یه سلام
ویرمکدر بودخی مکر و هدر الاذمی قنده حاجتی اولدیغنده قایمز و بزم
اصحابمزدن نقل اولنور که فاسق مجاهره و مغنی یه و کوکرجن اوچران
قوشبازه سلام ویرلمه و ذمینک سلامنی ردایتد کده وعلیکم قولیه بالکر
رد ایلمسه (آفات لساندن الی سکننجیبسی تغوط و تبول اوزره اولان

بیان آفات معصیت ایشلیانه
بول کوسترمک

کبسه یه سلام ویرمکدر نتکیم ذکری کجری (آفات لسانک الی
طقوزنجیبسی معصیت مراد ایدن کبسه یه بول کوسترمک ایچون کلام
سویلمک بودخی جائز دکلدر زیرا معصیته اعانتدر نتکیم الله تعالی
* ولا تعاونوا علی الاثم والعدوان * پیورمشدر معنای شریفی کلاه
اوزرینه وعداوته معاونت ایلک (و خلاصه ده دیمشدر که بر ذمی
بر مسئله کنبسه دن سؤال ایلمسه لایق دکلدر که مسلم بولین کوستروب
اکادالات ایلمه کذلک بکلراعوانته و ظلمه یه فیکه ظلمه کیدر اولسه لر
بول کوسترمه لر کذلک شریر و مبطل اولان کبسه یه دهواسیچون
مسئله تعلیم ایتتمک ظلمه اعانت قیلندندر کذلک ضعیف و متروک واقوالی
تعلیم ایتتمک کرک (آفات لساندن التجیبسی معصیت اولان یه اذن
اجازت ویرمکدر زیرا معصیته رضامعصیتدر زوجک خاتوننه اذن
ویرمسی کبی بر قاج موضعک غیرنده و اول جائز اولان مواضع بونلردر
اناسی باباسی زیارتنه و خسته لکارینه و مصیبتلرینه و محرمی زیارتنه
اما بر خاتون کوبک کسبی قابله و یاغساله اولسه و یا آخرده و یا آخرک
کنندیده حتی اولسه بوصولنلرده اری اذنیله و اذنسز چیققی واردر
اما بونلردن غیری یرده اجنبی زیارتنه اری سکوله کبسه ایکیسی دخی
آثم اولور اجنبی اوینه کندیکی صورتده و اگر دین بایندن برمشکلی
ظهور ایلمسه اگر اری اتی عالمدن سؤال ایدوب مسئله کتورر ایسه
چیقمغه اذن یوقدر اما اگر اری امتناع ایدرسه اری رضامعز چیقوب
مشکلی صورمق واردر اما اگر خاتونه بویله برمشکل عارض اولمیوب
انجق مسائل صلاتدن و وضودن اوکرتمک ایچون کیدهیم دیسه اگر
اری مسئله حفظنه و بلدر مسنه قادر دکلر ایسه اولی اولان بودر که
بوخصوصده احیاناً خاتوننه اذن ویره و اگر اذن ویرمز ایسه ده برشی
لازم کلز و اذنسز چیقمغه جواز یوقدر مادامکه برمشکل عارض
اولمه و نسا طائفه سنک چیقمغری مباح اولدیغی یرده دخی زینت
و تغیر هیئت ایتتمک شرطیله در تا که نظر رجاله و میل قلوبه باعث
وبادی اولمه لر و اناسنک و یا باباسنک خسته لکلری حالنده کوزه در

بیان آفات معصیت اولان
محله اذن ویرمک

بیان آفات بشقه سنک یاننده
کیرلی سولمک

بیان آفات تازه اجنبیه
خاتون ایله سولشمک

بیان آفات ذمی یه حاجتسنر
سلام ویرمک

کیمسه اولسه ارندن اجازتسز دخی کیدوب کوزمک واجبد واری
 منع ایدر ایسه کنه کار اولور و حضرت رسول اکرم صلی الله تعالی
 علیه وسلم حمامه کیروب نوره طرتماسی و خالد بن ولید ک حص حمامه
 کیرمسی واقع اولدیغندن اتوری علمانک اکثری دیمشدر که رجاله
 ونسایه حمامه کیرمک مشر و عذر و بعض علمافتنده نسایه حرامدر
 اما اصح قولده اگر ارارنده ادب برینی اچار خاتون یوغبسه مباحدر
 اما اگر یو یوزدن وار ایسه حرامدر اکابناء حضرت عایشه صدیقه
 رضی الله تعالی عنها شام شریف خاتونلری زیارتنه کلمه کده
 دخوللرینه اذن و یرمیوب دیمشدر که انلر اول ملعونه لر دکلیدر که حمامه
 یشمالسز اتوروب بری برندن عیلمرین ستر اتمزلر بوسیلله زیارتندن
 محروم ایدوب خائب و خاسر کوندرمشدر (ایکنجی بحث شول کلام
 بیانده در که نظام معاشه متعلق اولیوب بلکه عادات قبیلندن اولوب
 اصلنده منع اولمیوب اذن وارد اولاندر ایددی بو کلام عادی واذنی
 التیدر اولکبسی مزاحدر یعنی بری بریله لطیفه ایتکه دیرلر حتی اصحاب
 کزین رضوان الله تعالی علیهم اجمعین دیدیلر که یارسول الله سن دخی
 بزمله لطیفه و خوراته ایده یورسین رسول الله پیوردیکه * انی لا اقول
 الا حقا * یعنی بن هر نه دیسم حق دیرین لطیفه ده دخی کذب ایتیم دیمکدر
 حتی انس حضرتلرینه لطیفه طریقیله یاذا الاذنین دیردی یعنی بره ای
 ایکی قولقلی دیمکدر و بعضیسنه یاذا البین دیو حق جهتمندن لطیفه
 ایدردی و ابوهریره رضی الله تعالی عنه روایت ایدر که حضرت رسول
 اکرم مبارک دیلنی حسن بن علی به چیقارردی و اوینا دیردی صبی
 دخی کولوب سوینوردی و لطیفه نیک شرطی بودر که انده کذب اولیه
 و برمسلمی قورقتمق دخی اولیه نیکم حضرت رسول الله علیه الصلاة
 والسلام * قرنداشکنزک عصاسنی نه لطیفه ایله ونه کر چکدن آلمکز *
 دیو پیورمشدر نیکم روایت اولنور اصحاب کزین بردفعه رسول الله
 علیه الصلاة والسلام ایله بولده ایکن برطاغ کارنده مکر بر آدم یانوب
 او یور ایش صحابه دن بعضیسی طاغ ایله کیدر ایکن لطیفه ایله بتان

بیان آفات لطیفه و مزاح

آدمی اورکتدی پس رسول الله علیه الصلاة والسلام * مسلمه حلال
 دکلدر برمسلمی قورقتمق * دیو پیوردی اما لطیفه بی دخی چوق ایتک
 مذموم و منهی عنه در زیرامهابت و وفاری اسقاط ایدر و بعض
 احوالده و یا بعض اشخاصده کین پیدا ایدر و چوق کولمک قلبی میت
 ایدر نیکم روایت اولور که حضرت رسول الله صلی الله تعالی علیه
 وسلم بردفعه ابوهریره نیک الندن طوتوب پیورمشدر * حرام اولان
 شیردن صقن خلقک قتی عابدی اوله سن والله تعالینک قسمته راضی
 اول ناسک غنیمی اوله سک و قو کشکه احسان ایله مؤمن اوله سک
 ونفسکه سودیککی ناسه سومسلم اوله سن و چوق کولمه زیر چوق کولمک
 قلبی اولدر * دیو پیورمشدر و بر حدیث شریفنده دخی * عبدکاهی
 برسوز سویلر که انکله اهل مجلسی کولدوره پس انک سبیلله یرایله
 کولک مایینی قدر درجه سندن ساقط اولور و دلایله سورچن ایاغیلله
 سورچندن اشددر (صراط سویده حضرت حبیب اکرم صلی الله
 تعالی علیه وسلمک مزاحندن نقل ایلشدر که بر عجز رسول
 الله کلوب یارسول الله بکا جنتله دعا ایله دیدیکنده پیورمشدر که
 یاسن یلمز مین ای خاتون جنته عجزه لر کیرمز پس عجز اغلادی
 رسول الله علیه السلام تبسم ایدوب پیوردی سن اول وقت عجز
 اولمز سن الله تعالینک * انا انشأ ناهن انشاء فجعلناهن ابکارا * قولنی
 او قومادکی كذلك ام ایمن حضور رسول الله کلوب سنی ارم دعوت
 ایدر دیدیکنده سنک ارك اول دکلیدر که کوزنده بیاض وارد خاتون
 یمین ایتدی انک کوزنده بیاض یوقدر رسول الله علیه السلام بلی انک
 کوزنده بیاض وارد دیدی پس خاتون عجله ایله دونوب ارنه کلدی
 وارینک کوزینه باقمه باشلدی اری اصلنی سؤل ایتدی رسول الله
 علیه السلام خبر ویردیکه سنک کوز کده بیاض وار ایش اری ایتدی
 یا کورمز مین بنم کوزیمک بیاضی سیاهندن زیاده در روایت اولنور که
 بر خاتون کلوب یارسول الله بنی دویه بندر پیاده قالدیم دیدیکنده سنی
 بزده یور یسنه بندر پیورم دیدی خاتون ایتدی بنانی نبلیم بنی کتوره مز

حضرت رسول الله پیوردی یار دوه وار میدر که دوه نک یور یسی اولمش
 اوله کذلک بردفعه اصحاب کزین ایله اوتوروب بر سفره ده خرما برکن
 رسول الله علیه السلام جله چکر دکاری جمع ایدوب سربچه حضرت
 علی نک اوکنه قیوب پیوردی کورک علی نه اکول کیمسه در حضرت
 علی بالبداهه جوابده دیدیکه خرما بی چکر دکیمه بین بندن اکولدر
 و حضرت علی رضی الله عنه صحابه مایینده کثرت مزاحله موصوف
 ایدی برکون بر آدم حضورنه کلوب دیدیکه بو کیجه دوشمده انام ایله
 احتلام اولدم حضرت علی قاتی کونشده طور بر کیمسه کولکه که
 یوزد کنک اورسون دیدی و بردفعه سلمان رضی الله تعالی عنه صویه
 کوروب غسل ایدرایکن حضرت علی اطیفه طریقه بریره صافلنوب
 اوزرینه قوم صحار ایدی و سلمان چیقوب بقاردی کیمسه بی کور مردی
 آخر علی حضرتی کندینی کوسترد کده سلمان الم زده اولوب ایتدی
 (هذا اخرک الی الرابعه) یعنی سنی چوق چوق اطیفه لک یاران
 رسولدن دردنجی مرتبه تا خیر ایتدی دیدی امام شعبیدن شیطانک
 عورتک اسمی نه اولدیغی سؤال اولند قدده بن نکاخنه حاضر اولدم
 دیو جواب ویرمشدر و علماء متأخریندن کمال پاشازاده اطیفه
 کویبلغله مشهور اولوب فتوا سنده سؤال ایدرلر بر آدم رمضان شریفده
 صبح کا ذبده افطار ایلمسه غبار ایله شرعانه لازم کلور قبا قوشلق
 وقتنده قان جیران اولوق لازم کلور دیمشدر وینه صراط سویده
 دیمشدر که جعفر صادق رضی الله تعالی عنه حضرتلرندن سؤال
 اولندی حضرت رسول اکرم صلی الله تعالی علیه وسلم اطیفه
 ایدر میدی جمیع نبیا علیهم السلامی الله تعالی شدله کوندردی
 الا حضرت سرور کائناتی بواشغله و مر حله کوندردی و مر حه
 ورافتندن امتیله مزارحه و اطیفه ایدردی تا که امتی کندیدن خوف
 انجوب امور دینه دن استد کلرینی سؤال ایدرلر وینه بر حدیثده
 نبورمشدر که مزاحدن صافنک زیرا مؤمنک بها و رونقن کیدر
 و مروتدن اسقاط ایدر ایتدی لازم اولان حد اوسطی رعایت

ایتمکدر افراط و مداومت مذمومدر عداوت کتور و وفاری کوتور
 حد اوسطی بلمد کجه اولی اولان اندن اخترازددر حضرت سرور انبیا
 صلی الله تعالی علیه وسلم و علی مرتضی رضی الله تعالی عنهما لطائفه
 باقوب مغرور اولمق کرک زیرا انلرهم رجالی هم مقاملرینی یللوب
 حدودینی رعایت ایدرلردی یوخسه محلسن اطیفه ایدنجه نیجه آفاته
 سبب اولور جله دن بری دینلشدر که هر شئک تخمی وارد و عداونک
 تخمی مزاحدر و خوراته در و بو آفتک علاج دفعی فکرینی مهمات
 دینه به صرف ایدوب کندینه لازم اولان مسائل ضروریه بی طلب
 ایتمکله اولور و حدیث اربعین شرحنده طاش کو پری زاده رخه الله
 دیمشکدر که بومزاج و اطیفه اوج شرطله مباحدر بری بودر که
 نادر واقع اوله تنکیم سرور کائنات علیه افضل الصلواتن واقع
 اولمشدر حتی کتب احادیثده ارانشدر و قرق اطیفه دن تجاوز
 صادر اولدیغی بولنماشدر ایکنی شرطی اولدر که حق و صدقندن
 باطله و کذبه عدول ایلمکدر اوچنی شرطی اولدر که مخاطبینک قلوبنی
 غم و غصه دن معالجه قصد ایله اولوب هرل ولعه میل ایتمکسزین اوله
 بواجلدن حضرت رسول الله صلی الله تعالی علیه وسلم اکثر
 لطیفه سی ضعیف القلب نسا و صبیان ایله و مفهوم کیمسه لایله ایدی
 ایتدی بو شروطه رعایت اولمق قتی مشکدر پس بزم حالیمزه اولی
 و اتقی اولان بودر که اتی ترک ایدرلر زبیرانفس اکا البشوب صنعت طونور
 و انسانی معصیتده دوشورر باخصوص خوینی بلمدیکک کیمسه لایله
 جدا جاز دکدر تنکیم مقالات فناریده دیمشدر که اختلاطک اولدیغی
 کیمسه ایله و اخلاقنی بلمدیکک اشخاصله اطیفه ایدیچی اوله
 حکایت اولور که ابی مروه نام کیمسه غایت اطیفه کوی ایدی
 براعرابی به لطیفه ایله دیدیکه سن اصلا کورمدیکک شبهه شهادت
 ایدر بسن اعرابی دیدیکه شهادت ایدر مکه سنک باباک انا کی یفعللیدی
 بن ایسه اتی کورمشم پس اول اطیفه کوی الزام و اسکات ایلدی
 و من بعد کیمسه ایله لطیفه ایلمسنه عهد ایلدی اما کشتی کندی

جلبسی وینسلری اولان اخوانله اعتدالله لطیفه ایتک قایمز تا که
وحشت دفع اولوب مجلسده انس والفت حاصل اوله نتکیم حضرت
لقمان علیه السلام اوغلنه نصیحتنده دیمشدر اول قدر طاعتی اولمکه
خلق سنی اکل و بلع ایتسونلر و اول قدر آجی دخی اولم تا که خنظل
کبی برافسونلر و ترکیده دخی بوکا بکزر برکلام وارد نه بواش اولوب
باصلا سین و نه یاوز اولوب اصلا سین دیر لر ایتدی (خیر الامور
اوسطها) خواستجه اعتدالی رعایت ایتک کرک تا که قتی بی وقار
بکنیلردن و ثقلادن دخی عدا و لیمیه زبرا مجلسده ثقیل کیمسه قتی
بار کراندر نتکیم شیخ شعراوی منن نام کلبنده سفیان ثوری رحمه الله
کلامی نقل ایدر که دیمشدر بر مجلسده اون آدم اولوب ارالنده بری ثقیل
اولسه انک ثقلتی جملله یه غالب کلوب بکا ثقلتی تأثیر ایدر و علمادن
اعمش رحمه الله تعالی هر بار که بر ثقیلی کورسه صو ایچردی و دیردی
رجل ثقیلک یوزینه باقی جای روحدر حایسه حرارتنددر و صوابله
صغومغله مأمورا و لمشدر در و مذکور اعمشک اعمش اولندیغندن سؤال
ایدر لر که الله تعالی کوزو کلک کتمسنه نه عوض ویردی دیدیکه ثقلایی
کورمک عوضین ویردی و حماد بن سلمه رضی الله عنه بر ثقیلی کورد کده
(ربنا اکشف عنا العذاب اننا مؤمنون) او قوردی و عایشه صدیقہ
رضی الله تعالی عنہا دن روایت اولنور که الله تعالی انک (فاذا طعمتم
فانتشروا) قوی ثقلاحتقنده نازل اولمشدر یعنی طعامی بد کدنصکره
طاعیلک دیو پیورلدیغی ثقیلارک طاعمله سنه تنبیهدر و شیخ افضل
الدین رحمه الله تعالی ثقیلی کورسه که مجلسنه کلوب او تور مقی استر
ایسه قارقاردی و کزوب یوررایدی تا اول ثقیل کبدنجه ظاهر اولمزدی
و ابن ابی عتیق بر ثقیلی کوردیکنده و یورشکلنده اولوب کوزلرین
قیاردی تا که کورمیه و جالینوس حکیم دیمشدر انسانک ثقیلی
بار کراندر ثقیلدر زبرا انسانک ثقلتی قلب اوزرینه و یو کلک ثقلتی
بدن اوزرینه در و ابو شهاب رحمه الله تعالی دیمشدر که جلپسک
اتفاق ثقیله دوشسه صبر ایله زبرا فی سبیل الله مرابطه در یعنی

قراول بکلمک اما اگر طول و دراز کلامیله سنی طارلر دوب ملول ایلمسه
انی قالدرمغه سعی ایله و یا خود کیندک قالدق کیت نفسنی تب و تابه
دوشورمیه سن و ابو هریره رضی الله تعالی عنه بر ثقیلی کیمسه بی
کورسه (اللهم اغفر لنا وله وارحما منه) دیردی و امام اعظمیدن
سؤال ایلدیلر که ثقیل کیمدر جوابنده دیدیکه ثقیل اول کیمسه در
کندی ثقلتی بیلیمه و علماء کزیندن ابن انباری بر ثقیله باقوب دیدیکه
اگر حضرت آدم علیه السلام علم غیبی بیلیدی و بویله ثقیل دنیا یه
کلچکی بیلش اولمادی نطنه سنی حوایه قومبوب بواجلندن طلاقله
آیرلیدی الله اعلم آدمی وصلبنده اولان ذریتنی بو آدمک ثقلتی
بر یوزینه ایندردی دیمشدر و ثقلاحتقنده علمانک کلامی چوقدر
حتی جلال الدین سیوطی بر کتاب تألیف ایتدیکنی شیخ شعراوی نقل
ایتشدر (کلام عادی اذیندن ایکنجبسی مدحدر بودخی جائزدر
حضرت رسول الله علیه السلام اصحابی مدح ایلمسی دلیلله نتکیم
ابو بکر رضی الله عنه حقنده پیورمشدر اگر ابو بکرک ایمانی جمله اهل
عالمک ایمانیله وزن اولنسه انک ایمانی ارتق کوردی و حضرت عمر
رضی الله عنه حقنده دخی اگر بد نصکره پیغمبر اولیدی عمر اولور
ایدی دیو پیورمشدر (امام مدحک جائز اولمسی بش شرطله در اولکسی
کندی نفسنی مدح ایتمکدر زبرا تزکیه نفس جائز دکلدر الله تعالی
ولا تزکوا انفسکم هوا علم بمن اتق پیورمشدر معنای شریفی کندی
نفسکری تزکیه ایدوب ایودیمک الله تعالی حضرتلری اعلمدر اهل
تقوی بیکه ایوانلردر کذلک کندی نفسنی تزکیه حکمنده در کشی
اولادینی و باوالدیننی و یاشا کردلرینی و یا تصنیفلرینی و بوکا بکزر شیلری
اویمک که مدح ایدمک مدحنی مقتضی اوله بر حکیمه دیدیلر که صدق
قیح نه در دیدیکه کشی نفسنی او که مکر که بونک کی تزکیه ایله بر آدم
الله تعالی انک ویردیکنی نعمتی تحدیث مراد اوله و یا علم و عملدن حالنی
اعلام مراد اوله تا که اندن علم و عمل تحصیل ایده لر یا خود مستحق
اولدیغی وظیفه سن و حقن ویرلر و اندر ظلمی و یا عدم استحقاقی دفع

ایدهار و بونله بکرز غرض ایچون اولور ایسه تزکیه و فخر اولماز تنکیم
رسول الله علیه الصلاة والسلام * اناسید ولد آدم ولا فخر * بیورمشدر
(ایکجی شرطی کذب و ریاه مؤدی اولان افراطدن احتراز در
و حقیقتیه مطلع اولمق ممکن اولمیان پرلده قطعی خبر و یرمکدن
احتراز ایدوب امیدم بودر مقوله سی کلامه تعبیر ایتکدر مثلاً فلان کیمسه
زاهد و متقی در دیومدح ایده جک پرلده زیر زهد و تقوای حقیقی
قلیده در اکا و قوف ممکن دکلدر (اوچجی شرطی اول ممدوح اولان
کیمسه فاسق اولمق کرکدر زیر فاسق مدح اولند قدیه رب العزه
غضب ایدر و عرش دترر دیور رسول الله صلی الله علیه و سلم بیورمشدر
(در دجی شرطی مادح اولان کیمسه ایتک کرکدر که انک مدحی ممدوحده
کبر و یا غرور و عجب احداث ایتکدر یوسیددن بر آدم بر آدمی حضور
نبی علیه السلامده مدح ایلدیکننده حضرت رسول اکرم صلی الله
علیه و سلم اوچ کره * وای سکا قنداشکک بوینی اوردک و بر کیمسه
قنداشکک مدحی ایلسمه شوبله ظن ایده رم دیسون و مداحلری
کور رسکز یوزلینه طیراق صچک * دیو بیورمشدر (بشجی شرطی
مدح غرض حرام ایچون اولمق کرک یا خود فسادده مقتضی اولمق
کرک غلمان و نسادن بر شخص معینی اهل هوا مایینده مدح ایتک کی
زیر تحریک شهوت ایدوب لواطه و زنایه قندرمق کی شیلر حاصل
اولور یا خود تلذذ نفس و تطیب مجلس و اضحاک اهل مجلس ایچون
ایتدکاری کلام کی و عورت کنندی ارینه اجنبیه خاتونی مدح ایتک
دخی بوقبیلدندر و مال حرامه و اصل اولمق ایچون امرا و قضاتی
مدح ایتک و انک سبیلله ناسه مسلط اولوب ظلم ایتکده رخصت بولور
اما بونک ضدیکه ذم مذمومدر اکثر یا کذبده و یا غیبتده و یا استهزاده
داخلدر و بو کذب تحتده داخل اولمیان طعمای ذم ایتک مقوله سیدر
بوکلمکدن اوتوری ابوهریره رضی الله عنه روایت ایدر که حضرت
پیغمبر علیه السلام برطعمای اصلا ذم و تعیب ایتدی اگر اشتها سی
اولور ایسه بردی و اگر اولماز ایسه ترک ایدردی لباسک و دابه نک ذمی

دخی تکبرده داخلدر (امام غزالی ایدر مدحده الی آفت وارد در دوردی
مادحه ایکبسی ممدوحه عارض اولور اولکی آفت افراط مدح کذب
مؤدی اولمقدر بو آفته مثلاً ولدقلری ظاهر در بلکه بعض کثرت
جهل و قلت تقوی سبیلله کفری دخی مرتکب اولور شعرای عربدن
متنبی بو ورطه به چوق اوغرامشدر نته کم دیمشدر (بیت)
* یرشفن فی فی رشفات * هن احلی من التوحید * دیو محبوبنک
اغزی یارینی توحیددن لذتلی دیمش (ایکجی آفت ریادریزیرا
مدح ایتک دعوای محبتدر و اقعده مطابق اولما بجه ریای محض اولور
(اوچجی آفت بعضی نسنه لری ادعا ایدر که تحقیقی ممکن واکا اطلاع
بولمق ميسردکلدر مثلاً زاهددر و یا ولیددر دیمک کی زیر حقیقت
زهد و ولایت بر کیمسه ده اولدیغنه علم ایتدک مشکدر (در دجی آفت
گاهی بر فاسق مدح ایتکله انک فرح و سرورینه سبب اولور ممدوحه
عارض اولان ایکی آفتک) اولکبسی اولدر که کبر و عجب حادث اولور
حکایت اولنور که سادات عربدن جارود عبدی حضرت عمر
رضی الله تعالی عنهمک مجلسنه کلدکده بعضی حاضرلری بوسکمان
سید قبیلله ریعه در دیدیلر جارود یقین کلچک حضرت عمر طره ایله
اوردی یا امیر المؤمنین نه گاه ایتدم دیو جک اشدکی دید کارینی دیدی
جارود بکا ندن نه لازم کلور دیو جک بیوردیکه سکا کبر و عجب کلکدن
خوف ایدوب سکا بو طریقه ذلت و یردم بیوردی (ایکبسی اولدر که
مدحی استماع ایدیچک کندوده اول وصفک تحقیقن مقرر اکلا یوب
طلب زیاده ایچون جد و سعی دن فتور و کسل کلور (شیخ شعراوی
رحمه الله شیخ افضل الدین دن نقل ایدر که بر کیمسه ادعا ایلسمه که
شوبله مقامه واصل اولمشدر که ناسک مدحی اکا تأثیر ایلان امدی
کنیدی نفسی امتحان ایلسون اگر خلقک ذمندن و نقصندن متأثر اولورسه
اول کیمسه مدحی سورایمش و بو بر میراندر که ذره ایله یینی کلور امدی
ماد حک زجر و منعی اولی در (و شیخ عبد القادر د شطوطی
دیمشدر که عبده لایق دکلدر حق و یرکوسی اولان علوم و معارف

و جاء ايله فخر لفق وفر حلق الاصراطی کچر کد نصکره یو خسه قیامتده
صراطدن ناره دوشن کجه به مدح به فائده و پرر انتهی (کلام اذنبدن
او چنجیسی شعر در بودخی جائردن اگر کذب و ریادن و هجوی جائز
اولیائک هجیوندن و فسق و تغنی و آفات مدحدن خالی اولور ایسه
و بعض واجبات و ستندن اشغال بو نمز ایسه اما بو آفادن سالم اولمق
آزدن آزدن الله تعالی شعرا یو عوایت و کذب و ریایله صفیایوب
اشلد کلرینی سویلرلر واکاز یاده اشتغاللرندن هر وادیده حیران
شکلنده شعره دوشمشلردر دیوئم اما مؤمن مخلصلرک شعرا سی
بو خصال مذمومه ايله موصوف اولمد قلرینی بیان ایلشدر تکیم قاضی
یضاوی بعض الله وجهه * الا الذین آمنوا و عملوا الصالحات و ذکر و
الله کثیرا و انتصروا من بعد ما ظلموا * قولنده دیمشدر که بو کلام صلحاء
مؤمنینک شعرا سی استنادر که الله تعالی حضرتلرینک ذکرینی چوق
چوق ایدرلر و انلرک اکثر اشعاری توحید و ثناء الهی باینده و طاعت
و عبادته قندرمق صد دنده اولور و اگر هجو دیسدر انکله کفارک
هجوئندن انتقام المعنی مراد ایدرلر سلمانی هجو ایتدکلری وقتده عبدالله
بن رواح و حسان بن ثابت کی رضی الله عنهما مسلمیندن عار و شبنی
دفع ایچون کفارک هجو لرینه قارشو کفاری الزامله هجو ایدرلردی
بو سببدن حضرت رسول اکرم و نبی محترم صلی الله تعالی علیه وسلم
حسان بن ثابت * شعراء الاسلام تحت لواءک فی الجنة * یورمشدر
مقالات فناریده بویله مذکوردر و اخلاق علائیده دیمشدر که حسان
ایچون مسجد نبیده برکری قومشلر ایدیکه اکا چیقوب رسول الله
علیه السلامی مدح و کفاری هجو ایدردی و انک حقنده رسول الله علیه
السلام * روح القدس یؤیدک ما نافتحت عن الله و رسوله * یورمشدر
یعنی جبرائیل سنی قوتلندیرر مادامکه الله تعالی و رسولی جانبدن سوز
سویلیه سک و دم اوره سک و بردفعه جبرائیل علیه السلام یتش بیٹی
حسانه تلقین ایلشدر و طامه اصحاب و خلفاء راشدین خصوصاً امیر
المؤمنین بعسوب الموحدين حضرت علی نظم اشعار ایتدکلری اشتہار

طوتمشدر حضرت ابو بکر و حضرت بلال رضی الله تعالی عنهما یی
مدینه ده استمه طوتمشدری افافت ایتدکده بویٹی انشاد ایدردی (بیت)
* کل امری مصبح فی اهلہ * الموت ادنی من شرک نعلہ *
اما جناب رسالت پناه صلی الله تعالی علیه وسلم شعر دن معصوم و شعر
هر نه دکلو لطیف ایسه ده پیغمبر علیه الصلوة والسلامه لایق اولمبوب
* و ما نبغی له * یورلدیغنک سببی ال دکلدر که شعر حد ذاتنده باطل
و کلام منظوم مطلق مذموم اوله بلکه چون کفار نظم قرآن مجز بیانی
کاهی سحر و کاهی شعر دیدیلر پس لازم اولدیکه رسول اللهک سرای
قلبی شعر دن بسته و کلشن کالاتی سبزه شعر دن رسته اوله که تهمت
منکرین صحتی مشتمل اولیه بعض فضلا دیمشدر که بو فضیلت شعرك
حجت قاطعه سیدر که اعجازی اکا محتمل طوته لر وای مجز لک احتمالنه
مشتمل قیلالر (فاما طر یقنده ابو هریره رضی الله عنه روایت ایتدیکی
حدیث شریفنده رسول الله علیه السلام * جو فکز شعر ايله طولمدن
ایرک ايله طولمق بکدر * یورمشدر بو حدیث هجوه متعلق اشعاره کوره
وارد اولمشدر (کلام اذنبدن دردنجیسی تصنع و تکلف سزمقنی و مسجع
فصاحتله سویلکدر باخصوص خطبه ده و وعظ و تذکیرده اولمق
زیاده مقبولدر بلکه بویله محارده ازاجق تکلف دخی مستحیدر زیرا
ایکی یرده قلوبی تحریک و تشویق و معاصیدن قبض و اطاعته بسط
ایدر اما بو ایکسندن مانعداره اثناء محاوره و مصاحبتده تکلفله مقنی
سوزلر سویلکله و اصطلاحات طوغرامغه سبب ثناء محض ریا اولمغله
مذمومدر زیرا حضرت پیغمبر علیه السلام حدیث شریفده اوچ کره
* الله تعالی اول متکلم بلغی بغض ایدر که حین تکلمنده بقره لسانی
طولا ندردیغی کبی آغزنده طولاندیروب ظریفانه سوز سویلک
قصیدین ایلله و کلاملرنده مبالغه ایدنلر هالکلدر و مجلسدن غایت
دور اولوب زیاده مبغوضم اولانلر ایضاح مراد ایچون قدر حاجتدن
زیاده اکتار کلام ایدوب و فصاحت زعمیله آغزینک ایکی جانبی
بوللادوب و آغزینی طولدورارق تکلم ایدنلردر * دیو یورمشدر

واخلاق علایده دیمشدر که کلامده اصطلاحات و عبارات و اساجع
 واستعارات کتورمکه حریر اومحق کرک بو حال طلاب فضیلت
 و کاسب مشوبت اولاناره جائز دکلدر زیر تضییع اوقات اولدیغندن
 غیر شرعا مذموم و عقلا ممنوعدر عاده سجع و تکلف ایتمک دخی
 مکروه اولدیغی بونی مؤیددر بر کیمسه سجع ایله تکلف ایدوب دعا
 ایدرکن ائمہ دن بری استماع ایدیجک ابتدی نیلرسک ربکه فصاحتی
 صتارسک اما تکلفسن سجع واقع اولسه لایسدر نیکیم بعض ادعیه
 مأثورہ ده واقع اولمشدر * اللهم انی اعوذیک من علم لا ینفع و قلب
 لا یخضع و دعاء لا یسمع و نفس لا تقنع و بطن لا یسبح * دخی علما و خطبا
 اوائل کتب و خطبه دارنده ایراد ایتدکلمری کلمات فصیحہ مسجوعه
 و مواعظ و ادب بلیغہ مصنعه بوقسم ممنوعدندر نامقبولدن دکلدر
 زیرا انلردن غرض قلوبی ترقیق و قبول جانبدنه تحریک و تشویقدر
 ممنوع و مذموم اولان محاورات و مخاطباتده و تحصیل مرادات ایچون
 سویلنور کلامده درککه اکاعوام کلام روزمره دیرلر انده استعمال
 فصاحت و اصطلاحات عبارات و تکثیر تشبیہات و استعارات ایتکدر
 زیرا تکلف بی فائده و تصنع بارده در باعثی اظهار فضل و تمیز و ریا
 ورعونتدر و مخاطبه اکثر یا کسر نفس و شرم و تألم ایجاب ایدر
 و بوفعلک صاحبی بارد و ثقیل عد اولنور و اکثر یا ارباب مضاحک
 و مساخیر بومقوله کیمسه لره تقلید و محاکات ایدوب ناسی کولدورلر
 نیکیم بر کیمسه دون کیجه وافر کبوترلر یدک دیجک یرده وافر عنکبوترلر
 یدک دیه و بری بونک کیجه بوایتدیککن فعل لایسدر دیجک یرده عبثدر
 دیمش مرادی اصطلاح اوزره سویلمک ایمش اما نه معنایه اولدیغندن
 بخیبردر و بالجملة بویله محمله اصطلاحات فائده سی یوق و مضرتی
 چوقدر اول سبیدن عقلا قبیح و شرعا متعلق نهی صریحدر (کلام
 اذیندن بشجبسی مالایعیدر که ترکنده ثوابدن محروم و سویلنسنده
 اصلا فائده سی اولمیان کلامدر کشی سرگذشتی حکایه ایدوب کزدیکی
 سفرلری و کوردیکی شهرلری و نهرلری و طاعلری و طعاملری و ثیابلری

سویلمک کی و مهممی اولمیان شیلری استفسار ایتک کی و مالایعنی اولوق
 اول زماندر که کذب و غیبتدن و ریادن برشی قارشیمه زیر اول زمانکه
 بونلر بولنسه مالایعنی دخی حرام اولمش اولور اما صرف مالایعنی نیت
 صالحه یه مقارن اولدقده مستحب دخی اولور نیکیم مجلسده سویلمککه
 عجب و کبر و سائرینی تحقیر تمثنی دفع ایلمک ایچون سویلمسه مالایعنی
 ایسه مستحب اولور یا خود مصاحبک حیا سنی و کندیدن مهابتینی
 کیدرمک نیتیه تاکه مصاحبی کندیدن استفتا یا خود مرادینی انهها
 ایلمه یا خود محزوندن و اهل مصیبتدن حزنی دفع ایلمک نیتیه یا خود
 نسیایه تسلیت خاطر و حسن معاشرت نیتیه یا خود صبیانه تلطف
 نیتیه مالایعنی دخی اولور ایسه سویلمک جائز بلکه مستحبدر یا خود
 سفر المنی یا خود عملی بلدرمک ایچون و بوکا بکزر بر غرض شرعی
 ایچون سویلمسد جائزدر لطیفه ایتمک دخی بو محملارده بونک کی نیتیه
 جائزدر مالایعنی دن خارج اولور و فی الجملة اگرچه مالایعنی جائزدر اما
 ترکی مستحبدر و ترککنک استحبایی متضمنه احادیث نبویدن بری رسول الله
 صلی الله تعالی علیه وسلم * من حسن اسلام المرء ترکه مالایعنیه *
 قول شریفلریدر معنایی کشی به نفع دنیوی و اخروی و یرمیان شئی
 ترک ایتمک حسن اسلامندن ناشیدر دیمکدر و بر حدیث شریفده دخی
 احد غزاسنده اصحابدن بر آدم شهید اولدقده اناسی شهیدک قارنندن
 بر طاش جوزوب طیرانی یوزندن سبیلدی و ایتدی نه دولت سکا اوغلمکه
 بو حالله جنته واصل اولور سن حضرت رسول اکرم صلی الله تعالی علیه
 وسلم بونی اشیدوب اکا ایتدی نعیم جنته و صوانی نه بلدک شاید حال
 حیواننده مالایعنی سویلمدی اوله علی بودر که بشارت کامله اول
 کیمسه یه که اصلا حساب اولنیمه زیر حساب نوع عذابدر و بر کیمسه که
 مالایعنی سویلمش اولسه حساب و سؤال اولنور و بر حدیثده یورمشدر که
 ذنوب جهنتدن ناسک اکثری کلامده مالایعنی جهنتدن اکثری
 اولاندر و سبی بودر که اکثر یا مالایعنی کذب و غیبت امثالی حرامه
 جرایدر و اخلاق علایده دیر که مالایعنی دین و دنیا ده نفعی ظاهر

اولین کلامی سو یلمکدر اگر چه کذب و غیبت و غیبه و فحش حرامدر
انلردن اجتناب واجبدر اما مالایعنی فی الجمله مرخص و مباح ایستاده
طالب فضیلت و کمال اولانله ترکی مناسبدر زیراتضییع زمان
و موجب خسرا ندر اگر اول زمانده جلالت و عظمت حقده فکر اولنسه
احتمال ایدیکه نفحات مواهب حقندن اول عطیه اولیدی که حساب
کلیه ایدی بانکه زبانک فرسوده اولیوب کاتب اعمالک رنج بیهوده
جکمز ایدی یا اول کلامک ذکر و تسبیح و حمد اولیدی مثوبات جلیله
حاصل اولق محتمل ایدی پس بونک کی فوائدی انک کی زوانده
تبدیل ایتک لایقیدر امام غزالی ایدر که مالایعنی نک حدی اولدر که
هر سوز که سو یلمدیک تقدیر چه حال و مالا اندن متضرر و آثم اولیه سن
مالایعنی اولدر مثلا بر طائفه ایله سو یلمشورکن ایلدیک سفرلری
واجتماع مشایخ و زیارتگاهلری و انلردن مشاهده ایتدیک احوالی
حکایت ایلیه سن اگر بولگانندن سکوت ایلیه سک هیچ بر ضرر مرتب
اولز دی و هر چند دقت ایل سک بعض کچه لری ذم و غیبتندن
و مشاهده اقلیم و لقاء مشایخن کنندیکه حاصل اولان عجب و تزکیه
نفسدن صافنک و ینه تضییع زمان و دلکی ذکر و تسبیحه اجرا ایتدو کک
خسرا ن دکلیدر و جله مالایعنی بلکه حرام اولان مقوله دن بری بودر که
یارانکدن سؤال ایده سن بو کون فتنده ایدک و یاقندن کلور سین که
تضییع وقت اولدیغندن غیر صابجه زجت و یررسین شاید بر یردن
کله که ذکر ایتکه حیا ایده اگر حقیقتن دیرسه کند ی متالم
اولور و کذب ایدر سه آثم اولور سکوت ایدر سه جواب و یرمدی دیو
بمحضور اولور سین یا خود بلمدو کی نسنه صور رسن شاید که نفسی بلمز بن
دیمکدن قاچنوب جواب غیر صواب و یره یا خود عبادتندن سؤال
ایلیه سن بو کون صائم مبسن دیه سن نعم دیر سه شاید عجب و ریایه
مبتلا اوله اقل مایکون عبادتی سر در چه سندن که عبادت جهردن
نیجه درجه زیاده در تنزل ایلیه بو جله افاته سن سبب اولدک
اگر انک یرینه ذکر و تسبیح ایدیک نیجه صوابلر بولابدک پس علاجی

بودر که

بودر که تفکر ایده که موت و فنا در مهال و نفایس مال انسان و زمان
عمر سکر دوب او کدل الاجتی میداند و بوسر مایه ابله تحصیل سعادت
ممکن ایکن ضایع ایتک عظیم خسرا ندر بو علم جهشتندن علاجدر
اما عمل جهشتندن عزالت نوع بشر یاد ها ننه وضع حجره یا زوم سکوت
ایتکه عظیم همت و اقدام کرک تا که لسان سکوته معتاد و اوب اختلاط
دخی ایدر سه ملکه اولمغله سکوته مالک اوله لکن اختلاط ایدوب
حفظ لسان ایتک غایت دشواردر (تنبيه المغترینده مذکوردر که مشایخندن
و هب بن ورد دیمشدر که عافیت اون جزء در طقوزی سکوتده و بری
ناسدن قاچقده در و منصور بن معرق ییل قدر بدسو نمازند نصکره
بیهوده سوز سو یلمه مشدر و ریع بن خشم موتندن اول یکر می ییل
قدر دنیا کلامی سو یلمه مشدر و ورق عجمی یکر می ییل قدر کندینه
سکوت تعلیم ایدوب کو جله تمام سکوت تحصیل ایلشدر و ابو بکر
صدیق رضی الله عنه نیجه ییلار اغرنده حجر فویوب قلت کلامه معتاد
ایلشدر و اغرندن طاشی چقار مزمش لایماز و طعام وقتنده شوخو فدنکه
لسانی مالایعنی به دوستیه بو یله ایکن ینه وفاتی حالنده دیلنی چقاروب
بنی و قعه لره ارغرا دن بودر دیو اسانه اشارت ایدردی و معروف کرخی
رحمه الله دیردی انسانک مالایعنی به دوشوب سو یلمه سی الله تعالی
حضر بنیک اکا خذ لا تندر و نجم الدین دایه دیمشدر که الله تعالی
حضر تلمزینک اعراضی علامتنددر قولنی مالایعنی به اشغال ایلسی
و مالک بن دینار دیمشدر که رجلاک مالایعنی ده اولان کلامی فسوت قلب
و پرور بدنی ضعیف و احباب رزقی غسیر ایلر و فضیل بن عیاض
دیمشدر که لسانله باش حفظ اولنور و بشر حافی رحمه الله قتی از سوز
سو یلمردی و امام مالک رحمه الله بر آدمی چوق سو یلمر کورد کده بره مقدار
کلامکی طوت سو یلمه دیردی و بردفعه بر آدمک کیفیت طانی کنندندن
سؤال ایلدیلر ایتدی برعلتی یوق الا برکونده بر آبلق کلامی دو کوب
سو یلمر و یونس بن عبید دیمشدر بر بیهوده کلامی ترک ایتک نفسیه
کوچ کلور برکون صائم اولمن زبرا آدم اسی کونده صومه قادر اولور

اما برمالا یعنی سوزك تركنه قادر دكلدر حالبو كه اول برسوزي ترك ايتك
صومدن افضلدر وزبورده الله تعالى حضرت تری حضرت داوده
بیور مشدر یاد اود قیامت اول زمان اولور كه اشرف خور اولوب ارازل
مرتبه صاحبی اوله و بنم کایم ترك اولوب اوقماز اوله وعاصی وفاجر ك
رزق و دنیا لغی حقوق اولوب مؤمن مطیع فاضلك آزا اوله حال بویله اولدقه
اول زمانك اهلنه دنیایی سودیروب آخرت مجتهدن منع ایتسم ترك
و بویله ابدنجه انلره نعمت و بلا مسلط ایدوب زخلرینی بهالو ایتسم
ترك و صغیری ككیرنه توقیر ایتدر مسم ترك وانلری فسق و فجوره
مبتلا ایتسم ترك بنم حضور مده جزا بودر یا داود فصیح اللسان
كیمسه بی حالت نزعه كلمه شهادتله نطق ایلدن دلسر ایدرم ناسك
عرضنه متعلق سوبلدیكچون بو محله وارنجه تنبیه مذکور دن نقل
اولندی ایمدی كشی اسانی حفظ ایتك لازمدر (كلام اذیندن
التجیسی فضول كلامدر یعنی مهم اولان موضعه قدر حاجتدن
زیاده ایتك یاركره سوبلدیكند نصكره بنه اعاده فلق یا اختصار ممكن
ایكن واجال ایله مرام حاصل اولور ایكن تطویل وتفصیل ایتك كبی
بودخی مالا یعنی به قریب بلكه اندن بر قسمدر بعض صحابه دن
عرویدر كه بعض كیمسه تكلم ایدر و اكا جواب ویرمك بكاماء باردن
مشتهها كلور اما جواب ایتمین فضول كلام اولمقدن خوف ایدرین
دیرایدی بو آفتك علاجی اولیكی کیسدر اما مسائل مشكله اولان
تفصیل با خصوص عقول قاصره ایچون و وعظ و تذکره و تعلیم
وتعلمه و بوكا بکرر یرلده كلام تکرار ایتك فضولدن دكلدر ایچق
حاجت اولوب ایجاز و اختصار ممكن اولان یرلده در (اوجنی بحث
شول كلام بیاننده در كه انتظام معاشه متعلق عادتدن اولوب و امتك
قانون شریعت حسبیه مأذون اولد قلمری امورك بیاننده در كه اكا
معاملات دیرلر بیع و رهن و نکاح و طلاق و عتاق مقوله سی کی ایمدی
بونلر حد ذاتنده مباح ایسه ده لکن بعضی بعض محالدره واجب
یاسنت و یا مستحب اولور و بونلرده شریعت ارکان و شروط اعتبار

ایتمشدر بونلردن برینی مباشرت قتنده اول شرائط وارکان رعایت
اولنق كرك والا اول معامله یا باطل یا فاسد یا مکروه اولور ایمدی صاحبی
کنه کار اولوب و آفت لسان اولمش اولور بواجلمدن امام محمد زهد
باینده بر کتاب تصنیف ایلمسکن مناسب ایدی دید کلر نده دیمشدر كه كتاب
بیوعی تصنیف ایلدم یعنی شوکا اشارت ایدر كه زهد و تقوی حاصل
اولماز الامعاملاتده و صابو و بازارده هر بطلان و فساددن و کراهتدن
اجتناب ایلله اولور و بومعاملاتك موضع معرفتی علم فقه در بوموره
یا بعضه مباشرت ایدر کیمسه به لازمدر كه انی اوقبه و اوکر نه زیراعلم حالدر
علم حال ایسه صاحبنه فرض عیندر (وامام بزازی رحمه الله کتاب
بیوعی حفظ ایتیمه بیع و شریعه مباشرتی حلال اولدیغن ابواللیث دن
نقل ایتشدر) در دینی بحث شول كلام بیاننده در كه اصلنده مأذون اولوب
اولوب غیره تعدی ایدر عبادته متعلق اولاندر وعظ و تذکر و تعلیم
وتدریس و امامت و تأذین کبی بونلر دخی صحنه و مستحب و واجب
اولماسنه شروط وارد بونلردن برینه مباشرت ایدر کیمسه انك شروطنی
اوکر نمك و اجبدر تا كه مشروط برینی بواوب اوزرینه ثواب و بر یلك
قدر عبادت اوله و اگر شروطنی رعایت ایتمسه آثم اولوب متقی اولمدن
بعیددر و دیلندن صادر اولدیغی آفت لسان اولمش اولور و بونك دخی
معرفت شروطنی علم فقه ده در بو طریقلردن برینه سلوك ایدنه انك
علمنی طلب ایتك فرض عیندر زیراعلم حالدر جمله دن تأذین صد دنده
اولانلره اوقاتی بلك فرض عیندر حتی آحق هوا ده دخی بری برینه
نقلید ایلله اذان اوقه لری شرعی دكلدر مادامكه کندیك تحریری اولیه
دبو علما تحقیق ایتشدر (بشخی بحث شول كلام بیاننده در كه اصلنده
مأذون اولوب غیره تعدی ایتمین عبادت قاصره به متعلق اولاندر
تلاوت قرآن و ذکر و دعا کبی و بونلر دخی شروط و ادابی وارد علم
فقه ده مذکور در اگر صاحبی ادابی رعایت ایتمسه آثم اولوب آفت لسانده
واقع اولمش اولور شکیم بر آثم یا قراءت قرآن و یا ذکر الله و یا دعا ایلمسه
برحر فی اوزانمغله و یا نقصان ایتمگله و یا ارتورمغله كه بوكا لحن دیرلر

بیان وعظ و تذکر و تدریس

بیان آفات كلام فضول

بیان تلاوت قرآن و دعا

بیان انتظام معاش

و یا تفتی طریقه بولند برین اوقسه کنه کار اولور زیر الحن و تفتی
حرآمد و تکیم بر کیمسه مجلس مصیبت فعا یچون تسبیح
ایلسه یا خود باز کان متاعی نرو یچون و یا پاسبان کنندینک
او بوماد یغنی اعلام ایچو تسبیح ایلسه سائر کار و تصلیه دخی بویله در
بونلری ایدنلر جمله می کنه کار اولور زیر بونلریله مراد اولان خالق
تعظیمدر بومحلالده بونلری یغنیون کنه کار اولور اما خلق مصیبت
وامور دنیا به مشغوللر ایکن بن ذکر لله مشغول اولورم دیو اول اعتبار یله
ذکر و تسبیح ایدرسه جائزدر یا خود واعظ صلوعلیه دیدیکنده و غازی
کبروا دید کده صلوات و تکبیر کتور سه لایه اولور خلاصه ده و غیره
بویله مذکوردر و بومحله دک ذکر اولان آفات لسان نطق حیثیندندر
بونلر نصکره سکوت جهندن اولان آفات یان اولور (التجی بحث
سکوت جهندن اولان آفات لسان بیاننده در) مثلاً قرآن عظیمی
و تشهد و قنوت و بونلره بکزر واجبات و سنن او کر نمک کی یا بونلرک
قراءتی ترک ایتمک کی و بلا ضرر قدرت قننده ظن تأثیر واریکن امر
بالمعروف و نهی عن المنکر ترک ایتمک کی و ظن قبول قننده نصیحت
و اصلاحی ترک ایتمک و عند التعین ترک تعلیم و فتوا ایتمک و قاضی
* ما انزل الله * یله ترک حکم و سلامی ترک ایتمک مسنون اولدیغی و قننده
حضرت انس رضی الله عنه صبیانه راست کلسه سلام ویردی
و رسول الله علیه السلام بویله ایدردی دیو اعلام ایدردی و بر حدیث
شریفده رسول الله علیه الصلاة والسلام * مسلم مسلم اوزرنده حتی
التیدر بری بودر که مسلم ملاقی اولسه سلام ویره و دعوت ایلسه
اجابت ایلیه و نصیحت ایلسه نصیحت و پندایده و اقسریوب حد ایلسه
برحک الله دیه و خسته لنسه عبادت ایلیه و عینی اولسه جنازه منه تابع
اوله بیورمشدر و بوجله در ترک تشمیت که برحک الله دیملکدر
واجبی تر کدر و بر حدیث شریفده دخی * رآدم اقسر سه حد ایلسه
تشمیت ایتمک واه چ کره به ورنجیه دک تشمیت ایلیوب اوچدنصکره
اقسر سه زکامدر تشمیت اولنار * دیو بیورمشدر و بر حدیث شریفده

بیان آفات سکوت

دخی کشی اقسردیکنده ادب نه اولدیغی بیان ایدوب * اقسردیفکرده
الکزی و یا ثوبکرزی آغز یکره قوبک و قتی صوت ایتمک یا خود صوتنکری
دفع ایلمک و الله تعالی اقسرماعی سور اما سمن کی مکره کورر زیر شیطان
آئارندندر چنکه بریکر نمازده ایکن ایلسه قادر اولدیغی قدر آغزینی
قیابوب های دیمنسون زیر شیطان اکا کولسه کرک دیو بیورمشدر
ادب اولان نمازک غیریده دخی دیشلری صقمقدر انکله دفع ایده مرسه
صاغ النک ایلسه و یا اصول النک ارقه سیله آغزینی قیامقدر (و آفات
لسانندندر غیرک دارنه کیرد کده استیذان ترک ایتمک ز را اذر طلب ایتمک
قرآن عظیمه ثابتدر و حدیث شریفده کلمه در که بنی عامردن بر آدم
کلوب رسول الله علیه الصلاة والسلام بیت شریفی ایچنده ایکن
طشیره دن چاعروب ایچی کیریمه دی رسول الله علیه السلام
خادمه امر ایندی وار بوآدمه قاعده فی تعلیم ایله که السلام علیکم
ءادخل دیسون پس اول آدم طشیره دن بو تعلیمی اشیدوب بو قاعده
اوزره ابتدا سلام و بروب دخوله اذن ایندی و رسول الله علیه السلام
اذن و بروب اول آدم داخل اولدی و برروایتده ذن طلبی اوچه دکر
اگر اوچه دک ویرلر سه دوتمک کرک و برروایتده کلمه در که رآدمک
رسولی کلوب دعوت ایلسه اول زمان اذندر تکرار طلب اذنه محتاج
دکدر و بر آدم رسول الله صلی الله علیه وسلم دن سؤال ایلیدی والدیه
واردیغمه اذن طلب ایتمک وار میسر یلی واردر کیم بلور نه حالده
اولار بلکه مکشوف اعوره بولنه لر (و آفات لسانندندر والدینیه و سائر
محارمیه کلامی ترک ایتمک و سوبلشمک و مظلومی سوز ایله قوتارمق
قابل ایکن کلامی ترک ایتمک و شهادتی و تزکیه شهودی ترک ایتمک بوابکی
ماده به کندی معین اولدیغی حالده امامعین دکل ایسه نسبه لازم کلز
والله تعالی حضرتلرینک اسمنی ذکر ایتمکده و یا اشد کده تعظیمی ترک
ایتمک زیرا هر اشد کده تعظیمی واجبدر صلوات شریفده کی دکدر که
عمرنده بر کره واجب اوله بر قولده و بعضیلر قننده انده دخی هر اشد کده
واجبدر والله تعالی ایتمک اکا تعظیم ایتمک یا تعالی باجل جلاله

و یا سبحان الله و یا جل ذکره دیمکله او اور و مخصوصه حالنه و اران عاجزک
سوالی و دینکی ترک ایلمسیدر زیر عاجزک دینمسی فرضدر و اگر چاقوب
دینمکدن عاجز اولسه حالی بیلان کیمسه به طاعتنه تقویت و یره جل
قدر آزیق و یرمک فرضدر و اگر حالی بیلان کیمسه نک قدرتی یتزایسه
اوزرینه فرضدر قدرتی یتان کیمسه به اول فقیر عاجزک حالی اعلام ایلیه
و چن بعضیسی بویله عاجزک قیدین کورسدر باقیلرندن ساقط اولور
اما بویله فقیرک حالی بیلان کیمسه قدرتی اولانله اعلام ایلمسه و اول
فقیر طاعتندن قالسه و یا آچلقدن اولسه بلنلر کنه کار اولور لر نتیجه
کلام سو یلمسی واجب اولان کلامدن سکوت ایتمک حرام و سو یلمسی
سنت اولان کلامدن سکوت ایتمک مکروه در آفت لسان و صاحبی
دلسر شیطاندرو و بودکر اولنان درت بحث اگر تفصیل اولنسه یوزدن
آشاردی و هر برنده آفت و خطر وارد او کرمسی و او کرمسی
وصافمسی لازمدر و بوزمانه ده جمله سندن خلاصلق ممکن دکل الا
هر نله و ناسه اختلاط ایتمکله مکرم کیم جمعه و جاعانده و معاش و معاد
ضرورتنده مهمما ممکن اختلاط ایلیه و اگر بودرت ایله مقدمه علی
الاجال بحث اولنان الی بی القمه ضم ایلمسک آفات لسان کیمی کلامی
و کیمی سکوتی یتش عدد اولور ایمدی ظاهر اولدیکه رعایت لسان انسان
امورک اعظمیدن و اعندن برامدر نیکیم باطن انسانده قلب وجودینک
یاد شاهیدر بوسیدن اوتوری دیتشدر که انسان ایکی اصغر شبله
انساندر که بری قلب صنوبری و بری لسان سخنور یدر و تقوانک جریانی
و دورانی اکثری بویا کیمسی اوزرینه در بواجلدن سلف صالحینک
اهم می اکثری بویا کیمسه صرف اولمشدر (قصص انبیاده مذکوردر که
لقمان حکیم برقیون بوغز لبوب اندن الک لطیف لقمان چیقارمه سین
طلب ایتد کلرنده دینلی و یورکنی چیقارر بعده برقیون بوغز لدفده
الک مردار لقمان سن چیقارمه سین رجاء ایتد کلرنده ینه دینلی و یورکن
چیقارر حکیم دانا اشارت ایدر که انسانده دلدن و کولدن لطیف اعضا
اولمز اگر صاحبی اصلاحی طرفنده اولور ایسه و اگر اولمز ایسه بویا کیمی

اعضادن خبیث اعضا اولمز اگر صاحبی فساد جانیدن اولور سه اخلاق
علائیده دیر که طالب نجات و کاست درجات اولنله معلوم اولسونکه
آفت لسان اعظم آفات و اشد مخافاتدرو اکثری بی آدم دینلی سببیه انجمنش
وزیاندن دو شمشدر و اغلب افراد عالم کندی لسانی سببیه مجروح و قول
دروغبله منفور اولمشدر لاجرم اکثر صلحا و اغلب حکما صمت و سکوتی
زجیح و ضروری اولمیان یرده قصر زبان و طی لسان ایتمکی نصیح
ایلدیلر (یت * جمال لمرء فی الطیلسان * و لکن ذالک فی طی لسان *
دیتشدر یعنی کشتنک حسن و جمالی طیلساننده دکلدر انجیق حسن و جمال
لسانی طی ایدوب بی محل سوز سو یلمه کده در زیر پیغمبر آخر زمان علیه
صلوات الرحمان و اصحاب کرام و علماء عظامدن مدح سکوت و ذم
کثرت کلام حقنده احادیث و آثار و حکایات چوقدر جمله دن بری
بویتمک مضمونیدر یت * هر که حفظ ایتدی فم و فرجنی فی کل زمان *
اندیا فخری اکاجنت ایچون اولدی ضمان * و پردخی بیورمشدر یت
* کر دیلرسک که اوله سک سالم * ایکی عالمده صمت اوله لازم
و رسول الله علیه الصلاة والسلامدن مرویدر که یومعنده بیورمشدر
یت * هر صباح اعضای آدم دیر اسانه که ای لسان *
* ساکت اولکم تن سلامت بولمز سنسن سلیم *
* کچرو ایز جمله کچرو اولور ایسک من بوکون *
* مستقیمز جمله من کرسن اولورسک مستقیم *
و حضرت عیسی علیه السلامدن مرویدر که اصحابی دیدیلر که بزی
برعله دلالت ایله که انکله جنته کیرمکه سبب اوله بیوردیکه اصلانطق
ایلمک دیدیلر که بو کافادر دکل ایز بیوردیکه پس خبردن غیری نطق
ایلمک و حضرت سلیمان علیه صلوات الرحمن بیوردیکه اگر کلام
سیم خام اولسه سکوت زر خالصدر روایت اولنور که داود علیه السلام
تعلیم ملک علام ایله جبه و جوشن صنعتنه اشتغال ایدر ایکن لقمان
حکیم حاضر اولدی خاطرنه کلدیکه بونه نسنه در دیو سوال ایلیه ینه
رزانت و وفارله عامل اولوب سکوت ایلدی تمام اولیجق حضرت داود

ایندی جنکده حفظ نفس ایچون نه خوب نسنه در پس حضرت لقمان
الصمت من الحكمت پیوردی (امام غزالی رحمه الله ایدر صمت لازم
ایدیکنه دلیل عقلی بودر که کلام درت قسم در اولکی قسمی مضر
مخضر و ایکی نافع اوچی ضرر و نفعی جامع در دردی ضرر
ونفعدن خالی اولاندر ایمدی مضر محض تکلیفی جائز دکل بلا شبهه
ضرر و نفعی جامع اولان کدک زرا نفعی ضرره دکر ایکیسندن
خالی اولان دخی غیر جائز در زرا که عبث محض تضع زماندر معلوم
اولدیکه کلامک اوچ ر بعهده سکوت و نافع محض اولان بر بعهده
همان نطق ایتک مناسب ایش و اول بر قسمند دخی آفات خفیه اولان
دقایق ریا و غیبت و تزکیه نفس کینری محتملدر پس ظاهر اولدیکه
حضرت پیغمبر علیه الصلاة و السلام * من صمت نجا * پیوردی
عین صواب و جوامع الکلمدر فصل الخصالدر (کدک ینده صاحب
طریقت کلامنه که تنبیه ایدوب دیر که ایمدی ای سالک سکا نصیحت
اولسونکه بومذکور اولان جمع آفات اسانندن کندیکی حفظ ایله زرا
بونلرین صافقز بسک تقوی حاصل اولان خصوصاً کفردن و خوف
کفردن و خطا کفردن و کذب و غیبتدن خود اوچ اولکیلرک احوالی
آشکاره در که پانی مرور ایلدی اما کذب و غیبت آفات اسانده قلب
آفاتی اراسنده اولان ریا و کبره بکرز قوی آفتلدر نیکیم بر کیمسه کفر
و بدعتد نصکره ریا و کبردن نجات بولسه امیددر که سار آفات قلبدن
نجات بولور کدک بونده دخی بر کیمسه کلد کفری تلفظدن صافقوب
بوسه کذب و غیبتدن بالکلیه نجات بولسه امیددر که آفات اسانندن
دخی الله تعالی حضرتلرینک توفیق بولم بولم بولم بولم بولم بولم
و آتارده بویکبسی حقه سلفدن وارد اولان اهتمام غیر یلرنده
اولقدر وارد اولماشدر حتی عمر بن عبدالعزیزدن روایت اولنور که
دیمشدر کندی بیلوب بلیجه قوشاق بغلیالبدن بری بندن بر کذب
صادر اولماشدر و فقیه ابواللیث بعض زاهدلرک احوالندن نقل
ایدر که بر زاهد خاتونه پنبه صاتون الوب کتورر خانونی دیر که بو پنبه بی

بیان لزوم الصمت

هستان قوم یرامن کیمسه لر در سکا بو پنبه ده خیانت ایتشدر بر بوسوزدن
اوتوری زاهده خاتونه طلاق و یردی سببی سؤال ایلدیلر زاهد ایتدی
بن غیور کیمسه یم قور قورم پنبه صتان قوم یوم قیامتده بنم خاتونه
بو غیبت ایتدیکی سبیله یاشملر و اول زمان دیلر فلان کیمسه نک خاتونه
پنبه جیلر یاشدیلر بو غیرتدن اوتوری انی اطلاق ایلدم دیدی بومرتبه
اهل زهد و تقوی کذب و غیبتدن احتراز اوزره اولمشدر بوسیددن
(شیخ شعراوی متن نام کابده دیمشدر هر بار که انشاء دنیادن دنیوی
و اخروی نفعی اولمغین کیمسه یه جفا عارض اولسه مسرور اولوردم زرا
بونلرک اکثری کلماتی لغو و هذیاندر و بنم قتمده ایامک مسرت و شادی
و بریحیسی اول کوندر که بونلر کی اهل دنیادن بریسی زبانه کلیه
و بونلرله کورشمیم زرا بر عبده نقدر چوق ناسک کلوب کتمسی اولسه
اولقدر اوزرینه حقوقی چوق اولور و عجبه کلمک خونی اولور بوا یسه
بزم امشالی احقرله زهر قاتل و سم هلاهلدر زرا بزم کیلر بو حجاب
عظیمدر حقه اقبال ایتیمزه مانعدر مکر که بوز یارته کلوب محبت
ایدنلری کندیله ربی مایینده واسطه و انلرک محبتی ربسنگ اکامجینه
عنوان ایلله و انلره کول بغلیه و جمع خلقه واسطه عظمی حضرت
حبیب اللهدر دنیاده و آخرته اکامجبت ایدوب استناد ایلان مراده
واصل والله تعالینک محبتنه نائلدر و فیکه الله تعالی حضرتلری
بر قولنه محبت ایلسه اهل سمواته انک محبتی تبلیغ ایدر اندن اهل
ارضه حتی دریاده اولان بالقلره و هواده اوچان قوشلره محبتی بلدورب
سزدخی جله کز فلان قولم محبت ایلک دیسه کرک پس هر کس
اوله عبده محبت ایدوب خیر ایلله اکلسه کرک بوسیددن حضرت
ابراهیم علیه السلام دعا سنده * واجعل لی لسان صدق فی الاخرین *
دیودها ایلشدر که ذکر جلاله یوم قیامت و انجیه الکاسی دولت عظیمه
اولدیغندن انی طالب ایلشدر و دعاسی قبول اولوب جمیع خلق اسانده
خبرله اکلدیغی واقع و هرملک محبتی اکاشایعدر ایمدی ناسک بر عبده
محبت ایتدیکی حقک محبتنه دلیلدر اوتقر بیلله خلقک زیارتندن الم چکیمسه

اولور اما بواولیا کرامک مرتبه سیدر شیخ شعراوی کی عزیز بزم امثالی
 کیمسه له سم قاتلدر دیدیکی آشفه مرتبه ده اولان مبتدی خودینلره
 نیجه سنه ضرر ویرمز بوسیدن سید علی خواص دیمشدر خلقک
 کلوب کتمه سی اولمیدیندن سالک متکدر اولمق کرک بلکه لایق اولان
 بودر که فرح کسب ایلیمه زیر ابویامده ناسک صحبتی درویش مبتدی بی
 ر بسندن اشغال ایدوب ناسه مانوس ایدر حالبوکه الله سبحانه وتعالی
 حبیبیه قرآن عظیمده بیورمشدر * وان تطع اکثر من فی الارض یضلوک
 عن سبیل الله * یعنی یا حبیبم اگر سن یر یوزنده اولان ناسک اکثر نه فرضا
 تابع اولوب انلرک هواسنه او یسک سنی طریق حقندن چیقارلردی
 یاقنده قالدیکه نیوتله تقویت اولمیان بنده عاجز کثرت خلقه اختلاطه
 طریق حقندن چیقیمسه ایمدی کشی به لازم بودر که رب سنی مذکر
 وطریق حق کوستر کیمسه لردن غیر کیمسه نک زیارتنه واختلاطنه
 طالب اولیمه تا که لسانی آفاندن حفظ ایتکه قادر اوله (اوچنی صنف
 قولاغک آفاتی بیاننده در جمله آفات اذنددر سویلسی جائز اولمیان
 کلامی دکلک ضرورت دنیویه و ضرورت دینیه یوغیکن اما ضرورت
 دنیویه دیدیکمز نفسنه هلاکک خوفی وحق آلمق وکسب معاش کی
 یعنی جائز اولمیان کلامی دکلر سه نفسندن قورقار ویا حق تلف اولمسنه
 ویا کسب معاش اتمه سنه اول زمان دکلک مباح اولور و ضرورات
 دینیه واجبک ویا سنتک وجوده کله سیدر نتکیم جنازه به وارهق
 واجباتنددر اما انده صاغوصغیی دکلک اقتضایدر سه بونده ضرورت
 دینیه ترجیح اولنوب وار یلور اما بونک خلافتجه در اگر برضیافته ویا
 دوکنه دعوت ایلسلر وانه تغنی ویا چالغیدن برمنکر اولسه وارمق
 کرک زیر وقتاکه دعوت ایدن کیمسه معصیتی ارتکاب ایتدیه اجابته
 مستحق اولمدی پس اول اجابت سنت اولیوب حرام اولمش اولور
 و بونک کی معاصی بی دکلک آنکیچون جائز دکلدر زیر دکلان قائلک
 شریکیدر حضرت پیغمبر صلی الله علیه وسلم غیبتدن نهی ایتدیک کی
 دکلسندن دخی نهی ایتدیک دلیمز در وقولاغک آفانددر ضرورات

پان آفات اذن

من بوره یوغیکن چالغیلر دکلک اما ضرورت اولسه قایمز تجارتنه
 وغزاده وجمده اولدیغی کی زیر اکثری بونلر چالغیسز اولماز
 و بومحلا رده لهو ایچون اولیوب کیمی اعلان ایچون ویا تهیب اعدا
 ایچوندر قاضی خان چالغی قسمنی دکلک جائز اولمیدیننه دلیل حضرت
 پیغمبر آخر زمان صلی الله تعالی علیه وسلمدن حدیث شریف نقل
 ایدر * استماع الملاهی معصیه والجلوس علیها فسق والتلذذ بها
 من الکفر * دیمک اولور که چالغیلر دکلک حقه عصیاندر وانه اوتورمق
 طاعت حقندن چیقیمقدر وانکله لذتلمک کفردر ورسول الله علیه
 السلام بونی کفردندر دیدیکی امتنی زیاده صاقدنرمق ایچون تشدیددر
 واکر ناکهانی اشئسه وبال یوقدر اما سعی بلیغ ایل جهد ایلیمه که
 قولاقلری اشمسون زیر روایت اولمشدر که رسول الله علیه السلام
 قولاقلرینه مبارک پارمقلرینی صوقوب تاشیدلمز بره کیدنجه چیقارمشدر
 اما نسا طائفه سنک چالغیسز اولان دوکونلره کتمسنه بیله رخصت
 یوقدر قنده قالدیکه ارلره جائز اولمیدین انلره جائز اوله اگراری اجازت
 ویرر ایسه ویا سکوت ایل کچوب بویله دوکونه قوی ویرر سه ایکبسیده
 عاصی اولورلر چالغیسز دخی اولور ایسه نتکیم بیانی کچدی (وقولاغک
 آفانددر ضرورات سابقه یوغیکن اختیار یله تغنی دکلک تاتارخانه ده
 دیمشدر که تغنی وانی دکلک حرامدر علما انک اوزرینه اتفاق ایدوب
 انده مبالغه ایلدیلر (وهدهایه ده دیمشدر که ناسه ایرلیان کیمسه نک
 شهادتی مقبول دکلدر زیر کبیره یه خلقی جمع ایلر (شیخ شعراوی مننده
 دیمشدر که درت مذهبده فتوا شونک اوزرینه در که چالغی قسمیه
 ایرلامق حرامدر ایمدی مقلده یوقدر مخالفت ایدوب چالغی مثالی بی
 دکلک وعلته نظر ایتیمک که ذکر الهیدن و نمازدن غفلت ویرمسیدر
 وشیخ افضل الدیندن نقلادیمشدر که بر کیمسه دیسه بو آلات مطربیه بی
 دکلک بکا تأثیر ایتمز و بنم قولاغمه کیرمز چالغی چالغی قتمده پس
 برابر در دیودعوی ایدر سه انی امتحان ایچون برقاج دفعه غضبه کتورک
 اگر غضبه کلور ایسه مفتری وکذا ایدر زیر بر کیمسه که کندی نفسندن

غضبی رد ایتکه قادر دکلدر الله تعالی طرفندن غفلتی و نفسندن ذوق
و طربی نیجه دفع ایدر (صاحب طریقت دیر که بوعصر لرده سماع باینده
رخصت یوقدر زرا جنید بغدادی کندی زماننده سماعدن توبه
ایلمشدر دلالت ایدر که مباح دکلدر زرا مباحدن توبه اولماز) واختیار
نام کلبده دیمشدر که قراءت قرآن قتنده و جنازه و جنک و وعظ قتنده
رفع صوت ایله چاغرمق مکر و هدر یا حرام غنائک سماعی قتنده ظنک
نه در که اکا وجد تسمیه ایدر لر ته سنه رفع صوت ایتک انده جائز اوله
و غنائک اقبحی اولدر که قراءت و ذکر و دعاده اوله و آفات لسانده بونک
بر مقدار بیانی کچدی و شیخ ابوالعباس ابن تیمیه رحمه الله حل شبهه
سماع نام رساله سنده بوصوفیه قتنده مصطلح اولان سماع حقنده
کتاب و سنتدن بر دلیل بولمدیغندن صکره بر امر طبیعیدر دیمشکه
موسیقینک نعمتندن سماع قلبده کرنی اولان حالانی ظهوره کتورر
بر جمعیته صادقلرک بعضینک قلبندن وجد صحیح قو پارایسه ده نیجه
فاسقلرک فسقنی حرکت کتورر ایمدی بومماعک مصلحی مفسده سنه
دکدیکندن اوتوری رسول الله علیه الصلاة والسلام اندن اعراض
ایلیوب انی امر ایمدی زیرا امت اراسنده مفسده سی ارتقیدر و اگر
دینورایسه طبقات صوفیه دن جنید و شبلی و ذالنون مصری دخی
غیریلر اولیاء بکاردن سماع ایده کلمشدر جواب ویریلور که بیک
عابد و زاهد ایتدیه ده اصحاب رسول اللهک جمله سی خود ترک
ایلمشدر حالبوکه پیغمبرلر عدد نیجه کلمشدر و ثابت اولمشدر که جنید
و فاتندن اول توبه ایلمشدر و ذالنون ایتدیه ده ابو بکر ایتمشدر
و اصحابد نصکره تابعین و تبع تابعیندن صادر اولماشدر حاصل کلام
سماع ایکی شیدن مرکبدر بری شهود حقکه ایده نصیب ارواح
وارد و بری شهوددر که حقله ممزوجدر اول نصیب نفوسدر زیرا
اوج شیدن طباع متغیر اولوب سکره وارر بری سماعدن و بری صورتدن
و بری خردن ایمدی سماعده بر حال طبیعی وارد و لکن نفس و شیطان
صاحبنه غالب ایسه نفسانی طرفنه میل و اگر روحانی طرفی غالب

بیان تفصیل سماع

ایسه میلی اکا غالبدر ایمدی سماع فی الحقیقه حق و باطلدن مرکب و لکن
یطلانی ترجیحندن اوتوری شرعا جوازی ثابت اولمشدر انجق سماع
مشروع رسول الله علیه الصلاة والسلام زماننده و خلفاء راشدین
و تابعین و تبع تابعین زماننده قرآن عظیمک استماعیدر * و اذ اسمعوا
ما انزل الی الرسول تری اعینهم تفیض من الدع مع ما عرفوا من الحق یقولون
ربنا آمنا فاکتبنا مع الشاهدین * بو خصوصده دلیل میندر معنای
شریفی چنکه رسوله انزال اولنان قرآن عظیمی استماع ایلمشدر سن
اول مستمع اولان قومک کوز یاشین دو کلمور کور رسک کلام حقندن
عرفانلری اولدیغی اجلندن و بوقوم دیرلر که یارب بزرگایمان کتوروب
کتابکه ایناندق بزی شاهدینله معا اولمازنی تقدیر ایله والله تعالینک
آیاتنی سماع ایتک خالصا ارواح نصیبیدر نفس و شیطان مشارک
اولیوب انلره قهر ایتک واردر اما نفوس آیات اللهدن لذتلمیوب سماع
ایاتدن لذتلمدیکی بوسبیدندر که صاحبی طرف روحا نیدن پینصیب
اولدیغندر شیخ مذکور بعد التحقیق بالاخره دیمشدر که سزه لازم اولان
بودر که سماع مشروع اولان آیات الهی دکلیه سز تا که پیغمبر بکره
تابع اوله سز و اندن ذوق روحانی کسب ایده سز (واقسام فسق
و فجور دندر نسطاطف سه سنک تغنی سنی دکلمک حرام اولدیغی برقاج
و جهله در بری بودر که اجنبیه به باقی اجماع امتله حرامدر کذلک
ایرلدیغنی دخی اجنبی کیمسه دکلمک حرامدر مکریم زوجی و یا افندیسی
اوله ایمدی بونک کی ورطه به قولاغنی او غرادن کیمسه به لازمدر که
توبه و انابت ایله ایتدیکی کاهلرندن رب سنه استغفار ایلیه بو محله
و انچه دک رساله معهوده دن انتخاب اولمشدر (وقولا غلک آفاتندندر
قرآنی تجوید سز لحن و خطا ایله اوقیان کیمسه بی دکلمک اگر ظن غالبده
تأثیر ایده چکی و ارایسه نهی ایلیه و اوقیمیه اکر ضرر سز دفعنه
قادرایسه والا قاقوب کتمک کرک بر معصیت کوز کوره اولدقده انده
اوتورمقدن الله تعالی حاضر نلری منع ایدوب * فلا تقعد بعد الذکری مع
القوم الظالمین * بیورمشدر و امام برکلی دیر که اگر چه بوا یکی آفت تغنی

بیان نسانک تغنی سنی دکلمک
حرام اولسی

بیان لحن و تجوید سز قرآن
اوقومق آفتی

تحتنه داخل ایدی ذکر ایتسکده اولور و لکن خلقک بوا یکسینه کثرت
ابتلا سندن و جائز اولسی اعتقاد لرندن اوتری تصریح ایلدوب بیان
ایتدک و اشبه کیمسه لر گناه بکلاش اوقیانده در دکلیه نه دکل دیرلر انکیچون
دفعی ذکر اولندی (وقولا غک آفاتندندر اجنبی تازه خاتونک کلامنی دکلک
حاجت یوغیکن زیرا سرور کائنات علیه افضل الصلوات * بنی آدمه
زندان نصب یازمشدر و تقدیر اولمشدر شکسز اکا نائل اولور کوزلرک
زناسی نامحرمه نظر در و قولاقلرک زناسی انی دکلک در و دیکلک زناسی
سویلمکدر و الک زناسی طوتمقدر و ایاغک زناسی اجنبیه آردنجه کرمکدر
قلب ایسه آرزو و تمنی ایدر فرج یازنای کر چکه چیقار و یا کذبده
قالور * دیو بیورمشدر و شیخ شعراوی رحمه الله دیمشدر که مشایخدن
بعضبسی اجنبیه ایله سویله شوب کلامدن لذتلمکله برآی قدر عبادت
لذتندن محروم اولمشدر حتی انلرک هاون دوکد کلرینک اجنبیه یلره
تأثیری وار دیمشدر (وقولا غک آفاتندندر بر قوم مکروه کوررلر ایکن
انلرک کلامنی دکلک مکر کندینه ضرر قصدینی طویمق ایچون دکلیه
حدیث شریفده حضرت رسول الله صلی الله علیه وسلم بیورمشدر
بر کیمسه کندینی کره کورر قومک سوزلرینی دکلسه یوم قیامتده
قولاقلرینه قورشون آقیدیلور و بومذکور انک جمله سی اشمک و دکلک
جهتیه قولاقلرک آفاتندر (امادکله دن اعراض ایدوب قولاق طوتمامک
آفاتنی قرآن عظیم دکلکمک و خطبه دکلکمک و متبوعک خطابنی توابع
دکلکمک مثلاً بک و قاضی و والدین و استاذ و مخدسب و زوج و سید سوزینی
الی التنده اولانلره دکلکمک آفاتندندر و اعتذار ایدیچی کیمسه نک سوزینی
ودخی ایکی خصمک یا خود برینک کلامنی دکلکمک و مفتی استفتا ایدنه نک
واووالامر مظلومک شکواسنی دکلکمک و مسؤل عنه سائل مضطرب
کلامنی دخی اکابر و اغنیاء ضعیفا و فقرانک کلامنی استکبارا و استحقار
دکلکمک و بوکا بکزر استماعی واجب و یاسنت اولان برلر ده دکلکمک
بالکلیه قولاق آفاتندندر احتراز لازمدر (در دخی صنف آفات عین
بیانده در معلوم اوله که کوزلرینی حفظ ایتکه کشتی قرآن عظیمه مأموردر

بیان آفات الاعراض عن
الاستماع

بیان آفات عین

الله تعالی حضرت تبری قرآن مجیدنده * قل للمؤمنین یغضوا من ابصارهم
بیورمشدر و بوآیت کریمه ده تأدیب و ایجاب وارددر یعنی حرام اولان
نسادن کوزینی حفظ ایتک واجب و حرام اولمیا نه بقمه سی جائز
و کوزینی نامحرمه صالی و یرممکک فائده سنی بیان ایدر که طهارت قلوبدر
یا خود خیر و طاعتی تکثیردر زیرا نظر ایله خاطرلره دوشر که انسانی
ذکر اللهدن اشغال ایدوب حضور قلب و جمعیت خاطر فوت اولور
و نیجه امور محرمه به باعث اولور و نظر سیبیه شیطان اضلاله فرصت
و طریق بولور و انسانک صدرینی و سوسه ایله طولدورر پس شرور
و معاصی بابی فتح اولور بواجلندن الله تعالی قوللرینی قورقودوب
* یعلم خائنه الاعین و ماتخنی الصدور * بیورمشدر یعنی الله تعالی
کوزلرک خائنه کلرینی و صدورده کیرلدکلرینی بلور غافل اولماک دیمکدر
و حضرت رسول الله صلی الله علیه وسلم رب العزیزدن روایتله حدیث
قدسیده * نظر ایلدک زهرلی اوقلارندن بر اوقدر بر کیمسه که بنم
خوفدن نظرینی ترک ایلسه اکابدل قلبنه ایمان قویوب لذتی بولسه
کرک * بیورمشدر و بر حدیثده دخی هر قنخی مسلم که بر خاتونک
حسن و زینتله نظر ایلدکده کوزینی یومسه و باقسه الله تعالی انک
قلبنده شوق عبادت احداث ایدوب لذتی بولور دیو بیورمشدر
و بر حدیثده دخی قیامت کوننده هر کوز اغلاسه کرکدر الاوچ
طائفه نک اغلامز بری حرامدن کوزینی حفظ ایدنلرک ایکنجی فی سبیل
الله او یانق اولانلرک اوچنجی سوری سکک باشی قدر حق قورقوسندن
یاشی کیدنلرک بیورمشدر و جریر روایت ایدر که رسول اللهی اکسزین
واقع اولان نظردن سوال ایلدم بیوردیکه نظریکی علی الفور دوندر
و حضرت علی به بیورمشدر که باعلی نظره اولی به نظره ثانیه
تابع ایتد زیرا نظره اولی سنکدر ایکنجی دکل (اخلاق علائیده دیمشدر
نظرنا محرم اگر زن صاحب جمال و اگر غلام پراعتد الدرا اهل دین
و طالب کمال اولانلره درد مهلک و مرض قتالدر انک ایچون حدیث
شریفده * النظر سهم مسموم من سهام ابليس * بیورمشدر

(قطعه) دیدن زلف و خال نامحرم * دانه کید و دام تبلیس است *
 * هر نظر ناو کبست زهر آلود * کز شصت و یکان ابله است *
 معناسی نامحرم زلف و بکین کورمک بری دام ابله است و بری دانه
 حبله در هر بر نظر زهره بولا شمش اوقدر که ابله است یا ندن و کز ندن
 ناشیدر حضرت عیسی علیه السلام دن بو بیتک معناسی وارد اولمشدر
 بیت * زنهاریتمه جهره نامحرمه نظر * زیرا که چشم قلبیکه تخم فسادا کر *
 و حضرت داود اوغلی سلیمان نبی به علیهما السلام نصیحتنده بیورمش
 یابی امش خلف الاسد والاسود ولا تمش خلف المرأة دیمک اولور ای
 اوغلی تخم آرسلان و بیلان آردنجه کز اما عورت آردنجه کز مه اخلاق
 علائیده دیر که ظاهر اول ایام خوب فرجام فتنه و فساد غلامدن پاک
 و طاهر ایدیکه حضرت داود نصیحتنده غلام آردنجه کتمکی منع
 بیورمدیلر اما شمدیکی زمانه کوره دخی الحاق اولنوب امش خلف
 الاسد والاسود ولا تمش خلف المرأة والامر دینسه مناسبدر (بیت)
 * همنشین بر آدم اسد و اسودله * یکدر اندن کاوله همخانه زن و امر دله *
 اگر طالب عافیت ره کز ارلده غلام خوب صورت یازن حسنا و پرزینت
 کورسه نظره اولی معفودر اما نفس طالب و شره و حرص غالب اولوب
 زن و پسر طرفنه تکرار نظر ایتک استرسه علاجی بودر که ملاحظه
 ایلیه که تکرار نظر دخی کچن کبیدر و لاشک درد قلب و حرارت حرص
 افزون اولسه کک اگر تحصیل شهوت اقدام ایدرسه عدم حصول
 بلکه خوراق و رسوایلی احتمالی مقرر و شهوة حرام حاصل اولورسه
 نعوذ بالله صغیره کبیره به مؤدی اولغله برخانه عرض و دینی خراب
 و فردا مستحق عقاب اولسه کک و اگر اقدام تحصیل شهوت ایترسه
 تکرار نظر دن حاصل اولان میلی قلبدن کیدرنجه زحمت اوغراسه کک
 و نظر تکرار اولدخه پای نفس در کل و نجات خلاص مشکل اولسه
 کک اگر اولدن لجام نفسی محکم طوبیدی و نظری صالمیدی
 کشاکش آرزودن راحت اولسی مقرر ایدی و چشم نظره ثانیه دن
 منع اولمقی عبادتده حلاوت بولمقی مفید در عزیز لریجربه قلمشدر

و حدیث شریفه دخی بو وعد مذکور در واکر بهر حال نفس طالب
 و آرزو غالب اولوب نظره ثانیه به مبتلا اولسه سعی ایلسونکه تابع
 نظره عشق زن و پسردامنه طوبیه و حسب و حالی بو قول اولیه (بیت)
 * چوق با قدم اول غداره مبتلا اولم کی * رهیز ایتدم صویه بیمار اولم کی *
 بلکه سلاک نظری ندامت و استغفار طرفنه راجع و ذنوبندن اشک
 توبه ایل یونوب پر هیز لره تابع اولسون اما بعض سالکدر دیر که گاهی
 عشق مجازی قطره عشق علی التحقیق و صور حسنه که الایش
 شهوتدن پاک اوله شهود جمال مطلقه طریق اولور و مشایخ تصوفدن
 بو حاله موصوف و بو عشقه معروف اولنلردن شیخ اوحد الدین کرمانی
 و شیخ عراقی و مولانا عبدالرحمن جامی و شیخ سعدی قدس سرهم بر مقدار
 اوائل سلوک کرنده بو باده دن سرخوش و بو میخانه دن جرعه کش
 اولمشلر لکن عاقبت بو حالدن نهی ایشلر و دیمشلر در که قطعه
 * از لطف قدوس صباحت خدجه کنی * و ز سلسله زلف محمدجه کنی *
 * از هر طرفی جمال مطلق تابان * ای بیخبر از حسن مقید چه کنی *
 معناسی بوی لطیف و یکاخی کوزلدن نیلرسن وزانی قویر جق زنجیر
 شکلی دن نیلرسن هر بر طرفدن جمال مطلق ضیاعنده هی بیخبر
 سن حسن مقیددن نیلرسن دیمکدر لکن بو طریق غایت صعب
 و دقیق در سالک الایش شهوتدن و صفات بشریتدن تمام پاک اولمش
 و مجاهدات و ریاضاتده غایت ایشمش کک و الانفس و شیطان مکر
 و فریبده مبتدی طالب لری اسفل السافلین طبیعتیه قریب ایدر مشایخ
 متقدمین طالب لری مصاحبت احداثکنه نو جوانلردن بغایت منع
 ایشلر در روایات صحیحده وارددر که جناب رسالت پناهی صلی الله تعالی
 علیه وسلم قبائل اعرابدن بر طائفه تعلیم دین و تحصیل یقین ایچون
 کلدیلر ارالنده بر جوان وار ایدیکه چهره سنده صباحت و کوزلک
 موجود ایدی حضرت رسول الله علیه الصلاة والسلام * ظهر مبارکی
 طرفنه کجوب مقابلهده او تورمدی مسلم پاک قنده بونک امثالی امتیه
 تعلیم و ارشاد در و الامسند نشین وحی عصمتیه میل بشریت محالدر

(حکایت اول نور که خواجکان نقشبندیه سلسله سندن خواجه عید الله که ذکرى بالاده مرور ایتشدر اواخر عمر نده شیخوخت سبيله اکثر زمانده یاتوب مرید ومخلصلى اعضا و اطرافنى اوارلردى اتفاق برکون بر محبی ارارایکن بر ضرورت ظاهر اولغین بر صاحب جمال اوغلى وار ایش اکا امر ایتش جوان دخی فرمان بر اولوب کنى پای خواجه یه دیکهک فی الحال پیرایاقلرین چکوب باشین قالدیروب اصحابنه ایتش نیچون ایانم چکدم بلدیگز می بو جوانک کنى پائمه دیکهک حرارت دسندن نفسمه حس وحرکنکه بقیه بشریت اثریدر نوع تلذذ ودغدغه واقع اولدی بیوردی پس آگاه اولک بوفقیق بوقدر مجاهدات وریاضات و پیرلک عالمنده بومرتیه ارتباط ایتشیکن ینه میل بشریتدن انده اثر باقی اوله سزلرده کی شبابت وقوت کامله وهوا حرقلى هر طرفدن آجلوب شاملدر ساده رولر محبتی ومصاحبتی نه مرتبه محنت امیز ونه درجه ده فتنه انکیز اوله زنههار وزنههار بو طائفه دن دود آتشدن قالقرکی حیران وآتش صودن بخارکی کریزان اولوک (بیت * تحذیر چوخواهی که قدرت بماند بلند *

* دل ای خواجه در ساده رویان میند *
معناسی بودر که اگر استرسک که قدرتک بلند قاله کوکاکى ای خواجه ساده رولر بغلمه اخلاق علائیک خلاصه نصیحتی بومحله دکدر (شیخ شعرای رجه الله منن نام کابنده دیمشدر که اجنبیه ایله خلوت و یوزنه باقق جائز اولمیدیغی کی بوللرده طوروب انک کبيله سويلشمک دخی جائز دکدر و بو حاللرده کوریلان کپسه یی اشد زجرله منع ایلمک واجیدر زیرا موضع تهمتدر وناسدن چوغی دیرلر که اجنبیه ایله خلوت اولنجه زنادن سالم اولقی بعید در وحسن وجمال صاحبی غلام امر دله خلوت دخی بوکا قیاس اولنور سالکه لازمدر که بونک امثالندن حذر اوزره اولوب ر بسيله اولان صفاء حالنه مغرور اولسون زیرا الله تعالى حضرتلری اولور که بر لحظه ده حالی تغیر ایدر و بومحله مناسب شیخ بر حکایه کتورمشکه شیخ محمد حنی بر درویشی

چارشوده برخا توله سويلمشور کن کورد کده منع ایتشدر درویش شیخه دیمشکه بن محمد الله تعالى خاتونه میل والتفات اوزره دکلم پس شیخک کلامنه باقر وسويلشمکدن واز کچمن غیرت اکهبیه اول کیمیه مزبور درویش سوء حاله دوشوب خاتونه واروب جماع ایلر اول حالده ذکرى عورتک فرجنده قالبوب کلب کی بغلنور شیخ مذکور طریق کشفله درویشک حالنه مطلع اولوب باب خلوتیه کلور و خطاب ایدر که صادق قلغک بومیدر درویش خلوصله توبه ایدوب شیخ دخی نیجه زمان رب العزت توجیه ایتدی تا که درویش اول وقعده دن خلاص بولدی شیخ شعرای دیر که بو حکایه نک لفظنده سوء ادب واریسه ده خلوت آفتی سکا بلدرمک ایچون ایرادنی اختیار ایلدم تا که کندی پاکلفکه مغرور اولوب شارع شریعتک امری ترجیح ایده سن وابن تیمیه مفتاح السعاده نام کابنده دیمشدر بعض علمادن سوال اولندیکه بو حسن صورته عاشق اولما نک سببی ندر جوابنده دیمشدر که بعض قلوب ذکر الهیدن غافل اولغله الله تعالى حضرتلری اول صور حسنیه انلره بحجاب ایتدی وغیرینک عبودیتنه مبتلا ایتدی (ولانطع من اغفلنا قلبه عن ذکرنا واتبع هواه) آیتی تحقیقنده ایراد ایتشدر معنای شریفی یا حبیبیم بزم ذکر بمزدن قلبی اغفال ایدوب هوایه تابع اولان کپسه یه مطیع اولم ایددی قلب غافلک شمولی واردر عاشق مذکوره وغیر انشاء دنیایه که ذکر الهیدن فارغلر در انتهی کلدک طریقت کلامنه دیر که (آفات عینک اعظمی برانسانک ادب یرینه باققدیر پس اگر باقدیغی کندی ادب یری ویاخود شهوته کلمش صغیر وصغیره نک یاخود نکاح صحیح ایله اولان منکوحه سنک یاخود جاریه سنک اولسه جائزدر جمیع عضونه نظرایلمک الکن ادب اولان فرج زوجیهه باقمقدیر زیرا حضرت پیغمبر علیه الصلاة والسلام بیورمشدر زوجه کزی دوهی جیلاق ایدر کی صوبماک وحضرت عایشه رضی الله عنهما بیورمشدر (مارأی منی وما رأیت منه) دیمک اولور که نه حضرت رسول الله صلی الله تعالى علیه وسلم بنم ادب

یریمی ونه بن انك ادب یرینی کورمش دكل ایز و نسیان و کورلك کتور
دخی دینلش در اما اگر کشینك بر جاریه سی اولسه که کندینه حرام
اولشدر انك نظری دخی حرامدر مثلا بر جاریه نك قیر قنداشیله
یانوب ام ولد ایتش اولسه و یا جاریه نك اناسیله و یا خود جاریه
افندیستك اولادینی امرزش اولسه و یا قنداشنی و بوکا بکرز که
رضاعا حرام اولش اوله و یا خود جاریه کندی خصمندن اولوب
نکاحی جائز اولمایدن اوله یا خود گابی اولوب مشرکه اوله و یا خود
جاریه مشرکه اوله بوجیع صورتلرده بوقسم جاریه نك ادب یرینه
باقی یوقدر قوللریته و یا قلیته و یوزلریته که جاریه قسمنده بونلر
ادب یری دکلدربوندن زیاده به تجا و ز ایتك نظره دخی اولورسه
حرامدر وفقها ابن عمر دن رضی الله عنهما روایت ایدرلر که زوجه سنك
فرجه باقی واردر تا که لذته ابلغ اولسون اما علماء محدثین بوروايتك
نبوتی انکار ایلدیلر انکیچون اولی اولان یا قدامقدر دینلدی و صبیانك
دخی ادب یرلری نه وقتهدك باقی جائز اولدیغنی علما تعیین ایلشلر که
سویلكه باشلیجیه دك قرار و یرمشلدر اما اگر نظر اولنان بونلرک غیر
اولورسه اگر نظر عذرله اولورسه جائزدر مطلقا استرسه کندی
کندیك اولسون استرجراح اولوب و یا طبیب اولوب معالجه طریقیله
نظر ایتسون و بوکا بکرز ضرورتله مباح اولش اولور اما اگر عذر
اولوب شهوتله و یا شک عذرا اولوب نظر ایلسه حرامدر اما اگر شهوتله
نظر ایتدیه و نظر اولنان ارایسه کوبك التندن دیزالتنه وارنجه
باقسی حرامدر و اگر نظر اولنان دیشی لردن ایهه اگر بقان دخی دیشی
ایسه ارلرده حرام اولان کوبك التندن دیزالتنه وارنجه انلردخی بر یرینه
باقی حرامدر و اگر بقان ار اولوب نظر اولنان حره اجنبیه و نا محرم
اولورسه بوزندن وال آیه لردن غیریه نظر ایتك حرامدر بوزنه وال
آیه لریته دخی بلا حاجه باقی مکروهدر حتی علما دیمشلدر که عورتك
قبرنده چور یمش کوکالریته باقی دخی جائز دکلدر اما اگر حره اولوب
جاریه اولورسه ار آدمه باقی نره سنه جائز ایهه انك دخی جائز ظهمله

بطندن غیریه اما کافره عورت بزم خاتونلریمزه باقی حرامدر صراط
سویده مذکوردر اما نا محرمه باقی تجویز ایدن عذرلر طقوز در یری
شهادت ایچون خاتونك یا کندینه یا غیرینه یعنی یا ضررینه راجع شهادت
و یا نفعنه و یری حکم قاضی ایچون و یری دنیایه اولاد کتوردیکنده
قابله ایچون و یری اری عنین اولسه بکارتی یوقلامق ایچون و جاریه
آلنسه عیبی باقی ایچون و سنت ایتك ایچون و دم آلتق ایچون
و مرض ایچون و ارقلق ایچون حقه طونتق اولسه بوضورتلرده
عذر بولمغله نظر جائزدر اگر شهوتی خوف ایدرسه دخی اما لایق اولان
بودر که نظر ایدن شهوتی قصد ایلنه و نکاح ایتك ایچون باقی دخی
جائزدر جاریه صاتون الدفده جائز اولدیغنی کی اما جاریه بی صاتون
المزدن اول و یا حره نکاح ایتزدن اول جماع ایتك حرامدر و جبلاق
بدنه لباس سز باقی حکمنده در اینجه ثابله نا محرمی باقی و یا خود
کوده سی لباسه یا شق اولوب اعضاسی ظاهر اولسه باقی حرام
اولش اولور بوقوله لباس کینلره حضرت رسول الله صلی الله تعالی
علیه وسلم لعنت ایلشدر و اگر انکله ساده جه نماز قلسلر نمازلی جائز
دکدر ستر عورت بولمدیغیچون شیخ شعرای منن ده دیمشدر که
الله جل ذکره امهات المؤمنین اولان زوجات رسول الله حقه صحابیه
خطاب ایدوب * و اذا سألتموهن متاعا فاسئلهن من وراء حجاب ذلکم
اطهر لقلوبکم و قلوبهن * بیوره شد معناسی رسول الله صلی الله تعالی
علیه وسلم خاتونلردن برمتاع استدیککزدن ای صحابه رسول پرده
آردندن استه یوک سزك و انلرک قلبی خواطر شیطانیه دن زیاده پاک
ایدیچی بودر شیخ مشارالیه دیر که امتدن افضل طائفه و افضل نسا
حقننده بویله فرمان اولندیغنی برده بعض احق شیخ اولوب مریدلرینك
خاتونلری اجنبیه لریکن کندیسنه کورنمك جائز ظن ایدر بوزدن
ضعفنددر طریق احمدیه ده بوجوقدر کجبلر یا شولریته قزم اورته
یا شولریته هم شیرم دیوتعبیر ایدرلر و پرده سز شیکلریله و سائر مرده ایلله
سفریه و تورلر لایق اولان بودر که یونك کی طائفه به حرام نه اولدیغنی

بیلدیره ل احتمالدر که بونلر بو اختلاطک ونظرک تحریمی دخی
 بلزل ایعدی انلره تنبیه لازمدر حتی بعض سلف سفیان ثورینک رابعه
 عدویه ایله بر مجلسده اوتوردیغنه تعیب ایلدیلر و دیدیلر که بوشریعتی
 ابطالدر حالبوکه بوا یکبسنک معاصیدن بعید اولمیرینه جمیع قلوب
 شهادت اوزره ایکن تنبیه ایلشدر و قاضی بیضاوی تفسیرنده دیر که
 نسا طائفه سنه قارشیق ارلردن جائز اولان اول پیرلدر که شیخوخت
 سبیلله میل و تقاضاری قالمشدر و یا خود اول صورتی ممسوخ چرکین
 کیمسه لر در که انلره نسا طائفه سی میل اتمز و یا خود شول اوغلا نجفلدر که
 نسا طائفه سنک عیبلی حاللرینه حد و شهوته کلمه لری سبیلله مطلع
 اولیه لر بو مذکورله نسا طائفه سی کورنگک جائزدر اما ذکر و خایه سی
 مقطوع خادم دیدکلی قومه کورنگه لرنده علمانک اختلافی وارد
 انتهی (و آفات چشمنددر فقرایه و ضعیفایه استخفاف نظریله باقی
 زیرا تکبر حرامنددر کذلک معاصی و منکراتی ضرورتسز باقی و کیمه
 ایچنده دوشن بلیزک آردنجه باقی زیرا اندن نهی اولمشدر و دنیا
 امورنده کندونک مافوقنده اولان کیمسه به رغبت نظریله باقی و امور
 دینیه ده کندندن اشاغی اولانه باقی لایق اولان دنیا امورنده کندندن
 آلاغه باقی تا که ویریلن نعمته شکر ایلیه و دین امرنده کندندن
 یوقارویه باقی کرک تا که عمل صالحن آرتوره (آفات عیندن بری غیری
 کیمسه نک قیویاروغندن و یادلوکندن و یاپرده آچغندن باققدر
 بودخی منع ونهی اولمشدر حتی بقان کیمسه نک اول وقتده کوزی
 چقارلمسنی حضرت رسول اکرم صلی الله تعالی علیه وسلم روا
 کورمشدر و انس رضی الله تعالی عنه حضرتلری پیور که بر آدم
 نبی علیه السلامک حجراتی طولاشوب ایچرویه باقی استردی حضرت
 سرور کائنات علیه اکمل التحیات افندیمن برسوری دمیر آئن الدی
 و قالقدی تا که بقان آدمک کوزنی چقاره و بر کیمسه بویه محله
 کوز چقارسه هدردر و بر آدم پرده سین بیقه اذن یوغیکن براجنی
 ایچروسنه باقسه حلال اولما پرده سی اولمین قیویه بر آدم کلوب اهلینک

حرام برلرین کورسه خطا و وبال منزل صاحبنه درو بو یوزدن پرده سی
 اولین قبول حقنده حضرت رسول الله صلی الله تعالی علیه وسلم
 پیورمشدر بیونک قبولدن طوغری کلوب ایچرو کیرمک انجیق قیونک
 جانلرندن کلوب اذن استایوک اگر اذن اولورسه دخول ایلوک
 اولرسه کیرو دونک مرشد المتأهل نام رساله ده مذکوردر که زوج
 اوزرینه واجبدر طقوزشیده عدالت ایتک (بری حسن معاشرندر
 * وعاشروهن بالمعروف * آیت کریمه سبله واجب اولمشدر یعنی
 کوزل دیرکله دیر یلوب اذا وجفا اوزره اولمق (ایکجیسی ملاعبه در که
 اوچ مباح اولان او یونلردن بری کشی اهلله کلوب اوینا مقدر زرا
 قلوب نسایی تطیب لازمدر انلرک علی الدوام محبوس اولوب غیری
 طرفدن تسلیه خاطرلری اولدیغندن (اوچجیسی ضبط و سیاست
 و منکراته فتح باب ایدوب زوجه سنه مساعده اتمک کرک زرا طاعت
 نسا ندامتدر و امور معظمه ده انلره مشاوره اتمک کرک ایدر ایسه
 دخی خلافتن طوعق کرک اما خدمت داخل بیتنه متعلق امور جزیه
 مشاوره ایتک و او یله اموری انلره تفویض ایتک وارددر (در دخی
 غیردر که انکله مرد مروت و عیالی حفظ ایدوب قدرینی عالی ایلر
 و طریق غیرت بودر که رجال طائفه سی خانه سنه ادخال اتمیه مادامکه
 نامحرمی اوله لر و چارشولره و صوفاقلره چقمه سنه رخصت و یرمیه
 الا ضرورتله صحابه کرام رضی الله عنهم پرده دلکربنی و یارقلربنی
 قیاردیلر تا که نسا طائفه سی طشرده اولان رجاله نظر اتمیه لر بوایشلر
 غیرندن ناشیدر (بشجیسی نفقه و کسوه ده قلیله طوعیب اسراف
 دخی ایتک کرک الامالنه و کسینه کوره انفاق ایلکدر و انفاق ایتدیکی
 صدقه نیتیه اولیحق جمله صدقه لر دن افضلدر (التجیسی طهارتی
 و احکام حیض و نفاسی و احکام صوم و صلاتی واجبی ادا ایده جک قدر
 یلدرمکدر حتی یلیوب او کرتمسه و یا عالمه کتمسه اذن و یرمیوب اول
 حال ایله فالسه نگاهده ایکجیسی دخی شریک اولورلر (یدنجیسی ایکی
 یاز یاده زوجلر اولسه ماینلرنده عدالت ایلکدر بکر اولسون ثیب

اولسون اما جاريه وام ولد و مدبره نك حتى حره خاتونك نصفيدر
(سكزنجبسي چنكه خاتونله زوجي بيننده غوغا و بوز غوغونلق ظهور
ايلسه حكم نصب ايدوب طرفيندن اصلاحله حكم ايده اكر اصلاح
مراد ايسه) طقوزنجبسي اكر مابيننده حسن معاشرت و امتزاج ممكن
اولمزايسه طلاق و یرمكدر كه ابغض مباحاندر (كلكك طريقت كلامنه
اما قيامق جهنندن كوزك آفاتی جمله دن یری نمازده قیامقدر بوايسه
مكروهدر كذلک هر موضعه ده كه نظر ايتك مستحب و یاسنت اوله
وهر یرده كه انك نظری اوزره واجب توقف ايليه اول نظر واجبدر
جمعه و جماعاته حاضر اولمق كي نظر سز كتمك ممكن اولمده و قاضيك
حكیمی كي و شهادت ايتك كي بوبله یرلرده نظر واجبدر تری جائز
دكلكدر بر آدم كوزین قیاسه بونك كي حكیمی ادا ايتك ایچون كنهكار
اولور اما اولیاء الله مریدلری كوزله تربیه ايتك واقع اولمشدر وانی سهل
شیء عد ايتمشدر (تكمیم شیخ شعراوی منن نام كابنده دیمشدر كندی
خواص اصحابی لفظ و اشارتسز كوزله تربیه ايتدیكم موهبه رب
العزتندر كوزد كریچی كپسه نك كوزی شرله تأثیر ايتدیكي كي بنم دخی
كوزم خیر ايله تأثیر ايدوب نیچه لرینی تربیه ايتدم و بو خلق بكا مخصوص
اولموب بندن اول شیخ ابوالحسن شاذلی و ابوالعباس مرسی و ابراهیم
متبولى و سید علی خواص بو خصلة موصوف ایدیلر و شیخ ابوالحسن
شاذلی دیردی قاپلو بغه اولادینی نظریله تربیه ايتدیكي یرده بزكه
اشرف مخلوق اولان انسان این نظریله تربیه ايتكه اندن اولی این
و قابلو بغه نك کیفیت تربیه سی بودر كه یمور طلر و ایراق طوروب
بومرطه سنه نظر صالوب كوزین اكا دیگر هر قنغی بیضه كه كوزنه
ظاهر اوله انك یاور یسی چیقار و قنغی بیضه كه نظرندن نهان اولسه
فاسد اولور پس مدت تمام اولوب بیضه دن چقاچق یاور یلر چیققدقه
اول یاور یلری قوم ایچنه كور همان باشلرین قوم اوزرنده البقور وینه
قارشولرنده اناسی طوروب انلره نظر ایدر مادامكه نظری اوزلرندن
اكسك اولیه آفانندن سالم اولورلر انتهى) (بشخی صنف لك آفاتی

بیان آفات الید

پایانده در

بیاننده در الله بغیر حق كندی و یاغیری كپسه بی یاره لمق كه قانی
شرعا حلال دكلكدر حلال اعتقاد بيله قتل ایلسه كافر اولور ابدی
جهنندن چیقماز اما حلال اعتقاد ایتدككه كرك كندی و كرك غیری بی
قتلده كافر اولمز كاه کبیره ايله كافر اولمق خار جیلر مذهبیدر بومسئله ده
غافل اولمق كرك اما بحق اولان اول قتلدر كه بر آدمی بالقصد آلت
حر بيله قتل ایلدیكنده یرینه انی دخی قصاص ايتك لازم اوله پس
قصاص اولناچق آدم یا كندی اولدرسه و یاغیری كپسه كلوب انی
اولدرسه كنهكار اولماز (قرنجه زیان ايتكه باشلرایسه صوبه براقیوب
قتلی جائزدر اما اذا و زیانی یو غیبه كن قتلی مكروهدر اما كهله و چكر كه بی
هر حالده قتل ايتك جائزدر اذا و یرسون كرك و یرسون و اكر هره موزی
وزیانكار اولسه بیچاغله بوغازلنور و یا بانه ايله اودن اوزرنده بویی
اور یلور یو خسه دو كك و قولاغنی بونكك جائز دكلكدر و هر شیکه
جانلی قسمندن اوله یا قق مكروهدر كرك كهله اولسون و كرك قرنجه
و یا عقرب اولسون بریسی یا قلمز اما ایپك قوردینی كونشه براقسه لر
ناكه مرد اوله قایرمز و اول اغاچكه ایچنده قرنجه اوله غیری یا قه چق
اغاچ اولما یچمه یا قسی قایرمز و شرعه الاسلامده و غیر یرده بالاریسی
قتل ايتك جائز دكلكدر كذلک بیاض خروسی و بیاض بیلانی قتل
ايتك وهدهدی و صغر جق قوشنی قتل ايتك مكروه یازمشلردر
(و آفات یددندر یوزه اورمق انسان یوزی اولسون و یا حیوان اولسون
صوچلی اولسون صوچسز اولسون مطلقا و غصب ايتك و غنبت
مالندن صافمق و سرقت ايتك و ایکی یوز درهم و یا قمتنه دینندن
و حواج اصلیه سندن ماعدا مالك اولان كپسه كه شرعا اكاغنی دیرلر
انك زكوة آلمسی و عشر و نذر و صدقه فطر و كفارت و لقطه كه
صاحبی بولنمیان یتكدر و اوزرینه صدقه آلمسی واجب اولان كشی یه
مال خبیثدن آلمق بالجمله لك آفانندن حرام اولان قبیله ندر یا خود
هاشمیدن اولسه و یا صدقه و زكوتی و یرن باباسی و یاد ده سی اولسه
و یا اولادی انلره و یرسه انی آلمق لك آفاتیدر جائز دكلكدر و صدقه

وهديه آلتی اول کیمسه دنکه علمنده یاظنده انک شیء ویردیکی فقردن
ویاعلمندن ویاصلاح وتقوا سندن ویا کرامت وولایتندن برصفت اوزرینه
اولدیغنددر حالبوکه اول کیمسه بونلردن خالیدر پس اول هدییه
مستحق اولدیغندن آلتی جائز اولمش اولور واول وقف باطلدن
آلتکه درهم و دنانیر وقفی اولوب موته مضاف ایتمش اوله اگر مسجل
ایسه ده ان شاء الله بیانی کسه کرک و خلاف شرط واقف اوزرینه
وقف صحیحدن آلتی و مصرف اولوب بیت المالدن نصیب آلتی
یا خود کفایتندن اکثر آلتی وغیری کیمسه قوایندن ویا جاریه سندن
مولاسی اذن سز مال آلتی مال افندیلرینک ایکن و مجنونلغی
و معتوه لغی اولان کیمسه نک مالندن آلتی یا خوداصی کیدن کیمسه نک
ویا وصینک مالن آلتی اگر ویرن ولبسی دخی اولور سه جائز دکلدر
مکر قبیحتی قدر ویا زیاده عوضن ویره و لشیء آلب طومق و قانی و خیری
و بونلره بکزر عین حرام شیلری کتورمک کدییه و کلبه دخی اولور سه
خطا در انجق کدی بی وکلی لاشه اوزرینه کتوره لر و کوستره لر و خیری
سرکه ایچون دخی طاشرسه جائز دکلدر مکرکه ایچنه توز بر آغوب
کتوره و مکانی پاک ایتک ایچون لاشه بی قالدیره و یا خیری دویمک
ایچون یوخسه بلاتا و بیل حرام لعینه اولان شئی بروجهله تناول جائز
دکلدر و حیوانات صورتی تصویر ایتک یوم قیامتده مصور لر اشد
عذابه کرفتار اولملری حدیث صحیحده مذکوردر نظر حرام ویا مکروه
اولان اعضایه یا شمیق ضرورت سز اردن اولسون عورتدن اولسون
انجق عجوزک مصافحه سی ورجلک یا غنی اوغمی جائزدر اگر شهوتدن
امین اولور سه اما ذمینک مصافحه سی مکروهدر (وصراط سویده
دیمشدر که نظری حرام اولان یره دیمک و یا شمیق دخی حرامدر
اگر یا پشلان شی ایری دخی اولور سه وکاهی یا شمیق حرام اولور نظر
دکل اناسنک وقرینک وقرقرنداشنک اولیغنه نظر ایتک وکاهی بومسئله
عکس اوزره اولور وینه الک آفاندندن مطلق مالی اهلاک ایتک
ونقصان و معیب ایتک غرض شرعی بوغیکن مثلاً کسمک و قیرمق

ویا قی

ویا قی ویرتمق و صویه آتمق و یا خود یره براقق که وصولی ممکن اولمیه
پس اگر مال غیرینک اولور سه ظلمدر و یا تعدی بولنوب ضمان ایجاب
ایدر و اگر کسینک اولور سه اسرافدر اسراف ایسه حرامدر تنکیم
بیانی کدی و زنا ایچون و معصیت ایچون شی آلتی ریا ایچون و تغنی
ایچون و لهو و لعب ایچون الدقلری کبی و برانسانک بورجلبسی نندن
قورتارمق زیرا ظلمدر بوسیلله تعذیره مستحق اولور دخی ضمان لازم
کلز و ضیافتلردن و ذو کونلردن بلا اذن طعام کتورمک بودخی حرامدر
مکرکه صاچی اذن ویره و جامده ضرورت سز اعضا سنی اوغمیق
مکروهدر بویارده دلاک لک جامده ابتدا آدمه یا پششد قلونده
ایتدکلری کبی اما کوده دن کیری کیدرمک ایچون ادب یرندن غیری
اولان برلری اوغدرمق جائزدر کو بکدن دیزالته و ارنجه نظری حرام
اولدیغی کبی دکه سی دخی حرامدر کیمسه واسطه سیله دخی اولور سه
تنکیم صراط سویده نقلی کدی بومسئله دن ناس غافلدر دیزلرین
واو یلقلرین کوسترمکی برشی عدا ایتیبوب ملعونیتی اختیار ایدر لر العباد
بالله تعالی و جمیعاً لهو و لعب زوجیه و جاریه سیله اوینه دن غیری
و محاربه به ادمان ایچون اولان لعبدن غیری بالجمله یدک آفتندن معدود
و شر یغترده حرام اولقی اوزرینه محدوددر زردکی که طاووله دیدکلری
لعب جبریدر و شطرنج که صدرنک دن معربدر حبله شیطانیت ابله
مملو اولدیغندن انسان کندی فعلی خالقدر دین معتزلی المذهب
سمتجه دوزلش لعب قدریدر حضرت سرور کائنات علیه افضل
الصلوة بویا کیمسبله اوینان کیمسه لحم و دم خنزیره اللرین با ترش
قدردر و بروایتده الله ورسولنه عاصیدر دیو بیورمشلردن زبیرا اگر
مقامره ایدوب برشی اوتک اوزرینه اوینارلر ایسه کامبسر دیرلر قرآن
عظیمه حرام اولدیغی ثابتدر اویننده کی مالی آلتی اوله اکا قار و همسر
دیرلر بو حکمده در اما مال آلتی اولور سه کینه لهودر (کل لهو باطل
الاثلثا) بیورمشلردن یره حرمتی حدیث شریفله ثابتدر و اشباه نظارده
دیمشدر که شطرنج اوینامده بش شیدن بری بولندقدده اوینان

آدمك عدالتی اسقاط ایدوب شهادتی طوتلز وامامتی کراحت اوزره
اولوب عزله مستحق اولور اول بش شیدن بری لعب اوزره قار ایتک
ایکنجبسی جوق یمین ایتک اوچنجبسی او یون سیبیلہ نمازی وقتندن
چقارمقدر دردنجبسی بولده وچارشوده او ینامق بشنجبسی او یون
اوزرنده فسقندن برشی سويلك کذب وغیبت کی اگر بوبشدن بری
بولنورسه آدمی عدالتدن دوشورر قنده قالدیکه اکثری ویا جله سی
موجود اوله و بوزد و شطرنجی او ینادقلری وقت سلام و یرمک
یوقدر مکرکه انلری لعلرندن یا کلتق قصدیلہ اوله حضرت علی کرم
الله وجهه ورضی الله تعالی عنه انی او ینیلرله راست کلوب سلام
و یرمدن کچدیکنده سبک سوال ایلدیلر دیدیکه هم قوم یعکفون علی
التمایل یعنی انلر بر قوم در که صور تمایل طیارلر نیجه سنه سلام و یرم
دیمش و بولنردن غیری کرک منقله دیدکاری و کرک طوقور چین
دیدکاری مذکور حدیث مقتضاسیلہ کراحت تحریمیلہ مکر و هدر
چار پاره و طنبور چالمق و جمیع چالغولرنای اولسون ظورنا اولسون
دوکون کیجه سنده پولسز دفدن غیری وغازیلر و حجاج
وقافله طبلخانه سندن غیری نقدر چالغی قسمی واریسه آفات یددن
اولوب حرام قیلنلنددر بومذکور مواضعدن غیریده چالان و چالدران
ودکلیان فاسق اولمش اولور وزرا و بکلر ارباب سیفدن وغازیلر سر
فرندن اولغله انلرده اولان طبلخانه غزا ایچون و یرمشدر که اندن
غرض تهیب اعداء مقرریندر لهو ایچون دکدر اکابناء واردقلری
رده کفره و فخریه قهر ایچون و جباریه و معاندینه هیبت کوستر میکچون
چالدرلر اگر چه صورنا و بوری قسمی چالغی سی کابلرده بولنمیوب
ساده طبل چالغی سی مذکوردر اما تهیب اعداده انلرک دخی امدادی
بولنماسیلہ لایا سدر منیری تحریراتنده بویله افاده ایتمشدر (و آفات یددن
کوکرچین او ینامقکه اکا قوشباز دیرلر عدالتدن ساقطدر انک دخی
شهادتی طوتلز وامامتده کراحتی وارددر کتب فقهیهده مسطوردر
ابوهریره رضی الله عنه روایت ایدر که مفخر انبیا علیه الصلاة والسلام

برآدمی کوردیکه کوکرچن صالوب آردنیجه بقار اول آدمه * شیطان
یتبع شیطانہ * بیوردی دیمک اولور که بو آدم شیطانہ او یمش بر شیطاندر
و حیواناتی بر برینه دوکوشدرمک و ذی روح قسمی اوقه و یا توفنکه
نشان قومق حضرت رسول اکرم صلی الله علیه وسلم بو خصوصده
نهی ایدوب ذی روحی هدف ایدنه لغت ایلشدر و ذی روحی حبسه
قتل ایتک حقنده رسول الله علیه الصلاة والسلام امتنی نهی ایلشدر
مسجده کیدر ایکن و مسجدده پاره قلیخی بری برینه جاتوب تشبیک
ایتک حقنده دخی رسول الله علیه السلام امتنی نهی ایلشدر زیرا
آبد سندن صکره انسان نمازه انتظارده در و نمازه منتظر اولان نماز
ایچنده اولمش کیدر دیو تعلیل ایلشدر و سو یلغی حرام اولان شئی
یازمق کذب وغیبت کی زیرا قلم ایکی لسانک بریدر و جنابتله و یا حیضله
و یا نفاس ایلہ و یا آبد سنسز قرآن عظیم یازمق کذلک وینه بو حال ایلہ
اولانلره مصحفه و تفسیره و آیات اللهدن برآیت اولان شئی یایشمق
و مصحفی کوچک قطعیه یازمق و برمدت فائده انوب کبرو و یرمک
ایچون بلاذن غیرک مالین آلتی اگر اول مالہ نقصان و عیب لاحق
اولماز ایسه ده زیرا ملک غیرده تصرفدر بوا یسه حرامدر یا خود
لطیفه و یا کرچک ایلہ صاحبندن اذین مالین حبس ایتک ایچون
آلسه ینه حرامدر و مسلمی اور کتمکه سل سلاحله و یا غیریلہ قورقتمق
لطیفه ایلہ دخی اولور سده حرامدر عامر ابن ربیع رضی الله عنه روایت
ایدر که برآدم برآدمک لطیفه ایلہ نعلین آلوب غیب ایتدی رسول الله
علیه السلامه بوقضیه بی سوبلدی رسول الله علیه السلام اول آدمه
* مسلمی قورقتمک زیرا مسلمی قورقتمق ظم عظیمدر * دیو بیورمشدر
و بر روایتده دخی بر کیمسه بزم اوزریمزه سلاح قالدیره شفاعتمه نائل
اولنلردن دکدر دیو بیورمشدر و جیلاق قلیج آلوب و یرمکی رسول الله
علیه السلام نهی ایلشدر و آفات یددن ارفسمنه پرچم الیقومق امت
محمدک صبیاننه دخی اولور سده و عورتک صاحبنی تراش ایتک وارک
صقالن تراش ایتک و صقالده برقبضه دن نقصان قرقق بوماده رده

اگر صاحبك اذنبه اولور ايسه خطا در مكر كه بونلردن پري دوا ايچون
اوله وكسلان طرناغي قدمكاهه ويا مغسله براقق مكر وهدر زيرامرض
كتورر وقبراوزرنده اولان ياش ديكني ويا اوتى كسمك بودخى مكر وهدر
قورى اولنجه ضرر ويزمز حالمه كمولنك قبرى اچلمز واكرر ويا ده
كورلسه كه قبرنده طوغورمش يته اچلمز مكر كه غبرى كپسه نك ملكنه
مكر اش اوله پس بك صاحبي مخيردر ديلر ايسه چيقارر وديلر ايسه
دوزلدوب اوزرينه اكين اكر ديره ويا فرجه پارمق صوفق عندالاستجا
دخى اولور ايسه ده مكر وهدر مكر دوا ايتك ايچون اوله وصاغ البله
طهارتلىق و بوريني سوم مكر مك بودخى مكر وهدر لايق اولان بودر كه
بونلر صول ال ايله وجوده ككه و بوكا بكرر هر ازا و خسته صول
طرفنى قوللند يروب شريف اولان آموزده صاغ النى قوللند يره مصفف
آلق كى وكابت واكل وشر بده صاغ البله قيله كوملك ولباس كيمكه
دخى صاغيله باشليه بودخى بالمله عذر اولديغى وقتده در اما عذر
اولد قده صوليله دخى جائزدر (وآفات يدنددر ارله قضه دن غبرى
شيدن خاتم طافتمق واعتبار يوز بلك حلقه سته در قاشنه دكل قاشنى
ياقوت وعقيق و فيروزه اولق جائزدر حديث شريفده مذكوردر كه
برآدم پارمغنده تيموردن يوز كله حضورنى به كلكده حضرت رسول
اكرم صلى الله تعالى عليه وسلم اكا عجبدر كه سنك اوزر كده اهل جهنم
زينتى كورورم بيوردى بعده تو چدن خاتمه كلكديكنده نه عجب سنك
اوزر كده اصنام رايحه سن بوليورم ديدى بعده التون يوز كله كلكديكنده
ايتدى نه عجب جنت اهلى زينته كيرم شسك كلان آدم يانه دن خاتم
پايم يار رسول الله ديدى جوابنده كومشدن ايله امامتقال آغرى تمامه دك
ايله اشغه اولسون بيوردى وابن عمر رضى الله عنهما روايت ايدر كه
رسول الله عليه الصلاة والسلام صول النده يوزك طاشيوب قاشنى
باطن كفته دوندورردى وانس رضى الله عنه روايت ايدر كه رسول الله
عليه الصلاة والسلام قدمكاهه كيرديكنده خاتنى اندرردى و يته
حضرت انس رضى الله تعالى عنه روايت ايدر كه حضرت رسول الله

عليه السلام مهر شريفى اوچ سطر قاز يلوب برنده (محمد) ايكنجيد
(رسول) اوچنجيد (الله) يازلمش ايدى وآفات يدنددر رشوت آلق
وويرمك مكر كه ويرديكى ظلمى دفع ايچون ويا مالى تخليص ايچون اوله
اول زمان ويره نه كاه اوليوب الانه هر نه طريقه اولور ايسه نگاهدر
ونص قطعيله حرام اولمشدر كذلك اصلى حرام ويا غصب اولنان
هديه يى وصدقه يى آلق جائز دكلدر آفات يدنددر كذلك صائلان
شبنى دخى خرسزلق و غصب مقوله سى اولديغى بلور كن آلق يوقدر
اما اصلى نره دن اولديغى يلز ايسه هديه ويره نك اكثري مالى حرام
اولديغى بلكجه آلق واردر (اما النى قوللندرمقده ظهور ايدن آفاتكه
اكامعاصى عدميه ديرل پس عدمى اولان معاصيدن قدرت وار ايكن
مظلومى قورتارم يوب كشى كندينى منع ايتك و اوق آتمق اوكرند كد نصكره
ترك ايتك زيرا رسول الله صلى الله تعالى عليه وسلم بيورمشدر * من تعلم
الرمي ثم تركه فلبس منها * يعنى بر كپسه كه اوق آتمخى اوكرنسه بعده
ترك ايلسه ستمزى طوتانلردن دكلدر و طرناقلرين كسمكى ترك ايلسه
تا اوزا نجه ده دك بودخى مكر وهدر ورزق طارلغنه سبدر طنپورى
وسائر آلات لهوى قيرمقدن الن چككم يا خصوص بر خدمت
معينه و غيره آلت اولغنه صالح دكل ايكن و ايچكى ايچون حاضرانان
شرابى دو كلكدن كشى كندينى منع ايتك و حيوان كيره نك صورتى نحو
ايلكدن كندينى منع ايتك ضرورت بوغيكن وقادر ايكن و بولده يتكى
بولنان صيبنك مالى المقدن و ضايع اولان شبنى آلوب صاقلقدن اكر
ضايع اولوب يوق اولملى خوفى وارايسه اندن كندينى منع ايدوب
المق خطادر اما اكر يوق اولملى خوفى اولز ايسه اولاسى الممقدر
وموذى حيوانى طوتتمق ضرر مال ويا ضرر نفس قصدن ايلديكنده
ونفس و مالى قورتارمقكه حرقدن ويا غرقدن يا خود دوشمندن و بوكا
بكرر تلى ويا نقصانى ايجاب ايدر شيلردن كندينى بالمله منع ايدوب
قورتارمق خطادر بلا ضرر قدرت قنده حتى فقها ديمشدر كه برآدم
فرض نماز ايچنده ايكن بر درهم بهاسى ذكر كندينك ويا غير نك مناعى

تلف اولغه باشلده نمازین بوزوب اتی قورتارمق کرکدر اما برده
 ذکر ایسه بوزمامق کرکدر تلف اولور ایسه اولسون (والک آفات
 عدمی سنددر صبیانی و حیواناتی کیجه اولنده منزلتینه سورتمک
 و کیجه ایله قیوقیایمق و شعی سویوندرتمک و قابلری اورتمک کرک
 ایچنده طعام اولسون کرک صو اولسون حالبوکه بونلری هر کیجه
 اورتمک لازمدر نیکیم حضرت پیغمبر صلی الله تعالی علیه وسلم * کیجه
 قرانلخی با صدقه صبیانکزی طشره دن منع ایلیوب ایچری سورک
 زیرا شیطاین اول وقتده ریوزینه یاییلور و کیجه دن بر ساعت
 کچد کد نصره صالیویرک واللهم ذکرایلیوب قیوی قیایک واللهم
 ذکر ایلیوب چراغی سویوندرک کذلک بسم الله ایله قابلری قیایک تاکه
 شیطان دخول ایلیه حتی برقابی تمامیه اورتمک شی بولمزشه اوزرینه
 برشیچکزی بسم الله ایله ارقور یسنه دخی وضع ایدرایسه کافیدر * دیو
 یومشدر و بروایتده کلمشدر که هر ییلده برکیجه واردر که انده وبا
 نازل اولور هر قنده اورتوسن طعام قابی یا خود صوقابی اولسه انده
 براغورل صاحبیری اول قابدن یدکده وبا مرضنه مبتلا اولورل و علماء
 محدثین قنخی کیچهلده اولدیغن تعین ایله مشر کرچه حکما اولقبش
 آینده میلاد عیسی کونی چوره سنده اولان کیچهلده در دیمشدر اما
 حدیث شریفک مقتضاسیجه هر کیجه آچق قومقدن صاقتمق
 کرکدر و بر حدیثده یورمشدر کونش طولندقه حیواناتی و صبیانی
 صالیویرمک یسوقرا کلفند نصره یدکزی را شیطاین ریوزنه کوندر یلور
 ناخمه عشا تمامنه دک دیوتنبیه یورمشدر (وصراط سویده یدک
 آفات عدمی سندن مذکور اولانددر آدمک ملکی اولان هر حیوان
 محترمک علفن و صوین و یرمک زیراجانی حیوان قسمی حرمتده قوله
 بکزر نیجه قولنی آچ و صوسن طومق و بال ایسه حیوان محترم دخی
 کذلک و محترم اولیان حیوان حدیث شریفده کلان خس فواسقدر
 و اول معناده اولاند دخی انلردن عد اولمشدر اولکی هماز قرغه سی
 ایکنی دولکچ که چیلاق دیدکری قوشدر اوچنی عقرب دردی فاره

بشنجی کلب عفور که اصیری می معلم اولمین و حیوان بکلین کلبدر
 و بومعنایه اولاندلر قورد و آرسلان و قیلان و آبو و کرکس و طوشنجل
 و حبیه و زنبور بی عسل و برغوندر بونلردن غیری اولان حیوان
 محترمدر مالکنه واجبدر که کوزه ده زیر حدیث شریفده کلمشدر که
 یرفاجره عورت کلبی صواریسی سبیلده مغفرت اولنوب بر غیری عورت
 هر بی آچ طومق سی سبیلده عذابه کرتار اولمشدر حتی حیوانی سوکن
 کیمسه نک شهادتی ردا و لتور و یاور یسنه ضرر و بره جک قدر بر حیوانک
 سودن صاعق حرام اولور کذلک قلت علی سبیلده صاغلان حیوانه
 ضرر و اورسه صاعقی حرام اولور و تون بولمق حرامدر و بال آر بسی
 دخی حیوان محترمدر اولغله یاز کونلرنده بالدن بر مقیدار سپدر لنده
 غداری ایچون البقومق واجبدر اما قبش کونلرنده زیادجه البقومق
 کرکدر اما بالدن غیری بر شبله بسمک ممکن اولورسه معین بال اولمق
 لازم کلز همان نه ایله تلف اولمق احتمالی بوغسه انکله بسمک
 صاحبنه واجبدر حتی دیمشدر که طوق بشوروب قوانلرک الته قوبهل
 تاکه یسه کذلک ایک قور دی دخی حیوان محترمدر اولغله
 مالکنه واجبدر که توت یراغیله اتی بسلیه و اگر مالکی التفات
 ایتموب تلف اولمق صدقده و ارسه حاکم جانیندن مالکنک بر شتی جبرا
 صاندیر یلوب انک مالیه اول بوجکک غداسی تحصیل اولنور تاکه
 هلاک اولمیه ل و کلب نبا حی طونانله دخی واجبدر که کلبه اطعام
 ایلیه قدرتی بوغسه ارسال ایلیه و یا خود انتفاع ایدن کیمسه به و یره
 آچ طومق و بالدر حتی دیمشدر که بر آدمک براید سلق صوبی اولوب
 و بر کلب محترم و یا غیری حیوان محترم یانده صوسن بولنسه اول صوبی
 اکا و یروب کندی نیم ایدوب نماز قیله و اول حیوان محترم همان حربی
 کافرک و مرتدک اولسون اندن غیری خراج گذار یهود و نصارانک
 دخی اولورسه صوبی و یرمک کرک دیمشدر اما روحی اولمین املاکنی
 کشی کوزتمک واجب دکلدن مثلاً عقاراتی و باغ و باغیه سنک عمارتی
 ترک ایتمک دخی مکروه دکلدن مکر که اکین و مویه سنی اولغله محتاج

اوله اول زمان ترکی مکروه در اما دار و عقاراتی که اکامحتاج در
مکروه دکلدر واولی اولان زیاده ترک در انتهی کلام الصراط (شیخ
شعراوی منن ده دیمشدر که سید علی خواص رحمه الله اهلنه دانما
اصمار لردی تا که هره لری کوزده لری یا خصوص رمضان کونلرنده که
ناس کوندوز یزلر وهره لری آج قالور لر وحق دفعه کورردم که دقیق
و یا اتمک خورده سنی مرحوم کتوروب فرجه دلکرینه دو کردی
ویدر دیکه بوغله جکری طشره چبقوب آرق ارامه دن مستغنی ایدلم
زیرا ایاغله باصیلوب چکلنه دن حالی دکلدر پس یارنده اولور
و یا خود ایاغی و یا ایکولری قیریلوب نیمه زمان خسته اولوب
بیر خسته لکیرده الم چکدیکم کبی انلردخی الم چکرلر وینه مرحوم دیردی
عسلدن و یا سکر دن بر شبنم اولد قده نمله جمره لینه ویکجه جک
یولارینه انلرک نامنه دوکک و بر حیوانک رزقنه واصل اولاجق طریقین
بوزماک زیرا الله تعالی حضرتلری عدلیله سزک طریق رزقکری
عسیر ایدر (و شیخ شعراوی دیمشدر که برخسته اولم حدنه وارهش ایکن
برسکه کی بر قتال سککدن تخلص ایلدیکم سبیلله فی الحال خسته
صحت بولدی اول کوندن بری ذی روح قسمندن بر حیوانی حقیر طوبیوب
احسانله بهرمنند ایتمده یم الا اول حیواناتی که حضرت رسول الله
صلی الله تعالی علیه وسلم قتلیله امر ایلشدر انلرا احسانه لایق دکلدر
حل و حرمده قتل اولورلر انلرک بیانی صراط سویدن نقل اولندی
ایندی اهل تقواتک حالی بومرتبه ده در که شریعت چهندن اوزر لینه
واجب اولان تکلیفاتی ادا دنصکره طریقت یوزندن لازم اولان
احسانی دخی رعایت ایدوب موزو ماهی به ایلککری طوقمه ده در
وینه (شیخ شعراوی دیر که بو خلقله عامل اولق جمله قرآنه و اهل علمه
اولدر زیراناس بو خصوصده انلره اقتدا ایدر لر و لایق دکلدر که ناسدن
ودوایدن احسانی ترک اتمک الا طریق شرعی برله که انی مقتضی اوله
(التجی صنف آفات بطن بیانده در پس بطننددر حرام لعینه اولان
شبئی قرننه ادخال اتمک شراب کبی خنزیراتی کبی لاشه کبی مضطر

یان آفات بطن

اولدیغی

اولدیغی خالده اما اعیاذ بالله قلعه ده محاصره اولوب و یاغیری وجهله
قطعه ده دوشوب خنزیر اتندن و شرابدن غیری بیه جک وایچه جک
اولسه آچاغنی و سوسز اغنی دفع ایده جک قدر رخصت واردر یمک
وایچه جک کرک حتی بر آدم امتناع ایدوب یمسه وایچه سه بومر قوملردن
آچاغله جان ویرسه آثم اولور کذلک حرام لغیره اولان شبئی قرننه
ادخال اتمک آفات بطننددر ایلک مالی بلاذن یمک کبی و حرام اولمه ده
بواولکیدن اشددر حتی اضطرار حالده بر آدم ایلک مالی بمبوب تلف
نفس ایلسه آثم اولمز بلکه مأجور اولور حق عبد اولدیغیچون و عقد
فاسدله مالک اولدیغی شبئی که فسخی و یا تصدق اتمسی واجب اوله
انی قرننه قومقدر مثلاً بر مسلم خرینی بیع ایلسه اول عقد افساد و فسخی
واجبدر و اگر توکیلله صائمش اولسه انی تصدق اتمک واجبدر پس
بوایکی صورتده الدیغی مالی یمک جائز دکلدر دورر غررده بو توکیل
اشدکراهنه مکروه در دیمش (و آفات بطننددر طوقلق اوزرینه
طعام یمک یارنکی کونی صومه و یا مسافرک او تا نمسنه قصد یوغیکن
اما اگر بونلردن بری مقصود اولسه طوقلق اوزرینه بیدیکی حرام
اولمز (و آفات بطننددر بدنه ضرر ویره جک شیلری یمک وایچه جک
طپراق کبی و بالحق کبی اما افیون اکثر ائمه منقته حرامدر لادوا ایچون
ینبلن دکل احیاء علومده مذکوردر که بردن بنن اشیا جمله سی مباحدر
حرام دکلدر الاعقلی کیدرر شبئی و یا خود حیاتی و یا صحت بدنی کیدرر
شبئی مباح دکل حرامدر پس عقلی کیدر یچی پنج و خرو سائر مسکرات
کبی * کل مسکر خروکل مسکر حرام * حدیث مقتضاسنجه که مأکولات
و مشروبانه شمولی اولسی حسبیه بنک دخی اکا داخلدر اما حیاتی
کیدر یچی زهرناک نبساتدر که افیون کثر تبیه انک قسمندنر امامضر
اولماسندن چقسه قلنی سبیلله و یا غیر یله مخلوط اولوب عجز تأثیری
سبیلله حرام اولمز اما صحتی کیدر یچی بی وقت دوالر ایدمکدر پس
بوایکی قسمک مرجعی ضرر در ضرر اولور سه حرامدر اولماز سه دکل
اما خرو و مسکراتک ضررینه نظر اولما یوب قلیل و کثیر حرامدر (امام

محمدك دخی قولى بودر و بوكانظر ازمانه ده فتوى بونك اوزر ينده در شيخ
 شعر اوى رحمه الله متن ده ذكر ايدر كه شيخ الاسلام ابن تيميه ديمشدر كه
 پنج بشيوز الله تاريخنده ظهوره كلوب بعضيلرى مباح اولماسنه فتوا
 ويرمش ايكن فسادى ظهور ايتد كده فتوالرندن رجوع ايدوب حرام
 اولماسنه فتوا ويرديلر و ديديلر كه عقل و بدنه مضر در و مذا هب
 اربعمهك انعمه سى حرمتنه اتفاق ايدوب اكيچيسنه و طاشيچيسنه
 وصايجيسنه تعذير و تاديب لازمدر ديديلر (وشهاب الدين سهروردى
 خليفه سى امام قسطلانيدن نقل ايدر كه ديمشدر حشيشه يعنى نيكيل كده
 يوز يكر مى مضرت دينوى و اخروى موجوددر اول جمله دنر قوانك
 نقصانى و دمك احراق اولمسي و حيانك كتمسي و جكر ك دلنسي و يوزك
 صرار مسى و ديشلرك چور و مسى و اغرك قوقا سى و سودا و جذام
 و برص كتور مسى و مريك مفاجه و كثر خطا و نسيان و كوز بولانقلغنى
 و تخليط عقول و جنون و امور اخرتدن فراغ و نسيان ذكر الله و غياوت
 و غير تسرك و قطع نسل و كر بكلى دوشورمك و نماز دن و جماعتدن
 كسل و ضيق نفس و استسقا و ابنه مىضى و سوء خاتمه حاصل اولور
 العباد بالله تعالى تطويلدن احتراز ايچون زياده تحرير اولمى نصيحت
 پزير اولنره بو قدر كافيدر و اقطع ايچون واقع شرح قدور يده ديمشدر
 پنج و حشيشه و افيون يمك جائز دكلدر بونلر كلپسى حرامدر زيرا عقلى
 افساد ايدر و ذكر الله دن و نماز دن منع ايدر اما بونلر حرمتى خرك
 حرمتدن اشاغه در ز برابر كمپسه بونلردن يسه حديدو قدر سكر مربه سنه
 وارديسه ده انجق تعذير اولنور اما دوا ايچون بيلان افيون و قنله
 تاثيرى ضررى اوليان بو حكمدن خارجدر تكيم احياء علوم مدن
 تفصيلي كچدى اما زمانه ده خلق نوش ايتديكى دخان حقهده بلغرادى
 منبرى رحمه الله تحرير ايتديكى رساله سنده ديمشدر كه انسانه ضررى
 مقرر در كه حيا تنه و صحتنه سرايت ايتشدر نفعى وار دين دخان
 ايچنك صفت وجهى سوزينى تكذيب ايدر و دير كه بن بلديكم اون
 نفر كمپسه وار در دخان ابتلا سندن مريض اولوب بو بلاء سپاهدن

بودر ده اوغراق ديو تا سف و ندامتله جان و يرديلر و بيه تنقيح قرافيدن
 نقلا دير كه قد تعظم المضرة فيصحبها التحريم او الكراهة على قدر
 رتبتهاي يعنى ديمك استر مضرت زياده اولنجه حرام اولور دخی اشاغه
 اولور سه كراهت اولور ايمدى دخان دخی زياده مضر اولور سه حرامدر
 و اگر اصلا مضر اولمسه ينه مباح اكثار اولنجه حرام اولور احياء
 علوم مدن نقلا ديمشدر ماكل مباح بياح كثره بل الخبر مباح والاستكثار
 منه حرام يعنى هر مباحك چوغى مباح دكلدر بلكه اتمك مباحدر اما
 اندن چوق يمك حرامدر كذلك مباح اولديغى صورته ينه اسراف
 سيبيله حرام اولور (ابن عباس رضى الله عنهم اذن روايتيله مختصر
 قرطبي دن نقلا ديمشدر * من انفق درهمي في غير حقفه فهو سرف *
 يعنى بر كمپسه براچه جك حق ولايق اولين يره اتفاق ايلسه اسرافدر
 و بر سبي دخی عبث و سفاهدر و عبث اكا ديرلر كه برايشي اشليه سنكه
 عاقبت حيله سى اوليوب انده بر غرض فاسد اوله و سفاهدت دخی
 غرض فاسد اولان يهوده ايشه ديرلر بونلر ايكپسى دخی شرعا قبيح
 اولوب انلردن عباد منع اولمشدر و بر سبي دخی جهنمه معذب اولان
 كفاره صورنا موافقتدر كه دمان سياهك ايچنه غرق اولورلر حضرت
 پيغمبر عليه الصلوة والسلام خود اهل جهنم حليه سيله متخلى اولمى
 نهى ايدوب حديدن خاتم كورد يكنده بو اهل جهنم حليه سيدر ديو
 فقها دخی اتى مكر و يازديلر تكيم ذكرى سبقت ايلدى رساله مذكوره دن
 همان بعض دليللرى نقل اولندي عاقله كافيدر (كلذك طريقه كلامنه
 اما اول شئي اكل اتمك كه انده نجس اوله لحم ميتة كييكه موميا ديرلر
 نداوى ايچون اولوب علاجي اكا منحصر اولسه علما انده اختلاف
 ايلديلر بعضيلرى ديديلر كه اندن شفا بلند كده مطلقا انحصار سز
 جائزدر اما اولى اولان اجتنابدر مطلقا سالكه لايق اولان بودر كه اكلى
 قليل ايليوب كه تندن و مداومت شعبدن اجتناب ايليه زيرا قلت اكلمه
 صحت جسم وجوده فهم و صفاء قلب و زكا و خفت مؤنت و امكان قناعت
 و بلاء الهى و عذابى و اتفاق و يوم قيامتك و اهل نارك آچلغنى اكن

و عبادته مداومت اسان اولی با خصوص آیدسته و طعامندن فضله ایله
تصدق وایشاره قدرت حاصل اولی واردر اما کثرت اکلده قسوت
قلب و اعضا کوشکلی زیر قارن اج اولدیغنده سائر اعضا طوقدر
وزنده لکی وار و قلت فهم و علم زیر بطنه فطنتی کیدیرر و قلت
عبادت ولذت اولی و شبهه و حرامه دوشمک خوفی و قلب و بدنک
کثرت شغلی ابتدا تحصیل بعد مهیا ایتیمکه بعد یمکه بعد بیت خلایه
افراغ ایچون واروب کلامکه بعد حاصل اولان منی ضررندن
متألم اولمغه بعد یوم قیامتده سؤال و حساب سبب اولور و بعض
اخبارده کلمشدر که سکران موت لذت حیات مقدار نجه اولور و کثرت
اکلک ذمیده وارد اولان احادیثدن بری حضرت عایشه رضی الله
عنہا کلامیدر که دیمشدر رسول الله علیه السلام مد نصکره ابتدا
ظهور ایلان بدعت طوق قدر اول قومککه قرنلری طویدی و بدئلری
سمردی و شهواتی آزدی اما قلبلری ضعیف اولدی و ابن عمر رضی الله
عنہما روایت ایدر که بر آدم رسول الله علیه الصلاة والسلام حضورنده
ککردی رسول الله علیه السلام بیوردیکه * شوکر می بزدن دفع ایله
تحقیق دنیاده اکثری طوق اولانلر قیامت کوننده چوق آج اولانلردر *
و نافع رضی الله عنه روایت ایدر که ابن عمر رضی الله عنہما بر مسکین بیله
اولدجه طعام یمزدی بر کون کندینه مساکیندن بر آدمی کتوردیم
انکله یه پس اول مسکین چوق طعام ییدی ابن عمر بکاد و نوب ابتدی
یا نافع سن بکا بویله آدمی کتورمه زیر ابن رسول الله علیه الصلاة
والسلامدن اشمشم که مسلم بر باغری صاعه دلیر اما کافر و منافق یدی
باغری صاعه دلیر و بر حدیثنده دخی بیورمشدر که ابن آدم قارندن شرلی
قی طولدر من ابن آدمه بر قاج لقمه کفایت ایدر که بلنی طوته و اگر ناچار
زیاده استرایسه پس قارنک بر حصه سی طعامنه و بر حصه سی نفسنه
اولی کرک و حضرت رسول الله علیه الصلاة والسلام بر شکمی آدمی
کوروب شکمه اشارت ایدوب دیدی اگر بوسنک غیر کده اولسه سکا
خیرلی ایدی و ابن جبر رضی الله عنه روایت ایدر که بر کون رسول الله

علیه السلامه اخلق اصابت ایلدی بس بر طاش الوب مبارک قارننه
باغلدی و دیدیکه عاقل اولان کیمسه کندی نفسنه صورتا مهیندر
حالبوکه نفسنه اکرام ایدیمشدر و جابر رضی الله عنه روایت ایدر که
رسول اکرم صلی الله تعالی علیه وسلم بر آدمک طعامی ایکی به کفایت
و ایکنک درده و دردک سکره کفایت ایدر دیو بیورمشدر و ابو امامه
روایت ایدر که رسول الله علیه الصلاة والسلام یقین زمانده بنم
امتمدن آدملا اولور که دورلو دورلو طعام برلر و دورلو دورلو شراب
ایچرلر و دورلو دورلو لباس کیرلر و اوردرلندن بول بول کلام سو یلرلر
انلر بنم اتمک شرار ایدر دیو بیورمشدر (شیخ شعراوی منن نام کابنده
دیمشدر که حرام یمک و حاجتدن زیاده حلال دخی یمک انسانه نوم
کتورر و نوم ایسه اخ الموتدر زیر اجمع مصالحدن انسانه غفلت
کتورر حالبوکه علما دیمشدر جیعا خیرات او یا نفاقده و جیعا شرور
نوم و غفلتده در و امام شافعی رحمه الله دیمشدر بر کیمسه حلالندن
چوق بیوب طویسه چوق صو ایچر بعد چوق او یور بعد چوق
نادم اولور خیر کثیر فوت اولدیغندن اوتوری و بعضیلری دیمشدر
حرامدن از طعام یمک حلالدن چوق یمک کیدر زیر حرام محل ایمانی
پرده لیدر و قرا کو ایدر خیر عقلی پردلیوب قرار تدبیری کبی و محل ایمان
قرار سه نماز و عبادت و اخلاص فائده و یرمز و بر کیمسه حلالی از بیوب
حاجتدن زیاده آشورسه و چوق صو ایچمه نور علی نور اولمش
اولور مولا نا بیورر مشوی (بیت)

* علم و حکمت آیداز لقمه حلال * عشق و رقت آیداز لقمه حلال *
و آفات بطنندن چارشوده و صوفا قد ناس کورر ایکن طعام یمک زیر
مکروهدر کذلک مقابره طعام یمک و کولمک دخی مکروهدر
و جنازه یاننده طعام یمک و میت طعام یمک مکروهدر (و شیخ شعراوی
رحمه الله دیمشدر که خیر آشنی و مصیبت طعاملری و جمعه کیمه لرنده
و یریلان طعامی مزارستانده یمک مکروهدر زیر مقابره کلان کیمسه یه
لایق اولان بودر که کندی نفسنه آغلا یوب اول یانن موتانک حالنی

تذکر ایلیه که انلرده بزجلین حیسانده اولوب علی غفله برجه برجه
اجل جامنی نوش ایلدیلر بزه برکون ناکهانی واقع اولوب بونده کلسک
کرك ایز دیونفسنی تویخ ایلیه (حسن بهتری رجه الله بر آدمی
کوردیکه مقابرا سنده طعام بر پس زجر و تویخ ایله دیدیکه والله سن
منافق سک بوامواتک حانی فکر ایتموب وغافل اولوب بونده طعام
ییرسک بیورمشدر وینه بر محله شیخ شراوی دیمشدر که اهل طریقه
لایق دکلدر که خیر آشدن و نذر طعاملردن بیه زیرا خیر آشی یا مال
ایتامدن جله سی یا بعضی اولق وار یا خود ایلك طعنه سندن صاقنوب
اول طعامی تکلفا و یا تفاخرا و بر مک وار یا خود ولیری بلا و صبه
و بر مک وار بوا یسه شرعا جائز دکلدر و نذر ایدن کیمسه دخی طیب
خاطرله و بر میوب شبتک وجوده کلسیله نفسندن الزام ایدوب معصارله
یعنی منکنه ایله چیقارمش کبدر خالص الله اولدیغندن انی بمک لایق
دکلدر طعام البخیل داء بیورمشدر عقلی اولان کیمسه بیه لازمدر که
بطنه داخل اولاجق لقمه بی اغزینه قومزدن اول تفتیش ایلیه
کذلک اهل ورعه لایق دکلدر عندالدفن سبیل ایتمکری صودن
ایچمک اگر اهل میت انی ترک مییدن و بررلر ایه و اگر تبرعا و بررلر
ایسه ایچمه سی جائزدر وینه طریقتده دیر که التون و کومش قابلدن
طعام بمک و صو ایچمک مکروهدر کذلک التون و کومش فاشقله ارله
وعورتله حتی سورمه دانلقدن التون و کومش مبلله سورمه لیمک دخی
مکروهدر بالجمله کراحت تحریمله که مقابله سنده عقابله تهدید اولمشدر
حدیث صحیحده کلمشدر که * بر کیمسه کومش قابدن صو ایچمه یوم
قیامتده اول آتش اولوب قارنده اوتوب یا نسه کرك * اما بتون قابی
التوندن و یا کومشدن اولوب انجق بعض اطرافی التونله و یا کومشله
یا بلش اولسه هندستان جوزینی یا بدقلری کبی امام اعظم قتنده اگر
ایچن کیمسه اغزینی کومش والتون اوزرینه قوماز ایه اندن ایچمک
جائزدر کرسی دخی بویله در اگر اوتوراجق بری التون و کومش اولماز
ایسه اوتورمسی جائزدر اما کومشلی اگر امام اعظم قتنده قایم کذلک

قوسقون و او یان و رکاب کومشدن اولق قایم التون اولسنه جواز
یوقدر اما بالذلی اولق بالاتفاق جائزدر التون و کومش سفره اوزرنده
بمک بمکی انعام اعظم مکروه کورمشدر اما اول قابکه صرجه دن
و یا بلوردن و یا عقیقندن و یا قلابدن اولسه قوللانسی حلالدر
حضرت رسول الله صلی الله تعالی علیه وسلم صرجه دن بر برداغی
وارایدی اندن اکثری صو ایچرلردی و دریدن اولان سفره اوزرنده بمک
مکروهدر مکروه یولرده اهل سفره مکروه اولیه اما خوان اوزرنده
مکروه دکلکه اغاچدن و یا باقردن اولان سفره در و یا و سمسه ایچون
و تفاخر و مباحات ایچون اولان طعامی بمک مکروهدر اگر بیلنور ایه
یا خود قرینه لر ایله ظن غالب حاصل اولور ایه (شیخ شراوی مننده
نقل ایدر که جناب رسالت پناهی صلی الله تعالی علیه وسلم متکلفینک
و متفاخرینک طعامندن امتنی نهی ایلشدر) (شیخ مذکور دیمشدر که
بو طفره لی واسع دو کونلردن کندیمی بیلایدن بری یمش دکلم الابرکه
انی دخی استفراغ ایتدم زیرا بو یوزدن دو کون ایدنلر اکثری تکلف
ایدوب وسع و قدرتی و عادتق اولیان طعاملری بشورلر حتی اولور که
دو کون صاحبی ریا ایله مال استقرار ایدر و یا بر شبتی صنتار و اول
طعامی مفاخرت ایچون کرهله وجوده کتوررینه شکایت طریقیله
بود و کونده بورجه کیردم و یا بر شبت قالمیدی خرجا ندیم دیر و فلانک
دو کوننده طعام زیاده ایدی دیسه لر متأثر اولور بونلرک جله سی
قرینه لر در که ابتدکی طعاملر تکلفله و تفاخرله اولمشدر طریق شرعی
اوزره اولماشدر اما بود و کونک طریق شرعی مرشد متأهل نام
رسانده یازلدیغی اوزره قدرته کوره ایکی کون طعام قایلمقدر حدیث
شریفده کلمشدر * طعام اول الیوم حق و طعام الیوم الثاني سنه و طعام
الیوم الثالث سمعه و من سمع سمع الله به * دیمک اولور که دو کون
کونلرینک اولکی کون طعام حقدر ایکنجی کون سنت اوچنجی کون
اولور ایه سمعه و ریادر سمعه ایدن کیمسه بیه الله تعالی حضرتلری حسن
معامله ایلز و علما دیمشدر بر ایکی کونک بریسی قبل الدخول و بریسی

بعدالدخولدر زیاده سی تفاخردن ناشیدر وقدرته کوره دینلدی زیر
حضرت پیغمبر آخر زمان علیه صلوات الرحمن صغیه نام خاتونینی
آلدیفته دو کون طعامی سویق وخرما ایدی وعبدالرحمن بن عوف
تأهل ایتدیکنده رسول الله علیه الصلاة والسلام اکا * باریک الله لك
یا عبدالرحمن اولم ولو بمشاة * بیوردی یعنی الله تعالی مبارک ایلده ای عبد
الرحمن دو کون ایل برقیو یحق ایله دخی اولور ایسه بیوردی زیرا مذکور
عبدالرحمن رضی الله عنه صحابه کزینک مالدارلرندن ایدی ومستحیدر
اولنان کیمسه الله تعالی مبارک ایلده وحسن امتزاج ميسر ایلده دیو
دعا ایلک اما اگر مباحات وریادن ولهو ولعبدن وسائر دینی افساد ایدر
شیلردن بردو کونده اولسه انی مبارک دیمه وانده وارمیه ویا دو کون
صاحبی فاسق ومجاهر اولسه انده وارمیه مکرکیم شرندن خوف ایلسه
اول زمان وارمسی رخصتدر اما بیلادعوة کیمسه نك طعامنه و دو کونه
کتمک جائز دکلدن ویدیکی حلال اولماز وبعض علما سنت دو کونلری
وسفردن کلدیکی کونی واحباب جمعینی ولیمیه الخلق ایدوب طعام
قایلغی وسروری سنت طوتدیلر وپولسزدف دو کونده اگرچه چالمق
جائز اما فی زماننا بونلرک جمله سی ذکر الله ایله اولمق افضلدر اما تأهل
ایده نك ليله زفافده ادب دخول طیب رایحه سی طوتوب زوجنه نك
باشنه سکر واوز صاحبه وموجود اولان قوم دخی انی یغما ایدر تبرک
وتین ایچون اخبار وآئده ورودندن اوتوری بعده دخول ایلدیکنده
زوج وزوجدندن هر بری ایکی رکعت نماز قیلر وزوجه نك انی
صاچندن طوتوب بودعایی اوقیه * اللهم باریکلی فی اهلی وبارک
لاهل فی اللهم ارزقنی منهم وارزقهم منی اللهم اجمع بیننا ما جمعت
فی خیر و فرق بیننا اذا فرقت بخیر * وزوجه نك سئندندر کلدیکی کون
ایاقلرینی بر پاك قاب ایچنده یا بقایوب اول صوبی اوک بوجاقلرینه توکلر
تا که انکله برکت حاصل اوله واولکی هفته خار داللی وسرکلی شیدن
واکشیلردن حتی اکشی المهدن دخی زوجیه پرهیز ایتدیرلر تا که رحنه
عقیملک که قصراق حاصل اولسون انتهى کلام الرساله (وشیخ شعاوی

رحمه الله من نام کابنده دیمشدر که کشی زوجاتی حفظ ایتک لازمدر
اول دو کونلردنکه قواعد شرعیه اوزره اولیوب انده انواع مکروهات
ومحرقات قارشیدرلر مختلطلر یعنی خیال ظلمیلر که حکایات سخریات
سویلرلر نسا ورجال اختلاط ایدرلر ومولودلردن دخی كذلك اجتناب
لازمدر زیرا مولود دنصکره تغنی دخی ایدرلر سلفدن کچان مشایخمن
بویله دو کونلر ایتلر لردی وایتدر مز لردی بوسیدن علماء متأخرین
دو کون دعوتنه اجابت ایتک ایچون شرطلر یازمشلردن جمله شروطندندر
بالکراغیا دعوت اولنمق رجال ونسادن بلکه فقر ایله معا اولورسه
اجابت واجبدر كذلك مدعو متأذی اولاجق منکر ایدن برشبئی اولمق
کرتک تکیم کتب فقهیه ده یازمشلردن شیخ مذکور رحمه الله تنبیه
ایدوب دیرکه ایدمی صاقرن ای قرداش مادامکه بردو کونک بواوردن
سلامتی وخالی اولسنی بلیه سن داعی نك خاطری رعا یتیچون اهل
وعبالکی ارسال ایتمه وصاقرن دیمه که بنم حرم ایولردن واغوز طائفندندر
چنک وجفانهیه وتغنی به مائله دکلدلردن زیرا اولور که ظنکده خطا ایدر سین
وطبع سارقدر اولور که میاللرک طبعین سرقه ایدوب اول دخی میل
ایلبوب حالنی افساد وباطنی اتلاف ایلده محمل خطردر صاقرنق کرتک
والحمد لله رب العالمین (وطعام اکل ایله نك سنتی اولنده وآخرنده انی
یومقدر اولنده تازه لردن وکنجیلردن باشلیه بعد الطعام پیرلردن
وواجب التعظیم کیمسه لردن بدأ ایلده وسنت اخری طعامک اولنده
بسمله وآخرنده جمله در حضرت رسول الله صلی الله تعالی علیه وسلم
بیورمشدر طعام بدیککرده اولنده بسم الله دیکک اگر اولنده اونودر سکر
خاطره کلدکده بسم الله فی اوله وفی آخره دیوک زیرا بسمله سزینلان
شیطان نصیبی اولدیغندن مکروهدر بسمله بی دیدیککنده شیطانک
نصیبی قالمز (وآفات بطندندر صول الیه بلا ضروره بینلن طعامدر
زیرا صولیه یمک مکروهدر حضرت پیغمبر علیه الصلاة والسلام
نهی ایلشدر که صول الکزله یمک زیرا شیطان صول الیه بیر وایچمک
دخی بویله در وطعامک اورتاسندن وغیری کیمسه نك اوکندن یمک

لون واحد اولد قدده مکر و هدر حضرت پیغمبر صلی الله تعالی علیه وسلم
 پیور مشدر که برکت طعامک اور تاسنه نازل اولور کار لرندن بیوک
 اور تاسندن یمک دیون نهی ایلمشدر کذلک حضرت پیغمبر علیه الصلاة
 والسلامک براوغوللغی و ارایدیکه تریه سن ایدردی برکون حضرت
 رسول الله صلی الله تعالی علیه وسلم یا ننده طعام برکن الارین صحاب
 ایچنده کزدردی حضرت پیغمبر علیه الصلاة والسلام پیور دیکه
 یا غلام * سم الله وکل یمینک وکل مما یمینک فازلت تلک طعمتک بعد *

معناسی بودر که ای او غلان بسم الله دی وصاغ الکله پی و کندی
 جانبکدن پی و بوند نصکره عمرک اولد قدده طعام بدیکک بویله اولسون
 بور مشدر اما بر طبقده اون واحد اوزرینه نعمت اولد قدده هر لونندن
 المی واردر غیری طرفدن اولور سه ده تنکیم انس رضی الله تعالی عنه
 روایت ایدر که بر دفعه حضور نبی علیه الصلاة والسلام بر طبق
 خرما الوانندن مملو کتوردیلر اورتایه قویوب یمکه باشرت ایتدیکم زده
 * کل من حیث شئت فانه غیر لون واحد * پیور دیلر معناسی هر نه طرفدن
 دیلر سک به زیر لون واحد کلدرا اما اخلاق علائیده اکل و شرب آدابنده
 دیمشدر که بودخی میوه به مخصوصدر و اخق رعایت ادابی اولیدر
 وسط طبقه و ارنجه المی جائز اما غیری کیمسه نک اوکنده اولان
 میوه پی چکوب المی دأب آدابندن دکلدر و لقمه سین کوچک ایدر
 و تیز یوغمه اعتدال کوزه ده و اوچ پر ماغندن زیاده بولاشدر میوه
 و طعامه حرص کوسترمیه و اثناء اکلده پر مقلرین چوق یلامیه اما آخرنده
 جائز بلکه سنتدر لکن اغزینه صوقوب چقار میوه انجیق اطراف دهانبله
 یلامیه هم سنت رعایت اولوب هم نفرت حاضرین اولیه و هم کیمسه نک
 لقماسنه باقیه بلکه کندویه دخی چندان باقیه و اغزندن چقار دیخی
 کوی و چکر دکی اتمک اوزرینه قومایه همان مخفی جه سفره به قویه
 و اغزندن کاسه به و سفره به نسنه طملا تمیه و الحاصل شو یله ایدر که برندن
 قاقوب آخر کیمسه کلوب طعام یمک اسنسه اکانفرت کلبه و سائر جلسادن
 اول طعامدن الن چکیمه اشتها سی یوغبسه کندوی برشکننده کوستره

اکثری کیمسه لر فراغت ایتدک لری زمانده فراغت کوستره جمله دن کبر و
 قالمیه مکر که کند و خانه سنده و یا تکلیف سز یاری اوله اما طعامدن غایت
 تیز دخی فراغت ایلمه لر زیرا مهمان داره نوعا تخفیف واردر یحتمل
 در که طعام بکنم دیلر دیو قلبی مجروح اوله پس اعتدال رعایت اولانه
 و مهماندار اوج دفعه به دکه مهمان تکلیف ایلمه ارتق ابرام ایلمه و کند یسی
 مهمان نصکره فارغ اوله و مهمان طعامک زایدین کونوره به صاحب
 اجازت و پر سه دخی و طعامی تعیب ایلمه و اثناء طعامده صو استمه
 ضرورت اولور سه برو جهله ایچ که قایک دینی خلق قنده دوند رهمیه
 و بوغازندن صدا ایتد رهمیه و خلق قنده دنداننه خلایمیه اگر دلی ایله
 دیشلری اراسندن بر شبئی چقار سه اتی خفیه براغه کیمسه به کوسترمیه
 نفرت و برهمیه و این بود قدده اغزینه صو آلوب لکن ایچنه آتمیه همان
 البله آلوب براغور کی اوله و کندینه لکن کتور سه لر آخره تکلیف اتمیه
 (و طریقتده دیر که اتی و اتمکی بچاغبله کسمک مکر و هدر حاجت اولد قدده
 و پاره لقمسی بچاق سز قابل ایکن زیر ا حضرت پیغمبر صلی الله تعالی
 علیه وسلم نهی ایلبوب دیمشدر که لمی سکین ایله قطع ایلمک زیرا
 عجملراشیدر انجیق مهرا بشوروب پاره لبوک هضم اولمسی آساندر
 (وصفوان بن امیه رضی الله عنه روایت ایدر که حضرت رسول الله
 علیه الصلاة والسلام بر دفعه طعام یرایدیم لمی کوکندن آلوب الیمه
 و بردی و اغزیکه یا قلاش دیروب پی دیدی زیرا هضم اولغه ملا یمدر
 دستی نک و قد حک کدک جانندن ایچمک مکر و هدر و ایچنه او فمک
 وصول طرفنده اولان کیمسه به ایچد کد نصکره و یرمک صاغ جاننده
 اولان کیمسه نک اذنی یوغبکن بونلر بالکلبه مکر و هدر حضرت
 رسول الله صلی الله تعالی علیه وسلم نهی ایلمشدر شرح شرعه ده
 یازمشدر که بر برده حضرت پیغمبر علیه الصلاة والسلام بر کاسه ایله
 سود و بر دیلر ایچد کد نصکره صاغ جاننده بر اعرابی به صوندی
 ابو بکر حضرتی صولنده طور مشیدی دیدیلر که ابو بکر و یرسکر
 اولمزی ایدی یا رسول الله پیور دیلر که حق صاغ جاننده اولانکدر

ونفس واحده ایچک مکروه در سنت اولان اوج نفس ده ایچمکدر
واغزندن چقاروب آندیغی شبنی طعامدن و بزاقدن و بوزندن آندیغی
مخاطنی قباله جاننده و جامعه آتقی مکروه در و طوزاغی و قصه بی
اتک اوزرینه قوماق مکروه در و بچاغی والی اتمکه سملک مکروه در
واکرینه اول اتمکی برسه بعضیلری جائز کورمشلردر بالجه خبره تکریم
ایتمک لازمدر استخفاف و جهی اوزرینه برامق کرک (شیخ شعراوی
رحه الله دیمشدر که خبرک حقندندر اکرام و تعظیم ایتمک و اوپوب
کوزینه قومق تاکه دوام نعمت مبسر اوله زیرا حضرت عایشه دن
روایتده کلمشدر که بردفعه حجره مبارکه سنه حضرت رسول الله علیه
الصلاة والسلام داخل اولوب دیوار اوزرنده برتوز لشمش قوری اتمک
پارچه سی بولوب کوزلرینه سوردی وایتدی یا عایشه الله تعالی
حضرتلرینک نعمتی اکرام ایدوب کوزل طوت زیرایت دنکه
نعمت قیوب کینسه قریب دکلدر که ینهرجوع ایده و شبنی علی خواص
دیمشدر صافنک خبری حائل سزیر اوزرینه قوماک زیرا الله تعالی
حضرتلرینک نعمتی تحقیردر و شیخ احمد رفاعی دیمشدر برقوم قطه
مبتلا اولمز لر لاجبه اوجوز کوروب اهانته ایتد کلر یچون مبتلا اولور
و بعض اشارته کلمشدر که قرص خبر یخز تاکه اوج یوز التمش مخلوق
انک خد متن ایتد کجه انلرک اولی میکایل و آخری اتمکجیدر و خبردن
غیری هر برطعامی تعظیم لازمدر و شیخ رحه الله دیر که بزه طعامک
تعظیمنه دلیل کفایت ایدر که الله تعالی حضرتلری طعامی کنندی
رؤیتنه عدیل قیلوب * لاصاتم فرحتان فرحة عند افطاره و فرحة
عند لقاء ربه * پیورلادی معناسی بودر که صائمک ایکی سروری واردر
بری افطاری قتنده و بری دیدار خدای کور دیکنده و دیر که حکمت
بونده بودر که عید جسم و روحدن مر کیدر روحک غداسی دیدار حق
و جسمک غداسی طعام مطلقدر (وسید علی خواص دن نقلا دیمشدر
طعام یدیککده یا نکده موجود اولانلری محروم ایتد دوام نعمت استرسک
و برکپسه بر شبنی یدیککنده انی برکوز باقوب حق نظری ویرلسه

الله تعالی حضرتلری ینه نی بردرده مبتلا ایدر و دخی دیمشدر بره مؤمن
متقی طعامنه دعوت ایلسه اجابت ایلکه انی مسرور ایده سن اما ظالم
و فاجرک ور باایله معامله ایده نک و دعوتی اغنیایه مخصوص ایدوب
فقرا بی چاغرمیه نک دعوتنه وارمه و دیمشدر چنکه طعام یسک برکدن
قالقه سفره قالدیر لمان زیرا بوسلف صالحینک سنندندر و ایلک
بودوغ کده برکتله دعا ایلله و کیمته ده اذن طلب ایلله و بالکریمه و قرا کولقده
یمه زیرا بوشباطین صفتیدر و طعامدن بر شبنی منافع ایتد دوشدیک کی
قالدر آخر طعامه دک انی ترک ایتد زیرا خبرده کلمشدر که برکپسه که
دوشن طعامی یسه الله تعالی حضرتلری جنون و جزام و برص
مرضلرینی اندن و ولدندن درت دیزه وارنجه دفع ایلسه کرکدر عنایتله
ایمدی ای قرداش بو آداب اوزره عمل ایلله انتهی و طریقتده دیمشدر که
اما فسقه نک و اهل ربانک و امرانک طعامنی یمک عینله اول طعام
مغصوب اولدیغنی یلر سه حرام اولمز اما مستحب دخی دکلدر معلوم
اوله که (امام برکلی تقوای خواص صددی بیاننده دیر که مادامکه
عینله بر شبنک حرام اولماسنه کشینک علمی اولیمه انی الموق واردر زیرا
حضرت حبیب الله صلی الله تعالی علیه وسلم مقوقسدنکه ملک
اسکندر به ایدی هدیه قبول ایتدی و رباخور بهو دیدن استقراض
ایتدی بودلیر یله شریعتده عینله حرام اولمین شبنی آتقی جائز و مانک
اکثری حرام اولد چقه المسی جائز اولمق علماء متقدمین قولیدر بوزمانه ده
انکله عمل ایتمک ممکن دکلدر تکیم بیانی کلسه کرک ان شا الله تعالی
(اما شیخ شعرای رحه الله نقل ایتدیکی اخص خواص تقوایی که
اولیاء الله طریقتیدر انک مقتضا سنجه مطلق مذکور ظلمه نک طعامنی
یمک دیو پیورمشلردر کذلک منن ده دیمشدر که دینی اولان آدمک که
اداسنه عاجز در طعامنی یمک شبهه ایدر طیب خاطرله دخی دعوت
ایتد یسه انده وارمه یوز بودخی کمال تقوادندر و ینه بر محلمده دیمشدر که
اهل طریق شونک اوزرینه اتفاق ایلشدر در که ناسک صدقاتی
ودو کون طعاملری قلبه قسوت ویرر و ورع و پرهیز ارکان طریقتک

بریدر حتی ورع تحصیل ایچون بریلری نیجه ایلق بوله کیدر لر
 مرویدر که بلاد بعیده دن حسن بصری رحمه الله حضورینه
 برآمد کلور که ورع نه اولدیغی اوکرتسون حسن بصری اکا دیدیکه
 بن طعام امرادن ییدم ورع تحصیل اولمغه صالح دکل انجق کوفده
 فلان کمسه په وار پدردن میراث دکش برمرعه سی وارنده بو اورسک
 انک دیدیکی هب اول مررعه دندر اندن ورعی اوکرتورسک دیو اول آدم
 بصره دن کوفه په کیدوب حسن بصرینک وصف ایندیکی اوزره
 آدمی بولدی چفت سورر وتار لاک هراییک باشنده بقره لک علفنی
 وصوینی قومش هر کاره چیق دقلرنده بر مقدار لر وصو ایچرل بعده
 ینه بو حالله تار لای سورمه ده پس حسن بصری کندینی ورع تحصیلنه
 کوندر دیکنی اعلام ایندکده اول اکنجی ایندی اول پرهیزلک بر زمان
 ایدی یا نیجه اولدی دیدیکنده ایندی برکون نماز مه مشغول ایکن
 یغموری هواده او کوزلرم قو کشونک تار لاسنه کیروب ایاق لر یله بالچق
 کتوردیلر و بنم تار لاک طپراغنه قارشیدی بوند نصکره بدن ورع
 تحصیل ایدر مېسک دیو جواب ویرمشد کلان آدم دخی بو کوردیکی
 واقعه دن ورع نه مرتبه ده اولدیغی اکلامش و اوکرتمشد ایدی تقوای
 حقیقی اشبو وجه اوزره اینجه دن اینجه در و هر آدمک ایشی و هر آغزک
 اشی دکلدر همان پزه لازم اولان شریعت یوان طومقد در وانی کاله
 کتورد کدنصکره تقوای حقیقی په صرف همت ایتمک کرکدر (آفات
 بطنک معاصی عدم بسی اکل و شر بی ترک ایلمکدر حتی آچلمقدن موت
 کله و یا خسته اوله و یا ضعیف اولوب جمعه و جاعاته چیقمه قدرتی
 اولیه و یا یاق اوزره طوروب نماز قیلغه قدرتی اولیه و بوکا بکرز
 واجبات و سنی تر کنه مؤدی اوله (ملتی الابحر نام کابده دیمشدر که
 اکلی ازالدوب شور مرتبه ریاضت جائز دکلدر که ضعیف اولوب
 بیورلدیغی وجه اوزره عبادتک اداسنه قادر اولیه و بر کمسه صائم
 اولسه و آخلق غلبه ایدوب یمکدن امتناعله وفات اینسه آثم اولور
 امداد و التمکدن بر مریض امتناع ایدوب وفات اینسه عاصی اولر (و شیخ

الاسلام ابن تیمیه رحمه الله انس رب العالمین نام رساله سنده سیر سلوک
 قاعده سنی بیان ایدوب دیر که دار آخرته سالک اولان عبدک ابتداء
 سیری تصحیح توبه در و تصحیح توبه یدی اعضا سنی محاسبه ایدوب
 حفظ ایتمکله اولور و طریقه ده علی التفصیل هر بریسک آفاتی بیان
 ابتدکی اوزره کوزینی و قولاغنی و لسانی و بطننی و فرجنی وانی و یاغنی
 جیع محارم بدن صافنوب و قلبنی دخی یوقار یده مذکور اولان منکر اتدن
 یا کلبوب قلبنی و قلبنی پاک ایلده و الله تعالی حضر تدرینه محبت ایدوب
 جیع امر نه امتثال ایده و حبیب اکرمی علیه السلامه محبت ایدوب ای
 کندنی نبیسی و استاذی و شیخی و مؤدبی بیلوب همتی اکا مخصوص
 ایده غیری شیخه دکل وانک ستنی و سیرتی اشتکله و قبول ایدوب
 تابع اولمغه سعی ایلده و ستندن برینی ترک نفسمه رخصت و برمه
 معوا کده و نهجده وصف اولده وصفک صاعنده و امامه قریب
 اولمغه و تکبیر اولی به حاضر اولمغه و مسجده ارکتمکده و لباسده
 و غیر یده صاعندن کیمکده و بالجمله عبادت و عاده متعلق اولان
 ستنلرنده کندینی اکا تابع ایلده الله تعالی نک * قل ان کنتم تحبون الله
 فاتبعونی یحبکم الله * آیت کریمی تحتند داخل اولوب ولی و محبوب
 حق اولمغه کندینی لایق ایده اما سلوک مرتبه ثانیه سی شوق قرب
 الهیه ایله ارادت کتورب طالب وصول اولمقدن پس ارشاد ایده جک
 استاد عارف و مرشد کامله مقارن اولوب تحصیل طریقت ایده بلور
 ایسه کوزل و الامجاهدات و ریاضات ایله مزاجین تبدیل ایده جک شیخ
 کامل اولما نیجه اصلاحه کلبوب قلبی منحرف اولور حتی بعض مریدر
 دنیا لغنی ترک ایدر لر و زوجة سین تطلیق ایدر لر و ظن ایدر لر که بونکله
 خدایه قریب اولور لر پس انکله قلبی فقره مبتلا و نفسی شهوته دوشوب
 مطلوبی دخی فوت اولور زیر اسباب دنیویه دن بالکلیه فارغ اولق
 مضر در دنیا به قتی دوشتمک مضر اولدیغی کی وقتی طو قلق مضر
 اولدیغی کی کثرت ریاضت دخی مضر در زیر مزاج متغیر اولوب
 خشونت و رعوت و تکبر پیدا اولور و یا جنون ظهور ایدر ایدی

پان آفات بطنک معاصی

عدم بسی

دنیالغ اول مقدار سعی ایده که کندینه واهل وعیالنه یتہ جک قدر
 اولہ زیاده سی اولورسه صالحینہ اتفاق ایلہ پس قتی حرصہ دوشیمہ کہ
 حب دنیا قلبنہ پرلشمیہ و بومقدار معینہ دن تکاسل دخی ایتیمہ تاکہ
 قلبنہ فقر وفاقہ دوشیمہ خیرالامور اوسطها بیورلمشدر اما مجاهده
 و ریاضتک اعتدالی بودر کہ صومده مشروع اولان ایام فاضله بی
 صائم اولہ اثین وخبس کونلرخی وایام بیضی وعرفہ وعاشورا کونلرخی
 و بوجله دن عاجز اولورایسه بعضنی طوتہ وطمع سامندہ مزاجی صحیح
 طوتاجق اطعمہ مرطبه بیه لطیف پرهیز شور بارکی وسودکپی
 وقیناغمش قویوجه بال شربی مقوله سی پالوزه واطیف میوہل زردالی
 وقار بوز وانکور امثالی شیلرہ مداومت ایلہ اما مولد سودا اولان
 شیلردن واکشیلردن وطوز لیلردن صاقنہ الاقلت اوزرینہ یرایسه ضرر
 ایتمز وینہ ملام غداردن یدیکندہ دخی قلیل وکثیرک ماینتہ رعایت ایلہ
 وکوندہ بریجک طوینجہ یسه ایکنجی کرہ ده استیمہ مکرکہ فرداسی صائم
 اولقی اسنبہ اول زمان برقاج لقمہ خفیفہ بیه اما زوجہ سی اولورایسه
 جامدہ دخی اعتداله رعایت ایلہ وجیع اشبادہ اوسط اموری اختیار
 ایلہ واکر بواعتداله رعایت ایتیموب ریاضتندہ ویمجاهدہ سندہ افراط
 وتفریط جانینہ کیدرسہ نور قلب حاصل اولیوب قلب وقالی اخلاق
 ذہبیہ وافعال فیجہیہ دوشروب طریقتدن وشریعتدن نصیب
 یولہ من بومحلہ دک ابن تیمہ نک کلام لمخصیدر ووصاحب طریقت دخی
 کتابک ابتدا سندہ یوقاعدہ اوزرہ اولیوب اعتدال دن خارج شیخکرتقی
 مجاهدلرینی شریعتہ مخالف بوایوب حسن توجیه ایلہ تاویل ایلدی زبرا
 طریقت طومقدہ قاعدہ بویان اولندیخی وجه اوزرہ در ویتہ طریقتدہ
 دیرککہ بطنک آفات عدمیسننددر اکل وشربی ترک ایتک چنکہ
 حقوق والدین بولنسه یعنی انادن و بیاددن پری اوغلنہ طعام باخود
 شراب تکلیف ایلسه سوزین طومیموب یمدکده کنهکار اولور مکرکہ
 اول طعام وشراب حرام اولہ اندہ اطاعت ایتیمک کرکدر معصیت
 اولان یرده مخلوقہ اطاعت ایتیمک یوقدر (بدنجی صنف آفات فرج

بیان آفات فرج

بیانندہ در * پس آفاتندن پری زنادر صراط سویده دیمشدر کہ اللہ تعالی
 زنا بی شرکہ یقین کتورب بیورمشدر * الزانی لایتکیم الازانیہ اومشرکہ
 والزانہ لایتکیمھا الازان اومشرک وحریم ذلک علی المؤمنین * زانی اولان
 کیمسہ اولمک اسنسه یازانیہ بی نکاح ایلر یا مشرکہ بی وزانیہ عورت
 یازانی یه وارر نکاح اولور ویا مشرکہ بونلری نکاح ایتیمک مؤمنلرہ حرامدر
 وحد یشده کلمشدر کہ * برعبد زنا ایلسه ایمانی چیقوب باشی اوزرندہ
 کولمک لک کی طورر اول عملدن فارغ اولدقدہ یرینہ دوز و برحدیشده
 عند اللہ اول کاهدن اعظم کاه یوقدر کہ بر آدم نطفہ سنی حرام یرہ
 وضع ایدہ حالبوکہ پیرو یا عالم ویا بونک امثالی شریف کیمسہ اولہ
 نعوذ باللہ شریعتک تشدیدنہ نظر ایلہ ای نفسنہ ظالم قباختدن
 حذر اوزرہ اول وعروین ممیون رضی اللہ عنہ نقل ایدر و دیمشدر کہ
 جاهلیت زمانندہ کوردیمکہ بر ممیون برخاتونہ زنا ایلدی پس اتی ناس
 رجم ایلدیلر و بدخی انلرایله معارجم ایلدم (وشیخ شعر اوی منندہ
 یازمشدر کہ بریکیت حضور رسول اللہ علیہ الصلاۃ والسلامہ کلوب
 یار رسول اللہ بکازنلیہ اذن ویررمبسن دیدی اصحاب انک بوکوستاخانه
 کلامن اشیدیجک اوزرینہ چاغر شدیلر رسول اللہ علیہ السلام اینجتمک
 دیدی وکندینہ یقین دعوت ایدوب بیوردی بوایشی اناک ایتیمکہ
 سورمبسک لادیدی رسول اللہ علیہ السلام بیوردی کذلک ناس
 انلرینہ سومزلر وینہ بیوردیکہ قزیکہ بوایشی ایتیمکہ سورمبسک
 لادیدی رسول اللہ علیہ السلام بیوردی کذلک ناس قزلرینہ سومزلر
 حتی قز قزندانشی وعمه سنی وخاله سنی ذکر ایدوب کذلک ناس سومزلر
 دیدی بعده مبارک النی جوانک کوکسی اوزرینہ قیوب * اللهم طهر
 قلبہ واغفر ذنبہ وحصن فرجہ * دیودعا ایلدی بوندن صکرہ
 اول یکیدہ زنادن مبعوض برشی اولمدی دیوروایت اولمشدر (آفات
 فرجدن پری دخی لواطہ در بودخی حرامدر حتی زوجہ سنہ یا جاریہ سنہ
 ویا عبیدنہ لواطہ دخی ایدر ایسه ینہ حرامدر انجق بواوچوندہ حلال
 اعتقاد ایتیمہ کافر اولمز فاسق وضال اولور (صراط سویده دیمشدر کہ

لوط قومك شهر رنده او جوزلق و غنیمت اولوب اهلی آزدیلر پس
ابلیس برنوجوان صورتده متمثل اولوب اول آزعون طائفه یی دبره
دعوت ایلدی انلردخی ابلیس برتلیس ایله جمع اولدیلر بعده کندی
نوجوانلرینه اشلکه یاشلدیلر یوما فیوما زیاده اولوب ارض رب
العزت فریاد ایلدی عرش اعظم دخی بیر موافقت ایدوب دتره یوب
اسان حال ایله معا شکایت ایلدیلر الله تعالی جبرائیل علیه السلامه
امر ایلدی که دیارلری تقییب ایدوب اوزرلرینه طاش یاغدیله پس
جبریل علیه السلام قنادینی دیارلرینک آلتیه صوقوب شورته جو
فلکه چیقار دیکه سما اهلی خروس اوازی و کلبلر نباحی اشدیلر
و شهر رنده درت کره یوز بیک کیمسه ایدیلر * جعلنا عالیها سافلها *
بیورلدیغی اوزره جبرائیل بو شهرلری زیر زیر ایلدوب * وامطرنا
علیهم حجارة من سجيل * فخواستیله اوزرلرینه سنک کلدن طاشلر
یاغدر مغله اهلاک اولندیلر بوسیدن ابو بکرک خلافتی زمانده لواطه
ایده فی وایتدیره فی دیوارله باصدربوب قتل ایتد رمشدر و حضرت علی
رضی الله عنه خلافتی زمانده فاعل و مفعولی آتشیه یاقدیغنی ابن
عباس روایت ایتشدر (شیخ شعراوی دیمشدر که حالا اول لوط قومك
شهرلرینک یری که شام یولنده واقعدر برعظیم صوبر که سیدر اول
صودن انسان وقورد وقوش ایچمز و نباتادن برشی بتورمز مردار
وبد رایحه لی اولدیغندن و دیمشدر که درویشاندن بری نقل ایدر یولده
کچر ایکن لوط دکنه اوغرا دیغمزده رفقادن بری بو بزم یارانلریمزک
مکانیدر دیوهرل ایدر ایکن همان بر بالی چیقوب هرله کوی اولان
شخصی ایاغندن چکوب بز باقه طورر ایکن دکنه یارانلرینه کنوروب
غرق ایتدردی و خبرده کلشدر که کیجه و کوندزده اندن کچن کیمسه
اشیدرلر که بر حجر براغورلر کی صویه طراقه دوشر و انکله دکن موجلدنور
علما دیمشدر که لوط عملی ایلان کیمسه موتندن صکره انده نقل اولنور
وموکل اولان ملائکه اندن ناره کنورلر انتهی و بو کلامک دایلی جامع
الصغیر حدیثلرنده مفخر کائنات علیه افضل الصلوات حضرتلری

* من مات من امی یعمل عمل قوم لوط نقله الله الیهم حتی یحشر
معهم * قول شریفی بیورمشدر معناسی بودر که بر کیمسه بنم امتدن
قوم لوط عملی ایلدوب اول حالله اولسه انی ملائکه اول قومده نقل
ایدرلر تا که معا حشر اوله انتهی (و آفات فرجدندر حیواناته مجامعت
ایمک حدیث شریفده * من اتی بهیمة فاقتلوه واقتلواها معه *
بیورلشدر یعنی بر کیمسه حیوانه یقینلق ایتسه انی و اول حیوانی قتل
ایلیک دیمکدر) صراط سویده دیمشدر که بر کیمسه میتی و یا حیوانی
وطی ایتدیکی درت شاهدله ثابت اولسه تعزیر اولنور قول اظهرد
و بر قوله محسن رجم اولنور و حیوان بوغا زنور اگر دبره دخی ایلاج
ایتدیه و لمی دخی بنور حلالدر اصح قوله و عورت عورته یقینلق
ایتسدر تعزیری واجب اولور (و آفات فرجدندر حیض و نفاس حالده
زوجه سنه یقینلق ایمک نیکیم سرور کائنات علیه افضل الصلوات
* بر کیمسه حائض عورته و یا دبره و ارسه یا خود فالجی به اینانسه بکا
نازل اولان قرآنه کافر اولش اولور * دیو بیورمشدر اما ایله استمنا
ایمک یعنی ذکرندن منی چیقارمق حرامدر الا اوج شرطله حرام
اولمز ارکن اولق و شهوتی و حشر یاخی غالب اولق و انکله تسکین
شهوت مراد اولق لذتلمک دکل بو اوج آفت موجود اولیجی استمنا
جائزدر (و صراط سویده دیمشدر که جاریه سی و زوجه سی ایله دخی
استمنا جائزدر کراحتله انتهی و معاصیدندر جماعه تحمل ایده میان
زوجه صغیره سنه جماع ایمک دخی خسته لغنه ضرر ویره جک
مریضیه جماع ایمک معصیتدر اما اگر ضرر ویرمز ایسه قایمز بلکه
صحتله دخی سبب اولور زیرا حکما دیمشدر که منی ارده و عورنده
متعفن اولدقده ضرری بدنه سرایت ایدوب انسانی خسته ایدر انک
اخراجیله جسده خفت کلور جاریه نک حکمی دخی بویله در صغیره
اولمقده و خسته اولمقده کذلک معاصیدندر جماعی بیلان صبی قنده
جماع ایمک کذلک استبراسی واجب اولان امهیه قبل الاستبراء جماع
ایمک و دواعیسی اولان بوس و آغوش امشالی حرامدر (و مکروهات

فرجند در قضای حاجت ایچون قبله به قارشو یا خود ارقه و یروب
 اوتور مق قد مکاهده و صحراده مکر و هدر کذلک آیه و کونش قارشو
 دخی محجوب و مستور اولیان برلده انجق دخی قیمتی اولان شبلله استیجا
 ایتک یا خود تعظیمی واجب اولان شبلله انسان و یا حیوان مأ کولاتندن
 اولق کبی یا خود مقعده ضرر و بره جک شبلله سیرجه کبی یا خود نجسه
 ترک کبی بونلرک جله سیله آرتمق مکر و هدر الا ضرورت حالده قایرمن
 یولده و کولکه ده ناس اوغرا دیغنده قضای حاجت ایتک مکر و هدر اکابناء
 رسول اکرم لاعتلردن صافنک لاعن کیمدر دیدیلر لاعن اول کیمسه در که
 ناسک یولنده و یا کولکه سنده تخلی ایلله دیو بیورمشدن ایا قده طوررکن
 بول ایتک مکر و هدر جله سنک حقهده حضرت رسول اکرم دن نهی
 وارد اولمشدر قتاده رضی الله عنه دیمشدر که طاشلق یرجن مسکنیدر
 و مجمع بول حقهده بیورمشدر لکن ایچنه بول ایتک زیر ملائکه اول یننه
 کیرمز که انده قاب ایچنه جمع اولمش بول اوله بنی آدمی خصی ایتک
 ایچون آلتن قطع ایتک مکر و هدر بوسبیدن انلرک تملیکی و استخدا می
 و کسبیری مکر و هدر اما فرجک معاصی عدمه بسی زوجه سیله کشی اصلا
 جماع ایللمکدر اما یتوت یعنی بیله کیجه ملک و یاتمی و اجدر و جماعت
 اگر زوجه طالبه ایسه احیانا واجبه در زمان تقدیر نسز اما بردوشکده
 یاتمی واجب دکلدر انجق جائزدر و مستحبدر باشقهده یا توره قایرمن
 سلف صالح فرقند نصکره دوشک دوشمنز لایمش اما جاریه نیک مجامعتی
 واجب دکلدر مستحباندنر و زوجه ل مایینده جماعت غیرنده برابر
 ایدوب عدالت ایتک معاصیدنر و بولدن اجتناب ایتک زیرا
 حدیث شریفده کلمشدر که اکثری عذاب قبر بولدن حاصل اولور
 عذر نسز اجتنابی ترک ایتک معاصیدنر (امام ملتقیا البحری نام کابنده
 دیمشدر که برصبینک خشقه سی یعنی ذکر ینک کله سی ظاهر اولوب
 انی کورن سنتلی ظن ایلسه و کسمک لازم کلسه مشق نسز ممکن اولسه
 ترکی جائزدر کذلک بر پیر اسلامه کلسه و اهل بصیرت دیسه ل که بونک
 خنانه طاقتی یوقدر حال اوزره قونق کرک و خنان و فنی نامعلومدر

بیان آداب جماع

بعضی بیری یدی ییلاق اولیچق دیمشدر در انتهی (معلوم اوله که بعض
 وقتلرده و بعض مکانلرده جماع منهدر دیو حقهده وارد اولان حدیثلر
 موضوع و افتر اولسان احادیثندن اصلی یوقدر واضعی حماد بن
 عمرو در اثمه حدیث قتلرنده متروک و کذابدر منیری مرحوم رساله
 موضوعاننده بویله افاده ایتشدر انجق آداب جماعده یازلدیغی وجه
 اوزره حین مباشرتده بسمله ایله یا پشه تاکه شیطان قارشیمبوب سنت
 بولمغله اوغلان وجوده کلور ایسه صلحادن اوله و حین جماعده
 صلحادن و کوزل سیمالی کیمسه لردن برینی خاطرینه کتورر ایسه الله
 تعالی حضرتلری ولدینی اول خلقت اوزرینه خلق ایدر و ابتدا جنین
 حرکت ابتدا کده اناسی نه سیمایه نظر ایدر ایسه حکمت خدا ایله اول
 سیمایه ولده و بریلور الله اعلم حین جماعده پدیری غیری صورتی تصور
 ایتدیکی وقت بویله واقع اولور تاکه ایکی قولک مایینی توجیه اولمش
 اوله و حین رضاعده حسن خلق صاحبیه سی خاتونه امزدره ل اقتضا
 ایدر ایسه زیرا الرضاع طبیعه ثانیه دیمشدر در خلق وجوی سوندن
 تأثیر ایتدیکی کبی ظاهرینه دخی تأثیر ایدر حتی برکبود چشم صبی بی
 سینه چشم خاتونه امزرسه ل صبی دخی سیاه چشم اولور دیمشدر در
 (سکرنجی صنف آفات رجل بیاننده در پس ایاعک آفاتندنر مجلس
 معصیه کتمک وانی ایشلمک و یا باقی ایچون فسق مجلسنه و خیال ظل
 و پهلوان و جانباز و طاسباز و سائر لهو و لعب مجلسنه کتمک کبی و اندنر
 والدیندن اذن نسز غزایه کتمک اگر کافر ایسه لده مکرظن غالی اول
 اولسه که اهل دینلری اولدیغیچون انلره مقالتیه کتمکی کریمه کوروب
 اذنه مانع اوله لدر شفقت ایچون دکل پس بو تقدیرجه کتمسی جائزدر
 هر بر سفر که ایده هلاکک خوفی اوله در یا سفری و بریبان سفری کبی
 بلاذن کتمسی جائزدر کلدنر یا خود پدر و مادر نفقه به محتاج اوله ل
 و بریسنک حکمی ایکبسنک کیدر او یس القرنی حضرتلر ینک سرور
 انبیایه صورت ظاهرده کلوب بولوشمدیغی والده سی خدمتدن منفک
 اولدیغی سبیلده در و فضیلت خدمتدرینه دلیل کافیدر اول سپیدن

بیان آفات رجل

علماءك اتفاقيله اويس القرنى افضل تابعين من معدود در (وآفات
رجلند در طاعوندن قاجق و طاعونه كيرمك زير رسول اكرم صلى
الله تعالى عليه وسلم نهى ايدوب * بر پرده طاعون اشسته كن اوزرينه
كلك وسر پرده ايكن واقع اولسه اندن فرار ايدوب قاجك *
ديو پوردي و بعض علماء بونهي صيانت اعتقاد اوزرينه حل ايلديلر
پس اعتقادي بوزلمغه علمى اولان كچمهيه دخول وفرار جائزدر اما
حضرت عمر رضى الله تعالى عنه بعد المشاوره شاهه كيرميوپ دوتديكى
بو بعضك قولنى رد ايدر و صحيح اولان بودر كه نهى ظاهرى اوزرينه در
وبونك بحتى يوقار يده كچدى انده نظر اولنه (وآفات رجلند در غيرك
ملكنده بلا اذن يورمك باغنده و يستاتنده و دارنده وارض مزعه سنده
يعنى اكاش و ياقازلمش و ياسورلمش يرنده يورمك جائز دكلدر اما اگر
ديوار سبز و خند قسن سورلمش و قازلمش بر ايسه و كچمك بر حاجت
ايچون ضرر سزجه اولورسه جوازي اميد اولور دلاله وعادة اذن
بولنديغندن و دعوت سز ضبافته دخى بو يوزدن اذن اكلانديغندن
وارمق جائزدر نكيم پياني كلور اما مالينك ضايع اولسي خوف ايچون
ايلك ملكنده دخول بو حكمدن خارج اذن ارانماز و ديوار و ملك باقلمز
مثلا بر آدم برينك ثوبنى كندى دارنه كتوروب قاجسه ثوبك صاحبه
جائزدر بلا اذن كيرمك تا كه ثوبنى آله كذلك بر آدمك مالندن بلك اخه
بر آدمك او طه سنه دوشسه صاحبي علم ايدنيور ايسه كه اخه ضايع
اولق خوفى اولور پس مال صاحبه بغير اذن كيرمك وار ولكن
بونك ايچون كيرمسي صلح ايلك كر كدر تا كه غيرى مظنه دن خلاص بوله
(وآفات قدمند در مقابر اوزرينه يورمك و عورتلرك جنازه يه تابع
اولوب كتمك و زيارت قبوره وارملرى جائز دكلدر زير رسول الله عليه
الصلاة والسلام زيارت قبور ايند خاتونلره لعنت ايلمشدر اما اگر آدم
مقبره لكده بر يول بولسه كه خلق اندن كلوب كيدرلر اگر قلمبنده عقلله
بلور لسه كه خلق اول بولى احداث ايتلدر اول يول ايله يور يوب
كتميه اگر ايجاد اوله دكلسه يورو يه و قبر اوزرينه و تورمق اوزرينه

يورمك كيدر (وآفات قدمند در جنب و حائض و نفسانك مسجد
كيرمسي كذلك اياغنى قبله جانبده و مصحفه و كتب شريعتيه اوزاتمق
نوم و يقظه ده جائز دكلدر مكر كه اياغنه قارشو اولوب ايكي جانبك
برنده و يابو كسك يره اولور ايسه خطاسى يوقدر كذلك اياغيله
بر كچمهيه اورمق حيوان دخى اولورسه صوچلى صوچسز جائز
دكلدر و حيوانك اورمكى و قاجسى صوچدر سورچسى صوچ دكلدر
زيرا اختياريله دكلدر و حيوان حقندن اجتناب ايتكمده جهد عظيم
ايله جهد ايله زيرا فقها ديديلر كه انده عذاب مقرر در كذلك ذمى
حقنده مقرر در اگر دنيا ده حلال شمن ايسه (وآفات قدمند در اياغيله
برمالى اتلاف ايتك و ظلميه كتمك و زمانه امراسنه و قضائنه بلا ضروره
كتمك يا خصوص علمايه بالطريق الاولى جائز دكلدر ابن عباس رضى
الله عنهما بو خصوصده حضرت پيغمبر عليه الصلاة والسلامدن
حديث شريف روايت ايدر يورمشدر * بنم امتدن بر طائفه دينده
علم اوكره نوب قرآن اوقيدلر تا كه امرايه كيدلر و دنيا القلرين الالرينه
بفضله انلردن اعتزال ايدلر * ديو بوايسه اولمز خطايه اوغرارلر
وابوهر يره رضى الله تعالى عنه روايتنده كمشدر * بر كچمه كه صيده تابع
اولسه غافل اولور و بر كچمه كه سلطان ابوانه كله مفتون اولور
و عبد سلطان قرتي زياده ايتد كچه ربسندن ايراقلى زياده ايدر *
و بر حديثه سرور انبيا عليه الصلاة والسلام يورمشدر * بند نصكره
امرا اوله هر كيم انلرك قابولرينه كيدوب كذبلىنى تصديق ايدرايسه
و ظلملرينه معاونت ايدرايسه بنم ستم طوتانلردن دكلدر و بن انلردن
ببرارم بنم حوضه كلور دكلدر و بر كچمه كه انلرك كذبلىنى
تصديق ايلسه و ظلملرينه معاونت ايلسه اول كچمه بنندن و بن
اندم و بنم حوضه يقجه جقهده وارد اولسه كرك * و مواضع
شريفه مسجد كى و دار كى صول اياغيله كيرمك مكروهدر و مواضع
خسبسه يه خلا كى صاغ اياغيله كيرمك مكروهدر سنت اولان
بونك عكسيدر و هر برنده چيقما قده دخولك عكسيدر و بابوچ

و مست کچک دخی بویله در کیرکن ابتدا اصابغنی چقاررکن صوانی
والک حکمی دخی بویله در نیکیم بیانی کچدی وسفردن کلدیکنده
اهلی اوزرینه اکسزن دخول ایتک دخی مکروهدر حضرت پیغمبر
صلی الله تعالی علیه وسلم پیورمشدر یا جابر سفردن کلدیککده
اهلکه دخول ایتک تا که عیبلی یرینی پاک ایلده وقارش مورش صاچلرینی
طرایه و برروایتده سزدن بریکز غیبینی دراز ایتش اولسه کچه ایله
اهلنه دخول ایلسون دیو پیورمشدر و مسجدده اراق یر یوغیکن
ناسک پیونلرینی ادملایوب کچمک مکروهدر معاذبن جبل روایتده
کشددر که برکچسه که جمعه کونده خلقت پیونلرینی تخطی ایلسه
یوم قیامتده انی جهنمه کوپری ایدرلر اما ایلروده بوش یرالبقوش
اولسه لائلره زجرا کچمک کرکدر برشی لازم کلز (اما قدمک معاصی
عدمیه سی جمعه و جاعاتدن اوتورب کتمسیدر کذلک علم تعلنه
کتمسیدر زیرا عبادتنه یتک قدر تعلی فرضدر کفایتدن زیاده سی
تعل ایتک دخی مذهبده نافله غزادن و حجن افضلدر کذلک
تعلیم علمه کتمک و فرض اولان حج و غزایه کتمک معاصیدندر
اول دعوت کتمک که انده منکرات اولیه زیرا اجابت واجبدر
عند البعض و بعضیلر قتنده سنت مؤکده در اما اصح قولده دوکنه
اجابت ایتک واجبدر سنت اوزره اولدقده سائر سنت اوزره اولان
ضیافتلره اجابت ایتک سنتدر مدعوک عذری اولدیغنده بیتده مهمی
ظهور ایتک و بعد مسافه اولق و مطر شدید و برد و بالحق اولق
و خسته لاق ظهور ایتک کی موانع اولق بونلرک جله سی عذردر
جاعتده حاضر اولده عذر اولدیغی کی و دوکونلرک سنت اوزره اولسی
بیان اولندی حضرت پیغمبر صلی الله تعالی علیه وسلم پیورمشدر
(شرالطعام طعام الواجبه يدعى البها الا غنیا و یتک المساکین)
معناسی طعامک شرل بسی دوکون طعامیدر که اکا اغنیا دعوت اولنوب
مساکین ترک اولنور بویله و انچه سنت اوزره اولدیغندن شر اولمشدر
اما بر حدیثده کشددر که دوکون طعامنی غنیمت ییلوک زیرا ایچنده

جنت طعامندن بره ثقال وار در دیو پیورمشدر سنت اوزرینه اولان
دوکون طعامنی ترغیب ایچوندر واکر دوکونده وغیری دعوت محلنده
اهو و لعب و یاتغنی و یابونلره بکرز منکراتدن برشی اولدیغنی بیلسمه مطلقا
کتمک جائز دکدر دعوت اولانان کرک علمادن اولسون کرک عوامدن
اولسون اما اگر منکراتدن برشی اولدیغنی بلیوب و اشتیوب کتسه
اول محلده بونلردن برین بولسه اگر منعه قادر اولسه و کندی مقتدای
ناسدن اولسه واجبدر که اوتورمیوب چقوب کیده اوتوررسه ضال
و مضل اولور خلقت اول منکراتک جوازنه انک اوتورماسنی دایل طونارلر
واکر بلیوب کلن آدم مقتدای ناسدن دکلسه و منعه قادر اولسه اگر
اول منکر کوزیکور برده ایلسه و یا خود طعام اوزرنده اولورسه ینه
اوتورمیوب چقوب کتمک کرک زیرا منکرک مشاهده سی و طعامی
منکر استماعیلله و کورمه سیله یمه سی ایکی قات خطا در اما اگر منکر
کورینور برده و طعام اوزرنده اولورسه بلیوب کلن عوامه اوتورب
یتک جائزدر مقتدا اولنره جائز دکدر واکر داعی فاسق ایلسه اجابت
ایتکده جائزدر و اجابت دخول ایلله و اوتورمق ایلله حاصل الور
یمزسه قایرمن اما افضل اولان یمکدر اگر صائم دکل ایلسه خلاصه نام
کایدن منقولدر (و آفات قدمک معاصی عدمیسننددر امر بالمعروف و نهی
عن المنکر دن واز کچوب اوتورمق و مظلومه معاونت ایتندن و عاجزک
حاجتنه سعی ایتندن و میتی غسل و دفن ایتندن و صدق هلا کرده اولان
انسانی قورنارمه دن یادوشمکله یا غرقله یا حرقله یا بوکا بکرز شی ایلله
هلاک اولدیغی برده ضرر سز قورنارمغه قادر اولدیغی حینده
وغیری کچسه بولتمیوب و یا قادر اولوب و یا دیلنی قایرمن اولسی سببیلله
بوخدمتکر کندی اوزرینه تعیین اولدقده اوتورب اغراض ایتسی
و بال اولور اماصله رحم ایچون و خسته لره طولاشمق ایچون و زیارت
ایچون و تهنیه و تبریک ایچون و مصیبت زده یه تعزیه و تسلی بخش
ایچون کتمک بونلرک جله سی سنن مستحبده دندر و آفات قدمدندر

اجبر مستأجر ك خدمتندن اوتورب تكاسل ايتك و مملوك خدمت مالكدن
 وزوجه داخل بيت خدمتندن و ولد والدين خدمتندن و رعيت
 واليتك عصيانله اوليان امرندن اوتور مق و عذر يو غيكن اداي
 خدمت ايتملري خطا در تأديبه محتاجلر در (نوع ثالثك اصناف
 تسعه سندن طقوزنجي صنف برعضوه مخصوص اوليوب جميع يده
 مخصوص اولان آفات كثيره بيانده در) جمله آفات بدندن بري
 رقص واضطر ايدر اوليكسي حركت موزونه و آخري غير موزونه
 اولان حركتدر ايمدي حضرت رسول اكرم صلى الله تعالى عليه وسلم
 اوج اويوندن غيري هر لعاب حرامدر ديويور مسيله عموم حديث
 تحته داخل اولوب رقص واضطر اب ايکسي ييله حرامدر
 وزمانه مزده بعض صوفيه ايلد كلري حركت رقص واضطر اب
 داخل اولغله حرام اولمش اولور بلکه بونلردن هر بريني عبادت
 اعتقاد ايتد كلريچون كفر خوفي واردر کبار مالکيه دن امام ابو الوفا
 بيور مشدر که الله سبحانه و تعالى کوکس کروب کزن کيمسه بي
 قرآن عظيمده ذم ايدوب حقنده (ولاتمش في الارض مرحا) بيورب
 شدت فرحله يور يمدن نهی ايلشدر فكيف که رقص فرح و بطردن
 اشددر كذلك عظماء مالکيه دن امام طرطوشي مذهب صوفيه دن
 سؤال اولند قده ديمشدر صوفيه نك اظهار وجد و شوق ايدوب
 رقص و دور ايتلمرين ابتدا صحاب سامري احداث ايلشدر اولزمانکه
 التوندن بوزاغوي سامري دوزب آواز و يرمکه باشلدي انلر حظ
 و صفارندن قالقوب چوره سنده رقص ايلوب اظهار شوق ايلديلر
 ايمدي اول کفار و عبده عجل صنعيدر و تاتار خانه ده اشعار واذکار
 استماعي حيننده رقص جائزد کلدرد و ذخيره برهانيه ده کلاه کبيره در
 ديمشدر و فتاواي بزاز به ده امام قرطيدن نقلد ديمشدر تغني و چار پاره
 چالقي و رقص ايتك حرامدر بالاسواق ائمه ثلثه قنده و سادات
 حنفيه نك مشاهيرندن امام يسوي حرمتنه تصريح ايليوب شيخ
 الاسلام جلال الدين کيلاني رقصك حرام اولسي اجماع امت ايله

بيان جميع اعضايه شامل
 آفا تله

ثابت اولديغچون جلال الدين کافر اولقي اقتضا ايدر ديمشدر
 و شيخ زنجشيري کشفده صوفيه حقنده کلاملرديمشدر که انکله
 انلرک اوزرينه قيامت قو پار و صاحب نهايه و امام محبوبي طائفة
 رقاصه حقنده اندن اشد سوزلر سويلشدر که فتاواي بزاز به ده
 ذکر اولمشدر بو محله امام برکوي دير که زمانه ده انصاف ودياتي
 و طبع سليمي اولان کيمسه مساجد و دعواتده مقام شناس ذا کر لک
 الحان و نغمات ايله صوفيلرک رقصي کورد کده که ارالنده تازه رولر
 و نو جوانلر و اهل هوا و اهل قري و عوامک جهال و اهل بدعتي
 قار يشوب که طهارت و قرآني و حلال و حرامي بلکه ايمان و اسلامي
 بلزلر بر زفير و شهبقي در که چار آواز ينه بکزر کلام الهي بي تبديل
 و ذکر الهي تغيير ايدر لر بعده الفاظ مهمله يه و هذيانات کريمه يه
 باشلر لهاي و هوي و هي و هيها مقوله سي کي پس اول اهل انصاف
 شکسر دير که بونلر دينلريني لهو و لعب اتخاذ ايتشدر در اگر فقه ده
 و علم تفصيلده هيچ علاقه سي يو غيسه ده دکل که علمي اولان کيمسه
 بونلرک قبحنه حکم ايليه ايمدي وای او حکام و قضاة که بوني پيلورلر
 و مشاهده ايدر لر يته انکار ايتيوب تغيير ايتزلر بلکه انلردن قورقوب
 دعا التماس ايدر لر کرجک ذکر الله طوررکن و اوتوررکن و يا تورکن دخی
 جائزدر اما آدابله و سکون اعضائله لحن و تغيسلر حتی يا تدیغنده کشي
 يا ذکر الهي و يا قرآن عظيم اوقسه اياقلايني برازد يوشورب قتي
 اوزاتمامق کر کدر ادب رعایتندن اوتوري امانتي و اثبات معناسني
 تحقيق ايجون انجق باشني صاغنه وصولنه تحريك ايتك لاله الا الله
 کله سنده ظن غالب بودر که جائز بلکه مستحبدر نيت صالحه برله
 تا که عبت و لعبدن خارج اولوب قول توحيدده دلالت ايدر بر فعل اوله
 و عبادت لسانی ايله عبادت بدني جمع اولمش اوله و بونک اصل دليلي
 نماز ايجنده حين تشهدده اشهد ان لا اله الا الله ديدکنده شهادت
 بارمغين قالدر مق مثاليدر تنکيم حديث صحيحده حضرت رسول اکرم دن
 ثابت اولمشدر (و آفات بدندن بر کيمسه قنندنه ادب برين اچق

الاعذسیبیه که آفات عین ده انک تفصیلی یکدی و خواننده دخی
 اچلق جائز دکلدر الا بر عذر سببیه صراط سویده دیمشدر که
 (و حرم کشف العوره وان کان فی الخلوۃ لحديث ان الله احق
 ان یتحیی منه من الناس ویری المستور کالمکشف و لکن یری الساتر
 متأدبا و الکاشف بلا ادب) معناسی بودر که اب یرین اچق خلوتده دخی
 اولورسه حرامدر اول حدیثدن اوتور یکه حضرت رسول اکرم
 صلی الله تعالی علیه وسلم پیورمشدر الله تعالی دن اوتانمق اولی در
 ناسدن اوتانمقدن ایسه والله تعالی اچیق اولان شئی کوردیکی کبی
 مستوری دخی کورر و لکن اورتوله فی ادبی اورتولیه فی بی ادب کورر
 و طریقتده دیر که قاسق قیلنی المق ایچون و تیزرک غسل ایتمک ایچون
 و تخلی و استنجایچون خلوتده عربان اولق جائزدر اما هر خلوتده دکل
 بلکه مغسل بش ذراعدن اکسک اولورسه جائز اولوراکر اولورسه جائز
 دکلدر و دخی دینلشدر که بویله خلوتده دخی از اچق زمان اچیق
 اولق جائز چوق اولورسه کاهکار اولور و بردخی دینلشدر کوجک
 خلوتده دخی اصلا اچلق و عربان اولق جائز دکلدر مطلق کاهکار
 اولور و بالجملة علمانک بو خصوصده اختلافی وارد رابراهم حلبی شرح
 منیه ده یاز دیخی اوزره ایمدی اولی اولان بودر که خلوتده دخی
 غسل ایدرکن طوتناجق یشتمال مقوله سی و ارایکن ادب یرین اچماق
 کرک و جماع حالده کذلک اوزرینه اورتی چکمک کرک خلوت ایسه ده
 محل اختلافده اولی سیله عمل ایتمک کرکد و کشتی یشتماله غسل
 ایلدیکنده سنت اولان بودر که خلق کور مز یرده غسل ایده
 شوا احتمالدن اوتور یکه غسل ایدرکن ادب یری اچلق خونی اوله
 اما اگر شویله یریده غسل ایتمک اقتضا ایسه که اندن رجال آریلوب
 کتمز قتی تاخیر ایتمیوب ارکشی تیزجک غسل ایتمک اما عورت تنها یر
 بولجه تاخیر ایتمک کرکدر (و آفات بدندندر حریر کیمک التون صره لی
 ثوب طاشمق ارلردن بالغه و بالغ اولمیانہ انجق بالغ اولمیانده کاه
 کیدیره نکدر صبینک مکل مکر که حریردن زنجف ایچون درت

پارمق قدر اوله اتی ارلره حلال کورمشلردر اما اول حریر که ایشی
 غیریدن اولوب ارغاجی ایتمک اوله خالص حریر حکمنده در غزادن
 غیر یرده کیمز و اگر ایشی ایتمک و ارغاجی غیریدن اولسه کیمسفی
 قایمز و امام اعظم قتنده خالص حریری دخی غزاده کیمک جائزدر
 و مقعد ایدوب اوزرنده اوتورمق و وساده ایدوب اکاطیانمق کذلک
 امام اعظم قتنده جائزدر و رجاله خالص صاری به و یا قرمزی به
 بویانمش لباس کیمک مکروهدر و بعض کتبه لاجه کیمک دخی ارلره
 مکروهدر و کراهنتری کراحت تحریمیه در مستحب اولان بیاض و سیاه
 ویشل لباس کیمکد ر و اولی سی پنبه دن و کاندن حاصل اولان خسبیس
 و نفیسک مابینی اولق کرک و قوشاخی و حائل سینی التون ایله زینت
 ایتمک مکروهدر اما فاضله ایله قایمز و عرفنی و آغزینی و بورینی ستمک
 ایچون کشتی مقمره طاشمق اگر ذی قیمت ایسه مکروهدر زیرا تکبره
 دلیلدر و اگر ذی قیمت دکل ایسه مکروه دکلدر و دیواره کچه دن
 و غیریدن پرده اوردق زینت ایچون اولورسه مکروه والا دکلدر و بر
 آدمک بیتنده دیبا و حریر و سیم و زرقابلا و اوسه اما قوللا ندر محبوب انجق
 تحمل ایچون و زینت ایچون طوتسه لایا سدر خلاصده بویله مذکوردر
 اما لباسی از اچق طپوقدن آشنه ایتمک کراحت تنزیهیه ایله مکروهدر
 اما زیاده جه اولورایسه کراحت تحریمیه ایله مکروهدر اما لطیف
 لباس کیمک مکروه رنگردن اولیوب کبرور یا ایچون دخی اولمز ایسه
 جائزدر بلکه عیدلرده و جمعه لرده و دوستلر ملاقاتده کیمک مستحبدر
 اما قباچه لباس کیمک و یامه لی کیمک اکثری اوقاتده مستحبدر اگر انکله
 ریاقصد ایتمز ایسه (اخلاق علائیده دیمشدر که ائمه سلف لباسده
 ایکی شهرتدن احتراز ایتمک دیو پیورمشلردر بریسی غایت نفیس اولمغله
 شهرت اهل دنیا و بریسی غایت خسبیس اولمغله شهرت اهل ریا
 اولسون و ضرورت دفعیچون یامه اوروب مهما ممکن اظهار ایتمک
 کرک و طائفه نقش بندک کمال همتری اخلاص و ستر حال اولمغین
 مریدلرینی جامه دون کیمکدن منع ایدرلر و صوفیه به مخصوص اولان

خرقه دن نهی ایدرل حتی استانبولده امیر بخاری حضورته پردرویش
 رقه دوز خرقه پوش کلور طریقنه کبرمک استر شبح ایتش درویش
 بومر قع خرقه بی کیدر سکار جوخه البویرسونلر والا یزم طریقنه بوزده بوکا
 تجویز و رخصت یوقدر درویش ایتش سلطانم بن بومر قعی شبکه و دام
 ایدوب کیمسه دن مال استمیزین امیر ایتش اگر چه سن استمز ایسک
 بوخرقه استر و خوب بیورمشکه هر رقه اغزاچش لسان حال ایله
 طلبده درنتکیم برصوفی به دیمشکرکه بوخرقه بی بزه و بر دیمشکه صیاد
 شبکه سک آخره ویریمک یانه ایله صید ایلمر انتهی (وآفات بدندندر
 غیر کیمسه نک ثوبی اذنسنر کیمک و احرامده اولان کیمسه نک باشی
 بر متصل لباسله اورتمک و دیکلی شی کیمک و محرمه خاتون دخی بوزینی
 اورتمک جائز اولمیان قیلدندر) (وآفات بدندندر جنبه خاتونک بدنه
 یا شمع عذر یوغیکن مکرکیم عجزوله مصاحفه ایتک اوله و بلا حائل
 غیر کیمسه نک ادب برینه یا شمع مطلقا جائز د کلددر شهوتله
 و شهوتسنر بلا عذرار اولسون عورت اولسون الاحاض و نفسا اولمیان
 زوجه سنه و جاریه سنه یا شمع واردر اما حاض و نفسایه بلا حائل
 کو بکدن دیرالتنه وارنجه دک یا شمع یوقدر واکر حائل اولور ایسه
 جائزدر کذلک بوایکبسندن غیرینک ادب برینه شهوتله شهوتسنر
 یا شمسی جائز اولمیدخی کی پردوشکده یا توب معانقده لری و تقبیل دخی
 جائز دکلدر اما عالمک و سلطان عادلک النی اویمک جائزدر ایکبسنک
 غیرنده علما اختلاف ایلدیلر بعض علما دیمشدر مسلمی اسلامندن اتوری
 تعظیم ایدوب النی او پرایسه جائزدر اما اولیسی مذکوراندن غیرینک
 اویمکدر و امام محمد رحمه الله دیمشدر که برآدمک اغزینی و بالانی
 و یا شیبینی اوبسه و یا معانقه ایسه مکر و هدر اما امام ابی یوسف
 رحمه الله قایمز دیمشدر (وصراط سویده دیمشدر معانقه مکر و هدر
 اما سفردن کلان کیمسه ایله مستحبد شفت ایچون صیبتک بوزینی
 اویمک کی امامقالات فناریده دیمشدر که تقبیل و معانقه قایمز زرا
 پیغمبر آخر زمان علیه صلوات الرحمن حبشه دن عبسی اوغلی جعفر

کلدیکنده

کلدیکنده معانقه ایلبوب ایکی کوزی اراسندن پوس ایلدی
 و شیخ ابو منصور ماتریدی رحمه الله دیمشدر شهوت طریقله اولان
 معانقه یا خود بغیر از اولان معانقه مکر و هدر اما اوزرند قیص
 وجهه واریکن پروکرامت طریقله بالاتفاق مکر و هدر اما سلاطین
 و یا علما اوکنده بر اویمک حرامدر فاعل وراضیسی آتلمدرر عبده و شه
 بکرر و صدر الشهدید دیمشدر که بو سجده ایله کافر اولمز زرا تحیت
 ایچوندر عبادت ایچون دکلدر شمس الائمة سرخسی دیمشدر که علی
 وجه التعظیم اغیر الله سجده ایتک کفردر ابن تیمیه بو خصوص ایچون
 واقع بر رساله ده دیمشدر که اما باشی بره قیوب بر اویمک که واردر شیخنلر
 و بعض پادشاهلر اوکنده ایتد کلری کی بو جائز دکلدر سلام آمده
 اکوب رکوعه وارمق جائز اولمیدخی کی زرا معاذ بن جبل رضی الله
 عنه شامدن کلدیکنده رسول الله علیه الصلاة والسلام اوکنه کلوب
 سجده ایلدی رسول الله علیه السلام * ندر بو یامعاذ دیدی ایتدی
 یا رسول الله شامده کوردم اهل کتاب اسقف و بطریق یقارینه بویله
 سجده ایدرلر و انبیارندن نقل ایدرلر که انلر بواشی بیورمش اوله ل
 بن دخی سودم یا رسول الله که سزه اول قاعده ایله تعظیم ایدرم
 رسول الله علیه السلام بیوردیکه انلر پیغمبرلرینه افتر ایدرلر یا معاذ
 اگر کیمسده سجده ایله امر ایدیدم خاتونلره امر ایدرد سکه ارلرینه ایده لر
 یا معاذ سجده الله تعالی حضرتلرینک غیر یه مخصوص دکلدر * ایمدی
 بواشی تدین و تقرب ایچون اشمک اعظم منکر اتدندر اما اگر انی
 اشمک ضرب و حبسه و یا اخذ ماله و یا دیرلکی کسلسنه سبب
 اواسه بوضرر لری دفع ایچون اکثر علما قننده انک اشمسی جائزدر
 و قلبیه الله تعالی یه خضوع و خشوعی نیت ایلمه والنی بره قومقدن
 صاقنوب یوزین قویه تا که سجده صورتی حاصل اولیه (و مقالات
 فناریده دیمشدر که اما مسلمله مصاحفه ایتک سنتدر ابتداسی بیعتلرده
 صادر اولمشدر اکابناء رسول الله علیه السلام * ایکی مسلم ملاقات
 ایلدکلرند مصاحفه ایلمه لکاهلری یار لغور * دیو بیورمشلردر اما

جمعه نماز کردند و صکره روم ایستاده اولدینگی و فرائض خمسہ دینصکره
روافض یکنده اولدینگی بدعتدر علما انلری منع ایلمشله و شیخ الاسلام
ابن تیمیه دیمشدر که حضرت پیغمبر آخر زمان علیه صلوات الرحمن
و خلفاء راشدینک زماننده کیمسه کیمسه یه ایاغه قالمزدی حتی مالک
ابن انس رضی الله عنه دیمشدر که اصحاب کزینسه حبیب اللهدن
سوکلی کیمسه یوغیدی ینه مجلسلرینه کلدیکنده کیمسه ایاغه
قالمزدی جناب شریفلری کریمه کوردیکنی بلورلردی اول سبیدن
انجیق بولدن کلان کیمسه یه قارشولق ایچون قالمزلردی حتی بردفعه
سعد بن عباد رضی الله عنه مدینه ده خسته لندی پس کسب هوا ایچون
مدینه نیک شرفبسنده واقع بنی قریظه یه واروب برقاج ایامدنصکره
کلدیکنده رسول الله صلی الله تعالی علیه وسلم انصاره * قوموا الی
سیدکم * یوروب قارشوسنه قالدردی پس لایق اولان بودرکه
حضرت پیغمبر آخر زمان علیه صلوات الرحمن زماننده اولان معتاده
اقتدا ایدله انجیق سنت بویله قالمقی اولدینگی بلیان کیمسه یه قالمزدینک
صورته اکر امنده قصور اکلا رسه قالمقی کر کدر سنت دکل ایسه ده
تا که بغض و عداوت و قلت محبت ظهور ایتمسون (وصراط سویده
دیمشدر که اهل فضله اکر اما قالمقی مندوبدر غیر یسنه دکل اما
قارشوسنده ایاق اوزره آدم طور دورمی جائز دکلدر) شیخ الاسلام
ابن تیمیه رساله سنده دیمشدر که سرور کائنات علیه افضل الصلوات
* من سره ان یمثل له الناس قیاما فلینبوا مقعده من النار * پیورمشدر
معناسی بودرکه هر کیمسه که ناس انکیچون قائم اولوب امتالنه
مسرور اولسه جهنمه مقعدین حاضر اسون یعنی برین جهنمده
بلسون و صحیح مسلمده ثابت اولمشدر بردفعه حضرت پیغمبر آخر زمان
علیه صلوات الرحمن مریض ایکن اصحابنه اوتوروب امامت ایلدی
اصحاب ایاق اوزره طورر ایکن اویمقی مراد ایلدکلرنده انلره قعودله
امراشدی و پیوردیکه * عجم بعضیسی بعضیسنه تعظیم ایتدیکنی کی
بنی تعظیم ایدوب ایاق اوزره طورماک * پس عجمه بکره ممک ایچون نمازده

ایاق اوزره طورمی منع ایلدیکنی برده نمازک خارجنده بطریق الاولی
منوعدر و بنه ابن تیمیه بر محله دیمشدر الله تعالی حضرتلرینک نماز
ایچنده قعدہ بی فرض ایلدیکنی انک ایچونددر که جبارہ عباد قارشولرنده
طوران بنده لره اوتورمی روا کورمزلر انلری طریق حقہ ارشاده
نصیحت حکیمیه اولق ایچونددر تا که بلسونلرکه یوقدن و ارایدن
خالقمرک قوللیغنده هب ایاق اوزره طورمی لایق کورمبوب مخلوقنه
مرجه قعدہ اخیرہ بی دخی فرض ایتدی اما بردولتلی بوسنتی بلمدکه
یا خود قاعده حسنہ یه اعتبار ایتدکه یا خود اول قیامک ترکنده احترامی
منافی مفسده ظهوری اولق یا خود خدمتنه وقتیلہ یا بشمعق خوفی
اولور ایسه ایاق اوزره طور دورمی واردر اما احیاناً اقعاد ترک قیامه
دخی رخصت و یرمک کر کدر تا که حدیث شریفده اولان وعید
تحتنه داخل اولسه و لکن اهل طریق و تصوفه جدا جائز دکلدر
انتهی کلام شیخ الاسلام (و آفات بدنددر غصب اولمش مسکنده ساکن
اولق کذلک انابه و بابایه یا خود بر یسنه عصیان ایلمک زیرا طرف
سبحانیدن والدیننه احسانله و مؤمنلرینی کورمکدن استئصال ایتمکله
و اثناء کلامده ملایم سوزسو یلمکله و هرگاه درگاه رب العزندن مظهر
مغفرت و رحمت اولملرینی طلب ایتمکله عامه مؤمنین مأمور اولمشلردر
وانلره عصیان ایلمک کاه کاردندر زیرا سرور کائنات علیه افضل
الصلوات بر حدیثنده پیورمشدر که * الله تعالی حضرتلری دیلدیکنی
ذنوبک جمله سنی یوم قیامتہ تأخیر ایدرالا والدیننه عاصی اولمخی الله تعالی
قبل المات حیاتنده صاحبنه تعجیل ایلر) و بر حدیثنده دخی پیورمشدر که
والدینک عقوقندن صاقتک زیرا جنت رایحه سی بیک ییلق بوله وارر
ایکن عاق اولان اوغول و قاطع رحم و شیخ زانی و اتکین کبرایله سورین
کیمسه والله انک رایحه سنی بولمز و معلوم اوله که معصیت اولیان برده
مخالفت ایتمکله اولاد عاصی اولور معصیتده مخالف اولور ایسه انکله
عاصی اولمز مثلاً باباسی اوغلنه شراب و فسق تکلیفین ایسه و بوکا
بکرزنده اطاعت ایتیه غیریده اطاعت ایده حتی اناسی و باباسی کافر

دخی اولور ایسه و فقیر اولسه لر پسر مسله واجبدر که انلرک نفقه سنی
 و خدمتی و زیارت و ایملرینی ادا ایله مکر که کند و بی کفره
 قویملری خوفی اوله اول زمان زیارتلرندن فراغت ایله جا زدر
 و کنسایه کتلی اولسه اوغلی انلری یدوب کتورمیه زیرا معصبتدر
 اما کلبه ساده قالوب کلمه لر الوب کتورسه بر ورعایتندن اولمش اولور
 (و شیخ شعر اوی منن ده دیمشدر که الله تعالینک بکا انعامنددر
 بلوغه کلمدین والدینک موتی زیرا اگر صاغ اولیدیلر احتمالدر که
 انلره قلت ایدیم و یا خود عقوبت واقع اولوردی بر کره دخی اولورسه
 حالبو که حقوق الله دن و حقوق رسول الله دن صکره والدین حقندن
 اعظم حق یوقدر استر آباء جسم اولسونلر که پدر و مادر در استر
 آباء روح اولسونلر طریق حق مرشد و علم اولانلردر حقلمی بس
 برابر در (الله تعالی عزیر نبی علیه الصلاة والسلام و حی ایلمشدر
 صاقین والدینکه عاصی اوله ز برابر کیمسه که والدیننه عاصی اولسه
 اکا غضب و لعنت ایدرم اهل بیتک تادردنجی دیزنه وارنجه ایمدی
 والدینک رضاسین طلب ایله اگر انلری راضی ایدرسک بندخی
 سکا لطف و کرم ایدرم تا اهل بیتک در دنجی دیزنه وارنجه انتهی ای
 قرن داش اندیا معامله ایتدیکی کبی سن دخی والدینکه معامله ایله
 کور مزمنین حضرت ابراهیم علیه السلام پدرینی پوته طامدن منع
 ایلد یکنده نیجه لطف ایله سویلیوب دیمشدر (یا ایت لاتعبد
 الشیطان) معنای ای بنم بابام شیطانه عبادت ایتمه یعنی کافر ایسه ده
 ینه ادبه رعایت ایدوب آدیله دیموب ابوت اسمیله ندا ایلشدر و حضرت
 یوسف علیه السلام دخی جدینک اثرنجه یوب پدر عزیزنه (یا ایت
 انی رأیت احد عشر کوبک) دیمشدر آدیله چاغر ممشدر زیرا بر کیمسه
 بابا سنی آدیله چاغر سه عاق اولور و والدینک حتی پدرک حقندن
 بر اول قدر دخی زیاده در ایددی بابا سنی اناسنی آدیله چاغر متی عاصی بقدر
 او یله اولیحق یاز یاده یعنی ازی ایدیچک حال نیجه اولور اما دینده اولان
 اوستادک حتی دخی پدرک حتی کبدر بلکه بعضیلری پدر دن مقامده

اعلا و تعظیم اولمغه اولی کور مشلدر پس الله تعالی انلر ایله دخی
 ادب اوزره تعلیم ایلدی کور مزمنینکه دین بابنده اولان استادلر یمزک
 و پدرلر یمزک اعلا واجلی مرشدکل اولان سرور کائنات محمد مصطفی
 صلی الله تعالی علیه وسلمدر انکله ادب اوزره اولمازی تعلیم ایلیوب
 (لا تجعلوا دعاء الرسول بینکم کدعاء بعضکم بعضا) پیور مشلدر معناسی
 ای قوللرم رسولک دعوتی ما بینک زده بر بریک زده اولان دعوت
 و چاغر شمه کبی قیلاک اواز یکزی پیغمبر یکز اوازندن یوقاری چقرماک
 و سز بعضیکز بعضیکزه سوز سویلدیکز ده حایقر دیغکز کبی اکا
 حایقرماک یعنی ادبانه یواشلغله یا پیچه سویلدیک کوستاخانه اواز قیو و یروب
 چاغر شماک هر وجهله تعظیم و تکریم ایلیک دیمکدر ایمدی مؤمنلره
 بو آیت کریمه نک مفهومی تعلیم و ارشاد ایچوندر تا که علم و دین
 استادلری اولان پدر و مر یلرینه ادب رعایتیله تعظیم و تکریم ایده لر
 (سید علی خواص رحمه الله دیمشدر که استادینه و علمنه جفا و عصیان
 اوزره اولان کیمسه دینداره ظلمه و جهال قبولینه دوشمک ادنی
 عقوبتیدر و ینه دیمشدر که والدینک حقندن کلاملرینی دکلک
 و طوتمق و قالقد قلرنده یا غه قالتمق و امرلرینه امثال ایتک و اوکلرنده
 یوز یمک و انلرک سوزندن یوقاری آوازینی قالدرمق و انلره تسلیم
 اولوب یواشلق ایلیک و انلره خدمت ایتدیکنی و ایلیک ایتدیکنی اکامق
 و بن شونی ایتدم دیمک کرک و اوزرلرینه اگر یبقماق کرک و چهره
 اکشتمک و انلره طعام بدیکنده ابو جه لقمیه سکر تمک و بالجمله
 هر وجهله رضالرین طلب ایتک کرک (و اخلاق علائیده دیر که
 چون عقلا و نقلا نعمت و یرن کیمسه نک شکری و یریلان اوزرینه
 واجبدر پس افضل نعم الهی هدایت حقدر اندن صکره نعمت عظمی که
 انسان حقنده و یراش پدر و مادر و ساطنیه اول وجود در و هدایت
 دخی وجود عبده موقوفدر و وجودک سبب حقیقی حق جل
 و علا در سبب ظاهر یسی پدر و مادر در و اندن غیری بمرک کمال عجزی
 زماننده تقویت و احتیاجی حیثنده تربیت ایدوب تحصیل فونه و یمکه

قادر دکل ایکن انی بسلیوب و آفات ظاهره دن حفظ ایدوب نشوونماستی
تکمیل ایتد کد نصکره آداب نفس و اخلاق حسنه تعلیم و تفهیم
ایدلر و کندی نفسلرین قیوب اکثر نعمتی انلره ایثار ایدلر و مادر
سبب وجود اولمقدہ پدره مشار کدر اما محل و وضعده و سار خدمت لدره
مادرك حق پدردن ارتوقدرا اول سبب نکه بعض اصحاب جناب رسالت
پناه صلی الله تعالی علیه و سلمه سؤال ایتدیکه کچه احسان ایده بم
پارسلو الله دیدی والده که دیدی بعده والده که دیدی بعده کچه والده که
دیوب پس دردنجی کرده پدر که دیمشدر (و روایت اولتور که بر کچمه
حضرت رسول اکرمه ایتدی بنم بر مادر و اردرا کار قی مر کب ایلدم
و یوزیمی اندن دو ندرمزم و جله کسبی اکابدل ایلین جزا سین ایتش
اولورمی حضرت رسول اکرم پیوردیکه بر کچمه سی مشقتک عوضن
ایتش سن زیرا اول سکا خدمت ایدردی و سنک حیاتکی طلب ایدردی
شمدی سن اگا خدمت ایدرسن اما انک نمائنه طالبسن پس شول کچمه که
پدر و مادری خدمته قادر اوله زهار ثقلت عدا ایلیمه اگر چه نفس اماره یه
شیطان معین او او ب خدمت لری نی ثقیل کوسترمکدن خالی اولماز
زیرا رضاء والدین اولنجیه رضاء الله تعالی انده مقرر در و رعایت
حقوق پدر و مادر و عم و برادر حقوق لری اوج نوع اوزرینه در
اول جان و دلدن محبت و تعظیم و امر لری نه انقیاد و تسلیمدر مادامکه
امر لری خلاف شرع شریف اولیمه حتی اکثر علمادن نقل ایدلر
شبهانده موافقت والدین واجبدر فکیفکه مباحاتده واجب اولیمه
یعنی واجبدر ایکنجی معاش و مصالح دنیو یلرنده معاونت ایلکدر و بابا
انا اوغلاک مال واثواندن نه استرسه بی توقف و پرمکدر (اوچنجی
و صبتلرین برینه کتورب روحلرین صدقات و ادعیه و تلاوت قرآنله
یاد ایتکدر حتی باباسی دوستلرینه دخی بعد الموت رعایت ایتک بابایه
رعایتدن عد اولنمشدر و سار اقارب و اعمام و احوال مهمامکن رعایت
اولنمق کړک که صلته رحم اندن عبارتدر و حق استاد و معلم حق پدر
و مادر کی واجب رعایه در و اسکندر دن مرویدر که حق استاد

حق والدیندن ارتقدردن زیرا والدینم حیات فانیته و استادم حیات
باقیه مه سبب اولمشدر دیردی و بعض حکمدان بویله نقل اولتور که
والد عالم اعلادن عالم اسفله ایتکه سبب اولمشدر و استاد عالم اعلایه
چقماغه سبب اولمشدر بوکا بناء امام اعظم رحمه الله تعالی باباسی
کلدیکنده تعظیما ایاغه قالمقوب و استاددی کلدیکنده استقبال
ایدردی سببنی سؤال ایتد کلر نده ایتشکه پدرم بنی عرشدن فر شه
کتوردی اما استادم بنی فر شدن بنه عرشه چیقاردی دیمشدر
مالموم اوله که پدرک دخی پسری عرشدن فر شه کتور مسی حیف
اولیوب بر نعمت عظیمه اولمشدر رزیرا روح انسانی عالم ارواحده
تقرب الهی به لایق اولمدیغندن عالم تکلیفه تحصیل قربت و تکمیل
محبت ایچون ایندیرلشدر پس انسان احسن تقوی مده یارادادقد نصکره
اسفل سافلین طبیعته قونمشدر تا که اختیار یله تکمیل کوهر ایمان
و تحصیل عمل صالحه ایلله اجر غیر ممنونه مستحق اوله حتی شیخ نجم
الدین رازی مرصاد العباد نام کابنده حکایت ایدر که شیخ علی مؤذن
دیردیکه بنم مرغ روحی بوستان عالم ارواحدن قفس قالمه ایصال ایچون
بعض ملائکه ال اوزره آلوب طبقات سمواتدن ایندورر کن بعض
ملائکه یه اوغراد قدده دیدیلر که بنه بر متلای محنت و غمی کورک که
ریاض رضواندن الوب محنت آباد دنیای دونده رشته غرورله پابنده
ایده یورلر پس فی الحال درگاه متعالدن ندا ایرشدیکه خاموش اولوک
ای اسرار قضا و قدر مدن بی خبر لاول روح پرفتوح بنم حظایر قدس
ریاض رضوانمده بیک ییل طائر اولمقدن اکا عالم تکلیف اولان دنیای
دنیسه ده بر پیره زن ضعیفک قیو باشنده بر کره دستپسنه صوقوید یخی
افضل و اعلا و اکمل و اولی در پس پدر پسرینه ک بو عالمه کلسنه
سبب و بودولته فائل اولماسنه واسطه اولدیغندن انلرک خدمت
و رعایتی فرض عین اولمشدر راتهی ملخص الاخلاق و صراط سویده
دیمشدر که انایه بابایه اوغلی غزادن منع ایتک و اردر ز براغزافرض
کفایه در و انلرک خدمتی فرض عیندر و شیخزاده رحمه الله تعالی

(وقل رب ارحمهما) آیتی تحقیقنده دیمشدر که انایه بابایه رحمت ایلده دعا
ایتمک واجبدر اما هر کونمی عمرده بر کره می انده علمانک اختلافی وارددر
سفیان ثوریدن بوقضیه سؤال اولندقدده تشهددر ک آخرنده دعا
اولندقدده امیددر که کفایت ایده نیکیم حضرت رسول علیه السلامه
صلوات شریفه دخی تشهددرده ویرانکه کافیدر دیونقل ایلشدر
اگر انا بابا کافر اولور لر ایسه انلره هدایت وارشاده دعا ایتمک پسره
واجبدر اگر صحتده ایسه لر واکرمرد اولدیسدر هیچ بروجمله دعا ایتمه
وینه صراط سویده دیمشدر که استاد حرمت ورعایت اولنده پدر
کیسدر زرا پدر سبب وجود واستاد سبب کالدرد وانسانک حیوان
لایفهم دن ممتاز اولمی بویکاله درایمدی پدرک حقوقی کبی کوزدلمک
کرک بلکه بروجهدن دخی زیاده اما هیهات هیهات دیو کاب مذکور
صاحبی کندی عصرنده اولان بی حرمتلکدن شکایت ایلشدر
(وآفات بدندندر قطع صله رحمت ایتمک زیرا قطع صله رحمت ایتمک
حرام ووصلی واجبدر ووصلک معناسی بودر که خصمنی وافر باسنی
اونو تمیوب زیارتله وهدیه ایلده وقول وفعل ایلده اعانت ایتمکله خاطر لرین
تسلی ایتمکدر اقلی سلام وکلامدر وایراق اولد یعنی صورته مکتوبله
سلام ارسالدر واجب اولدیغی هر محرم اولان اقر باسیله در اما
محرم اولیان اولدر صکه بری اربری عورت فرض اولنسه نکاحی
جائز اولسه انلره صله رحمت واجب دکلدر زیرا محرمیتک علی
مایینده اقر بانک بوزلمسی و قطع رحمت ایتمسیدر ایمدی قطع رحمت
حقنده وارد اولان احادیث نکاحی جائزا ولیان ذوی الارحام مایینده
کسملک تحذیری ایچوندر جمله دن بری حضرت رسول اکرم صلی الله
تعالی علیه وسلم پیورمشدر الله تعالی مخلوقاتی خلق ایلدیکنده رحمت
درگاه حقنده قطیعه دن یعنی کسله دن استعاده ایدوب طور دی
حقندن خطاب کلدیکه راضی اولمز بسن سکا واصل اولنلره رحمت ایلیم
وسندن کسلنه رحمت کسیم بلی راضیم دیدی ایمدی بوانعام سنک
وسندن دیوانکه تسلی ووعدا وولمشدر و برروایتده رحمت اول قومده

نازل اولماز که انده قاطع رحمت اوله (وآفات بدندندر خاتونک کندی ارینه
اذا وجفا الیوب مخالفت ایلمسی و حقوق زوجیتی رعایت ایلماسی پس
برخاتون ارینه مخالفت اوزره اولسه غضب الهی به مستحق اولور
نیکیم سرور انبیا علیه السلام پیورمشدر * فیکم برار خاتونتی دوشکنه
دهوت ایلوب کلمه واول حاله اخشاملسه اول خاتونه ملائکه لغت
ایدلر تاصباح اولنجه * و بر حدیث شریفده پیورمشدر اگر برخاتون
ارینک بورنندن افار قاتی وایرکنی دیلبله یلاسه ارینک حقنی ادا
ایلمش اولور و بر حدیث شریفده دخی کلمشدر که ارك عورتی
اوزرنده اولان حقنددر عورت ارندن اذنسز صائم اولمق کرک واکر
اولورسه بلا فائده آج و صومسز اولوب اندن قبول اولمز واذنسز بیتندن
جقممقدر واکر جبقار ایسه لغت ملکارنی تا اوینه دونوب کلنجه
اول خاتونه لغت ایدلر و بالجمله خاتونلر ارینه شومرتبه رعایت ایتمک
لازمدر که غیری کیمسه لره اول رعایت اولمق متصور دکلدر بوسیدن
حضرت پیغمبر صلی الله تعالی علیه وسلم * اگر بر کیمسه بر کیمسه یه
سجده ایتمک ایچون امر ایدیم خاتونلره امر ایدرد مکه ارلرینه سجده
ایده لر دیو پیورمشدر * معلوم اوله که عورت ارینه اطاعت ایتمک
کرک یقینلق ایتمده و صفالتمده هر نه وقت دیلرسه مکرکیم حائض
ویا نفسا اوله اول زمان قوشاقدن اشاغبسنه بلا حائل ال صونمق
کرک و او ایچنده اولان خدمت دیانه عورتک اوزرینه واجبدر
اوسپورمک و آش بشرمک و خیر یوغرمق واثواب یومق و بونلرک
امثالی خدمت لرانکدر اگر اشلمزسه کنه کاردر لکن شریفه ویانا قاده
اولورسه شرعا خدمته جبر اولمز اما بویکبسنک غیری اولورسه جبر
اولنور دیو مجمع البحرینده قید اولمشدر (ومرشد المتأهل نام رساله ده
ابواللیث سمرقندی رحمه الله بدن نقل ایدر برخاتون کتورم اولمیوب
واشرافدن دخی اولسه خدمت بیتنه جبر اولنور زیرا حضرت رسول
اکرم علیه الصلاة والسلام حضرت علی رضی الله عنه ایلده فاطمه
الزهره رضی الله عنها پیینده تقدیر خدمت ایلدیکنده بیت ایچنده

اولان خدمتی فاطمه الزهرا به تعیین ایدوب خارج پلنده اولان خدمتی
علی المرتضایه تعیین ایشدر و مذکور رساله ده بیان ایدر که ارك خاتونی
اوزرنده اولان حتی ارینه نگاه اولیان اشرک جیغسندده اطاعت
ایلمکدر حتی برطاغدن برطاغ طاش طاشیغی امرایسه ارینه اطاعت
ایتمک کرکدر واری طالب اولورایسه کندینی ارینه قارشوزینت ایتمک
لازمدر اما ارلر لباسنه کندینی قویغیه وانلره تقلید ایلیمه زیرارسل الله
علیه الصلاة والسلام انک کی خاتونلره لعنت ایشدر وارک حقندندر
عورتی ارندن اذنسزاوندن برشی ویرمک اکر ویررسه وبال خاتونک اولوب
ثوابی ارینه در اما ازاجق اولورسه بریایکی پاره لک شی کی سائلر محروم
کتمسون دیو عادتاجا زدر اذن اولورسه ده وارک حقندندر ارندن اذنسز
اوندن چیغماقی اکر چیغقارایسه ملائکه لعنت ایدرلر ناوینه کلنجیه دک
وهر آدمنه جهنمه بریت بنا اولنور واکرمشروع اولان یره اذله دخی
کیدر اولسه خاتون کندینه رایحه سورغیوب و دوزنله کتیه انجق هیئتینی
تبدیل ایلوب عجزه و خدمتکار هیئته کیره و خاتونلره اجتنابی لازم
اولاندندر باشلرینی پیودوب سوری و بیوک تاقیه لر کیمکدن صافتمق
زیرا حضرت حبیب الله علیه الصلاة والسلام پیورمشدر که * معراج
کیجه سنده ایکی صنف عورتلر کوردیمکه زمانمده انک کی قوم کورمش
دکلم وز بانیلردن برطائفه نک اللرنده صغر قویریغی کی آتشدن ایری
قچیلر وار بویکی بولک خاتونلری جهنمک ایچنده دوکوب عذاب
ایده یورلر سؤال ایتدیلر یارسل الله انلرنه جنس عورتلردر پیوردیکه
برصننی اول عورتلردر که دنیاده اینجه کوهلکلر کوب چبلاق شکندده
کورینورلر ایکنی صنفی انلردر که باشلرین دوه اورکچی کی پیودوب
کزدکارنده صالنورلر جنتک رایحه سی پیک ییلاق بولدن کلورایکن
بونلر رایحه سنی طویمزلر وجته کیمزلر * وارک عورت اوزرنده اولان
حقندندر ارینه حاجتدن زیاده و قدرندن خارج شبتله تکلیف ایتمک
ناکه حرامدن وایل حقندن کندینه خرج ایلسون زیرا حرامه عورتک
علی اولدقده یرسه یوم جزاده معاقب اولور بوسیددن مشایخ سلفک

خاتونلری ارلری منزلندن چیقد قده عادتلری بویادیکه ارلرینه حرام
قرانسون وانلره کتورمسون دیو اعمارلرلر ایدی و دیرلردی بزاجلغه
وفقره صبرایده ییلورلر اما جهنم آتشنه صبرایده مرز وارک حقندندر
اری اوزرینه فخرلنمق نه مالله ونه حسب ونه نسب ونه حسن ونه
جالله اکر اری چرکین دخی اولورسه انی خور کورمیه علماء کز بندن
اصمعی نقل ایدر که برکون برکویه کلوب حسن و جمال صاحبی برکوزل
خاتونه راست کلدیم اما اری غایت چرکین اولدیغی خبرالدم خاتونه
نیجه نفسک راضیدر اویله برید چهره نک تحت نکا خنده بوکوزللاکک
یکپوره سک خاتون ایدی هی کشی سوزکده خطبا ایتدک بلکه بنم
ارم کندسمیله ربسی مایندده برحسن عمل ایشلر ربسی بی اکا عوض
نصیب ایش اوله واحتمالدر که بن ربمه برمعصبت ایشلشم انک عقوبتی
ایچون ربماتی بکا نصیب ایش اوله ایدی بن ربمک قضا و قسمته
راضیم دیدی و بی اسکات ایلدی انتهی (کلدک طریقت کلامنه که
اصحاب کزیندن حکیم بن معاویه رضی الله تعالی عنه سؤال ایلوب
یارسل الله بزم خاتونلریمزک اوزریمزده حتی ندر دیدکده رسول الله
علیه السلام پیوردیکه * کندی یدیکک طعامدن انی اطعام ایده سک
وکسب ایتدیککده کسوه لندیره سک و یوزینه دوکیه سک وتشهیر
ورسوی ایتیه سک و ترک ایدوب انی غیری اوه قومیه سک بلکه اقتضا
ایدرایسه اوده یتاغی آروب ترک ایده سک * اشباهده بیان ایشدر که
ار عورتی درت شیدن اوتری دوکک وارد و بودرت شبتک مشابهتی
اولان یرده دخی بره ایتیه جک قدر دوکیلور اما وهله اولی ده دوکلبوب
الله تعالی حضرتلرینک * فعضوهن * قول شریفیله عامل اولوب
ابتدا بویله ایشی بردخی ایتمک ایچون اوکوت و نصیحت ایتمک کرک
اگر انکله نصیحت طومرزه الله تعالینک * واهجر وهن فی المضاجع *
قول شریفیله عامل اولوب اری باشقه یاتمق کرک تانصیحت پذیر
اولنجه اکر انکله دخی اوصلانمزایسه الله تعالینک * فاضربوهن *
قول شریفیله عامل اولوب اورمق کرکدر واول درندن بری اری

طالب ایکن زینتی ترك ابتد یکچون وناپاک کردیکچوندر ایکنجی اری
 دوشکه دعوت ایلدکده کلمه حیض و نفاسی یوغیکن اوچنجی اری
 اذنسمز اوندن حق شرعیسنر چیقوب کردیکچون دردنجی نمازینی
 ترك ابتد یکچوندر یونلردن اوزی ترتیب مذکور اوزره اقتضا ایدرایسه
 دوکت وارد وینه فقیه ابواللیث رحمه الله دیمشدر که عورتلرک ارلری
 اوزرنده بش حق وارد بری بودر که عورتک خدمتی ایچروده و پرده
 آردنده اولمسی لازمدر و پرده دن میدانه چیقماسنه راضی اولمقدر زیرا
 عورت عورتدر طهره چیقماستی کاهدر و مروتسنر لکدر و ایکنجی عبادتدن
 محتاج اولدیغنی خاتونه تعلیم ایلکدر آیدست و صلا و صوم و یونلردن
 غیر لازم اولان احکام شرعیه کی اوچنجیسی خاتونه حلالندن
 اطعام ایتمکدر دردنجیسی خاتونه ظلم و حیف ایلمکدر بشنجیسی
 ار خاتونینک اذا و جفا سنه تحمل ایلکدر اصکا نصیحت ایچون
 (آفات بدندندر آدم کندی اولادینی و نفقه سی واجب اولان اقرارینی
 و قرداشلرینی و حیوانلرینی ضایع ایتمک و تکاسله خدمتلردن فارغ
 اولق زیرا یونلرک جمله سی رعیتدر و افندیلری راعیدر یوم قیامتده
 هر برراعی رعیتندن سؤال اولنسه کرک خصوصاً بالغ اولمیان اولاد که
 انلرک کسوه و نفقه سی و تعلیم و تأدیجی واجبدر و اوغلان جقلره حریر
 کیدریمک والدرین و ایاقلرین قنالمق بابالرینک اوزرینه در انلری
 ایتش بنم رضام یوقدر دیمجی فائده و یرمز زیرا * الرجال قوامون
 علی النساء * فواستجبه صوز ارلر کدر ونهی هن المنکر ایتمک فرضدر
 ایمدی اولادی تأدیب و تربیه و تعلیم قرآن و معرفت الهیه ایتمک
 بدرینه فرضدر (فصول مفصلده حکایت ایدر که برآدم حضرت عمر
 رضی الله عنیه کلوب اوغلندن شکایت ایلدی حضرت عمر اول آدمک
 اوغلانی کتورب تأدیب ایتمک استدکده اوغلان ایتدی یا امیر المؤمنین
 یا هجج اوغلاک دخی بابا اوزرنده حق یوقیدر بلی اوچ حق وارد دیدی
 بری بودر که اوغلنک انامنی حسبه و نسبیه لردن آلوب کم صوبیدن
 اولحق کرک تا که اوغلنه اندن عار و ناموس پیدا اولیه ایکنجی حق

اوغلنه کوزل آد و یرمکدر اوچنجی حق کتاب اللهدن تعلیم ایتمکدر
 اوغلان ایتدی یا امیر المؤمنین بنم پدرم بو حقوقدن برینی برینه
 کتورممشدر انام بریسنک جاریه سیدر درت یوزاچیه آلمش و آدمی
 جعل قومش و کتاب اللهدن برآیت تعلیم ایتمامشدر حضرت عمر ایتدی
 من دیرسککه اوغلم بکاعاق اولمش سن خود اندن مقدم اکاعاق
 اولمش سک ییقل کیت دیو مجلس شریفندن طرد ایلدی معلوم
 اولدیکه تربیه اولادده لازمدر ولکن عقلجه تربیه اولان انجق علمامزک
 یازدیغنی اوزره لازمدر تا که خطا اولیه (در بیان تربیت اولاد) صراط
 سوی نام کلبده دیمشدر که عاقله لایق اولان بودر که تأهل ایتدیکنده
 اولیه خاتون آله که عاقله و محجوبه و نسبیه اوله تا که نطفه سنی رحم
 پاکیریه صحب بودر شاهوار وجوده کله و خاتونی کندی کورمک
 مستحیدر ممکن اولمزیسه قرداشنه نظر ایلسون انک قرینیدر و شوپله
 پرده تأهل ایده که هواسی معتدل و نعمتی اوجوز و کچنجیسی آسان اوله
 تا که یا کندی و یا اولادی بلایه و تنک معیشتیه دوشمکله غیر دیاره
 نقله محتاج اولیه زیرا حب وطن طبعیدر البته قلبک میلی باقیدر
 و انا قردمده ولد واقع اولسه اناسنه طعام و شرابک و میوه نک لطیفی
 یدرمک و جمله دن زیاده سود یدرمک کرک زیرا اش یانک احسنیدر
 میوه لر ارسنده الما و یوه در زیرا یونلرک مزاج ولده سرایتی وارد و چنکه
 ولد دنیا به کلمه صاغ قولافنه اذان وصولنه اقامت کتوره لر شیاطین
 اذاندن جقدقلر یچون اول صبی به بعون الله تعالی یا قلا شعیب ام صبیان
 زحمتدن امین اولور و اول وقت صبینک اوزرینه سوره اخلاص
 اوقق مندوبدر و بوآنی * انی اعیذها بک و ذریتهامن الشیطان الرجیم
 و خورما جکنیوب یا خود هسل صبینک دماغنه سوره و برکت
 هرله د ما ایده و یونلری ایدن کیمسه برعالم و یا صالح کیمسه اولق
 اولی در و باباسنی و اناسنی تهنبیه ایدوب اوغلاک یا شی اوزون اولسون
 اوغلاکدن خیر و برکت کوره سک یا خود الله تعالی ببارک ایلسون و هبه
 خداکی دیو بو مقوله کلامله دعا خیر ایده لر و اگر قزطوغارایسه

الم اوزره اوليه موهبه خدا اولديغنى حق تعالى * يهب لمن يشاء انا
ويهب لمن يشاء الذكور * بيور مشدر معناسى الله تعالى حضرتلى
كچه ديلر ايسه قزلر باغشلا و كچه ديلر ايسه اركلر باغشلا ديمكدر
ايمدى ايگه سيدة بخشيش خدادار باخصوص آيت كريمه سنده قزلى
تقديم ايتدى وحديث شريفده كمشدر كه * بر كچه نك ابتدا اولادى
قز اولسه اول خاتونده اوغور و بركت اولديغنه دليلدر كه آيت كريمه
ترتبه موافق دوشمشدر * و پسر وجوده كلد يكنده اكر كو بكي كسك
وياستلى طوغار ايسه دولت نشاندر جيع انبيا عليهم السلام سنتلى
و كو بكي كسك دنيايه كمشدر الاحضرت ابراهيم عليه السلام سنشدر
طوغوب بعد زمان كندىنى سنت ايتمشدر و ولده آد و يرمك ولادتك
يدنجى كونه يوم عقيقه در مستحيدر اول يا صكره دخی اولسه جائزدر
ودوشك اولان اولاده دخی آد و يرمك مستحيدر حتى صورت باغليب
ديشى وار كك اولديغى نامعلوم اولسه اكاشول تا نيت اسملا ايله
آد و يره كه انى ار ككه آد قورلر طلحه و حجره كې و اولاده آد قودقلا نده
انديا اسملردن زمانه موافق آد و يره و عبدالله و عبدالرحمن مقوله سى
اسمه كه عبوديتنى رب العزته مضاف ايليه و امام مالك اهل مدينه دن
نقل ايدر كه براهل بيت اراسنده محمد اسمى بولنسه انلر خير ايله مرزوق
اولورلر پس يدنجى كوني عقيقه قزبان ذبح ايليه كه مذهبه مستحيدر
و حنبليده واجبدر اوغلانندن ايكي و يابرو قز دن مطلقا برقر يانكه اقل
مرتبه سى سكرن آيلق قوزى دخی اولور ايسه كافيدر و بوغاز لادقده
بويله ديه * اللهم هذه عقيقة ابني فلان فان دمها بدمه و عظمها
بعظمه و جلدھا بجلده و شعرھا بشعره اللهم اجعلها فداء لابني
من النار * و ولدك صاحبلى تراش ايدوب و يا قرقوب التونله و يا كومش
ايله وزن ايدوب اول كون فقرايه اولمشد يره و عقيقه ده اولى اولان
بودر كه بتون بشوره و فقر ايه توزيع ايدلر اما برقولنى آروب بشمش
قابله و يره و اصلا كوكلرين قريموب او يناق يرلندن آره لر كرك
چيكلين كرك بشمش اويله اولمشد يره و ولدك سلامت اعطاسنه

تفأول

تفأول ايچون و بو عقيقه نك وقتى طوغديغى كوندن بلوغنه وارنجه در
انجق سنت اولان يدنجى كوندن اولمقدرواكر كچه ايله طوغسه
اول اولان كچه حساب اولنور اكر بو ولد ايچون عقيقه بوغاز لادقده
يوم قيامته والدينه شفاعت ايتزد يلمشدر قول صحيحده و عقيقه اشملك
اجه سنى تصديق افضلدر و عقيقه قابله و لدك باشنى بولاشدر مقى
مكرو هدر و ولده اناسنك كباسنى يعنى آغز ديد كلرى ابتداكى او يوشمش
سودنى امزرمكده مبالغه ايدلر زيرا اولادك چوغى اناسنك كباسنى
ايچامكده فوت اولمشدر حتى اناسنك اولم ايسه برغبرى خاتونك
كباسنى امزرمك كرك ساده سود امزرمكدن اجتناب لازمدر موت
ولده سبب اولور بعده دايه طوغنه محتاج اولور ايسه مزاجى معتدل
حسن خلق صاحبه سى خاتون اوله اما اولى اولان اناسى و يا اناسنك
اقر باسى سوديدر اما هندی و حبشى و خيميلر امثالى بونلر بد اصللردر
بونلردن دايه طوغيدلر و سودين امزرميه لر بر كره دخی اولورسه و ولد
امزرن خاتون دخی طعامك لطيفن يمك كرك حامله يدىكي كې نتيكيم
بيانى كچدى ايكي سنه و يايكرمى آي تمام اولدقده ممدن كسد يروب
سوده بكرز غداء لطيفله بسليه لدرت ياشنه كلد كده تعلم علمه بشلا ده لر
و برقوله درت آي ايله اون كون زياده قيد ايلمشدر اما اوغلانجق
سوزه باشلدقده ابتدا شهادت كلمه سنى تلقين ايدلر بعده بو آي
او كرده لر * فتعالى الله الملك الحق لا اله الا هو رب العرش الكريم * وآية
الكرسى او كرددوب و سورة حشر ك آخرى * هو الله الذى لا اله الا هو *
آيتلر نى آخرنه قدر تلقين ايليدلر و صبيده علامت خيرك ابتدا سى
حياتك ظهور يدر هر صبيده كه حيا غالب اولوب اكثرى اوقات خلق
ييشنده باشين آشفه اكوب بى ادب لك ايتيه كامل اولاجقنه و نور
عقلنك اشراقنه دليلدر پس تأديده اقدام ايتك كرك و اخلاق
نفسانيدن صبيده ابتدا ظهور ايدن اكل طعامه حرصيدر پس امر
ايدلر طعامه باشلد يفته (بسم الله) ديوب صاغ ايله كندى او كندن
يسون و سفرده پدر و مادرندن ايلروال صونسون و يمه عجله ايتيوب

برخوش چينسون و لقمه نك برين يمامش ايكن برين آلمسون والاريني
و كسوه سني بولاشدر مسون ديو تنبيه ايدوب اوكرده لر و چوق يلك
ايودكدر ديو چوق بين طفلي ياننده ذم ايدوب آزيه ني مدح ايليدر
وقتي اهو و لعبه و كينوب طونانمغه مائل اولان صبيانله قونوشمقدن
صافديره لر ممكن اولور ايسه خرجليغي اولميان مردم زاده لر ايله
كاهيجه اختلاط ايتديره لر و لباس فاخره ايله كينوب طونمق عورتلره
مخصوص صدر ديو پسري الحق لباسله قانع اولمسي ترغيب ايده لر تاكه
دنبالغه وزينه ميل ايتيوب سرقه و خيانتدن محفوظ و صلحا طريقتنه
ميل اوله و دائما ياننده صلحابي مدح ايدوب اشقيايي ذم ايده لر و اكر
نامعقول ايش صدور ايتسه ايتدادن صبينك يوزنه اورمبوب برغبري
اوغلاني تمثيل كتوروب فلان شوايشي ايتمش اما بويله دكنك يمش
ديو استحقاقني اعلام ايليه اكراندن نصيحت المايوب اول ايتسه تكرار
اقدام ايدرايسه سهوه حل ايدوب بلكه الدانوب شويله ايتمش سز
بوخسه سن اني بالقصد ايتزدك ديو بو يوزدن تنبيه ايده لر و بعده يته
اشلرايسه سن شوني نيمون ايتدك ديودل تعزيرن ايده اندن آلمز ايسه
ضرب ايده و ضربني دخی از ايلوب اما قتي آجبدده و بوندر بجهله
بومرتبه كتوره اما اكر بوترتي اولندن رعایت ايتيوب پسر نامعقول
ايش ايتديكندده بر او غوردن يوزه اوررسه يا خود دوكرسه اول دخی
آجتمز ايسه عقوبت همان بوايمش ديوب هم قباحته مصر اولور
و هم عقوبتي يني طوتوب بر كوتك نواسه كرك ديمسي مقرر در و اكر
بر پسر بومرتبه كنديي كتوروب ضربدن تأديب اولمزايسه و نافع
اولمزه تركي اولي درز برا سعي فائده و يرمز و بو بر آتشدر ككه
افاضلك قلوبني ياقشدر ايمدي اوغلانمغه چوق چوق عتاب ايتيه
و هر شئي يوزينه اورميه زيرا عتابه و ازار نمغه آلبشوب كلامك تأثيري
اولماز و قباحته جرئي زياده اولور ايمدي احسانا عتاب ايليه تاكه
مؤثر اوله و اوغلانمقلره صباح غدا سن آز و يره لر تاكه طيبتنه كندلك
دوشوب تعلمدن قالميه و كوندزا و بومدن منع ايده لر و كيجه ايله دخی

چوق او يوتيمه و دائما نفايس و يرمبوب كاهي نان خشك ايله دخی
قناعتي معتاد ايتدرمك كرك و قوللريتي و بالدرلريني آچه دن
وصالتيوب كرمه دن والاريني صاللامه دن منع ايتمك كرك و بر شيله
فخر نمندن طعام و لباسدن و ياياباسي املا كنددن هر نه ايله فخر لنورسه
منع ايتمك كرك و صبياندن بر شئي غصبله آلمه دن منع ايتمك كرك و بلدرمك
كرك كه ايلك و يرمه ده در المده خورلقدر و سائله اجسه
و يرمه لي اولسه صبينك ايله و يردرمك كرك تاكه احسانه معتساد ايليه
و مجلسده توصف كردن و سومكورمه دن دخی اسنه دن و چوق
سوزسو يلمه دن و ارقه سني بر غير يسنه دوندرمه دن و اياغني اياغني اوزره
قومه دن وال ايا سني چكه سي التسه قومه دن و باشني باز و سي اورزه
طيانم دن و عيّن ايتدن و لغو و فشدن و سو ككه دن منع ايدوب بونلره
معتاد ايتدرندن صافندرمق كرك (سيد علي خواص رحمه الله تعالى
ديمشدر كه صافنك اولادي كزي الفضاظ قبيحه ايله سب و شتم ايتمك
زيرا انلر او كره نوب انك مثلي قرداشلريني شتم ايدر لر بلكه كيددر ك
سيروني دخی انكله سو ككه باشلر لر انكي چون صراط سويده ديمشدر
بابا اولادينه كند فعليله نصيحت ايده قوليله دكل زير بر آدم او غلنه ديسه
صافن كيمسه يه سو ككه نامعقول سو يلمه اما يته كندندن سو كك
و نامعقول سو يلك واقع اولسه او غلي انك فعلنه اقتدا ايدر اول سوز ايله
اولان نصيحت فائده ايتز كذلك پسر يا با سني كورسه حرير كيمش
كندى پنه لباسه قانع اولماز كذلك بدريني شراب ايجر كورسه اني منع
ايدرسه ده فائده يوقدر اول انك فعلنه تقليد ايدر اما نماز قيلار
وصائم اولور صوف و عبا كبر ايه اتمكي بر كورسه او غلي دخی اكا ميل
ايدر اولاده تأثير ايده جك بودر وصي تعليمه شروع ايلديكندده
نظر اولنه اكر زيركلكي و ارايسه تعليمده زياده قلنه و حظ از ايا سي
بورادن فهم اولور پس قرآن عظيم تعليم اولنوب بعده كتابت
و فرائض و سنندن و معرفه الله دن عقلي ياشديكي قدر يلددرمك كرك
و معلم و مؤدب صبي بي دو كديكندده اغلايوب فر ياده رخصت و يرمك

كرك اول مختلر و عورتلر ايشيدر ديو شجاعتنه تحمیل ايتك كرك و والدينك
 واستادك و اكابر ك تعظيم و توقیرلری ايله صبی به امر اولنور ككه
 هر بار بونلری كوره اياغه صحرایوب اوكلرنده طوره و خدمت لرنده
 سكرده و بونلری كورد كده لعبدن احتراز ایلده (وسید علی خواص
 دیمشدر اوغلانچقاره ضربی چوق ایتك ودارده و مكتمله حبسه
 و كثر قرآنله تشدید ایتك زیر مبالغه انلرك قلبلری زكاوتن البقیوب
 چبن و بخل و طاعتدن كسل حاصل ایدر و بالكلیه خلاص اولغه
 حیلله ارارلر پس انلره احیانا دوا ایلک و انلرك ایشنی حقه تفویض
 ایلک و صراط سویده دیمشدر كه معك ضرب و تأدی قیل البلوغ
 فائده ایدر و باباسی پسر ك معلم سوق ایتدیكى طریقك خلافتده
 ایسه ده پسرری راه صوابه اویدرمق اولور اما اگر بلوغه وارنجیه
 معلم سوق ایتدیكى طریق مستقیمه سالك اولمازسه بعد البلوغ ضرب
 و تأدی فائده و یرمبوب پدیری طریق كه فعلنه تقلید ايله خاطر مانده
 ایتشدر طوتمق مقرر در اگر پدیرینك ایشنی فسق و فجور و باطل و جور
 ایسه اول دخی انی قوماز بوسیدن بعض ملوك ماضیه اوغللری
 صفات شرعیه موصوف علما و صلحایه كوندروب انلرك یاننده تعلیم
 و تأدیب اولنور ل ایدی تا كه پدیرینك افعال و اخلاقی باقوب
 طبیعتلری انی تخلق ایلله تنكیم خلفاء مر و انباندن عبدالعزیز اوغلی
 عمری مدینه منوره به عبدالله بن عینه حضرتلرینه كوندروب
 انده تعلیم و تأدیب ایتدر مشدر چبعامر و انبلر حضرت علی به
 بغض و عداوت اوزره ایكن و منبرلده سب ایدر لری ایكن عمر بن عبد
 العزیز استادی طریق حقه سوق ایدوب علی به محببنی قلبنده
 ثابت و قرارداد ایتكله شامه واروب خلیفه اولدیغی كبی سنبلر
 طریقنی اجرا و خارجیلر مذهبنی ابطال ایلوب خطبه ده سب علی
 یرنده (ان الله یأمر بالعدل والاحسان) آیت کریمه سنی اوقوتشدر
 و اول اثر اندن قالمشدر ایمدی معلوم اولدیكه صبیان حقیقتده
 میال اولدقلرندن فعله میل ایدوب سوزدن زیاده انی قبول ایدر لری انكچون

مجلس فسق و اهو و لعبه انلری اوغر اتمق كرك و صبی یدی یاشنه
 كلكده نمازله امر اولنور لطف و رجائله و احسانله اون یاشنه كلكده
 ضرب اولنور كلك اون یاشنه كلكیكنده بابادن و انادن دوشكاری
 آیرلق كرك قری و پسرری قز قزداشلرندن دخی آیری یا تورمق كرك
 و اون یاشنده اولان اوغلانی غیر اجنبی خانولر ايله بله دخی یا تورمق
 كرك كلك بومقوله اوغلان رجالله دخی یا تمق یوقدر فتنهیه سیدر
 چونكه براوغلان لهو و لعبدن اعلى مقام نه اولدیغنی طیوب انسانیت
 درجه لرینه ایاق باصمق اسنه دنیالق و مال و منال سوداسنه دوشسه
 نصیحت ایتك كرك كه بودنیالقدن غرض تصحیح مزاج و اسی و صفوق
 و آخلق و صوصزاق دفعیدر (بیت)
 * غرض از جامه دفع حر و برد ست *

* ندارد میل و زینت هر كه مرد ست *

بومقوله ایاتی تعلیم ایدر و دیده لر كه بوجه دنیا مغلطه سندن مراد
 اولان كسب و كمال و معرفت و تحصیل علم و عمل صالح ايله رب العزته
 قریبدر و دارالبقایه كه ایدی انده اولاجغیمزه حاضر اتمقدر و اول یوله
 كتمك ایچون تحصیل زاددر یوخسه یمك و ایچمك و یا تمق و او یومق
 حیوانك ایشیدر اجه و پول دیرسك جهود و نصاراده ارتقددر اما
 نه فائده طریق حق و رب العزته و راجق یولی بتور مشلر ایمدی مؤمنه
 لازم اولان تحصیل كالدر ديو دنیایه میل ایتكدن منع ایلبلر و اگر
 علمدن بهره سی اولیوب تعلیمه قابلیتی اولمزسه استعدادنه كوره برصنعته
 و یره لر و اگر اكادخی استعدادی اولمز ایسه آخر صنعته و یره لر اما براز
 زحمت چكمدین برندن آلوب یرینه و یرمبلر و بر استادن آلوب بر استاده
 و یرمبلر بو حالله اولنردو كه دن كالادن بهر مند و صنایعدن برخوردار
 اولور لر متعلم و طالبده صبر و ثبات كر كدر (اخلاق علائیده دیمشدر كه
 زمان صباده بعض آلامه معتاد اولمق صبی به نافعدر تنكیم نوشروانك
 معلمی هر زمان بی سبب ضرب ایدوب و انسه قار و بوز و یروب الكده
 طوت دیو امر ایدردی سریر كسری اكا انتقال ایدیچك معلم صاقلندی

بعده نوشروان استادمه رعایتم مقرر در امان اوزر بنه کلسون دیچک
 ظهور ایلدی ملک رعایتلر ایتد کد نصکره ضرب بی جرمک وجهی
 نه ایدی دیوسوال ایتدی معل ایتدی آنکیچون ایدردم تا که بی کاه رنجیده
 اولان مظلوم ملک حاکمی بله سک و تخته جلوس ایتدی ککه بی کاه رنجیده
 ایتکدن احتراز ایده سک یا المده نه ایچون قار و بوز طومغی امر ایدردک
 دیدی خواجه عن قریب بونک دخی وجهی ظاهر اولور دیدی پس
 بعد زمان ملک بعض خدمتله بر محابه به مباشرت ایتد کده وقت صباح
 صغوقده دشمنه ملاقی اولمغه کالنر بنه تیرلرین کیمسه زه ایتکده قادرا اولیوب
 ملک کندی معتادی حسبیلله صغوقدن بی پروا اولوب جله خدامک
 پایلر بنه تیر قیوب دشمنه ظفر بولیچق استاد دور اند یشک اصابت
 رأیی ظاهر اولوب استادنه خلعت و نعمت بی قیاس و یردی اما اول
 کیمسه که تازه لکده تربیه اولمبوب تنبیه اولنان شیلرک خلافتجه
 یور بوب افعال و اقوالنی و اخلاقی تهذیب ایتماش اولسه طبیعتده
 بد خویلق بر اشمش اولسه اول اخلاقی ازاله ایتک عسیر اولور چوق
 ریاضت و مجاهده و نفسنه لوم ایتک کرک خصوصاً که پیرلک کلمش
 اوله (والشیخ لا یتک اخلاقه حتی یواری فی ثری رمله) یعنی پیر اخلاقی
 ترک ایتمز نا قبر ترانه کیر لنجه دیمکدر بوسیدن سقراط حکیم تازه جوانلره
 تعلیم ایدردی سوال ایدنلره دیردی شاخ تری راست ایتک قابلدنر اما
 خشک اولدقده مستقیم ایتک مشکدر و دختر تربیتی دخی بوسکا
 قیاس اولنوب انلره متعلق اولان احوالده آدابی تعلیم ایده لر وانلر
 ملازمت حیا و رجالدن تحرز و عفت و ملازمت کج و خانه بابنده مبالغه
 ایده لر و یازمقدن منع اولنوب اوقتمغه اقدام ایده لر با خصوص واجبات
 دین و سنن سید المرسلیندن و احکام حبض و نفاس کی علم حال تعلیم
 اولمقی لازمدر وحد بلوغه یتشد کده کفوه مناسب بولوب تزویج ایده لر
 و تأخیر ایتمه لر و داماد اولاجق کیمسه نک دین و حسن خلق و کرم
 شان کوره لر علو منصبنه و رفعت نسبته و حسن اشکالنه چندان
 نظر ایتمه لر اگر دیدیکمز امور دصکره بودخی اولور ایسه نور علی نور

و تزویج اولدقده نصکره دامادله پدر و مادری وار ایسه حسن وجهله
 مباشرت ایدوب بی شرم و دلازارلقدن عروسی منع ایده لر (شیخ
 شعراوی رحمه الله منده دیمشدر که یازلدیغی اوزره اولادکی سیاسات
 بسر عیه و عقیده ایلله تأدیب ایلدی کک صورتده بنه انلرک اموری
 الله تعالی به تفویض ایلله و شارع شریعت یورمدیغی شیدن اولادکی قنی
 قنی منع ایلله زیرا عاقبت امری ندامتدر و اولادک فرارنه باعث اولور
 نکیم اهل علمدن بعضی شومر تبه اولادنی تحجیر و تعجیر ایدردیکه
 برمالایعنی کلامه و ناسدن کیمسده قارشمغه و کاهی تفرجه چیمغه
 اذن و یرمزدی حتی قدمگاهه کئسه یا نجه آدم قوشاردی و چوق
 اوتورماسنه رضا و یرمزدی و طعام و لباسده قلت اوزره ایدردی
 پس بویوزدن تأدیب ایدنلرک اولادی کیمی مالین اوغرو ایدیلر و کیمی
 باباسنک طعامنه زهر قودیلر و کیمی خنجرله باباسنی اولدرمکه قصد
 ایتشدر تا که ثقلشدن قورتوله بونلری زمانمرده کورمشز ایمدی لازم
 اولان بودر که قاعده مذکوره تجاوز اولنیه امام شافعی دیمشدر که
 ولد که وزوجه که کفایت مقداری انفاق ایلله اما صاقن حددن زیاده
 ضبط و منع ایلله تا که سندن نفرت ایتسه لر و ایدندنر اوغل کمال عقله
 کلمدین باباسنی اجه بی اوغلو الله و یرمبوب کندیسی خرج ایلله زیرا
 دنیا لغک تأثیری واردر اوغلانک قلبنده دنیا محبتنی حاصل ایدر و علما
 دیمشدر که ولدک بالغ اولوب کیر اولدقده انکله قرنداش معامله سن
 ایلله اما امتحان ایلدین الله مالکی و یرمه احتمالدر که معاصی به خرج
 ایدوب سندن مالی دریغ طوته انتهی (کلدک طریقت کلامنه که
 آفات بدندر اجنبیه خاتونله خلوت ایتک زیرا بودخی حرامدر سرور
 کائنات علیه افضل الصلوات محرم اولیان خاتونک غیر یله خلوتده
 اولمقی حرام ایتشدر منده مذکوردر که حدیث شریفده کلمشدر
 * هر بار که برار ایلله بر خاتون جمع اولسه و ارالنده محرمیت اولسه انلرک
 اوچنجیسی شیطاندنر * شیخ ابوالقاسم نصر آبادی زماننده سوال
 اولمش بر شخص دیمه که بنم خاتونلره میلم بوقدر وانلره اونور هم بکا

لوم اولمزن نه بیورر سکرز دید کلرنده شیخ جواب ایتمشه که مادامکه بو وجود
انسان باقیدر ابر و نهی دخی باقیدر و حرام دخی باقی اولوب هر مکلف
انکله مخطبدر و مخالفاته تعرض ایدن مشبهاته تعرض ایدر (و آفات
بدندندر رجلاک عورته بکزه دلمسی یا بالاسله یا کلامله یا واضاعله
هر قنغسبيله اولورسه خطادر کذلک عورتلر کندیلرین اراره بکرتلمسی
خطادر زیر رسول الله علیه الصلاة والسلام بونلره لغت ایدوب کچک
اونده بونلردن وارایسد چیقار سونلر دیوب رسول الله علیه السلام
برآوده برخاتونی بولوب و چیقاروب حضرت عمر دخی بو مقوله برآدمی
چیقاروب سوردیلر (و آفات بدندندر قولک و جاریه نک قاچه لری
وافندیلرینه عاصی اولمقلری زیر رسول الله علیه السلام بیورمشد که
* قنغی عبد افندیسندن قاچه انک نمازی قبول اولمز * و بو مقوله
عبد نافله نماز قیلسه و صائم اولسه و فرائضدن غیره عمل اشلر
ایسه جله سی فائده سزدر زیر نوافل افندیسنگ اذنی یوغیکن شرعی
دکلدر پس فرار و اباق بولنجه کلیله قبول اولمز (و آفات بدندر سوء
خلق یعنی یرامز خوی و طبیعت صاحبی اولمق و خادملرینی انجتمک
عادتق اولمق حتی رسول الله علیه الصلاة والسلامدن سؤال ایلدیلر
یار رسول الله خادمندن نه قدر صوچ عفو ایدلم بیوردیکه * کل یوم
سبعین مرة * یعنی کونده یتیم کره و بر حدیث شریفنده دخی بیورمشد
خادمکن سزه طعام کتوردیکنده اگرانی اوتورتمز سکرز باری برایی
لقمه و یا برایی بیم اکا و یرک و بر حدیثنده بیورمشد قراوشکره طعام
و کسوه و یرک اما طاقت کتوره مدیکنه تکلیف اولمز * معلوم اوله که
مولایه واجبدر عبد و جاریه سنه نمازده اوقیاجق قدر و سائر واجباتی
ادالیده جک قدر او کرمک اگر مسلم ایسه او کرمز ایسه کنهکار
اولور و نماز و صوم ایله امر ایلوب حین ادا لرنده خدمتلندرمیه حتی علماء
کزین دیمشدر که عبد و جاریه خسته اولسه و ایدست آلمغه
قدر تلمی اولسه افندییه واجبدر که انلره ایدست و یره و یا بر کیمسه ایله
و یردیره (صراط سویده دیر که مخدومه لایق اولان بودر که خادملرینک

بیان تأدیب و عفو عبید
و جاریه

حالی بیله کرکسه خادملری عبد اولسون کرک حر اولسون اما عبد
خدمته اولی در حردن پس انلرک ییه جکنی و کیه جکنی او مر تبده
اولان مخدوملر خادملرینه ایلدکلی کی ایلیمه و صحت و مر ضلرینی
و سرور و شدت لری و امانت و خیانت لری و شغل و بطلان لری و فجور
و دیانت لری افندیسی بلمک کرک تا که مقام تحسینده آفرین دیوب مقام
ذمده لوم ایلیمه و انلره کاهی اطفاله معامله ایدوب کاهی جورله دخی اید
یوخسه علی الدوام خدمتکاره دورشت کوی و دورشت روی اولیمه صوچی
مقداری عقوبت ایدرایسه کاهی نافعدر اما عقوبتده مبالغه ایدرسه
و علی الدوام دورشت کوی بلق ایدرسه فرار و اباقه و عناد و لجاجه سبب
اولور و برجرتی کیر ایچه کاهن طویسه تغافل ایله کیمه بوزنه اورمیه
یا خود بر صوچ اشلسه وانی افندیسندن صاقلامغه باشلاسلرانی دخی
تفحص ایتوب نجاهلندن کله کویا که کندی بلز و دل ایله خطاقلد قلرده
مؤاخذه ایتیمه و عیبلرینی ناسدن صاقلیوب ایلک لرینی سویلیمه
و تأدیلرینی بر خوش ایلوب بطلال قومیه اما جمیع اوقات لرینی دخی
خدمته مشغول قیلیمه زیرا انلره کدر حاصل اولور براز ارام و یرمک
لازمدر و برقاج خدامی اولسه هر برینه بشقه بر خدمت تعیین ایلیمه
کندی نفسیچون خدمته بر عاقل امین اولان خادمی تعیین ایلیمه و اهل
بیتی خدمته برمتدین پاک خادم تعیین ایلیمه و اولادی خدمته برزکی
مؤدب کیمسه بی و معامله سوق ایچون بر محاسب و مستخرج کیمسه بی
تعیین ایلیمه و هر برینک خلقنی سمیاسندن و خلقتندن بیله اشقر
و شاشی و ابرص و بوکا بکرز ناقص الهیئه کیمسه لردن اجتناب ایلیمه
قیبح الصوره اولمق کرک زیرا ظاهر باطنک عنوانیدر و بر عبدک سنی
تأهله کلوب تزویجه رغبت ایلیمه افندیسنه لازمدر که انی اولندیره
بعده سن و سال صاحبی اولسه و خدمت مرضیه ایله خدمت ایتیمش اولسه
افندیسنه اولی اولان بودر که انی ازاد ایلیمه و اگر اولادی اولورسه
انلری دخی انکله ازاد ایلیمه بعده مخیر ایلیمه دیلرسه بیله طور سونلر
دیلرسه طور ماسونلر انتهی (و آفات بدندندر قومشویه اذا و حقا بتمک

بیان حق الجار

حضرت پیغمبر علیه الصلاة والسلام پیورم شد در حضرت جبریل
هر کدی کننده قومشی ایچون بکا و صبت ایدر ایدی حتی ظن ایتد مکه
بر برینه قومشی بی وارث ایدر و پیورم شد که الله تعالی به و یوم قیامت
ایمان کتورن کیمسه قومشی سین انجمنسون و سزدن بر یکز قومشی بی
دیوار بکره اغاج دکه دن منع ایلسون و بر حدیثنده (من اذا جاره
فقد اذانی ومن اذانی فقد اذ الله تعالی) پیورم شد یعنی بر کیمسه که
قومشی سنه اذا ایلسه تحقیق بکا اذا ایلسه و بر کیمسه که بکا اذا
ایلسه تحقیق الله تعالی به اذا ایلمش اولور و بر حدیثنده پیورم شد که
قوکشی حتی ندر ییلور مبسن چن معاونت ایسنسه معاونت ایده سن
و قرض ایسنسه قرض و یره سن و فقره اولسه صدقه ایله کوزده سن
و خسته اولسه دولاشه سن بر خیری کلمه تهیه ایده سن و مصیبتی
کلمه تعزیه و تسلیه ایده سن و وفات ایلسه جنازه سنه و راستن و رضاسی
یوغیسه قبه بی بو کسک قالدیروب یلی مانع اولیه سن و چولمک
بخاریله اذا ایتمیه سن مکر که اندن اکا حصه و یره سن و اگر میوه
صاتون السک اکادخی اهدا ایده سک و اگر کوندر من سک بیتکه
کز لیجه کتورم سن و او غلبه قنلرک الله و یروب قومشی او غلبه قنلری
او کنده چقار ماسونلر که انلر جفا ایدلر (و آفات یدندندر بر آمز کیمسه بی
جلبس و مصاحب بنده انیس ایلمک و بو خصوصده حضرت رسول
علیه السلام تنبیه و ارشاد ایچون پیورم شد که جلبس صالح مسک
کتورن کیمسه کییدر و جلبس طالح طواومه خدمت ایدر تیمورچی
کییدر پس مسک صاحبی یا سکامسک باغشدر و یا خود صاتون الورسن
و یا خود یاننده اولدخه رایحه سیله ذوقلنور سین اما تیمورچی یاسنک
نیابکی یافر و یا قراردر و یا خود بدر ایجه سین چکسک کرک و ابوهریره
روایتنده رسول اکرم صلی الله علیه پیورم شد (المرء علی دین خلیله
فلینظر احدکم من یخالل) دیمک اولور که کشی دوستنک دینی و طریقی
اوزرینه در ایمدی سزدن بر یکز نظر ایلسون کیمکه دوستلق ایلر
و ابو سعید روایتنده پیورم شد که یا ابا سعید صحبت ایله الا مؤمن

بیان آفات سوء جلوس
و مصاحب

کامل ایله و طعمایکی یدرمه الاتقی و اهل پرهیز کیمسه به یدر و بر روایتده
پیورم شد که مشرکین ایله معاسا کن اولمک و انلر ایله جمعیت
ایتمک بر کیمسه انلر ایله جمعیت ایتسه انلر دندر دیو جلوس طالحدن
صافندرمق ایچون مقام ترهیده وارد اولمشدر و شیخ شعرای
منن نام کابده دیم شد که بر انسالک حالی کورمدین انکله جلوس و انیس
اولمغه عجله ایتمه پس میرانی بودر که برقاج ایام قونشوب نظر ایله که
کندیکه و ناسه نفی اولاجق و امر الهی به انقیادی وارمیدر
اگر و ارایسه فیه و نعمت انکله جلوس اول و اگر یوغیسه اجتناب ایله
زیرا کندی نفسنه نفی اولیان کیمسه نک غیره نه نفی اولور و دنیا
فائده سی اولیانک روز جزاده اصلا اولسه کسک صحبت انسانی
مراد ایدن کیمسه به بو بر تبحر به لی میراندر و ناسک بری بر یله قونشوب
ینه آبرملری تبحر به سن مصاحب اولد قلرندندر و شیخ ناج الدین دیردی
نفسندن راضی اولیان جاهله قونشوق یکدر نفسندر ارضی اولان
عالمه قونشمدن زیرا نفسندن امین اولان احقدر (وسید علی خواص
دیر که بر کیمسه که احقله مصاحب اولسه کندی نفسندن غیر کیمسه به
لوم ایتمسون زیرا احق مراد ایدر که مصاحبنه نفع ایده بلیوب
حماقتدن ضرر ایدر تکیم بر قوانچی آدم و ارایدی و احق قلردن برینی
یاران ایدنمش ایدی و اکثر زمانده قوانچی کواره لری یاننده اولوب
ایچلرندن بالین چقاروب جمع ایدردی بر کون بو قوانچی یا توب استراحت
ایچون او یوردی اول جاهل یاران ایسه یاننده او تورمش ایدی پس
سکک کلوب خوابده نحالک یوزینه قوز اولدی اول یاران طور محبوب
ذبابی منع ایدردی اما منعندن عاجز اولمغه بن بو کا بر چاره بولورم دیو
قالقدی و بر بقین طاع و ارایدی اکا یوریدی نائمک یوزینی
قیلابه حق قدر بر طاش قوپاردی و کتورب ذبابی قتل ایتمک ایچون
حدتله یاراتی نحالک یوزینه بر اقدی ذبابلر صاعه صوله اوچدی اما
آدمک کوزلری باتلیوب یدسنی چیقدی و اول ساعت جاک تسلیم ایتدی
ایمدی جاهل و احقک یاراننه نفی بو مثال اوزرینه در و صراط سوبده

کشی نفسی کمال اوزره حفظ ایتده اون خصیله عمل ایتک کرک ابتداسی
ایورله مصاحبت وقوشمقدرد حتی دیمش (وجلیس اولیاء الله لایشی
وان کان کلبا) یعنی حق تعالی نیک دوستلریله جلیس اولان شفی اولماز
اگر کلب دخی اولورسه دیمش نیکم شیخ سعدی رحمه الله بیورر (نظم)
(بسر نوح بایدان نشست) (خاندان نبوتش کم شد) سک اصحاب کهنف
روزی چند) (پی نیکان گرفت و مردم شد) معناسی بودر که حضرت
نوح علیه السلام اوغلی برامزلره اوتوردی وقوشدی پیغمبرلک
خاندانی یوق اولدی یعنی اوغل اولمادن چیقوب حقنده (انه لبس من
اهلک انه عمل غیر صالح) پیورلدی اما اصحاب کهنف کلبی برنیجه
کون ایورلریزین طوتوب مردم اولدی روز جزاده اول دخی
جسته کیرسه کرک مردم صورت ندیده اما اول اون خصیلتی فقیر و دادی
رحمه الله ترجمه ایدوب اختصارله نظم ایتش (مثنوی)

بیان دوست صادق

بواون خصیلت طوتار انسان کامل * که حکمت اهلی جله اکا قائل
بری اهل کماله همنشین در * بری هم اجتنابی بد قرین در
دخی اهل صداقت دوست طوتمق * دخی اعدا سوزین حقنده طوتمق
هم علمیه عمده شغل دائم * دخی نفعن تذکر ایتده مقدم
کثیر ایتمه لهو یله مزاحی * ریاضتله ویره نفسنه صلاحی
باقوب احوال ناسه عبرتله * اوله کمال بوجه خصیله
(واخلاق علایده دیر که خلق دوسته بهر حال محتاج در حال رفاهیتده
انس طوتوب استلذاذ ایچون و حال شدتده معاونت واستظهار ایچون
ودوستلق چوق کیمسه ایله اولوق قایلدر اما صداقتکه محبتک اعلا
پایه سیدر چوق کیمسه یاننده اولماز صدیق حقیقی بر جوهر عزیز در
انکیچون کیاب اولور و بر قاج کیمسه ما بیننده اولوق قایلدر نیکم
عشق بهر محصور در و نقدر اصداقا کثر اولسه استمداد وانتفاع اکثر
اولور وسقراطیس حکیم ایدر بر کیمسه که دنیا و مافیهای تحصیل ایله
وصداقتدن محروم اولوب بر صدیق تحصیل ایتمش اولسه حیات دنیا
اکا و بال و نکبتدرا کر ظن ایدر سه که تحصیل صدیق و صداقت

آساندر

آساندر خطا ایدر زرا غرائب دنیادن اعز وافضلدر و دیمش لر که
بر کیمسه صداقت ایچون اختیار اولتمق مراد اولسه نظر اولانه
اول کیمسه زمان صبا سنده پدر و مادر یله نیجه معامله ایتشدرا اگر
عقوق اوزرینه اولدی ایسه قطعاً اندن خیر اوتمق جائز در کادر
اگر رعایت حقوق ایتدیه انک دامن صداقتنه محکم یاپشه و اگر
پدر و مادرک احوالی بلغمز ایسه سائر اصحاب واحباییله کیفیت اختلاطنه
نظر ایدر لاکر انلره عهد وفایه ساعی و شرط حقوق صحبتی راعی
اولدیه انکله عقد اخوت و صداقت ایلیه که عاقبتی خیر و سلامتدر
واگر بومذکور حقوق رعایتی بلمک اولماز سه زخارف دنیایه و مستلذات
نفس و هوایه میل و طربن کوره لر اگر غایت حرص و شوق و ارایسه
انکله دوستلق بنیادین ایتیه و اگر تکبر و تغلبه میلی افراط اوزرینه ایسه
ینه انکله صداقت اندیشه سین ایتیه زیرا افراط نفس و شهوات
متابعیتله جمیع منافعی کندویه حصر ایتک اولور و بورادن دیمش لر اگر
بر آدمی لهو و لعبه مائل واستماع اغانی به راغب اوله ال و آدمدن صداقت
رجا اولیه زیراهوای نفس افراط میلی حقوق اخوانی رعایت ایتکه
مانع اولور چون بر آدم بواستحسانلرده تمام عیار چیقسه نقد محبتی
وصداقتی تحصیلنه خرج ایله سک روادر که کبریت اجر و در و کوهر
دیدیکمزدن مراد بونجملین صدیق صدوق و بونک کی بار با وفادر
و بونک کی دوست حقنده دیمش لر در مصراع (عجبا من یحزن وله
صدیق فاضل) یعنی عجب لرم فاضل دوستی اولان کیمسه نیجه محزون
اوله یاور و ممکن اولور سه کشی بر صدیق ایله اقتصار ایدر زیرا بر قاج
اولنجه مختلف هوا و مشربلری اولور رعایت حقوق اولوق مشکل
اولور پس عداوت عظیمه به باعث اولور و چون بویله صدیق
صدوق اله کیره رعایت حقوقنه اهتمام وعقوقندن اجتناب اولنه
ومدح و شناسیله مجاهرت و لطف و عدله معاشرت اولنه و مجرد
کوکندن محبت ایتدیکنه اکتفا اولنیه زیرا قلبه اطلاع علام الغیوبه
مخصوص و دوست دوسته محبت صادق سین اعلام ایتک سنت ایدوکی

منصوص در نکیم مذکور در کسکه مجلس نبی علیه السلام در بر کپسه
قالقوب کیدیجک حاضریندن بریسی یار رسول الله بنم بوکیدن کپسه به
محبتم وارد دیدی حضرت رسول اکرم صلی الله علیه وسلم بیوردیکه
هیج اعلام ایلدکی ایلمدم دیجک واریمدی محبتکی اکا اعلام ایلدبو
بیوردیلر و تقصیراتکه احسانا بشریت حسبیلله بونک کی دوستدن
صادر اوله عفو و اغماض اولوب هر جزئی ذله به طعن و اعتراض اولمیه
مثل مشهوردر که عیسی یار اسنپان بی یار اولور لکن صدیقیدن
قصور ظاهر اولیجق عتاب لطیفه آغازاید که شاید وجه خفی و عذر
نهانی وار اوله بیان ایدوب عقده منحل اوله و خاطرده قالمغله شاید
محبت خلل پذیر اوله و بر کپسه که حقوق صداقتی کوزتمیه زواله وودی
اولور و دوسته تعلیم علم و تنبیه صنایع ایتمکدن بخل ایلیمه و بعض
عیوبی وار ایسه وجه حسن و اسلوب لطیفله تنبیه ایلیمه و اغماض
و ایضا خیانتدرانی جائز کورمیه و طریق اعلامی بودر کسکه انی
غیریدن نقل و حکایتله تنبیه ایتمکدر مفید اولمازسه تنهاده تصریح ایده
و دوستلار اسنده مضر و انحلالی صد آفته داعی نمچه در بوز مانده
بو فعل ذمیم شایع اولدیغندن ماعدا ظرافت عدا و انور اولدی پس
دوست حسود و غامدن غافل اولمق کرک تا که محبت و دوستلق بناسنه
انهدام کلیمه اخلاق علانی صاحبیکه یاوز سلطان سلیم عصرنده
اولان علماء عظامدندر بویانی ایتدیکنند نصکره دیر که بوفقیه
نجر به روز کارله ظاهر اولدیکه بوزمانلرده صدیق صدوقک وجودی
محال و دوست موافق اله کیرمک تمتع الوجود بر حالدر پس اولی
اولدر که جمیع امورین توکل حقّه بنا ایلوب صداقت صدیقّه
هیج کپسه اعتماد ایتیه و هیچ بر احدی کیندویه صدیق صدوق
ورفیق شفیق ایدوکنه اعتقاد قیلیمه (قطعه لعلانی) صفین یا کلوب
دیمه ثابت اولمشدر (فلان ایلله ارامزده هزار حق حقوق)
(ایکی مشابهی وار کیمیا و سیرغک) (بری رفیق موافق بری
صدیق صدوق) (و آفات بدندندر انسان اسنده دیکنده آغز نبی الیه دفع

ایتمک زبرا پیغمبر آخر زمان علیه صلوات الرحمن * چنکه سزدن
بریکز اسنه سه الیه آغز نبی طوتسون دیو بیورمشدر و بر وایتده قیاسون
نه قدر قادر ایسه زبرا شیطان کیرر (و آفات بدندر بول اوزرنده
وصوفاقلر باشنده اوتورمق چنکه حقنی ادا ایتمسه سرور کائنات علیه
افضل الصلوات تنبیه ایدوب بیورمشدر که * صاقنک یوللرده اوتورمک
دیدیلر که یانه وار بزم اوتورمزمده یار رسول الله یولده اوتوروب ماییمزده
سویلمشورز رسول الله علیه السلام بیوردیکه اگر ابا ایتموب اوتورمق
اولورسه طریقک حقنی ادا ایلیمک و اویلمه اوتورک یار رسول الله طریقک
حقنی نه در دیدیلر بیوردیکه حرامدن کوز یکرزی یومک و اذا ویره جک
شبی یولدن کیدرک و سلام ویرندن سلام آلاک و امر بالمعروف و نهی
عن المنکر ایلیمک و یول صورانه دایمل اولوک و عاجز و ناقادره امداد
و معاونت ایدک ایمدی یوللرده اوتوران کپسه به بویله حقوقی ادا ایتمک
واجبدر ایتمز ایسه کنه کار اولمق اقتضا ایدر و اگر انده اوتورسه
اوزرینه اولمزدی آنکیچون رسول الله علیه السلام * ایاکم و الجالوس
فی الطرقات * دیوامتنی تحذیر ایلش و صاقندر مشدر (و آفات بدندر
کولکه ایلله کونش ماییمزده اوتورمق رسول الله صلی الله علیه وسلم
منع و نهی ایلوب شیطان مجلسیدر دیو بیان ایلشدر و بعض علما
سبب علمنده دیمشلر که انسانک بره مقداری کولکه ده اولوب بره مقداری
کونشده اولمغله مزاج انسانه خلل کلوب استمه امثالی مرض ظهور
ایدر اگر جمله وجودی کونشده و یا جمله کولکه ده اولسه مزاج برقرارده
اولوب تغیر کلزدی (و آفات بدندندر حلقه یچنده اوتورمق اعنت رسول
الله مظهر دوشر مکر که ناس حلقه اوتورمبوب بر برینه متصل
ازدحامده اوتوره لر بو حکمه داخل دکلدر کذلک مجلسده یوربرمزلر
ایکن ایکی کیمسه نک اراسنه کوروب اوتورمق آفات بدندر کذلک بری
مجلسدن قالقسه بنه کلمک قصدیلله انک برینه غیر یسی اوتورمسنی
پیغمبر آخر زمان علیه صلوات الرحمن نبی ایلشدر و جابر رضی الله عنه
روایت ایدر که مجلس رسول الله کادی کمزده زده بر بولسقی انده

اوتورردق ديمشدر واوتورمق آدابى دخی بيان اولمشدر (وآفات
 بدندندر مصيبت ايچون مسجده اوتورمق كذا لك تجارت وكسب
 ايچون واجرتله كابت ايچون دخی مكروهدر واجرتله سقالي ايتك
 دخی بو حكمده در) وآفات بدندر سلام آلمقده اكلك وطابق برآدم
 حضور نبي به كلوب ديركه يارسول الله بزدن برعز قرتداشيله ودوسنيله
 بو اوشد يغمده اكلورمى * لاديدى يامعائقه ايدوب اوپرمى لاديدى
 ياليله آلوب مصافحه ايدرمى نعم ديدى * بو حديث شريف دلالتيله
 فقها ديديلر كه سلامده انحناء يعنى اكلك مكروهدر وعادت مجوسى
 اولديغنى حديث اربعين شرحنده كمال پاشا زاده نقل ايلمشدر والى
 باشنه قومق نصارا عادتى وپارمغين بورنه قومق يهود عادتيدر
 ديومونلرى بومعزالدن صاقدنرمق ايچون بيان ايلمشدر مؤمنلر
 سلامى سلام عليكم ويا السلام عليكم اولوب سلام آلمقده دخی طوغرى
 طور رايكن الله اشارت ايتكسز ين سلام آلمقدن انجق وزرا لك سلامى
 آلمقده وويرمكده ظلملرنى دفعه ايچون سننه مخالفت ايدوب انحناءى علما
 جائز كورمشلردر حاجى خليفه رساله سنده علمايه دخی طلبه انحناء
 ايله لر تعظيم ايچون ديوقيد ايلش اما اولى سى ايتمكدن زيرا علما
 بلورلر كه ركوع وسجده بر عبادتدر كه الله تعالى به مخصوصدر
 آنكيچون جنازه نمازده سجده مرفوع اولديغنى كي ركوع دخی
 مرفوع اولمشدر تاكه ميتة عبادت معناسى بولمسون فتأمل (وآفات
 بدندندر سحر ايتك زيرا سحر حرامدر وتأثيرنى حقندن اعتقاد ايتموب
 يالكر اول سحر دن اعتقاد ايدرسه كافر در بوسبیدن سحر ايدن كافر در
 ديرل زيرا انلك اعتقادي اكثرى اول سحر دن ييلوب تكریدن تأثيرين يزلر
 حضرت پيغمبر صلى الله تعالى عليه وسلم بيورمشدر * بر كپسه بردوكم
 ياغلبوب او فورسه تحقيق سحر ايتش اولور و بر كپسه سحر ايلسه
 وبسنه شريك قوشمش اولور و بر حديثنده دخی بيورمشدر بزندنكلدر
 تطير ايدن ويا ايتدين و فاجليلق ايدن ويا ايتدين وسحر ايدن ويا
 ايتدين و بر كپسه بر فاجلى به واروب سوزنه ايناسنه حضرت رسول

اكرم عليه السلامه نازل اولانه كافر اولمشدر انتهى الحديث (وآفات
 بدندندر كشي بوينه ويا برعضونه آفادن حفظ ايچون تمام ايدوب
 بونجقلمر آصمق بودخی سحر مقوله سى اولمغه حرامدر و اگر تأثيرنى
 يالكر ايدن اعتقاد ايدرسه كافر در حضرت رسول اكرم عليه الصلاة
 والسلام * كشي بوينه دفعه بلای مستقبل ايچون بونجقلمر آصوب
 و افسون ايدوب و بر ايلك اوزرينه نيرنجات اوقق شر كدر و بوينه
 آصه لك الله تعالى امرينى اتمام ايتز * ديو بيورمشدر كذا لك كوز دكمك
 ايچون كوز بونجغى آصه لك الله تعالى مرادينى تحصيل ايتز بيورمشدر
 و حضرت عايشه رضی الله عنها ديمشدر كه رسول الله عليه السلامك
 منع ايتديكى تمچه اولدر كه بلا نازل اولمدين باغلانه اما بلا نازل
 اولدقدن صكره باغلانسه قايرمز بلای موجودى دفعه ايچون كذا لك
 كشينك دفعه بلا ايچون بوينه بعض آيات كريمه وادعية مجربه آصوب
 و پازوسنه بند ايتمه سى لا بأسدر (وتاتار خانپه ده ذكر اولنديغى اوزره
 جماع ايتدكده وخلايه داخل اولدقده چوزمسي لازمدر و بعض علما
 برشى ايله مستورا وليحق ذكر اولنان وقتلرده چيقارلمه سى جائزدر لكن
 اولى سى چقارمقدن ديمشدر اما ضايع اولمق و اوتتمق خوفى اولنجه چقارمق
 كرك اما اول كلمات متروكه كه يازرلر ومعناسى بولمز آهيا شراها
 مقوله سى واسماء اصحاب كهف ديوبازيلان اكثرى خطادر معناسى
 بولميين اسمائى جدا يازميدلر احتمالده كه كفر شينى يزلر * ونزل من القرآن
 ماهو شفاء ورحمة * بيورمش غيري قومك اسماسندن وكابلرندن دوا
 وشفا اومق غلطدن ناشيدر زيرا بالفرض توريه وز بوردن اولديغى
 صحيح دخی اولور ايسه اما احكامى منسوخ اولديغى كي كابت
 و قرائتلى دخی منسوخ اولمشدر (وآفات بدندندر قولنده ويا برغيري
 اعضا سنده مر كه بله طولدورب ايكته ايله درنگ كه اكا وشم ديرل
 رسول الله عليه الصلاة والسلام اوبله ايدنلره لعنت ايلمشدر كذا لك
 بوزندن قبل يولان وديشلىرى اكه ليا ن خاتونلره لعنت ايلمشدر و ايلك
 صاحندن عاريت صاچ اوره نه واوردورنه وحله ايده نه و ايتديره نه

وصفالتدن علی وجه التزین بیاض قبل یولانه لغت ایلشدر و بر حدیده
 پیورمشدر که مسلمک نوریدرانی تنف ایلک مکر که بیوقت بعض علتله
 بر بر ظهور ایده اول زمانده یولار ایسه قایمز دیمشدر کذلک صفالن
 سیاهله بویاتمی منهیدر حنا ایله اولورسه ضرر و برمز (و آفات بدندندر
 کشی بیغنی طوداغن اورتیه جک مرتبه اوزادوب قرقامق زیرایغمبر
 آخر زمان علیه صلوات الرحمن انک حقنده * بیغن اوزادوب المیان
 شفاعتمزه مستحق دکلدر * دیو پیورمشدر و افضل اولان قص شاریده
 فاش کی قیلقدرد و ط داق کنارلی تطهیر اولمقدرد و صفالن تراش
 ایتک و برقبضه سندن آرز قیوب کسمک خطا اولدیغی بیان اولندی
 وینه رسول الله علیه السلام اصحاب کزینه * بیغیزی قص ایتکده
 مبالغه ایدک و صفالکزی حالی اوزره قویک * دیو پیورمشدر و بر روایتده
 رسول الله علیه الصلاة والسلام طیه شریفلرینی طول و عرضندن
 آلدقلمری ثابتدر و کشینک پرچم قومسی و عورتک باشنک جله سنی
 و یا بعضنی تراش ایتدیرمسی کذلک حدیث شریفله نهی اولمشدرد
 حتی صبینک باشنده دخی پرچم قومدی نهی پیورمشدر (و آفات بدندندر
 تازه خاتونک مجرد ترین و تفرج ایچون آتیه بنحسی حقنده حضرت
 حبیب الله علیه الصلاة والسلام اصحابنه خطابا حدیثنده * آخر
 زمانده امتدن براز خاتونلر کلور که ارلر کی آتله بنزل و براز آدکلرور که
 کندیلری مسجد قبولینه اینزلر و براز خاتونلر کلور که اینجه لایسله عریان
 کیلدر و باشلرنده ارق دوه اورکلری کی سوری و بوکسک تاقبلری
 واردر بوا یکی قسم خاتونلره لغت ایلک زیرا انلر معلونه لردر * دیو
 پیورمشدر اما آتیه بنن خاتون عجز اولسه یا خود تازه اولوب ولکن
 ار یله بر عذر ایچون اولسه جائزدر مثلاً غزایچون و یا حج و عمره ایچون
 بنزایسه لایسلدر تاتار خایه دن منقولدر (و آفات بدندندر کشی
 تأهل ایتدیکنده احباء و اصدقا سنی سنت اورزه ضیافت ایچون طعام
 بشیرمکی رک ایتک کی حدیث صحیحده کلمشدرد که یا عبد الرحمن بن
 عوف رضی الله عنه تزوج ایتدکده بر شاة ایله ده اولور ایسه ولجه ایله

دیو امر پیورمشدر ایمدی سنتی ترک ایتک مکر و هدر شرعا و عاداتا
 ملامت اولنور (و آفات بدندندر ات رایحه سی واکا بکزر رایحه الهه
 و ارایکن کیجه ایله یاتوب ایومقی اکابناء رسول الله علیه الصلاة والسلام
 * شیطان ایزلیجی و یلایجی کلب مقوله سیدر ایمدی ائدن حذر ایلک
 الکزیده ات و بالقی رایحه سی و ارایکن بومادن کیجه ایله یاتوب او یوماک
 شاید بهق و برص کی بر مرضه مبتلا اوله سز صکر غیری کیمسه یی اوم
 ایتوب مبتلا اولان کندی نفسی اوم ایلمسون * دیو پیورمشدر
 (و آفات بدندندر عذر یوغیکن کشی یوزی قوین یا تمککه رسول الله
 صلی الله تعالی علیه وسلم ابو ذری یوزی قوین یا تور ایکن راست
 کلد کارنده مبارک ایاغیله اوروب * قاتی یا جنیدب بو بر یاتشدرد که
 الله تعالی حضرتلری اتی سومز مبعوضیدر و اهل جهنم یا تمسیدر *
 دیو پیورمشدر و جنیدب جنیدک تصغیریدر که ابو ذریک نامیدر رضی
 الله عنه (و آفات بدندندر قورقولغی اولمیان و اکسز دوشمک احتمالی
 اولان طامک اوستنده یا تمق بونک حقنده حضرت پیغمبر آخر زمان
 علیه صلوات الرحمن * بو کونا طامک اوزرنده یاتوب او یو یان عصمتی
 ازاله ایتمش اولور و پروایتده دی هدردر * دیو پیورمشدر (و آفات
 بدندندر کشی سفر ایتدکده مجرد لهو ایچون کلب و یا جرسکه قترل
 بوینه باغلرل یا تنجه کتورمک مذکور علت ایچون اولور ایسه انلرک
 حقنده رسول الله علیه الصلاة والسلام پیورمشدر که * ملائکه اول
 مسافرله رفیق اولماز کلب اولدیغیچون و جرس شیطان مزامیرندن
 اولمغله شیطان رفیق اولور بیان ایتشدرد اما کلب اگر صید ایچون
 و یا حفظ دایه ایچون اولور ایسه و جرس دخی نشاط دایه کی اعراض
 صحیحه ایچون اولور ایسه لایسلدر (و آفات بدندندر عورتک اری
 و یا اوغلی و یا قرنداشی و یا بر محرمی یوغیکن اوج کونلاک یوله سفر
 ایتسی حرامدر زیرا حضرت پیغمبر صلی الله تعالی علیه وسلم دن
 بر روایتده کلمشدرد که * عورتک اری و یا غیر محرمی یوغیکن اوج
 کونلاک یوله کتسی حلال دکلدر و بر روایتده ایکی کونلاک و بر روایتده

برکونک کلمه شد در پس بزم مذهب زده اوج کونک اولنج به بالاتفاق
 حرام در برکون و یا ایکی کونک روایت کرده اختلاف وارد اما کراهت
 تحریمیدن بریسی خالی دکلدر (و آفات بدندندر آنه بنوب بریده طول
 و دراز طور و باندن ایتمک بونک حقه حضرت سرور انبیا علیه
 الصلاة والسلام نهی ایدوب * لاتخذوا ظهور دوا بکم کراسی *
 پیور مشدر یعنی طوارل یکنز ارقه لرینی کر سیلر اتخا ایتک مکر که
 سوار اولان آدم خسته و یا پیر و یا ناقادر اولوب اینکده و بنکده عمل
 کثیره احتیاجی اوله و یا سرکش اولوب قاچق احتمالی اوله اول وقتلرده
 نمازین دخی آت اوزرنده قیلغه رخصت و پر مشلدر معاون بولنمادیخی
 صورتلرده (و آفات مذکوره دندر بر یا ایکی کیشنک اوج کونک بوله سفر
 ایتمسی عذر یوغیکن و بونک حقه رسول اکرم علیه الصلاة والسلام
 * اگر بو وحدته نه آفت اولدیغنی ناس بله لردی کیجه ایله بر آتلی بالکن
 یور عزدی * پیور مشدر و بر حدیثنده دخی شیطان بروایکی آدمه قصد
 ایدر اما اوج اولسه قصد ایتمز و اگر رفقا بولنمبوب یا خود بر رفیق
 بولنمبوب و بحسب الشرع سفر ظهور ایتسه عذر در و محذور تحتند
 داخل دکلدر و اوج کونک اولمدقده بالکن کتمک ممنوع دکلدر (و آفات
 مرقومه دندر سفر ایدنلر ایچلرندن برینی باش و بوغ ایتملری حتی سفر
 ایدن اوج نفر و یا زیاده اولنجه ایچلرندن برینی امیر ایتمکه طرف شریعتدن
 مأمورلدر) (و آفات مذکوره دندر برکشی صوغان و سارمساق کپی
 بدر ایجه لی شبنی یدکده اغزینک رایجه سیله مسجد و جماعته و ارمسی
 بودخی مکروه و منهیدر زیرا پیغمبر علیه الصلاة والسلام پیور مشدر که
 * بر کیمسه صوغان و یا سارمساق یسه مسجد عزدن آیرلسون و اوئده
 اوتورسون و بر روایتده کراث و ترب کلمشدر کراث پراسه دید کلریدر
 (و آفات مذکوره دن بری ترک صلات ایتمکدر بالقصد عذر شرعیسی
 یوغیکن و بوگاه کائرک اعظمیدر امام منذری رحمه الله دیر که صحابه دن
 عمر بن الخطاب و ابن مسعود و ابن عباس و معاذ بن جبل و جابر بن
 عبد الله و ابوالدرداء رضی الله عنهم اجمعین و مجتهدیندن احمد بن حنبل

و غیر یلری

و غیر یلری عمدا ترک صلات کفر اولدیغنه ذاهب اولمشلدر (و آفات
 مذکوره دندری کشی فرض اولان ابدستی و غسلی ترک ایتمک کذلک جماعتی
 ترک ایتمک زیرا امام اعظم قتلده قول اقواده واجبدر و امام منذری
 دیمشدر که صحابه کباردن ابن مسعود و ابو موسی الاشعری کبی بر جماعت
 و تابعیندن احمد بن حنبل و عطاء و ابو ثوری جماعتک فرض اولسنه
 ذاهب اولمشلدر (و آفات مذکوره دندر تعدیل ارکانی و تسویه
 صفوفی و موافقت امامی ترک ایتمک و هر سنت مؤکده بی ترک ایتمک
 و رمضان شریفک اون آخرکی کونلرینی اعتکاف ایتمک و تراویحی
 قیلامق و انده جماعتی ترک ایتمک زیرا کفایت اوزره سنتدر و جمله
 تراویحه ختم قرآنی ترک ایتمک و هر کراهت تحریمیه اولان مکروهی
 ایشلک آفات دندر عقابه مستحق و انور کذلک بلا عذر جمعه بی ترک ایتمک
 و زکوتی ترک ایتمک حالبو که بودخی کاه کائر دندر و بلا عذر صوم
 رمضان بی ترک ایتمک (و آفات مذکوره دندر کفارتی و قضائی و نذر ایلمدیکی
 عمل صالحی ترک ایتمک و غنی کیمسه صدقه فطری و قربانی ترک ایتمک
 زیرا بونلر واجبدر (و آفات بدندندر حج فرضی ترک ایتمک حضرت
 رسول اکرم صلی الله تعالی علیه وسلم پیور مشدر بر کیمسه که کندینی
 بیت الله اولاشدیر اچق زاد و راحله به قادر اولسه و حج ایلمسه دیلر سه
 یهودی لین اولسرن دیلر سه نصرانی لین اولسون دیو تغلیظا امتی
 قور قودوب پیور مشلدر و اگر فرضینی انکار ایدوب کتمسه حقیقتده
 دینی تبدیل ایتمش اولور (و آفاتدن بری غزایی ترک ایتمکدر اگر نفیر
 عام اولور سه فرض عیندر و اگر اولور سه فرض کفایه در کفار ایله
 جنگدن قاچق کفار مسلمینک ضعیفی اولمدقده یعنی باش اولنجه
 قاچق حرامدر کافر ایکی اولنجه حرام دکلدر حضرت سرور انبیا
 علیه صلوات الرحمن پیور مشدر یدی هلاک ایدیخی شیدن اجتناب
 ایلمک بری الله تعالی به شرکدن ایکنی سهردن اوچنی بغیر حق قتل
 نفس ایتمدن در دنی ریبا خور لقدن بشنی یتیم مالین یمدن التخی
 جنک کوننده قاچدن یدنی پاکیزه مؤمنلری قذف ایتمدن (و آفات

مذکوره دن بری عینه در که ترکیده ا کا مارده تعبیر ایدرلر واقعا عاقبتنده
 مار ویرتی بر معامله در که بر کپسه کلوب بیک اچقه قرض حسن اسنسه
 نفسک ثواب باقی به راضی اولیوب نفع فانی به الدانوب بیک اچقه یا نجه
 بشپوز اچقه لقی بر متاعی دخی بیک اچقه به صانوب مستقرضک اوزرینه
 ایکی بیک اچقه قرض یازه سن عینه مارده بو کما دیرلر حضرت
 رسول علیه السلام بو خصوصده تنبیه ایدوب بیورمشدر عینه ایله
 بازار ایتکه باشد یغکده واکچیلکه راضی اولوب صغرقورقلرینه
 یا شوب غزایی ترک ایتدی ککرده الله تعالی سزک اوزر یکره ذلت و خوراق
 مسلط ایدوب طریق حققه رجوع ایدنجه سزدن ذاتی ایندرمه
 کرکدر وفقها دیمشدر (ایاکم والعینه فانها لعینه) یعنی
 عینه دن صانک زیرا لعینه در للودادی المرحوم (بیت)
 عینه اولدی چون لعینه هم براسمی مارده

طکمی عین مارا ولورسه اسبته اول نارد
 وصاحب هدایه کراهتیه تصریح ایشدر وبالجمله احترازی لازمه در
 وآفات مذکوره دن بری قرآن عظیمی اوکرنده کد نصرکه اونو تمق
 وکوزی باقوب او قویا تمق خطادر سرور انبیا علیه صلوات الرحمن
 بیورمشدر بکا اتمک جیعا اجر و عوضلری عرض اولدی حتی
 مسجد دن چیقاردقلری چور چوبک اجر لینه واریجه و اتمک
 کاهلری دخی عرض اولور پس اندن اولو کاه کوردم که
 بر آدم قرآن عظیم دن برایت ویا بر سوره اوکرنه وائی اونوده (وآفات
 مذکوره دندر شهره صانلق ایچون کلان شبنی قارشولوب الملق وکوبلی
 کتوردیکی شبنی شهرلی وکالة اوتوروب صانلق وکپسه نک بازاری
 اوزرینه کلک و بازار شمع و برکپسه نک خاتون اسنسه سی اوزرینه
 کلوب اسنک اولکی دیلیه نک رضاسی یوغیکن وحتکرلک ایلک وایکی
 صغیر مملوک ماینینی آیرمق یا خود صغیره کبر ماینینی آیرمق ماینلرنده
 قرابت محرمیت واریکن (کذلک آفات مذکوره دندر غنی آدم دینی
 تأخیر ایتسی بو خصوصده حضرت پیغمبر علیه الصلاة والسلام

*دینه قدرتی اولوب ادا ایتمک ظلمدر * دیو بیورمشدر و شبه دن
 رجوع ایلک کذلک منهیدر تنکیم رسول الله علیه السلام *هیه سندن
 رجوع ایدن کپسه بی قبئنی دنوب بین کلبه تشبیه ایتمشدر * کذلک آفات
 مذکوره دندر صید ایچون و حراست حیوان و خرسزلر خوفی مقوله سی
 ایچون غرض صحیح ایله دکل ایکن کلب بسلک بونک حقنده سرور
 کائنات علیه افضل الصلوات * برکپسه کلب بسلسه صید و حیوان
 ایچون دکل ایکن هر کون عملندن ایکی قیراط اکسیلور که هر قیراطی
 احد طاغی قدردر * بیورمشدر واکر صاحبی کلبی صوقاغه صالیو یروب
 قوکشیلرینی تعجیز ایدر ایه اول قوکشیلرینه انی منع ایتدرمک واردر
 واکر ابا ایدر ایه حاکمه کتورهلر و منع اولنه کذلک بر آدمک طاوقلری
 و بوزاغی مقوله سی حیوانی تعجیز ایه حاکمه کتوروب منع ایتدرمک
 واردر (وآفات مرقومه دندر قبورده شمع و قندیل یا قی زیرا اسراف
 و بدعت و ضلالتدر) وینه آفات دندر قبورده مساجد اتخاذ ایدوب
 تربلری مسجد ایدنک و بونک حقنده دخی رسول اکرم علیه الصلاة
 والسلام قبوری مسجد اتخاذ ایدنله و چراغ یا قنلره لعنت ایتمشدر
 (وآفات مذکوره دندر نماز قلیان عورتی طوتمق بر مانع قوی یوغبسه
 خلاصه ده دیمشدر که بر آدمک عورتی اولوب نمازین قلماز ایه تطابق
 ایلسون) شیخ ابو حفص کبیر دیمشدر که حضور حق واریغده نکاحی
 بورجی بوینده اولق یکدر نماز قلیان عورتله حضور حق واریغده
 (وآفات مذکوره دندر حفظنی قصد ایتکسزین کتب شریعتی
 یصدیق ایدینوب اوزرینه یا تمق) خلاصه ده دیمشدر که برکپسه
 ایچنده اخبار نبی اولان کاغذلری باشی الته یصدیق ایلسه اگر حفظنی
 قصد ایدر ایه مکروه دکلدر قصد ایتز ایه مکروهدر (و محیطده
 دخی دیمشدر بر آدمک چوال ایچنده قراندن بر شبنله سکه انمش اچقه سی
 اولسه ویا کتب فقه ویا تفسیر ویا مصحف اولسه اول چوال اوزرنده
 اونورسه ویا او بوسه اگر قصدی انی حفظ ایتک ایه قایرمن و بونک
 جنسی سابقده یکدی واکر اسم اللهی بر کاغذ اوزرینه یازوب دوشمه

الله قوسه واوزرنده اوتورسه مكره دكلدر دینلشدر نكیم بریت
 ایچنده آیات اللهدن برشی اولوب فوقانیسنده اوتوران قایرمن واکر
 مصحفی ویا کتب شریعتی دایه اوزرنده چواله قوسه وصاحبی چوال
 اوزرنه بنسه مكره دكلدر (وآفات مذکورده دندر اسم الله اولان
 کاغذک اوزرنه برشی قومق کرک کاتب ظاهرنده اولسون استر
 باطننده اولسون بس برابرر اما کبسه که اوزرنده اسم الله یازلمش اوله
 یونک خلافتجه در زیر کبسه تعظیم اولور کاغذ ایسه خور طوتلور
 کذلک بردوشمه ویا سجاده اولسه که اوزرنده الملك لله یازلمش دشمنی
 واوزرنده اوتورسی واستعمالی مکر وهدر حتی حروفدن بعض حرف
 قطع اولوب یاخود بعض حرفی کیدر لسه وکله متصل قالمسه بنه
 کراحت زائل اولمز وسفره وایریق وبردق بو حکمده در که اوزرنده
 بیت یا مصراع ویا کله ویا حرف یازلمش اوله (وآفات مذکورده دندر
 بیتنده چنکی طوتوسی اگر استعمال ایتز سده طوتوسی کاهدر آلات
 لهودخی بویله در زیر عادتالیهو ایچون طوتلور (وآفات مرقومه دندر
 مسجدده سائله تصدق ایلمک مکر که محتاج اوله وناسک بیونلارینی
 چکنیه ومصلی اوکندن کچمه بوتقدیر جه قول مختار اوزره قایرمن
 کذلک مسرف اولانه یاخود معصیتیه صرف ایده نه تصدق ایتمک
 مکر وهدر (وآفات مذکورده دندر غلطله آلدیغی بداله انتفاع ایتمک
 کرک صاحبی بلسین کرک بلسین زیر القطه کی اولور پس غنی ایسه
 انکله انتفاع حرام اولور مکر که بفقیره تصدق ایدوب بنه کندنه
 یاغشلاده واکر فقیر ایسه بعدالتعریف قوللاندره مثلاً برآدم کندی
 یا بوجین بولوب ویا کسوه سین بولوب اکابدل غیر بسین بولوب کبسه
 بیان اولندیغی وجهله عمل ایتمک کرک (وآفات مرقومه دندر بر کبسه
 کرهله صاتلنی یاخود والی خوفدن راضی اولندیغی زخله صاتسه
 آلمسی وانکله انتفاع ایتسی حلال دكلدر و بومقوله برده حیلۀ شرعیه
 بودر که بایعیه دیه که بندن خوفی اتمه بن سنک ضرر بیکه قائل دکل
 نه ایله سن راضی ایسک اول بهایی بن ویریم دیو بایعله رضالشهقددر

خلاصه ده وغیریده بویله در (آفات مرقومه دندر صدقه بذاته وکیل
 اولان کیمسه صدقه دن کندی نفسنه آلمق موکلك اذنی یوغیکن
 بودخی جائز دكلدر (وآفات بدندندر کندی نفسندن دفع غرقه قادر
 اولمیان کیمسه بلا ضروره کی ایله بحره کیرمک جائز دكلدر (ذخیره ده
 دیمشدر که بر کیمسه تجارت ایچون یاخود غیری ایچون کی به بتمک
 اسنسه اسکرشو حالده اولسه که کی غرق اولسه کندی نفسندن
 یوزمکله یاخود غیری حال ایله غرقی منع ایده بلور ایسه کی به بتمک
 اکا حلالدر اما دفع غرقه قدرتی یوغیسه حلال دكلدر وحديث
 شریفده کلمشدر که *بحره بتمز الاحج ایچون یاخود غزا ایچون *دیو
 بیورلمشدر واندندر بقاله بر مقدار ارجه قرض و یروب لوازم بیتنه بر مقدار
 تدر یحله اندن المق بودخی مکر وهدر خوف طریقیدن ناشی آخره
 بر مقدار مال قرض ویردیکی کی تا کده بتوررسه تضمین ابتدییه اما
 لایق اولان بودر که بقاله امانت طریقیله و یروب بر مقدار کیرویه اله
 تا که ضایع اولورسه بقاله ضمان لازم کلیه وآفات بدندندر بلبل وقری
 مقوله سنی قفسده حبس ایلمک تانار خانه ده ذکر اولند یغی اوزره
 جائز دكلدر لکن دجاجة و بط مقوله سنی سمرتمک ایچون وشهباز و باز
 مقوله سنی صید او کرتمک ایچون جائزدر وافات دندر کشی قرآن عظیم
 او قورکن اشرافدن بری کلد که قیام ایتمک بودخی جائز دكلدر
 مکر کلان عالم ویا استادی ویا پدری اوله اول زمان قالفارسه لا بأسدر
 وافات دندر کشتنک اول نهار و آخر نهاده وعشائین ییننده بلا ضروره
 او یومه سی مکر وهدر و مستحب اولان قیلوله در که نصف نهاده
 او یومه دیرلر (وشیخ شعراوی رحمه الله دیمشدر که سید علی خواص
 تنبیه ایدردیکه اوقات منهیه ده او یومه دن اجتناب ایلمک بری صباح
 نمازنده کونش طوغنجه وبری صلاة عصر دن اخشامه وارنجه
 بر کیمسه که بو وقتلرده او یومه تحقیق نفسنی هلا که وطبعی فساد
 براقش اولور واولور که عقلی کیدوب جاموس و بقر کی ادراکدن
 بعید قالور (وشیخ افضل الدین دیمشدر بو وقتلردن غیری اوقانده دخی

چوق او یومه دن اجتناب ایلیک زیرا غفلت ونسیان کتورر وبالغ
 وسودایی جو غالدرومعه بی ضعیف واغزی قوقودرو کوزضعفی
 وبروب کوزه پرده اندیرر وجاعه ضعف کتورر وحاصل اولان اولاد
 مرضی اولور اما اول ایکی وقتده اولان نومک ضررینک وصفنه
 قادر دکل عقل ونفسده وصفات انسانیتده ویردیکی مفسده لری تقریر
 کلز ایمی کوندرده او یومق بلا حاجه مضردر الایاز کونلرنده کلجک
 کیجه نک احیاسنه امداد ایچون قیلوله مستحیدر (وآفات بدننددر
 کسبنک راس و عانه بی وقص اظفار وشاربی وقو اتوق قبلن
 کیدرمه سنی ترک ایلمک وافضل اولان بومذکورائی هر هفته ایتمی
 وحدار بعین تأخیرینک غایتیدر وماوراسنه تأخیرایدن وعیده مستحق
 اولور وکشی بورنی ایچنده اولان قیللری یولقی آکله مرضی کتورر
 اول سبدن قرقق لازم ایدیکنی امام زاهدی قنبه ده ذکر ایتمشدر
 (منیری مرحوم بو محله دیرکه مصنف مرحوم قهوه ایله دخان
 آفتنی بو محله ذکر ایلمش کندی زماننده شایع اولدیغندن اوتوری
 اما قهوه اصلنده مباح ایسه ده غیر یسنه مجاورتله ممنوع وافتدر
 مثلا فساق قهوه خانه ده جمع اولملری وانواع لاهی به و مساوی به
 دوشملرینه باعثدر اما کندی خلوت خانه لرنده دفع نوم ایچون ویا هضم
 طعام ایچون ویا بحسب العاده توقیر مهمان ایچون ودفع کسل ایچون
 اولجه لابأسدر اما دخان ظن غالبده بودر که اشراط ساعتدن وعد
 اولنان دخانر احادیثده وصف اولندیغنی اوزره فساق واهل نفاق
 ما پینده قرقق ییل مقصداری شیوع بولدقده اصلیه ترک اولماسنه
 پیک اون سکن تار یخنده قبل سلطنتدن فتوای شرعی وفرمان عالی ایله
 تنبیه اولندی ولله در الساعی علی التنبیه فیه منیرینک ترجمه کلامیدر
 ایمی دی بوضفده دخی سکساندن متجاوز آفات ذکر اولوب اگرچه
 بعضیسی آفات سابقه ده داخل ایسه ده لکن زیاده شهرتندن وخلق
 انلری معناد ایلدیگندن اوتوری ذکر ایلمک ایمی دی ای سالک بلش
 اولکه مجموع تقوی بو ذکر اولنان آفادن اعضای سبعة بی وقلیکی

و جمع بدنکی حفظ ایتمکله و ترکی آفت اولانلری ترک ایتمکله حاصلدر
 پس بونک جمله سندن مقصود تصحیح اعتقاد و علم حال و تقوادر
 زیرا بونلر جمع لوازم انسانیه جامعه درکه علم حال تصحیح اقوال
 و افعالدن عبارتدر و بونلر عذاب الله دن و عتاب و سخطندن دنیاده
 وقبرده وما بعدنده خلاص اولغه ونجات بولغه کافیدر و بواوچدن
 ماعداسی زیاده در جاتدر اندنصکره ییلکه صحت اعتقاد علم حاله
 داخلدر و علم حال تقوایه داخلدر زیرا علم حال فرض عیندر
 فرض عینک ترکی حرامدر که اندن صیانت واجبدر ایمی جمله سی
 تقوایه داخل اولوب امر دینه کافیه و وافی انجیق تقوی اولدی زیرا
 تقوی آخرته ضرر ویره جک شیدن اجتناب اولدی حتی کراحت
 تحریمی دخی اجتناب تحتنه داخل اولدی و آفادن معدود اولدی
 ایمی جمله دن مقصود تقوی اولدیغندن اوتوری کتب الله ده و حدیث
 رسول الله ده تقوی ایله فرمان ووصیت وانبیا واولیا و صالحین کلامنده
 انکله پند و نصیحت چوق واقع اولمشدر ومذهبه زده ایکی دفعه
 خطبه ده ذکر ایتمک سنتدر وشافعی مذهبنده فرض اولمشدر
 ومشایخ سلفک اهتمام واجتهادی بواولوب باخصوص حقوق عباد
 وحقوق حیواننده نه مرتبه اهتماملری اولدیغنی بو حکایه دن فهم
 اولور بردفعه ابراهیم ادهم بردابه کرا لدی عمان نام بلده به وارنجه
 یولده کیدر کن اتفاق الندن قامچبسی دوشمش دابه بی بر محله
 بغلیوب کندیسی قامچبسی المغه کیر ویا یا نجه دوندی دیدیلر که
 طوارک باشنی چوبروب طوارله کیدوب السه کز اولرمی ایدی ابراهیم
 ادهم ایدی بن بودابه بی برکتک ایچون کرا لدم کیر ویه دونمک
 ایچون بارشدم امام نخعی حضر تلرندن دخی بومنوال اوزره روایت
 اولور عبدالله بن مبارک شامده حدیث شریف یزارایکن قلمی شکست
 اولوب عاریت بر قلم آلدی کلبندن فارغ اولدقده قلمی اونودوب قلم دانه به
 قودی مرو نام شهره کلدیکنده قلمی کوروب بلدی و قلمی رد ایتمکچون
 تکرار شام شریفه عزیمت ایلدی ویا یزید بسطامی قدس سره

همدان شهرندن عصفرتخمی صانوان آلوب بسطامه کادیکنده تخم
اراسنده قالمش ایکی قرنجیه کوردی انلری وطنلرندن ایردیغنه دقت
ایدوب انک اچلیچون تکرار همدانه کیدوب غله لری وطنلرینه ایصال
ایلدی وینه بردفعه بایزید صحرا ده ثوبی غسل ایلش رفیقی دیمشکه
باغ دیواری اوزرینه قورتمق ایچون ثوبی قویالم بایزید دیواره رضا سنز
چوی قاقه دیمش رفیقی دیمشکه اغاج بوداقلرینه سرهلم بایزید دیمشکه
قورقورم بر بوداغی قرمسون رفیقی دیمشکه چن اوزرینه دوشیهلم
بایزید دیمشکه اولمز حیوانات علفدر بلکه انی حیوانات یمیه لرس
ثوبی ارقه سنه قیوب برجانبی بعده آخر جانبی کونشه قارشو قورتمشدر
وامام اعظم دن روایت اولنور که بور جلیسنک اغاجی کولکه سنده
اوتور میوب (کل فرض جرنفعا فهور با) خبرده کلمشدر دیور با اولسندن
صاقنوردی و مشایخک بعضی بریره کتمک ایچون بردابه کرالر پس
بر آدم اکابر مکتوب کتورمسنی تکلیف ایدر که اول کیده جک یرده
خلان کیمسه یه ویره سک دیوشیخ صبرایله کراجیدن اذن الیم زیرا
بارشدیغمزده زیاده برشی کتوره حکم انکامشم دیمشدر ایمدی نظرایله
بوائمه عظامک و مشایخ کرامک حالنه و بوزمانه مشایخک مساهله
و مسامحه سنه تا که انلرکی زی و هبتلرینه و ترین کلام و حسن عبارلرینه
الدائمه سک (شیخ شعرای تزییه المغترینده دیر که سلف صالحین
اخلاقنددر تقواده شدت دقتلری و متقی اولدقلرینه دعوی ایتمه لری
زیرا کاهی اوور که الله تعالی عبدی مثقال ذره ایله مؤاخذه ایلر اما
بوزمانه ده بوغریبدر ناسک اکثریسی تقوی دهواسنده در و صباح
واخشامده ریلرینه ذکر ایله قانع اولمشلدر اما هیچ نفسلرینی اقوال
و افعاللرینه و طعام و شراب و لباسلرینه محاسبه ایتزلر بلکه نیجه سی
صورت و عمامه ایله شیخدر اما افعال و اقواللرینه فسقه و منافقیندن
معدود در حالبو که عمر بن عبد العزیز دیمشدر بر کیمسه مقام تقوایه
واصل اولمز مادامکه دنیا ده و آخرته کنندینی رسوای ایده جک قولی
و فعلی ترک ایتدیکه وینه دیمشدر که تقوی صیام نهار و قیام لیلایله

دکدر مایلرنده شهواته مخالط ایکن انجیق تقوی الله تعالی حرام ایلدیکنی
ترك و فرض ایلدیکنی ادا در بوند نصکره هر نه زیاده ایدرایسه نور علی
نور خیر اوزرینه خیردر وینه دیمشدر که متقی محتاجدر که شریعتک
کلبسنی عالم اوله واکر اولمزسه تقوایه چبقار خبری یوغیکن انتهی
ایمدی معلوم اولدیکه تقوی علم شریعت اوزرینه موقوفدر و مقتضایه
عمل بولمغله تقوی حاصل اولور و شیخ شعرای دیمشدر که بر کیمسه نک
عملیه عملی اولسه اندن اولو کرامت و مکاشفیه علامت استمک مبتلیر
و ناقص لر و اهل شک عادی در علم و عملدن اعظم و اهل تقوایه اکرم
نه وار که طلب اولنه (۱۷) او چنجی باب (۱۸)

اول امور بیانده در که تقوایه نوع مشابهتی اولمغله فی زمانه بعض زاهدلر
انلره دوشمکله تقوایه ظن ایدرلر حالبو که برشی دکدر بلکه بدعتدر که
صدر اولد نصکره ظهور ایدوب و سوسه دن وزهد باردن معدود در
اشباه و نظائر ده زهد بارده صاحبنه تعذیر وارد دیو بیان ایلشلر در
وزهد بارد اکادیرلر که مثلاً بر خرما کی شیء حقیری تعریف ایلوب
صاحبن ارایه انتهی و بوامور مذکوره چوقدر و لکن اعظمی او چدر
و هر بری بر فصلده بیان اولنور ان شاء الله تعالی (فصل اول طهارت
و نجاسته دقت بیانده در * معلوم اوله که بویا کیمسنده دقتدن مراد
صویک جوق دو کلمسی و سنندن آشمسی و نجاستی تمامیه یوموب ازاله
ایتمسی و پاک اشیا بی یومسی و ماء طاهری نجس عد ایتمسی و استعمالندن
صافتمسی مجرد و همله و تلاوت قرآنی و یادکر و فکرینی بواشغالله ترك
ایلمک واقع اولوب و بعض مکروهلر بوسه بیلله ارتکاب واقع اولوب
نمازینی وقت مکروهه تأخیر و کندینه مخصوص ایدوب غیر ابر یقندن
ابدست آلمق کی و انک ابر یقندن غیر یسنی آلدرمق کی و سجاده
تخصیص ایدوب غیر کی کیمسه انده قلمق کی و صویک و قایک و مکاک
و لباسک و دشمنه نک نجاستنه اماره ظاهره یوغیکن طهارتندن سؤال
ایتمک کی و بوسه ابریزورع بارد مقوله سی احوالک بیان ایتک لازم
کادی ایمدی بو فصل درت نوع اولور پس اولکی نوعی طهارت

خصوصه دقتله تفتیش و تفحص بدعت اولوب حضرت پیغمبر علیه السلامدن و صحابه و تابعین و سلف صالحیندن واقع اولدیغی دقتی دقت ایتمکدن منع ایلدکلریدر و بودخی ایکی صنفله بیان اولنور صنف اول رسول الله علیه السلامدن و اصحاب کزیندن بو خصوصده واقع اولان احوال بیاننده در (ابوسعید خدری رضی الله عنه روایت ایدر که بردفعه سرور کائنات علیه افضل الصلوات نعلینله نماز قیلار ایکن نعلین چقاروب صول طرفنه قودی اصحاب انی کورنجه جمله سی نعلیننی چیقاروب براقدی رسول الله علیه السلام نمازی تمام ایتدکده سزه نه اولدیکه نعلینکری ایندر دیکز دیدیلر که یارسول الله سزی خلع ایتدیککری کوردک بزخی چیقاردق حضرت رسول اکرم پیوردیکه بکا جبرائیل کلوب خبر ووردیکه نعلینده نجاست وارد سزدن بیکرک نعلینده نجاست اولسه ترابه مسح ایلسون و انکله قیلسون و بروایتده تراب انک طهوریدر بیورمش کذلک برحدیثده بیورمشکه یهودیلره مخالفت ایدک زیرا انلر پاپوج و مستلریله قیلازلر (وانس بن مالک دیمشدر که حضرت رسول علیه السلام نعلینله نماز قیلاردی و انس بن مالک رضی الله عنه روایت ایدر که والده سی ملیکه نام خاتون براقردیغی طعامه حضرت محمد صلی الله تعالی علیه وسلمی دعوت ایدوب جال شریغیله فقیرخانه مرزی مشرف ایلدکلرنده بعد الطعام قالقک نماز قیللام دیدیلر بیتزده قرارمش کهنه حصیرک اوزرنده طوروب جناب عزتلی اما متهمه کوب بن بریتیمله صف اولوب اردمزه عجز طوروب ایکی رکعت نماز قیلدق و دونوب دولت خانه لرینه کیتدیلر دیو نقل ایتشدر و بریهودی خبر و لحظه حضرت قیاضت و قوزیی زهرلیان یهودیه نک طعامندن یدیکی و برمشرکه نک بارداغندن آبدست الدیغی ثابت اولمشدر امدی بونلر بزه دنیلدر که بویله برده تردد و شکله دوشمبوب سنت نبویه اقتدا ایدمزه کذلک و سوسه دفعه چون حدیث شریفده بیورمشدر سزدن بیکرک چنکه بطننده برشی دو یوب شکله دوشسه عجبانه بدن برشی چیقادی اوله دیو پس

اول کیمسه مسجد دن چقمسون مادامکه برس و یاریج اشتبه و پروایتده نماز یکرده بویله برشبهه عارض اولسه مادامکه صوت و یاریج ظاهر اولیه نمازین قومسون دیو بیورمشدر و بردفعه جاریه حضرت عایشه رضی الله تعالی عنیهایه هر یسه طعامن کتوروب نماز قیلار بولدی پس حضرت عایشه انده قومه سین اشارت ایلدی پس نمازین تمام ایتمدن برهره کلوب طعامدن یددی بعده عایشه صدیقه طعامه یاشوب هر یدیکی محلدن یددی و دیدیکه هر نهجه دکلدر طوافین دندر حضرت رسولدن بویله ایشتمشم و حضرت رسول دخی هر نک فضل آیه آبدست الوریادی دیمشدر و عبد الله بن مغفل رضی الله تعالی عنه بردفعه اوغلندن بودعایی ایشتمدی (اللهم انی اسئلك القصر الاخص عن یمین الجنة) پس باباسی ایتدی هی اوغل الله تعالیدن جنت استه و جهنمدن استعاذه ایله زیرا بن حضرت رسولدن ایشتمشم که دیمشدر یقین زمانده بوامندن بر قوم اولسه کرکدر پاکلقده و دعاده حدندن تجاوز ایدرلر امام غزالی احیاء علومده دیمشدر اولکیلرک جمیع همتی قلوبی تطهیرده اولوب ظاهرینی تساهل اوزره ایدیلر حتی عمر فاروق رضی الله تعالی عنه حضرت تیرینک علو منصبی و شان عظمی و ارایکن ینه بر نصرانیه نک دستی سندن آبدست المشدر و ابوهریره رضی الله تعالی عنه و اصحاب صفه دن غیر یلری دخی دیمشدر که بریان یدکدنصکره نمازه طوروق اقتضا ایدر ایدی والیریمزی صوابله یوما یوب چاقل ایچنه صوقوب پارمه لیریمزی طیراق ایله اوواردق و تکبیر ایدوب نمازه طورردق و اصحاب صفه یالکزن طاشله استنجاء ایدرلردی و حضرت عمر رضی الله تعالی عنه دیرایدیکه بز حضرت رسول اکرم زمانده اشنان و صابون نه اولدیغن بیلز ایدک مندلریمز ایامز طبانی ایدی امدی بو آثار و اخبار دلالت ایدر که طهارتده دقت سنت نبوی دکلدر اصحاب کرام رضی الله تعالی عنهم صوقاقلرده یالن ایاق کزوب آلوده طین و غبار اولوب مسجدلرنده قوری بر اوزرنده نماز قیلوب کندم و شعر دوکد کلرنده اوزر لرینه

دابه را بول ایدرکن بنه هر برینک دقبقتدن سیوب و فرس و ابلاک عرقندن
 احتراز ایتموب و دقایق نجاساتدن سؤال ایتمک برندن واقع اولماش ایکن
 الا آنوقت بر طائفه به کلدیکه ماشطه عروسی تزین ایدرکی ظاهرلری
 بزه یوب و باطنلری کبر و عجب و ریاضات خباتیل طولد بروب بو اوضاعی
 منکر دخی **ک**ورموب بورعوتی نظافت و پاکلک تسمیه ایدوب
 مبنای دین در دیرل و صحابه نك بو اوضاعی رذالت کورلر حتی ادنا
 پایه ده اولان کیمسه اگر ساده جه حجرله استنجایلمسه و یا خود قوری بر
 اوزرنده یا خود سجاده سبز مسجد حصیرلرنده نماز قیلمسه و یا خود
 بر عجزلک ابر یغندن آبدست آلمسه و یا بدلی طولی آدمک برداغندن صو
 ایچسه قیامت قورلر ایدی و اوزرینه انکار عظیم ایله انکار ایدوب
 مرداردر دیوزمره لرندن چقارلر ایدی و بیله ییمه دن واختلاطدن
 منع ایدرل ایدی و بالجمله آیین سلفه نه مرتبه تغیر کلوب منکر معروف
 و معروف منکر اولمشدر دیو امام بر **ک**وی زمانه سی طورندن حکایه
 ایتمشدر (و شیخ شعراوی بو معناده حدیث شریف نقل ایدر
 (لاتقوم الساعة حتى تصیر البدعة سنة فاذا ترك البدعة يقول الناس
 ترک السنة) انتهى من التنبيه معنای بودر که قیامت قورلر
 مادامکه بدعت سنت اولمه چکنکه بر بدعت ترك اولنسه سنت ترك
 اولندی دیرل تنبیه المغترین ده مذکوردر و بنه دیمشدر که سلف صالح
 اصحابی کتاب وسنته قید و بدعتدن اجتنابله امر ایدرل ایدی حتی
 عمر بن الخطاب رضی الله تعالی عنهمه واقع اولوردیکه بعض امور عزم
 ایدردی همدان بر شخص بونی حضرت رسول الله اشلمدی دینجه اندن
 رجوع ایدردی پس بر دفعه خلافتی زمانده قصد ایدیکه ناسه
 امر ایلمه اوزرلرنده اولان لباسی اندیره لر خبر ایدیکه اول رنگ لباس
 عجزه لک بولبله یو یانور ایش پس بر شخص دیدیکه یا امیر المؤمنین
 حضرت رسول اکرم علیه الصلوة والسلام اونوع لباسی کیوب عصر
 شریفنده دخی کیلمدی کیمسه بی منع ایتمدی عمر فاروق قصدندن
 رجوع ایدوب استغفار ایلدی کذلک امام زین العابدین سکک نجاستدن

قالقوب لباسی اوزرینه قوندیغن کور یچک اوغلنه دیدیکه بزم ایچون
 بر ثوب اتخاذا یله که قضاء حاجت قتنده کیوب نمازه شروع ایتدیکمده
 نزاع ایده یم اوغلی دیدیکه ای پدر بلور سنکه حضرت رسولک لباسی
 بر ایدی قدمکاهه کتدیکنده و نمازنده اندن غیر لک لباسی یوق ایدی
 زین العابدین بو فعله عز منندن رجوع ایلوب استغفار ایلدی
 واکا دیدیلر که نه ایشلمک که استغفار ایدرسن دیدیکه اول فعله عزم
 ایلدمکه اتی سلف صالحین ایتمشدر و بدعتده خیر یوقدر (و طریقتده
 دخی بو قضیه مذکوردر و لکن زین العابدینک اوغلی وقع صاحبی اولق
 اوزرینه در و بوجه نك اصلی و مرجعی حضرت رسول اکرم علیه
 السلام (بعثت بالحنفية السمحة السهلة ولم ابعث بالرهانية الصعبة)
 قول شریفیدر دیمک اولور **ک**که بن سهل و آسان طریق مستقیمه
 کوندرلشم زحمت و مشقتلی اولان طریق رهبانیتله کوندرلشم
 (ایکنجی صنف ائمه حنفیه دن بو خصوصده وارد اولان اقوال بیاننده در
 خلاصه ده مذکوردر که بر آدم کندی نفسیچون مخصوصا برقاب طوتوب
 اندن آبدست السه غیر کیمسه اندن آبدست المسه مکر و هدر
 و حوضده آبدست المتی نه رده آبدست المقدن افضلدر کذلک بر کیمسه
 حوضده آبدست المتی استر اما قورقار که انده نجاست اوله دیو و لکن
 یقینله بلز انک اوزرینه اول صویک کیفینندن صورقه یوقدر همان
 آبدست المتی کرک نجاستنی علی التحقيق بلدیکه کذلک بر همدانه طعام
 کتورسه لر اکا صورقه یوقدر بو طعام نه دندر غصبدنمی سرقه دنمی
 کذلک اول قیودنکه بارداق لری اطراف بیته قونوب اندن صو ایچیلور
 اولسه آبدست المتی و ایچمک وارد مادامکه نجس اولدیغن بلیه کذلک
 قار صوی اریدکده نجسلی یوللر ده اقسه اگر قاریشوب نجاست
 شومرته غالب اولدیه که اصلالون و اثری کور غمز اول صودن آبدست
 المتی جائزدر کذلک لباسک بر طرفی مردارلنوب صاحبی قنخی طرفی
 مردار اولدیغن اونودوب کیف ما اتفق تحریر لیسر لباسک بر طرفی یوسه
 طهارتنه حکم اولور قول مختارده کذلک بر آدم یاش یا غبله نجسلی بر

و یا دوشمه اوزرنده یور یسه اکر بونلر قوری اولوب کزن آدم دخی
 طور مدین کچر سه ایاغی مردار اولماز اما بویکبسی یاش اولوب ایاق
 قوری اولور سه و یاشلیق اثری قدمده ظهور ایدر سه مردار در وقتاوی
 قاضی خنده مذکور در اکر کلب حصیر مسجده باتوب او یسه اکر کلب
 قوری ایه مردار اولماز و اکر کلب یاش اولوب لیکن حصیر ده
 اثر نجاست ظهور ایلر سه کذلک مردار اولماز و اکر قیون و یادوه قغنده
 شعیر بولنسه اوج کره یونوب اکل اولنه اما صغر تر سنده اولسه بنز
 دیمش وقتاوی کبریده فرق ایلش اکر ششمدی ایه مطلق بنور
 قغنی حیوانک تر سنده بولنور ایه و اکر ششمدی ایه بنز دیمش در
 و بر خفک ایچریسی بزایله قابلی اولوب بعضی رتقلرندن مردار صو
 کیر سه پس اول خفی صوایله یویوب ایله اوغسه و اوج کیره
 ایچروسنه دخی صوقیوب دوکسه اول ادک پاک اولور زیرامرتبه ممکن
 ایتدی و اکر مردار طیراقدن باردق یاپسه لر و بشور سه لر پاک اولور
 و اکر بر آدم ایاغی یویوب یاپوجسز مردار براوزرنده یور یسه
 و بر یوزی ایاغی یاشلغندن اصلانوب قرار سه لکن یرک یاشلغنی اثری
 ایاغنده ظاهر اولسه و نماز قیلر سه نمازی جائز در و بر آدم طهارت
 لنور کن صوایاغنده مستی اوزرنده اقسه اکر مست ایچنه کیرمدیسه
 قایمز و طهارتنه تبعامستی دخی پاک اولور و اکر فاره قغنی بغدادیه دوشوب
 اوکنسه انک دقیقن یمک قایمز مکر که چوغ اولوب اوننده و یا طعمنده
 تغیر بولنه کذلک برانمکک ایچنده فاره قغنی بولنسه اکر از لبوب حالی
 اوزره ایه قغنی براغوب خبری اکل ایله و اکر یت خلاصه ذبابی
 لباس اوزرنده قونسه لر مردار ایتزلر مکر که قغنی جوق غلبه ایدوب
 اثر نجاست ظاهر اوله اکر ارض نجسه اولوب یاپوجلرینی چیقار سه
 و اوزرنده طوروب نماز قیلر سه جائز در اما یاپوجک الی و اوستی پاک
 اولور سه چیقار مق حاجت دکلدر و اکر طبانی نجس اولور ایه
 چیقاروب اوزرنده طوره ایکی قات ثوب منزله سنده اولور (و تاتار
 خانه ده دیمش در تعلینده یعنی یاپوج ایله نماز قلمق بالین ایاق قلمقندن

افضلدر یهوده مخالفتدن اوتوری و بوجنازه نمازنده اولقی کرک اکر
 بر کپسه بر مسلمان بر ثوب و یابردوشمه آله انک اوزرنده نماز قلمق صحیحدر
 اکر بایعی شارب خرابسه ده (منتقی نام کلبده مذکور در که امام محمددن
 سؤال اولندی آیدسته یقینی اولوب بوزلدیغنی خاطر لیمان حقهده اکر
 بر آدم ایدستی اولان کپسه دیسه که سن فلان برده بول ایتدک اول آدم
 شک ایلر سه و بن اندن صکره شوقدر وقت نماز قیلدم دیسه امام محمد
 جوابنده دیدیکه ایکی شاهد عادل بول ایتدیکنه شهادت ایدر ایه
 قیلدیغنی نماز لری قضا ایتسون بر شاهد عادل ایله قضا ایتسون کذلک
 امالی نام کلبده امام محمددن مرویدر ایدستی اولان کپسه نیک قلینه
 شویله دوشدیکه ایدستی صمشر ورأی غالی بونک اوزرنده اولسه
 افضل اولان ایدستی دوندرمکدر و اکر وضوء اول ایله قیلار ایه بزم
 مذهبه رخست وارد کذلک بر آدم قایتده یا لباسنده یا بدنده شک
 ایلر سه نجاست اصابت ایتدیکنه و یا ایتدیکنه ایددی پاکلغنه حکم
 اولنور مادامکه علی التحقیق نجاستی بلغمه بیکار لر و حوضلر که اندن
 صفار و کار مسلمان و کفار صو حقار لر بو حکمده در کذلک یاغ و پیز
 و سایر طعاملر که انی اهل شرک و بطالت یاپار لر کذلک اول ثیاب که انی
 اهل شرک و یا اهل اسلامدن جهله طوقور لر کذلک یوللر اوزرنده
 دوزیلان بر که لر دخی مصلقلر که انلر نجاست اصابتی توهم اولنور
 جهله سنک طهارتنه حکم اولنور مادامکه علی التحقیق مردار اولدیغنی
 بلغمه کذلک اول یاغور صولر یک صوقاقلدره نجسلی یوللر ایله افار
 و صوبی اولیان دره ایله سوز یلوب کیدر نجاستک لونی کورغمه
 اندن ایدست آلتی وارد در نجاستنه حکم اولمز کذلک بر یاپوج
 و یا و غلجقلر اوینادیغنی طوب بیکاره دوشسه انک نجاستنه حکم اولمز
 کذلک چوید ایله و چراق یاغیله بویانان لباسک مردار لغنه حکم
 اولمز زیرا اصل بونلر ده طهارتدر مادامکه نجاست لکنه یقین بولنمه
 و اکر صابون دهن نجسدن یا پلسه صابونک مردار اولسه حکم اولمز
 زیرا یاغ متغیر اولوب اسمبله و وصفیله متبدل اولدی و بردابه بول

و نجاستنده بوالنوب ولكن قورومغله عين نجاست دوشوب اوزرنده برشی
 کورنن ایکن برکیمسه بویله دابه بی یودقده انک صویندن و یاعرقندن
 اوزرینه صحراسه ضرر ویرمن کذلک قوزی اناسندن طوغوب لباسه انک
 یاشلخی اصابت ایلمسه و یا صویه دوشسه ضرر ویرمن زیرا اول یاشلق
 پاکدر یومورطه دخی بویله در اوزرنده اولان یاشلخی پاکدر صویه دوشسه
 افساد ایتمز فاره و عصفور و دجاجة و مخللات و شاة و هره بونلردن بری
 قیویه دوشوب حیا چیقارلد قده برشی صودن استحسانا چیقارلمز
 فیاس عقلی بوایدیکه بو حیوانلرک نجاست بوللر نه نظره صومردار
 اوله لکن رسول الله علیه السلامدن و اصحاب کزیندن کلان اخبارده
 بوسک انظر و انبوب انحق سؤری مکروه اولان فارهده بیکرمی و هره
 و دجاجةده قرق قوغه چیقارلق مستحبدردیدیلر ماباقیسنده دکل
 و بونلرک دخی آغزلرینه صودکدیکی معلوم اولسه بونلرده دخی برشی
 چیقارلمز کذلک صقیلاجق لباسی یایقدقده اوج کره صقیق اولی
 اولوب برکره صقیق دخی کفایت ایدر و مجموع النوازلده فتوی بونک
 اوزرینه در دیمش و تهنیسه یازمشدر که اهل فسق تپاننده نماز قیلق
 مکر و هدر زیرا خردن صاقمزلر اما اصح اولان بودر که مکروه دکلدر
 زیرا اهل ذمت خجری حلال طوتارلر ایکن انلرک لباسیله نماز قیلق جائزدر
 الا طوتارلرله دکل کذلک برآدم بالحقده کرسه یا خود جامر اصابت
 ایدوب بولشسه و یا قلرین بومادین قیلسه کفایت ایدر مادامکه نجاست
 اثری کورنیمه کذلک بر مست اوزرینه بول صحراسه اوزرینه طیراق
 صاچوب قورونجیه دک طورسه بعده طیراغی اوغسه کفایت ایدر و اگر
 نجاستی ایچمیچک شی طاش کی و تیمور و باقر کی مردار اولسه اوج کره
 بوماغله پاک اولور صقیق حاجت دکلدر کذلک ازاجق ایچن شی
 بدن کی و بابوج و مست کی اوج دفعه یومغله پاک اولور صقیق
 شرط دکلدر (و فتح قدیده دیمشدر اول بیکاردن آبدست آلهلر که
 احکام یلیان صغار و عبید کیرلی دستیلری و قوغه لری انده صارقیدرلر
 و کویلیلر کیرلی اللریله یا بشورلر مادامکه بونلرده نجاست اولدیغی

بلمیمه و برآدمک النده یاش نجاست اولوب الله صو قویدقده ابر بنگ
 صاپنه اول البله یا پیشسه اوج کره یودقده ال پاک اولور اکا تبعه ابر بنگ
 قولی دخی پاک اولور (و جمع فتاوی و قنیه ده دیمشدر بزم دیاریمزده
 دباغت اولسان دریلر که نجاسی را اوزرینه براغوب دباغتسده انی
 صاقمزلر بعده تکرار یومازلر انلر پاکدر کابلره غلاف و جلد و مستلر
 و قریبه ز یا مبق جائزدر یاش اولسی قوری اولسی برابردر (و جمع فتاواده
 برآدم اشنالده و یا صابونله ثوب نجسی یوسه و برشی صابوندن ثوبه یا پیشمش
 قالسه پاکدر و کنیف و اخور و حمام بخارندن لباسه برشی اصابت ایلمسه
 قول صحیحدره مردار دکلدر حاصل کلام بودر که نجاستدن احتراز اوج
 وصفدن اوتوریدر بری رایحه خبیثه و بری طعم بشیعی و بری لون
 قبیحیدر بونلر بریده بولنسه و وجودی یقین اولسه احتراز واجب
 دکلدر و ضرورت محلنده یقینا اولسه دخی عفو اولتور زیرا دین
 اسلامده حرج یوقدر (اما امراض قلب ریا و کبر کی بونلر انداته
 قبیحدرلر انکیچون وارد اولمشدر * من کان فی قلبه مثقال ذره من کبر
 لایدخل الجنة * دیمک اولور که برکیمسه نیک قلبنده ذره اغراخی کبر
 اولسه جهنمه کیرمن نیکیم بیانی آفات قلبده سرور ایلدی (ایکینجی نوعی
 ذم و سوسه و آفاتی بیاننده درانی بن کعب رضی الله عنه سرور انبیا
 صلی الله تعالی علیه وسلمدن روایت ایدر یورمشدر که * ابدستک
 برشیطانی واردر اکا ولهان دیرلر انک سبیلله صویک و سوسه سندن
 صاقنک * و حسن بصری دیمشدر که برشیطان واردر که ناسی آبدست
 الدیغنده مزه لبوب کولر آدنه ولهان دیرلر (وامام قشیری روایت ایدر که
 شیخ عبدالله عقیف حضورینه برکون بردر ویش کلوب آبدستنده
 و سوسه دن شیخه شکایت ایلدی شیخ ایتدی بزیتشدیکمز صوفیه
 طائفه سی شیطانی مزه لبوب مسخریه آلورلدی شمعی شیطان
 صوفیلری مسخریه آلمشدر و بوقضیه درت یوز تار یخلردن مقدم
 ایمش و عاقله بوکافیدر که و سوسه ایله شیطان مسخره سی اولور
 و آفات و سوسه دن بری بودر ایکنجیسی الله تعالی نیک امرنی ترکدر

الله تعالی * ان الشیطان لکم عدو فاتخذوه عدوا * بیورمشدر شیطانک
 وسوسه سنه تابع اولمق اکاعدات اولیبوب دوستلقدر بلکه قرداشلقدر
 زیرا * ان المبذرين كانوا اخوان الشیاطین * بیورمشدر ورسول الله
 علیه الصلاة والسلام وسواس آندن صافنک دیواجتنابی امرایتمشدر
 ایدمی شیطانہ اتباع معصیتدر (اوچنجبسی صوبی اسرافدر بوابسه
 حرامدر تنکیم بیانی یکدی (دردنجی تأخیر صلاته مؤدی اولوب یاوقت
 مکروهده ویا جاعنسز قلیق اولور ویا غازی ترک ویا ذکر وفکری
 وبوکاکبکر فضائل وفواضلی یاخود عمر و اوقاتی تضییع ایتکدر) بشنجی
 امور محدثه مکروهده یا عشر آبدست ایچون باشقه قاب طومق ولباس
 وسجاده طوتوب غیرینک ابریغندن آبدست آلمق ولباسی وسجاده سی
 اوسننده فلماق اقتضایدر یاخود پاکلغندن صورمق ونجاست توهیمله
 طعامندن احتراز ایتک بونلرده ایسه ناسه اذاوارددر (التنجی مؤمنلره
 سوء ظننر آبدستده وغسلده واکل وشریده نجاستدن صافندقلرینه
 بلکه نمازلی دخی صحیح اولدیغنه سوء ظن حاصل اولمش اولور) بدنچی
 ناس اوزرینه تکبر ونفسنه عجب وغروردر که ناس پیننده دیننده مبالغه
 ایله صاقنوب نظافت وطهارتده جمله دن غالم دیمکدر (اوچنجی نوعی
 وسوسه نک علاجی بیاننده در) معلوم اوله که وسوسه یه مبتلا اولانه
 لازمدر که ازاله سنک علاج علمی و عملیسی بیلوب نخباصنه سعی ایده کج
 طبیعت حسدیه یاخود ورع وتقوی ظن ایدن اصحاب وسوسه یه
 مقارنت سبیلله ابتلا سندن خوف ایدنه لازمدر که ازاله سنک علاج علمی
 و عملیسی بیلوب حذر اوزره اوله پس علاج عملیسی آفات سابقه سنی
 بلد کدنصکره تکرار ایدوب وسعادت دارین صید المرسلین افندیمر
 حضرت لرینه ومجتهدینه اقتدا ایتکده اولدیغنی بیلوب وبونلرک امر
 طهارتده مساهله وترك دقت ایلدکری ورخصته متعلق وپردکری
 فتاوا ی علی الکمال تتبع وتیقن ایدوب وسوسه یی بالکلیه فراموش
 ایتکدر عبادتدن غرض اصلی تخلیه قلب اولغله سلف صالحینک
 جل همتلری تخلیه قلبه وحقوق عباد و حیوانانندن وآفات لسان

وسمع وبصردن تحفظه صرف اولمشدر (ومشایخ طریقندن عطاء
 روزباری رحمه الله دیمشدر امر وضوده اهتمام ایدر ایدم پس برکیجه
 وضوده اسراف ماء ایتدیکم تشویش خاطر و یروب درگاه الهی بدن
 عفو طلب ایتدیکمده عفو علمده در دیوها تفدن برصدا استماع ایدوب
 دغدغه خاطر م زوال پذیر اولدی و وسوسه نک علاج عملیسی
 امر طهارتده اولان رخصت ایله مرجوحه ایسه ده وسوسه نک
 زوالنده ک عمل ایدوب بعده اقوی ایله عمل ایتکدر که امر اضه
 اضدادی ایله علاج اولمق معهوددر حتی زهاددن بعضیسی صلاته
 شروعدن اول بولده اوزرینه صحرایان بالحنی غسلده اهتمامه
 مبتلا اولوب برکون جماعت فوت اولاجق قدر طار وقتده ینه
 غسله مباشرت ایتش ایکن قلبنه اندن خلاصنه الهام الهی اولوب
 واروب فی الحال بالجفیه یوارنوب کلوب اول حاله جماعته حاضر
 اولوب وسوسه دن خلاص اولمشدر زیرا عبادتدن مقصود اصلی
 اخلاق ذمه دن قلبنی پاک و اخلاق حیده ایله تابناک ایتکدر بوندن
 اوتوری سلف صالحینک دقتی قلبه اولوب حقوق عباددن وحقوق
 حیوانانندن احتراز ولسان وسمع وبصر لرینی حفظ ایتک فضیلتی
 احراز ایتمشدر (وعلاج عملیسن بری آبدستدنصکره اوکینه وثوبنه
 صو سریمکدر تا که یا شلق دیوار سه اندن اولدیغنه جل ایلسون دیو
 حدیث شریفده ثابت اولمشدر ودخی مغسلده بول ایلکمک وسوسه
 علاجنک بری دخی حضرت رسول اکرم صلی الله تعالی علیه وسلم
 بیورمشدر که سزدن بریکز محل استحمامده بول ایلکمک زیرا اکثر
 ناسه وسوسه اندن عارض اولور (دردنجی نوعی طهارت ونجاستده
 واقع اولان اختلاف بیاننده در وقول صحیح وعند الحنفیه قاعده کلیه
 بیاننده در اما اختلاف بیانی خصوصنده درت مذهب واردر اولکبسی
 ظاهر یه مذهبیدر که انلرک رئیس علماسی داود اصفهانی واتباعی
 دیمشدر در که صواصلامردار اولماز جاری اولسون را کد اولسون آز
 اولسون چوق اولسون لون وطعمی و رایحه سی متغیر اولسون ویا اولسون

بیان طهارت ونجاستده
 واقع اولان اختلاف

پس برابر در دیوب ثقات محدثین تخریج ابتدکاری (الماء ظهور لاینجسه شیء) حدیثی دلیل طریقتش در امام برکوی دیر که طهارت له مراد لری اگر صو کنند طبیعتی اوزرینه رقت وسیلانله باقی قالورسه مردار اولماز دیمکدر یو خسه طبعندن چیقده اگا صودینز حتی بورئیس ظاهر به دن حکایت اولنور که آدمیدن غیری جمیع حیوانک بول وروئی پاکدر دیو ذاهب اولمشدر ایکنجی مالک مذهبیدر وانک اتباعی دیمشدر که صوپا کدر مادامکه اوصاف ثلثه دن بری نجاستله متغیر اولمیه اول صو کرک جاری اولسون کرک را کد اولسون و کرک قلیل اولسون کرک کثیر پس برابر در دیوب لاری بو حدیث شریفدر (ان الماء طاهر الا ان تغیر ریحه او طعمه اولونه بنجاسته) اوچنجی شافعی مذهبیدر که صو قلتین اولدقده که بشیوزرطل برقله در بو مقدار صو مردار اولماز الا اوصاف ثلثه دن برینک تغیر یله اما بو مقدار اولمازسه مردار اولور نجس آزا یسه دردی نجسی مذهب حنفیه در علمانک بعضی دیمشدر که ماء جاری به نجاست دوشمکله مردار اولماز مادامکه یالونی یا طعمی یا رایحه سی تبدیل اولمیه مطلق و نصاب نام کابده فتوی بونک اوزرینه در دیمش و بعضی فرق ایلیوب کورنمیان نجاسته حکم بویله در دیدیلر اما کورنمیان نجاسته دیمشدر که اگر اقان صو اول جیفدنک اکثرینه و یا نصفه ملاقی اولدیه مردار در اکر نصفندن آزینه ملاقی اولدیه صوپا کدر اما بیکار صوینک تفصیلی مشهور در و بویا یکسندن غیری عشر فی عشر اولان حوض کبیر اولورسه ماء جاری حکمنده مردار اولماز تنکیم بیان اولندی اما ظاهر روایتده رأی غالبه مفوضدر اکر ظن غالبی شونک اوزرینه ایسه که دوشن نجاست انک طرف آخرینه تأثیر ایتمز ایسه انک جانب آخرنده آبدست الملق جائزدر و عندالکرخنی اصح قول بو اولوب امام اعظمک اصلنه البقی اولدیغنی ذکر ایتمش و عشر فی عشر تقدیر ابتدکاری رأی و درایتی اولمیان کیمسه ل حقننده در حتی بر کیمسه صحرا ده بر پاک یرده برازا جق صو بولسه و ظن غالبی پاکلغنه

حکم ایلمسه اندن آبدست الملق و صو ایچمک جائزدر و امام محمد اتی ینیلان حیوانک بولی پاکدر دیوب دخی طپوردن اتی ینیلانک نجسی دجاجة و بط و اوزدن غیر یسی پاکدر و اتی ینیلان طپورک نجسنده ایکی روایت اولوب برنده پاک و برنده نجس دیمشدر کذلک برآدمک ثوبنه اکنه باشلری کبی بول صحرا سه برشی دکدر و صویه یا خود طعامه نجسی توز دوشسه ضرر و یرمز دیمشدر حالا که طهارت باینده مذهبک غیرینی دخی طوتمق واردر تنکیم تاتار خانیته و غیر یسنده حکایت اولنور که ابو یوسف رحمه الله تعالی جمعه کوننده غسل ایدوب بغدادده جمعی قیلدی بعده خبر و یردیله که اول صوالدیغنی بیکارده فاره میته بولنش دیدیکه بزخی اخوانمک قولیله عمل ایدرز که اهل مدینه دن روایت اولسان (اذا بلغ الماء قلتین لا یحمل خبثا) حدیث شریفی مقتضاست بجه صویک پاکلغنه حکم ایتمشدر که مذهب شافعیه در و بعض کابدن فهم اولندیغنی اوزره مجتهدک مجتهده تقلیدی حرام اولدیغنی قیاسه موافق اولوب ظاهر نسه داخل اولمیان یرده یا امور مقصوره در اما بونک کبی وسیله عبادت اولان یرده حرام اولمقدردیو صاحب طریقت تفریق ماده ایلمشدر ایددی بویله مجتهدک مجتهده تقلیدی جائزا ولدیغنی یرده مقلدک مجتهد آخره بالطریق الاولی جائزدر اما قول صحیح وقاعده کلیه و عامه فتاواده اشیا ده اصل اولان طهارتدر وقاعده در که یقین ظنله و شکله زائل اولماز بلکه کندی مثالی یقین ایله زائل اولور و بو قاعده شریعتده بر اصل مقنن در که واحادیثه منصوص و حنفیه و شافعیه فقهای کابلرنده تصریحله مخصوص بر کلامدر پس برآدم بر صویک و یا ارضک و یا طینک یا لباسک یا طعامک و یا قابک و بو کابکر شبنمک که نجس عین اولمیه حقننده شک و یا ظن ایدوب پاکلغنه تردد ایلمسه اولشی پاکدر آبدست و نماز حقننده واکلی حلال اولمقدده و سائر تصرفاتده کذلک بونک کبی اشیا ده ظن غالبی نجاست اولمق اوزرینه دخی اولسه بیه استعمالی جائز ولکن بویله محله احترازی مستحیدر ز پراکراحت تنزیهیه ایله استعمالی

مکروه در مثلاً کفره نک سر او بی و محبوس اولیان طاووقلرک فضله
صوبی دخی صبی لایعقلک ال صوقدینغی صو و صوقاقلرک بالخی
نجاست اثری کورغدیکی صورته و مشرکینک قابلری بونلرک
استعمالی جائز اولماسنه دایل نوع اولده بیان اولناندرکه حضرت رسول
اکرم صلی الله علیه وسلم یهودی و یهودیه نک ضیافتی بیدیکیدر
وقابلری یودرمدیغیدر کذلک جابر روایتده دیمشدرکه بز حضرت
پیغمبرایله غزایته بکمرده الیزه مشرکینک قابلری کیردی وانلری
قوللنوردق و ایچندن صوایچردک حضرت پیغمبر بزی تعیب ایتمزدی
وتاتار خانیه ده مذکوردرکه صبی النی و یا ایاغنی صوقابنه صوقسه
اگر یقینله بلنورسه که صبینک الی و یاغنی پاکدر اول صوایله آبدست
جائزدر و اگر نجس اولدیغی یقینا بلنورسه جائز دکلدرا اما اگر پاک و ناپاک
اولدیغی بلنورسه مستحب اولان بودر که انک غیر یله آبدست الیوا کراندن
السه جائزدر دیمش و ذخیره ده دیمشدر که قبل الغسل مشرکینک قابلرندن
یمک و ایچمک مکروهدر زیرا غالب بودر که خر و میده بی حلالدر دیو
چناقلرنده یلر و ایچرلر اما بوبله ایکن یقیندن اول قابلردن یدسه و ایچسه
جائزدر یدیک و ایچدیکی حرام اولماز زیرا اشباهه اصل اولان طهارتدر
نجاست عارضیدر پس عارضک ظهوری اولدیغی اصل ایله عمل
جائزدر و طهارت یقینله ثابتدر ظاهر و غالب یقین مرتبه سنه کلدیکه
طهارتیه حکم اولنور وینه ذخیره ده دیمشدر یهود و نصرانیدن
جمله سنک طعامن یمک لا بأسدر الله تعالی قرآن عظیم الشانده
(و طعام الذین اتوا الکتاب حل لکم) پیورمشدر دیمک اولور صکه
اهل کتابک طعاملری سره حلالدر پس بو آیت کریمه عمومیه جمیع
فصا را و یهود کرک حربی اولسون کرک بنی اسرائیلدن کرک عربدن
جمله برابردر وینه دیمشدرکه محوسنک دخی جمله سنک طعامنی
یمک لا بأسدر انجیق بونلرک بوغازلدیغی مؤمنه حرامدر بوندن غیر یمک
حرام دکلددر تکیم ایام خلافت عمرده مملکت کسری به غلبه ایتدکلرنده
اصحاب کرام رضی الله تعالی عنهم کسر انک سراینه هجوم ایتد کلرنده

مطبخنده قینارکن انواع اطعمه به راست کلوب نه اولدیغی سوال
ایلدیلر شور با مقوله سی طعاملر اولدیغندن خبرالوب یدیلر و تعجبلرندن
برمقدارین حضرت عمره کوندرد کلدن حضرت عمر رضی الله عنه
اصحاب و احبابیه اکل ایلد کلری منقولدر ایمدی صحابه کرام انلرک
قابلرین یومایوب کفارک کندی چولکلرنده بشور دکلری طعامی
بید کلری بزه دیلدر که قابلرین بومه دن دخی یمک جائزدر و کسری
محوسی ایکن ینه انک طعامنی یمکی حلال کورمشلردر ایمدی
ظاهر اولدیکه اشباهه اصل طهارتدر و نجاست عارضیدر و بوعارضده
شک واقع اولغله اصل طهارتی زائل اولماز نتیجه کلام و محصل مرام
بودر که طهارت خصوصنده دقت و اهتمام سنت سلغدن دکلددر
طبع مستقیم اولان کیمسه به اقوی ایله عمل ایتک لایقندر و لیکن شور مرتبه
دقت ایتمه که انک مسیبیه اهم اولان جماعتندن وتلا وتدن و ذکر
و فکر الهی دن و تصنیفدن قاله اما اهل وسوسه اولان کیمسه به
لازمدر که رخصت طرفلری ارا یوب وسوسه دن ککند و بی منع
ایلیه (ایکنجی فصل) اوقافدن و یا خود بیت المالدن وظیفه بیانلرک
طعامندن پرهیز صورتن کوسرتن و جهله به و عوامه اختلاط ایدوب
طعاملرینه دست اوران اهل جهل وریا پیاننده در (معلوم اوله که
تکیم کسب و کار بیع و اجاره ایله و بونلر مقوله سی تجارت شرعیه
حلالدر کذلک وقف دخی صحیح اولوب شرائطی رعایت اولاندقده
حلال اولور زیرا صحابه کرام وقف ایلدیلر و اندن یدیلر اگر حلال
اولییدی انلرانی ایلزدی و یزدی کذلک خلفاء اربعه حضرت
عثماندن غیر بیت المالدن حصه لر بی آلدیلر ایمدی وقف ایله بیت
المال و کسلردن بوایکسنک غیر ی پینده حلال و طیب اولده فرق
یوقدر شروط شرعیلری برینه کلدکده و حرام و خبیث اولمندن دخی
برابردر چنکه رعایت اولماسه بلکه سائر تجارتلر فی زماننا حرامه اقر بدر
زیرا چارشولرک اکثر بیوعی و اجاره سی فاسددر یا خود مکروهدر
کرچه حلال و حرامده اولان شبهاتدن احتراز و پرهیز طهارت

بیان اوقافک و بیت مالک
وظیفه سن یمک

ونجاست خصوصاً اولان برهیز کی دکلدر اولکی قسمده دقت زیاده
اولمق کر کدر زیر دین اسلامده اهم و صالحینک اهتمام ایتد کلمری
خصلتدر ولیکن فی زماننا فتواده قول احوطی طوتمق ممکن
دکلدر که اتی فقیه ابواللیث اختیار ایدوب دیمش چنکه بر آدمک اکثر
مالی حلال اولسه انک هدیه سنی و معامله سنی قبول ایتک جائزدر واکر
اکثری حلال دکلسه جائز دکلدر یعنی بویله فتوا و یردیکی شبهاتدن
احتراز ایچونددر قاضیخان ایسه فتوا واسنده دیمشدر (قالوا لیس زماننا
زمان الاجتناب عن الشبهات وعلی المسلم ان یتقی الحرام المعین) معناسی
بودر علما دیمشدر که بزم زمانن شبهاتدن اجتناب زمانی دکلدر بلکه مسلم
واجب اولان حرام معیندن صافتمقدر نیکیم یوقاریده بیانی کچدیکه
عینیه بر شبنی حرام و یامغصوب اولدیغنی بلمنجه اندن اجتناب لازم
دکلدر دینلشدر صاحب هدایه دخی تجنبسده بویله دیمشدر حالبوکه
یوایکی امامک زمانلری الی یوز تاریخندن اولدر و امام برکوی دبرکه
حالا تاریخ طقوز یوز سکسانه کلشدر خنی دکلدر که زمان نبوندن بعید
اولدجه فساد و تغیر زیاده اولور ایددی یوز زمانده ورع و تقوی قلبی
ولسانی و سایر اعضاسنی حفظ ایدوب ظلمدن و غیریدن بغیر حق ایدادن
اجتناب ایتکدر و هر کسک انده اولان شبنی ملکی بلکه مادامکه بعینه
مغصوب و یامسروق اولدیغنه یقینی اولیه اکر تحقیق انک مالنده حرام
اولدیغنی ییلور ایسه دخی امام برکوی رحه الله تعالی یو کلامی تحقیق
ایلدیکنیدن برو یوز سنه دخی کذران ایلدی ورع و تقوادن اثر
همان کابلرده یازیلان براسم بی رسمدر دینسه سزادر وینه فتاوا ی
قاضیخانندن ناقلا دیمشدر که اکر بر فقیر سلطانندن عطیه آلسه سلطانک
غصبه آلدیغنی ییلور ایکن فقیره حلالیدر جوابنده دیمشدر که اکر
سلطان اول غصبه آلدیغنی اچیه بی عینیه و یردیه آلمسی جائز دکلدر
واکر غیر یله قارشدر دیمسه آلدیغنی لا بأسدر (وفقیه ابواللیث دیمشدر
بوجواب امام اعظم قنده مستقیم در زیر امام اعظم دیمشدر بر قومدن
بر اچه غصب اولنسه و غاصب اول اچیه نک بعضنی بعضنه خلط ایلسه

اکا غاصب مالک اولور (و خلاصه ده دیمشدر سلطان چنکه بر شبنی
ما کولادتدن بر آدمک اوکنه احضار ایلسه اکر صائون آلدیه حلالدر
واکر صائون آلدیه ولیکن اول آدم بیلور که اول طعام ایچنده عینیه
بر شبنی مغصوب وارد ریمسی مباحدر و قاضیخان دخی بویله دیوب
زیرا اشباهه اصل ابا حنبلدر دیمش و ابواللیث بستان العارفینده دیمشدر
سلطانندن عطیه آلمقده علما اختلاف ایلدیلر بعضیلر دیدیلر که آلمسی
جائزدر عینیه حرامدن و یردیکی مادامکه بلیه و بعضیلر جائز دکلدر
دیمش جائز کورنلرک دلیل حضرت علی رضی الله عنه دن روایت
اولدیکه دیمشدر * ان السلطان یصیب من الحلال والحرام فاعطاک
فخذ فانما یعطی الحلال * یعنی تحقیق سلطانه حلال و حرامدن کاور
سکا و یردیکی آل زیر انحق حلالدن و یرر کذلک حضرت عمر رضی الله
عنه روایت ایتدیکه حضرت سرور کائنات علیه الصلاه والسلام
بیورمشدر * بر کیمسه یه که استیوب بر شبنی و یرلسه اتی آسون زیر
الله تعالینک برزقیدر کندینه فصیب ایتش و اعش ابراهیم ادهمدن
روایت ایدر که امرادن بر شبنی آلمق قایمز دیدیکنی و حبیب ابن ابی ثابت
دیمشدر که بن کورد مکه مختار امیر اولد قده ابن عمره و ابن عباسه
هدایاسی کلوردی و انلردخی قبول ایدر لردی و حسن بصری تابعینک
شبنی و کزیده سی ایکن امرانک هدایاسنی آلودی و امام محمد و امام
اعظمندن اول دخی استادی حماددن نقل ایدر دیکه ابراهیم نخعی
حلوان عاملی اولان زهیر ازدی به واروب عطیه طلب ایدردی کذلک
ابو ذر همدانی دخی طلب ایدردی دیو بیان ایتشدر و امام محمد
دیمشدر که امام اعظمک قوی بودر و یوقولی طوتارز مادامکه امر
وسلاطینک و یردیکی شی عینیه حرام اولیه اتی آلور زظهریه ده دخی
بویله در (صاحب طریقت دیر که اکر دینور سه که یابو عصرده شبهاتدن
صافتمق ممکن اولمق و قول اقوی و اولی بی طوتمق نه دن ایجاب ایدر
وسببی نه در بزدیرز که سببی درت شیدر اولکبسی اهل تجارت و صناعتک
غلبه جهلیدر اصل مالده و یار یحده شرائط معاملاتی رعایت

ایتمدکاری سببیه یا کارلرینی ابطال و یا فساد و یا مکروه ایدرلر واروب
کسب ایتمدکاری مال یا حرام یا خبیث اولور ایکنجی سببی غلبه ظلمدر
غصب و سرقة و خیانت و تزویر امثالی ابتدا قوامیدن ایچون اولان
حبوباتده ثابا صاتو و بازار ایچون اولان سکه ده حتی شو مقدار تصغیر
ایتمشدر که دوردی بر درهم شرعی به کلزانی دخی فسقه و کفره طماعلری
قرقشدر و بویله ایکن ینه صاتو بازارده معدود قیلندن طونارلر
حالبو که فضه ایدا وزینه در امام اعظم و محمد قنده عرف و عادتله
تبدیل اولمز ایمدی بیع و استقراضه ثمن نه مقدار اولدیغی وزنله بیان
اولماد بجه بیع و استقراض و غیر بیسی فاسد اولور پس بو عصرده
بوندن خلاصه بحال یوقدر الامام ابی یوسفدن روایت ضعیفه ایله
عمل اولنور که عرف و عادت اعتبار ایتمشدر فضه ایدا وزنی اولمسنده
ذاهب اولماد مشدر کذلک فی زماننا اراضی میریه نك حالی قتی مشوشدر زیرا
صاحبلری مالک تصرفی کی بیع و اجاره ایله و غیر یله معامله ایدرلر
وصاند قلمنده سلطان طرفندن خراجنه تعیین اولنان کیمسه بعض
ثمن آلور و بو تصرف ایدنلر وفات ایتمدکلرنده اگر اولاد ذکور ترک
ایدرلر سه انجق انلر اول اراضی به وارث اولوب سائر ورثه وارث اولمز
واندن دیونی قضا اولمز و وصایاسی تنفیذ اولمز و اگر اولاد ذکوری
قالمز ایسه سلطان طرفندن معین اولان اول اراضی بی بیع ایدر کیمسه به
میراث اولمز پس بو بر مشوش معنادر اگر ید اعتبار ایدوب دیسککه
ارض ذی البدک ملکیدر سائر میراث کی اولمق لازم کلور پس میراث کی
تقسیم اولمادیغی صورتده ظلم اولور صاحب طریقت اراضی مذکور نك
کیفتی حالنه تمام وقوفی اولمادیغندن بو محله بر از تردد ایلوب تا تارخانه
قولی ایله اصابت ایدوب دیمشدر که سلطان خراجی و یرمک ایچون
بریری بر قومه دفع ایلسه اکارض مملکت دینور جائزدر و طریق جوازی
ایکی شبتک بری ایچوندر یا کندیلرینی زراعتده و خراج و یرمکده مالک
مقامنه اقامت ایلمشدر یا خود خراج مقدارنجه اجاره و یرمک اولور
سلطان حقنده خراج و کندیلر حقنده اجرت اولمش اولور ایمدی

بوایکی طریق اوزره بیع و هبه و شفعه و وقف وارث و بونلره بکزرشی
جاری اولمز ایمدی ذی البدک بیعی باطل و ثمنی حرام و رشوت اولور
واولاد ذکورنه نقل ایتمدیکی بوایکی طریق سببیه در میراثه داخل
دکلدر (منیری مرحوم بو محله دیمشدر که برکوی مرحوم حرام دیدیکی
پرنده دکلدر زیرا بونلرک بیعی حق قرارنی بیعدر بوا یسه جائزدر
پرازیه ده دیمشدر که سلطان یدت المال ایچون اراضی بی اجاره به و یرسه
تا کدانی یاربه اکملر پس انلرک انده کرداری اولسه بناکی و یا اشجار کی
ویا طاشدن و اغاچدن اراضی بی آیرتلا یوب سورمسی کی پس
اراضی بی بیع ایتملری باطل اما کردارین صاتار ایسه معلوم اولدیغی
صورتده صحیحدر و لکن کردارده شفعه یوقدر و خوارزم دیارنده
بو کردارده حق قرار دیرلر انتهی و بالجمله صاحب طریقتک بومسائل
ایراد ایتمسندن مرادی شبهات و حرام اراضی طرفندن دخی قارشیدیغی
بیاندر پس پرازیه قولی اوزره ثابت اولان انجق بیع ایدن کیمسه حق
قرارین آلمق جائز کرداری معلوم اولدیغی صورتده معلوم اولمز ایسه
آلدیغی اچمه حلال اولمادش اولور صاحب ارض دخی علی کل حال
حق قرار ایچون آلتان مالدن عشر آلدیغی حلال دکلدر زیرا رسم
طوبه دیدکلری ارضک اجرت محله سیدر ارضی استیجار ایدن کیمسه دن
آلتوب تصرفی کندویه تفویض اولنور فراغت ایدندن آلتمز و صاحب
طریقت اجرت محله بی دخی حلال کورمبوب رشوتدر دیمش پس
نتیجه کلام بودر که شبهاتدن پرهیز طوره طورسون انجق زمانه ده قول
اقوی ایله شریعت ظاهره یولین طوتمق استین اقتضا ایدر که ناسله
معامله ایلمیه بلکه آشنالردن عزلت ایدوب وتنها وادیلرد و مغاره لرد
ساکن اولوب اوت اولمغله قناعت ایلمیه انسان ایسه مدنی بالطبعدر
انس و اجتماع استر خرج و رهبانیت ایسه دینزده ممنوعدر ایمدی
بوزمانه ده لازم اولدیکه امام محمدک واکا تابع مشایخک قولیه عامل
اولمق که دیمشدر عینیه بر شبتک حرام اولدیغی بلمدکجه صاحبک
اذن و رضاسیه باهوض آلمق جائزدر و دلیللری بودر که انک الله

اولدیغی دلیل ملکدر و اشیا ده اصل مباح اولمقدور و یقین شکله زائل
اولمز وصا تو بازارده کشینک ذمتده ثابت اولان ثمندر پس وزنی
اولماسی ضرر و یرمز و تصریح ایلمشدر که زمانه مزده فتوی امام
کرخینک قوی اوزرینه در که حرام مالله آلتان شی حلالدر مکر که
حین عقدده اول مالله اشعارت ایتش اولسه اول زمان حرام اولیوب
مکروه اولور و امام اعظم بیرردیغی حرام حلال ایله قاشدقدده تملک
و ضمانتی ایجاب ایدر بوصورتلرده زمانه در بقدر الامکان معیشتیه
رخصت وار امانیه ممکن اولدیغی مرتبه شبهاتدن احتراز ایلییه که
حرام اولسنه علامت ظاهر اولان یرده وظلم و غصبه و یاسرقت ایله
و یا خیانتله و یا تزویرله شهرت عظیمه سی اولان کیمسه دن احتراز اوزره
اوله وفی زماننا شبهات مالیه دن برهیز ممکن اولیوب اندن غیری بالاده
مذکور اولان آفات قلبیه و بدنییه دن برهیز اوزره اولسه مرجو اولان
بودر که کلبسندده متقی و برهیز کار اولق ثوابی حاصل اوله زیرا طاعت
بحسب الطاقه بیورمشدر (اوچنجی فصل شول بدعتلر یساننده در که
خلق اتی عبادت و قربت ظن ایدوب اکادوشه شلدر در جله دن بری
قرآن عظیم تلاوتیچون یا نافله قلمق ایچون یا تسبیح و تهلیل یا رسول الله
علیه السلامه صلوات کتورمک ایچون وقف ایلیوب باخصوص وقف
نقود اولوب ثوابی روح واقفه و یا غیری و یرمک دیوتعین ایتدی بکدر
و بری وصیت ایلمک که موتی کوننده و یا صکره طعام قایره لر وضیافت
ایلمه لر و قرآن و تسبیح اوقیانلره و تهلیل ایدنلره ایقه تعین ایتک یا خود
قبرنده کیملیان آدمیره یا قرق کون و یا اکثر و اقل یا خود قبری اوزرینه
بنایا بلر بونلرک جله سی بدعت و منکر در وقف و وصیت ایسه باطلدر در
الان کیمسه مال حرامدر دنبالک ایچون ذکر و تلاوت جائز اولدیغندن
سیف صارم و انقازا الهالکین و جلاء القلوب نام رسایلزده بونلرک
حقیقت حالی و دلائلی بیان اولمشدر دیو صاحب طریقت ککابی
اختتامه کتوروب حقه حیدر ایلمشدر (بیت) * للودادی
* بحمد الله چو اولدی ترجمه آخر * اکا ضم ایلمدم بر در فاخر *

* منندن انتخاب ایدوب چقاردم * و دادیدن اثر قالسون بو آخر *
الله جل جلاله و عم نواله قرآن عظیمده بیورمشدر * ولقد کذبت
رسل من قبلك فصبروا علی ما کذبوا و اودوا حتی اتاهم نصرنا *
معنای شریفی عزت و عظمت حقیچون یا محمد سندن اول کلان پیغمبر
تکذیب اولندیلر پس انلر تکذیب اولند قلیینه صبر ایلمدیلر و اول
پیغمبرلر ادا و جفا اولندیلر تا بزم عون و نصر تمز انلره کلنجه بو آیتده
نکته بودر که الله تعالی بر قولنی کند ی طرفنه میل ایتد یرمک ایسنسه
اول قولک اوزرینه خلقک ادا و جفا سنی مسلط ایلمر تا که انلردن بالکلیه
کسلوب توجهنی حتمه خلوص اوزره ایلییه آنکیچون انبیا و اصفیا
اوزرلرینه اعدا مسلط اولوب ادا و جفا حکمشدر در محبوب حق
اولدقلردن اوتری (وسید علی خواص دیمشدر که انسانک هر بار که
مقامی عالی اولسه جن و انسدن حساد و اعداسی چوق اولور و عبده
کمال نعمتدن عدو و حاسدی بولمق تا که صبرله کمال اجر حاصل اوله
واکر اول حسود و عدو اولییدی اول اجر ی فوت ایتک لازم کلوردی
و شیخ ابوالحسن شاذلی دیمشدر بردشمنکه سنی حضرت حقه و اصل
ایدر اول دوستدن خیر لیدر که سنی ربکدن بعید ایدر ایمدی جمیع
عبادتدن مراد اخلاق ذمیه بی کیدروب اخلاق حمیده تحصیل ایدوب
کشی حسن خلق صاحبی اولمقدور و بو خصصت اول زمان قرار داده
اولور که خلقک ادا و جفا سنه صبر و تحمل ایلیوب کندیدن کیمسه یه
بغیر حق ادا و جفا دخی صادر اولیه پس رسول الله علیه السلامدن
صکره عرض و مال و نفسلرینه اذادن ظلمله و عداوتله قتل اولنانلری
بیان ایلییه لم تا که انلره تأسف چکوب بزجلین دینلره تسلی قلب
حاصل اوله و دینلرینی یقین جماعت دخی ذکر اولنور تا که انلرک
صفاتندن اجتناب اولنه و بالله التوفیق حضرت رسول اکرم صلی الله
علیه وسلم مرض موتنده بیورمشدر که حالا یهودیه خیبرینک زهرلی
قوزیسندن یدیکم زهر تأثیر ایتمشدر دیو شهادت شهادتی طاعتیغندن
خبر و یرمشدر و ابو بکر صدیق رضی الله تعالی عنه مسموما کتمشدر

وحضرت عمر رضی الله تعالی عنه شهیداً کشتش صلاة بخورده ایکن
مغیره نک غلامی ابو لؤاؤ بوش بو کر نه خنجر له اورم شد در وحضرت
عثمان رضی الله تعالی عنه مسجدده منبر اوزرنده ایکن محاصره ایدوب
طاشله جماعتی مسجد دن چیقاروب وکنندینی رجله منبردن بیقوب
ایلدرقدنصرکه یته نقل ایتدیلر بعده اوده اوتوروب مصحفندن
قراءت ایدر ایکن قتل ایلدیلر وحضرت علی بن ابی طالب رضی الله
تعالی عنه وکرم الله وجهه مقتولا کتمشدر عبدالرحمن بن ملجم زهرناک
قلجه آلتندن چالمش ایدی وموت حضرت علی دنصرکه ابن ملجم
دخی طوتلوب قتل اولندی وحضرت حسن رضی الله تعالی عنه مسموما
کتمشدر که برخا تون بر شخصک اغواسیله طعامن زهرلش کندوی
معاویه تزوج ایتسون دیوفوت اولدقدن تزوج ایتمش خسرت فی الدنیا
والاخرة وحضرت حسین رضی الله تعالی عنه کر بلاد ماوقله اور یلوب
مقتولا وفات ایتدی ومدینه ده انک قتلی سبیله نهیب و قتل واقع
اولوب حتی دیرلر که اول وقعه ده اون بیک آدم قتل اولندی حکمت
خدا بوفتنلر واقع اولدی وعبداللہ بن زبیر مکده مقتولا کتمشدر
کعبه یه قیاندیغنده حجاج ظالم منجیق قیوب کعبه نک برطرفی یقدقندن
صکره طوتوب صلب ایلش وامام زین العابدین مقتولا آخرته کتمشدر
رحمه الله رحمة واسعة وزید بن حسن دخی صلبا قتل اولمشدر کذلک
سیده نفیسه پدیری حسن وجعفر صادق ومحمد باقر وموسی کاظم
وحسن عسکری کذلک ابراهیم بن زید که امام مالک انکله مقاتله
ایلشدر بونلرک جملہ سی قتل اولمشلدر کذلک محمد بن ابی بکر قتل
اولندی رحمه الله تعالی وعمر بن عبدالعزیز زهرلثوب کتمشدر وهشام
بن عبدالملک صلاح ودیانت اوزره ایکن بعدالوفات قیرندن چیقاروب
صلب ایتدیلر وولید بن یزیدی قتل ایلوب باشین آردیلر وکنندی
فاسقلردن ایدی جله فسقندن بری بودرکه بر سکرانه جاریه
چیقاروب ناسه امامت ایتدیرمشدر ومصحفی آتسه یاقدران بودر
وبونی ذکر ایتدیکن آنکیچوندر که خلیفه ایکن یته دیننده بلایه مبتلا

اولمشدر العباد بالله تعالی بو عرض ویدن ایتلا سندن اشددر و بوصفاتدن
اجتناب لازم اولدیغنی بیان ایچوندر ومروان بن محمد بن مروانی قتل
ایلدیلر خلیفه اولدقدنصرکه شام وبغدادہ بنی امیه خلفاسنک آخری
بودر وابومسلم خراسانی مقتولا کتمشدر که اتی باقی بغدادہ منصور
خلیفه که جمیع عباسیه نک پدربدر قتل ایلشدر خلافتندن اول
کندیته امر بالمعروف ایدوب طریق حقد ارشاد ایتدیکیچون قتله
انتقام آلمشدر وامین بن هرون الرشیدی حبسه قتل ایدوب باشین کسوب
یته تشهیر اولمشدر ومتوکل خلیفه مقتولا کتمشدر حالبو که بدعتی دفع
ایدوب سنتی احبب وقرآن مخلوقدر دینلری عقاب و جزا ایتشیدی
اوغلی منتصر خلافتہ قصد ایتکله خلق اکا متابعت ایدوب قتل
ایلشدر ومستعین بالله خلیفه معتز واسطه سیله خلافتدن خلع ایدوب
حبس ایلدیلر بعده باشین کسدیلر حتی قاتلی کوکسونه چیقوب بو عزلق
استد کده * اشهد ان لا اله الا الله وان محمدا رسول الله * دیمشدر بعده
معتز بالله ای انواع حقارتله قتل ایلشدر باشی کوزنی دیمه ایلہ مجروح
ایتد کدنصرکه بر قاج کوناسی کونشده باغلیوب جامده حوضه براغوب
اسی صویک ایچنده بوغدرمشلدر ومهتدی بالله قتل ایلدیلر
حالبو که خلافت سریرنه کچد کدنصرکه کوندزین افطار ایتمش دکل
ایدی وحين افطارنده یدیکی بقل وخل ایدی وبرعبادن جبه سی وار
ایدی اتی کیجه ایلہ کوب زیرزمینده برخلوت خانه ده عبادت ایدرایدی
وسبب قتلی اولدرکه خدم وحشمی مظالمدن منع ایدردی پس
انلرجله دوزوب قتل ایلدیلر وخلیفه ابن معتزی نیجه ایام جور
واشکنجه دنصرکه بوغدیلر حسین بن منصور حلاجی قتل ایتدیکی
کی اتی دخی مقتدر بالله اوچبوز طقوز تار یخنده قتل ایتشدر بعده
وزیرنه متابعتله خلق مقتدر بالله قتل ایلدیلر حتی باشنه قلیج ایلہ
اورد قلرنده بره بیلدک بن خلیفه یم دیمش قاتلی یلورم آنکیچون اوردم
دبو قلیجیله بوغازلیوب باشی سنکویه دکش واوزرنده اولان لباسنی
صومش حتی مکشوف العوره قالوب اوتلق ایلہ ادب یرین اورمشلدر
بونک خلافتی زماننده عبدالله ابوطاهر قرمطی هجر شهرندن مکده

تغلبا کلوب که به نیک قیوسنی قویاروب آلان و نالان ایلدوب اوتوز بیک
مقداری آدم قتل اولوب حتی نیجه مقتولی بتر زمزمه برایشلردر و نسا
وصبیانندن اوتوز بیک نفس اسیر ایشلردر و دخول و هجومی یوم
ترویه ده واقع اولوب کثرت خلق واریکن ینه غالب کلوب بلاد هجره
دونوب کشدر و حجر اسودی قویاروب شهر ینه نقل ایتدیرمش دیو بیان
اولمشدر و قاهر بالله خلیفه بی قتل ایلدیلر کوزنه آتشدن میل چکوب
اول حاله وفات ایشدر حاله که عزت و دولته اول مرتبه ده ایشدر که
دولت خانه سنده خصیلردن همان اون بیک خادمی واریدی و عبید
اضحی ده قرق بیک رأس بقر واللی بیک عدد غنم قربان ایدردی
و متقی بالله خلیفه نک کوزلر ینه میل چکوب بغداد ده حبسه اوردیلر
یکرمی درت کوند نصکره بودرددن وفات ایشدر بونک خلافتی زماننده
روم ملکی آدم کوندروب رها شهرنده واقع برکایساردن برمندیل استمش
دیرلر که عیسی علیه السلام انکله یوزنی سایشدر و انک مقابله سنده اون بیک
اسیر آزاد ایتکله و عدا ایش پس مذکور مندیلی و یروب قیصر
و عده سنده وفا ایشدر و خلیفه مستکفی بالله دار خلافتنده سریری
اوزرنده اوتوررایکن اوزر ینه هجوم ایدوب تختندن آشفه ایاغندن
چکوب کوزلر ینه میل چکدیلر حتی اندن وفات ایتدی و یونی اشلین
دیلیم ایدی ابن خلکان دیشدر که ملک روم ایلچیلر کوندوروب قتاله
بومذکور خلیفه بی تهدید ایلدیکنده ایلچیلره عسکر و زبنتی اظهار
ایلدی یوز التمش بیک عسکرین مسلح و مرتب صف صف ایشیدی
و حاجیلری همان یدی یوز اووب غلمان مرصع و مذهب قوشاقلریله
کذلک خدام و خصیان بی حساب خدمتنده طوروب دارا خلافت
دوشمه لر و خالیلریله و پرده لر ایله مزین اووب همان دیباج مذهب
اوتوز سکر بیک پرده و دوشمه و خالیلر بوکا کوره اووب و جله زبنتدن
بری ذهب و فضه دن براتاج دوزلمش ایدی اون سکر بوداغی اووب
بیراقلری دخی سیم و زردن اووب تحریریکله حرکت ایدردی و ذهب
و فضه دن اغاجلر اوزرنده قوشلر دوزیلوب ییل اسدیکه قوشلر انواع

صدای ایله اوتوزلردی (شیخ شعر اوی دیر که ایلدی نظر ایله ای قرنداشکه
شدت بلا ملوک دنیا به واکار ینه نعمت و رفاهیتلری نه کونا اولور (وطایع
بالله خلیفه بی حبس ایدوب وفاتی محبسه ده اولمشدر و انک عصرنده
اوچبوز یتش بشده عمارنه فیل قدر بر قوش چیقوب اوچ کون برده
اوزرنده طورمش و اسان فصیح ایله قد قرب الامر دیو صدا ایشدر
اوچ کوند نصکره دریایه اینوب غائب اولمشدر و مسترشد بالله
خلیفه بی قتل ایلدیلر باطنیه طائفه سندن اون یدی نفر کیمسه اوزر ینه
دخول ایدوب بیجاقلریله اوزوب پاره لدیلر بعده انلری دخی طوتوب
آتشه یاقدیلر و راشد بالله خلیفه بی حبسه عقیبتله قتل ایلدیلر
و بوخلیفه طوغدیغی حینده ذکر طقمش بولمغله پدری حکمای
جمع ایدوب صوبولین آچیشلردر باشنه ابتدا کلان بلا اول اولمشدر
و مستعصم بالله خلیفه بی قتل ایشلردر که خلفاء بغداد ک آخری
بودر و زربنک خیانتلکنده اوغرامشدر حتی هلا کویه سرا نامه یازمغله
کلوب مؤاخذه ایشدر حتی خلیفه بی اوغملیه یله بر غراره قیوب و انچه
یوالبوب بردن یره اوزمشلردر و اهالی بغداد دن ایکی بیک کوره
بیک و اوچبوز کوره بیک آدم قریمشدر و شهری یاقوب دنیا نیجه ییل
خلیفه سز قالمشدر و مصرده سلطان ملک عادل طول حبسندن
و شدت عفو بندن نصکره قتل ایشلردر در قرنداشی ملک صالحک اقدامیله
اما قتل ایتدیکنده انک دخی یکا غنده اکله ظهور ایدوب انکله وفات
ایدوب سلطنتله فائده لندی پس ملوک دنیا دن ادا و جفایه مبتلا اولان
بونلردر و بونلردن غیر بی حساب مبتلار وارد انجق برغونه ایچون
بونلر تحریر اولندی تابلوسونلر که اهل نعمتک حساد و اعداسی چوقدر
و آخرت نعمتله نائل اولانلرک حساد دخی آرتق اولوب انلرک
دیانتلری طرفنه اکثری دخل ایدوب ادا و جفا ایدرلر (شیخ ابوالحسن
شاذلی رحمه الله دیشدر کشی مقام علمده عالم و کامل اولان مادامکه درت
بلایه مبتلا اولیه بری شماتت اعدا ایکنجی ملامت اصدقا اوچنجی
طعن جهال دردیجی حسد علما اگر بونلره صبر ایدر ایدسه الله تعالی

انی امام ایدوب مقتدا ایدر و بوشیخ حسن شاذلینک سرگذشتی
 بویله در وقتا کم بلاد مغربده اخلاق حسنه سی شهرته واردی اعدا
 وحسده هر جانبدن بر یکدیگر و علیهمنه انواع سوزلر سویلدیلر حتی ناس
 انک مجلسندن منع ایلوب زندیقدر دیدیلر اول دخی الفرار مما لایطاق
 من سنن المرسلین فخواستجه انلرک اذاسنه نهایت اولسون ایچون مصره
 هجرت ایتک قصدین ایلدی اعدا وحسده خبر آلوب مصر سلطاننه
 مکتوبلر یازدیلر که جمله مضمونلرندن بری بودر که یقین زمانده
 سزک مملکتکزه زناده دن بر مغربی کلسه کر کدر عقاید مسلمینی
 نقض ایتدیکندن اوتوری برآنی مملکتزدن اخراج ایلدک انک کلام
 لطیفنه الدائمیه سکر کبار ملحدیندندر و یانجه استخدام ایتدیکی
 جن قومندندر پس شیخ مذکور مدینه اسکندریه یه کلدی اما
 بو خبر ترویر اندن مقدم کلکله اهل اسکندریه شیخک اذاسنده مبالغه
 ایلدیلر و بونک حالی سلطان مصره بیلدیروب قتلنی مباح ایده جک
 علامتله سویلدیلر سلطان مصر مغرب پادشاهنه مکتوب یازوب
 شیخ مذکورک کیفیت حالندن استفسار ایتش مغرب پادشاهی شیخک
 نیجیل و تعظیم وجهی اوزرینه اخلاق جیلن و اوصاف کریم
 تحریر ایتشکه تعبیردن بیروندر نارینه دخی نظر ایلدکده اعدا
 تحریرندن مؤخر بولوب سلطان مصر بو خصوصده تحیر ایدوب
 عاقبت نارنجی مؤخر اولانله عملی اولی در دیوشیخه اکرام ایلوب
 اسکندریه یه مکرما کوندردی اما خلقدن اذا ازدیاد اوزره اولدجه
 شیخ الله تعالیه توجه ایدوب صبر استردی حتی سلطان مصر کاهی
 آدم کوندروب شیخک خاطرین تفقد ایچون ودعا طلبیچون توقیر
 واکرام ایدردی اماناسدن بعض اهل حسده اذادن خالی اولوب
 اوزرینه سمیا وکمیا وقلابلق نهمتن اسناد ایدوب پادشاهه مکتوبله
 بیلدیردیلر و مجلسنه کمدن ینه خلایق منع ایلدیلر پادشاه بو خصوصده
 متغیر اولدی اتفاق برکون مذکور سلطان محمد ابن قلاونک خزینه داری
 برقباحتی اوچندن اختفا ایلوب اسکندریه یه شیخ یانسه واردی

سلطان خبرالیدیغنده مکتوب یازدیکه یاشیخ قرطاسلق وقلابلق
 ایتدیکنک قباحت بتزدخی سلطان غریمنه یتاقلق ایدرسن مکتوب
 وصولنده یابو طرفه فراری بی کوندرو یاخود بزایشیز بیلورز پس
 شیخ بو مکتوبله آدمی کوندردی سلطان غضبه کلوب تکرار
 خواصندن برینی کوندردی تا که شیخی قتلله تهدید ایلده و دییه که
 سلطان بنده لرینی ایچون اضلال ایدرسن سلطان خصمکسی کلوب
 بو کلامی شیخه دیدیکنده معاذ الله بزسلطان بنده لرینی اصلاح ایدرز
 واکر اعتقادیکز یوغبسه نظر ایلدک بزه سلطان حاصلندن بر بولک
 قلاوی کتورک سیره اصلاح نیجه اولور ایتش کوسره یم دیدی پس
 وافر قلاوی کتوروب شیخ انی جامعک صوی اولمیان فسقه سنه پراقدی
 و خزینه داری کتوروب وافر قلاوی اوزرینه بول ایله دیدی واروب
 بول ایتدیکنده جمله قلاوی خالص التون اولدی باقی کشتی بو اصلاح مبدر
 افسادمبدر بلی اصلاحدر دیدی وکلان خصمکی یه امر ایتدی اول
 التون سلطاننه هدیه کتوروب خزینه داری شفاعت ایلسون والتونی
 وزن ایدوب بش قنطار بولدیله پس سلطان بوند نصکره شیخه
 کمال اعتقاد باغلوب حتی شیخک زیار ایچون اسکندریه یه نزول ایلش
 وشیخه ملاقی اولدیغنده کوکلنده اولدنی طوتارمش که شیخدن صنعت
 کمپایی صوروب تعلم ایلده پس شیخ انک سرینه واقف اولوب حین
 ملاقاتده سلطان دخی سویلدین دیمشکه ای ملک بزم کمپامز تقوادر
 الله تعالیدن کمال خشتله قورقوب امرینه امثال ونهیندن اجتناب ایلده
 سکا کن حرفنی تعلیم ایلر پس شیخ مذکور بوند نصکره وفاتنه دک
 معظم و مکرم اولدی (شیخ شعرای دیر که اگر بوامتک علما و صلحاسندن
 اولان خواصنه عرضه متعلق کلام دینلیه ایدی مبالغه ایله تعظیم
 اولمقی بلکه عیسی علیه السلامه نصارا عبادت ایتدکلمری کی
 عبادت ایتک احتمالی اولوردی کرامت و ولایت ظهورندن اوتوری
 ایمدی معلوم اولسونکه انلری محالسنده استهزا و تنقیص ایتدکلمری
 شرعی دفع ایدرشی مثابه سنده در تکیم ابل نفیسه نک بو یننه کون

پارچه لرینی باغلر لر یا خود اکین لر قوری حیوان باشلرینی دیکر لر
 حدیث شریفده کلدیکی اوزره تا که خلقک نظری اول حقیر شیلره
 اولوب ذات نفیسه شرعین اصابت ایتیه ایمدی کندی دوستلرینی
 تکرری تعالی رجندن دنیاده حفظ و اجر لرینی زیاده اتمکچون اذا
 وجفای ناسی اوزر لرینه حواله ایلشدن زیر اکثریالی اتکی اوپوان کچمه لر
 دنیاده منجیق قوروب حسناتی شرقه و غربه آتوب طایعیدر آدم
 حکمنده در شهر تدن ناشیدر ایمدی بو حکمای تدن فهم اولدیکه جمیع
 اعمالک مرجعی تقوادر و اهل تقوانک عملی مقبول اولغه مخصوصدر
 قال الله تعالی * انما یتقبل الله من المتقین * والحمد لله رب العالمین
 وصلى الله تعالى على محمد وعلى جميع الانبياء والمرسلين وغفر الله لنا
 ولوالديننا ولاستاذنا وجميع المؤمنين والمؤمنات والمسلمين والمسلمات
 الاحياء منهم والاموات الى يوم الدين والحمد لله رب العالمين

قد تم طبع ترجمه الطريقة المحمدیه * فی السیرة الاحمدیه * المشهورة
 بتکلمة الطريقة * بمطبعة دار السلطنة السنية * فی عهد السلطان ابن
 السلطان * السلطان عبد المجید خان * دامت شوکتہ مادام الدوران
 بنظارة * السيد مصطفى سامی * عنی عنه خالق الجسم
 النامي * وصادف ختام طبعها اوائل

رجب المرجب * لسنة ست

وخمسين و مائتين

والف



